


BIBLIOTHECA

CLASSICA LATINA

COLLECTIO

AUCTORUM CLASSICORUM LATINORUM

ITEM NOTIS ET INDICIBUS



On vendra, à Paris,

BIBLIOTHECA

CLASSICA LATINA

SIVE

COLLECTIO

AUCTORUM CLASSICORUM LATINORUM

CUM NOTIS ET INDICIBUS

On souscrit, à Paris,

CHEZ N. E. LEMAIRE, Éditeur, boulevard Italien, n^o. 22, en face des Bains Chinois.

BARROIS l'ainé, Libraire, rue de Seine, n^o. 10, F^{bg}. St.-Germ.

DEBURE frères, Libraires du Roi, rue Serpente, n^o. 7.

P. DIDOT l'ainé, Imprimeur du Roi, rue du Pont de Lodi, n^o. 6.

F. DIDOT, Imprimeur du Roi et de l'Institut, rue Jacob, n^o. 24.

DONDEY-DUPRÉ, Imprimeur-Libraire, rue St.-Louis, n^o. 46, au Marais; et rue Neuve Saint-Marc, n^o. 10.

TREUTTEL et WURTZ, Libraires, rue de Bourbon, n^o. 17.

AUG. RENOUARD, Libraire, rue Saint-André-des-Arcs, n^o. 55.

BOSSANGE père, Libraire, rue de Richelieu, n^o. 60.

BRUNOT-LABBE, Libraire, quai des Augustins, n^o. 33.

ARTHUS-BERTRAND, Libraire, rue Hautefeuille, n^o. 23.

AL. EYMERY, Libraire, rue Mazarine, n^o. 30.

MONGIE aîné, Libraire, boulevard Poissonnière, n^o. 18.

H. VERDIÈRE, Libraire, quai des Augustins, n^o. 25.

N. PICHARD, Libraire, quai Conti, n^o. 5.

Et chez tous les Libraires de France et des pays étrangers.

Q963 Am
PUBLIUS
OVIDIUS NASO

EX RECESSIBUS
HEINSIO-BURMANNI

CUM
FARRIS LECTIOIBUS CODICUM PARISIENSIS

PUBLII OVIDII NASONIS

QUÆ EXTANT

OMNIA OPERA

VOLUMEN SEPTIMUM



PARISIIS

COLLEGIT NICOLAUS ELIGIUS LEMAITRE

PROFESSOR LINGUÆ GRÆCÆ

MDCCLXX

**EXCUBEANT AUG.-FR. DONDEY-DUPRÉ, PATER,
ET PROSPER DONDEY-DUPRÉ, FILIUS.**

OMNIA OPERA

AL. EYCHENY, Libraire, rue de la Harpe, n° 30.
M. PICHARD, Libraire, rue de la Harpe, n° 30.
M. PICHARD, Libraire, rue de la Harpe, n° 30.

Vendre dans les Librairies de France et des pays étrangers.

LL
0965 Am

PUBLIUS
OVIDIUS NASO

EX RECENSIONE
HEINSIO-BURMANNIANA

CUM
VARIIS LECTIONIBUS CODICUM PARISINORUM

CUI NOVAS ADDIDIT NOTAS

NICOL. ELIG. LEMAIRE

IN REGIA GALLIARUM UNIVERSITATE ET IN ACADEMIA PARISIENSI POESEOS LATINÆ
PROFESSOR

VOLUMEN SEPTIMUM



PARISIIS

COLLIGEBAT NICOLAUS ELIGIUS LEMAIRE

POESEOS LATINÆ PROFESSOR

~~~~~  
MDCCXXII

0202 AM

1914

OVERLAP

STATIONER'S CODES

STATIONER'S CODES

20277

6



PARIS

COLLEGE OF THE CITY OF PARIS

1914

**PUBLII OVIDII NASONIS**  
**TRISTIUM**  
**LIBRI QUINQUE**  
**ET**  
**EPISTOLARUM EX PONTO**  
**LIBRI QUATUOR.**



PUBLIS OVIDI NASONES

TRISTIM

LIBRI QUINQUE

II

EPISTOLARUM EX PONTO

LIBRI QUATUOR

# PUBLII OVIDII NASONIS

## TRISTIUM

### LIBER PRIMUS.

#### ELEGIA PRIMA.

##### ARGUMENTUM.

Per prosopopeiam exsul et infelix poeta librum suum admonet, ut e Scythia ad urbem profecturus, eo habitu accedat, quo exsules utuntur: mandatque, quod velit responderi sciscitantibus, quid ipse agat. Docet simul, quomodo se excuset, si forte carmina hæc visa fuerint ejus ingenio minora: postremo jubet, ut Palatium evitet, unde fulmen emissum in se fuisse commemorat.

**P**ARVE, nec invideo, sine me, liber, ibis in urbem;  
Hei mihi! quo domino non licet ire tuo.

*N. B.* Quæ nullius nomine subscribuntur, notas concinnavit, vel fecit Editor, N. E. LEMAIRE.

Horum librorum exemplaria etsi præsto fuere non pauca, nullum tamen inter illa, quod multum senii, aut vetustatis præ se ferret, præter Vaticanum unum et Hamburgense: cum Vaticano Politiani schedæ, ut plurimum, conspirant; quamquam ne illi quidem codices ad ætatem sexcentorum annorum adsurgant: reliqui recentioris sunt notæ, qui suo loco designabuntur: eos inter Combiï codex Venetus, et unus Palatinus palmam facile ferunt. HEINS. —

VII.

*Tristium*, quia a tristi atque exsule poeta conscripti; materiamque habent tristem: neque hi ab illis, quos de Ponto, a loco, appellavit, quidquam differunt, nisi quod in his amicorum præfixit nomina, et in illis Tristibus non præposuit.

1. *Parve liber.* Vel solam hanc elegiam, vel certe totum opus de Tristibus, aut, quod magis placet Ciofano, Pontano et aliis, primum librum intellige. — *Nec invideo*, vel, non obisto, non veto: vel potius, non doleo quod sis exiguus, quia non eris invidiæ.

2. *Quo: alii quod, vel quàm.*

Vade, sed incultus, qualem decet exsulis esse;

Infelix, habitum temporis hujus habe.

Nec te purpureo velent vaccinia fuco;

5

Non est conveniens luctibus ille color.

Nec titulus minio, nec cedro charta notetur;

Candida nec nigra cornua fronte geras.

Felices ornent hæc instrumenta libellos:

3. *Qualem decet exsulis esse.* Exsules enim in squalore erant.

4. *Hujus temporis*; quo, non sine luctu maximo, Tomis, longissime a patria, vitam suam Naso trahebat.

5. *Nec te purpureo.* Nec purpureo amictu induaris. *Vaccinia.* Vaccinia violas esse purpurei coloris, Servius scribit. Plinius vero scribit fruticem esse in Gallia purpureum, idoneum ad tingendum; vide hanc vocem in indice plantarum Virgilii; edit. nost. ad extremitatem vol. VIII. *Purpureo succo.* *Fuco* Polit. Hamburg. Vatic. et alii octo aut novem ex castigatioribus: recte; absonum enim prorsus istum *velare succo*. Sequenti hexametro *charta notetur* pro *notetur* venuste Rottendorph. liber: in uno Mediceo pro diversa lectione *ligetur*: forte pro *linatur*. Horatius, de Arte poetica, vs. 332: *speramus carmina fingi Posse linenda cedro.* — *Illini* quoque *minio* habes apud Plinium, lib. XXIII, c. 7: «Enumerat actores Verrius, quibus credere sit necesse, Jovis ipsius simulacri faciem diebus festis minio illini solitam triumphantiaque corpora.» *Perunctum cedro libellum* dixit Mart.

7. *Nec titulus minio.* Inscriptiones et tituli elegantiae causa fiebant rubrica, hoc est, minio, aut cinnabari. Gall. *Vermillon.* P. *Nec cedro charta notetur.* Cedrus arbor est, quæ cariem et vetustatem non sentit. MER.

Succo, aut oleo cedrino linebantur chartæ, diuturnitatis, et conservationis a carie, et odoris ergo. Plin. lib. XVI, cap. 29.

8. *Candida cornua.* Cornua appellat superiorem et inferiorem chartæ partem: *frontem* vero nigram, ipsam paginam. MER.—Scribebant antiqui in altera tantum paginarum facie, perpetuo ductu, ad extremum usque folium: in quo firmitudinis gratia cylindrum, seu bacillum teretem, cedrinum vel eburneum agglutinabant, secundum latitudinem membranæ præcisæ, eundemque nominabant umbilicum; quod sicut umbilicus in medio ventre, sic ille libro jam circumvoluto medius esset. Hujus bacilli capita, superne et inferne eminentia, argento, auro, aut ebore ornatus causa præmuniebant; et hæc *cornua* dicebant. Postea paginas instar spiræ convolutas complicabant, indeque *volumen* nominabant, a volvendo. PONT.—Vide et Paul. Manut. in Epist. Fam. VII, lib. III, qui dicit, extremas partes, extra volumen eminentes, ob cornuum similitudinem, *cornua* vocari: quibus et ornamentum aliquod addi solitum. Dicit ergo Ovidius libro suo: Ne geras candida cornua, quæ indicia sunt fortunæ lætioris; sed atrata. C.

9. *Hæc instrumenta.* Hæc ornamenta prædicta, quæ feliciter auctoris statum indicant.



Fortunæ memorem te decet esse meæ.

10

Nec fragili geminæ poliantur pumice frontes,

Hirsutus passis ut videare comis.

Neve liturarum pudeat : qui viderit illas,

De lacrymis factas sentiet esse meis.

Vade, liber, verbisque meis loca grata saluta :

15

Contingam certe quo licet illa pede.

Si quis, ut in populo, nostri non immemor illic,

Si quis, qui, quid agam, forte requirat, erit ;

Vivere me dices, salvum tamen esse negabis :

Id quoque, quod vivam, munus habere Dei.

20

Atque ita te cautus quærenti plura legendum,

11. *Geminæ*. Utramque chartæ planitiem intelligit, puta exteriorē, et interiorē : quæ ambæ prius pumice radebantur, tum ob elegantiam, tum ne asperitas calamus offenderet ac retardaret ; sic et Martial. III, II, 7, librum suum adloquens ait : « Cedro nunc licet ambules perunctus, Et frontis gemino decens honore, Pictis luxuriis umbilicis, Et te purpura delicata velet, Et cocco rubeat superbus index. » — *Fragili pumice*. Erant autem pumices in usu poliendorum librorum gratia : laudatissimi sunt in Melo, Scyro, et Æoliis insulis : probatio in candore, et in minimo pondere, et ut quam maxime spongiosi atque aridi sint, ac teri faciles ; unde Ovidius non immerito, *fragilem* appellavit.

12. *Sparsis comis*. *Passis* editiones antiquæ, et interscriptos codices multi : probe : nihil frequentius occurrit apud Nasonem. Hafniensis *comas* pro diversa lectione ; ut usitato græcismo videatur reponendum : « Hirsutus passas ut videare comas. » Mox etiam *sentiet* meliores. HEINS.

13. *Liturarum*. Macularum. Ovid. Her. III, 3 : « Quascumque adspicies, lacrymæ fecere lituras. »

17. *Si quis, ut in populo, nostri etc*. Multi *immemor exstat* : duo cum prima editione *illi*. Scribe *illic* : requirat etiam castigatiorēs : pro *Si quis* posteriori versu, quæ repetitio inconcinna est, si quid video, *Civis* rectius reponatur, utcumque membranis omnibus invitis : « Si quis, ut in populo, nostri non immemor illic Civis, qui, quid agam, forte requirat, erit. » HEINS.

20. *Dei*. Augusti Cæsaris : nam eo usque processit ars assentatoria, vel potius politica, ut eum, quem noluerant regem accipere, Deum fecerint.

21-22. *Teque ita tu tacitus*. Scripti *Atque ita tu*, vel *te* : codex Barberin. præterea, qui inter meliores est, *cautus* agnoscit ; de quo mox videbimus : *tacitus* enim dici vix potest, quem loquentem inducit ; et eadem vox paulo post iteratur minus concinne. HEINS.—*Atque ita tu tacitus*. Ut ordo : atque ita tacitus quærenti plura, te legendum dabis : ne forte loquere ea, quæ non est opus loqui.

Ne, quæ non opus est, forte loquare, dabis.  
 Protinus admonitus repetet mea crimina lector;  
 Et peragar populi publicus ore reus.  
 Neu, cave, defendas, quamvis mordebere dictis : 25  
 Causa patrocínio non bona pejor erit.  
 Invenies aliquem, qui me suspiret ademtum,  
 Carmina nec siccis perlegat ista genis;  
 Et tacitus secum, ne quis malus audiat, optet,  
 Sit mea, lenito Cæsare, pœna minor. 30  
 Nos quoque, quisquis erit, ne sit miser ille, precamur,  
 Placatos misero qui volet esse Deos :  
 Quæque volet, rata sint; ablataque principis ira  
 Sedibus in patriis det mihi posse mori.

Innuít autem tres de Arte amandi libros. — *Ne, quæ non opus est, forte loquare, dabis.* Cave veteres nostri; et plerique quod pro quæ: primæ editiones, *Ne quod opus non est.* Puto: « Atque ita te cautus quærenti plura legendum, Ne, quod non sit opus, forte loquare, dato. » HEINS. — Ego putem *tacitus* esse retinendum; nam etsi loquentem induceret poeta librum, recte tamen *tacitus* dici potest, quum illa vox sæpe notet sine arbitris, sine teste. Dicit, si plura quis quærat, tu tacebis, sed dabis te legendum, ne forte loquaris, quod opus non est, id est, quod nocere posset tibi et mihi, domino tuo.

23. *Mea carmina.* Meos libros amatorios: sed legimus cum Oberl. *mea crimina*: scripsisse amatoria, et nescio quid vidisse, duo sunt Nasonis peccata.

24. *Et peragar pluribus ... reus.* Et non tantum a Cæsare, sed etiam ab omnibus condemnabor. *Agere enim reum*, est reum accusare, reum facere, inter reos referre. — *Publicus.*

Ut qui in rempublic. commiserim: male pluribus.

26. *Causa patrocínio non bona major erit.* Pejor sex scripti argute: et paulo ante *Neu, cave, defendas* scribendum pro *Tu*: quidam enim veterum *Me*: alii *Te*. HEINS.

29. *Malus*, qui continuo, quasi officii ergo, audita ad imperatorem deferat.

30. *Pœna levis.* Minor quinque veteres: ut lib. III, El. VI, 24: *Mutatoque minor sit mea pœna loco.*

31. *Ne sit miser ipse.* Ille scripti: et *miser* pro *miseris* in versu proximo.

33. *Quæque volet; rata sint.* *Malim Quæ volet; o rata sint*, vel, *ah! rata sint.* *Ablata ira* immerito offendit Ciofanum, ut parum latine dictum; nam *auferre iram* elegans non minus est, quam *auferre jurgium* apud Plautum, et apud Virgilium *metum auferre*. Posset tamen et *sublata ira* legi, vel *sedata*, vel denique *pacata*, quum *placata* sit in nonnullis, quod in superiori versu præcesserat.



Ut perages mandata, liber, culpabere forsā, 35  
 Ingeniique minor laude ferere mei.  
 Judicis officium est, ut res, ita tempora rerum  
 Quærere : quæsito tempore tutus eris.  
 Carmina proveniunt animo deducta sereno :  
 Nubila sunt subitis tempora nostra malis. 40  
 Carmina secessum scribentis et otia quærunt :  
 Me mare, me venti, me fera jactat hyems.  
 Carminibus metus omnis abest : ego perditus ensem  
 Hæsurum jugulo jam puto jamque meo.  
 Hæc quoque, quod facio, judex mirabitur æquus, 45  
 Scriptaque cum venia qualiacumque leget.  
 Da mihi Mæoniden, et tot circumspice casus ;

35. Scribendum *Ut perages mandata, liber* : dum perages. Vulgati et scripti *peragas* ; sed non tam penetrato sensu.

37. *Ut res*. Rem hic appellat negotium in cujus quæstione quæritur locus, tempus, modus, occasio. *Ita tempora*. Tempus hic est, opportunitas. MER. — *Judicis officium*. Digressio, qua sua carmina, quæ nulla animi tranquillitate nulloque satis commodo loco scripta esse ait, excusat. CIOF.

39. *Deducta*. Translatio a lana, quæ in tenuitatem deducitur.

40. *Nubila sunt subitis tempora nostra malis*. Immo *pectora* ; quicquid libri veteres dissentiant : *nubem animo removit* inf. Eleg. III, 13 : familiaris est supinis librariis hic error : sic infra Eleg. VIII, vers. 39, hoc libro, *pectora serena*, ubi *tempora* hactenus legebatur : *animum serenum* dixerat superiori versu. HEINS. — *Tempora nostra* ; quod prætulimus, tristia : sic Cicero multum sæpe isto vocabulo utitur : dicit etiam,

*Valere temporibus* ; quum nempe ex alterius incommodo sua quis capit commoda. *In turbido enim minus perspicue adparet, quid rerum agatur*.

42. *Me fera jactat hyems*. Erat enim in Scythica regione poeta, quæ magnis frigoribus vexatur ; vel ut Ciof. vult, per *hyemem*, asperam tempestatem intelligit ; quia credit hunc librum in itinere scriptum.

43. *Abest* ; abesse debet ; namque alio distracta cura minime illa nequit expendere quæ ad legitimos versus requiruntur.

44. *Ensem* ; vel ab inimicis exsulem persequentibus, vel a Scythis, qui maxime barbari metum injiciunt.

45. *Hæc quoque quæ facio*. *Hoc quoque quod facio* vetustiores. Lege, *Hæc quoque, quod facio*. HEINS. — *Judex mirabitur*. Æquus rerum æstimator meliores versus a me non requirit ; immo mirabitur, tali tempore, tam bonos a me scriptos. PONT.

47. *Da mihi Mæoniden*. Fac me Homero parem. BERSMAN. — *Et tot circumspice casus*. Nil mutant libri

Ingenium tantis excidet omne malis.  
 Denique securus famæ, liber, ire memento;  
 Nec tibi sit lecto displicuisse pudor : 50  
 Non ita se nobis præbet fortuna secundam,  
 Ut tibi sit ratio laudis habenda tuæ.  
 Donec eram sospes, tituli tangebar amore,  
 Quærendique mihi nominis ardor erat.  
 Carmina nunc si non studiumque, quod obfuit, odi, 55  
 Sit satis : ingenio sic fuga parta meo.  
 I tamen, i, pro me tu, cui licet, adspice Romam :  
 Dî facerent, possem nunc meus esse liber !  
 Nec te, quod venias magnam peregrinus in urbem,  
 Ignotum populo posse venire puta. 60  
 Ut titulo careas, ipso noscere colore ;  
 Dissimulare velis te licet esse meum.  
 Clam tamen intrato, ne te mea carmina lædant :  
 Non sunt, ut quondam plena favoris erant.  
 Si quis erit, qui te, quia sis meus, esse legendum 65  
 Non putet, e gremio rejiciatque suo ;  
 Inspice, dic, titulum : non sum præceptor amoris :

veteres. Censeo nihilominus scribendum *circumjice*, quo verbo Tullius ac Livius non semel utuntur. H.

53. *Tituli tangebar amore. Honore* malim cum tribus scriptis. HEINS.

54. *Quærendi nominis.* Comparandæ famæ, sic lib. V, Eleg. XII, 39 : « Nominis et famæ quondam fulgore trahebar, Dum tulit antennas aura secunda meas. »

57. *I tamen, et pro me. Tu tamen, i pro me* Polit. Vatic. et tres alii : alter Politiani, *I nunc et pro me.* Scribe, *I tamen, i, pro me* ; qui sane venustior loquendi modus est.

58. *Nunc meus.* Probe meliores libri magno numero *possem nunc meus*

*esse liber* : eleganter, quod et in suis invenerat Naugerius. Vulgati *perperam posset non meus esse.* HEINS.

61. *Ipsa colore.* Nigro et lugubri habitu, et versibus quibus conscriptus es. M.

65. *Quod si meus. Quia sis* meliores et recte : de quo alibi est dictum ; Trist. lib. II, 49, ex antiquis libris : *Utque tuus gaudet miles, quia vicerit hostem.* HEINS.

67. *Non sum præceptor amoris.* Non tracto artem amandi, ut fratres mei tres : et II de Pont. El. x, 15 : « Naso parum prudens artem dum tractat amandi, Doctrinæ pretium triste magister habet. »



Quas meruit, pœnas jam dedit illud opus.  
 Forsitan exspectes, an in alta palatia missum  
 Scandere te jubœam, Cæsareamque domum.  
 Ignoscant augusta mihi loca, Dîque locorum :  
 Venit in hoc illa fulmen ab arce caput.  
 Esse quidem memini mitissima sedibus illis  
 Numina : sed timeo, qui nocuere, Deos.  
 Terretur minimo pennæ stridore columba,  
 Unguibus, accipiter, saucia facta tuis.  
 Nec procul a stabulis audet secedere, si qua  
 Excussa est avidi dentibus agna lupi.  
 Vitaret cælum Phaeton, si viveret, et quos  
 Optarat stulte, tangere nollet equos.  
 Me quoque, quæ sensi, fateor Jovis arma timere :  
 Me reor infesto, quum tonat, igne peti.  
 Quicumque Argolica de classe Capharea fugit,

70

75

80

69. *An in alta palatia. Ut in alta*  
 Junianus : placet ; sic lib. III Artis  
 Amatoriæ : *Scilicet exspectas, ut te*  
*in convivia ducam.* HEINS.

71. *Augusta. Augustum* sanctum et  
 religiosum significat ; Ov. in Fast. I,  
 609 : « Sancta vocant augusta patres,  
 augusta vocantur Tempia sacerdo-  
 tum rite dicata manu. » Et loca quo-  
 que religiosa, et in quibus augurato  
 quid consecratur, *augusta* dicuntur  
 ab auctu, vel ab avium gestu gustu-  
 ve. *Dîque locorum.* Apollinem Palat.  
 Dianam, Jovem opt. max. Junonem,  
 Minervam, alios Deos Deasque :  
 vel potius, intellige Augustum, qui  
 vivens divinos meruit honores.

72. *Fulmen* ; de exilio suo loqui-  
 tur, quo ab Augusto, quasi fulmine,  
 proturbatus.

73. *Esse quidem.* Sic lib. V, El. II, 37,  
 ad uxorem : « Quid dubitas et adire  
 times ? accede rogaque : Cæsare nil

ingens mitius orbis habet. » Tum  
 et aliis locis ejus clementiam laudat.

77. *Si qua* veteres ; alii *Si quæ* :  
*secedere* etiam Thuaneus liber : duo  
 alii *decedere.* HEINS.

80. *Tangere nollet. Jungere* fra-  
 gmentum Boxbornianum, ut Met.  
 II, vers. 118 : *Jungere equos Titan*  
*velocibus imperat Horis.* HEINS.

81. *Arma Jovis.* Augusti iram.

83. *Quicumque Argolica de classe*  
*Capharea fugit*, etc. Græci quoque,  
 qui semel tempestatem evaserunt,  
 apud montem Capharea, semper  
 loca illa devitant. Quibus exemplis  
 colligit, se quoque loca, unde ful-  
 mine prostratus est, fugere statuisse.  
 Sane Nauplius Palamedis pater, ut  
 filii sui necem ulcisceretur, elevata  
 facula signum dedit ex Caphareo  
 Eubœæ promontorio, Græcis nau-  
 fragio laborantibus ; qui credentes  
 ignibus indicari portum tutissimum,

Semper ab Euboicis vela retorquet aquis.  
 Et mea cymba, semel vasta percussa procella, 85  
 Illum, quo læsa est, horret adire locum.  
 Ergo, care liber, timida circumspice mente,  
 Et satis a media sit tibi plebe legi.  
 Dum petit infirmis nimium sublimia pennis  
 Icarus, Icarîis nomina fecit aquis. 90  
 Difficile est tamen, hic remis utaris, an aura,  
 Dicere; consilium resque locusque dabunt.  
 Si poteris vacuo tradi, si cuncta videbis  
 Mitia, si vires fregerit ira suas;  
 Si quis erit, qui te dubitantem et adire timentem 95

inter asperrimos scopulos naufragium fecere. MER. — Sic sublimis ille BOSSUET: « *Ceux qui sont échappés du naufrage, disent un éternel adieu à la mer et aux vaisseaux.* » ORAIS. fun. de la reine d'Angleterre.

87. *Ergo cave, liber, et timida.* Redde suos numeros Nasoni, et scribe vel invitis membranis: *Ergo age, care liber, timida circumspice mente.* Nusquam enim quod sciam, posteriorem τὸν *ergo* syllabam corripuit. *Ergo age*, usitata passim Nasoni formula; infinita sunt in promptu exempla: Combrianus codex proxime ad verum, *Ergo, care liber.* Posset et *caute liber* reponi: pro *Ut satis* idem Combrianus et Boxhornii fragmentum *Non*; forte pro *Num*; alii octo *An*: videtur *Et satis* scribendum. H.

88. *A media plebe.* A mediocri turba, id est, a civibus mediæ sortis.

90. *Icarias nomine fecit aquas.* *Icarîis nomina fecit aquis* scribendum cum Moreti libro; quod et Gryphianam editionem occupavit: *æquoreas aquas*, septem vetustiores; unde Politianus, *æquoreis nomina fecit aquis*: et sic Vossianus pro di-

versa lectione; sed quum in uno Vaticano *signat aquas* offenderim, id pro vera lectione amplecti non dubito; Trist. lib. III, Eleg. IV, 21: « *Quid fuit, ut tutas agitare Dædalus alas, Icarus immensas nomine signet aquas.* » Quo loco etiam *fecit* in multis veterum; et pro *immensas* in tribus *æquoreas*; in quatuor *Icarias*; Epist. Paridis: *Nec qui Myrtoas crimine signet aquas.* HEINS.

91. *Difficile est tamen, hic remis utaris, an aura.* Hinc remis octo meliores: quidam etiam *in aura*, ut Pont. lib. XI, Eleg. VI, ex antiquis exemplaribus, *remo tamen utor in aura*; sed hic aliud vult Noster. *An ala* codex Petri Servii. Scribe: *Difficile est remis tamen hic utaris, an ala Dicere.* *Ala* pro *velo*: sic apud Virgil. *velorum pandimus alas*; et apud Claudianum, *scissis velorum debilis alis*, de navi. HEINS.

93. *Vacuo*; namque ille qui re aliqua animum habet maxime occupatum, ad alia vocari inique patitur. Quod sedulo iis advertendum qui magna ad principes procurant.

94. *Si vires fregerit suas.* Sic lib. III,

Tradat, et ante tamen pauca loquatur, adi.  
 Luce bona, dominoque tuo felicior ipse  
 Pervenias illuc, et mala nostra leves.  
 Namque ea vel nemo, vel qui mihi vulnera fecit,  
 Solus Achilleo tollere more potest. 100  
 Tantum ne noceas, dum vis prodesse, videto :  
 Nam spes est animi nostra timore minor.  
 Quæque quiescebat, ne mota resæviat ira,  
 Et pœnæ tu sis altera causa, cave.  
 Quum tamen in nostrum fueris penetrale receptus, 105  
 Contigerisque tuam scrinia curva domum,  
 Adspicies illic positos ex ordine fratres,  
 Quos studium cunctos evigilavit idem.  
 Cætera turba palam titulos ostendet apertos,  
 Et sua detecta nomina fronte geret. 110  
 Tres procul obscura latitantes parte videbis :  
 Hi quoque, quod nemo nescit, amare docent.

EL. VIII, 19 : « Forsitan hoc olim, quum se satiaverit ira, Tunc quoque sollicita mente rogandus erit. »

96. *Et ante tamen pauca loquatur.* *Locutus* Bersmanni liber et tres ex nostris. Scribe, ut parenti meo videbatur, *at ante tamen pauca locutus, adit*; vel *loquatur* per parenthesis: mox *felicior ipse* cum melioribus. HEINS.

97. *Luce bona.* Felici die, et felicior ipso tuo domino; nam supra: *Hei mihi! quo domino non licet ire tuo.*

100. *More Achilleo.* Ut fecit Achilles, qui Telephum a se hasta percussus, eadem sanavit; et Ovid. in primo de Remedio Amoris, vs. 47: « Vulnus Achilleo quæ quondam fecerat hosti, Vulneris auxilium Pelias hasta tulit. »

102. *Nam spes est animi nostra ti-*

*more minor.* Animo multi veteres: an magno timore? HEINS.—*Spes est timore minor.* *Liceat sperare timenti* Lucan. Phars. lib. II, vers. 15.

105. *In nostrum penetrale.* In nostrum cubiculum. MER.

106. *Scrinia parva.* Curva libri meliores magna ex parte. *Scrinia curva* Arculas. Hor. I, S. I, 120: *Nem Crispini scrinia lippi* Compilasse putes. B.

107. *Fratres.* Libros alios Ovidii.

108. *Quos studium.* Quos eodem omnes studio, vigilia et cura genui.

109. *Titulos ostendit apertos.* *Ostendet* Vatican. et sex alii meliores. Idem cum opt. Palat. aliisque quatuor, *geret pro gerit*, sequenti versu; duo *gerunt*; unus *gerent*. HEINS.

111. *Tres*; illos dicit quibus artem amandi docuit: sicut et alii docuerant.



Hos tu vel fugias, vel, si satis oris habebis,  
 OEdipodas facito, Telegonosque voces.  
 Deque tribus, moneo, si qua est tibi cura parentis, 115  
 Ne quemquam, quamvis ipse docebit, ames.  
 Sunt quoque mutatae ter quinque volumina formae,  
 Nuper ab exsequiis carmina rapta meis :  
 His mando dicas, inter mutata referri  
 Fortunae vultum corpora posse meae. 120  
 Namque ea dissimilis subito est effecta priori :  
 Flendaque nunc, aliquo tempore laeta fuit.  
 Plura quidem mandare tibi, si quaeris, habebam ;  
 Sed vereor tardae causa fuisse morae.  
 Quod si, quae subeunt, tecum, liber, omnia ferres, 125  
 Sarcina laturo magna futurus eras.  
 Longa via est ; propera : nobis habitabitur orbis  
 Ultimus, a terra terra remota mea.

113. *Hos tu. Malo Quos.* Sequenti versu pro *Telegonas*, quod nihili est, cum melioribus reponere *Telegonos*. HEINS.—*Vel, si satis oris*, etc. Os Latinis non raro significat audaciam, impudentiam.

114. *OEdipodas Telegonosque.* Similes Oedipo ac Telegono, ac per hoc parricidas ; uterque enim patrem suum, quamquam nescientes, interfecerunt : ita illi me auctorem ac parentem suum in exilium, quod mihi mortis instar, et morte etiam acerbius est, pepulerunt. PONT. C.

115. *Deque tribus.* De tribus libris de Arte amandi. — *Parentis.* Patris Ovidii ; si tibi curae et cordi est, et illum offendere vereris. — *Si qua est tibi cura.* Si qua tibi cura cum tribus scriptis ; quod mollius. HEINS.

117. *Sunt quoque mutatae.* Metamorphoseon opus intelligit.

118. *Ab exsequiis meis.* A meo ex-

silio, quo consternatus poeta non potuit tanto operi postremam manum imponere ; nam illo discessu e patria, quasi ad rogum visus est efferri.

124. *Tardae causa morae.* *Tardae viae* Polit. Vatican. et Rottendorph. paulo ante malim *alio tempore* quam *aliquo*. HEINS.

125. *Et si quae subeunt.* *Quod si* cum uno Medic. et Hafniensi : mox pro *laturo* opt. Vatic. Polit. Palat. et quatuor alii *latori* ; nescio an satis latine pro Augusti seculo : Sueton. tamen in Caligula, *latorem* pro tabellario dixit. HEINS.

128. *A terra terra remota mea.* *Tua est* liber Servii. Lege *a terra tua*, quo tu properas : nisi  $\tau\omicron$  patria excidit : *a patria terra remota mea* ; quod verum puto ; nam suam terram Pontum vocat alibi non semel. HEINS.

## ELEGIA II.

## ARGUMENTUM.

In exilium proficiscens poeta, jubente Augusto, deprehensusque in medio mari, fluctibusque pæne obrutus, Deos precatur, ut ipsi saltem ignoscant, nec cum Cæsare ipsum funditus perdant; probatque multis exemplis posse eos id facere. Describit deinde tempestatem: tum Deos precatur, ut se incolumem ad Tomitas perducant.

Dî maris et cæli, quid enim nisi vota supersunt?

Solvere quassatæ parcite membra ratis:

Neve, precor, magni subscribite Cæsaris iræ:

Sæpe, premente Deo, fert Deus alter opem.

Mulciber in Trojam, pro Troja stabat Apollo;

Æqua Venus Teucris, Pallas iniqua fuit.

Oderat Ænean propior Saturnia Turno;

Ille tamen Veneris numine tutus erat.

Sæpe ferox cautum petiit Neptunus Ulyssem;

1. *Dî maris.* Deos maris intelligit, Neptunum, Glaucum, Tritones, Palæmona, Phorcum; quos in quinto Æneid. libro eleganter Virgilius describit.

2. *Quassatæ ratis.* Ex Virgil. IV, Æneid. 53: *Quassatæque rates, et non tractabile cælum.*

5. *Pro Troja stabat Apollo.* Homerus, quinto Iliad. ostendit Apollinem favisse Trojanis. Hinc etiam Paridis sagittam in solam Achillis corporis partem, quæ vulnerabilis esset, direxit. PONT.

6. *Pallas;* ipsa Venus, Æn. II, a vs. 610, Æneæ suo Palladem, Junonem, Neptunum, Jovem ipsum ostendit urbem Trojam eruentes.

7. *Propior Saturnia Turno;* id est, magis favens, ejus tutelam et curam gerens: ita apud Plautum Mostel. II, 1, *Pluma haud interest patronus an cliens propior sit homini.*

8. *Veneris numine.* Alii *munere.* HEINS.

9. *Sæpe ferox cautum.* Neptunus, iratus, quod Ulysses prius Palamedem nepotem insontem perdidisset,

- Eripuit patruo sæpe Minerva suo. 10  
 Et nobis aliquod, quamvis distamus ab illis,  
 Quid vetat irato numen adesse Deo?  
 Verba miser frustra non proficientia perdo:  
 Ipsa graves spargunt ora loquentis aquæ;  
 Terribilisque Notus jactat mea dicta; precesque, 15  
 Ad quos mittuntur, non sinit ire Deos.  
 Ergo îdem venti, ne causa lædar in una,  
 Velaque nescio quo, votaue nostra ferunt?  
 Me miserum, quanti montes volvuntur aquarum!  
 Jam jam tacturos sidera summa putes. 20  
 Quantæ diducto subsidunt æquore valles!  
 Jam jam tacturas Tartara nigra putes.  
 Quocumque adspicias, nihil est nisi pontus et aer,  
 Fluctibus hic tumidis, nubibus ille minax.  
 Inter utrumque fremunt immani turbine venti: 25

deinde Polyphemum filium occæcasset, decem annos per mare illum insecutus est: cui semper adfuit Pallas. Quod ideo finxit Homerus, quoniam ille comitem habuit prudentiam, quam poetico ritu Minervam nuncupavit: qua comite, omnia horrenda subiit, omnia adversa superavit. PAUL.

10. *Patruo suo.* Neptuno Jovis fratri; cujus erat filia Pallas.

12. *Quis vetat. Quid vetat* cum Thuaneo et Bersmanni codice. H.

15. *Jactat mea verba. Dicta* cum Polit. et octo aliis; nam *verba* præcesserat. HEINS.

19. *Montes volvuntur aquarum.* Hyperbole; sic *Æn.* I, 105: *Insequitur cumulo præruptus aquæ mons*, et *Fluctusque ad sidera tollit*.—Mallet hic Burmannus tollantur, quod sequenti *subsidunt* responderet; sed non addicunt manuscripti codices.

21. *Quantæ diducto.* Virgil. « Hi summo in fluctu pendent, his unda dehiscens, Terram inter fluctus aperit; » *Æneid.* I, 110.—*Subsidunt æquore.* Magis magisque profundæ adparent aquarum valles. P.

23. *Quocumque adspicio.* Buslidianus et Comb. *adspicies.* Scribe, *Quocumque adspicias.* Pont. lib. I, El. III, 35, « Quocumque adspicias, campi cultore carentes, Vastaque, quæ nemo vindicet, arva jacent. » *Infra Eleg. III*: « Quocumque adspiceres, luctus gemitusque sonabant. » *Aer* etiam pro *æther* plerique: et *tumidis* pro *tumidus* sequenti versu Polit. Palat. Hamburg. et quatuor alii. H.

24. *Tumidis; tumidus* Burm.

25. *Fremunt immani murmure venti. Turbine* duodecim veteres; ut apud Virg. *Æn.* lib. VI, 594: *præcipitemque immani turbine adegit.* H.—*Immani turbine.* Magna ventorum,



Nescit, cui domino pareat, unda maris.

Nam modo purpureo vires capit Eurys ab ortu ;

Nunc Zephyrus sero vespere missus adest :

Nunc gelidus sicca Boreas bacchatur ab Arcto ;

Nunc Notus adversa praelia fronte gerit.

30

Rector in incerto est : nec , quid fugiatve , petatve ,

Invenit : ambiguis ars stupet ipsa malis.

Scilicet occidimus ; nec spes , nisi vana , salutis :

Dumque loquor , vultus obruit unda meos.

Opprimet hanc animam fluctus ; frustra precanti

35

Ore necaturas accipiemus aquas.

volubilitate , nec sine fragore , proxima quæque prosternente. Apuleius de Mundo : *Turbo enim dicitur , qui repentinis flabris prosilit , atque universa perturbat.*

26. *Nescit , cui domino.* Causa subijcitur ; quia quum sint quatuor venti , Eurys ab ortu luctatur cum Zephyro ab occasu ; et Boreas a septentrione spirat adversus Austrum a meridie. Quare in medio relictum pelagus necessario extumescit , et cui pareat nescit , id est , cujus flatibus obtemperet. PONT.—Hinc Lucanus videtur sua hausisse , lib. V , vers. 602 , *Et dubium pendet , vento cui concidat , æquor ;* ubi , *cui pareat* legendum esse , docuit Broukhus. ad Tibull. I , x , 9.

28. *Sero vespere ; sacro Junian.*

29. *Sicca Arcto.* Id est , æquoris experte , ut alibi loquitur ; vel revera sicca , ut *siccus Aquilones* dixit , lib. III , Eleg. x , 53 ; Manilius , lib. I : « Alter ab excelso decurrens limes Olympo Serpentis caudam , siccas et dividit Arctos. » Tres tamen antiqui *Scythica Arcto.* HEINS.

30. *Nunc Notus adversa praelia fronte gerit.* Sic *venturi praelia venti*

Virg. Quod Æschyl. pulchre in *Prometh.* . . σκίρτῃ δ' ἀνέμου . . Πνεύματα πάντων εἰς ἄλλα . . Στάσιν ἀντίπουν ἀποδιανύμενα. *Alpini Boreæ , nunc hinc , nunc flatibus illinc . . inter se certant ;* Virg. IV *Æn.* 442. Id quod ex perenni fonte : Ως δ' ὄνιμις Νῆς Πόντου δρένεται ἰχθυόεντα , Βορέης καὶ Ζέφυρος , τῷ τι Θρήκηθεν ἄκτον ἑλθόντ' ἱσταίνης , etc. Homerus , *Iliad.* I , a versu 4. *Adversa fronte.* Est enim Notus Boreæ oppositus , siquidem a meridie flat.

31. *Nec , quid fugiatve , petatve , Invenit :* sic et Lucanus , lib. V , vs. 645 : « Artis opem vicere metus , nescitque magister , Quam frangat , cui cedat aquæ. »

32. *Ambiguis ars stupet ipsa malis.* Sic Palin. *Æn.* V , 13 : « Heu ! quia-  
nam tanti cinxerunt æthera nimbi ? Quidve , pater Neptune , paras ? »

33. *Nec spes est ulla salutis. Nec spes , nisi vana , salutis* Combrianus liber , multo numerosius : legebam aliquando , *nes spes super ulla saluti est.*

36. *Ore necaturas accipiemus aquas.* Bona locutio ; sic Virgil. VI *Æneid.* 413 : « Gemit sub pondere cymba Sutilis , et multam accepit rimosa

At pia nil aliud quam me dolet exsule conjux :

Hoc unum nostri scitque gemitque mali.

Nescit in immenso jactari corpora ponto ;

Nescit agi ventis ; nescit adesse necem.

40

Dî bene, quod non sum mecum conscendere passus ,

Ne mihi mors misero bis patienda foret !

At nunc, ut peream, quoniam caret illa periclo,

Dimidia certe parte superstes ero.

Hei mihi ! quam celeri micuerunt nubila flamma !

45

Quantus ab ætherio personat axe fragor !

Nec levius laterum tabulæ feriuntur ab undis ,

Quam grave balistæ mœnia pulsat onus.

Qui venit hic fluctus, fluctus supereminet omnes ;

Posterior nono est, undecimoque prior.

50

Nec letum timeo : genus est miserabile leti.

Demite naufragium ; mors mihi munus erit.

paludem ; » et III *Æn.* 242 : « Sed neque vim plumis ullam, nec vulnera tergo Accipiunt. »

38. *Scitque gemitque. Fletque Regius liber.* HEINS.

39. *Jactari corpora ;* lib. III, El. II, 15 : « Dum tamen, et ventis dubius jactabar, et undis. »

41. *O bene. Di bene* octo aut novem ex melioribus ; ita Statius, Claudianus, Ausonius, et alii : quomodo et *Di melius et Di meliora.* HEINS.

43. *At nunc ut peream.* Quamvis naufragio mihi vita adimatur, incolumi mea uxore, vivere quidem mihi videbor. CIOFAN.

45. *Quam celeri micuerunt.* Quam celeriter coruscavit, quod fit, quum flatus aut vapor longiore nititur tractu. Quum vero in nube luctatur, tonitrua eduntur ; quum erumpit ardens, fulminat. Plin.

48. *Grave onus balistæ.* Gravia

pondera et saxa, quæ vibrantur balistis. Est autem *balista*, tormentum, quo saxa majora et graviora mittuntur : vide Vitruv. lib. X, cap. 16 ; Veget. lib. IV, cap. 22.

50. *Posterior nono est, undecimoque prior.* Fluctum intelligit, quem poetæ *decimum* sive *decumanum* appellant, qui maximus esse solet. Unde *decumanam* etiam *portam* in castris maximam, et ab hoste aversam, appellat Livius : vide et Politian. in Miscellan. VI.

51. *Non letum timeo. Nec scripti.* HEINS. — *Genus est miserabile leti.* Grave enim ( ut docet Homerus ) perire naufragio : quia anima ignea est, et exstingui videtur in aqua, elemento contrario ; tum quia sic morientes piscibus esca fiunt, nec tumulo mandantur.

52. *Mors mihi munus erit ;* Seneca in Agam. *Mors mihi erit securitas.*

Est aliquid, fatove suo ferrove cadentem

In solita moriens ponere corpus humo :

Est mandata suis aliquid sperare sepulcra ,

55

Et non æquoreis piscibus esse cibum.

Fingite me dignum tali nece : non ego solus

Hic vehor : immeritos cur mea pœna trahit ?

Proh Superi , viridesque Dei , quibus æquora curæ !

Utraque jam vestras sistite turba minas.

60

Quamque dedit vitam mitissima Cæsaris ira ,

Hanc sinite infelix in loca jussa feram.

Si, quam commerui , pœnam me pendere vultis ,

Culpa mea est, ipso iudice, morte minor.

53. *Est aliquid, fatove suo ferrove cadentem. Cadenti duo veteres; forte cadentis: reliqui fere cadendum, pro cadentum.* Mortui enim non ponunt se in terra, sed ponuntur. Lege etiam *fatove suo ferrove* quæ eo spectant, ut mortem spontaneam a violenta distinguat. Sequenti versu in plurimis *solita humo* pro *solida*: hoc est, quod Tristium lib. IV, El. III, 46, dicit, *tactam nascenti humus*: « Et cinis in tumulo positus jacuisset avito, Tactaque nascenti corpus haberet humus. » Virgil. Æn. IX, 213: « Sit qui me raptum pugna pretiove redemptum Mandet humo solita; aut, si qua id fortuna vetabit, Absenti ferat inferias, decoretque sepulcro. » H.

55. *Et mandare suis aliqua, et sperare sepulcrum.* Scripti fere omnes *aliquid sperare*; vel, *aliquid et sperare*; tres *aliquod*; Combrianus *aliquo*; unus Vaticanus *aliqua sperare sepulcra*. Scribe: « Est mandata suis aliquid sperare sepulcra. » Ita et numeri, qui duriores erant, constabunt versui, et sensus. *Mandata sepulcra*, ut Fastorum lib. V, 657:

« Displicet hæredi mandati cura sepulcri. » HEINS.

58. *Hic vehor; huc plurimi scripti et editi: forte, hac, scilicet, navi.* Notum est, unum noxium, sæpe exitium aliis, eadem navi vectis, creditum concitare posse; vide ad Hor. III, Od. II, v. 26 sqq. — *Proh Superi*, quibus in ventos potestas.

60. *Utraque turba.* Et cæli et maris Dii. MER.

62. *In loca jussa*, etc. In Ponticam oram.

63. *Si quoniam merui pœnam, me perdere vultis. Pendere unus Medicus pro diversa lectione; Rottendorphian. prendere; præterea prim. editio et duo scripti, si quam promerui; sex, si quoque quam merui; totidem quamquam merui; opt. Vatican. si merui pœnam quamquam; duo quia quam meruit; alia veterissima editio quia commerui.* Scribe: « Si, quam commerui, pœnam me pendere vultis. » Trist. lib. II, 4: « An semel est pœnam commeruisse parum? » — *Pendere pœnam* familiaris locutio Nasoni: Fastor. III, 845: « Capitis quæ pendere pœnas Ex



Mittere me Stygias si jam voluisset ad undas

65

Cæsar, in hoc vestra non eguisset ope.

Est illi nostri non invidiosa cruoris

Copia : quodque dedit, quum volet, ipse feret.

Vos modo, quos certe nullo puto crimine læsos,

Contenti nostris, Dî, precor, este malis.

70

Nec tamen, ut cuncti miserum servare velitis,

Quod periit, salvum jam caput esse potest.

Ut mare considat, ventisque ferentibus utar,

Ut mihi parcatis; num minus exsul ero?

Non ego, divitias avidus sine fine parandi,

75

Latum mutandis mercibus æquor aro :

Nec peto, quas quondam petii studiosus, Athenas;

Oppida non Asiæ, non loca visa prius :

Non ut, Alexandri claram delatus in urbem,

Delicias videam, Nile jocose, tuas.

80

illo jubeat furta reperta loco ; » atque ita passim. HEINS.

67. *Cruoris copia.* Mortis meæ postestas, quæ penes Cæsarem est, etc. CIOFAN.

68. *Quodque dedit.* Vitam quam mihi concessit Augustus. *Feret.* Adimet, eripiet.

69. *Puto crimine læsi.* Læsos concinnius septem veteres; et sequenti versu, pro *jam precor* Combrianus et Medonii codex, *vos precor.* Servii liber *Dî, precor,* etiam bene. HEINS.

73. *Ut mare subsadat. Considat* meliores omnes, et mox *num minus* pro *non* repono, de quo ad Epistolam Canaces. HEINS.—*Ventis ferentibus.* Ventis secundis et portantibus me in Ponticam regionem.

74. *Et mihi;* lib. unus Vatican. et Aldinus, *ut mihi;* quod omnino probamus; his enim et similibus repetitionibus sæpissime uti poeta solet.

76. *Aro.* Navigo. Virg. *Et vastum maris æquor arandum.*

78. *Oppida non Asiæ, non mihi visa prius.* Non loca *visa prius* cum castigationibus. Asiam enim viderat cum Maximo; Pont. lib. II, Eleg. x, vs. 21 : « Te duce, magnificas Asiæ perspeximus urbes. » Notavit hanc quoque lectionem ex suo codice in Observationibus doctissimus Gronovius. HEINS.—*Oppida non Asiæ.* Meruit enim sub M. Varrone, et cum eo in Asiam profectus est.

79. *In urbem Alexandri.* Alexandriam intelligit, quam in Ægypto conditam de suo nomine appellavit. MER.—Eam luxui, ludis et jocis, ac vitæ molli et voluptariæ deditam fuisse, indicat Quintil. lib. I, ubi nimiam parentum erga liberōs indulgentiam accusat. N.

80. *Tuas delicias.* Tuos jocos. *Nile jocose.* Nilum ideo *jocosum* appellat,

Quod faciles opto ventos, quis credere possit?

Sarmatis est tellus, quam mea vota petunt.

Obligor, ut tangam lævi fera litora Ponti;

Quodque sit a patria tam fuga tarda, queror.

Nescio quo videam positos ut in orbe Tomitas,

85

Exilem facio per mea vota viam.

Seu me diligitis, tantos compescite fluctus,

Pronaque sint nostræ numina vestra rati:

Seu magis odistis, jussæ me advertite terræ;

Supplicii pars est in regione mei.

90

quoniam Canopi erat Serapidis templum, quod ab Alexandria 20 stadiis distabat. Eo ingens ex Alexandria turba per fossam ad solennia descendebat. Nam die ac nocte naviculis plena erat virorum ac mulierum, impudenter canentium ac saltantium, cum omni dissolutione; a quorum jocis poeta *Nilum jocosum* appellavit: quin totam Ægyptum fuisse his moribus, indicat Martial. lib. IV, xli, 6: *Nequitias tellus scit dare nulla magis*.

81. *Quod facile est opto ventos*. Lege *faciles ventos* vel sine adsensu veterum librorum: *possit pro posset scripti*. Præterea forte scribendum, *Quo faciles*. Amor. lib. III, El. II, vers. 37: *Vis tamen interea faciles arcessere ventos?* HEINS.

82. *Tellus Sarmatis*. Sarmatia, regio est, cujus pars sita est in Europa, pars vero in Asia. Illud notandum, *Sarmatas* a Romanis, a Græcis *Sauromas* appellari. Eos nunc Polonos appellamus.—*Vota; vela* omnes fere scripti, et editi nonnulli: et certe *mox vota* sequuntur.

83. *Obligor; obloquor* Palatin. male. Obligor nimirum votis, quæ pro felici adpulsu ad Scythicam terram suscipio. Sic *obligatam dapem red-*

*dere*, Horat. II, Od. VII, 17; et *obligare caput votis*, II, Od. VIII, 7.

84. *Jam fuga tarda. Tam tarda* cum quinque scriptis, et mox cum plerisque *Exilem viam*, non *Exilii*. *Exilem viam* pro brevi et compendiosa dixit. HEINS.

85. *Tomitas*. Tomos urbs fuit in Getico litore: sic dicta, quoniam illic Medea fratrem trucidavit. MER.

87. *Seu me; si me* edidit Gryphius, Micyllus, et quidam alii.

89. *Jussæ me advertite terræ*. Sic Virgil. V, 34: *Et tandem læti notæ advertuntur arenæ*.

90. *Supplicii pars est in regione mori*. *Hac regione* quinque veteres. Scripserat, puto, Ovidius: « Supplicii pars est in regione mei: » hoc est quod lib. III, El. x, vs. 77, dicit: « Ergo tam longe pateat quum maximus orbis, Hæc est in pœnam terra reperta meam? » Pro *mei*, *meri* a librario aberrante erat factum; hinc natum, *mori: pœnæ suæ tellurem* vocat Trist. III, El. II, 18: « Et pœnæ tellus est mihi tacta meæ. » Non dissimili modo dixit Trist. III, Eleg. VIII, v. 26: « Sive mei causa est in regione mali; » et Pont. III, Eleg. I, vers. 10, ad Ponticam regionem: « Tu pessima duro Pars es in exsi-

Ferte, quid hic facio? rapidi meâ carbasa venti :  
 Ausonios fines cur mea vela vident?  
 Noluit hoc Cæsar : quid, quem fugat ille, tenetis?  
 Adspiciat vultus Pontica terra meos.  
 Et jubet, et mæruî : nec, quæ damnaverit ille,  
 Crimina defendi fasve piumve puto.  
 Si tamen acta Deos nunquam mortalia fallunt,  
 A culpa facinus scitis abesse mea.  
 Immo ita; vos scitis, si me meus abstulit error,  
 Stultaque mens nobis, non scelerata fuit;  
 Quamlibet e minimis, domui si favimus illi;  
 Si satis Augusti publica jussa mihi;

95

100

lio : tu mala nostra gravas. » Auget exsiliî pœnam locus, in quem sum relegatus. HEINS.

91. *Ferte rapidi mea corpora venti.* Diu est quod *carbasa* conjeci legendum, quum eam mihi postea lectionem confirmavit Gottorphianus. Hamburgensis *cornua*; etiam non male : ut mali cornua intelligat, de quibus Met. XI, vs. 476 : « Cornuaque in summa locat arbore. » H.

92. *Ausonios fines.* Italiæ fines. Vi enim tempestatis referebantur in Italiam relicto priori cursu.

99. *Immo ita si scitis, si me meus abstulit error.* Plurimi *vos scitis*. Posset et legi *Di scitis*. Medonianus, *malus error*; similis diversitas, lib. II, v. 109 : « Illa namque die, qua me malus abstulit error. » Alii enim *meus*; sed Virg. Ecl. VIII, 41 : « Ut vidi, ut perii, ut me malus abstulit error. » Met. X, 342, ex antiquis libris : « Retinet malus error amantem. » Arond. *meus impulit error*. H.

101. *Quod licet e minimis.* Lege *Quamlibet* cum tribus scriptis, et vide quæ notamus ad Ep. VI, 140, vol. I nost. edit. p. 138. Tres alii *Quam*

*licet*, quinque *qua licet*; alii aliter.

102. *Si satis Augusti publica jussa mihi.* Locus haud dubie corruptus : *jussa tuli* quatuor veteres. Gottorph. *jussa mei*; an *Augusti Dei*? quomodo *Augustos Deos* dixit Pont. III, Eleg. VI. Politiani prior, *visa mihi*; fragmentum Boxhornii, *cura fuit*. Non me expedio ex hac Charybdi. Opinor tamen hoc loco errorem esse commissum a librariis oscitantibus : ut una syllaba ob similitudinem proximæ præcedentis sit omissa. Pro *jussa* recte *visa* optimus Politiani codex; deinde *tuli*, pro *mihi*, a vero minime abest : scriptum enim antiquitus *visalus*, pro *visa salus*; sed et pro *satis* reponendum *laris* : « Si *laris* Augusti publica *visa salus* : » si in domus Augusti salute, mihi *visa* est consistere salus reipublicæ. HEINS. — Hæc Heinsii Burmanno non displicet conjectura; sed pro *laris* legeret : « Si patris Augusti publica *visa salus* »; *Patris* enim nomen Augusto quasi proprium : idem vero dicit, quod illi adulatores apud Hor. I, Ep. XVI, 27 : « Tene magis saluum populus velit, an populum tu. »



Hoc duce si dixi felicia secula; proque  
 Cæsare tura pius Cæsaribusque dedi;  
 Si fuit hic animus nobis; ita parcite, Divi. 105  
 Sin minus; alta cadens obruat unda caput.  
 Fallor? an incipiunt gravidæ vanescere nubes,  
 Victaque mutati frangitur ira maris?  
 Non casus, sed vos sub conditione vocati,  
 Fallere quos non est, hanc mihi fertis opem. 110

103. *Si dixi felicia secula. Duxi* major veterum pars; nil mutandum. Met. XII, 217: *felicem diximus illa Conjuge Pirithoum*. HEINS.

104. *Cæsare tura pius. Pius* meliores. Quidam *prius*, vel *Deis*, vel *pia*: alii etiam *piis*; sed omnes male. — *Cæsaribusque*; Tiberium, ejusque filios Germanicum Drusumque intelligit.

106. *Alta cadens obruat unda caput. Duo alta maris*; totidem, *alta ruens*; unus *alta meum*. Putabam aliquando *alta nocens obruat unda*

*caput*, nisi quod id paulo longius abit a vulgata lectione. HEINS.

107. *Evanescere. Vanescere* meliores. HEINS.

109. *Non casu vos, sed sub conditione vocati*. Nihil turbatius hisce numeris. Primo *casus* scribendum cum vetustis quinque, ut Met. XIV, 162: *quis te casusve Deusve Servat, Achæmenide*? deinde plurimi, *sed vos sub conditione*: longe rectius, fragmentum meum, *sed, o vos sub conditione*. Scribe: *Non casus, sed ea vos conditione vocati*. HEINS.

## ELEGIA III.

### ARGUMENTUM.

Miserabiliter exponit poeta consternationem illam, qua adfectus est, posteaquam jussit eum Cæsar in exilium abire: quidque ea nocte etiam egerit, quæ fuit illi in urbe novissima, declarat. Miserabilius deinde uxoris, et domesticorum lacrymas describit.

QUUM subit illius tristissima noctis imago,  
 Quæ mihi supremum tempus in urbe fuit;

2. *Quæ mihi*; omnes fere scripti, *qua*; unus etiam, *quod*.

Quum repeto noctem, qua tot mihi cara reliqui;  
 Labitur ex oculis nunc quoque gutta meis.  
 Jam prope lux aderat, qua me discedere Cæsar 5  
 Finibus extremæ jusserat Ausoniæ.  
 Nec mens, nec spatium fuerant satis apta paranti:  
 Torpuerant longa pectora nostra mora.  
 Non mihi servorum, comitis non cura legendi;  
 Non aptæ profugo vestis opisve fuit. 10  
 Non aliter stupui, quam qui Jovis ignibus ictus  
 Vivit, et est vitæ nescius ipse suæ.  
 Ut tamen hanc animo nubem dolor ipse removit,  
 Et tandem sensus convaluere mei;  
 Adloquor extremum mæstos abiturus amicos, 15  
 Qui modo de multis unus et alter erant.  
 Uxor amans flentem flens acrius ipsa tenebat,  
 Imbre per indignas usque cadente genas.  
 Nata procul Libycis aberat diversa sub oris,

3. *Tot mihi cara.* Patriam, uxorem, domum, amicos, urbem, etc. CIOFAN.

4. *Tunc quoque. Nunc quoque* Rot-tendorph. rectius. HEINS.

7. *Fuerat satis apta parandi. Fue-rant* eleganter Barberin. *paranti* liber Petri Servii; *piandi* pro diversa lectione Combinus. Richelianus *pa-ratu* pro paratui, quod verum puto. HEINS.

9. *Comites non cura legendi. Comi-tis* Barberin. et pro diversa lectione Gottorphanus, optime: *comes*, pro comites. HEINS.

11. *Ictus*; Juret. ad Symmach. III, Ep. 6, in aliis codicibus esse *actus* testatur; et lib. IV, Eleg. III, vs. 69, *Jovis ignibus ustus*; et *ustus* hic erat in Moreti.

13. *Animi nubem dolor ipse remo-vit.* Malim *animo* ut Puteanus; lib.

VIII Met. 157, ex antiquis mem-branis: *Destinat hunc Minos thalamo remove pudorem.* HEINS.

14. *Et tandem sensus convaluere mei.* Sic Cæs. 8, B. G. *Animos consolatione sanat.* Et eleganter Sueton. in August. *Annona convaluit. Convaluere.* Cœperunt resipiscere. MER.—*Et tandem sensus convaluere.* Ubi me collegi, animusque rediit; seu animum recepi, qui a nebula illa et of-fusa caligine emersit. PONT.

16. *Qui modo de multis.* Inter eos qui in amicitiae officio manserant, Carum, Celsum et Maximum enu-merat, lib. III, Eleg. v.

17. *Flens acrius*; ita conjunge hæc duo verba. CIOFAN.—*Ipsa movebat*, unus; *dolebat*, Gottorph. Heinsius conjiciebat, *fovebat*.

19. *Nata.* Filia Perilla, quæ virum in Africam secuta fuerat.

Nec poterat fati certior esse mei.

20

Quocumque adspiceres, luctus gemitusque sonabant ;

Formaque non taciti funeris intus erat.

Femina, virque, meo pueri quoque funere mœrent ;

Inque domo lacrymas angulus omnis habet.

Si licet exemplis in parvo grandibus uti,

25

Hæc facies Trojæ, quum caperetur, erat.

Jamque quiescebant voces hominumque canumque,

Lunaque nocturnos alta regebat equos :

Hanc ego suspiciens, et ab hac Capitolia cernens,

Quæ nostro frustra juncta fuere Lari :

30

Numina vicinis habitantia sedibus, inquam,

Jamque oculis nunquam templa videnda meis,

Dîque relinquendi, quos urbs habet alta Quirini,

Este salutati tempus in omne mihi ;

Et quamquam sero clypeum post vulnera sumo,

35

Attamen hanc odiis exonerate fugam ;

Cælestique viro, quis me deceperit error,

Dicite ; pro culpa ne scelus esse putet.

29. *Et adhuc Capitolia cernens. Et ab hac* reponere cum plerisque antiquis, hoc est, postquam hanc adspexi : sic frequenter loqui amat Noster. HEINS.

30. *Quæ nostro frustra.* Frustra, inquit, quia nobis non profuerunt, quum præsentia numinum, ea inhabitantium, vicinos quoque tueri debuisset. Lares credebantur custodire domos, quibus focus erat sacer : ideo et Larium nomine et focus et universa domus vocari cœpta est. PONT. Vide et Gyrard. Syntag. 15.

31. *Numina vicinis.* Jovem Capitolinum, et cæteros designat, qui in Capitolio colebantur. Unde Manlius apud Liv. VI, 16, ita inquit : « Jupi-

ter optime maxime, Junoque regina, ac Minerva, cæterique Dii, Deæque, qui Capitolium, arcemque incolitis. » Valedicit ergo et Diis et loco.

33. *Urbs alta.* Roma, quæ in septem collibus, sive montibus posita erat. GIOFAN.

34. *Este salutati ;* hujusmodi locutio lib. I Fast. vs. 113, *Este bonis apibus visi natoque, mihi que :* et lib. IV Metamorph. *Estote rogati.*

35. *Clypeum.* Deorum præsidium, clypeum appellat. Ad tutelam vestram citius et ante vulnera, seu ante damnationem meam confugere me oportebat, ut ab exilio me conservaretis. PONT.

37. *Cælesti viro.* Augusto : qui et



Ut, quod vos scitis, pœnæ quoque sentiat auctor:

Placato possum non miser esse Deo.

40

Hac prece adoravi Superos ego; pluribus uxor,

Singultu medios præpediente sonos.

Illa etiam, ante Lares passis prostrata capillis,

Contigit extinctos ore tremante focos:

Multaque in aversos effudit verba Penates,

45

Pro deplorato non valitura viro.

Jamque moræ spatium nox præcipitata negabat,

Versaque ab axe suo Parrhasis Arctos erat.

vivus et mortuus divinos meruit honores.

39. *Ut, quæ sentitis, pœnæ quoque sentiat auctor. Ut, quod vos scitis* plerique veteres, et *possum pro possim*. Legendum fortasse: « Ut, quod vos scitis, pœnæ quoque si sciat auctor, Placato possim non miser esse Deo. » Superiori Elegia, vers. 99, ubi Deos adloquitur: *Immo ita; vos scitis*. PONT.

42. *Singultu medios præpediente sonos*. Lacrymis verba impredientibus; sic in Rem. Am. vs. 598: « Ruptaque singultu verba dolentis erant. » — *Medios sonos*. Media et imperfecta verba. *Singultu medios*. II Remed. *Ruptaque, singultu verba loquentis erant*. — *Impediente sonos*. Barbetin. *præpediente*, ut Epist. Hypermnestræ: « Et subitus dextra præpedit ossa tremor. » HEINS.

43. *Illa etiam, ante Lares passis prostrata capillis*. Pr. Polit. *intracta*; alter cum duobus aliis *abstracta*, unde Politianus ipse *atrata*. Certe Hamburg. *attrata*, at prim. Vatic. *attacta*; Barber. *projecta*; duo *astrata* pro *adstrata*, ut Metam. IX, *adsternunturque sepulcro*: alii, *abjecta*, *abstracta*, *attracta*, vel *adstrata*, vel *astrata*, et similia. HEINS.

44. *Extinctos focos*. Quidam scripti cum editis nonnullis *extractos*: æternos primus Vatic. et sex alii; unus Vatic. *externos*: lege *hesternos*. Virg. VIII, vs. 542: « Et primum Herculeis sopitas ignibus aras Excitat, hesternumque Larem: parvosque Penates Lætus adit. » Quamquam in nonnullis vetustissimis libris *externumque Larem* illic legitur, quam scripturam damnat Servius, et *hesternum Larem* interpretatur, cui *pridie sacrificaverat*; sed et *extincti foci* recte se habent, nam *ignis exstinguebatur* in exsilium iturus. Vossianus *antiquos*; ut lib. IV Fastorum, 410: « Detis et in veteres turea grana focos. » HEINS.

45. *In aversos effudit verba Penates*. Scribe *in aversos*. Horatius, lib. III, Od. XXXIII: *Mollibit aversos Penates Farre pio et salicite mica*. H. — *Effudit*. Quia nihil profecit, adversis et aversis Penatibus. PONT.

47. *Nox præcipitata*. Auroræ vicina. Et est notatio imminētis diluvii. *Nox præcipitata*. Virgil. de more Græc. *Et nox præcipitat*.

48. *Versaque ab* etc. Auroram designat, qua Plaustrum cæleste in orientem vertitur. *Parrhasis*; Arcadica, ab oppido appellata; fuit enim

Quid facerem? blando patriæ retinebar amore:

Ultima sed jussæ nox erat illa fugæ.

50

Ah! quoties aliquo dixi properante, quid urges?

Vel quo festines ire, vel unde, vide.

Ah! quoties certam me sum mentitus habere

Horam, propositæ quæ foret apta viæ.

Ter limen tetigi; ter sum revocatus: et ipse

53

Indulgens animo pes mihi tardus erat:

Sæpe, vale dicto, rursus sum multa locutus;

Et quasi discedens oscula summa dedi:

Sæpe eadem mandata dedi; meque ipse fefelli,

Respiciens oculis pignora cara meis.

60

Denique, quid propero? Scythia est, quo mittimur, inquam:

Roma relinquenda est: utraque justa mora est.

Uxor in æternum vivo mihi viva negatur,

Et domus, et fidæ dulcia membra domus.

Quosque ego fraterno dilexi more sodales,

65

O mihi Thesea pectora juncta fide!

Dum licet, amplectar: nunquam fortasse licebit

Amplius: in lucro, quæ datur hora, mihi est.

Nec mora; sermonis verba imperfecta relinquo,

Callisto filia Lycaonis regis Arcadiæ.

49. *Retinebar; tangebam* unus.

50. *Ultima sed jussæ*. Diebus scilicet elapsis, intra quos urbe et Italia jussus eram excedere. Qui enim relegabantur, iis dies excedendi a præsidibus dari solebat. BERSM.

52. *Vel quo festinas. Festines* meliores. HEINS.—*Quo, vel unde*. Quo, in extremum orbem: unde, a patria. In locum teterrimum a jucundissimo: et neutra de causa festinandum. PONT.

55. *Ter limen tetigi*. Adeo sinisterum omen putabant veteres limen offendere, quum domum ingrede-

rentur, domove egrederentur, ut id, quod tum facturierant, prospere sibi contingere non posse crederent. CIOFAN.

61. *Quid propero? quo* plurimi ex veteribus: *quid properas* Junii, Bernens. et sex alii, ut supra vers. 51, *quid urges*. Sed Heinsius malebat etiam, *quo mitteris*, ut se adloquatur; *mittitur* Vatic. et Putean.

64. *Dulcia membra*. Amicos, domesticos, servos, aut etiam divitias: hæc enim omnia sunt membra domus.

66. *Thesea fide*. Amore fido, qualis fuit Thesei in Pirithoum.

Complectens animo proxima quæque meo. 70  
 Dum loquor, et flemus, cælo nitidissimus alto,  
 Stella gravis nobis, Lucifer ortus erat.  
 Dividor haud aliter, quam si mea membra relinquam;  
 Et pars abrumpi corpore visa suo est.  
 Sic Priamus doluit, tunc quum in contraria versus 75  
 Ultiores habuit proditiōis equus.  
 Tum vero exoritur clamor gemitusque meorum,  
 Et feriunt mæstæ pectora nuda manus;  
 Tum vero conjux, humeris abeuntis inhærens,  
 Miscuit hæc lacrymis tristia dicta suis: 80  
 Non potes avelli; simul ah! simul ibimus, inquit,  
 Te sequar, et conjux exsulis exsul ero.  
 Et mihi facta via est: et me capit ultima tellus:  
 Accedam profugæ sarcina parva rati.  
 Te jubet e patria discedere Cæsaris ira; 85  
 Me pietas: pietas hæc mihi Cæsar erit.

70. *Amplectens.* Meliores *Complectens.* HEINS.

74. *Visa suo est; meo plurimi:* et ita Gryph. Micyll. et alii.

75. *Sic doluit Priamus* etc. *Sic doluit Metius* Combrianus et unus Bononiensis, quod Naugerius quoque videtur probasse in priori editione, secutus illos qui legunt præterea, *in contraria versos equos*. Si de Priamo intelligamus, malim *in contraria versæ proditiōis* legi, ut ad raptum Helenæ alludat; nam *raptō* est in uno codice. Sed comparatio parum ad rem facit, quocumque modo legas. Metii autem injecta mentio plane præter rem est. Quare certus sum hoc distichon ab illa manu esse, quæ sæpius adparet per hos libros, parum tempestiva; habebat autem in mente superiora ista, « Hæc facies

Trojæ, quum caperetur, erat, » quisquis hos versus confixit. HEINS.

80. *Miscuit hæc lacrymis tristia dicta meis.* Suis quinque scripti, rectius; vide notas, Epist. XVII, vs. 252, p. 326, vol. VIII Coll.; nonnulli etiam *verba*.

81. *Simul hinc simul ibimus ambo. Ibimus, inquit* plerique veteres, et *simul ah* nonnulli. Scribo præterea, *Num potes avelli?* Val. Flac. liv. V: *Minyæ clamore morantur, Avellique negant.* HEINS.

82. *Te sequar; et sequar* Servii.

83. *Ultima tellus.* Scythica et septentrionalis regio. Vel potius, quia eo in loco Ovidius navem conscendit. GIOFAN.

85. *Te jubet a patria. E patria* multi. HEINS.

86. *Me pietas: pietas.* Summam



Talia tentabat, sic et tentaverat ante;  
 Vixque dedit victas utilitate manus.  
 Egredior, sive illud erat sine funere ferri,  
 Squallidus immissis hirta per ora comis. 90  
 Illa, dolore mei, tenebris narratur obortis,  
 Semianimis media procubuisse domo.  
 Utque resurrexit, fœdatis pulvere turpi  
 Crinibus, et gelida membra levavit humo;  
 Se modo, desertos modo complorasse Penates, 95  
 Nomen et erepti sæpe vocasse viri;  
 Nec gemuisse minus, quam si natæve meumve  
 Vidisset structos corpus habere rogos;  
 Et voluisse mori; moriendo ponere sensus;  
 Respectuque tamen non posuisse mei. 100  
 Vivat, et absentem, quoniam sic fata tulerunt,  
 Vivat, et auxilio sublevet usque suo!

atque incredibilem movet commi-  
 serationem; quasi dicat, ego vo-  
 lens abibo, non imperio Cæsaris.  
 Sed *pietas* quæ *Cæsar* est, vix mihi  
 probanda videtur: nam si pietas  
 uxoris tangit exsulis animum, et so-  
 lari potest, alio sensu, scilicet in-  
 dignatione nomen Cæsaris adficere  
 debet. Malus est ingenii lusus, qui pu-  
 gnantes inter se adfectus conjungit.  
 89. *Sine funere ferri*. Meus ille  
 discessus fuit quasi elatio mei vivi  
 ad sepulturam, citra mortem.

90. *Per ora hirta*. Per faciem bar-  
 batam: in luctu enim capillum et  
 barbam non tondebant. MER.

91. *Ille dolore amens*. Multi *ge-  
 mens*; in uno *gravis*; in Combiano  
 et tribus aliis *dolore mei*, quod se-  
 quor: proximo versu pro *media domo*  
 duo *via*. Scripserat, puto, Ovidius,

*vidua domo*, nam τὴ *media* prorsus  
 otiosum ac superfluum est: narrat  
 quæ post digressum suum facta sunt.  
 HEINS.—*Tenebris obortis*; exanima-  
 tio, vel animi defectio, significatur.  
 Plautus in Curculione: *tenebræ ob-  
 oriuntur, genua media succidunt*.

95. *Deplorasse Penates*. *Complo-  
 rasse* plurimi veterum, quomodo  
 etiam ad Sylvas Statii Gronovius. H.

100. *Non periisse mei*. Quatuor vo-  
 luisse; unus Gallicus *posuisse*: bene,  
 nisi *valuisse* malis. HEINS.

101. *Vivat, et absentem, quoniam  
 sic fata tulerunt, Vivat*. Non placet  
 repetitio τῷ *Vivat*. Nec juvant ta-  
 men libri veteres: an *Tutet* pro ad-  
 jutet scripserat Noster? an « *Di dent  
 auxilio sublevet usque suo; »* vel,  
*Di facite auxilio, vel date ut auxilio?*  
 Scaliger *Tutet*. Sed non persuadet.

## ELEGIA IV.

## ARGUMENTUM.

Sese dicit poeta mari tandem concreditum, tantamque in Ionio mari tempestatem coortam, ut ipsi etiam nautæ salutem suam desperaverint.

**T**INGITUR Oceano custos Erymanthidos Ursæ,

Æquoreasque suo sidere turbat aquas :

Nos tamen Ionium non nostra findimus æquor

Sponte ; sed audaces cogimur esse metu.

Me miserum ! quantis increscunt æquora ventis ;

5

Erutaque ex imis fervet arena vadis !

1. *Tingitur.* Hinc exordium faciendum novæ Elegiæ, idque ex fide castigationum codicum, quod nescio quomodo typographici operæ neglexerunt, monuit quoque in Epistolis Tanaquillus Faber. H. — Turbatum Elegiarum ordinem esse facile adparet : nam quum primam Elegiam, ut præfationem, præmisset, sequi decebat eam, quæ nunc tertia est, ut statim ultimam in urbe noctem, et quæ ea gesta sunt, narret ; deinde succedere debebat hæc, *Tingitur*, etc. quæ narrat quid primum acciderit, postquam navem conscenderit ; ut ventis adversis in litus Italicum rejectus fuerit ; et tunc sequi debebat, quæ nunc secunda est, *De maris et terræ*, quæ tempestatem, qua jactatus fuit, describit miserabiliiori carmine, quam ut verosimile sit, in navi tam quassata, de ea facienda potuisse cogitare,

nisi Nasonem Eumolpo Petroniano similem fingamus, cui vacabat in vicinia mortis versus facere. BURM.

2. *Turbat aquas.* Arcturi enim ortus et occasus gravissimas ciēt tempestates. BERSM.

3. *Findimus æquor :* Virg. V, 142 : « Infundunt pariter sulcos, totumque dehiscit Convulsum remis, rostrisque tridentibus æquor. » Quod et historicis familiare ; Liv. III, 8 : *Plurimis remorum ordinibus scindentibus vortices.* Etiam de ære : *Liquidum talaribus aera findit.* Quod ex Hom. Odyss. Γ, vers. 174 : Πέλαγος μέτρου τίμνειν. Et Odyss. Ε, vers. 409 : Καὶ δὴ τόδ τι λαΐτμα διατμήξας ἐπέρησα. Et Odyss. vs. 88 : Ὡς ἡ ῥέμψα θίοντα θαλάσσης κύματ' ἔταμν.

5. *Quantis nigrescunt æquora ventis. Increscunt* rectius multi veterum. HEINS.

6. *Erutaque ex imis.* Talia sunt,

Monte nec inferior, proræ puppique recurvæ

Insilit, et pictos verberat unda Deos.

Pinea texta sonant; pulsi stridore rudentes;

Aggemit et nostris ipsa carina malis.

10

Navita, confessus gelido pallore timorem,

Jam sequitur victam, non regit arte, ratem.

Utque parum validus non proficientia rector

Cervicis rigidæ fræna remittit equo;

Sic, non quo voluit, sed quo rapit impetus undæ,

15

Aurigam video vela dedisse rati.

Quod nisi mutatas emisit Æolus auras,

In loca jam nobis non adeunda ferar:

Nam procul Illyriis læva de parte relictis,

Interdicta mihi cernitur Italia.

20

Desinat in vetitas, quæso, contendere terras,

Et mecum magno pareat aura Deo.

*Æneid. I, vs. 47 et 111: Evertitque æquora ventis, furit æstus arenis etc.*

8. *Pictos Deos, etc.* In puppi velut quoddam sacrarium erat, et in eo imagines, aut statuæ Deorum navis tutelarium. Ab eo, ceu insigni, naves appellabantur, et ipsum *πρόσημον πλοίου*; vide Turneb. l. XIX, cap. 2. PONT. — *Pictos Deos.* Deos pictos intelligit in ipsa puppi.

9. *Pinea texta.* Paris Helenæ: *Texitur et costis panda carina suis.* Veteres enim dicebant, *texere naves*, et locum in quo naves fabricabantur, textrinum, Græci *νευτήριον*. P.

12. *Jam sequitur victus, non regit arte, ratem.* Victam rectius legas, nisi sequitur votis præferendum putas, ut Fast. III, 593: «Nec jam moderator habenis Utitur, at votis;» et infra Eleg. XI, vers. 21: «Ipse gubernator tollens ad sidera palmas Exposcit votis, immemor ar-

tis, opem.» Duo antiqui *fluctus*; tres *ventos*; totidem *gelido pallore*, non *gelidum*, superiori versu. H.

13. *Proficientia rector.* Vector multi veteres; vide notas Artis Am. lib. III, vers. 555, vol. II nostræ Editionis, pag. 375.

19. *Nam procul Illyriis.* Hinc potest colligi, non id de mari Thusco, quod etiam Ionium appellatum diximus, intelligendum esse, ut quidam falso existimarunt; sed de magno, prope Illyriam, quam Ovidius in Pontum navigans, a læva habuit: sed mutatis, ea a dextra, a fronte Italia sita erat, ad quam vi tempestatis ferri videbatur. — Alii *Illyricis*; male: ut enim *Hispaniæ, Galliæ* etc. ita et *Illyriæ* dicebantur. Sic apud Propertium, lib. II, Eleg. 13: «Dic alias iterum naviget Illyrias.»

22. *Pareat illa Deo.* Quæ illa? plurimi veterum *unda*. Sed probò et



Dum loquor, et cupio pariter timeoque revelli;

Increpuit quantis viribus unda latus!

Parcite, cærelei, vos parcite, numina ponti;

25

Infestumque mihi sit satis esse Jovem.

Vos animam sævæ fessam subducite morti;

Si modo, qui periit, non periisse potest.

sequor τὴν *aura*, quod in decem castigatoribus offendi. HEINS. — *Deo*; *Augusto*: voluit enim me in Scythiam proficisci, et in Italiam non redire.

23. *Timeoque repelli*. Barberin. et unus Patav. *repelli*, ab Italia scilicet. HEINS.

25. *Parcite, cærelei vos saltem nu-*

*mina ponti*. Prim. Polit. prim. Vatic. et unus Bononiensis cum Rotendorphiano, *Vos parcite, numina ponti*. HEINS.

26. *Jovem*. Augustum.

28. *Si modo qui periit*. Si modo ego tanquam mortuus, relegatus ad Sarmatas. *Potest non periisse*. Si perditus servari potest.

## ELEGIA V.

### ARGUMENTUM.

Amici fidem laudat poeta, quod etiam in adversis eum nunquam deseruerit: quam rem raros admodum ex tam multis fatetur sibi præstitisse. Simul eum hortatur, ut in pristino amore persistat, nec Augustum timeat.

O MIHI post ullos nunquam memorande sodales,

O cui præcipue sors mea visa sua est;

Adtonitum qui me, memini, carissime, primus

Ausus es adloquio sustinuisse tuo;

Qui mihi consilium vivendi mite dedisti, 5

1. *Numerande sodales*. *Memorande* veteres plerique. Scribe præter ea, *nusquam memorande*; Pont. IV, XIII, 1: « O mihi non dubios inter memorande sodales. » Mart. « O mihi post nullos, Juli, memorande sodales. »

5. *Consilium vivendi mite dedisti*. *Fuisti* unus Mediceus; eleganter: Trist. IV, Eleg. II, vs. 32: *Hortator pugna consiliumque fuit*. Ep. Helen. vers. 268: *Quæ mihi sunt comites consiliumque duæ*. HEINS.

Quum foret in misero pectore mortis amor;  
 Scis bene, cui dicam, positis pro nomine signis;  
 Officium nec te fallit, amice, tuum.  
 Hæc mihi semper erunt imis infixæ medullis,  
 Perpetuusque animæ debitor hujus ero. 10  
 Spiritus et vacuas prius hic tenuandus in auras  
 Ibit, et in tepido deseret ossa rogo,  
 Quam subeant animo meritorum oblivia nostro,  
 Et longa pietas excidat ista die.  
 Dî tibi sint faciles, et opis nullius egentem 15  
 Fortunam præstent, dissimilemque meæ.  
 Si tamen hæc navis vento ferretur amico,  
 Ignoraretur forsitan ista fides.  
 Thesea Pirithous non tam sensisset amicum,  
 Si non infernas vivus adisset aquas: 20  
 Ut foret exemplum veri Phocæus amoris,  
 Fecerunt furix, tristis Oresta, tuæ.  
 Si non Euryalus Rutulos cecidisset in hostes,  
 Hyrtacidæ Niso gloria nulla foret:  
 Scilicet, ut fulvum spectatur in ignibus aurum, 25

6. *Quum foret in misero pectore mortis amor*; conf. lib. III, El. VIII, vs. 39, 40. Celsus, quem inter paucissimos illos enumerat, qui ab ejus amicitia non discesserant, effecit, ut manus a seipso abstinuerit; lib. I de Ponto, El. IX, 21: « O quoties, vitæ custos invisus amaræ, Continuit promptas in mea fata manus. »

7. *Positis pro nomine signis*. Veneretur poeta amici nomen exprimere, propter Augustum.

8. *Fallit, amice, tuum*; meum multi codices: an *pium*? quod sæpe in *meum* et *tuum* a librariis mutatum.

9. *Hæc mihi semper erunt imis infixæ medullis*. BURM. Cic. lib. XV,

Epist. 4, ad Attic. *quæ mihi sunt inclusa medullis*.

10. *Animi debitor*. Animæ plerique meliores. HEINS.

11. *Spiritus hic vacuas prius extenuandus* habent quidam. Prius me vita deficiet: prius moriar. BERSM.

20. *Aguas infernas*. Fingunt enim poetæ, ad rapiendam Proserpinam, inferos adiisse Theseum ac Pirithoum.

21. *Phocæus*. Pylades, filius Strophii, qui rex Phocidis fuit.

22. *Tuæ furix*. Furor tuus; quo agitabar, ob matrem interfectam.

24. *Hyrtacidæ Nisi*. Niso tres libri. HEINS.—*Hyrtacidæ*. Hyrtaci filio.

Tempore sic duro est inspicienda fides.  
 Dum juvat, et vultu ridet fortuna sereno,  
 Indelibatas cuncta sequuntur opes :  
 At simul intonuit, fugiunt; nec noscitur ulli,  
 Agminibus comitum qui modo cinctus erat. 30  
 Atque hæc, exemplis quondam collecta priorum,  
 Nunc mihi sunt propriis cognita vera malis.  
 Vix duo tresve, mihi de tot superestis, amici :  
 Cætera fortunæ, non mea, turba fuit.  
 Quo magis, o pauci, rebus succurrite lapsis, 35  
 Et date naufragio litora tuta meo :  
 Neve metu falso nimium trepidate, timentes  
 Hac offendatur ne pietate Deus.  
 Sæpe fidem adversis etiam laudavit in armis,  
 Inque suis amat hanc Cæsar, in hoste probat. 40  
 Causa mea est melior, qui non contraria fovi  
 Arma; sed hanc merui simplicitate fugam.  
 Invigiles igitur nostris pro casibus oro,  
 Diminui si qua numinis ira potest.  
 Scire meos si quis casus desideret omnes, 45

27. *Dum juvat.* Opt. Vatic. *juvet.*  
 Puto *favet.* HEINS.

28. *Indelibatas.* Illæsas. MER. —  
 Opes integras, nullo adhuc casu et  
 detrimento imminutas. *Cuncta se-*  
*quuntur.* Quia felicibus ad volunta-

tem fluunt omnia. PONT.  
 30. *Agminibus comitum.* Turba  
 clientium, seu potius assentatorum.  
 PONT.

32. *Nunc mihi sunt; Næ mihi fra-*  
*gmentum* Revii, ut ita Eleg. VI, 16,  
 duo libri: *Næ tibi pro vili sub pedi-*  
*busque jacet;* vide ad Quintil. Decl.  
 VII, 9. BURM.

35. *Rebus succurrite læsis.* Alii *las-*  
*sis;* meliores *lapsis,* quod sequor,

quamquam et alterum potest ad-  
 mitti: sic Trist. V, Eleg. II, v. 41 :  
 « Quo ferar, unde petam lapsis so-  
 latia rebus? » ubi similis diversitas in  
 scriptis exemplaribus; Gratius Cy-  
 negetico: « Te primum, Vulcane  
 loci, pacemque precamur, Incola  
 sancte, tuam, des lapsis ultima re-  
 bus Auxilia. » Perperam *ipsis re-*  
*bus* nunc legitur. Neque aliter Vir-  
 gilius aliique ex optimis scriptoribus  
 passim. HEINS.

41. *Causa mea est melior.* Conju-  
 rationem et conspiracyem contra  
 Augustum intelligit: de qua lib. II  
 et III, Eleg. v. MER.

45. *Desiderat omnes.* *Desideret* tres



Plus, quam quod fieri res sinit, ille petat.  
 Tot mala sum passus, quot in æthere sidera lucent,  
 Parvaque quot siccus corpora pulvis habet.  
 Multaque credibili tulimus majora, ratamque,  
 Quamvis acciderint, non habitura fidem. 50  
 Pars etiam mecum quædam moriatur oportet,  
 Meque velim possit dissimulante tegi.  
 Si vox infragilis, pectus mihi firmius ære,  
 Pluraque cum linguis pluribus ora forent;  
 Non tamen idcirco complecterer omnia verbis, 55  
 Materia vires exsuperante meas.  
 Pro duce Neritio, docti, mala nostra, poetæ,  
 Scribite : Neritio nam mala plura tuli.  
 Ille brevi spatio multis erravit in annis  
 Inter Dulichias Iliacasque domos; 60  
 Nos, freta sideribus notis distantia mensos,  
 Sors tulit in Geticos Sarmaticosque sinus :

meliores; et *petat* pro *petit* proximo versu. HEINS.

51. *Pars etiam quædam*. Ingenium intelligit, quod præ nimio dolore nequit dignum aliquid componere; vel certe famam designat, quam perituram dicit hac exsiliî nota, vel inter Scythas nihil componendo.

52. *Possit tegi*. Possit celari pars hæc, quæ mecum morietur. MER. — Vel velim posse ignorari, me tacente. Quæ illa fuerint, liberum est cuius nostrum divinare. PONT.

53. *Si vox infragilis, pectus mihi firmius esset. In fragili mihi pectore firmior* Junian. prim. Polit. prim. Vatic. et alii quinque; duo præterea ex nostris et Bersman. *pectus mihi firmius ære*. Scribe : « Si vox in fragili mihi pectore firmior ære. » Homeri illa respexit Iliad. B, Φώνη

δ' ἄρρηκτος, χαλκοῦν δὲ μοι ἦτορ ἐνέη, quod jam alii viderunt. HEINS. — Homeri locus stabilit vulgatam lectionem, *Si vox infragilis, pectus mihi firmius ære. Non fragilis* habet Francof. et quinque alii; sed *infragilis* recte: ita Plinius, lib. XX, 1, *adamantem infragilem omni vi et invictum* dicit. BURM.

56. *Materia*. Malorum copiam, materiam appellat.

57. *Pro duce Neritio*. Pro duce Ulysse. Est autem *Neritus* mons frondosus in insula Ithaca, quam tenuit Ulysses.

61. *Nos freta sideribus totis distantia. Notis* Combrianus et unus Bononiensis. HEINS.

62. *Sors tulit in Geticos Sarmaticosque sinus. Detulit in Geticos Cæsaris ira sinus. An Depulit?* prim.

Ille habuit fidamque manum, sociosque fideles;

Me profugum comites deseruere mei :

Ille suam lætus patriam victorque petebat;

65

A patria fugio victus et exsul ego :

Nec mihi Dulichium domus est, Ithaceve, Sameve,

Pæna quibus non est grandis abesse locis ;

Sed quæ de septem totum circumspicit orbem

Montibus, imperii Roma Deûmque locus :

70

Illi corpus erat durum patiensque laborum ;

Invalidæ vires ingenuæque mihi :

Ille erat adsidue sævis agitatus in armis ;

Adsuetus studiis mollibus ipse fui :

Me Deus oppressit, nullo mala nostra levante;

75

Bellatrix illi Diva ferebat opem :

Quumque minor Jove sit tumidis qui regnat in undis,

Polit. et prim. Vatic. *Detulit Sarmatis ora*, ut lib. V, El. III, 8 : « Juncta tenet crudis Sarmatis ora Getis. » Unus Vatican. *Fors tulit*.

63. *Sociosque fideles*. Tres, *fidusque sodales*; tantumdem est. Ne his idem dicat, videtur scribendum, *certosque sodales*, ut apud Martialem : *fidis homo certus amicis*. H.

67. *Non mihi Dulichium*. Dulichium insula est ex Echinadibus una, quæ postea *Dolicha* appellata fuit. Fuitque hæc insula Ulyssi subdita, ut docet Strab. *Ithaceve*. Ithaca insula est, quæ ad stadia 80 in circuitu patet. Corcyræ insulæ maximæ adjacet Neritia Ithacæ tellus optatissima, et ipsa Ulyssis patria. *Sameve*. Samos sive Same, insula est, quæ olim quatuor continebat urbes, ex quibus una Samus; eadem, *Cephallenia* appellatur. *Ithaceve Sameve*. *Samove* prim. Vaticanus; reliqui *Samosve*; utrumque probum. H.

68. *Pæna non est grandis*. Non magna molestia est. Etenim non urbes sunt quæ comparari possint cum urbe Roma : a qua abesse summam capio molestiam, et vitam ipsam instar mortis mihi esse duco. Et vide quam venuste contraria contrariis in universa hac sui et Ulyssis collocatione, referat : quæ plurimum artis et eloquentiæ habent. CIOF.

72. *Invalidæ vires ingeniumque mihi*. Lege cum plerisque scriptis, *ingenuæque*, ut apud Martialem. « Vires ingenuæ, salubre corpus. » Idem, lib. III, Epig. XLVI, 6, hæc duo quoque conjunxit : « Invalidum est nobis ingenuumque latus. » Idem lib. XII, Epig. IV, 6, *ingeniam pigritiam* quoque dixit. HEINS.

74. *Adsuetus studiis; adsiduus* fragmentum Revii antiquissimum, et codex Bernens. cum quinque aliis; eleganti repetitione, et cujus glossa videtur *adsuetus*.

Illum Neptuni, me Jovis ira premit.  
 Adde, quod illius pars maxima ficta laborum est;  
 Ponitur in nostris fabula nulla malis.  
 Denique quæsitos tetigit tamen ille Penates;  
 Quæque diu petiit, contigit arva tamen.  
 At mihi perpetuo patria tellure carendum est,  
 Ni fuerit læsi mollior ira Dei.

80

78. *Jovis ira.* Augusti odium: qui  
 his temporibus est illi summus Ju-  
 piter. MER.

pienter finxit, et fabulis rerum ve-  
 ritatem texit: ego causam fingendi  
 nullam habeo. PONT.

80. *In nostris*, etc. Homerus sa-

82. *Quæque diu petiit*; decem annos.

## ELEGIA VI.

### ARGUMENTUM.

Uxoris fidem et industriam laudat poeta: quod, quum nonnulli avidissime inhiarent ejus opibus, ipsa ingenio, et amicorum præsidio integra omnia servaverit. Unde poeta verecunde tantum pollicetur, eam fore suis carminibus immortalẽ.

NEC tantum Clario Lyde dilecta poetæ,  
 Nec tantum Coo Battis amata suo est,  
 Pectoribus quantum tu nostris, uxor, inhæres,  
 Digna minus misero, non meliore viro.

1. *Lyde.* Lyde amica fuit Callimachi, quam ardentissime amavit. *Clario poetæ.* Callimacho Apollinis vati. *Clarius* enim Apollo appellatus est, a Clario luco; Strabo, lib. 14, Ovidius in Met. lib. I, 516: « Mihi Delphica tellus, Et Claros, et Tenedos, Patareæque regia servit. »

2. *Suo Coo.* Suo Phileni.

4. *Minus misero.* Feliciori marito. — *Non meliore*; sum enim ex antiquissima et nobilissima Nasonum familia, ex qua innumerabiles equites exierunt: sum poeta summo ingenio, et eruditione præstanti; quo conjuge, ante hanc meam calamitatem, te jactare solebas. Confer lib. IV, Eleg. III, vs. 53 sqq.



Te mea, subposita veluti trabe, fulta ruina est ;  
 Si quid adhuc ego sum, muneris omne tui est :  
 Tu facis, ut spoliū ne sim, neu nuder ab illis  
 Naufragii tabulas qui petiere mei.  
 Utque rapax, stimulante fame, cupidusque cruoris  
 Incustoditum captat ovile lupus :  
 Aut ut edax vultur corpus circumspicit, ecquod  
 Sub nulla positum cernere possit humo :  
 Sic mea nescio quis, rebus male fidus acerbis,  
 In bona venturus, si paterere, fuit.  
 Hunc tua per fortes virtus submovit amicos,

5

10

15

5. *Te mea subposita est.* Accipien-  
 dum est de possessionibus, in quas  
 involabant homines alienorum cu-  
 pidi, quarum fructibus in exilio  
 ipse vivebat. PONT.—*Subposita veluti*  
*trabe fulta ruina est.* Non damno  
 quidem hanc lectionem, quam libri  
 veteres agnoscunt; veriore tamen  
 auguror fore, si *carina* reponas. In-  
 telligit trabes illas, quæ subductis in  
 litus navibus subijciebantur. Hæ  
 Græcis *φάλαγγες*, vel *φάλαγγα*, de qui-  
 bus Pollux et Hesychius : Nonius  
 quoque in *Palangæ*. Varro de vita  
 Populi Romani : « Quum Pœnus  
 in fretum obviam venisset nostris,  
 et quosdam cepisset, crudelissime  
 pro Palangis carinis subjecerat; quo  
 metu debilitaret nostros. » Isido-  
 rus, lib. XIX, c. 11, Etymol. *Pul-*  
*vinos* videtur appellare : Minucius  
 Octavio : « Et quum ad id loci ven-  
 tum est, ubi subductæ naviculæ,  
 substratis roboribus, a terrena labe  
 suspensæ quiescebant. » H.

7. *Ut spoliū non sim. Ut ne sim*  
*tres veteres.*

8. *Naufragii tabulas.* Reliquias  
 naufragii mei; reliquum fortunæ  
 mearum : quas quum Cæsar

non ademerit, ipsi tamen adimere  
 nefarie conantur, non secus ac par-  
 tes navis disjectæ naufragio.

9. *Cupidusque cruoris. Sitiensque*  
*unus Mediceus, venuste.* HEINS.

11. *Aut ut edax vultur.* Vultur ex  
 cadaveribus sibi escam quærit. In-  
 terficat autem nihil, nec destruit  
 animantium; vid. Arist. lib. VI. *Aut*  
*ut edax vultur.* Nam et vulturii no-  
 minantur, qui captant bona aliena,  
 et ea per fas et nefas occupare ni-  
 tuntur.

12. *Sub nulla positum cernere pos-*  
*sit humo. Sub nuda* Scaliger et edi-  
 tiones nonnullæ, perperam; corpus  
 sub nulla tellure positum, est in-  
 humatum corpus.

13. *Male fidus; an non rectius,*  
*male fesus?* credens et confidens se  
 ideo facilius invadere posse mea bo-  
 na, quia acerbam fortunam expe-  
 rior. Sed et vulgata servari potest,  
 ut sit, in rebus meis acerbis, quibus  
 fides ejus debebat se ostendere, in-  
 fidus. BURM.

14. *In mea bona.* In meas fortu-  
 nas. MER.

15. *Tua virtus; sic Tullius ad uxo-*  
 rem : « Ex literis multorum, et ser-

Nulla quibus reddi gratia digna potest.

Ergo quam misero, tam vero, teste probaris :

Hic aliquod pondus si modo testis habet.

Nec probitate tua prior est aut Hectoris uxor,

Aut comes extincto Laodamia viro.

20

Tu si Mæonium vatem sortita fuisses,

Penelopes esset fama secunda tuæ.

Sive tibi hoc debes, nulla pia facta magistra;

Cumque nova mores sunt tibi luce dati :

Femina seu princeps, omnes tibi culta per annos,

25

Te docet exemplum conjugis esse bonæ ;

Adsimilemque sui longa adsuetudine fecit ;

Grandia si parvis adsimilare licet.

Heu mihi, non magnas quod habent mea carmina vires,

Nostraque sunt meritis ora minora tuis !

30

Si quid et in nobis vivi fuit ante vigoris,

Extinctum longis occidit omne malis :

Prima locum sanctas heroidas inter haberes ;

Prima bonis animi conspicerere tui.

mone omnium perfertur ad me, incredibilem tuam virtutem et fortitudinem esse. »

17. *Probaris*; proba, bona judicaris.

23. *Sive tibi hoc debes*. Seu natura te hoc docuit ; seu Liviæ exemplo didicisti. BERSM. — *Nullo pia facta magistro*. Nulla magistra multi ex melioribus. HEINS.

24. *Mores*. Sanctissima instituta. *Cum nova luce*. Cum die natali ; quum nascereris.

25. *Femina seu princeps*. Seu Liviam, quam præcipua fide coluisti, imitata es. Amerbachius ad Martiam, Martii Philippi vitrici Augusti filiam, contendit referendum.

30. *Nostra ora*. Nostra verba. Ali-

quem pleno ore laudare, verbis multis et grandibus. PONT.—*Nostra ora*. Pro sermone et fabulis ; Phædr. in prol. lib. I : *Duplex fabellis os est*. Etiam pro fiducia : *si satis oris habes*.

32. *Extinctum longis excidit omne malis*. *Καταφωγία* est *extinctum*, *excidit* : etsi minime ignoro *excidere* hac significatione usitatum esse Ovidio, primus tamen Politiani, primus Vaticanus et sex alii *occidit*, quod sequor. HEINS.

33. *Inter*. Inter claras mulieres.

34. *Bonis tui animi*. Tua virtute. MER.—Esses præ omnibus conspicua, ob bona animi tui, quæ maximam et solidam laudem merentur. PONT.

Quantumcumque tamen præconia nostra valebunt,  
Carminibus vives tempus in omne meis.

35

## ELEGIA VII.

### ARGUMENTUM.

Amicum admonet poeta, ut gemmæ faciem suam insculptam intuens, ejus exsilii recordetur, dematque illi coronam ex hedera : siquidem hujusmodi insignia conveniunt felicibus poetis. Mandat tamen, insculptæ imaginis loco, legatur opus Metamorphoseon in quindecim libellos digestum : quos quamvis ipse in exsilium proficiscens, in ignem conjecerit, tamen eosdem pluribus exemplis conscriptos exstare intelligit. Postremo sex versus mandat conscribi in prima libelli fronte : quo lector admoneatur, illud opus inemendatum subita ejus consternatione circumferri.

SI quis habes nostri similes in imagine vultus,  
Deme meis hederas, Bacchica sarta, comis.

Ista decent lætos felicia signa poetas :

Temporibus non est apta corona meis.

Hæc tibi dissimulas, sentis tamen, optime, dici,

5

In digito qui me fersque refersque tuo ;

1. *Nostris similes. Nostri sex meliores*, et mox *Bacchia sarta* pro *Bacchica*. HEINS. — *In imagine*. In effigie gemmæ insculpta ; vide Plin. I, 37. Ex hedera enim poetæ elegi coronabantur, sicut ex quercu heroici. Propertius : « Ennius hirsuta cingat sua dicta corona, Mi folia ex hedera porridge, Bacche, tua. » De hedera legito Plin. lib. XVI, et Theophrastum, lib. III.

4. *Temporibus meis* ; meo capiti, a parte totum κατὰ συνειδητόν. Falsus est hic Merula, qui alio modo exponit. CIOFAN.

5. *Hæc tibi dissimula, sentis tamen omnia dici*. Scripti plerique cum primis editionibus *senti tamen optime dici*, et hoc pro hæc. Lege : « Hoc tibi dissimulas, sentis tamen, optime, dici. » HEINS. — *Dissimula*. Finge hæc non dici tibi, ne Augustum lædas. *Sentis tamen, optime*. Intelligis tamen, optime amice, me tibi hæc dicere.

6. *Qui me fersque refersque*. Qui fers et repræsentas, aut qui fers et extrahis annulum, in quo est gemma habens vultus meos insculptos ; vide Macrobi. Saturn. lib. VII, c. 13.



Effigiemque meam fulvo complexus in auro,  
 Cara relegati, qua potes, ora vides;  
 Quæ quoties spectas, subeat tibi dicere forsan,  
 Quam procul a nobis Naso sodalis abest !  
 Grata tua est pietas : sed carmina major imago  
 Sunt mea ; quæ mando qualiacumque legas ;  
 Carmina mutatas hominum dicentia formas,  
 Infelix domini quod fuga rupit opus :  
 Hæc ego discedens, sicut bene multa meorum,  
 Ipse mea posui mæstus in igne manu ;  
 Utque cremasse suum fertur sub stipite natum  
 Thestias, et melior matre fuisse soror ;  
 Sic ego non meritos, mecum peritura, libellos

10

15

*Fersque refersque. Ferasque* scribendum videtur ; sic Trist. III, El. VIII, 12, pro *fertque feretque*, scripti fere omnes *fertque refertque* ; Pont. IV, El. 1, 26 : *Auxilium vitæ fertque refertque meæ*, ubi censeo reponendum *feretque*, quod sequentia ibi requirunt. H.

8. *Quæ potes*. Tres scripti *qua potes*.

10. *Naso sodalis abest* ; in Francofurt. erat, *abes* ; eleganter, ut verba hæc sint ad ipsam imaginem, quam contemplans amicus ita adloquitur, *Tu Naso, quam procul abes*.

11. *Sed carmina major imago Sunt mea* ; magis ingenium meum exprimunt, quam aurum illud faciem.

13. *Hominum dicentia formas. Narrantia* tres scripti.

14. *Infelix domini quod fuga rupit opus* ; utrum infelix opus, an infelix fuga ? rectius hoc posterius, ut sit verborum sensus : quod opus, hoc est, Metamorphosin, infelix fuga, exsilium domini rupit. CIOFAN.

15. *Sicut bona multa meorum*. Diu est, quod vidi scribendum *bene mul-*

*ta*, quod prim. Vatic. Hamburg. et tres alii confirmant. In Catalectis : « Triga mihi paucos inter dilecta sodales, Triga sodalitii pars bene magna mei. » Atque ita passim veteres ; bene enim pro valde ponitur, ut *bona pars* pro magna pars. Trebonian. Institut. lib. IV, tit. VI, §. 12, *actiones bene multas* dixit. Similis error apud Propertium commissus, lib. III, El. XXII, 13, ubi legendum : « An tibi nescio quæ visa est formosior ? an tu Non bene de nobis crimina ficta jacis ? » H.

17. *Sub stipite*. Sub torre, in quo Meleagri fata erant.

18. *Thestias*. Althea Thestii filia. Thestius enim Pleuroniam tenuit : qui Curetum ductor, socer quidem fuit Cœnei, Altheæ vero pater. *Et melior matre fuisse soror*. Althea meliorem se, et fratrum, a Meleagro interentorum, amantiorem ostendit, quam filii. Sic et in VIII Met. 464, 475 : « Pugnant materque sororque, Et diversa trahunt unum duo nomina pectus. Incipit esse tamen

Imposui rapidis, viscera nostra, rogis ; 20  
 Vel quod eram Musas, ut crimina nostra, perosus,  
 Vel quod adhuc crescens et rude carmen erat.  
 Quæ quoniam non sunt penitus sublata, sed exstant,  
 Pluribus exemplis scripta fuisse reor ;  
 Nunc precor ut vivant, et non ignava legentum 25  
 Otia delectent, admoneantque mei.  
 Nec tamen illa legi poterunt patienter ab ullo,  
 Nesciat his summam si quis abesse manum.  
 Ablatum mediis opus est incudibus illud,  
 Defuit et scriptis ultima lima meis. 30  
 Et veniam pro laude peto : laudatus abunde,  
 Non fastiditus si tibi, lector, ero.  
 Hos quoque sex versus, in primi fronte libelli  
 Si præponendos esse putabis, habe :  
 Orba parente suo quicumque volumina tangis, 35  
 His saltem vestra detur in urbe locus ;  
 Quoque magis faveas, non sunt hæc edita ab ipso,  
 Sed quasi de domini funere rapta sui :  
 Quicquid in his igitur vitii rude carmen habebit,  
 Emendaturus, si licuisset, eram. 40

melior germana parente. » HEINS.

20. *Viscera nostra.* Nostros libros: quasi meos partus.—*Rogis.* Flammæ omnia rapiunt.

27. *Non tamen. Nec veteres, et Nesciet.* HEINS.

29. *Mediis incudibus.* Nondum absoluto opere. MER.—Sic et opus aliquod *elimare* dicimur.

33. *In prima fronte libelli.* Scribe *primi libelli.* Inepte enim *Metamorphoses libellus* vocentur, quas ipse, lib. II, *maius opus* sit appellaturus ;

sic alibi : « Sex ego Fastorum scripsi, totidemque libellos ; » et, « Qui modo Nasonis fueramus quinque libelli, Tres sumus . . . » de *Amorum* libris ; atque ita passim alibi. H.

35. *Orba parente suo.* Privata patre, et auctore operis, qui in exilium ejectus est.

37. *Edita ab illo. Ipso* meliores : pro *faveas* etiam *foveas* agnoscunt quatuor.

40. *Emendaturus erat. Eram* scripti potiores. HEINS.

## ELEGIA VIII.

## ARGUMENTUM.

Queritur poeta, eum, quocum diu familiariter vixerat, subita poetæ consternatione, et exilii ruina fidem mutasse. Mox tamen illum admonet, ut in fide permaneat, quo ejus officium laudare queat.

IN caput alta suum labentur ab æquore retro  
 Flumina; conversis Solque recurret equis;  
 Terra feret stellas; cælum findetur aratro;  
 Unda dabit flammæ, et dabit ignis aquas;  
 Omnia naturæ præpostera legibus ibunt;  
 Parsque suum mundi nulla tenebit iter:  
 Omnia jam fient, fieri quæ posse negabam,  
 Et nihil est, de quo non sit habenda fides.  
 Hæc ego vaticinor, quia sum deceptus ab illo,  
 Laturum misero quem mihi rebar opem.  
 Tantane te, fallax, cepere oblivia nostri?  
 Adflictumne fuit tantus adire pudor?  
 Ut neque respiceres, nec solarere jacentem,  
 Dure! nec exsequias prosequerere meas?  
 Illud amicitiae sanctum ac venerabile nomen

1. *In suum caput.* Caput dicitur fluminis origo. *Hic mihi magna domus; celsis caput urbibus exit,* Virg. VIII, 65, de cæruleo Tibri. Et Noster Met. II, vs. 254: « Nilus in extremum fugit perterritus orbem, Occulitque caput, quod adhuc latet. »—*In suum caput.* Inductio est, ex iis constans quæ fieri nequeunt. P.—Expressisse videtur Noster Euripidis senten-

tiam in Medea, ubi loquitur chorus: « Ἄν' οὐ ποταμὸν ἐ-ρῶ, χωροῦσι παλαι, καὶ δίκαι, καὶ πάντα πάντα πρί-γινται.

12. *Adflictumque.* Malo *Adflictumne.* HEINS.—*Pudor:* alii *timor.*

15. *Amicitiae sanctum et venerabile nomen.* Quondam venerabile quidam veteres, et numen liber Petri Ser-vii, ut Pont. lib. II, El. III, vs. 19:



Re tibi pro vili, sub pedibusque jacet?  
 Quid fuit, ingenti prostratum mole sodalem  
 Visere, et adloquii parte levare tui?  
 Inque meos si non lacrymam dimittere casus,  
 Panca tamen ficto verba dolore queri?  
 Idque, quod ignoti faciunt, valedicere saltem,  
 Et vocem populi publicaue ora sequi?  
 Denique lugubres vultus, nunquamque videndos  
 Cernere supremo, dum licuitque, die?  
 Dicendumque semel toto non amplius ævo  
 Accipere, et parili reddere voce, vale?  
 At fecere alii nullo mihi fœdere juncti,  
 Et lacrymas animi signa dedere sui.  
 Quid? nisi convictu causisque valentibus essem  
 Temporis et longi vinctus amore tibi?  
 Quid? nisi tot lusus et tot mea seria nosse,  
 Tot nossem lusus seriaque ipse tua?  
 Quid? si duntaxat Romæ mihi cognitus esses,  
 Adscitus toties in genus omne loci?  
 Cunctane in æquoreos abierunt irrita ventos?  
 Cunctane Lethæis mersa feruntur aquis?  
 Non ego te placida genitum reor urbe Quirini,

20

25

30

35

« Illud amicitiae quondam venerabile numen Prostat, et in quæstu, pro meretrice, sedet; » sic et ibi veterimus codex Sarravianus. HEINS.

17. *Ingenti mole prostratum.* Ærumnis oppressum. Calamitatis suæ magnitudinem vocat ingentem molem, a qua, velut ruina magna, oppressus sit.

19. *Lacrymas dimittere. Lacrymam* meliores, ut passim alibi Noster; et mox *queri* pro *loqui* Gottorphianus. HEINS.

22. *Et vocem populi.* Supremum

salve et vale conclamare. BERSM.—*Publicaque ora*, sermones omnium.

30. *Junctus amore.* Bene opt. Palat. et unus Mediceus *vinctus amore*, nam *fœdere juncti* paulo ante præcesserat. HEINS.

34. *Adscitus toties in genus omne joci.* Lege *loci*, cum multis veterum; de jocis et seriis jam ante egerat.

35. *In æquoreos ventos. In Æolios* Rottendorph. pro diversa lectione.

37. *Placida urbe Quirini.* Romam designat, in qua homines non sævos, sed mites, nasci solitos innuit.

Urbe, meo quæ jam non adeunda pede est ;  
 Sed scopulis , Ponti quos hæc habet ora sinistri,  
 Inque feris Scythiæ Sarmaticisque jugis : 40  
 Et tuâ sunt silicis circum præcordia venæ ,  
 Et rigidum ferri semina pectus habent :  
 Quæque tibi quondam, tenero ducenda palato,  
 Plena dedit nutrix ubera, tigris erat :  
 At mala nostra minus, quam nunc, aliena putasses , 45  
 Duritiæque mihi non agerere reus :  
 Sed quoniam accedit fatalibus hoc quoque damnis,  
 Ut careant numeris tempora prima suis ;  
 Effice, peccati ne sim memor hujus; et illo  
 Officium laudem, quo queror, ore tuum. 50

41. *Silicis venæ. Et stant marmoreo membra perusta gelu.* Et Noster in Met. IX, vs. 615 : *Nec rigidos silices, solidumve in pectore ferrum*, Σαρκὶ σιδηρεὶν σφυρήλατος οἷα κλοσσός; Theocr. Idyll. 22, de Amyco.

42. *Semina pectus habet. Habent* unus Gallicanus; sic *pectora somnus, terror, mæror habet*, et similia passim apud Nostrum; sic prope l. III, Eleg. xi, 3, in maledicum: « Natus es e scopulis, nutritus lacte ferino; Et dicam silices pectus habere tuum. » HEINS.

43. *Ducenda ubera; sugenda.*

45. *Aut mala nostra minus quam non aliena putares. At mala et putasses meliores.* Deinde *quam nunc* unus Vaticanus; vere: quomodo etiam doctissimus Tanaquillus Faber vidit scribendum Epistola xxiii.

Combianus pro diversa lectione, *quia nunc.* Sensus est: At saltem mala nostra minus a te aliena putasses, quam nunc putas. HEINS.— Forsitan scripserit: « At mala nostra prius, quam nunc, aliena putasses; » non hoc demum tempore debuisses ostendere mea nihil ad te adtinere, sed jam olim: quod si fecisses, non nunc agerem te reum duritiæ; sed quia hoc præter alia etiam mihi accidit, ut te perdam hoc infelici tempore, qui antea amicus fuisti, effice etc. Deinde, *duritiæ mihi nunc non agerere reus*, excerpta Kloekhovii. BURM.

48. *Ut tempora prima.* Ut superiora tempora, quibus amicitia nostra erat arctissima. *Careant suis numeris.* Careant suo ordine: ut mihi in amore non respondeas, ut antea.

## ELEGIA IX.

## ARGUMENTUM.

Queritur poeta vulgum sequi fortunam, et secundis tantum rebus adesse amico, at in adversis eum destituere: quod quidem re sibi cognitum fuisse docet; siquidem antequam relegaretur ab Augusto, multos habuit amicos: at postquam subita ruina corrui, neminem invenit, in cujus præsidio acquiesceret, quum multis, per Cæsaris modestiam, id præstare licuisset; quandoquidem ab eo hostilis erga amicum amor etiam probetur.

**D**ETUR inoffensæ metam tibi tangere vitæ,

Qui legis hoc nobis non inimicus opus;

Atque utinam pro te possint mea vota valere,

Quæ pro me duros non tetigere Deos!

Donec eris felix, multos numerabis amicos;

Tempora si fuerint nubila, solus eris.

Adspicis, ut veniant ad candida tecta columbæ;

Accipiat nullas sordida turris aves.

Horrea formicæ tendunt ad inania nunquam;

Nullus ad amissas ibit amicus opes.

1. *Detur inoffensæ vitæ tibi tangere metam.* Concinnius quatuor antiqui *metam tibi tangere vitæ*; et mox *possint pro possent* meliores. HEINS.

Legi quidam voluerunt: *detur inoffensam vitæ tibi tangere metam*, quod illustrant ex Horat. I, Od. 1, 4, *meta fervidis evitata rotis*: sed ibi alia res est: iterabantur enim in circo spatia; in hac autem metamphora a stadio desumpta, semel modo decurrere licet, et ubi metam adtigimus, nullus locus offensæ relinquitur: optat ergo, ut sine offensæ vitæ stadium decurrens, ad me-

tam perveniat. Sic *inoffensum cursum honorum* dixit Tacitus, I Hist. 48, non *inoffensam metam*: hinc *inoffensus* cæpit usurpari pro continuo, sine intervallo, vel interruptione; sic idem dixit *inoffensum navium ordinem*, lib. II Hist. 32, et Quintil. I de Inst. Orat. 1: *inoffensam literarum inter se conjunctionem*.

4. *Duros Deos.* Deos mihi difficiles; Cæsarem inclementem.

10. *Nullus ad amissas ibit amicus opes.* Currit exemplar vetus Bersmanni. Ego *visit* reponendum censeo. HEINS.



Utque comes radios per Solis euntibus umbra,  
 Quum latet hic pressus nubibus, illa fugit;  
 Mobile sic sequitur fortunæ lumina vulgus;  
 Quæ simul inducta nube teguntur, abit.  
 Hæc precor ut semper possint tibi falsa videri : 15  
 Sunt tamen eventu vera fatenda meo.  
 Dum stetimus, turbæ quantum satis esset, habebat  
 Nota quidem, sed non ambitiosa, domus.  
 At simul impulsæ est, omnes timuere ruinam,  
 Cautaque communi terga dedere fugæ. 20  
 Sæva nec admiror metuunt si fulmina, quorum  
 Ignibus adflari proxima quæque vident.  
 Sed tamen in duris remanentem rebus amicum,  
 Quamlibet invisæ, Cæsar, in hoste, probat;  
 Nec solet irasci, neque enim moderatio alter, 25  
 Quum quis in adversis, si quis amavit, amat.  
 De comite Argolici postquam cognovit Orestæ,

13. *Fortunæ lumina.* Auram et felicitatem fortunæ.

16. *Eventu vera fatenda meo.* Malum mihi. HEINS.

20. *Cauta terga.* Ipsi cauti et sibi consulentes: vel certe cauta turba, hoc est, turba sibi cavens, ne quid Augustus in eos mea causa gravius moliretur. M. — Lib. III de Ponto, Eleg. II, 7: « ignoscimus illis, Qui cum fortuna terga dedere fugæ. »

24. *Quolibet invisæ.* Quamlibet sex veteres, probe. HEINS.

87. *De comite Argolico postquam cognovit Orestem.* Oreste plurimi veteres. Scribe *Argolici Orestæ*. Nam Pylades Phœceus, non Argolicus; Amor. libro II, Eleg. VI, vers. 15: « Argolico Orestæ; » vide notas ad Ep. VIII, vs. 9. HEINS. — *De comite Argolico.* Pacuvius tragœdiam scri-

psit, in qua continebatur quomodo Orestes, cupiens a se furias remove-  
 re ex morte matris conceptas, oracu-  
 lum consuluit, quod respondit, ut ad  
 templum Dianæ in Tauricam regio-  
 nem proficisceretur; quo quum per-  
 venisset, comite et duce itineris  
 Pylade, Thoas rex de more eum  
 mactare volebat. Cæterum ignorabat  
 uter esset Orestes. Pylades Orestem  
 se esse respondit, ut pro illo neca-  
 retur. Orestes autem, ita ut erat,  
 Orestem se esse perseverabat: quo-  
 rum fidem ita Thoas probavit, ut  
 Oresti ignosceret. Rem aliter et ple-  
 nius refert Ovid. lib. III de Ponto, ea  
 Elegia quam ad Cottam scribit. *De  
 comite Argolico* male dant plures,  
 ex optima distinctione Heinsii; cu-  
 jus hic lectionem libenter, neque  
 immerito, secuti sumus.

Narratur Pyladen ipse probasse Thoas :  
 Quæ fuit Actoridæ cum magno semper Achille ,  
 Laudari solita est Hectoris ore fides : 30  
 Quod pius ad manes Theseus comes isset amico ,  
 Tartareum dicunt indoluisse Deum :  
 Euryali Nisique fide tibi, Turne, relata ,  
 Credibile est lacrymis immaduisse genas.  
 Est etiam miseris pietas, et in hoste probatur : 35  
 Heu mihi, quam paucos hæc mea dicta movent !  
 Hic status, hæc rerum nunc est fortuna mearum ,  
 Debeat ut lacrymis nullus adesse modus.  
 At mea sunt, proprio quamvis mæstissima casu,

29. *Quæ fuit Actoridæ.* Patroelo, Actoris filio : amor Patrocli et Achillis notus est Homeri carmine.

30. *Hectoris ore.* Ore inimici. Summam ac solidam esse laudem, quum quis ab hoste laudatur, docet Arist. lib. I Rhetor. CIOF.

31. *Theseus comes iret amico. Isset multi veteres ; unus Medic. et Barberinus pro diversa lectione comitavit amicum.* Puto comitaret ; Pont. lib. II, El. III, 43 : « Pirithoum Theseus Stygias comitavit ad undas ; » Met. XIII, ex optimis exemplaribus, « Ille tamen vivit, quia non comitavit Ulyssen ; » Pont. I, El. IX, 47 : « Funera non potui comitare, » atque ita passim Noster : Propertius, lib. II, Eleg. VII : « Quod mea si teneræ comitarent castra puellæ, Non mihi sat magnus Castoris iret equus. » Ita scribo versus mendosissimos, a Scaligero aliisque frustra tentatos ; nam codices vetusti magna ex parte : « Quod si vera meæ comitarent castra puellæ, » turbato ordine literarum ; *teneræ puellæ* perpetuum epitheton Nostro plurimis locis. Passeratius aliique conjecturam

Scaligeri de *Romanis puellis* adprobarunt. HEINS.

35. *Est etiam miseris pietas.* In *miseris* veteres nonnulli. Puto scribendum : « Ista etiam in miseris pietas vel ab hoste probatur ; » aut « misero pietas vel in hoste probatur. » Hoc videtur velle Noster. *Est etiam miserisque fides*, Arondel. HEINS.

37. *Nunc est fortuna mearum.* Duo veteres *non est*, et tum sequenti versu legendum *ullus* pro *nullus*, quomodo Patavinus unus, Metam. XIII : « Non hæc est Fortuna domus. » HEINS.

39. *At mea sint proprio quamvis mæstissima casu Tempora ; profecta facta serena tuo.* Nihil hic sani est : primus Vaticanus et quinque alii, *At mea sunt* ; deinde veteres plerique cum primis editionibus, *Pectora pro sensu.* Legendum : « At mea sunt, proprio quamvis mæstissima casu, Pectora pro sensu facta serena tuo. » Excerpta Vossii tamen, *pro sensu ; pro ventu* Combianus pro diversa lectione : sed puto *post sensus tuos*, ea significatione, qua lib.

Pectora processu facta serena tuo.

40

Hoc eventurum jam tum, carissime, vidi,

Ferret adhuc istam quum minor aura ratem.

Sive aliquod morum, seu vitæ labe carentis

Est pretium; nemo pluris habendus erit.

Sive per ingenuas aliquis caput extulit artes;

45

Quælibet eloquio fit bona causa tuo.

His ego commotus, dixi tibi protinus ipsi :

Scena manet dotes grandis, amice, tuas.

Hæc mihi non ovium fibræ, tonitrusve sinistri,

IV, El. VI, 22 : « Mensque mali sensum nostra recentis habet. » Epistola Paridis, *sentis mea vulnera, sentis*. HEINS. — Incipit hic novam Elegiam Francof. Leidens. Bernens. et quidam alii. Crispinus vero novam Elegiam inchoat a distichoprecedenti, quo auctore, nescio. Illa autem *pro sensu*, nullum mihi videntur habere sensum. Merula explicat, pro intelligentia tua et doctrina; quosdam etiam ait legere, *pro sensu tui*, ut sit pro auditu nominis tui. Omnia vana, et sine lepore et gratia : agit enim de incremento amici sui, quod olim jam auguratus erat, et nunc obponit suæ calamitati, et decremento propriæ fortunæ : quare legerem : « Pectora processu facta serena tuo. » *Processus*, est incrementum, gradus, cujus glossa est *profectus, proventus*; Juvenal. Satyr. I, vers. 38 : « In cælum quos evehit, optima summi Nunc via processus, vetulæ vesica beatæ. » BURM.

41. *Hoc tibi venturum. Hoc eventurum* prim. Polit. prim. Vatic. unus Mediceus, et Rottendorph. bene : alii *ego venturum*, vel *mihi venturum*; Pont. III, Eleg. IV, vs. 113 : « Di quorum monitu sumus eventura lo-

cuti. » Epicedio Drusi, *Eventura precor*. Mox *minor aura* pro minus meliores. HEINS.

42. *Istam ratem*. Te ipsum et ingenium.

44. *Nemo pluris emendus erat. Habendus erat* prim. Vatican. et prim. Palat. *habendus erit* alter Polit. Rottendorph. et duo alii : probe. Sic Cicero Philippica 6 : *Pluris hic habetur, quam alibi*; pro æstimatur; Juvenalis, Satyra 10, ex antiquis codicibus : « Visne salutare sicut Sejanus, haberi Tantumdem; » ubi in vulgatis est *habere*. HEINS.

45. *Sive per ingenuas ... artes*; artes liberales, ingenuis dignas.

48. *Scena manet dotes*. Dotes istæ aliquando magno theatro spectabuntur. BERSM.

49. *Hoc mihi. Hæc meliores. H. — Hoc mihi non ovium fibræ*. Non divinavi hæc, tanquam haruspex, ex animalium extis : inde extispices, extispicium. *Tonitrusve sinistri*. Divinabant etiam per fulgura, quæ observabant. Læva (auctore Plinio) prospera existimabantur, quoniam læva parte mundi ortus est : tum quæ nobis sinistra sunt, ea Superis dextra demitti creduntur; vide Plutarch. Quæst. rom. 78. PONT.



Linguave servatæ, pennave, dixit avis : 50  
 Augurium ratio est, et conjectura futuri ;  
 Hac divinavi, notitiamque tuli.  
 Quæ quoniam rata sunt, tota mihi mente tibi que  
 Gratulor, ingenium non latuisse tuum.  
 At nostrum tenebris utinam latuisset in imis ! 55  
 Expediit studio lumen abesse meo :  
 Utque tibi prosunt artes, facunde, severæ,  
 Dissimiles illis sic nocuere mihi.  
 Vita tamen tibi nota mea est : scis artibus illis  
 Auctoris mores abstinuisse sui ; 60  
 Scis vetus hoc juveni lusum mihi carmen, et istos,  
 Ut non laudandos, sic tamen esse jocos.  
 Ergo, ut defendi nullo mea posse colore,  
 Sic excusari crimina posse puto.  
 Qua potes, excusa ; nec amici desere causam : 65

50. *Linguave*. Per linguam avis, intellige oscines, id est, aves quæ voce augurium faciunt; per *pennam* autem designat *præpetes*, quæ volatu dabant auguria. MER.

53. *Quæ quoniam vera est*. Prim. Polit. prim. Vatic. prim. Pal. et Rotendorph. *rata est*; in Vatican. *pro est* erat emendatum sunt : vere; alter Palatinus *rata sint*; supra Elegia prima, *Quæque vovet, rata sint*; Epist. Paridis : « Quæ rata sint, nec te frustra promiserit opto : » Met. IX, *rata sint sua visa precatur* : sic et passim alibi. HEINS.

56. *Studiis meis. Studio meo scripti*. H. — *Lumen*. Famam et gloriam.

57. *Artes severæ*. Vel philosophiam dicit, vel ingenuas disciplinas et studia eloquentiæ.

58. *Dissimiles illis*. Quia nostræ artes non sunt severæ.

59. *Scis artibus illis*. Libris de Arte

amandi. Eodem modo excusat se lib. II, ad Augustum, vers. 353 : « Crede mihi, distant mores a carmine nostro; Vita verecunda est, musa jocosa mea est. » Sic et Catullus ad Aurel. xvii, 5 : « Nam castum esse decet pium poetam Ipsum, versiculos nihil necesse est. »

65. *Qua potes, excusa*. Multi veteres *Quam potes*; malim etiam *amicam causam quam amici*: sic *amicum nomen* Art. Am. I, vs. 585; et *amica lima* Pont. II, El. iv, 17; sic *ungues amici* Juvenali, Sat. 5, ex antiquis codicibus : « custos adfixus ibidem, Qui numeret gemmas unguesque observet amicos; » ubi *acutos* nunc legitur; *fessos opibus solatur amicis* apud Maronem Acestes, Æn. V, 41, et ibid. 337, ex vetustissimo codice Medic. « Emicat Euryalus, et munere victor amico, Prima tenet : » dictis *solatur amicis* eodem libro. H.

Quo bene cœpisti, sic pede semper eas.

66. *Quo bene cœpisti*; satis hæc mihi cohærere videntur præcedentibus, si transpositis verbis hæc elegia in votum de processu et incremento honorum amici desinat, et

legatur: « Sic bene cœpisti quo pede, semper eas; » vel: « Sic pede cœpisti quo bene, semper eas; » ut MSS plurimi positum τῶν *bene* et *pede* variant. BURM.

## ELEGIA X.

### ARGUMENTUM.

Laudat navem Ovidius, quam in sinu Corinthiaco accepit: et quum altera navis diu eundem cursum tenuisset, quem navis poetæ; quumque postea ex Samothracia solverent, utriusque navigationem, et loca describit. Optat deinde, ut incolumis Tomum navis eum perferat: quod si contigerit, Minervæ se agnam immolaturum pollicetur. Postremo Castorem et Pollucem precatur, ut utrique navi adsint.

EST mihi, sitque, precor, flavæ tutela Minervæ

Navis; et a picta casside nomen habet.

Sive opus est velis, minimam bene currit ad auram:

1. *Minervæ*. Minervæ simulacrum navis insigne et tutela. Solebant enim in navibus Dii pingi, ut Minerva, Apollo, et alii, in quorum tutela esse navem volebant. Non esse idem παράσημον et tutelam navis, et in hac Ovidiana navi, tutelare numen fuisse Minervam, ex consuetudine puppi impositam? galeam autem Minervæ, insigne, seu παράσημον navis. — *Tutela Minervæ*. Continet hæc Elegia breve quoddam hodoiporicum, sive itinerarium poetæ, non quidem totius projectionis ejus a Roma in Pontum, sed quantum ejus ab Hellesponto ad locum exsilii reliquum fuit. Orditur autem a laude navis ejus: ac Merula in ea opinione est, ut putet

de duabus intelligendum esse; ego de una, eaque sola navi, qua poeta e portu Corinthi in Thraciam usque delatus fuerit, quæ deinde per angustias Hellesponti in Propontidem, indeque rursus per Bosporum Thracium in Pontum, atque ita sinistro mari Tomon abierit. Versus autem de duabus navibus supra citatos, metaphorice accipio, ut puppis altera, pro cursu, serie, itinere terrestri ponatur, eo scilicet de quo ipse infra dicit: « Nam mihi Bistonios placuit pede carpere campos, » etc. Nam et alibi de diversis projectionis suæ viis meminit.

2. *Et a picta casside nomen habet.*

A galea, quam illa armata gerit, galeata appellatur Minerva. Verbum

Sive opus est remo, remige carpit iter.  
 Nec comites volucris contenta est vincere cursu; 5  
 Occupat egressas quamlibet ante rates.  
 Et patitur fluctus, fertque adsilientia longe  
 Æquora, nec sævis icta fatiscit aquis.  
 Illa, Corinthiacis primum mihi cognita Cenchris,  
 Fida manet trepidæ duxque comesque fugæ; 10  
 Perque tot eventus, et iniquis concita ventis  
 Æquora, palladio numine tuta fuit.  
 Nunc quoque tuta, precor, vasti secet ostia Ponti,  
 Quasque petit, Getici litoris intret aquas.  
 Quæ simul Æoliæ mare me deduxit in Helles, 15  
 Et longum tenui limite fecit iter;

*habet*, non ad Minervam, sed ad nomen navis, referendum videtur: ut intelligamus ipsam navem a picta galea, *κορυθαίολον*, aut simili aliquo cognomine appellatam fuisse.

8. *Nec sævis victa madescit aquis. Icta fatiscit* duo veteres; quod et in Erfurtano Zinzerlingus invenerat; multi alii *icta madescit*: minus bene; Valerius Flaccus de Halcyonum nido lib. I: « Icta fatiscit aquis donec domus, hausta que fluctu est: » dubito tamen an non et illic *Victa* sit legendum. Certe apud Maronem, *Æn.* I, 120: « Jam validam Ilionei navem, jam fortis Achatæ Vicit hyems; » Tibullus, libro I, *Eleg.* VI: « Heu canimus frustra: nec verbis victa fatiscit Janua! » Sic codices duo vetusti, non *patescit*; Virg. *Æn.* I, 122: « laxis laterum compagibus omnes Accipiunt inimicum imbrem, rimisque fatiscunt; » idem, *Æneid.* IX, vs. 809: « saxis solida æra fatiscunt. » HEINS.

9. *Primum mihi cognita terris. Cenchris*; nam Peloponnesus (auctore

Plin. lib. IV, cap. 4) jacet inter duo maria, Ægeum et Ionium, platani folio similis propter angulosos recessus. Angustia, unde procedit, isthmus appellatur. In eo loco erumpunt e diverso, quæ dicta sunt, maria: Corinthiacis hinc, illinc Saronicus appellatur sinus. Lecheæ hinc, Cenchreæ illinc, angustiarum termini longo et ancipiti navium ambitu. Sed tamen et *terris* non usque adeo incommode legetur, pro *oris* scilicet acceptum. In *Cenchris* autem etiam figura synizesis admittenda est: ut *Cenchreis* trissyllabum, pro dissyllabo in scansione veniat. MER.

12. *Palladio nomine tuta fuit.* Immo *fugit* cum melioribus. HEINS.

13. *Ostia Ponti secet. Ostia* sunt aditus fluminum in mare. PONT.

15. *In mare.* In Hellespontum: nam mare alia aliis cognomina accepit: ubi enim primum se coarctat, *Hellespontum* vocamus; ubi se expandit, *Propontis* dicitur; ubi iterum se pressit, *Thracius Bosporus*; ubi iterum se effundit, *Pontus Euxi-*



Fleximus in lævum cursus, et, ab Hectoris urbe,

Venimus ad portus, Imbria terra, tuos.

Inde, levi vento Zerynthia litora nactis,

Threiciam tetigit fessa carina Samon.

20

Saltus ab hac terra brevis est Tempyra petenti:

Hac dominum tenus est illa secuta suum.

Nam mihi Bistonios placuit pede carpere campos:

*nus; qua paludi committitur, Cimmerius Bosporus.*

17. *Fleximus in lævum cursus.* Ex Hellesponto, in Propontidis sinistram partem navigationem fleximus. *Ab Hectoris urbe.* Id est, Ilio, quæ ex Ægæo Hellespontum ingredientis erat a dextra, ut sit sensus: quum primum, in Ægæo adhuc navigans, habui Ilium a fronte, flexi iter in lævum partem, ubi erant loca illa, quæ statim subiungit. Cæterum illud ausim adfirmare, aut carmina aliqua deesse, aut hanc navigationis descriptionem falsam esse. MER.—Micyllus dubitat num idem locus de Lemno potius accipiendus sit, cujus regem aliquando fuisse Actorem Hyginus dicit: ut sit sensus: postquam ad Hellespontum venimus, in lævum fleximus cursum; et ab Actoris urbe, id est, insula Lemno, in Imbrum (hanc enim per Imbriam terram accipio) proxime navigavimus, inde in Samothraciam, etc. MIC.—Collatis Merula et Micyllo ego nihil me videre fateor, nec Actoris, vel Hectoris urbem scire, quæ fuerit: verisimillima mihi Micylli expositio de Lemno videtur. BURM.

18. *Imbria terra.* Terram Imbriam eam dicit, quam Selimbriam Plinius, Ptolemæus, cæterique appellant: illa enim, et Perinthus in Propontidis litore fuere; nisi malis in-

telligere, illum non ingressum fuisse Hellespontum, sed Ægæum ei vicinum appellasse Hellespontum, ut diximus.

19. *Zerynthia litora nacta. Nactis prim.* Vatic. *nactis* Junianus, hoc est, postquam nacti sumus; unus *vecta*; Combianus pro diversa lectione *natat*. HEINS.—*Zerynthia.* Id est, ipsius Thraciæ: nam in Thracia Zerynthum fuisse, scribit Lycophron, sacram Hecatæ; fuit et Zerynthus in Samothrace insula, unde fortasse regioni nomen dedit Ovid.

20. *Threiciam Samon.* Samothraciam insulam in mari Ægæo circa Thraciam.

21. *Saltus ab hac contra. Ab hac terra* plerique veterum; quod amplector; nisi quod *ab hac ora* rectius scribetur: pro *Tentyra* veteres plerique *Epira*, vel *Empyra*. Combianus pro diversa lectione *Tempyra*, quomodo et duo alii: recte; Livius, lib. XXXVIII, c. 41: «Inde Æniorum fines, præter Apollinis, Zerynthium quem vocant incolæ, templum superant. Aliæ angustiae circa Tempyra excipiunt (hoc loco nomen est), non minus confragosæ.» Facessat ergo Ortelius, qui cum Merula *Stentora* emendandum censet. Arondelianus, *Temeira*. HEINS.—*Saltus brevis.* Trajectus non longus. MER.

23. *Nam mihi Bistonios.* E Samo-

Hellespontiacas illa relegit aquas ;  
 Dardaniamque petit, auctoris nomen habentem,  
 Et te, ruricola, Lampsace, tuta Deo.  
 Quaque, per angustas vectæ male virginis undas,

25

thracia digressuræ erant duæ naves, quarum altera, quæ Ovidium vehabat, sinistrum Propontidis cursum, altera vero dextrum tenuit. *Bistonios campos*. Threicium litus. *Pede*. Velo : pars pro toto. MER. — *Nam mihi Bistonios placuit pede carpere campos*. Hunc locum Merula, quum sententiæ suæ de duabus navibus, de qua a principio meminimus, repugnare videret, *pedem* pro fune, quo vela navium reguntur ; *campos* autem pro æquore, sive mari exposuit. At si alteram expositionem recipias, de una navi, eaque sola quæ poetæ fuit, qua in hoc loco relicta, in terram egressus ille, reliquum iter, aut partem saltem, per Thraciam itinere terrestri fecerit ; sua ac propria significatio verbis manet, neque versus ipse quicquam difficultatis habet.

24. *Hellespontiacas illa reliquit aquas*. Non parum difficultatis etiam hic versus habet, præsertim in verbo *reliquit* ; nam quomodo dicamus navem, quæ Dardaniam petebat, in ipsis faucibus Hellesponti sitam, Hellespontum reliquisse ? Aut igitur dicamus, deesse loco huic aliquid, vel pro verbo *reliquit*, relegit, aut simile aliquid reponendum esse, ut sit sententia : ego quidem per campos Bistonios proficisci deinceps constitui : illa autem (navis scilicet) Hellesponti relegit, sive repetivit aquas, transeundo scilicet dextrum latus, et petendo Dardaniam in ipsis faucibus sitam, etc. Aut certe Hellesponti nomen ita accipien-

dum, ut eam tantum maris partem significet, quæ citra fauces est. Et sic recte intelligitur reliquisse Hellespontum navis, quæ, eo jam superato, ipsas fauces ingressa fuit. MICYLL. — *Ille reliquit aquas*. Medonius *relegit* ; puto *peregīt*, aut quid simile ; nam quomodo reliquit Hellespontum, quæ Dardaniam et Lampsacum et Abydum, in ipsis Hellesponti faucibus sitas, aditura sit ? H.

25. *Dardaniamque petit*. Dardania urbs fuit in litore Hellesponti sita : nam post Abydum promontorium est Dardanium, et civitas Dardania, 70 stad. ab Abydo distans. *Petit* autem pro petivit ultimam producit, ut verba omnia syncopam habentia. *Nomen auctoris*. Nomen Dardani Jovis filii, qui eam condidit.

26. *Et te, ruricola, Lampsace* etc. Lampsacum etiam pervenit ab urbe Dardania : fuit autem Lampsacus urbs insignis ad mare sita, quæ portum optimum habuit : prius *Pitiusa* vocabatur. Per Deum autem *ruricolam* Priapum intellige ; qui vir fuit ex Lampsaco urbe Hellesponti ; de qua pulsus, propter obscænitatem : vocat autem *Deum ruricolam*, quoniam in hortis colitur.

27. *Per angustas undas*. Vastum enim mare præjacens Asiæ, et ab Europa porrecto Chersonesi litore expulsum ; angusto meatu irrupit in terras, septem stadiorum intervallo Europam discludens Asiæ ; hasque angustias Hellespontum vocant. *Virginis male vectæ*. Helles, quæ hausta fluctibus periit.

Seston Abydena separat urbe fretum:

Hincque Propontiacis hærentem Cyzicon oris,

Cyzicon, Hæmoniae nobile gentis opus :

30

Quaque tenent Ponti Byzantia litora fauces :

Hic locus est gemini janua vasta maris.

Hæc, precor, evincat, propulsaque flantibus Austris

28. *Seston Abydena.* In Europa enim Seston urbem, in Asia Abydon fuisse, scribit Plinius: in medio vero utriusque urbis Hellespontus fuit.

29. *Hincque Propontiacis hærentem Cyzicon oris.* Puto scribendum *Propontiacis surgentem Cyzicon*; nam in edito colle sita erat; Val. Flaccus, II, 635 sqq: « Nec procul ad tenuis surgit confinia ponti Urbs placidis demissa jugis; rex divitis agri Cyzicus; » sed et Apollonius Rhodius in ejus descriptione: Ἔστι δὲ τις αἰ-  
πιῖα Προποντιδὸς ἐνδοθεὶ νῆσος, Τυτθὸν ἀπὸ Φρυγίης πολλυλῆϊον ἡπειρώϊο, Εἰς ἄλλα κεκλεμένη, ὅσπον τ' ἱκεῖνύρεται ἰσθμὸς Χέρσῳ ἱππερρυγίης κατὰ τείμενος· ἐν δὲ αἱ ἄνται Δρυϊδῶμοι· κείνται δ' ὑπὲρ ἑδαι-  
τος Αἰσθήϊοιο. Recte autem addit *Hæmoniae gentis opus*; nam ab Æneo Thessalo Cyzici partem exstructam fuisse nos docet scholiastes Apollonii. Posset et *vergentem* legi in Nasonē: nam declivem Valerius describit. HEINS.

30. *Cyzicon, Hæmoniae nobile.* Cyzicos oppidum fuit ad Propontidem: quod (ut Florus scribit) fuit nobile arce, mœnibus, portu, turribusque marmoreis: Asiaticæ plagæ litora lustravit. MER.—In hac urbe fuit religiosum magnæ matris delubrum. CROF.—*Gentis.* Gentis Thessalæ, propter Cyzicum Thessalum, et Minyarum unum, ut diximus. Minyæ enim familia fuit, quæ olim Orcho-

menon in Bœotia tenuit: postea in Thessaliam migravit ad Iolcum: unde Argonautæ oriundi sunt.—*Cyzicon Hæmoniae.* Cyzicum, Hæmoniae gentis, hoc est, Thessalorum opus, vocat, non quod Cyzicus ipse ex Minyis, sive Thessalis unus fuerit, sed quod pater Cyzici Æneus Thessalus natione fuit.

31. *Quaque tenent Ponti Byzantia litora fauces.* A Cyzico se deinde venisse dicit ad Thracium Bosporum, in cujus litore sinistro ad Pontum Euxinum navigantibus erat Byzantium, urbs quum natura loci munitissima, tum ad fertilitatem omnium rerum opportunissima.

32. *Gemini maris.* Propontidis et maris Euxini: inter quæ maria sunt fauces, quæ Thracius Bosporus appellantur.

33. *Propulsaque fortibus Austris.* *Flatibus Austri* veteres magna ex parte: Medonianus *flatibus Austris*: scribe *flantibus Austris*, ut apud Statium, Theb. lib. XI, vers. 42 sqq: « ceu circumflantibus Austris Alternus procumbit ager: » si quis *flantibus Austri* malit, ecce paria Met. VII, vs. 532: « Lethiferis calidi spirarunt flatibus Austri. » Ita enim codices nonnulli antiqui; lib. XI, vers. 664: « Auster et ingenti jactatam flamine solvit. » Cicero Cornificio, lib. XII Epist. « Auster adversus maximo flatu me ad tribules tuos Rhegium retulit. » H.



Transeat instabiles strenua Cyaneas,  
 Thyniacosque sinus; et ab his, per Apollinis urbem, 35  
 Alta sub Anchiali mœnia tendat iter:  
 Inde Mesembriacos portus, et Odesson, et arces  
 Prætereat dictas nomine, Bacche, tuo;  
 Et quos Alcathoi memorant a mœnibus ortos,  
 Sedibus his profugum constituisse Larem: 40  
 A quibus, adveniat Miletida sospes ad urbem,  
 Offensi quo me compulit ira Dei.

34. *Instabiles Cyaneas*. In Ponto duæ sunt, mille et quingentis passibus ab Europa, quatuordecim milibus ab ostio, Cyaneæ, ab aliis *Symplegades*, id est, concurrentes, appellatæ: traditæque fabulis inter se concurrisse, quoniam parvo discretæ intervallo, ex adverso intrantibus geminæ cernebantur.

36. *Alta sub Anchiali mœnia tendat iter*. Tendat iter sex meliores; pro *Alta* primæ editiones, prim. Polit. prim. Vatic. prim. Pal. et tres alii, *Vecta*; septem *Apta*; quinque *Acta*; unus *Antra*; alius *Arcta*; latet mendum. Forte *Lecta*, ut *legere litus*. HEINS.—Præfert Burm. *Acta*, si ita distinguatur: « et ab his per Apollinis urbem Acta, sub Anchiali mœnia tendat iter. » — Anchiala, seu Achialia, seu Anchialos, castellum fuit ab Apolloniatis conditum, quæ et *Polloponia* dicebatur: fuit autem in ora Getici litoris.

37. *Inde Mesembriacos portus*. Ab Anchialo, inquit, navis mea in portum Mesembriacum perveniat: Mesembria enim, Megarensium fuit colonia: quam antea *Menebram* vocabant. Et *Odesson*. Ita appellant eam urbem Milesiorum coloniam.

38. *Dictas nomine, Bacche, tuo*.

Dionysiopolim dicit, quæ urbs fuit in eadem ora.

39. *Et quos Alcathoi*. Calatim urbem videretur designare poeta, quæ in litore Getico sita, antea vocabatur *Acervetis*. *Alcathoi mœnibus*. Septem *Alcathoes*; alii *Alcathois*. HEINS.

40. *Profugos constituisse larem*. *Lares* plurimi veterum; sed lego *profugum larem*; Met. III, vs. 539: « Hac Tyron, hac profugos posuistis sede penates. » HEINS.

41. *Ad urbem Miletida*. Ad urbem Istropolim, a Milesiis conditam. Ea autem a sacro Istri ostio occurrebat ad stadia quingenta: inde dextrorsum habenti litus fuit Tomos oppidulum alterum, ad 250 stadia: de quo hic magis placet intelligas, quam de Istropoli; nam ejus exsilii locus fuit Tomos, non Istropolis. MER.—*Miletida*. Tomi enim Milesiorum colonia. Ex hoc carmine conjicio, Ovidium hanc suam et a se tam laudatam navem rursus conscendisse. Quorsum enim optaret, ut sospes Tomos contingeret? PONT.—*Miletida urbem*. Malo *Milesida*; nam a Mileto Milesius deducitur. HEINS.

42. *Contulit ira. Compulit* ex quinque scriptis; et sequenti versu *contigerit* pro *contigerint*, probe com-

Hanc si contigerit, meritæ cadet agna Minervæ :

Non facit ad nostras hostia major opes.

Vos quoque, Tyndaridæ, quos hæc colit insula, fratres, <sup>45</sup>

Mite, precor, duplici, numen, adeste viæ.

Altera namque parat Symplegadas ire per arctas,

Scindere Bistonias altera puppis aquas.

Vos facite, ut ventos, loca quum diversa petamus,

Illa suos habeat, nec minus illa suos.

50

plures ; quidam *Hoc*, vel *Hic*. Lege, *Hanc si contigerit*. HEINS.

43. *Cadet agna Minervæ*. In lib. IV Metamorph. vaccam Minervæ solitam mactari ait. Sed jam quum in exsilium proficisceretur, eam pecuniæ vim, qua vaccam emere posset non habebat : ideo agnam offert, utpote cujus beneficio salvus eo pervenerit. GIOFAN.

45. *Vos quoque, Tyndaridæ*. Castor et Pollux, numina nautica. MER.

47. *Symplegadas ire per altæ*. Uterque Politiani, prim. Vatic. multique

alii *per arctas*, optime : Priscianus Periegesi, *hic sunt Symplegades arctæ* ; et postea : « E regione jacet locus hic Symplegados arctæ. » Seneca, Hercule Furente, v. 1210 : « quæ pontum Scythen Symplegas arctat. » Statius, Theb. V, *ora sunt Cyaneis arctata vadis*. Sequenti versu, *Bistonidas aquas* pro *Bistonias* primus Vaticanus ; sic lib. II de Ponto, Eleg. IX, vers. 54 : « Bistonis ingenio terra superba tuo est. » Mox *ma lim loca quum diversa petantur*, quam *petamus*. HEINS.

## ELEGIA XI.

### ARGUMENTUM.

Excusat se Ovidius, si quid forte in ejus carmine incultum fuerit, et minus elegans ; culpamque hujus rei omnem rejicit in tempestatem et fluctus, quibus obstrepentibus, se hæc scripsisse narrat.

LITERA quæcumque est toto tibi lecta libello,

Est mihi sollicitæ tempore facta viæ.

Aut hanc me, gelidi tremere quum mense decembris,

3. *Aut hæc me, gelido tremere quum mense decembri*. Hanc melio-

res ; *decembris* etiam prim. Vatican. Barberin. et Rottendorph. Lege *ge-*

Scribentem mediis Hadria vidit aquis :

Aut, postquam bimarem cursu superavimus Isthmon , 5

Alteraque est nostræ sumta carina fugæ.

Quod facerem versus inter fera murmura ponti ,

Cycladas Ægæas obstupuisse puto :

Ipse ego nunc miror , tantis animique marisque

Fluctibus ingenium non cecidisse meum. 10

Seu stupor huic studio , sive huic insania nomen ,

Omnis ab hac cura mens relevata mea est.

Sæpe ego nimboris dubius jactabar ab Hædis ;

Sæpe minax Steropes sidere pontus erat :

Fuscabatque diem custos Erymanthidos Ursæ ; 15

Aut Hyadas seris auxerat Auster aquis :

*tidi decembris* ; sic lib. II, vers. 491 , bene codex vetus : « Talia luduntur fumosi mense decembris ; » ubi *fumoso decembri* nunc circumfertur.

4. *Hadria*. Mare Hadriaticum , ita appellatum ab Hadria urbe Illyrico mari proxima : vide Plinium , lib. III, cap. 16.

5. *Isthmon bimarem*. Peloponnesi Isthmum , qui adluitur mari Ægæo et Ionio. *Isthmus* autem dicitur ea terræ angustia , quæ inter duo maria iter porrigit ad Chersonesum , ut diximus.

6. *Nostræ fugæ*. Mihi in exilium proficiscenti. CIOFAN.

8. *Cycladas Ægæas obstupuisse puto*. Cyclades insulæ sunt in mari Ægæo , quas duodecim tantum fuisse scribit Strabo. Dictæ autem sunt , quod circa Delum *in cyclon* , id est , in orbem , sitæ sunt : ut Plinius scribit. MER.

10. *Ingenium non cecidisse*. Ingenio nihil perniciosius mœroribus et angoribus , quibus illius vis omnis exeditur. PONT.

11. *Seu stupor* etc. Hic versus legitur in antiquo lapide apud Gruterum , pag. 636 , hoc modo : « Seu stupor huic studio est ; sive est insania nomen , Omnis ab hac cura relevata mea est. » In Moreti lib. est , *sive huic insania nomen* , quod placuit Heinsio ; non mihi : *mens relevata fuit* Francof. BURM.

13. *Ab Hædis nimboris*. Ab Hædis nimbum et tempestatem inducentibus : hi autem in ortu et occasu tempestatem , pluviamque faciunt.

14. *Sæpe minax Steropes*. Pleiades intelligit. Fuit autem Sterope una ex septem Pleiadibus , quæ fuere filiæ Pleiones et Atlantis. Hæ *Vergiliæ* a nostris appellantur , quod in vere oriuntur.

15. *Custos Erymanthidos Ursæ*. Arctophylaca intelligit , in cujus zona est stella Arcturus , cujus ortus et occasus tempestates gravissimas facit.

16. *Aut Hyadas seris hauserat Auster aquis*. *Auxerat* libri nonnulli ; sed frustra : videtur enim ad nomen Austri alludere. Statius de tempe-



Sæpe maris pars intus erat; tamen ipse trementi  
 Carmina ducebam qualiacumque manu.  
 Nunc quoque contenti stridunt Aquilone rudentes,  
 Inque modum tumuli concava surgit aqua : 20  
 Ipse gubernator, tollens ad sidera palmas,  
 Exposcit votis, immemor artis, opem.  
 Quocumque adspicio, nihil est, nisi mortis imago,  
 Quam dubia timeo mente, timensque precor :  
 Adtigero portum, portu terrebor ab ipso ; 25  
 Plus habet infesta terra timoris aqua.  
 Nam simul insidiis hominum pelagique laboro,  
 Et faciunt geminos ensis et unda metus.  
 Ille meo vereor ne speret sanguine prædam;  
 Hæc titulum nostræ mortis habere velit. 30  
 Barbara pars læva est, avidæ succincta rapinæ,

state, Theb. IX, vs. 460 sq: « quum Pleiadas haurit, Aut nigrum trepidis impingit Oriona nautis. » Pro *seris aquis* plerique veteres, meliores certe, *sævis*. Scribi aliquando placebat: « Aut Hyadas pluviis hauserat Auster aquis; » sive *auxerat*. Sic Arte Amat. lib. III, 174: « Nec tepidus pluvias concitat Auster aquas; » hinc *pluviae Hyades* Senecæ Medea: « nondum pluvias Hyadas poterat vitare ratis. » Ita optimus Medic. quomodo viri docti coniecerant: nam Hyades ἀπὸ τοῦ ὑερ dictæ: vide Nostrum Fast. lib. V, vs. 166; sed et *sævæ aquæ* pro procellosis: hinc *nimbosa Hyas* Claudiano, *Hyas inserena* dicta Statio: sic præcedenti elegia de nave, *nec sævis victa fatiscit aquis*; sic et *sævi venti, turbines, procellæ sævæ* ac *tempestates* apud poetas passim. Putabam aliquando *paverat Auster*. Rutilius sub finem, lib. I, de Oceano, ubi et Hyadum mentio: « Sive alio

refluus nostro colliditur orbe, Sive corusca suis sidera pascit aquis. » HEINS. — Tauri caput conspersum est stellis frequentibus, quas stellas Græci Hyadas vocitare consueverunt *a pluendo*: vide Gellium, lib. XIII, cap. 9. MER. — *Hauserat aquis*; pro exhauserat, et quasi evacuaverat aquis, ὑπερβολικῶς. Aut certe καὶ ὑπαλλογῆν, ut sit dictum, pro, Hyades hauserant, hoc est, adtraxerant, et concitarant Austrum et pluvias. MIC. — *Seris auxerat*. Ita nostri codd. Regg. A et B; quod servo: *seris*, gravibus, diris: *auxerat*, quia Auster, ventus pluvius, pluviarum Hyadum imbres auget.

19. *Contenti strident Aquilone rudentes*. *Stridunt* meliores ἀρχαϊκῶς; Fast. VI, 40: « Causa quod horrenda stridere voce solent; » *distenti* etiam *rudentes* est in Barber. et mox tres codices *cumuli* pro *tumuli*. H.

31. *Barbara pars læva est*. Designat

Quam cruor, et cædes, bellaque semper habent.

Quumque sit hibernis agitatum fluctibus æquor,

Pectora sunt ipso turbidiora mari.

Quo magis his debes ignoscere, candide lector,

35

Si spe sunt, ut sunt, inferiora tua.

Non hæc in nostris, ut quondam, scribimus hortis:

Nec, consuete, meum, lectule, corpus habes.

Jactor in indomito, brumali luce, profundo;

Ipsaque cæruleis charta feritur aquis.

40

Improba pugnat hyems, indignaturque, quod ausim

Scribere, se rigidas incutiente minas.

Vincat hyems hominem; sed eodem tempore, quæso,

Ipsæ modum statuam carminis, illa sui.

Thraciæ litus, quod Ponto adluitur: quod scribit Strabo desertum esse, petrosum, importuosum. MER. — *Avidæ substracta rapinæ*. Alii leg. *Avidæ submissa*, etc. dedita et quasi mancipata. BERSM. — *Barbara pars læva est*. Intelligamus, hanc Elegiam statim post superiorem scriptam, quum ex Samothracia ipsam Thraciam veheretur poeta: Barbarosque dici eos, qui in ora Thraciæ ad lævam habitarent. Aut certe, ut ponamus, per Thraciam parte saltem aliqua fecisse pedibus iter poetam, posteaque ad navem reversum: atque ita tamen Elegiam hanc scripsisse. MICYL. — *Avidæ substracta rapinæ*. Uterque Palatinus multique alii, *substrata*; prim. Vatic. atque septem præterea *substracta*; totidem

*subjecta*, ut forte sit scribendum *avidæque objecta rapinæ*, vel *instructa*. HEINS. — Vossiana excerpta habent *avidæ succincta*, quod maxime placet; *succincta* enim est pro parata, prompta ad prædas agendas. BURM.

36. *Si spe sint, ut sint. Si spe sunt, ut sunt*, meliores; et mox *scripsimus pro scribimus*. Puto: « Si spe sunt, ut erunt, inferiora tua, » infra IV, 1, vs. 1: « Si qua meis fuerint, ut erunt, vitiosa libellis. » HEINS.

38. *Nec, consuete, meum, lectule, corpus habes*. Antiqui meditationi, aut scriptioni operam daturi, in lectulis suis lucubratoriis se componebant.

44. *Modum carminis*. Finem scribendi. — *Illæ sui*. Illæ hyems statuatur modum sui, id est, desinat sævire.

PUBLII OVIDII NASONIS  
TRISTIUM  
LIBER SECUNDUS.

ELEGIA UNICA.

ARGUMENTUM.

Precatur Augustum Ovidius, ut, si non reditum velit, mitius tamen ac tutius exsilium concedat; dicitque se tentare, si forte carmina, quæ illi antea nocuere, nunc possint salutem reddere: quemadmodum Achillis hasta, quæ Telephum et vulneravit et sanavit. Longo igitur et artificioso carmine conatur Cæsarem placare, ostendens se multa de eo scripsisse; enumeratque poetas alios quam plurimos, qui nunquam ulla clade adfecti sunt, quamvis mordacia, aut turpia poemata ediderint.

QUID mihi vobiscum est, infelix cura, libelli,  
Ingenio perii qui miser ipse meo?

Cur, modo damnatas, repeto, mea crimina, Musas?

An semel est pœnam commeruisse parum?

Carmina fecerunt, ut me cognoscere vellent

Omne non fausto femina virque, mea:

Carmina fecerunt, ut me moresque notaret

Jam demum visa Cæsar ab Arte meos.

5. *Cognoscere vellet. Vellent meliores; nisi quod in Hamburgensi velles; quinque alii possent. Proximo versu pro meo reponendum mea; videlicet carmina: atque ita Puteaneus codex; Patavinus meæ. Disti-*

chon hoc, ne quid dissimulem, genuinæ notæ non esse habeo persuasum. HEINS.

8. *Jampridem invisæ. Jampridem visæ multi veteres; quatuor meliores Jam demum visæ; quod sequor.*



Deme mihi studium ; vitæ quoque crimina demes :

Acceptum refero versibus, esse nocens.

10

Hoc pretium curæ vigilatorumque laborum

Cepimus : ingenio pœna reperta meo.

Si saperem, doctas odissem jure sorores,

Numina cultori pernicioſa ſuo.

At nunc, tanta meo comes est insania morbo,

15

Saxa malum refero rursus ad ista pedem.

Scilicet et victus repetit gladiator arenam ;

Et redit in tumidas naufraga puppis aquas.

Forsitan, ut quondam Teuthrantia regna tenenti,

Sic mihi res eadem vulnus opemque feret :

20

Musaque, quam movit, motam quoque leniet iram ;

Exorant magnos carmina sæpe Deos.

Ipsæ quoque, Ausonias Cæsar matres quenurusque

Carmina turrigeræ dicere jussit Opi :

10. *Esse nocens* est græcismus pro *esse nocentem*, inquit Micylus. BURM.

11. *Hoc pretium vitæ. Curæ* rectius unus Bononiensis, Arondelianus, et tres alii pro diversa lectione ; nam *vitæ* præcesserat paulo ante ; neque aliter Bersm. liber. Pont. II, iv, 16 : « Hoc pretium curæ dulce recentis erat ; » atque ita jam in notis suis meus parens. H. — *Hoc pretium vitæ.* Hoc præmium vitæ anteactæ : quod scilicet pœnam ingenio reperi. MER.

14. *Cultori suo.* Mihi Ovidio, qui eas colui ac sectatus sum. CIOF.

16. *Saxa memor refero rursus ad icta pedem.* Malum pedem meliores magno numero ; alii non pauci *meum* : pes malus pro læso pede ; Art. Am. III, 271, quamquam diverso sensu : « Pes malus in nivea semper celetur aluta ; » pro *icta* duo veteres *acta* ; lege *Saxa ista* : designat studium

poeticum : pro *refero* malim etiam *referor*, ut sit græcismus : præterea unus Vaticanus pro diversa lectione : « Læsum saxa pedem rursus ad icta fero » ; ut fortassis sit scribendum : « Saxa malum referor læsus ad ista pedem. » HEINS.

17. *Scilicet ut victus.* Rectius et cum uno Bononiensi, et tum distinctio mutanda. HEINS.

19. *Teuthrantia regna.* Mysiæ regna, quæ tenuit rex Teuthrantes : qui virili stirpe carens, Argiopem filiam Telepho despondit, eumque reliquit regni successorem.

20. *Feret. Ferat* duo veteres et leniat. HEINS.

21. *Musaque quæ movit.* Quam meliores. HEINS.

24. *Carmina turrigeræ.* De Ope Saturni conjuge intelligas, de qua ita scribit Macrobius. « Opem Saturni conjugem crediderunt, et ideo eodem

Jusserat et Phæbo dici, quo tempore ludos 25

Fecit, quos ætas adspicit una semel.

His precor exemplis tua nunc, mitissime Cæsar,

Fiat ab ingenio mollior ira meo.

Illa quidem justa est, nec me meruisse negabo :

Non adeo nostro fugit ab ore pudor. 30

Sed, nisi peccassem, quid tu concedere posses?

Materiam veniæ sors tibi nostra dedit.

Si, quoties homines peccant, sua fulmina mittat

Jupiter, exiguo tempore inermis erit.

Hic ubi detonuit, strepituque exterruit orbem, 35

Purum discussis aera reddit aquis.

Jure igitur genitorque Deûm rectorque vocatur ;

Jure capax mundus nil Jove majus habet.

mense Saturnalia et Opalia celebrare consueverunt, quod Saturnus, ejusque uxor tam frugum, quam fructuum repertores esse credantur. Itaque omni jam fœtu agrorum coacto, ab hominibus hos Deos coli, quasi vitæ cultioris auctores, et terram *Opem*, cujus ope humanæ vitæ alimenta quærantur. Huic Dæe sedentes vota concipiunt, terramque de industria tangunt, demonstrantes ipsam matrem terram esse mortalibus adpetendam. » *Opi turrigeræ*. Opi coronam turritam gerenti. Ea enim est terra, ut diximus : cui superpositæ sunt civitates, quas insignitas turribus constat, ut etiam Servius scribit. MER.

25. *Jusserat et Phæbo dici*. Seculares ludos designat, qui fiebant post centum annos : Horat. in carmine, quod de secularibus ludis cantatum est, id tempus hoc modo designavit, Epod. vers. 21 sqq. vulgo ad calcem : « Certus undenos decies per annos Orbis ut cantus, referatque

ludos Ter die claro, totidemque grata Nocte frequentes. » Quibus versibus patet, seculares ludos centesimo decimo anno fieri solitos. Ludi autem celebrabantur omnibus theatris omnium generum, et sacrificia templis omnibus fiebant noctu pariter, atque interdium. Primus autem Valerius Publicola consul post reges exactos, seculares ludos instituit. MER. — *Jusserat et Phæbo dici*. Canebatur carmen seculare Apollini et Dianæ, tamquam diis ἀλειτουργοῖς et ἀποτροπαιόις, malorum depulsoribus. PONT. — *Quo tempore ludos Fecit*. Ludos seculares intelligit, qui Dione teste l. 54, an. u. c. DCCXXXVI, quinto celebrati sunt. Alludit autem hoc loco poeta ad præconis consuetudinem, qui convocato ad horum ludorum spectacula populo, ita dicebat : Hos ludos qui facturi sunt, nemo vestrum vidit, nec visurus est.

28. *Ab ingenio meo*. Erga me virum ingeniosum. CIOF.

35. *Nunc ubi. Hic ubi* plerique. H.

Tu quoque, quum patriæ rector dicare paterque,  
Utere more Dei nomen habentis idem.

40

Idque facis : nec te quisquam moderatius unquam  
Imperii potuit fræna tenere sui.

Tu veniam parti superatæ sæpe dedisti,  
Non concessurus quam tibi victor erat.

Divitiis etiam multos et honoribus auctos

45

Vidi, qui tulerant in caput arma tuum :  
Quæque dies bellum, belli tibi sustulit iram ;

Parsque simul templis utraque dona tulit :  
Utque tuus gaudet miles, quod vicerit hostem ;

Sic, victum cur se gaudeat, hostis habet.

50

Causa mea est melior, qui nec contraria dicor  
Arma, nec hostiles esse secutus opes.

Per mare, per terras, per tertia numina juro,

Per te, præsentem conspicuumque Deum,  
Hunc animum favisse tibi, vir maxime : meque,

55

Qua sola potui, mente fuisse tuum.

Optavi peteres cælestia sidera tarde ;

Parsque fuit turbæ parva precantis idem.

Et pia tura dedi pro te : cumque omnibus unus

Ipse quoque adjuvi publica vota meis.

60

40. *Utere more Dei.* More Jovis post tonitrua serenitatem inducentis ; ex quo latenter reditum precatur. *Nomen habentis idem.* Perperam in multis, *numen* ; Fast. II, 131, ad Augustum : « Hoc tu per terras, quod in æthere Jupiter alto, Nomen habes : hominum tu pater, ille Deum. » HEINS.

43. *Tu veniam parti superatæ sæpe dedisti.* Nam Tranquillus ita scribit in Augusto : « Clementiæ civilitatisque ejus multa et magna documenta sunt, ne enumerem quot, et quos

diversarum partium venia et inco-lumitate donatos, principem etiam in civitate locum tenere passus sit. »

46. *Vidi, qui tulerant in caput arma tuum.* Consule Sueton. in vita Aug.

49. *Quod vicerit hostem.* Rectius alii *quia*. HEINS.

50. *Sic cur se victum.* Sic hostis tuus cognoscit se victum justa de causa. MER.

53. *Per tertia numina.* Per aquas. Potius cælum intellige. CIOF. Quæ melior interpretatio ; sic enim lib. III Amor. Eleg. VIII, vers. 49 sq :



Quid referam libros, illos quoque, crimina nostra,

Mille locis plenos nominis esse tui?

Inspice majus opus, quod adhuc sine fine reliqui,

In non credendos corpora versa modos;

Invenies vestri præconia nominis illic: 65

Invenies animi pignora multa mei.

Non tua carminibus major fit gloria, nec quo,

Ut major fiat, crescere possit, habet.

Fama Jovis super est; tamen hunc sua facta referri,

Et se materiam carminis esse, juvat: 70

Quumque Gigantei memorantur prælia belli,

Credibile est lætum laudibus esse suis.

Te celebrant alii quanto decet ore, tuasque

Ingenio laudes uberiore canunt.

Sed tamen, ut fuso taurorum sanguine centum, 75

Sic capitur minimo turis honore Deus.

Ah ferus, et nobis nimium crudeliter hostis,

Delicias legit qui tibi cumque meas!

« Quid tibi cum pelago? terra contenta fuisses: Cur non et cælum, tertia regna, petis? » — *Per ter tria numina* legere Casaubonium notavit Francius. BURM.

62. *Plenos nominis esse tui.* Duo veteres *numinis*, quum *vestri præconia nominis* paulo post iterum sequatur, vel *tanti nominis*, ut Gotthorphanus. HEINS.

63. *Inspice majus opus.* Adspice *Metamorphosin*.

64. *In non credendos corpora versa modos*; ad Diogenem τὸν τὰ ἅπιστα γράψαντα videtur respexisse; e quo in *Metam.* inter cæteros haud dubie quædam desumserat. Meminit illius Epiph. Dan. HEINS. BURM.

65. *Invenies vestri* etc. Laudat in metamorphosi, et in calce potissi-

um, Julium Cæsarem, et Aug.°

69. *Fama Jovis superest.* Heinsius errat, qui putat scribendum esse, *Fama Jovi par est*; quia cum Jove Cæsarem confert non raro: ut paulo ante jam partim vidimus; et simile mendum Gratii codices insedit, ubi legendum *Vix oneri par illa suo pro super*; apud Stat. de Thiodamante, VIII, 285, « Seque oneri negat esse parem; » Val. Fl. I, 110 sq, de Hyla: « Velit ille quidem, sed dextera nondum Par oneri, clavæque capax. » — Nihil clarius: *Fama Jovis est supra omnes*; tamen laudari ipse gaudet.

73. *Te celebrant alii.* Maronem inprimis designat. MER.

78. *Delicias meas.* Vel libros Amorum, vel certe amatoria præcepta intellige.

Carmina ne nostris sic te venerantia libris

Judicio possint candidiore legi.

80

Esse sed irato quis te mihi posset amicus ?

Vix tunc ipse mihi non inimicus eram.

Quum cœpit quassata domus subsidere, partes

In proclinas omne recumbit onus :

Cunctaque, fortuna rimam faciente, dehiscunt ;

85

Ipsa suo quondam pondere tecta ruunt.

Ergo, hominum quæsitum odium mihi carmine, quaque

Debuit, est vultus turba secuta tuos.

At, memini, vitamque meam moresque probabas

Illo, quem dederas, prætereuntis equo.

90

Quod si non prodest, et honesti gratia nulla

79. *Carmina ne nostris sic te venerantia libris.* Plurimi veterum quo te venerantia, vel quæ, vel quoque. Sed meliores quæ. Nonnulli etiam pro ne, nunc agnoscunt, et sequenti versu *Indicio* pro *Judicio*, et possunt pro *possint*. Sed quo te vertas, omnia subobscura sunt. Quare et hoc distichon inter spuria numeretur. HEINS.

81. *Esse sed irato.* Ostendit latenter multos, et eum potissimum, qui legit ejus delicias Cæsari, fuisse sibi iratum, propterea quod sciebat eum esse Augusto infestum. Vel certe dicit se omnibus fuisse invisum, posteaquam ejus carmen damnavit Augustus.

86. *Ipsa suo quædam pondere tracta ruunt.* Quondam meliores ; deinde tecta sex libri, quod sequor : etsi hoc distichon etiam sit inter suspecta, quod versibus duobus superioribus jam sit complexus ea, quæ hoc continentur. HEINS.

89. *At, memini, vitamque meam.* Mei in plerisque scriptis.

90. *Prætereuntis equo.* Probasse mores ipsius argumento esse ait, quod ab eo, ut censore, equo donatus sit. Loquitur autem de equo transvectionis. Dionysius, lib. VI, scribit, in honorem adparitionis Castorum, illiusque victoriæ, quæ ad lacum Regillum parta est, equis sedentes transveli, incipientes a templo Martis extramurano, perrexisse per forum, juxta ædem Castoris. Fiebat autem hæc transvectio idib. Quintilibus, quo die apud lacum Regillum prospere pugnatum est, Castore et Polluce auxiliantibus. In transvectione autem equites vehabantur, coronati olivarum ramis, indutique trabeis puniceï coloris, secum gestantes ornamenta, præmiæque omnia fortitudinis, quæcumque in præliis ob rem bene gestam, a ductoribus suis acceperent.

91. *Quod si non prodest.* Hic denovo grassatus est interpolator nescio quis. Certe versus hic cum sequenti semibarbarus est. Pro gloria quatuor scripti gratia, quod præstat. Pro cri-

Redditur, at nullum crimen adeptus eram.  
 Nec male commissæ est nobis fortuna reorum,  
 Lisque decem decies inspicienda viris.  
 Res quoque privatas statui sine crimine iudex, 95  
 Deque mea fassa est pars quoque victa fide.  
 Me miserum! potui, si non extrema nocerent,  
 Iudicio tutus non semel esse tuo.  
 Ultima me perdunt; imoque sub æquore mergit  
 Incolumem toties una procella ratem: 100  
 Nec mihi pars nocuit de gurgite parva: sed omnes  
 Pressere hoc fluctus, Oceanusque caput.

*men adeptus*, quod latinum vix est, forte *adortus* est scribendum, ut ap. Virg. *Æn.* VI, 386: « Simulato numine Bacchi, Majus adorta nefas; » ubi tamen *adorsa* in nonnullis scriptis. Sed meliores pro vulg. stant; Pont. lib. II, *Eleg.* II, vers. 15 sq: « Est mea culpa gravis, sed quæ me perdere solum Ausa sit, et nullum majus adorta nefas. » Ita libri veteres; sic *maris æquor adorti* Val. Flacco, lib. I; et *tantum æquor adorti*, lib. IV. Sed ne sic quidem hoc distichon genuinum esse ausim adseverare. H.

93. *Nec male commissæ est.* His duobus versibus designat se poeta centumvirum fuisse. In eo enim iudicio causæ testamentariæ, et hæreditariæ, criminalesque etiam audiebantur. Centumviri autem a numero virorum dicebantur. Nam quum Romæ essent quinque et triginta tribus, terni ex singulis tribubus eligebantur ad iudicandum: et licet quinque supra centum fuerint, tamen ut facilius nominarentur, centumviri sunt dicti. Eorum vero iudicium *centumviralis hasta* nominabatur: quod posita in foro hasta, centumviri iudicabant. *Fortuna reorum.* Sors eorum,

qui centumviralî iudicio subiciebantur.

94. *Usque decem decies.* Tò *Usque* frivolum et otiosum hoc loco: duo veteres *Utque*; unus *Vixque*. Scribe omnino: « Lisque decem decies inspicienda viris. » Centum viros litibus iudicandis designat. Ne dubita de hac restitutione. HEINS.

95. *Res quoque privatas statui.* Hic Ovidius videtur ostendere, se ex quarta decuria iudicem, hoc est, triumvirum electum, iudicasse de levioribus summis: per centumvirale iudicium docet, se iudicia publica; per privatas vero causas, privata etiam iudicia triumvirum exercuisse. — Nihil aliud vult, nisi se etiam inter iudices adlectum, quos prætor in causis privatis dare solebat. Omnia confundit ignorantia antiquitatis Merula, inepte adserens Ovid. iudicem ex quarta decuria fuisse, et triumvirum electum. Triumvir fuit; sed illi non iudicabant. BURM.

99. *Ultima me perdunt. Produunt* unus gallicus; sic infra hoc ipso libro, v. 207, Combrianus: « Prodiderint quum me duo crimina. » HEINS.



Cur aliquid vidi? cur noxia lumina feci?

Cur imprudenti cognita culpa mihi?

Inscius Actæon vidit sine veste Dianam :

105

Præda fuit canibus non minus ille suis.

Scilicet in Superis etiam fortuna luenda est;

Nec veniam, læso numine, casus habet.

Illa namque die, qua me malus abstulit error,

Parva quidem periit, sed sine labe, domus.

110

Sic quoque parva tamen, patrio dicatur ut ævo

Clara, nec ullius nobilitate minor;

Et neque divitiis, nec paupertate notanda :

Unde fit in neutrum conspiciendus eques.

Sit quoque nostra domus, vel censu parva, vel ortu ;

115

Ingenio certe non latet illa meo.

Quo videar quamvis nimium juveniliter usus;

Grande tamen toto nomen ab orbe fero.

Turbaque doctorum Nasonem novit, et audet

Non fastiditis adnumerare viris.

120

Corruit hæc igitur Musis accepta, sub uno,

Sed non exiguo, crimine lapsa domus :

103. *Cur aliquid vidi?* De causa relegationis Ovidii multi multa scripsere; in quibus non deest, qui credat eum vidisse Augusti incestum cum filia Julia. Et crebrius et gravius hanc noxam deplorat, quam illam alteram, cui stultitiæ nomen imponit.

104. *Cur imprudenti cognita culpa mihi est.* Cognita causa veteres octo, ut cognitor in causa aliqua fuisse videatur, et hoc etiam nomine offenderit Augustum; Fast. V, 2: « Non satis est liquido cognita causa mihi. »

105. *Inscius Actæon*; conf. Met. III, vers. 175 sqq.

106. *Non minus.* Puto num minus.

109. *Illæ nostra die.* Namque die

multi, et rectius: nonnulli etiam *meus error*. HEINS.

113. *Notanda est.* Tò est puto delendum cum multis veterum: deinde pro *sit* quidam *fit*. HEINS.

114. *Unde sit in neutrum conspiciendus eques.* Auctor vitæ Pomponii Attici: « Supellex modica non multa, ut in neutram partem conspici posset. » HEINS.

115. *Vel censu.* Vel fortunis. Equestris census erat, quadringenta sestertia, hoc est, decem millia Philipeorum; hodie 35,000 francorum.

122. *Sed non exiguo.* Sed tamen prim. Palat. et duo alii. Lege, *Nec tamen*. HEINS.

Atque ea sic lapsa est, ut surgere, si modo læsi

Ematuruerit Cæsaris ira, queat.

Cujus in eventu pœnæ clementia tanta est,

125

Ut fuerit nostro lenior illa metu.

Vita data est, citraque necem tua constitit ira,

O princeps parce viribus use tuis.

Insuper accedunt, te non adimente, paternæ,

Tanquam vita parum muneris esset, opes.

130

Nec mea decreto damnasti facta senatus :

Nec mea selecto iudice jussa fuga est.

Tristibus invectus verbis, ita principe dignum,

Ultus es offensas, ut decet, ipse tuas.

Adde, quod edictum, quamvis immane minaxque,

135

Attamen in pœnæ nomine lene fuit.

Quippe relegatus, non exsul dicor in illo;

Parcaque fortunæ sunt data verba meæ.

124. *Ematuruerit.* Matura facta fuerit, et lenita. Et Columella, lib. VII : « Et quum maturuit supputatio, rescinditur ferro ; » vide Gell. lib. X, cap. 11.

126. *Ut fuerit nostro lenior ira metu.* Lenior illa meliores : recte ; nam τὸ ira præcesserat, et proximo versu denuo iteratur. Leidensis etiam *Venerit ut nostro*, venuste. HEINS.

127. *Citraque necem.* Citra animadversionem in vitam et fortunas.

130. *Tanquam vita parum muneris esset.* Laudat Cæsaris clementiam, cui vita Ovidio concessa parvum beneficium videbatur, nisi etiam illi fortunas suas concessisset.

131. *Nec mea decreto damnasti facta senatus ; fata* habent quidam ; *judicio damnasti* Moreti ; alii *decreto damnatur vita senatu.*

132. *Selecto.* Fuerunt enim quatuor decuriæ iudicum primo, plu-

ribus discretæ nominibus. Namque aliæ tribunorum æris, aliæ iudicum. Quidam nongenti, quidam selecti vocabantur ; Plin. lib. XXXIII.

133. *Ita principe dignum.* Dignum est plerique ; Buslidianus *a principe dignus.* Puto *ac principe dignis.* H.

135. *Quamvis immitte minaxque.* Immane prim. Polit. et opt. Palatin. Bene. HEINS.

137. *Quippe relegatus.* Relegare est, in insulam aliquem, vel in alium locum mittere ; differtque exsilium ( ut jurisconsultis placet ) a relegatione, quod *exsilium* est perpetuum, *relegatio* fit ad tempus. — *Non exsul dicor ab urbe pr. Palat.*

138. *Parcaque fortuna sunt ibi verba meæ.* *Paucæque* quinque veteres ; *Parcaque* prim. Vatic. et duo alii ; pro *ibi* plerique *tibi* ; quinque *sunt data*, ut Pont. II, El. VII, 20 : « Verbaque fortunæ vix puto posse dari ; »

Nulla quidem sano gravior mentisque potenti

Pœna est, quam tanto displicuisse viro.

140

Sed solet interdum fieri placabile numen :

Nube solet pulsa candidus ire dies.

Vidi ego pampineis oneratam vitibus ulmum,

Quæ fuerat sævo fulmine tacta Jovis.

Ipse licet sperare vetes, sperabimus æque;

145

Hoc unum fieri, te prohibente, potest.

Spes mihi magna subit, quum te, mitissime princeps;

Spes mihi, respicio quum mea fata, cadit.

Ac veluti ventis agitantibus æquora, non est

Æqualis rabies, continuusque furor;

150

Sed modo subsidunt, intermissique silescent,

Vimque putes illos deposuisse suam;

Sic abeunt, redeuntque mei, variantque timores;

Et spem placandi dantque negantque tui.

et Pont. II, El. 1, 5 sq : « Tandem aliquid pulsa curarum nube serenum Vidi, fortunæ verba dedique meæ. » *Sex sunt tua verba.* H.

139. *Mentisque potenti.* Compoti mentis : cujus mens de potestate sua non exiit : uti contra impotens dicitur, qui temperare adfectibus non potest ; quique animi commotiones in potestate non habet sua. Cic. ad Famil. IV, ep. 19, *Ferociores impotentioresque* ; Gato, de præda militibus dividenda : non longe a principio : « Domi victa libertas nostra impotentia muliebri. » Sic, *Juno impotens* ; *Aquilo impotens*, qui sine more furit, Horat. III, Od. xxx, 3, « Impotentia quædam animi a temperantia et moderatione plurimum dissidens, » Cicer. Tusculan. Epist. lib. IV ; et lib. V : « Distrahuntur in contrarias partes impotentium cupiditates. » Πολὺν δὲ ὁ ἀνέσθελ' ἡρεξεν,

βίη καὶ κράτει ἔκταν, Hom. Odys. 2, vers. 138. *Sane gravior mentique potenti. Sano* liber Strozze. Scribe *Sano mentisque potenti.* Seneca Thyestes, 547 : « ferus ille et acer, Nec potens mentis truculentus Atræus. »

142. *Nube solet pulsa candidus ire dies* ; Tibullus, III, vi, 32 : *Venit post multos una serena dies.*

145. *Sperabimus : atque Hoc unum fieri.* Lege, *Sperabimus æque* ; nihilominus sperabimus : præter morem Ovidii in ultimo versu nova perodus incipit. Posset etiam legi *sperabimus usque.* Paulo ante *sævi Jovis* castigatioris, non *sævo fulmine.*

147. *Mitissime Cæsar. Princeps meliores* ; et sequenti versu *fata pro facta* cum Juniano ac Vossiano ; alibi : « Quum video quam sint mea fata tenacia, frangor. » HEINS.

151. *Intermissique silescent. Liquescent* unus ; unde olim Heins. con-



Per Superos igitur, qui dent tibi longa, dabuntque 155

Tempora, Romanum si modo nomen amant;

Per patriam, quæ te tuta et secunda parente est;

Cujus, ut in populo, pars ego nuper eram;

Sic tibi, quem semper factis animoque mereris,

Reddatur gratæ debitus urbis amor. 160

Livia sic tecum sociales compleat annos,

Quæ, nisi te, nullo conjuge digna fuit :

Quæ si non esset, cælebs te vita deceret;

Nullaque, cui posses esse maritus, erat.

Sospite sic te sit natus quoque sospes; et olim 165

Imperium regat hoc cum seniore senex :

Utque tui faciant, sidus juvenile, nepotes,

Per tua, perque sui facta parentis eant.

jiciebat *quiescunt*, ut et in MS; sed nil opus. Catull. XLVI, 2 sq: « Jam cæli furor æquinoctialis Jucundis zephyri silescit auris. » BURM.

155. *Qui dant tibi longa, dabuntque, Tempora.* Scribe, *qui dent tibi*; quod augurantis et voventis est. Confirmat unus Vaticanus. Statius, Sylvar. IV, rv, 56 sq: « Attu, si longi cursum dabit Atropos ævi, Detque precor. » Noster, Pont. II, 1, 53: « Di tibi dent annos: a te nam cætera sumes ».

158. *Cujus et in populo. Ut in populo* multi veterum: vere; quod et in suis Zinzerlingus invenerat.

161. *Livia sic tecum.* Liviam Drusillam dicit, quam Augustus, repudiata Scribonia, duxit uxorem. Eam a matrimonio Tiberii Neronis, et quidem prægnantem abduxit, dilexitque et probavit unice, ac perseveranter, ut scribit Tranquillus. *Impleat annos. Meliores compleat*; Trist. IV, x, 77: « Et jam complet rat genitor sua fata. » HEINS.

165. *Sospite sic te sit natus quoque sospes.* Alii aliter. Voss. *Sospite sic tecum sit natus sospes*; quod adridet.

166. *Imperium regat hoc.* Malim *Hoc regat imperium*; et mox cum Juniano *Utque tui faciant*; non *Ut faciuntque tui*. Vossianus etiam bene: « Utque tui sidus faciunt juvenile nepotes. » HEINS.

167. *Efficiantque tui.* Ordo est: et tui nepotes, *Caius* scilicet, qui in Lycia periit; et *Lucius*, qui Massiliæ, ut alibi diximus. Adpositive, sidus juvenile, efficiant, ut natus Tiberius eat in tua et parentis tui nomina: hoc est, te et patrem Julium imitetur. MER.

168. *Per tua perque tui facta parentis eant.* Immo *sui parentis* cum tribus scriptis. Germanicum et Drusum filios Tiberii intelligit; qui de Caio et Lucio interpretantur jamdudum mortuis, toto cælo aberrant. H. — *Per tua facta*, etc. Insistant avi et parentis tui vestigiis, imitando illorum facta. BERGM.

Sic adsueta tuis semper victoria castris,

Nunc quoque se præstet, notaque signa petat; 170

Ausoniumque ducem solitis circumvolet alis,

Ponat et in nitida laurea sarta coma;

Per quem bella geris, cujus nunc corpore pugnas;

Auspicium cui das grande, Deosque tuos;

Dimidioque tui præsens es, et adspicis urbem; 175

Dimidio procul es, sævaque bella geris.

Hic tibi sic redeat superato victor ab hoste;

Inque coronatis fulgeat altus equis;

Parce, precor; fulmenque tuum, fera tela, reconde,

Heu nimium misero cognita tela mihi! 180

Parce, pater patriæ: nec nominis immemor hujus

Olim placandi spem mihi tolle tui.

Nec precor, ut redeam: quamvis majora petitis

Credibile est magnos sæpe dedisse Deos.

169. *Sic adsueta tuis semper victoria castris.* Victoria Dea fuit, quam Apuleius, lib. II. *Metamorph. pal-marem Deam* appellat.

170. *Nunc quoque se præstet.* Scribe *Huic quoque.* Tiberio nimirum blanditur, ut ex sequentibus satis adparet. HEINS.

171. *Ausoniumque ducem.* Tiberium designat, qui, nunciata Illyrici defectione, transiit ad curam novi belli, quod gravissimum omnium bellorum post Punica, per quindecim legiones, paremque auxiliorum copiam triennio gessit: quo temporis spatio domuit totum Illyricum: quas ob res triumphus ei decretus est, quem distulit, mæsta civitate clade Variana. Nihilominus urbem prætextatus, et laurea coronatus intravit. Potes etiam intelligere (quod magis placet) Germanicam expeditionem, quam Drusus, Tiberii fra-

ter et Augusti privignus, suscepit Augusti auspiciis, ut Florus scribit.

174. *Deosque tuos.* Apollinem, Julium Cæsarem, et cæteros Deos, Augusti familiares. Vel *ἐκ παραλλήλου* dictum, ut idem significet, auspicium et Deos tuos. MER.

175. *Dimidioque tui.* Propter egregium amorem, quo ducem suum hunc Augustus diligebat, vocat ejus dimidium: ut Horat. « Virgilium, dimidium animæ suæ. » *Præsens et respicis urbem.* Et respicis quinque; *Præsens et adspicis sex;* duo *præsentem respicis orbem;* unus *præsens hanc respicis.* HEINS.

182. *Olim placandi spem* etc. Sensus est; nec immemor hujus nominis, nec tolle spem mihi olim tui placandi; ut particula negandi bis repetatur. *Olim*, aliquando. CIOF.

183. *Non precor, ut redeam.* Nec meliores. HEINS.

Mitius exsilium si das, propiusque roganti,

185

Pars erit e pœna magna levata mea.

Ultima perpetior, medios projectus in hostes;

Nec quisquam patria longius exsul abest.

Solus ad egressus missus septemplex Istri,

Parrhasiæ gelido virginis axe premor.

190

Jazyges, et Colchi, Metereaque turba, Getæque,

Danubii mediis vix prohibentur aquis.

Quumque alii causæ tibi sint graviore fugati,

Ulterior nulli, quam mihi, terra data est :

Longius hac nihil est, nisi tantum frigus et hostis,

195

187. *Ultima perpetior.* Vitam extrema per omnia duco. *Medios ejectus in hostes. Projectus sex veteres.* Lib. III, El. IV, 76: «Fidam projecto neve negate manum.» Trist. V, El. I, 13: «Sic ego Sarmaticas longe projectus in oras;» etsæpe alibi. Duo *ire actus* pro *exactus*. HEINS.

189. *Solus ad ingressus* etc. Immo *egressus*, quod plerique veteres agnoscunt; malim tamen *egressum*, ut *αποχωρῶν* vitetur. HEINS. *Septemplex Istri.* Istri ortus est in Germania; qui per innumeras lapsus gentes, Danubii nomine, immenso aquarum auctu, et unde primum Illyricum adluit, *Ister* appellatur, sexaginta annibus receptis, medio ferme numero eorum navigabili, in Pontum vastis sex fluminibus evolvitur, quorum nomina Plinius ostendit lib. 4; sed plenius Herodot. — *Ad egressus.* Ad ostia per quæ Danubius in mare se exonerat.

190. *Parrhasiæ virginis.* Callistus ex Arcadia; quæ in ursam mutata a Jove, in septemtrione locata fuit: sic dicta a Parrhasia urbe Arcadiæ.

191. *Jazyges.* Jazyges populi fuerunt Scytharum, quos Plinius scribit

campos et plana tenuisse. *Colchi.* Colchi (auctore Dionysio) fuere ad extremum Ponti, Caucasio monte adhærentes, olim ex Ægypto profecti: *Colchos* accipere etiam eos licet, qui Medeam fugientem persecuti, quum illam adprehendere non potuissent, circa Tomos, et insulas Brigeidas consederunt. *Metereaque turba.* Aut urbem Meteream eam intellige, quam Ptolem. supra Thyram fluvium ponit, penes Daciam, et *Metonium* appellat; aut certe *Neurea*, ut Neuros intelligas apud quos oritur Borysthenes, ut est auctor Plinius. *Getæque.* Getas Strabo eos appellatos dicit, qui ad Pontum in orientem vergebant: *Dacos* vero, qui in obpositum versus Germaniam et ad Istri fontes, quos olim *Davos* vocatos fuisse arbitratur.

192. *Vix prohib.* quin invadant nos.

195. *Nisi tantum frigus;* hoc carmen in codice vetustissimo ita legi: «Longius hac nihil est terra, nisi frigus et hostis.» MERULA. Ita et excerpta Voss. et pr. ed.: «Longius hac terra nihil est, nisi frigus et hostis.» Prim. Polit. «Nisi tantum pontus et hostes.»



Et maris adstricto quæ coit unda gelu.  
 Hactenus Euxini pars est Romana sinistri;  
 Proxima Basternæ Sauromatæque tenent:  
 Hæc est Ausonio sub jure novissima, vixque  
 Hæret in imperii margine terra tui. 200  
 Unde precor supplex, ut nos in tuta releges;  
 Ne sit cum patria pax quoque demta mihi:  
 Ne timeam gentes, quas non bene submovet Ister;  
 Neve tuus possim civis ab hoste capi.  
 Fas prohibet Latio quemquam de sanguine natum, 205  
 Cæsaribus salvis, barbara vincla pati.  
 Perdiderint quum me duo crimina, carmen et error;  
 Alterius facti culpa silenda mihi:  
 Nam non sum tanti, ut renovem tua vulnera, Cæsar,  
 Quem nimio plus est indoluisse semel. 210  
 Altera pars superest, qua, turpi crimine tactus,

196. *Adstricto gelu.* Cimmericus Bosphorus, qui Asiam ab Europa separat, ita glaciatur, ut mare illud pedibus plerumque pervium sit, ut Plinius docet: quam glaciem dicit poeta esse paulo ultra terras ad quas relegatus est. Vel certe intellige Ponti partem, quam brumali rigore durari diximus supra.

197. *Hactenus*, etc. Usque ad Danubium: quem dicit esse terminum Romani imperii. Vicina Basternæ et Sauromatæ hostes occupant. *Euxini sinistri*, Pontici maris, qui est a sinistra navigantibus ad Cimmericum Bosphorum. *Est pars Romana.* Est ditionis Romanæ.

198. *Basternæ.* Basternæ populi fuere ad Oceanum septentrionalem versi. Eos Ptolemæus scribit fuisse in Sarmatia Europæ. Hos Tacitus *Peucinos* nominat, dubitatque Sarmatisne an Germanis adscribat. *Te-*

*nent proxima.* Tenent loca Istro vicina.

200. *Hæsit. Hæret* meliores. H.

202. *Pax quoque ademta. Demta* duo veteres; quod mollius. HEINS.

203. *Non bene submovet.* Non bene arcet. MER.

207. *Perdiderint quum me. Prodiderint* Combrianus. De quo dixi supra vs. 99. HEINS.

209. *Nam tanti non sum, renovem ut tua vulnera, Cæsar.* Duri præter morem Ovidianum numeri: *tò ut a multis abest veterum; quidam etiam non sum tanti; et ut renovem.* Forte scribendum: « Nam tua non tanti est renovari vulnera, Cæsar: » vel *renoventur.* HEINS.

211. *Turpi crimine lectus. Carmine factus* meliores magno numero. Malo, *turpi crimine tactus*; hinc taxare et taxatores scenici dicti, quod alter alterum maledictis tangat; vi-

Arguor obscæni doctor adulterii.

Fas ergo est aliqua cælestia pectora falli;

Et sunt notitia multa minora tua?

Utque, Deos cælumque simul sublime tuenti, 215

Non vacat exiguis rebus adesse Jovi;

A te pendentem, sic, dum circumspectis orbem,

Effugiunt curas inferiora tuas.

Scilicet imperii, princeps, statione relictâ,

Imparibus legeres carmina facta modis? 220

Non ea te moles Romani nominis urget,

Inque tuis humeris tam leve fertur onus;

Lusibus ut possis advertere numen ineptis,

Excutiasque oculis otia nostra tuis.

Nunc tibi Pannonia est, nunc Illyris ora domanda; 225

Rhætica nunc præbent, Thraciæque arma, metum:

Nunc petit Armenius pacem: nunc porrigit arcus

de Festum in *Taxat.* « Turpi crimine læsus » in Arondeliano. HEINS.

217. *Ex te pendentem. A te sex:* totidem *In te:* nonnulli *De te.* Forte *E te.* HEINS.

218. *Inferiora.* Ut fuere mea carmina de Arte amatoria.

223. *Advertere numen. Lumen* sex veteres; sed nil necesse. Seneca in Thyeste, 131 sq: « Alpheus stadio notus Olympico Advertat placidum numen. » H. *Ineptis lusibus.* Inepto carmine.

224. *Excutiasque; discutiasque* Servii liber.

225. *Nunc tibi Pannonia est.* Natio ingens circa Istrum; hi *Præones* a Græcis, a Romanis *Pannonii* appellati fuere: et ab illis inter Illyrios numerabantur; vide Florum. *Nunc Illyris ora domanda.* Post finem bellorum civilium, Aug. (ut Flor. docet) reliqua bella gessit adversum exte-

ras gentes, quæ districto circa mala sua imperio diversis orbis oris emicabant: nova quippe pax; necdum aduetæ frenis servitutis, tumidæ gentium inflatæque cervices ab imposito nuper jugo resiliabant.

226. *Rhætica nunc præbent.* Rhæti ad Italiam usque pertinent, quæ supra Veronam et Comum est. *Thraciæque arma.* Thraces quoque cum cæteris desciverant: qui et signis militaribus, et disciplina, armis etiam Romanis adueti fuerant. Pausanias etiam scribit, nullam nationem, præter Galliam, Thracia majorem esse. Hor. II, Od. 16, *bello furiosa Thrace.*

227. *Parthus nunc porrigit arcus.* Augustus (auctore Justino) finito Hispano bello, in Syriam ad componendum Orientis statum pervenit; metumque Phrahati injunxit, ne bellum Parthiæ vellet inferre. Itaque tota Parthia, captivi ex Cras-

Parthus eques, timida captaque signa manu.

Nunc te prole tua juvenem Germania sentit,

Bellaque pro magno Cæsare Cæsar obit. 236

Denique, ut in tanto, quantum non exstitit unquam,

Corpore, pars nulla est quæ labet imperii;

Urbs quoque te, et legum lassat tutela tuarum,

Et morum, similes quos cupis esse tuis.

Nec tibi contingunt, quæ gentibus otia præstas, 235

Bellaque cum multis irrequieta geris.

Mirer in hoc igitur tantarum pondere rerum,

Nunquam te nostros evoluisse jocos?

At si, quod mallet, vacuus fortasse fuisses,

siano, sive Antonii exercitu recollecti, signaque cum his militaria Augusto remissa. Sed et filii nepotesque Phrahatis obsides Augusto dati: plusque Cæsar magnitudine nominis sui fecit, quam armis alius imperator facere potuisset.

230. *Bellaque pro magno Cæsare Cæsar habet. Obiit* prim. Vatic. et optimus Palatin. Livius lib. IV: « Quia duo consules obire tot simul bella nequirent. » Virg. *Æneid.* VI, 167: « Et lituo pugnans insignis obibat et hasta. » Val. Flacc. lib. III, 710: *duras obit horrida pugnans. Obire prælia* etiam occurrit apud Lucretium: decem alii *bella agit*, quod Gronovio lib. II, cap. III Observationum, merito probabatur. Art. Amat. lib. I, 182: « *Bellaque non puero tractat agenda puer;* » et Gratius: « Quod nisi et accessus et agendi tempora belli Noveris. » Sic Græcis ἀγειν τὸν πόλεμον. *Degere bellum* Lucretius, *bellum ducere* Virgilius dixerunt, quomodo *ducere, degere, agere vitam* Latinis scriptoribus in usu: nisi quod *cernere bellum* nonnulli in Lucretio reponendum esse censent,

me non renitente. Posset et *ducere bellum* legi, ut *ducere* primo scriptum fuerit. HEINS. *Bellaque pro magno Cæsare.* Sensus est: Drusus bella gerit pro Augusto. Appellat autem Drusum, Augusti privignum, Cæsarem: ut etiam Germanicum in Fastis. Alii hoc loco non Drusum, sed Drusi filium ex Antonia Cæsaris nepte, quem Augustus octo legionibus apud Rhenum imposuerat, adscribique per adoptionem a Tiberio jusserat: ut Tacitus auctor est, lib. I, Ann. 3: vid. vol. I, pag. 14 nostræ Editionis.

233. *Lassat; lassant* Lovaniensis; *vexat* alius; *laxat* Bernensis.

234. *Et morum.* Augustus, impetratis a senatu decem adiutoribus, unumquemque equitum rationem vitæ reddere coegit. MER. — *Mores* Lovan. et octo alii: *quos petis* unus.

237. *Miror in hoc igitur. Mirer* septem aut octo meliores; et sequenti versu *Nunquam pro Unquam* iidem: recte, si interrogationis notam addas.

239. *At si, quod mallet, vacuus fortasse fuisses.* Quatuor *vacuus tibi forte*; alii multi, etiam ex melio-



Nullum legisses crimen in Arte mea. 240  
 Illa quidem fateor frontis non esse severæ  
 Scripta, nec a tanto principe digna legi:  
 Non tamen idcirco legum contraria jussis  
 Sunt ea; Romanas erudiuntque nurus.  
 Neve quibus scribam possis dubitare; libellus 245  
 Quatuor hos versus e tribus unus habet:  
 « Este procul, vittæ tenues, insigne pudoris,  
 Quæque tegis medios, instita longa, pedes:  
 Nil, nisi legitimum, concessaque furta, canemus;  
 Inque meo nullum carmine crimen erit. » 250  
 Ecquid ab hac omnes rigide submovimus arte,  
 Quas stola contingi vittaque sumta vetat?  
 At matrona potest alienis artibus uti;  
 Quoque trahat, quamvis non doceatur, habet.  
 Nil igitur matrona legat: quia carmine ab omni 255  
 Ad delinquendum doctior esse potest.  
 Quodcumque attigerit, si qua est studiosa sinistri,  
 Ad vitium mores instruet inde suos.  
 Sumserit annales; nihil est hirsutius illis;

ribus, *vacuum fortasse fuisset*: nil muta. HEINS.

247. *Vittæ tenues, insigne pudoris.* Virgines designat et innuptas per *vittas*. Vide Turneb. lib. XXIII, cap. 5, et lib. XXIX, cap. 4.

251. *Omnes rigidas submovimus.* *Rigide* cum Juniano et Vaticano fragmento; alius *rigida*. Pont. III, El. III, 55 sq: « An sit ab his omnis rigide submota libellis, Quam lex furtivos arcet habere viros? » H.

254. *Quodque trahat, quamvis non doceatur, habet. Trahatur quoque* prim. Politiani, qui versum mendosum esse opinabatur; prim. Vatic. opt. Palat. aliique nonnulli, *Quoque*

*trahat*; duo *Quæque*; alius *Quique*.

255. *Quia*; *quæ* Gryph. Micyll. et alii; *crimine* unus; deinde *promptior*.

257. *Est studiosa sinistri.* Studet res in sinistram et contrariam partem accipere, proclivis ad deteriora.

259. *Sumserit annales.* Si sumserit libros gesta pop. Rom. continentes, *nihil est hirsutius illis*: nihil est illis severius; nam rerum gestarum memoriam continent; non voluptuosa, et lasciva. *Hirsuti* autem severi videntur. M.—Et non solum sine ullis ornamentis conscripti sunt annales Romani ab iis quos recensui, sed etiam horridulo ac prisco illo genere sermonis. P.—*Nihil est*

Facta sit unde parens Ilia, nempe leget; 260  
 Sumserit, Æneadum genitrix ubi prima; requiret,  
 Æneadum genitrix unde sit alma Venus.  
 Persequar inferius, modo si licet ordine ferri,  
 Posse nocere animis carminis omne genus.  
 Non tamen idcirco crimen liber omnis habebit; 265  
 Nil prodest, quod non lædere possit idem.  
 Igne quid utilius? si quis tamen urere tecta  
 Comparat, audaces instruit igne manus.  
 Eripit interdum, modo dat medicina salutem:  
 Quæque juvans monstrat, quæque sit herba nocens. 270  
 Et latro, et cautus præcingitur ense viator:  
 Ille sed insidias, hic sibi portat opem.  
 Discitur, innocuas ut agat facundia causas;  
 Protegit hæc sotes immeritosque premit.  
 Sic igitur carmen, recta si mente legatur, 275  
 Constabit nulli posse nocere meum.  
 At quiddam vitii quicumque hinc concipit, errat;  
 Et nimium scriptis abrogat ille meis.

*hirsutius illis.* Alii *istis*. prim. Vaticanus *nihil est irrisimus illis*. Forte legendum: « Sumserit annales (nihil est hirsutius) Enni. » A pluribus enim annales scripti. Recte autem *hirsutius*: hoc est rigidius, severius. HEINS.

260. *Facta sit unde parens Ilia.* Quomodo Ilia, seu Rhea Sylvia, gravida a Marte geminos peperit.

262. *Æneadum genitrix.* Romanorum mater. *Unde sit.* Unde ducat originem: eo scilicet adludens, quod et Æneas ex adulterio Veneris et Anchisæ natus fuerit.

265. *Non tamen idcirco.* Distichon suspectum: vs. 243, simile carminis initium. HEINS.

267. *Urere tecta Comparat.* Alii *Adparat*, vel *Cæperit*. HEINS.

270. *Quæque juvet monstrat.* *Juvans* prior Politiani; quod placet, ut *nocens* opponatur. HEINS.

277. *Quicumque concipit hoc vitium.* Quicumque existimat hoc, quod carmen possit etiam nocere. *Et tandem vitium.* Scripti plurimi, *At quoddam vitium*; prim. Polit. et multi alii, *At quædam vitia*; prim. Vatican. et Palat. *Et quasdam vitiat*; Putean. *At quoddam vitia*; Barberin. « Aut quicquid vitii quique hinc conceperit: » Medon. *At quiddam vitium.* Lego, *At quiddam vitii*; nam in Arond. *At quoddam vitii*. HEINS.  
 278. *Et nimium scriptis arrogat il-*

Ut tamen hoc fatear, ludi quoque semina præbent

Nequitiae : tolli tota theatra jube ;

280

Peccandi causam quæ multis sæpe dederunt,

Martia quum durum sternit arena solum.

Tollatur circus ; non tuta licentia circi ;

Hic sedet ignoto juncta puella viro.

Quum quædam spatientur in hac , ut amator eadem

285

Conveniat, quare porticus ulla patet?

Quis locus est templis augustior ? hæc quoque vitet,

In culpam si qua est ingeniosa suam.

Quum steterit Jovis æde ; Jovis succurret in æde ,

Quam multas matres fecerit ille Deus.

290

Proxima adoranti Junonia templa subibit,

Pellicibus multis hanc doluisse Deam.

Pallade conspecta, natum de crimine virgo

Sustulerit quare, quæret, Erichthonium.

Venerit in magni templum tua munera Martis,

295

*le meis. Abrogat* scribe cum multis veterum ; quo verbo Livius aliique optimi latinitatis auctores utuntur. Nonnulli etiam *derogat*. HEINS.

281. *Quam multis. Quæ* Richeliana, ut ad theatra referatur. In nonnullis *multi*. HEINS.

282. *Sternit durum solum.* Hoc dicit, quia ludi gladiatorii exhibebantur in foro arena constrato. — *Sternat* maxima pars scriptorum ; *sternet* unus ; *curvum solum* unus.

283. *Tollatur circus.* Idem apertius in libro primo de Arte amandi, vers. 135 sq, ita ostendit : « Ne te nobilium fugiat certamen equorum : multa capax populi commoda circus habet. »

285. *Amator eodem Conveniat. Eadem* plerique. HEINS.

289. *Quum steterit Jovis æde* etc.

Quum venerit in ædem Jovis Capitolini, tunc reputabit, quam etc.

291. *Junonis templi. Junonia* lege exprimis editionibus et Gryphiana. Proximo versu, pro *indoluisse Deam* plerique *hanc doluisse*. Et mox *quæret* pro *quærit*. HEINS.

293. *Natum de crimine.* Natum de lite. Erichthonio nomen impositum ἀπὸ τῆς ἐριδὸς καὶ χθονὸς, id est, ex certamine atque humo : auctor Lactantius. Fabulam refert Servius, et Ovidius libro Metamorph. secundo.

295. *Venerit in magni templum.* Martis ultoris designat, quod Augustus bello Philippensi pro ultione paterna susceptum voverat ; in quo voluit de bellis triumphisque consuli senatum : sanxitque, ut provincias cum imperio petitori ex eo deducerentur, quique victores rediissent,



Stat Venus ultori juncta viro ante fores.

Isidis æde sedens, cur hanc Saturnia, quæret,

Egerit Ionio Bosporioque mari.

In Venere Anchises, in Luna Latmius heros,

In Cerere Iasion, qui referatur, erit.

300

Omnia perversas possunt corrumpere mentes;

Stant tamen illa suis omnia tuta locis.

At procul ab scripta solis meretricibus Arte

Submovet ingenuas pagina prima nurus.

Quæcumque irrumpit, quo non sinit ire sacerdos, 305

eo insignia triumphorum inferrent.  
MER.—*Tua numina. Quem tu præcipue colis.* PONT.

296. *Stat Venus ultori.* Quasi dicat, succurrit adulterium Martis cum Venere. Intelligit autem ædem Veneris genitricis junctam Martis templo.—*Juncta viro*; duriores numeri; neque recte Veneris *virum ultorem* Martem dici puto, quum *amator* fuerit, quem *viro* infra vers. 372, opponit. Forte scripserit; *Stat Venus ultori juncta quid ante fores?* scilicet, *quæret* quid, id est, quare Venus stet ante fores, juncta ultori.

298. *Egerit Ionio Bosporioque mari.* « Hoc quondam monstro horribiles exercuit iras, Inachiae Juno pestem meditata juvencæ, » Virgil. III, Georg. 152 sq. Οἷστρον καλοῦσιν αὐτὸν οἱ Νείλου πέλας. Æschyl. Sup. Φοινῆντι μῦθῳ περὶ βαῶν ἱλατῆρι τυπῆσθαι. Coluth. Theban. Ἰναχης ἰὼ ... φοιταλέη δὲ πόδισσιν. ἱρ' ἀλμυρὸν βαῖνι κέλευθα. Mosch. Idyll. II, vers. 44.

299. *In Venere Anchises. Lege in Venere*; et mox *in Luna* et *in Cerere*; quomodo fere primus Vaticanus: sic loqui amat Noster. *Iasion* etiam pro *Iasius* plerique: utrumque rectum est; Met. IX, *Queritur canescere mitis Iasiona Ceres.* H. —

*In Luna Latmius heros.* Endymionem designat, à Latmio monte Cariae cognominatum.

300. *In Cerere Iasius* etc. Fuit Iasius, de quo hic poeta intelligit, filius Jovis et Electræ, fraterque Dardani et Armoniae Cadmi uxoris, qui sumta uxore Cybele, Corybantum genuit, a quo Corybantes appellati sunt. Ex Jasio autem et Cerere Plutonem natum fabulæ tradunt. Quin in gratiam Jasii constat, frumenti copiam a Cerere dono datam in nuptiis Armoniae. Auctor Diodorus.

303. *Et procul a scripta. At procul ab scripta* meliores. Pro *ingenuas manus* quatuor veteres *nurus.* H. — *Ab scripta Arte solis meretricibus.* Ab Arte amandi, quam solis meretricibus scripsimus, rejectis virginibus et matronis.

305. *Quæcumque erumpit. Irrumpit*, et quo pro qua recte multi ventustiores. *Irrumpere* dicebantur qui adyta non initiati subibant. Sic lib. VI Fast. 453, de Metello Vestam ex incendio auferente: « Dixit, et irrumpit: factum Dea rapta probavit. » Trist. V, Eleg. I, 78: « Quæ tamen irrumpunt, quoque vetantur, eunt. » Pont. I, El. VIII, 23: « Nec tamen irrumpo, quo non licet ire. »

Protinus hoc vetiti criminis acta rea est.

Nec tamen est facinus molles evolvere versus :

Multa licet castæ non facienda legant.

Sæpe supercilii nudas matrona severi,

Et Veneris stantes ad genus omne, videt.

310

Corpora Vestales oculi meretricia cernunt;

Nec domino pœnæ res ea causa fuit.

At cur in nostra nimia est lascivia Musa?

Curve meus cuiquam suadet amare liber?

Nil nisi peccatum, manifesta que culpa, fatendum est: 315

Pœnitet ingenii judicii que mei.

Cur non, Argolicis potius quæ concidit armis,

Vexata est iterum carmine, Troja, meo?

Cur tacui Thebas, et mutua vulnera fratrum?

Sequenti versu pro hæc quatuor hoc; id est, hoc ipso. Quod Grutero et Bersmanno adridebat. H. — *Quæcumque erumpit.* Arguit a simili ream esse illam, quæ prohibita et rejecta inspexit ejus præcepta: quemadmodum ea quæ prohibente sacerdote te erupit, quo non licet.

309. *Nudas.* Scilicet meretrices, quæ nudæ Floralia magna licentia celebrabant: fuit autem Flora mulier, quæ quum magnas opes quæstu meretricio quæsisisset, populum Romanum scripsit hæredem, certamque pecuniam reliquit, cujus ex annuo fœnore natalis ejus dies celebraretur editione ludorum, quæ Floralia dixerunt: quod quia senatui flagitiosum videbatur, ut scribit Lactantius, ab ipso nomine argumentum sumi placuit, ut pudendæ rei quædam dignitas adderetur: Deamque esse finxerunt, quæ floribus præesset, quam prius Chlorim appellatam fuisse scribit Ovidius in Fastis: eamque Zephyro nuptam,

quasi dotis loco id accepisse muneri a marito, ut haberet florum omnium potestatem.

312. *Nec domino pœnæ res ea causa fuit.* De Lenone interpretantur; sed cur Lenoni potius ob id pœna decernatur, quam Ædilibus, qui Floralia exhibebant? Quare aut verum hunc adulteratum esse censeo, aut scribendum: « Nec damno scennæ res ea visa fuit. » In Combiano, pro diversa lectione, *Roscia causa.* Certe Roscius comædus librum ediderat, in quo causam histrionæ agebat, eamque comparabat cum eloquentiæ studio. Meminit hujus scripti Macrobius, Saturn. lib. II, c. 14. Sed abruptus nimis sit transitus a Vestalibus ad Roscium. H.

315. *Manifesta que culpa fatenda est.* Fatendum est veteres multi. H.

318. *Vexata est iterum.* Troja iterum dicitur vexari carmine, quum ejus casus et ruina quasi vera clades describitur.

319. *Et mutua vulnera fratrum.* Per

Et septem portas, sub duce quamque suo? 320  
 Nec mihi materiam bellatrix Roma negabat :  
 Et pius est, patriæ facta referre, labor.  
 Denique, quum meritis impleveris omnia, Cæsar,  
 Pars mihi de multis una canenda fuit.  
 Utque trahunt oculos radiantia lumina Solis; 325  
 Traxissent animum sic tua facta meum.  
 Arguor immerito; tenuis mihi campus aratur :  
 Illud erat magnæ fertilitatis opus.  
 Non ideo debet pelago se credere, si qua  
 Audet in exiguo ludere cymba lacu. 330  
 Forsitan et dubitem, numeris levioribus aptus  
 Sim satis; in parvos sufficiamque modos.  
 At si me jubeas domitos Jovis igne Gigantas  
 Dicere; conantem debilitabit onus.  
 Divitis ingenii est immania Cæsaris acta 335  
 Condere; materia ne superetur opus.  
 Et tamen ausus eram : sed detrectare videbar,  
 Quodque nefas, damno viribus esse tuis.  
 Ad leve rursus opus, juvenilia carmina, veni;

mutua vulnera fratrum, Eteoclis et Polynicis mortem intellige, qui mutuo ictu cecidere, ut Diodorus scribit, et Statius cecinit, ex quo Thebanum bellum designat.

320. *Sub duce quamque suo.* Septem enim reges contra Eteoclem pro Polynice conspirarunt, scilicet Adrastus Argivorum rex, Amphiarus, Hippomedon, Capaneus, Tydeus, Parthenopæus, et Polynices, pro quo bellum gestum est, Adrasti ductu et auspiciis. In oppugnatione autem Thebarum, horum ducum unusquisque portam sibi oppugnandam sumserat.

321. *Non mihi. Nec meliores,* H.

328. *Illud opus.* Vel bellum Thebanum et reliqua, vel Augusti gesta. M.—*Magnæ fertilitatis.* Ingenii fertilis, uberis ingenii. BERSM.

330. *Ludere cymba; currere.* Moreti et tres alii; sed præstat ludere, quod fit, quum nautæ per otium, ad ostentandam artis peritiam et navium habilitatem, ludunt. Postea *lusoriæ* naves levissima et expeditissima navigia dicta. BURM.

331. *Forsan et hoc dubitem.* Alii *Forsitan hoc*: prim. Vatican. et tres alii, *Forsitan hæc.* Lege *Forsitan et dubitem.* H.

337. *Sed detrectare videbar.* Septem, aut octo veteres *delirare*: prim. Polit



Et falso movi pectus amore meum.

340

Non equidem vellem : sed me mea fata trahebant ,

Inque meas pœnas ingeniosus eram.

Heu mihi , quod didici ! quod me docuere parentes ,

Literaue est oculos ulla morata meos !

Hæc tibi me invisum lascivia fecit , ob artes ,

345

Quas ratus es vetitos sollicitasse toros.

Sed neque me nuptæ didicerunt furta magistro ;

Quodque parum novit , nemo docere potest.

Sic ego delicias , et mollia carmina feci ,

Strinxerit ut nomen fabula nulla meum.

350

Nec quisquam est adeo media de plebe maritus ,

Ut dubius vitio sit pater ille meo.

Crede mihi , mores distant a carmine nostri ;

Vita verecunda est , Musa jocosa , mihi :

Magnaue pars operum mendax et ficta meorum

355

Plus sibi permisit compositore suo.

Nec liber indicium est animi , sed honesta voluptas ,

Plurima mulcendis auribus apta ferens.

Accius esset atrox ; conviva Terentius esset ;

et Hamburg. et Putean. *derecitare* : an pro *depretiare* ? quo verbo Paulus usus , lib. XXII, D, ad legem Aquiliam. Glossæ ineditæ , *Depretiati* *ῥαττωθέντες*. Sed nescio an id seculi Ovidiani sit verbum. Usus et eo Tertullianus non semel. Duo alii *detrectare* *verebar* ; unus *dedecorare* ; alius *decertare*. H.

340. *Et falso movi pectus amore meum*. Puto *fovi*. HEINS.

343. *Heu mihi , cur didici ! quid me. Quod didici ! quod me docuere meliores*. H.

350. *Strinxerit meum nomen*. Læserit meam famam.

354. *Musa jocosa mea*. Alii *mea*

*est ; mihi rectius vetus ; superiori etiam versu legatur concinnius , distant mores a carmine nostri*. H.

355. *Magnaue pars mendax operum est et ficta meorum* : « Magnaque pars operum mendax et ficta meorum Plus sibi permisit , » cum melioribus. H.

356. *Compositore suo*. Me Ovidio , qui ea composui.

358. *Auribus apta refert*. Primus Polit. et tres alii *feret* ; prim. Vatic. et duo præterea *feres* ; quatuor *ferens* , quod sequor : superiori etiam versu , pro *voluntas* reposui *voluptas* cum prim. Vatic. et duobus aliis. H.

359. *Esset atrox*. *Esset crudelis* ,

Essent pugnaces, qui fera bella canunt. 360  
 Denique composui teneros non solus Amores :  
 Composito pœnas solus amore dedi.  
 Quid nisi cum multo Venerem confundere vino  
 Præcepit lyrici Teia Musa senis ?  
 Lesbia quid docuit Sappho, nisi amare, puellas ? 365  
 Tuta tamen Sappho, tutus et ille fuit.  
 Nec tibi, Battiae, nocuit, quod sæpe legenti  
 Delicias versu fassus es ipse tuas.  
 Fabula jucundi nulla est sine amore Menandri;  
 Et solet hic pueris virginibusque legi. 370  
 Ilias ipsa quid est, nisi turpis adultera, de qua  
 Inter amatorem pugna virumque fuit ?  
 Quid prius est illi flamma Chryseidos ? utque  
 Fecerit iratos rapta puella duces ?  
 Aut quid Odyssea est, nisi femina, propter amorem, 375  
 Dum vir abest, multis una petita procis ?

propterea, quod tragœdias scripsit.

364. *Teia Musa*. Anacreontis Musa : is enim Teon patriam habuit, ut est auctor Strabo.

365. *Lesbia quid docuit Sappho, nisi amare, puellas ?* Sappho Lesbica prima plectrum reperit, libros lyricos composuit, epigrammata, iambos, et elegias : hujus autem poemata lasciva erant. Et Hor. Od. IV, IX, 11 sq : « Vivuntque commissi calores Æoliæ fidibus puellæ. »

367. *Nec tibi, Battiae, nocuit*. Battiadem Callimachus appellatur, a Batto, generis sui auctore, qui Cyrenem condidit, ut Strabo, Herodotus, et Justinus scribunt. Composuit autem poemata omni genere carminum : Lyden puellam amavit, de qua etiam elegias scripsit.

370. *Et solet hic*. Malo hæc : fa-

bula videlicet. H. — Ego prætulī *hic*.

371. *Ilias ipsa quid est aliud, nisi adultera. Nisi turpis adultera* cum primis editionibus ; Epist. Laodamiæ, 33 : « Quid petitur tanto nisi turpis adultera bello ? » *Turpis* hoc loco ad mores, non ad faciem refertur ; in Epist. Cænon. ad Parid. de ipsa Helena, vers. 170 : « Hærebāt gremio turpis amica tuo. » H.

373. *Quid prius est illic flamma Chryseidos, aut qui*. Lege utque cum melioribus ; illi etiam pro illic in iisdem. H. — *Quid prius est illi flamma*, etc. Quid in principio statim Iliados describitur ? certe Agamemnonis amor in Chryseida.

374. *Rapta puella*. Briseis Achilli erepta ab Agamemnone : cujus rei causa, ortæ sunt inter eos inimicitiae.

376. *Petita viris*. Immo *procis*.

Quis, nisi Mæonides, Venerem Martemque ligatos

Narrat, in obscæno corpora presa toro?

Unde, nisi indicio magni sciremus Homeri,

Hospitis igne duas incaluisse Deas?

380

Omne genus scripti gravitate tragædia vincit:

Hæc quoque materiam semper amoris habet.

Nam quid in Hippolyto, nisi cæcæ flamma novercæ?

Nobilis est Canace fratris amore sui.

Quid? non Tantalides, agitante cupidine currus,

385

Pisæam Phrygiis vexit eburnus equis?

Tingeret ut ferrum natorum sanguine mater,

Concitus a læso fecit amore dolor:

quod priscæ editiones et multi ex scriptis agnoscunt. H.

377. *Venerem Martemque ligatos.* Athenæus, lib. I, cap. 12; item, lib. XII, in principio, satis honeste hanc fabulam interpretatur; cantorem, inquit, apud Hom. Odyss. Θ, Phæacas dehortari voluisse a malis moribus, quibus laborabant. Quod et ipse auctor fabulæ videtur significare egregio hoc epiphonemate: Οὐκ ἀρετῇ κατὰ ἥρκα. Adi et Plutarch. de poetis audiendis.—*Quid nisi Mæonides.* Aut legendum est, *Quid non Mæonides*; aut *Quis nisi*, quod posteriori quinque scripti agnoscunt. H.

380. *Duas Deas.* Calypso et Circe.

383. *Nam quid in Hippolyto.* De quo Eur. et Sen. tragædiam scripserunt.

384. *Nobilis est Canace.* Canace ex fratre Macareo filium peperit: quo scelere comperto, seipsam jussu patris interfecit. Macareus vero in templo Apollinis Delphici confugit.

385. *Quid? non Tantalides.* In Peloponnesi civitate, Mars ex Ægina, Asopi filia, genuit Cænomaum: hic unicam filiam Hippodamiam ha-

buit; finem vitæ ab oraculo sciscitanti, responsum est, tunc fatis illum concessurum, quum filia Hippodamia nupsisset; vide fab. apud Ovid. Servium et alios.—Inter Sophoclis tragædias perditas, Hippodamia et Cænomaus citantur, quæ forte una eademque, et huc spectare videtur. Euripidis etiam Cænomaus a Fabricio non omittitur. B.

386. *Pisæam.* Hippodamiam ex Pisa, civitate Arcadiæ. *Phrygiis equis.* Psilla et Harpina, quos equos Pelops e Phrygia veniens secum duxit. *Eburnus.* Eburnus Pelops vocatur a poetis, quoniam Tantalus ejus pater volens Deorum tentare divinitatem, eis invitatis filium suum epulandum adposuit; a quo omnes Dii abstinerunt, excepta Cerere, quæ brachium ejus consumsit. Postea Dii, petente Tantalo, quum voluissent ejus filium revocare ab inferis, Ceres ei eburneum brachium restituit. Quod ideo fingitur, quia Ceres ipsa est terra, quæ corpora universa consumit, ossa tantum reservans.

388. *A læso amore.* Ab amore Medæ ab Jasone violato.



Fecit amor subitas volucres cum pellice regem,  
 Quæque suum luget nunc quoque mater Ityn. 390  
 Si non Æropen frater sceleratus amasset,  
 Aversos Solis non legeremus equos;  
 Impia nec tragicos tetigisset Scylla cothurnos,  
 Ni patrium crinem desecuisset amor.  
 Qui legis Electran, et egentem mentis Oresten, 395  
 Ægysthi crimen Tyndaridosque legis.  
 Nam quid de tetrico referam domitore Chimærae,  
 Quem leto fallax hospita pæne dedit?  
 Quid loquar Hermionen? quid te, Schœneia virgo,  
 Teque, Mycenæo Phœbas amata duci? 400  
 Quid Danaen, Danaesque nurum, matremque Lyæi?

389. *Fecit amor subitas volucres.* Terei tragœdiam intelligit. Nota est fabula Ovid. Metamorph. lib. VI.

390. *Quæque suum luget.* Progen designat, Terei regis Daulidis uxorem, quæ Itym filium occidit, et patri epulandum adposuit propter sororem Philomelam violatam: postea mutata fuit in lusciniam.

391. *Si non Æropen.* Atrei tragœdiam intelligit: notum est autem Æropen, Atrei uxorem, cum Thyeste concubuisse, quod ægre ferens Atreus, liberos ei epulandos adposuit: quæ Sol, ne pollueretur, aufugit. Illud notandum, Græcos Atrei uxorem non *Europen*, sed *Æropen*, nominare.

392. *Aversos Solis.* Quasi refugientes atrocitatem illius spectaculi.

396. *Tyndaridosque.* Et Clytemnestræ filiæ Tyndari ex Leda, uxorisque Agamemnonis, quæ cum Ægistho Thyestis filio, dum bello Trojano maritus interfuit, adulterium commisit.

397. *Nam quid de tetrico.* Bellerophon

phontes filius fuit Glauci; vir munere Deum eximii tum roboris, tum decoris; vide fab. apud Apollodorum, lib. II, et Ovid. Metam. lib. IX; vide Homer. Il. 2.

399. *Quid loquar Hermionen?* Hermionem Menelai, vel (ut alii malunt) Thesei et Helenæ filiam fuisse constat, quæ Oresti Agamemnonis filio desponsata fuit. *Quid te Schœneia virgo.* Atalantam intelligit Schœneia, regis Scyri insulæ, filiam, cujus fabulam habes apud Ovidium, Metamorph. lib. X.

400. *Teque, Mycenæo.* Cassandram designat, Priami regis filiam, quam, post Trojæ excidium, Agamemnon Mycenæ captivam duxit, captus ejus amore.

401. *Quid Danaen, Danaique nurus.* Filiæ Danai in tragædiis notæ; nullæ notæ Danai nurus. Quare reponere cum primis editionibus et scriptorum multis: *Danaesque nurum.* Andromeda Persei uxor, et proinde *Danaes nurus.* H. — Danaen tragœdiam scripsit Nævius. C. — Danae

Hæmonaque, et noctes cui coiere duæ?  
 Quid generum Peliae? quid Thesea? quidve Pelasgum,  
 Iliacam tetigit qui rate primus humum?  
 Huc Iole, Pyrrhique parens; huc Herculis uxor, 405

Æschyli, Sophoclis et Euripidis passim citatur a veteribus; sed Æschyli titulus dubius; et Danaïdes ab aliis vocatur. BURM. — *Matremque Lyæi.* Scribit Diodor. Junonem zelo et ira motam, sumta unius ex Semele ancillis forma, ad ulciscendum injuriam, suasisse illi, a Jove petere, ut ea majestate honoreque concumberet, quibus cum Junone consuesset. Cui quum Jupiter adnuisset, cum tonitru ac fulmine ad Semelen descendit: quæ insolita re territa expirans, abortum fecit: quem Jupiter absconditum in femur quum tenuisset, partus tempore editum, in Nysam Arabiæ urbem tulit: ubi a Nymphis educatus infans, a patre locoque appellatus Dionysius est; fabulam etiam refert Ovid. III Met.

402. *Hæmonaque, et noctes quæ coiere duas.* Quidam codices *Alcmenam et noctes*; quæ lectio perperam suos adprobatores invenit. Politianus ex vestigiis antiqui codicis, in quo *Hæmonam*, refingit *Harmoniam*; frustra. Vulgatascriptura bene se habet, cujus argumenti exstat etiamnum Sophoc. Antigone; Propert. II, VII, 83 sq: « Quid non Antigones tumulto Bœotius Hæmon Corruit ipse suo saucius ense latus? » Noster in Ibide, 563: « Nec tibi, si quid amas, felicius Hæmone cedat. » Præterea legendum, *noctes cui coiere duæ*. Alcmenæ et Jovis amores innuit, quamquam alii tres noctes coisse contendunt, unde Hercules Lycophroni *τρεῖς νύκτες* dicitur. H. — *Hæmona.* Antigone, contempto edicto, ne quis Polylicen mortuum sepeliret, cum,

quoniam frater erat, humavit. Deprehensa, jussu Creontis regis jugulatur ex lege ad tumultum Polynicis. Hæmon, qui eam impatienter amabat, perfosso pectore gladio, ibidem sibi mortem conscivit. Eum sequuta est mater Eurydice doloris impatiens. — Ego poetam de utraque fabula dicere voluisse puto, Hæmonis scilicet et Alcmenes, nisi quod contra vulgarem traditionem, duas noctes pro tribus in unam coisse dicit; quod tamen et ipsum certo aliquo auctore fecisse videtur. MIC.

403. *Quid generum Peliae?* Per generum *Pelie*, Admetum accipe, qui Alcesten, Pelie filiam majorem natu, despondente Jasone, post Peliam Medæ fraude peremptum, duxit uxorem. Designat autem hic Ovidius Alcestis tragiædram, quam Euripides scripsit. *Quid Thesea?* Tragiædram de Theseo intellige, qui natus est ex Æthra Pitthei filia, ac Neptuno, in Træzene nutritus penes Pittheum maternum avum: ac signa ab Ægeio sub saxo posita recognoscens, Athenas venit. Is, ut Herculis virtutes imitaretur, ad ea certamina animum adjecit, quæ laudem et gloriam sibi essent adlatura. *Quidve Pelasgum, Iliacam.* Protesilaum. *Pelasgum* autem vocat, quia Thessalus fuit. Pelasgi autem Thesaliam a principio tenuere.

404. *Qui rate primus humum.* *Pede* nonnulli, et forte rectius.

405. *Huc Iole.* Euryti, Œchalæ regis filia, ab Hercule amata. — *Pyrrhique parens.* Deïdamia, Pyrrhi mater, Lycomedis Scyrorum regis filia,

Huc accedat Hylas, Iliadesque puer.  
 Tempore deficiat, tragicos si persequar ignes;  
 Vixque meus capiat nomina nuda liber.  
 Est et in obscœnos deflexa tragœdia risus,  
 Multaque præteriti verba pudoris habet:  
 Nec nocet auctori, mollem qui fecit Achillem,  
 Infregisse suis fortia facta modis.  
 Junxit Aristides Milesia crimina secum;

410

apud quem Thetis Achillem sub muliebri habitu celavit: quoniam a Proteo acceperat, illum perituum esse in bello Trojano. — *Huc Herculis uxor.* Megaram dicit, quam Creon rex Thebarum, cognita Herculis virtute, illi uxorem dedit, urbisque ei, veluti filio, curam permisit.

406. *Huc accedat Hylas.* Hylas puer, fuit, comes Hercules, quem amisit in Ionia juxta Mysiam, et quum compertum, extinctum esse in fonte, instituta sunt sacra, in quibus ejus nomen clamabatur in fontibus. — *Iliacusque puer.* Et Ganymedes Trojanus, filius Trois regis, et frater Ili et Assaraci.

407. *Tempore deficiat;* Cic. Sall. alii dicunt: *tempus me deficiet.* Ciof. in multis *deficiam;* unde Heinsius conjiciebat *tempora deficiant.* B.

408. *Vixque meus capiet. Capiat* rectius duo veteres. H.

409. *In obscœnos risus.* Tractantur etiam plerumque in tragœdiis res obscœnæ, quibus rident spectatores.

410. *Multaque præteriti verba pudoris habet.* Multa habet in quibus pudor est præteritus, a quibus abest verecundia: ut infra vs. 434, loco in vulgatis mendoso: « apud quos Rebus abest omnis nominibusque pudor. » Simili modo locutus est Noster, Amor. lib. III, El. I, vs. 22: « Dum tua præterito furta pudore

refers. » Quare non possum accedere Tanaquillo Fabro in Epistolis reponenti, *prætexti pudoris.* Nec felicius illi conjectura successit in altero Nasonis loco, lib. I Artis Amatoriæ, ubi pro *Præteritum tulerit, reddideritque nihil*, reponi vult: *Nam pretium tulerit, reddideritque nihil;* quum vulgata scriptura nihil sit acutius ac elegantius. H.

413. *Junxit Aristides.* Aristides liberos quosdam edidit, qui *Milesii* appellabantur, de luxuria et deliciis compositi. Fuere autem Milesii deliciis luxuque notabiles. — *Junxit secum.* Ingenio suo adcommodavit. — *Milesia crimina.* Delicias et lasciviam Milesiorum. — *Junxit Aristides Milesia crimina secum.* Milesiacorum Aristidæ scripti spurcissimi præter Plutarchum in Crasso, meminit in Parthicis Appianus; etiam Arrianus in Epictetum, lib. IV, cap. 9, (etsi dissimulato operis nomine) et Harpocraton in *Διποτρύς*: hæc Milesiaca una cum seria historia, quæ passim ab antiquis laudatur, Aristides videtur edidisse. Viri docti legunt *Finxit*, vel *Panxit Milesia crimina chartis*, quibus conjecturis non possum subscribere; sunt enim audacissimæ. Poterat certe minori negotio refingi commode: « Lusit Aristides Milesia carmine fœdo. » HEINS.



Pulsus Aristides nec tamen urbe sua.

Nec, qui descripsit corrumpi semina matrum, 415

Eubius, impuræ conditor historiæ;

Nec, qui composuit nuper Sybaritida, fugit;

Nec quæ concubitus non tacuere suos:

Suntque ea doctorum monumentis mista virorum,

Muneribusque ducum publica facta patent. 420

Neve peregrinis tantum defendar ab armis,

Et Romanus habet multa jocosa liber.

Utque suo Martem cecinit gravis Ennius ore,

414. *Aristides*. Milesius poeta fuit, qui Milesiaca poemata, et de rebus impudicis scripsit, cujus Plutarch. in Crasso, Lucianus in Amoribus meminerunt, et adnotavit de eodem Ang. Politianus Miscell. XVI. MIG.

416. *Eubius, impuræ conditor historiæ*. Credendum est, Eubium historicum in suo opere scripsisse, mulierem aliquam potione et veneficiis corrupisse partum; quod quum fecerit, videtur alias ejusmodi crimen docuisse. MER. — Eubii, philosophi stoici, meminit Stephan. in Ἀσκαλων. BURMANN.

417. *Nec, qui composuit nuper Sybaritida, fugit*. Puto legendum *turpem Sybaritida*. Hemitheon cynædus Sybarita turpissimum librum scripsit de re Veneria apud Lucianum πρὸς ἀσκαλων. Idem in Pseudologista Mithonis Sybaritæ meminit turpissimi scriptoris: hinc *Sybaritici libelli* apud Martialem, lib. XII, Ep. xcvi. H. — Fuit autem *Sybaris* oppidum Calabriæ, inter Crathim et Sybarim fluvios.

418. *Et qui concubitus non tacuere suos*. Malim quæ, ut Philænis et Elephantis intelligantur, quarum fœdissima scripta passim circumferebantur; sic certe codex Hambur-

gensis, et tres alii: hinc in Priapeis: « Quo tot figuras, quot Philænis enarrat, Non admovente, pruriosa discedit. » Ita versus mendosissimi ex vestigiis librorum veterum sunt restituendi; nam codex vetustus Frederici Ubaldini, quo tot figuras non admoretis. Philænis Leucadia, cujus vers. spurcissimi περί ποικίλων σχημάτων ἀφροδισίων, a Polycrate, sophista Atheniensi, dicebantur esse conscripti; teste Æschione in Philænidis Epicedio apud Athenæum, l. VIII. Huic adjungitur a Xenophonte, lib. II Ἀπομνημονευμάτων, Nico Samia et Callistrate Lesbia, versibus itidem obscænis infames: citat locum Xenophontis Athenæus, lib. V. Quibus omnibus antiquiorem, Astyanassam laudat Hesychius et Suidas Helenæ ancillam: mentio etiam est Cyrenes apud antiquos, quam δωδικομήχου dicebant. H.

419. *Mista virorum; tecta Palat.* Vatic. et Combii: *scripta*. Leid.

421. *Ab armis peregrinis*. Ab externorum scriptorum voluminibus.

423. *Utque suo Martem*. Quemadmodum, inquit, sunt poetæ, qui gravia scripsere, ut Ennius et Lucretius: sic quidam lasciva opera edidit, ut Catullus et alii. — *Martem*.

Ennius ingenio maximus, arte rudis ;  
 Explicat ut causas rapidi Lucretius ignis, 425  
 Casurumque triplex vaticinatur opus ;  
 Sic sua lascivo cantata est sæpe Catullo  
 Femina, cui falsum Lesbia nomen erat :  
 Nec contentus ea, multos vulgavit amores ,  
 In quibus ipse suum fassus adulterium est. 430  
 Par fuit exigui similisque licentia Calvi,  
 Detexit variis qui sua furta modis.  
 Quid referam Tigidæ, quid Memmi carmen, apud quos  
 Rebus abest omnis nominibusque pudor ?  
 Cinna quoque his comes est, Cinnaque procacior Anser ,

Praelium et Annales, versu heroico.

424. *Ennius ingenio maximus.* Quoniam poeta ille usus est inventione, et sententiis egregiis, sed verbis non multum ornatis.

425. *Explicat ut causas rapidi.* Hic locus bifariam accipi videtur posse: vel ut simpliciter ignem accipiamus materialem, et quo quotidie utimur; vel ut ad fulmen, et ejus causas referamus, propter epitheton *rapidum*. Ac de fulminis causis, et unde idem generetur, libro sexto Lucretius agit. MICYL.

426. *Causarumque triplex vaticinatur opus.* Casurumque recte unus Bononiensis; neque aliter Bersmannus. Ut carmen hoc intelligatur, Senecam vide in Epistola postrema octavi libri Epistolar. ad Lucilium. Disputat autem eo loco Lucretius, mundum esse interiturum, contra eos, qui æternum fore senserunt. Hoc Ovidius vaticinari vocat, veluti prædictionem quamdam ejus, quod futurum esset, facere. MICYL.

431. *Par fuit exigui Calvi.* Calvus orator, diu cum Cicerone iniquissimam litem de principatu eloquentiæ

habuit; violentus accusator fuit. Carmina quoque ejus, quamvis jocosa fuerint, plena tamen fuere ingentis animi. Eum exiguum appellat Ovid. propterea quod fuit parvæ staturæ.

432. *Sua facta.* Furta ex tribus scriptis; lib. II Artis, 428: « Flecte igitur, monitu detege furta meo. »

433. *Quid referam Tigidæ.* Ticide poeta scripsit elegias de Perilla quam amavit. — *Quid Memmi carmen?* C. Memmii poetæ pariter et oratoris meminit Plinius in Epistolis, et Tranquillus scribens illum objecisse C. Cæsari, quod stetisset ad cyathum et vinum Nicomedi regi. Jul. Cæs. 49.

434. *Rebus adest nomen nominibusque pudor.* Nihili hæc sunt; quare adsentior Bernardo Rottendorphio, qui emendat: « Rebus abest omnis nominibusque pudor. » Nihil certius ea conjectura. H.

435. *Cinna quoque his comes est.* Q. Helvius Cinna poeta fuit, qui scripsit Smyrnam, quam decem annis elimavit, ut Servius docet. — *Cinnaque procacior Anser.* Anser poeta fuit Antonii, qui ejus laudes scripsit.

Et leve Cornifici, parque Catonis opus; 436  
 Et quorum libris, modo dissimulata Perillæ  
 Nomine, nunc legitur dicta, Metella, tuo.  
 Is quoque, Phasiacas Argo qui duxit in undas,  
 Non potuit Veneris furta tacere suæ. 440  
 Nec minus Hortensi, nec sunt minus improba Servi  
 Carmina; quis dubitet nomina tanta sequi?  
 Vertit Aristiden Sisenna: nec obsuit illi  
 Historiæ turpes inseruisse jocos:  
 Nec fuit opprobrio celebrasse Lycorida Gallo, 445

436. *Et leve Cornifici.* Cornificius poeta a militibus destitutus interiit, quos sæpe fugientes galeatos lepores appellarat: hujus soror Cornificia insignia condidit epigrammata. Leve autem opus appellat propter amatoria, quæ in eis continebantur.—*Parque Catonis opus.* Valerius Cato fuit Birsenni cujusdam libertus ex Gallia, qui grammaticen docuit, visusque est peridoneus præceptor maxime ad poeticam tendentibus. Is scripsit præter grammatices libellos, etiam poemata, ex quibus præcipue probata fuit Lydia et Diana: quæ hic Ovidius intelligit.

437. *Et quorum libris...* Nomine, nunc legitur dicta. Neque enim de Ticide Ovidius hic nunc intelligit, sed de illis, qui suo ac vero nomine Metellam quæ hactenus sub Perillæ nomine sive a Ticide, sive ab alio celata fuerat, celebrarunt, quorum tamen nomina ipse hic reticet, sive metri necessitate coactus, sive etiam honoris gratia. MICYL.

438. *Nomine, nunc legitur dicta, Metelle, tuo.* Scribe, dicta Metella suo. Metella enim Metellam appellarat Perillam; quod ex Apuleio discimus: nunc alios nescio quos memorat, qui eam suo et vero nomine

decantarint. Forte hoc distichon superiori præponendum. H.

439. *Is quoque, Phasiacas Argo qui duxit in undas, Non potuit.* Varro nem Attacinum intelligit, qui Leucadiam amavit. Varro etiam scripsit Argonautica, Apollonium imitatus; vel potius in latinum vertit.

441. *Nec minus Hortensi.* Hortensius et Servius Sulpitius, quamvis fuerint optimi oratores, mansuetioribus tamen Musis operam dedere: Sulpitii etiam meminit Ausonius, cujus poema prurire dixit propter carminis lasciviam.

443. *Vertit Aristidem Sisenna.* Aristiden meliores. Scribe etiam *Sisena*; ita enim in antiquis numis id nomen exaratum occurrit. H.—L. Sennam inter oratores enumerat Cicero. Doctus vir erat et studiis optimis deditus, gnarus reipublicæ, non sine facetiis: transtulit e græco in latinum Aristidæ libros Milesios, de quibus antea diximus.

445. *Nec fuit opprobrio.* Cornelius Gallus res tenens Romanas, Ægypti procurator, exhaustit civitatem Thebarum, plurimis interceptis: reversusque quom furti accusaretur, metu nobilitatis acriter indignatæ, cui negotium cognoscendum dederat im-



Sed linguam nimio non tenuisse mero.  
 Credere juranti durum putat esse Tibullus,  
 Sic etiam de se quod neget illa viro.  
 Fallere custodem demum docuisse fatetur,  
 Seque sua miserum nunc ait arte premi : 450  
 Sæpe velut gemmam dominæ signumve probaret ;  
 Per causam meminit se tetigisse manum.  
 Utque refert, digitis sæpe est nutuque locutus,  
 Et tacitam mensæ duxit in orbe notam :  
 Et quibus e succis abeat de corpore livor, 455  
 Impresso fieri qui solet ore, docet.  
 Denique ab incauto nimium petit ille marito ,  
 Se quoque uti servet, peccet ut illa minus.  
 Scit cui latretur, quum solus obambulat ipse,

perator, stricto incubuit ferro, ut docet Ammianus Marcellinus. Servius scribit illum Foro Juliensem fuisse, transtulisseque in Latinum Euphorationem : et de Citheride Volumni liberta, et a se amata, quam Lycorida appellavit, scripsisse libros quatuor. — *Non fuit editi et scripti quidam ; opprobrium* Francos. et multi, frustra : Quint. III, 7 : « Nam et turpitudinis generis opprobrio multis fuit. »

447. *Credere juranti.* Quod hic dicit Ovidius, facit Tibullus in elegia lib. prim. Dicit enim amicam Deliam sibi negare cum ullo alio se rem habere : quod ille fatetur esse incredibile : ita enim inquit vers. 7, 8 : « Illa quidem tam multa negat ; sed credere durum est : Sic etiam de me pernegat usque viro. »

448. *Hoc etiam de se. Hinc* duo veteres ; Combianus et tres alii *Hic ; unus Hæc* scribe Sic. HEINS.

449. *Fallere custodem.* Malim custodes ; idem Tibullus ad locum supracitatum : « Ipse miser docui, quo

posset ludere pacto Custodes ; eheu ! nunc premor arte mea. » HEINS.

451. *Sæpe velut gemmam.* Id ita esse Tibullus cecinit ibid. vers. 25 sq : « Sæpe velut gemmas ejus, signumque probarem, Per causam memini me tetigisse manum. »

453. *Digitis sæpe est nutuque locutus.* Tibullus, ibid. vers. 19 sq : « Neu te decipiat nutu, digitoque liquorem Ne trahat, et mensæ ducat in orbe notas. »

455. *Et quibus e succis. Facis* unus Mediceus. Scribe, *Et quibus is succis ;* Tibull. ibid. vs. 13 sq : « Tunc succos herbasque dedi, quibus livor abiret, Quem facit impresso mutua dente Venus. » H.

457. *Denique ab incauto.* Tibullus, ibid. vs. 15 sq : « At tu fallacis conjux incaute puellæ, Me quoque servato, peccet ut ipsa nihil. » — *Petit illa marito.* Immo ille cum uno Vattiano. HEINS.

459. *Scis cui latretur.* Tibull. ib. 31 sq : « Ille ego sum, nec me jam dicere

Cur toties clausas exscreet ante fores :

460

Multaque dat talis furti præcepta, docetque

Qua nuptæ possint fallere ab arte viros.

Nec fuit hoc illi fraudi ; legiturque Tibullus,

Et placet ; et jam te principe notus erat.

Invenies eadem blandi præcepta Propertî ;

465

Districtus minima nec tamen ille nota est.

His ego successi, quoniam præstantia candor

Nomina vivorum dissimulare jubet.

Non timui, fateor, ne, qua tot iere carinæ,

Naufraga, servatis omnibus, una foret.

470

Sunt aliis scriptæ, quibus alea luditur, artes :

Hæc est ad nostros non leve crimen avos.

Quid valeant tali ; quo possis plurima jactu

vera pudebit, Instabat tota cui tua nocte canis ; » et alibi : « Et simulat transire domum, mox deinde recurrit Solus, et ante ipsas exscreat usque fores. » Plautus Pænul. Act. V, Sc. IV, vs. 64 : « Etiam meæ me latrant canes. » Statius, Theb. I, vs. 551 : « Frustraque sonantia lassant Ora canes, umbramque petunt et nubila latrant. » Et II, 338 : « Et magnas latrantia pectora curas. » — *Ipsc.* Ipse Tibullus, ut ex versibus supra citatis.—*Quum solus obambulet. Obambulat* rectius multi, et *curexscreet* non *cui* ; quomodo Scaliger etiam ad Tibullum. H.

464. *Et jam te principe notus erat.* Arondelianus pro diversa lectione *motus* : puto *natus erat*, quod verum. Natus enim Tibullus eodem anno, quo Noster ; cæsis Mutinensi bello Hirtio et Pansa consulibus, qui annus ab urbe condita septingentesimus decimus ; triumviratu luctuosus ac funestus. Innuit igitur natum Tibullum post cæsos jam con-

sules, quorum in locum se ac Pedium cognatum Cæsar fecit subrogari, idque senatu invito, jam tum ad imperium non occulte adspirans, ut ex Suetonio satis adparet. Auctor Dialogi de Oratoribus : « Nam ut de Cicerone ipso loquar, Hirtio nempe et Pansa coss. ut Tiro libertus ejus scripsit, VII Id. decembr. occisus est, quo anno Divus Augustus in locum Pansæ et Hirtii se et Q. Pedium coss. suffecit ; » quo et Noster respexit, quum Augustum jam tum civitatis principem innuit fuisse. H.

466. *Districtus ; adflictus* Moreti ; *distractus* Leidens. nec fuit ille nota, unus Heins. qui et *nimia* pro *minima* habet ; *distinctus nimia* non Bern.

472. *Ad vestros avos. Nostros* repone cum præstantioribus scriptis.

473. *Quid valeant tali.* Describere alii poetæ talorum ludum ; vide Turneb. lib. XXVII, cap. 3.—*Quo jactu.* Quo puncto. *Venus* enim in talis victoriam adferebat, ut *Canis* jacturam. *Senio* vero interdum lucrosus,

Fingere; damnosos effugasve canes;

Tessera quot numeros habeat; distante vocato

475

Mittere quo deceat, quo dare missa modo;

Discolor ut recto grassetur limite miles,

Quum medius gemino calculus hoste perit;

Ut mage velle sequi sciat, et revocare priorem;

Ne tuto fugiens incomitatus eat:

480

Parva sedet ternis instructa tabella lapillis;

In qua vicisse est, continuasse suos.

unde a Persio dexter appellatur: interdum damnosus, ut designat Tranquillus in Augusto.

474. *Figere. Fingere* plerique veteres. HEINS. — Talos Græci ἀστραγάλους vocant, ipsumque ludum ἀσπραγχαλιζειν, et ἀσπριζειν. Sunt autem unius tali superficies, sive facies quatuor: quarum prima, quæ et unitatem significat, κύων, hoc est, *Canis*, et χιὼς item, dicebatur. Illa autem quæ huic opposita atque adversa erat, ἐξίτης, hoc est, *Senio*, et κύως item, reliquæ duæ numeris notabantur, ternario puta, et quaternario, nam binarius et quinarius numerus in talis non erant: auctor Pollux, lib. IX. MICYL.

475. *Tessera quot habeat numeros* etc. Locus hic obscurior est, et ubi facilius sit aliorum expositiones refellere, quam certam aliquam adferre: propterea quod multo alia ratio ludendi veterum fuit, atque nunc est. Primum enim quem *numerus distantem* dicemus? nisi eum forte accipiamus, qui ex tribus reliquis dissimilis ac differens sit. MIC. — *Quot habeat numeros. Quot numeros habeat* cum scriptis, ne peccetur in leges metri. H.

477. *Discolor miles*. Calculus tunc diversi coloris. Nam calculi, seu la-

trones olim fiebant ex vitro, et in duas partes diversi coloris divisi; alii appellantur milites, alii hostes. *Grassetur*. Insidietur hosti, dum miles deprehensus obsidetur. — *Recto limite*. Recta et aperta via, ne videatur grassari.

478. *Quum medius gemino calculus hoste perit*. Falluntur qui eundem ludum esse putant eum de quo hic dicitur, et qui nostra ætate Scacchiæ, et veteris imitatione, latrunculorum vocatur; id quod ex ipsis verbis poetæ intelligitur, quum inquit, *Quum medius gemino calculus hoste perit*; et rursum, *Nec tuto fugiens incomitatus eat*. MICYL.

479. *Ut mage velle sequi*. Locus mendosus. Libri meliores, *Ut mage velle sequens*, vel *mate*. Combrianus *maga*. H. — *Velle sequi*. Velle hostem insequi. — *Et revocare priorem*. Et revocare præcedentem calculum, ne forte per imprudentiam longius elapsus, ab hostibus capiatur.

480. *Nec tuto. Ne rectius* quidam.

481. *Parva sedet ternis. Sed internis* prim. Palat. et prim. Vatic. Nil muta; sic apud Juvenalem, Sat. I: « sportula primo Limine parva sedet; » et Satyra II, « ingens Cæna sedet; » sic et alii scriptores ex melioribus amant loqui. H.



Quique alii lusus, neque enim nunc persequar omnes,

Perdere, rem caram, tempora nostra solent.

Ecce canit formas alius, jactusque pilarum; 485

Hic artem nandi præcipit, ille trochi:

Composita est aliis fucandi cura coloris;

Hic epulis leges hospitioque dedit:

Alter humum, de qua fingantur pocula, monstrat,

Quæque docet liquido testa sit apta mero. 490

Talia fumosi luduntur mense decembris,

485. *Ecce canit formas.* Docuere alii etiam formas et genera pilarum, quæ quatuor fuere. Erat pila trigonalis omnium minima, dura, pilo plena. Dicta a Trigone, qui locus erat in thermis, triquetra, id est, triangulari figura, quam græci *τρίγωνον* vocant; hæc reddebatur tam dextra, quam sinistra manu. Erat præterea pila *Paganica*, a pagis, id est, villis dicta, quod pagani ea uterentur; ea laxior erat, et pluma plena. Erat et tertium pilæ genus, quod ex pelle fiebat, et spiritu inflabatur, pugno reddi solitum, non palma, ut reliquæ pilæ. Erat præterea quartum pilæ genus, quod *Harpastum* adpellabatur, sive *Phænida*. Fiebat e panno; aliquando ex pelle, lana, tomentove implebatur; laboriosum erat hoc ludigenus; vide Mercurial. in arte Gymnast. lib. II, cap. 5. MER.—*Formas, jactusque pilarum* etc. De pilis, et earum vario lusu, Pollucem vide, lib. IX. MIC.

486. *Hic artem nandi.* Quum inter honestiss. et utiliss. artes natatio apud Romanos haberetur, mirari jure quis possit cur ei hic Naso locum dat inter artes, si non illicitas et turpes, saltem inutiles et parum dignas Romano viro, quum nihil ludicri, aut levis etiam illi insit. In

edit. Hamburg. erat *Artem hic venandi*; majori specie, quum multi apud Rom. venatum crediderint ingenuis hominibus indignum, et inter servilia officia retulerint; vide Sall. Catilin. cap. IV. BURM.

487. *Fuscandi cura coloris. Fucandi* ex tribus. H.

488. *Hic epulis leges.* Inter quos etiam Apicius.

489. *De qua fingantur pocula.* Apud Romanos olim eo pervenit luxuria, ut fictilia vasa essent in maximo pretio. Samia maxime laudabantur in esculentis. Immo eo pervenit luxuria, ut etiam fictilia pluris constarent quam murrhina.

491. *Talia luduntur.* Talia vasa celebrantur a poetis, Saturnalibus, decembri mense. — *Fumoso decembri.* Id est, Saturnalibus, quæ celebrabantur decembri mense. — *Fumosum* propter ignem, qui eo mense maxime fieri solet ad frigus dissolvendum. MER.—*Talia luduntur.* Talia intellige carmina, sive poemata, ut sit dictum: Talia per lusu componuntur eo mense, quando Saturnalia aguntur, quibus diebus summa rerum licentia est. MIC. — *Fumoso mense decembri.* Duo decembris. *Leges fumosi decembris* cum Barberini. ut monui, lib. II, El. x, 3. H.

Quæ damno nulli composuisse fuit.  
 His ego deceptus non tristia carmina feci;  
 Sed tristis nostros pœna secuta jocos.  
 Denique nec video de tot scribentibus unum, 495  
 Quem sua perdiderit Musa : repertus ego.  
 Quid, si scripsissem mimos, obscœna jocantes,  
 Qui semper ficti crimen amoris habent?  
 In quibus adsidue cultus procedit adulter,  
 Verbaque dat stulto callida nupta viro. 500  
 Nubilis hos virgo, matronaque, virque, puerque  
 Spectat, et e magna parte senatus adest.  
 Nec satis incestis temerari vocibus aures;  
 Adsuescunt oculi multa pudenda pati.  
 Quumque fefellit amans aliqua novitate maritum, 505  
 Plauditur, et magno palma favore datur.  
 Quoque minus prodest, scena est lucrosa poetæ,  
 Tantaque non parvo crimina prætor emit.

492. *Quæ jam non ulli composuisse nocet. Damno fuit ex melioribus. H.*

495. *Denique non video tot de. Nec video de tot meliores : unus etiam Bononiensis prodiderit proximo versu.*

497. *Quid, si scripsissem mimos.* Mimi erant poemata sine reverentia lasciviam imitantia, quæ a mimographis, id est, scriptoribus mimorum ludis ad comœdiæ formam composita in scenis agebantur.

498. *Juncti crimen amoris habent. Ficti amoris* multi veterum, hoc est adulterii; sic *ficti hymenæi*, et similia : potest tamen et alterum ferri; ut Trist. IV, Eleg. I : « Quum mecum juncti criminis acta rea est. » Doctissimus Tanaquillus Faber, Ep. III, *ficti amoris* conjiciebat. H.

499. *Cultus procedit adulter. Lege cautus, vel multus adulter : sequenti*

etiam versu pro *stulto viro*, malim *luso*, quod tamen timide adfirmo.

501. *Nobilis hæc virgo. Hos ex tribus scriptis, hoc est mimos; et mox e magna parte pro ex totidem. H.*

504. *Adsuescunt oculi; oculis uterque* Politian. et quatuor alii.

507. *Quodque minus prodest, pœna est lucrosa poetæ. Quoque* quatuor; duo *Quæque : plena* etiam pro *pœna* Junianus, et pro *mimus* unus Mediceus *minis*. Scribo : « Quæ mimis prodest, scena est lucrosa poetæ; » vel : « Nec minus et prodest, scena, et lucrosa poetæ est. » — *Nec minus*; subintellige, quam ipsis mimis. Tanaquillus Faber, Epistola xxxviii : « Quæque mihi pœnæ est, fraus est lucrosa poetæ, » quæ longius abeunt a veteri scriptura. H.

508. *Prætor emit. Prætores enim,*

Inspice ludorum sumtus, Auguste, tuorum :

Emta tibi magno talia multa leges.

510

Hæc tu spectasti, spectandaque sæpe dedisti;

Majestas adeo comis ubique tua est :

Luminibusque tuis, totus quibus utimur orbis,

Scenica vidisti lentus adulteria.

Scribere si fas est imitantes turpia mimos,

515

Materiæ minor est debita pœna meæ.

An genus hoc scripti faciunt sua pulpita tutum,

Quodque libet, mimis scena licere dedit ?

Et mea sunt populo saltata poemata sæpe ;

Sæpe oculos etiam detinuere tuos.

520

Scilicet, in domibus vestris ut prisca virorum

Artifici fulgent corpora picta manu ;

Sic quæ concubitus varios, Venerisque figuras

seu ædiles ludos faciebant, et a poetis fabulas emebant, quas ludorum die recitari jubebant; unde legimus Andriam Terentii actam ludis Megalensibus; aliam ludis funebribus.

511. *Sæpe dedisti; multa* Lovan. et Sarravianus; *mox mitis ubique* Bernens.

513. *Totus quibus utilis orbis. Uti-mur* Gottorphanus; confer notas, Met. V, vers. 342. H.

514. *Scenica spectasti lætus adulteria.* Rectius omnino *lentus* sex meliores; vide notas, Epist. XIX, v. 81: apud Horat. lib. I, Epist. 1, *lentus spectator, spectatori sedulo* obponitur: « Exanimat lentus spectator, sedulus instat. » Silius, lib. XII, 565 sqq, de Hannibale Romam obsidente: « Nunc aditus lustrat, clausas nunc cuspidē pulsat Infesta portas, fruiturque timore paventū: Nunc lentus celsis adstans in collibus intrat Urbem oculis; » ita vetusti codices;

Tibullus, lib. IV, Eleg. XI: « Nam mihi quid prosit morbos evincere, si tu Nostra potes lento pectore ferre mala? » ubi *læto* ante Scaligerum male legebatur; initio ejusdem epigrammatis scribendum in Tibullo: « Estne tibi, Cerinthe, tuæ pia cura puellæ, Dum mea nunc vexat corpora fessa calor? » ubi *placiture puellæ, Qui mea nunc vexat*, perperam legitur. Estne tibi de me cura, inquit, dum febricitō? H.

517. *Sua pulpita.* Quæ erant ante scenam, ubi ludicra exercebantur; vide Philandrum in Vitruvium, libro V, cap. 6.

518. *Quodque licet, mimis. Libet* recte multi veteres. H.

519. *Sunt populo;* non a populo, sed ad delectandum populum, ut sit dativi casus. *Populo recitata* Lovan. *poemata semper* Moreti.

523. *Sic quæ concubitus,* etc. Obscure hic designat Ovidius, quod



Exprimat, est aliquo parva tabella loco :  
 Utque sedet vultu fassus Telamonius iram, 525  
 Inque oculis facinus barbara mater habet :  
 Sic madidos siccant digitis Venus uda capillos,  
 Et modo maternis tecta videtur aquis.  
 Bella sonant alii telis instructa cruentis,  
 Parsque tui generis, pars tua facta canunt. 530  
 Invida me spatio natura coercuit arcto,  
 Ingenio vires exiguasque dedit.  
 Et tamen, ille tuæ felix Æneidos auctor,  
 Contulit in Tyrios arma virumque toros ;  
 Nec legitur pars ulla magis de corpore toto, 535  
 Quam non legitimo fœdere junctus amor.  
 Phyllidis hic idem, tenerosque Amaryllidis ignes,  
 Bucolicis juvenis luserat ante modis.  
 Nos quoque, jam pridem scripto peccavimus uno ;

Tranquillus apertius denotat in Tiberio his verbis : « Cubicula plurifariam disposita tabellis ac sigillis lascivissimarum picturarum ac figurarum adornavit, etc. »

525. *Utque sedet vultu.* Ajacem et Medeam Timomachi innuit ; maximo pretio ab Augusto redemptos, de quibus Plinius, lib. XXXV. Medea Timomachi laudatur Ausonio, et Plutarcho, etiam in Anthologia græca. H. — *Utque sedet vultu.* Tabulas Ajacis et Medæ intelligit, a Cæsare ante ædem Veneris Genitricis dicatas, ut est auctor Plinius.

526. *Inque oculis.* Oculos plurimi scripti.

527. *Sic madidos digitis.* Venerem designat ab Apelle pictam, de qua ita Plinius scribit : Venerem exeuntem e mari Divus Augustus dicavit in delubro patris Cæsaris, quæ *Anadyomene*, vocatur. Consenuit hæc

tabula carie, aliamque pro ea Nero in principatu suo substituit Dorothei manu. Apelles inchoaverat aliam Venerem Cois, superaturus etiam illam priorem. Invidit mors peracta parte : nec qui succederet operi ad præscripta lineamenta, inventus est.

530. *Pars tua facta canit. Canunt* rectius quidam. H. — *Tui generis.* Lucii, Caii, Tiberii, Drusi, Germanici, et aliorum.

535. *Nec legitur pars ulla magis.* Quantum Æneidos dicit : qui, propter carminis lasciviam et adfectus, plurimum delectat, et magis, quam cæteri, legitur. — *De corpore toto.* De toto opere Æneidos.

537. *Teneræque Amaryllidis ignes. Tenerosque libri meliores, et Amaryllidos.* HEINS.

539. *Scripto peccavimus isto.* Uno tres veteres. Bucolica enim Ovidius non scripsit. H.

Supplicium patitur non nova culpa novum. 540  
 Carminaque edideram, quum te delicta notantem  
 Præterii toties jure quietus eques.  
 Ergo, quæ juveni mihi non nocitura putavi  
 Scripta parum prudens, nunc nocuere seni?  
 Sera redundavit veteris vindicta libelli; 545  
 Distat et a meriti tempore pœna sui.  
 Ne tamen omne meum credas opus esse remissum;  
 Sæpe dedi nostræ grandia vela rati.  
 Sex ego Fastorum scripsi totidemque libellos;  
 Cumque suo finem mense volumen habet: 550  
 Idque tuo nuper scriptum sub nomine, Cæsar;  
 Et tibi sacratum sors mea rupit opus:  
 Et dedimus tragicis scriptum regale cothurnis;  
 Quæque gravis debet verba cothurnus habet:  
 Dictaque sunt nobis, quamvis manus ultima cœpto 555  
 Defuit, in facies corpora versa novas.  
 Atque utinam revoces animum paulisper ab ira,  
 Et vacuo jubeas hinc tibi pauca legi!  
 Pauca, quibus prima surgens ab origine mundi,  
 In tua deduxi tempora, Cæsar, opus: 560  
 Adspicias, quantum dederis mihi pectoris ipse,  
 Quoque favore animi teque tuosque canam.

542. *Irrequietus eques. Ille quietus* emendatum Lipsio de Militia Romana, lib. I, cap. 5; sed repono *jure quietus* ex tribus antiquis. Multi alii *irrequietus*; proxime verum. H.

546. *Distat et a meriti tempore pœna sui.* In multis *admissi sui*. H.

547. *Esse remissum.* Esse abjectum, humile, et lascivum, vel *remissum*, idem quod solutum.

551. *Idque tuo nuper.* Ovidius relegatus in Pontum, Fastorum li-

bro, plerisque additis ac mutatis, Germanico Drusi, privigni Augusti, filio inscripsit, ut ejus precibus ab Augusto reditum impetraret: quum eos antea Augusto dicasset, ut ex hoc carmine percipi potest.

553. *Et dedimus tragicis* etc. Tragœdiam Medeam dicit; ostendere videtur, quantum vir ille præstare potuerit, si ingenio suo temperare, quam indulgere maluisset.

561. *Adspiceres quantum dederis.*

Non ego mordaci destrinxi carmine quemquam,

Nec meus ullius crimina versus habet.

Candidus a salibus suffusis felle refugi;

565

Nulla venenato litera mista joco est.

Inter tot populi, tot scripti millia nostri,

Quem mea Calliope læserit, unus ego.

Non igitur nostris ullum gaudere Quiritem

Auguror, at multos indoluisse, malis.

570

Nec mihi credibile est quemquam insultasse jacenti,

Gratia candori si qua relata meo est.

His precor, atque aliis possint tua numina flecti,

O pater, o patriæ cura salusque tuæ;

Non ut in Ausoniam redeam, nisi forsitan olim,

575

Quum longo pœnæ tempore victus eris.

Tutius exsilium, pauloque quietius oro,

Ut par delicto sit mea pœna suo.

*Adspicias* multi. Unus *Adspicias*, recte; et admisi.

565. *Candidus a salibus suffusis felle refugi*. Locus hic non videtur sanus: *suffusos* multi; *a nimio suffusos felle* tres veteres. Hamburgensis *a mimo suffusos felle*; sed apud Ausonium, Carm. IV in Rhetoras, habet *Salibus modestus felle nullo perlitis*; ita enim ex veteri libro scribendum: sequenti versu pro *litera mista*, quidam vetusti *vincta*, vel *juncta*. Forte *tincta*. H.

566. *Venenato joco*. Mordaci joco.

567. *Tot scripti millia nostri*. Tanaquil. Faber, Ep. xxxviii, volebat corrigi, *tot scriptis, millia, nostris*.

568. *Unus ero. Unus ego* quinque veteres; sic ante: « Quem sua per-

diderit Musa, repertus ego. » Totus locus non inconcinne sic constituitur: « Inter enim populi tot scriptis millia nostris, Quem mea Calliope læserit, unus ego; » inter populi tot millia, quem læserit scriptis nostris mea Calliope, unus ego sum. H.

571. *Quemquam insultare jacenti. Insultasse* meliores. Οὐχ ὅτι κταμένοισιν ἐν ἀνδράσιν ἐχέτωσθαι; Homer. Odyss. X, vers. 412.

572. *Meo candori*; verbum *candidus* apud hunc ipsum poetam sæpissime leges; et apud Hor. in Ep. I, iv: « Albi, nostrorum sermonum candide iudex. » Quod quidem verbum, eo sensu ipsorum ætate usurpari ceptum esse opinor. CIOF.

576. *Eris victus*. Eris placatus.



PUBLII OVIDII NASONIS  
TRISTIUM  
LIBER TERTIUS.

ELEGIA PRIMA.

ARGUMENTUM.

Librum Romam mittit poeta incultum quidem, et sordidum; inducitque illum errare per varia urbis loca, precarique Augustum, ut patri exsuli et poetæ det veniam: sed quum nusquam recipi se videat, rogat manus plebeias, ut eum illæ saltem accipiant, ut habeat, ubi possit divertere.

MISSUS in hanc venio timidi liber exsulis urbem;  
Da placidam fesso, lector amice, manum :  
Neve reformida, ne sim tibi forte pudori;  
Nullus in hac charta versus amare docet.  
Nec domini fortuna mei est, ut debeat illam 5  
Infelix ullis dissimulare jocos.  
Id quoque, quod viridi quondam male lusit in ævo,  
Heu nimium sero ! damnat et odit opus.  
Inspice quid portem : nihil hic nisi triste videbis ,  
Carmine temporibus conveniente suis. 10  
Clauda quod alterno subsidunt carmina versu ,

1. *Venio timide liber exsulis.* Alii *timidus*; malim *timidi exsulis*; sic infra, *res timida est omnis miser.* H.

2. *Da placidam fesso; fasso* tres libri, pro *lasso*. Locutionem ab illo

officio, quo languentibus manum darent, desumptam puto, ut apud Petron. cap. I: « Quis non dare manum languentibus volet? » B.

11. *Clauda quod* etc. Festive ele-

Vel pedis hoc ratio, vel via longa facit :  
 Quod neque sum cedro flavus, nec pumice lævis,  
 Erubui domino cultior esse meo :  
 Litera suffusas quod habet maculosa lituras, 15  
 Læsit opus lacrymis ipse poeta suum.  
 Si qua videbuntur casu non dicta latine,  
 In qua scribebat, barbara terra fuit.  
 Dicite, lectores, si non grave, qua sit eundum,  
 Quasque petam sedes hospes in urbe liber. 20  
 Hæc ubi sum lingua furtim titubante locutus,  
 Qui mihi monstraret, vix fuit unus, iter.  
 Dî tibi dent, nostro quod non tribuere parenti,  
 Molliter in patria vivere posse tua !  
 Duc age : namque sequor, quamvis terraque marique 25  
 Longinquo referam lassus ab orbe pedem.  
 Paruit ; et ducens, hæc sunt fora Cæsaris, inquit :  
 Hæc est a sacris quæ via nomen habet.  
 Hic locus est Vestæ, qui Pallada servat et ignem :

giacum, quo utitur, *claudicare* ait; et culpam, vel in pedem, qui desit, vel in longitudinem perambulati itineris, confert. P.

18. *In qua scribebat. Scribebam* Strozæ. Lege *scribebat*; atque ita Zulichemianus. H.

23. *Quod non tribuere poetæ. Parenti* tres, pro diversa lectione: sic infra 57, hac ipsa Elegia: « nostro placata parenti Isdem sub dominis adspiciare domus; » et 65: « Quærebam fratres: exceptis scilicet illis, Quos suus optaret non genuisse parens. » Ita scripti: hinc et libros suos passim *natorum* nomine donat; supra I, Eleg. I, 115, ad librum: « si qua est tibi cura parentis; » Pont. IV, El. v, 29: « Quidque parens ego vester agam; » sic et Amatoriæ Ar-

tis libros *Ædipodas* et *Telegonos*, hoc est parricidas, adpellat supra lib. I, Eleg. I, 114. H.

25. *Duc age: namque sequar.* Unus *sequor.* Puto *jamque sequor*, ut apud comicos, *Ipse: sequor.*

26. *Ab orbe longinquo.* E Scythia.

28. *Hæc est a sacris.* Viam Sacram designat, foro Augusti, qui in Capitolio habitabat, vicinam: dictam, quod per eam ab arce, id est, a Capitolio, ad augures sacra ferebantur, vel quod in ea fœdus ictum sit inter Romulum et Tatium.

29. *Hic locus est Vestæ.* Vestæ templum rotundum, in quo servabatur Palladium, cum igne perpetuo, qui a virginibus Vestalibus alebatur; atque hoc multi putant a

Hic fuit antiqui regia parva Numæ.

30

Inde petens dextram, porta est, ait, ista Palatî:

Hic Stator: hoc primum condita Roma loco est.

Singula dum miror, video fulgentibus armis

Conspicuos postes, tectaque digna Deo:

An Jovis hæc, dixi, domus est? quod ut esse putarem, 35

Augurium menti querna corona dabat.

Cujus ut accepi dominum; non fallimur, inquam,

Et magni verum est hanc Jovis esse domum.

Cur tamen adposita velatur janua lauro;

Romulo prius erectum. Dionysius tamen, lib. II, scribit, id a Numa ædificatum in foro, quod occupat medium Capitoli et Palatii locum, idque anno urbis quadragesimo, ut in Fastis docet Ovidius. Atrium autem Vestæ fuit Numæ regia, vel potius pars regiæ.

30. *Hæc fuit. Hic scripti.* H.—*Regia parca* Puteanus; *celsa* excerpta Vossian.

31. *Porta est, ait, ista Palatî.* Ea porta prius *Saturnia*, dein *Pandania* adpellata fuit: adfirmant Varro et Solinus.

32. *Hic Stator.* Scribe *Stator*; Jovis Statoris ædem intelligit: ita Combi codex, neque aliter Politianus in ora sui exemplaris, et Gronovius, Observat. lib. IV, cap. 15. H.—*Hoc primum condita Roma loco est.* Nam Pelasgi Arcades ex urbe Palantio exeuntes, duce profectionis Evandro, in uno ex septem collibus sedes posuere, qui in medio ferme est Romæ, *Pallanteum* vocantes eum locum, a patria sua in Arcadia.—*Hoc primum condita Roma loco.* « Arcades his oris, genus a Pallante profectum, Qui regem Evandrum comites, qui signa secuti, Delegere locum, et posuere in montibus ur-

hem, Pallantis proavi de nomine Pallanteum; » Virg. *Æneid.* VIII, vs. 53; ubi veram Pallantei originem et causam vides.

33. *Video fulgentibus armis*, etc. Hic ædes Augusti in Palatio factas laudat Ovidius, quas etiam in septimo Maro describit, easque in Laurolavinio vult fuisse; ut Servius docet. MER. — *Fulgentibus armis.* Solebant enim postes, portas, et vestibula ædium, atria quoque spoliis et armis, quæ hostibus ademissent, exornare, clypeis, galeis, etc. Nec aut consumpta refici, aut fracta redintegrari mos erat. Præterea ædibus abalienatis non licebat ea emtori refigere. P.

35. *Jovis est.* Est Augusti.

37. *Cujus ut accepi dominum.* Numen opt. Palat. H.

39. *Obposita lauro. Adposita lauro* dant plerique veteres: recte. — *Velatur janua lauro.* Laurus ante Cæsaris januam erat: de qua ita Plinius, lib. XV, cap. ult. « Laurus triumphis proprie dicatur, vel gratissima domibus janitrix Cæsarum, Pontificumque, quæ sola et domos exornat, et ante limina excubat. » Martialis, lib. VIII, Epig. I, 1, vocat *Penates laurigeros*: « Laurigeros domini, li-



Cingit et augustas arbor opaca fores ? 40  
 Num, quia perpetuos meruit domus ista triumphos ?  
 An, quia Leucadio semper amata Deo ?  
 Ipsane quod festa est, an quod facit omnia festa ?  
 Quam tribuit terris, pacis an ista nota est ?  
 Utque viret semper laurus, nec fronde caduca 45  
 Carpitur, æternum sic habet illa decus ?  
 Causaque subpositæ scripto testata coronæ,  
 Servatos cives indicat hujus ope :  
 Adjice servatis unum, pater optime, civem,

ber, intrature Penates, Disce ver-  
 cundo sanctius ore loqui. » Sequenti  
 versu *augustas fores* agnoscunt etiam  
 multi ex antiquis, non *comas*; et hoc  
 probe : neque aliter ex suis Nauge-  
 rius et Giofanus : pro *arbor opaca*,  
 tres *querna corona*; ut Fast. lib. I,  
 614, ad Germanicum : « Protegat et  
 vestras querna corona fores. »

41. *An, quia. Num* meliores. H.

42. *Leucadio Deo*. Deo Apollini.  
 Apollo amat laurum propter Da-  
 phnen in eam commutatam. Au-  
 gustus enim in ore sinus Ambracii,  
 Actium cum nobili templo Apollinis  
 condidit, haud longe a Leucate pro-  
 montorio, a quo Deus *Leucadius* dic-  
 tus est : seu a Leucadia peninsula,  
 quæ olim *Neritos* adpellata, non lon-  
 ge sita dicitur in Plinio.

43. *Ipsane quod festa est*. Festam  
 laurum adpellat, quoniam Romanis  
 ea lætitiæ victoriarumque nuncia  
 fuit : facitque omnia festa et læta,  
 omniumque mentes laurus exhila-  
 rat : deponebaturque etiam in gre-  
 mio Jovis optimi maximi, quoties  
 lætitiâ victoriâ novam adtulisset.  
 — *Pacis an ista nota est* ? Paciferam  
 laurum fuisse, docet Plinius, l. XV,  
 cap. 40, edit. Harduini, his verbis :

« Ipsa pacifera, ut quam prætendi  
 etiam inter armatos hostes, quietis  
 sit indicium. »

47. *Causaque subpositæ*. Superior  
 pars januæ, frondibus lauri ornaba-  
 tur, cui subjecta erat corona quer-  
 na, quæ ei dabatur, qui civem ser-  
 vasset, et *civica* dicebatur. Hinc  
 civicæ coronæ militum, virtutis in-  
 signe clarissimum. Illud notandum,  
 civicam coronam ilignam primo fuis-  
 se ; postea magis placuit ex æsculo  
 Jovi sacra. Leges autem ejus, qui  
 civica corona donabatur, legito apud  
 Plin. libro XVI, cap. 4. Alii legunt  
*causa superpositæ*. — *Scripto testata*.  
 Perperam *testante* plurimi ex scri-  
 ptis; Pont. IV, El. VII, 53 : « Vinci-  
 tur Ægyptos, testataque tempus in  
 omne Sunt tua, Vestalis, carmine  
 facta meo ; » sic et *comitata* passive  
 passim apud Nostrum. H.

49. *Adjice servatis. Adice* MSS.  
 Sed fortasse voluit scribere *adice* ;  
 quam scripturam et in hoc, et in  
 cod. Virgil. tum in hoc, tum in aliis  
 hujus verbi compositis, non gemi-  
 nata *i* passim offendimus. *Unum*  
*civem*, unum Ovidium : inepte au-  
 tem Merula addit *me*, quum liber  
 sit, qui ipse loquatur. C.

Qui procul extremo pulsus in orbe jacet; 50  
 In quo pœnarum, quas se meruisse fatetur,  
 Non facinus causam, sed suus error habet.  
 Me miserum! vereorque locum, venerorque potentem,  
 Et quatitur trepido litera nostra metu.  
 Adspicis exsanguis chartam pallere colore? 55  
 Adspicis alternos intremuisse pedes?  
 Quandocumque, precor, nostro placata parenti  
 Isdem sub dominis adspiciare domus.  
 Inde tenore pari, gradibus sublimia celsis  
 Ducor ad intonsi candida templa Dei; 60  
 Signa peregrinis ubi sunt alterna columnis  
 Belides, et stricto barbarus ense pater:  
 Quæque viri docto veteres cepere novique

50. *Pulsus in orbe latet. Jacet* cum primo Politiani et sex aliis; infra El. III, 5: « Quid mihi nunc animi dirare regione jacenti? » et 13: « Lassus in extremis jaceo populisque locisque; » Pont. lib. I, Eleg. III, 49: « Orbis in extremi jaceo desertus arenis; » ita vere codices antiqui; et lib. III Pont. Eleg. IX, initio; et lib. III, Eleg. I, 85: « Ut minus infesta jaceam regione, labora: » atque ita passim Noster. H.

53. *Vereorque locum, venerorque potentem. Parentem* unus Vatican. alius *potentes*; an *Penates*? unus etiam *venerorque potentem*; quod prætuli.

54. *Trepido metu. Rapido* plerique; unus *pavido*. H.

59. *Inde timore pari. Tenore* maxima scriptorum pars; Pont. lib. I, Eleg. x, 6: « Et peragit soliti vena tenoris iter; » Epistola Didus, 111: « vitæque novissima nostræ Prosequitur fati, qui fuit ante, tenor; » *tenor vitæ* Ep. Helenæ, 14: « Dumque tenor vitæ sit sine labe meæ. » H.

— *Pari tenore.* Pari ordine, quo per urbem hactenus incessi.

60. *Intonsi Dei.* Apollinis Capitolini. MER. — *Candida* propter marmor, quo tecta et ornata erant: vel propter elegantiore structuram. P.

61. *Ubi sunt.* Malim *ubi sunt*, nisi sequenti versu cum priscis editionibus et scriptis nonnullis reponis pro *barbarus, stat ferus*; ut lib. I, 73, Art. Am. « Quaque parare necem miseris patruelibus ausæ Belides, et stricto stat ferus ense pater. » H.

62. *Stricto barbarus ense pater.* « Potuitne ultricia Graiis Virginius dare tela pater, lætusque dolorum, Sanguine securos juvenum perfundere somnos! » Stat. Theb. lib. V, 117. Hinc Æschyl. in Prometheus: Τοιάδ' ἐπ' ἐχθρὸς τοὺς ἑμούς ἔλθοι κύπρις: « Pater Collaudat ipse, foribus excubans, nefas, Et lustrat enses. »

63. *Quæque viri docto.* Bibliothecam intelligit, quam Augustus ædificavit in parte domus Palatinæ. —

Pectore, lecturis inspicienda patent.  
 Quærebam fratres, exceptis scilicet illis, 65  
 Quos suus optaret non genuisse parens :  
 Quærentem frustra custos me, sedibus illis  
 Præpositus, sancto jussit abire loco.  
 Altera templa peto, vicino juncta theatro;  
 Hæc quoque erant pedibus non adeunda meis. 70  
 Nec me, quæ doctis patuerunt prima libellis,  
 Atria Libertas tangere passa sua est.  
 In genus auctoris miseri fortuna redundat;  
 Et patimur nati, quam tulit ipse, fugam.  
 Forsitan et nobis olim minus asper, et illi 75  
 Evictus longo tempore Cæsar erit.  
 Dì, precor, atque adeo, neque enim mihi turba roganda est,

*Veteres fecere novique Pectore. Ceperè* antiqui fere omnes. Avienus *Prognosticis, cape sollers singula mente*: hinc *capax animus*, et *concupere mente*, quod passim apud scriptores occurrit. Veram lectionem jam vidit sagacissimus Gronovius, *Observat. lib. II, cap. 3*, qui illic consulatur. H.

65. *Quærebam fratres*. Quærebam in eadem bibliotheca cæteros libros ab Ovidio compositos; tanquam fratres meos ab ipso genitos.

66. *Non genuisse pater. Parens* in melioribus scriptis et priscis editionibus: malim etiam *optarit*; nam *optarat* est in quibusdam. H.

67. *Custos e sedibus illis. De sedibus* nonnulli. Scribe *me, sedibus*. H.

68. *Sancto loco*. Quia quasi quoddam templum sapientiæ, qua nihil sanctius ac venerabilius. P.

69. *Altera templa peto*. Sunt qui hic de templo Magnæ matris intelligent: plerique de templo Vestæ: magis placet, propter sequens car-

men, Libertatis atrium intelligas, quod ab Asinio Pollione erectum est.—*Vicino theatro*. Theatro Marcelli, aut Cornelii Balbi, propinquo. MER. — *Altera templa peto*. Quid si de templo, sive æde Herculis Musarum intelligamus, quem *Musagetem* Græco nomine vocarunt? cujus auctor exstitit Martius Philippus, ut Sueton. tradit. Bersmann. vult esse Veneris Victricis templum, vicinum Pompeii theatro, vel, ut alii, Marcelli. MICYL.

71. *Patuerunt; docuerunt* Putean. *placuerunt* Leidens. *tabellis* Lovan.

73. *In genus auctoris miseri*. In liberos filios infelicis Ovidii.

74. *Et patimur fugam*. Et nos libri Ovidii fugamur.

75. *Et illi*. Et Ovidio.

77. *Neque enim mihi turba roganda est*. Malim roganda es. Deos enim adloquitur. H. — *Dì, precor. Deprecor* Bernens. et plurimi scripti. *Te precor* Moreti et novem alii. Sed mihi magis placet lectio Heinsiana.



Cæsar, ades voto, maxime Dive, meo!  
 Interea, statio quoniam mihi publica clausa est,  
 Privato liceat delituisse loco:  
 Vos quoque, si fas est, confusa pudore repulsæ  
 Sumite, plebeiæ, carmina nostra, manus.

## ELEGIA II.

## ARGUMENTUM.

In hac Elegia, quam plerique perperam jungunt cum superiore, queritur poeta quod fata eum in Scythiam compulerint; nec sacerdoti suo opem tulerint, aut Apollo, aut Pierides: deinde dicit, se in Scythia adsiduo fletu et mœrore marcere. Postremo Deos precatur, ut tandem sibi mori liceat.

ERGO erat in fati Scythiam quoque visere nostris,  
 Quæque Lycaonio terra sub axe jacet?  
 Nec vos, Pierides, nec stirps Latoia, vestro

1. *Ergo erat.* Deerat hoc distichon cod. Servii; quod nostri ambo habent: in multis et optimis hæc Elegia continuabatur superiori.

2. *Sub axe Lycaonio.* Sub septemtrionali plaga, sic adpellata a Calisto Lycaonis filia, quæ in majorem ursam mutata, *Lycaonia* a poetis nominatur.

3. *Nec stirps Latonia.* *Latoia* quatuor veteres; Junianus *Latoica*; Met. VIII, 16: « In quibus auratam proles Latoica fertur Deposuisse lyram. » Ita meliores scripti; et postea, 394: « Ipsa suis licet hunc Latonia protegat armis; » l. XI, 196: « Laomedonteis Latoius adstitit arvis; » et antea, l. VII, 384: « Inde Calauræ, Latoidos adspicit arva. » Trist.

V, El. I, 57: « Quum faceret Nioben orbam Latoia proles; » ut scribendum esse censeo: hinc et *Latous* pro *Latonijs* passim apud poetas Apollo: codices tamen vetustissimi lib. VII, et VIII, *Letoidos*, et *proles Letoia*; sic apud Græcos λητοῖος, λαιτοῖος, Æolice; in versibus Varronis λαιῶ pro ληῶ; apud Ausonium Epitaph. heroum XXVII, in veterrimo codice Vossiano, *Læsi numina Lætoidum*: apud Horat. lib. I, Od. xxxi, 17: « Frui paratis et valido mihi, Latoe, dones; » ita antiquissimæ membranæ in bibliotheca academæ Leidensis. H. — *Stirps Latonia.* Apollo Latonæ et Jovis filius; Musarum dux et præses, μουσηγίτης; poetarum Deus.

Docta sacerdoti turba tulistis opem ?  
 Nec mihi, quod lusi vero sine crimine, prodest, 5  
 Quodque magis vita Musa jocosa mea est;  
 Plurima sed pelago terraque pericula passum  
 Ustus ab adsiduo frigore Pontus habet.  
 Quique fugax rerum, securaque in otia natus,  
 Mollis et impatiens ante laboris eram; 10  
 Ultima nunc patior; nec me mare portubus orbum  
 Perdere, diversæ nec potuere viæ:  
 Sufficitque malis animus; nam corpus ab illo  
 Accepit vires, vixque ferenda tulit.  
 Dum tamen et ventis dubius jactabar et undis, 15  
 Fallebat curas ægraque corda labor.  
 Ut via finita est, et opus requievit eundi,  
 Et pœnæ tellus est mihi tacta meæ;  
 Nil nisi flere libet, nec nostro parciore imber  
 Lumine, de verna quam nive manat aqua. 20  
 Roma domusque subit, desideriumque locorum,  
 Quidquid et amissa restat in urbe mei.  
 Heu mihi, quod nostri toties pulsata sepulcri  
 Janua, sed nullo tempore aperta fuit!  
 Cur ego tot gladios fugi, totiesque minata, 25

4. *Sacerdoti*. Ovidio: sunt enim poetæ Apollinis et Musarum sacerdotes; Tibullus, lib. II, El. v, vs. 1: « Phœbe, fave, novus ingreditur tua templa sacerdos. »

8. *Pontus*. Pontus Euxinus, cui adjacet Tomitana ora. MER.

9. *Quique fugax rerum*. Qui forum et lites vitabam. P.

12. *Diversæ viæ*. Maris et terræ, in quibus utrisque dura passus est citra mortem.

13. *Sufficitque malis*. Hoc est, non inferior malis tolerandis fuit.

15. *Ventis dubius jactabar et undis*. Terris dubius veteres plerique; sic lib. IV, Eleg. VIII, 15: « Non ita Dis visum, qui me terraque marique Actum Sarmaticis exposuere locis. »

18. *Et tellus meæ pœnæ*. Et terra mei exilii: designat autem Tomon.

19. *Nil nisi flere libet*. Vacat Hafniensis; Met. X, 387: « tum denique flere vacavit. » H.

20. *De verna aqua*. De nive, quæ liquescit vere, et fit aqua.

23. *Janua nostri sepulcri*. Sæpius se mortem evasisse dicit.

Obruit infelix nulla procella caput?

Dî, quos exerior nimium constanter iniquos,

Participes iræ quos Deus unus habet;

Exstimulate, precor, cessantia fata; meique

Interitus clausas esse vetate fores.

30

28. *Quam Deus unus habet. Quos* plerique veteres; et recte. HEINS. — *Deus unus.* Augustus. MER. — *Participes iræ*; lib. I, El. II, oravit Deos, ne magni Cæsaris iræ subscri-

berent, quos hic dicit participes iræ unius Dei, Augusti scil. cum quo in caput Nasonis conspirasse censi sunt. P. — Nostri codices in voc. *quos* consentiunt.

## ELEGIA III.

### ARGUMENTUM.

Ad uxorem scribens ex Scythia poeta, se excusat, quod aliena manu scriptam miserit epistolam: quod aliter non potuisse fieri ostendit, ob adversam valetudinem, qua conflictabatur; simulque incommoda commemorat: sed præter cætera illud fatetur esse maximum, quod careat ipsius uxoris adpectu. Mandat, ut sua ossa Romam deferantur in parva urna, et signentur epitaphio a se composito.

HÆC mea, si casu miraris, epistola quare

Alterius digitis scripta sit; æger eram:

Æger in extremis ignoti partibus orbis,

Incertusque meæ pæne salutis eram.

Quid mihi nunc animi dira regione jacenti

5

Inter Sauromatas esse Getasque putes?

1. *Hæc mea, si casu. Si conjux* scripti quidam et priscae editiones. H.

3. *Ignoti orbis.* Scythiæ, ad quam perquam pauci accedunt: et ideo *ignotum orbem* adpellat. MER.

4. *Incertusque meæ pæne salutis eram.* Versus suspectus. H.

5. *Quem mihi nunc animum.* Scribe cum Leidensi codice, *Quid mihi nunc animi: putes etiam pro putas*



Nec cælum patior, nec aquis adsuevimus istis,

Terraque nescio quo non placet ipsa modo :

Non domus apta satis; non hic cibus utilis ægro;

Nullus, Apollinea qui levet arte malum :

10

Non qui soletur, non qui labentia tarde

Tempora narrando fallat, amicus adest.

Lassus in extremis jaceo populisque locisque;

Et subit adfecto nunc mihi, quidquid abest.

Omnia quum subeant, vincis tamen omnia, conjux, 15

Et plus in nostro pectore parte tenes.

Te loquor absentem : te vox mea nominat unam :

Nulla venit sine te nox mihi, nulla dies.

Quin etiam, sic me dicunt aliena locutum,

Ut foret amenti nomen in ore tuum.

20

Si jam deficiat subpresso lingua palato,

Vix instillato restituenda mero ;

multi veteres. — Nostri ambo *Quem mihi nunc animum*; minus eleganter.

8. *Terraque nescio quo*. Quia inculta, sterilis, inamœna. P.

13. *Lassus*. *Lapsus* quidam, et alii *læsus*, *solus*.

14. *Et subit adfectu nunc mihi quidquid abest*. *Adfecto* scribendum cum uno codice; idque jam vidit politissimus Naugerius. *Adfectus* graviter ægrotans; Suetonius, Tiberio: *Adfectum reperit, sed tamen adhuc spirantem*. Festus: « Adfecta femina vel in bonam partem dicitur, velut honorata; vel in malam, quasi in extremum periculum adducta; » sic recte castigavit Passeratius; nam libri nonnulli veteres *adfectata*; vulgati *adsectata*. H.

16. *Et plus in nostro pectore parte tenes*. Bersmannus ex suo codice reponit *pectore, cara, tenes*; quomodo et sex nostri: plures alii *partis ha-*

*bes*. Nil muta; Trist. V, El. x, 30: « Barbarus et tecti plus quoque parte tenet; » Lucretius, lib. II: « Plus ut parte feras emergant exsiliantque; » Virg. Georg. I, 35: « Scorpium et cæli justa plus parte relinquit. » H. — *Et plus in nostro*. Plus quam partem tenes, seu potissimam partem in pectore meo tenes. P.

21. *Si jam deficiam, subpressaue lingua palato*. Locus corruptus; nec juvant libri veteres. Scribe: « Si jam deficiat subpresso lingua palato; » vel *Si me deficiat*; regit enim id verbum Ovidio semper quartum casum. Locus huic geminus Pont. I, Eleg. III, 9: « Et jam deficiens, sic ad tua verba revixi, Ut solet infuso vena redire mero. » Superiori versu pro *amentis ore* prim. Vatic. *amanti*: lege *amenti ore*. H.

22. *Instillato mero*. Vîno leviter infuso: vinum enim reficit vires.

Nuntiet huc aliquis dominam venisse, resurgam;  
 Spesque tui nobis causa vigoris erit.  
 Ergo ego sum vitæ dubius: tu forsitan illic 25  
 Jucundum nostri nescia tempus agis?  
 Non agis, adfirmo: liquet, o carissima, nobis,  
 Tempus agi sine me non nisi triste tibi.  
 Si tamen implevit mea sors, quos debuit, annos,  
 Et mihi vivendi tam cito finis adest; 30  
 Quantum erat, o magni, perituro parcere, Divi,  
 Ut saltem patria contumularer humo!  
 Vel pœna in mortis tempus dilata fuisset,  
 Vel præcepisset mors properata fugam.  
 Integer hanc potui nuper bene reddere lucem: 35  
 Exsul ut occiderem, nunc mihi vita data est.  
 Tam procul ignotis igitur moriemur in oris,  
 Et fient ipso tristia fata loco?  
 Nec mea consueto languescent corpora lecto?  
 Depositum nec me qui fleat, ullus erit? 40  
 Nec dominæ lacrymis in nostra cadentibus ora  
 Accedent animæ tempora parva meæ?  
 Nec mandata dabo? nec, cum clamore supremo,  
 Labentes oculos condet amica manus?

23. *Dominam.* Te uxorem. *Resurgam.* Convalescam.

25. *Tu forsitan istic. Illic* meliores. HEINS.

27. *Liquet hoc carissima nobis. O carissima* cum tribus libris. H.

33. *Dilata fuisses* Hamburg. magis poetice. — *Vel præcepisset mors properata fugam.* Primæ editiones plurimique scripti, *præcessisset.* Si quid mutem, refingam *prævenisset*, aut *prævertisset*; Trist. V, Eleg. IV, vs. 31: « Sæpe etiam mœrens tempus reminiscitur illud, Quod non

præventum morte fuisse dolet. » H.

35. *Integer.* Incolumis, nondum mulctatus exsilio. BERSM.—*Reddere vitam.* Lucem recte primus Vaticanus et Leidensis. H.

43. *Nec, cum clamore supremo.* Solebant cadavera ablui calida aqua, et per intervalla conclamari: servabantur enim septem diebus, et calida abluebantur aqua, et post ultimam conclamationem comburebantur.

44. *Languentes oculos claudet amica manus.* Primæ editiones et pluri-

Sed sine funeribus caput hoc, sine honore sepulcri, 45

Indeploratum barbara terra teget?

Ecquid, ut audieris, tota turbabere mente,

Et feries pavida pectora fida manu?

Ecquid, in has frustra tendens tua brachia partes,

Clamabis miseri nomen inane viri? 50

Parce tamen lacerare genas; nec scinde capillos.

Non tibi nunc primum, lux mea, raptus ero.

Quum patriam amisi, tum me periisse putato:

Et prior, et gravior mors fuit illa mihi.

Nunc, si forte potes, sed non potes, optima conjux, 55

Finitis gaude tot mihi morte malis.

Quam potes, extenua forti mala corde ferendo,

Ad quæ jampridem non rude pectus habes.

mi exscriptis *Labentes oculos condet*: recte *Labentes oculi*, quos *fugientes* vocat Epicedio Tibulli. Propert. I, El. x, 7: « Quamvis labentes premeret mihi somnus ocellos; » idem, I, El. III, 45: « Dum me jucundis lapsam sopor impulit alis, » ubi male *lassam* Lipsius, Ant. Lect. lib. IV, cap. xi, reponit; et lib. II, El. xv: « Illa meos somno lapsos patefecit ocellos; » male illic *lassos* nunc exstat; nam nisi jam lapsos non poterat Cynthia patefacere. *Oculi morte cadentes* Statio, lib. III Sylvarum, ad Claudiam uxorem, vs. 39. *Condere oculos* pro *Claudere* etiam familiare Nostro est: idem Propert. lib. IV, El. ult. 63: « Te, Lepide, et te, Paulé, meum post fata levamen, Condita sunt vestra lumina nostra manu; » ita enim malo, quam *vestro sinu* quod nunc legitur. H.

46. *Indeploratum barbara terra teget*. Non defletum, ἀλκυστον. Ἄλκυστος, ἄταφος. Sic Plaut. insepultum defodere. Hinc defleti dicebantur,

quibus plenus mortis honos redditus; Lucian. VIII, Τὸ γὰρ γίγας ἐστὶ θανάτων. *Membra toro defleta reponunt*; Virg. Æn. VI, 220: ubi hunc ritum plene describit.

47. *Ecquid, ubi audieris. Ut audieris* rectius multi. H.

49. *Tendens tua brachia partes; terras* unus cod. *tendes* prim. edit. *tendas frustra* Lovan.

52. *Lux mea*. Ne quis putet, in meretriciis tantum blandimentis frequentari illa, lux, vita, desiderium, anima, etc. etiam in conjugalibus, etc. usurpantur: et justius utique in his, quam in illis. P. — *Raptus ero*. Malim *ego*. H.

53. *Tunc me periisse putato*. Ejecto e patria mors est civilis.

57. *Quod potes. Quam potes* multi. Nonnulli etiam *Qua*. H.

58. *Ad mala jampridem. Ad quæ* multi veteres; recte: nec pauciores *Ut quæ*. Quid si reponatur, « Quorum jampridem non rude pectus habes? » sic « juveni rudes operum »



Atque utinam pereant animæ cum corpore nostræ,  
 Effugiatque avidos pars mihi nulla rogos! 60  
 Nam si, morte carens, vacuum volat altus in auram  
 Spiritus, et Samii sunt rata dicta senis;  
 Inter Sarmaticas Romana vagabitur umbras,  
 Perque feros manes hospita semper erit.  
 Ossa tamen facito parva referantur in urna: 65  
 Sic ego non etiam mortuus exsul ero.  
 Nec vetat hoc quisquam: fratrem Thebana peremtum  
 Subposuit tumulo, rege vetante, soror.  
 Atque ea cum foliis et amomi pulvere misce;  
 Inque suburbano condita pone solo: 70  
 Quosque legat versus oculo properante viator,  
 Grandibus in tumuli marmore cæde notis:  
 Hic ego qui jaceo, tenerorum lusor amorum,  
 Ingenio perii Naso poeta meo.

Fast. I, 83; et *draco somni rudis*  
 Met. VII, 213, ex antiquis libris. H.

59. *Atque utinam pereant animæ.*  
 Utinam, inquit, ex Epicureorum  
 sententia, cum corporibus animæ  
 interirent! Nam ita aversabatur  
 Barbaros illos, ut ne post mortem  
 quidem, sola anima inter illorum  
 animas esse velit; et potius in nibi-  
 lum recidere cupiat.

60. *Pars mea nulla. Pars mihi quin-*  
*que scripti; rectius: et vacuum au-*  
*ram* mox pro *vacuas auras* plerique.

61. *Nam si morte carens.* Hoc Py-  
 thagoras apud Ovidium in Met. XV,  
 153, apertius docet:

O genus adtonitum gelidæ formidine mortis,  
 Quid Styga, quid tenebras, quid nomina vana  
 timetis

Materiem vatam, falsique piacula mundi?  
 Corpora sive rogos flamma, seu tabe vetustas  
 Abstulerit, mala posse pati non ulla putetis.  
 Morte carent animæ.

67. *Non vetat hoc quisquam.* Nemo  
 sepulturæ officium negat.—*Nec sex*  
*antiqui: puto Nec vetet hoc.* H. —  
*Fratrem Thebana peremtum Subpo-*  
*suit* etc. Antigonem designat, Œdi-  
 podis Thebarum regis filiam, quæ  
 fratrem Eteoclem sepelivit: quam-  
 vis Creontes, rex Thebarum, eos qui  
 in bello Thebano perierant inse-  
 pultos jacere voluisset, ut elegan-  
 tissime cecinit Papinius in ultimo  
 Thebaidos.

69. *Et amomi pulvere* etc. Amo-  
 mum est genus herbæ odoratissimæ:  
 Armenicum, cæteris præstat, fulvi  
 coloris, habensque lignum subru-  
 fum, abunde odoratum. In conser-  
 vandis enim cadaveribus amomum  
 adhiberi solet, ut docet in Ponto,  
 I, Eleg. ix, 52. C.

70. *Condita pone loco.* Solo primæ  
 editionis et scripti plerique. H.

74. *Ingenio perii Naso poeta meo.*

At tibi qui transis, ne sit grave, quisquis amasti, 75  
 Dicere : Nasonis molliter ossa cubent.  
 Hoc satis in titulo est ; etenim majora libelli,  
 Et diuturna magis sunt monumenta mei :  
 Quos ego confido, quamvis nocuere, daturos  
 Nomen, et auctori tempora longa suo. 80  
 Tu tamen, extincto feralia munera ferto,  
 Deque tuis lacrymis humidaserta dato.  
 Quamvis in cinerem corpus mutaverit ignis,  
 Sentiet officium mœsta favilla pium.  
 Scribere plura libet : sed vox mihi fessa loquendo 85  
 Dictandi vires, siccaque lingua, negat.  
 Accipe supremo dictum mihi forsitan ore,  
 Quod, tibi qui mittit, non habet ipse, vale.

Lib. II, et lib. III de Ponto, El. v, 4:  
 « Læsus ab ingenio Naso poeta meo. »

75. *Quisquis amasti. Quicquid* opt. Vatic. alii tres *quicquid* ; Medonia-  
 nus *quisquid* : puto *si quid amasti*,  
 pro *si amasti* : sic Fast. III, vs. 87,  
*si quid vacas*, pro *si vacas* ; Epist.  
 VI, *si quid adest*, pro *si adest* ex  
 membran. H.

76. *Molliter ossa cubent.* In cippis  
 inscribebantur hæ litteræ S. T. T. L.  
 sit tibi terra levis.

77. *Hoc satis in tumulo est. In ti-  
 tulo est* prim. Polit. et decem alii ;

recte ; nisi quod malim *in titulos* :  
 titulum sepulcralem innuit. H.

81. *Feralia munera.* Inferias dicjt.  
 Quomodo autem inferiæ mortuis  
 fierent, et quomodo in his uteren-  
 tur coronis, docet Ovidius, lib. II  
 Fastorum. M.

82. *Deque tuis lacrymis.* Magis Ovi-  
 dianum erit, si legas *Deque suis la-  
 crymis* ; vide notam ad Epist. XX,  
 vs. 76, tom. I nostri Ovid. De flori-  
 bus quibus tumuli conspergerentur,  
 et coronis, sive sertis quibus orna-  
 rentur, Plin. lib. XXI, cap. 3.

## ELEGIA IV.

## ARGUMENTUM.

Amicum carissimum, quem propter Augustum non audet nominare, poeta admonet, ut magna atria et potentes fugiat, qui quamvis possint plurimum prodesse, non prosunt, sed potius nocent. Laudat deinde amici fidem, quam sibi in adversis rebus nunquam defuisse cognovit; simulque enumerat exilii sui incommoda; rogat postremo, ut, quam possit, illi opem ferat.

O MIHI care quidem semper, sed tempore duro  
 Cognite, res postquam procubuere meæ;  
 Usibus edocto si quidquam credis amico,  
 Vive tibi, et longe nomina magna fuge.  
 Vive tibi, quantumque potes prælustria vita : 5  
 Sævum prælustri fulmen ab arce venit.  
 Nam, quamquam soli possunt prodesse potentes,  
 Non prosit potius, si quis obesse potest.  
 Effugit hibernas demissa antenna procellas,  
 Lataque plus parvis vela timoris habent. 10  
 Adspicis, ut summa cortex levis innatet unda,  
 Quum grave nexa simul retia mergat onus.

5. *Vive tibi.* Tecum habita. MÉR.  
 — *Vive tibi.* Platonī est τὰ ἰκνυτοῦ  
 ἀπαρτεῖν; vide Stephan. Schediasm.  
 lib. I, cap. 2. Jubetur autem sua  
 mediocritate esse contentus. BERSM.  
 — *Prælustria.* Præclara atria. *Plus*  
*timoris.* Majorem formidinem.

7. *Nam, quamquam soli.* Distichon hoc nugatoris alicujus est, non Nasonis. Superiori versu pro *prælustri arce*, veteres majori ex parte

*igne* : nil muta; lib. I, Eleg. 1, 72 :  
 « Venit in hoc illa fulmen ab arce  
 caput. » H.

11. *Adspicis, ut summa.* Levis cortex solet in summa aqua natare, nec mergi : at retia magno plumbi pondere mergi solent. Per *corticem* autem levem, et homines tenues; per *plumbum* vero, potentes designat: qui, ut plumbum, graviore casu clientes præcipientes trahunt quo volunt.



Hæc ego si, monitor, monitus prius ipse fuisset,  
In qua debueram forsitan urbe forem.

Dum tecum vixi, dum me levis aura ferebat, 15

Hæc mea per placidas cymba cucurrit aquas.

Qui cadit in plano, vix hoc tamen evenit ipsum,

Sic cadit, ut tacta surgere possit humo :

At miser Elpenor, tecto delapsus ab alto,

Obcurrit regi debilis umbra suo. 20

Quid fuit, ut tutas agitarit Dædalus alas ;

Icarus immensas nomine signet aquas ?

Nempe quod hic alte, demissius ille volabat :

Nam pennas ambo non habuere suas ?

Crede mihi ; bene qui latuit, bene vixit : et infra 25

Fortunam debet quisque manere suam.

Non foret Eumedes orbis, si filius ejus

14. *In qua debebam. Debueram* rectius tres veteres. H.

15. *Dum tecum vixi.* Scribe, *Dum mecum vixi* : sic supra *Vive tibi*. Pari modo *secum habitare* et similia occurrunt apud antiquos. H.

19. *At miser Elpenor.* Elpenor apud Circen ebrius, dum sociorum strepitus abeuntium audit, et abire properat, pronus e longis lapsus scalis, collum fregit ; Homer. Odyss. A : « Hic, nimius quondam vini, jam pocula damnat : Quique sit ostendit sobrietatis honos. » Et Odyss. K : « Mentis inops, victusque mero, non utilis armis, Elpenor pretium triste bibentis habet. »

20. *Flebilis umbra. Debilis* meliores magno numero ; quod et ad Statium deprehendit acutissimus Gronovius. Alluditur ad lapsum Elpenoris. H.

22. *Icarus immensas nomine signet aquas ?* Diximus de hoc loco supra lib. I, El. 1, vs. 90. Superiori versu

*lege agitarit pro agigaret*, ut τῷ signet melius id respondeat. H.

24. *Non habuere.* Puto nonne habuere : quidquid membranæ obnuntur. H.

25. *Bene qui latuit, bene vixit.* Quicumque humili fortuna contentus latuit, tutus vixit. MER. λάτῃ βιωσας. Horat. I, Epist. XVII, vs. 10 : « Nec vixit male, qui natus moriensque fefellit. » BERGM. — *Intra fortunam.* Præfero *infra fortunam* ex quatuor scriptis ; nec aliter lego apud Propertium, libro III, El. IX, 1 : « Mæcenæ, equès Hetrusco de sanguine regum, Infra fortunam qui cupis esse tuam. » Seneca, Medea, Act. III : « Fortuna semper omnis infra me stetit ; » ita optimus Mediceus. Noster infra, lib. V, El. VIII, 1 : « Non adeo cecidi, quamvis dejectus, ut infra Te quoque sim, inferius quo nihil esse potest. » H.

27. *Non foret Eumedes orbis.* Male

Stultus Achilleos non adamasset equos:  
 Nec natum in flamma vidisset, in arbore natas,  
 Cepisset genitor si Phaethonta Merops. 30  
 Tu quoque formida nimium sublimia semper;  
 Propositique memor contrahe vela tui:  
 Nam pede inoffenso spatium decurrere vitæ  
 Dignus es, et fato candidiore frui.  
 Quæ pro te ut voveam, miti pietate mereris, 35  
 Hæsuræque mihi tempus in omne fide.  
 Vidi ego te tali vultu mea fata gementem,  
 Qualem credibile est ore fuisse meo:  
 Nostra tuas vidi lacrymas super ora cadentes,  
 Tempore quas uno, fidaque verba, bibi. 40

*Eumenides et Emetrides*, et similia scripti. Δῶλον Εὐμήδεος υἱὸς Homero, Il. K. Dolonem designat, Eumedis filium, Virgil. Æn. XII, 347. Hic (ut lib. X Iliad. scribit Hom.) missus speculator ad Græcorum castra, pactus pro remuneratione Achillis equos, in Diomedem et Ulyssem incidit, qui speculatum quoque ibant ad Trojanos: illi promissa impunitate, Trojanorum consilia ab eo didicere: inter cætera facti certiores de adventu Rhesi, Dolonem interficiunt; Thracum castra adgrediuntur; equi inde abducti sunt.

29. *Nec natum in flamma.* Phaethonta intelligit, de quo diximus supra. Dictus est autem *Phaethon* a luce ardoris sui; ut scribit Serv. φαῖντος enim lucidum significat. Ab irato enim Jove fulmine ictus, in Padum cecidit, qui ab eo *Eridanus* græce dicitur. — *In arbore natus.* Heliades accipe, quæ in populos mutatae sunt, ut notum est ex secundo Ovidii Metamorph.

30. *Cepisset genitor si Phaethonta*

*Merops.* Eleganter dictum: Merops Phaethontem non cepit, quia Phaethon ad majora adspirabat, non contentus hoc patre, seque Solis filium volebat credi. Cave igitur quidquam in hoc loco mutes cum iis, qui *Flexisset* reponunt. H. — *Genitor Merops.* Clymenes maritus, et Phaethontis pater putativus. MÆR.

32. *Propositique precor.* Memorretius editiones nonnullæ, et scripti quatuor apud me. H. — *Propositique memor* etc. Non significat mutationem consilii, ut Merula exponit, sed moderationem: ut sit sensus: Moderata propone tibi, ac tempera cupiditatibus tuis, ne, dum altiora conaris, in periculum incidas. MÆR.

33. *Spatium decurrere vitæ;* quidam *procurrere* habent; male. Prius enim, in simili locutione, usurparunt semper scriptores optimi.

37. *Vidi ego te tali vultu.* Aut *luctu* est legendum, aut scribendum versu proximo: « Qualia credibile est ora fuisse mihi. » Sed priori conjecturæ accedo. H.

Nunc quoque submotum studio defendis amicum,

Et mala, vix ulla parte levanda, levas.

Vive sine invidia; mollesque inglorius annos

Exige; amicitias et tibi junge pares;

Nasonisque tui, quod adhuc non exsulat unum,

45

Nomen ama: Scythicus cætera Pontus habet.

Proxima sideribus tellus Erymanthidos Ursæ

Me tenet, adstricto terra perusta gelu.

Bosporos et Tanais superant: Scythicæque paludes;

Vixque satis noti nomina pauca loci.

50

Ulterius nihil est, nisi non habitabile frigus.

Heu! quam vicina est ultima terra mihi!

At longe patria est, longe carissima conjux,

Quidquid et hæc nobis post duo dulce fuit.

Sic tamen hæc absunt, ut quæ contingere non est

55

41. *Submotum amicum.* Plurimi veteres et editiones præcæ *submotum*; quod efficacius. Pont. III, El. IV, 91: «Nec mea verba legis, qui sum submotus ad Istrum;» Trist. IV, Eleg. II, 57: «Hæc ego submotus, qua possum, mente videbo;» ibid. Eleg. IX, 17: «Ut Scythicis habitem longe submotus in oris.» H.

44. *Amicitias et tibi junge pares.* Sic et Curtius: «Nam et firmissima inter pares est amicitia.»

45. *Quod adhuc non exsulat.* Cujus fama adhuc non potuit exsulare, propter claritatem et memoriam.

46. *Scythicus Pontus.* Mare Euxinum, quod Scythiam adluit.

47. *Proxima.* Quidam codices novam hinc Elegiam ordiuntur: non male. H. — *Ursæ Erymanthidos.* Ursæ Arcadiæ, ab Erymantho monte in finibus Arcadiæ; per quam, ursam majorem significat.

49. *Bosporus.* *Bosporos* prim. Va-

ticanus, Combii, et tres alii. *Scythicæque paludes* etiam plurimi scripti cum præcis editionibus. Cimmericum Bosporum accipe, non Thracium. Committitur autem paludi, quam *Mæotidem* adpellamus. *Cimmerius* autem adpellatur a Cimmerico oppido Scythiæ. *Et Tanais*, Tanais a septemtrione, ad meridiem vergens, in mediam fere Mæotida defluit, et Europam ab Asia dividit, ut Curt. docet. MER.

50. *Vixque satis noti nomina pauca loci.* Scribo *soli* et *nomina rauca*; hoc est, nomina ingrati et barbari soni: sic infra Pont. IV, XVI, 36: «Et raucum Getico murmur in ore fuit;» hoc est dissonum: potest tamen et ferri τὸ *loci*, ut locos parum notos rauca nomina per adpositionem adpellet. Infra El. x, 5: «Sauromatæ cingunt fera gens Bessique Getæque, Quam non ingenio nomina digna meo!» H.



Corpore, sint animo cuncta videnda meo.  
 Ante oculos errant domus, urbs, et forma locorum;  
 Succeduntque suis singula facta locis :  
 Conjugis ante oculos, sicut præsentis, imago est;  
 Illa meos casus ingravat, illa levat. 60  
 Ingravat hoc, quod abest; levat hoc, quod præstat amorem,  
 Impositumque sibi firma tuetur onus.  
 Vos quoque, pectoribus nostris hæretis, amici,  
 Dicere quos cupio nomine quemque suo :  
 Sed timor officium cautus compescit; et ipsos 65  
 In nostro poni carmine nolle puto.  
 Ante volebatis, gratique erat instar honoris,  
 Versibus in nostris nomina vestra legi.  
 Quod quoniam est anceps, intra mea pectora quemque  
 Adloquar, et nulli causa timoris ero. 70  
 Nec meus indicio latitantes versus amicos  
 Protrahet; occulte si quis amavit, amet.  
 Scite tamen, quamvis longa regione remotus  
 Absim, vos animo semper adesse meo;

57. *Ante oculos errat domus, urbs, et forma locorum.* Numeri duriores satis arguunt verum esse mendosum: *errant* in multis veterum; *unus aderat*; alius *hæret*; Medonianus; « Ante oculos urbs ac hæret fortuna locorum; » Hamburgensis inter vetustiores: « Ante oculos domus urbis erat et forma locorum. » Puto scribendum: « Ante oculos urbisque domus et forma locorum est. » Sequentia confirmant: « Conjugis ante oculos, tanquam præsentis, imago est. » Ait domos urbis et locorum formam oculis suis observari. *Stare et esse ante oculos* usitatum Nostro. Pont. II, Eleg. x, 44: « Ante tuos oculos, ut modo visus,

ero. » H. — Quem edimus verum, in ambobus Regiis legitur.

61. *Levat hæc.* Hoc cum scriptis potioribus. H.

64. *Dicere quos cupio.* Malo *cupiam*. H.

65. *Officium.* In quibusdam est *officii*; in aliis etiam *cautos*; quæ jungebat olim Heinsius, et *officii cautos* legi posse putabat. Sed tunc mallem *officii cautum compescit*, id est, me caute et prudenter officiosum, ne noceam officio meo. BURM.

67. *Gratique erat instar amoris.* *Honoris* bene unus Vaticanus. H.

73. *Scite tamen.* Etiam hoc distinctione importune hic videtur inculcatum. H.

Et, quam quisque potest, aliqua mala nostra levate: 75

Fidam projecto neve negate manum.

Prospera sic vobis maneat fortuna; nec unquam

Contacti simili sorte rogetis opem!

75. *Et, qua quisque potest. Quam potest*, pro quantum, plerique veteres. Deinde pro *oro*, optimus Vaticanus cum alio et Rottendorph. *aliqua*; neque aliter optimus Palatinus: sic Virgilius, Ecl. III, 15: « Et si non aliqua nocuisses. » Pont. II, El. VII, 53: « Adjuvat in duris aliqua præsentia rebus; » sic ex vestigiis veterrimilibri lego. Et Pont. II, Eleg. VIII, 52: « Præsentes aliqua prosit habere Deos; » ubi similiter in vulgatis peccatur. Lib. III, El. IV, 27, ubi perperam *aliqua ope*, nonnulli scripti: « Et regum vultus cer-

tissima pignora mentis, Juvisent aliqua forsitan illud opus. » Et eadem Eleg. 48, ut scribendum puto: « Et gaudere aliqua res mihi visa nova est. » H. — Ambo Regii exhibent, *oro, mala nostra levate*.

76. *Manum. Auxilium. MER.—Fidam projecto*. Projectus hic est neglectus, contemptus: quo numero sunt exsules. PONT.

78. *Rogetis idem. Opem rectius* Combii, Hamburgensis, et alii nonnulli: sic Pont. IV, III, 42, de Pompeio: « Submissa fugiens voce rogavit opem. » HEINS.

## ELEGIA V.

### ARGUMENTUM.

Amici fidem perspectam et cognitam, in adversis præcipue rebus, laudat Ovidius, quam dicit nunquam abituram ex suo animo. Demum fatetur se ali exigua spe, ut aliquando Augustus mitior fiat, et magis placidum tribuat exsilium.

USUS amicitiae tecum mihi parvus, ut illam

Non ægre posses dissimulare, fuit:

Ni me complexus vinclis propioribus esses,

Nave mea vento forsan eunte suo.

1. *Usus amicitiae*. Consuetudo, ipsa amicitia.

2. *Non ægre possit. Posses scripti*.

4. *Nave mea vento forsan eunte suo*.

Hoc est, quia tum fortassis navis mea suo, id est, secundo vento ferebatur, eaque fortuna mea esset, ut a te intensius amarer. MICYL.

Ut cecidi, cunctique metu fugere ruinæ,  
 Versaque amicitiae terga dedere meæ;  
 Ausus es igne Jovis percussus tangere corpus,  
 Et deplorata limen adire domus.  
 Idque recens præstas, nec longo cognitus usu,  
 Quod veterum misero vix duo tresve mihi.  
 Vidi ego confusos vultus, visosque notavi;  
 Osque madens fletu, pallidiusque meo:  
 Et lacrymas cernens in singula verba cadentes,  
 Ore meo lacrymas, auribus illa bibi:  
 Brachiaque accepi mæsto pendentia collo,  
 Et singultatis oscula mista sonis.  
 Sum quoque, Chare, tuis defensus viribus absens:  
 Scis Charum, veri nominis esse loco.  
 Multaque præterea manifesti signa favoris  
 Pectoribus teneo non abitura meis.  
 Dî tibi posse tuos tribuant defendere semper,  
 Quos in materia prosperiore juves!  
 Si tamen interea, quid in his ego perditus oris,  
 Quod te credibile est quærere, quæris, agam?  
 Spe trahor exigua, quam tu mihi demere noli,  
 Tristia leniri numina posse Dei.

5. *Cunctique meam fugere ruinam.*  
*Metu fugere* primæ editiones, prim.  
 Vatic. alique multi; quod Ciofano  
 adridebat. Scribe *metu fugere ruinæ*,  
 ut optimus Palatinus et Naugeriani  
 codices agnoscunt. HEINS.

11. *Visosque notavi.* An *videre* et  
*notare* non est unum idemque hoc  
 loco? veteres fere omnes, *visusque*  
 cum prim. Polit. *visusque notavi.* H.  
 — Codex noster A dat, *confusus*:  
 ambo autem, *visosque notavi.*

15. *Brachiaque excepi.* Accepi ve-  
 teres; et rectius.

18. *Scis Charum, veri nominis.* Quia  
*Charum* illum adpellaverat; osten-  
 dit in ejus vi verbi verum amoris no-  
 men designari: *χάρης* enim *gratiam*  
 significat, et *amorem*. M. — Sensus  
 est: intelligis te interea Chari no-  
 mine, loco proprii nominis adpel-  
 lari, quando proprium tuum quod  
 est, periculi causa ponere aperte non  
 licet. Quod propterea a poeta addi-  
 tum videtur, ne quid ipse in no-  
 mine errasse videretur. MER.

26. *Posse Dei.* Malim *Deo*; nam  
 alter Polit. *duci*. HEINS.



Seu temere exspecto, sive id contingere fas est;

Tu mihi, quod cupio, fas, precor, esse proba.

Quæque tibi linguæ est facundia, confer in illud,

Ut doceas votum posse valere meum.

30

Quo quis enim major, magis est placabilis iræ,

Et faciles motus mens generosa capit :

Corpora magnanimo satis est prostrasse leoni;

Pugna suum finem, quum jacet hostis, habet.

At lupus, et turpes instant morientibus ursi,

35

Et quæcumque minor nobilitate fera est.

Majus apud Trojam forti quid habemus Achille?

Dardanii lacrymas non tulit ille senis.

Quæ ducis Æmathii fuerit clementia, Poros,

Præclarique docent funeris exsequiæ.

40

27. *Sive hoc contingere fas est. Si-  
ve id veteres.*

28. *Proba. Fave Barberin. probum  
excerpta Vossii.*

29. *Quæque tibi est linguæ facun-  
dia. Quidam τὸ est non agnoscunt.  
Scribe tibi linguæ est : atque ita Me-  
donianus. HEINS.*

31. *Quo quisque est major, magis  
est placabilis iræ. Quo quis enim ma-  
jor venuste optimus Vaticanus et  
tres alii ex melioribus : pro iræ Got-  
torph. ira ; lego, « magis hoc placa-  
bilis ira est ; » vel, magis huic. Iræ  
magis placabilis, pro, placabilioris.*

38. *Dardanii senis. Priami peten-  
tis ab Achille Hectoris cadaver. La-  
crymas non tulit ille ; sed pretio re-  
demtus Hector : quod Virgil. false  
tangit, Æneid. lib. I, 484 : « Exani-  
mumque auro corpus vendebat A-  
chilles. » Ad quod alludit Plautus,  
Mercat. act. II, scen. IV, vers. 20 :  
« Achillem orabo, aurum mihi det,  
Hector qui expensus fuit. »*

39. *Quæ ducis Æmathii. Alexan-*

drum Macedonem dicit. *Macedonia*  
enim ante *Æmathia* cognominata  
est. Nam Porum, quum et ipsum  
gravi prælio superatum, captivum  
abduxisset, postea non solum dimi-  
sit, sed et ampliore regno donavit.  
MIC. — *Pharos. Leidensis Porus ;*  
quod Naugerio probatum, et Fabri-  
cio, et Bersmanno. Unus Gallicus  
*Foros*, hoc est, *Poros* ; recte.

40. *Præclarique docent funeris ex-  
sequiæ. Darii regis, cui funus fecit  
magnificentissimum. Pro Præclari-  
que, duo Pompeique ; unus Dardanii-  
que ; codex Petri Servii Pharique.*  
Locus manifeste corruptus : quæ-  
nam enim hæ sint exsequiæ non ex-  
primit ; nec Poris sunt, qui Alexan-  
dro supervixit. Scribe, « Dariique  
docent funeris exsequiæ. » Primam  
enim et secundam in hoc nomine  
syllabam produxit, etiam in Ibide  
Noster : « Utque necatorum Darii  
fraude secundi ; » et Claudianus, epi-  
stola ad Hadrianum, v. 17 sq : « Da-  
rium famulis manibus doluisse per-

Neve hominum referam flexas ad mitius iras,

Junonis gener est, qui prius hostis erat.

Denique, non possum nullam sperare salutem,

Quum pœnæ non sit causa cruenta meæ :

Non mihi quærenti pessum dare cuncta, petitum 45

Cæsareum caput est, quod caput orbis erat :

Non aliquid dixi, violentaque lingua locuta est;

Lapsaque sunt nimio verba profana mero.

Inscia quod crimen viderunt lumina, plector;

Peccatumque oculos est habuisse meum. 50

Non equidem totam possim defendere culpam;

Sed partem nostri criminis error habet.

Spes igitur superest, facturum, ut molliat ipse

Mutati pœnam conditione loci.

Hunc utinam, nitidi Solis prænuntius, ortum 55

emtum Fertur, et ingenti solatus fata sepulcro; Tradita captivo spatiosior India Poro. » Vides Porum et Darium etiam hic conjungi. Darius Græcis Δαρίος: *Dareus* in veterimis Curtii libris. HEINS.

41. *Flexas ad mitius iras. Ad amicus* quidam. HEINS.

42. *Junonis gener est.* Herculem dicit, qui Heben Junonis filiam uxorem duxit, ut Seneca in Octav. act. I, v. 210, sq: « Deus Alcides possidet Heben, Nec Junonis jam timet iras, Cujus gener est, qui fuit hostis. »

45. *Pessumdare.* Cod. Servii divisio vocibus, *pessum dare*, quomodo recte scribi puto; nam ut *abire pessum*, Plauto, ita *dare pessum* dicitur, ut *ire inficias*, et similia. Respicit autem hic Noster ad conjurationes, quales plurimas detexit et obpressit Augustus, teste Sueton. cap. 19. BURM.

50. *Est habuisse meos. Meum* alii; quod Naugerius et Ciofanus sequuntur; quatuor *mihi*. HEINS.

53. *Spes igitur superest, facturum, ut molliat ipse.* Pro *facturum, ut molliat*, Hafniensis, ut *nostram molliat*: Combianus pro diversa lectione, *futurum*, ut et quidam alii; prim. Palat. *fatorum*. Scribe: « Spes igitur superest, ut molliat ipse, futurum, Mutati pœnam conditione loci. » Vulgata scriptura parum Latina est, nisi reponas *facturum ut molliat ipsum*. HEINS. — *Carmina fecerunt*, ut etc. vide Trist. II, 5.

55. *Hoc utinam, nitidi Solis prænuntius ortus.* Carmen mendosum. *Hæc utinam* quatuor scripti; unus *Nos*; Barberin. et Hafniensis *Hunc*. Scribe, « Hunc utinam, nitidi Solis prænuntius, ortum Adferat admissio Lucifer albus equo. » *Ortum* pro die oriente posuit, aut Solis exortu. Adposite Seneca *Œdipo*, act. II, vers.

Adferat admisso Lucifer albus equo.

506 : *Dum matutinos prædicet Lucifer ortus*. Vide infra notas, lib. IV, Eleg. 11, vs. 75. H. — *Hoc*. Ut pœna mutetur.

56. *Admisso equo*. Celeri equo. Elegantissime enim equi *admitti* dicuntur, quum impelluntur : ita currus et alia. CIOF.

## ELEGIA VI.

### ARGUMENTUM.

Hac etiam Elegia amici fidem laudat Ovidius, quam etiam si velit, minime dissimulare posse ostendit : cujus consilio si usus fuisset, fatetur se incolumem semper esse potuisse. Demum illum precatur, ut sibi Augustum mitiorem reddat, quo is sibi exsilii locum mutet ; quandoquidem nulli scelere se obnoxium esse sciat.

**F**ŒDUS amicitiae nec vis, carissime, nostræ,

Nec, si forte velis, dissimulare potes :

Donec enim licuit, nec te mihi carior alter,

Nec tibi me tota junctor urbe fuit.

Isque erat usque adeo populo testatus, ut esset

5

Pæne magis quam tu, quamque ego, notus amor.

Quique erat in caris animi tibi candor amicis,

Cognitus est illi, quem colis ipse, viro :

Nil ita celabas, ut non ego conscius essem ;

1. *Non vis. Nec vis* meliores. H.

5. *Testatus populo*. Probatus populo.

7. *Quique est in caris animi tibi candor amicis. Quique erat* tres veteres ; unus *Qui fuit*. Sed lege *raris amicis*. Sequenti versu, pro *isti* meliores *ipsi* ; et pro *ipse* tres optimi *iste* : puto *ipsi Deo*, hoc est, Augusto. Sed subest etiamnum aliquid mendi his versibus. H.

8. *Quem colis ipse*. Quem suspicis et veneraris. Fortasse Augustum designat. Vel certe, amas ; et amicum aliquem denotat subpresso nomine.

9. *Nil ita celabas*. Notatio intimæ familiaritatis ab effectis. BERSM. — *Ut non ego conscius essem*. Scribe, *cui non ego conscius*. Cum tertio enim casu frequenter jungit hanc vocem *Noster* ; Met. VI, 588. H. — *Nostri* habent, *ut non ego*.



Pectoribusque dabas multa tegenda meis : 10  
 Cuique ego narrabam secreti quidquid habebam,  
 Excepto quod me perdidit, unus eras.  
 Id quoque si scisses, salvo fruerere sodali,  
 Consilioque forem sospes, amice, tuo.  
 Sed mea me in pœnam nimirum fata trahebant ; 15  
 Omne bonæ claudunt utilitatis iter.  
 Sive malum potui tamen hoc vitare cavendo ;  
 Seu ratio fatum vincere nulla valet ;  
 Tu tamen, o nobis usu junctissime longo ,  
 Pars desiderii maxima pœne mei , 20  
 Sis memor ; et, si quas fecit tibi gratia vires ,  
 Illas pro nobis experiare rogo :  
 Numinis ut læsi fiat mansuetior ira ,  
 Mutatoque minor sit mea pœna loco !  
 Idque ita, si nullum scelus est in pectore nostro ; 25  
 Principiumque mei criminis error habet.  
 Nec leve, nec tutum est, quo sint mea, dicere, casu  
 Lumina funesti conscia facta mali.  
 Mensque reformidat, veluti sua vulnera, tempus

10. *Pectoribusque dabas multa tegenda meis.* Tanaquillus Faber, in epistolis, lib. I, 67, reponit ex conjectura, *cuncta tegenda* : jam enim superiori versu dixerat Noster, nihil sibi celatum fuisse ab hoc amico. — Junianus, *regenda*.

11. *Cuique ego narrabam.* Legè *narrarem*. H.

16. *Omne bonæ et claudunt.* Tè et abest a plerisque scriptis. Hæc etiam distichon male feriat nescio cujus interpolatoris est. Sequentibus etiam versibus, otiosa illa repetitio τὸν *tamen* suspecta est. H. — Douza legebat, *omne bonum hæc*.

18. *Seu ratio fatum.* Ex Stoicorum

sententia, Fatum esse inevitabile dicit. De vi autem, et Fati necessitate, vide Gell. lib. VI.

21. *Et, si quas fecit tibi gratia vires.* Si quid vales gratia apud Cæsarem. MER. — *Vires.* Auctoritatem cum potestate juvandi amicos. B.

26. *Principiumque mei.* Puto *Præcipuumque*. H.

27. *Nec breve, nec tutum est. Leve* Gottorphanus ; bene : τὸ *est* etiam omittunt plerique ; at Pont. lib. I, Eleg. VI, vs. 21 : « Nec leve, nec tutum est peccati quæ sit origo Scribere » ; sic et ibi veteres nonnulli.

29. *Tempus illud.* Quo Augustum læsi, ejusque iram in me concitavi.

Illud ; et admonitu fit novus ipse dolor. 30  
 Et quæcumque adeo possunt adferre pudorem,  
 Illa tegi cæca condita nocte decet.  
 Nil igitur referam , nisi me peccasse ; sed illo  
 Præmia peccato nulla petita mihi :  
 Stultitiamque meum crimen debere vocari , 35  
 Nomina si facto reddere vera velis.  
 Quæ si non ita sunt ; alium , quo longius absim ,  
 Quære , suburbana hæc sit mihi terra , locum.

30. *Fit novus ipse dolor. Pudor* prim. Vatic. prim. Palat. et tres alii ex melioribus. Quod si admittamus, sequens distichon erit delendum, quod non uno nomine est suspectum: in quo *possunt* pro *possint* veteres plerique; et *cæca nube* pro *nocte* octo antiqui, aut novem. H.

32. *Illæ tegi cæca condita nocte.* Quæ Augustum agentem vidi, perpetuo silentio involvenda sunt. C.—MSS, *cæca nube*; Hor. utrumque conjunxit lib. I, Epist. XVI, vs. 62: « Noctem peccatis, et fraudibus obijce nubem. »

36. *Nomina si factis. Facto* plerique; *fatis* Arondelianus. H.—*Nomina si facto.* Si velis nomina rebus respondere.—Nostri habent: *nomine si facto*; quo sensu, non adsequor.

37. *Quæ si non ita sunt.* Pont. I, El. III, vs. 93, pari modo: « Ut tamen hæc ita sint, munus tua grande voluntas Ad me pervenit. » Proximo versu cum melioribus *suburbana hæc* pro *hic*. H.

38. *Suburbana hæc sit mihi terra.* Sit mihi quasi suburbium; vel, non modo, inquit, ad longius proficiscar exsilium, sed etiam volo ut suburbana alicujus urbis Scythiæ magis periculosa et hostibus exposita, quam Tomos, ad majus supplicium, si non loquor vera, sint mihi exsilium.—*Alium locum.* Quin tu me alio deportandum cures, causam non dico; et, nisi vera dixerò, mitte me in locum tam remotum, ut præ illo terra hæc, ubi sum, Romæ vicina et quasi suburbium videatur.

## ELEGIA VII.

## ARGUMENTUM.

Ad filiam Perillam scribens Ovidius, primo fatetur se Musis vacare, quamvis illæ sibi nocuerint; eamque hortatur, ut idem faciat, quo sibi immortalitatem compareret; nam ea formæ elegantia, inquit, quæ in ipsa erat, senectute et tempore vitiabitur; at ingenii dotes semper permanebunt.

VADE salutatum, subito perarata, Perillam  
 Litera, sermonis fida ministra mei:  
 Aut illam invenies dulci cum matre sedentem,  
 Aut inter libros, Pieridasque suas.  
 Quidquid aget, quum te scierit venisse, relinquet; 5  
 Nec mora: quid venias, quidve, requireret, agam.  
 Vivere me dices; sed sic, ut vivere nolim;  
 Nec mala tam longa nostra levata mora:  
 Et tamen ad Musas, quamvis nocuere, reverti,  
 Aptaque in alternos cogere verba pedes. 10  
 Tu quoque, dic, studiis communibus ecquid inhæres,  
 Doctaque non patrio carmina more canis?

1. *Perarata litera.* Eadem metaphora utitur Plautus, in prol. Bacchid. « Ad Philoxenis Pistoclerum filium, sodalem unicum sulcat epistolium. » Cicer. ad Att. lib. XII, Epist. 1: « Hoc literarium exaravi, egrediens e villa ante lucem. »

9. *Ad Musas reverti.* Cicero libros suos vocat veteres amicos.

11. *Studiis communibus.* Studiis poeticis: quæ mihi tecum communia sunt. — *Ecquid inhæres.* Num quid das operam? *Ut quid* duo ve-

teres; et num pro non sequenti versu unus Vatican. quod et Ciofanus notarat. Sed recte *more non patrio*, quia res insolens apud Romanos poetria. H.

12. *Non patrio.* Pro, externo ac Græco more, propter illud quod infra sequitur, *Sola tuum vates Lesbica vincet opus*; ut intelligamus, lyrica illam scripsisse, Sapphus exemplo, quod genus carminis Latinis hactenus inusitatum, et seu peregrinum fuerat: id quod et Horatius testa-



Nam tibi cum fatis mores natura pudicos ,

Et raras dotes , ingeniumque dedit.

Hoc ego Pegasidas deduxi primus ad undas ,

15

Ne male fecundæ vena periret aquæ :

Primus id adspexi teneris in virginis annis ,

Utque patet , venæ duxque comesque fui.

Ergo , si remanent ignes tibi pectoris idem ,

Sola tuum vates Lesbia vincet opus.

20

Sed vereor , ne te mea nunc fortuna retardet ,

Postque meos casus sit tibi pectus iners.

Dum licuit , tua sæpe mihi , tibi nostra legebam ;

Sæpe tui judex , sæpe magister eram :

Aut ego præbebam factis modo versibus aures ,

25

Aut , ubi cessaras , causa ruboris eram.

Forsitan exemplo , quia me læsere libelli ,

tur , quum dicit , *carmina non prius audita* , Od. III , 1 , vs. 2. MICYL.

14. *Et raras dotes. Caras* primus Vatic. Rottendorph. et Gottorph. *claras* Richelianus : puto , *Clarias dotes*. Superiori versu *cum fatis* scripti omnes et primæ editiones , non *cum facie* : sed utrumque rectum. — *Natura cum fatis dedit* , pro , natura et fata dederunt : de facie ejus et forma , post aget. H.

15. *Hoc*. Scilicet tuum ingenium. — *Ad undas Pegasidas*. Ad fontem Musarum , quem equus alatus Pegasus , pede fodiens effecit. Fabulam refert Hyginus ; Ovid. lib. IV Metamorph. Designat autem Ovidius se primum filiam docuisse artem poeticam.

18. *Utque pater natæ. Pater* nemo prim. Politian. *pater Veneris* alter ejusdem , et Hamburgensis , et unus Mediceus ; duo *venis* ; Junianus *juveni* ; alius *veni* ; duo *nati* ; quatuor

*venæ* ; totidem , *Utque patet , venæ* : latet ulcus. H.

19. *Idem ignes*. Iidem calores Apollinei : ardores ingenii.

20. *Sola vates Lesbia*. Sola vates Sappho ex Lesbo insula. — *Vincet opus. Vincat* bene Leidensis. H.

23. *Dum licuit , tua sæpe mihi*. Puto *tua sæpe tibi* ; nam de recitante Perilla proximo hexametro habes : mox etiam *Sæpe tuis judex* , hoc est versibus , opinor scribendum. H.

26. *Aut , ubi cessaras*. Heinsius adscripserat suo codici , *non intelligo*. Sed puto recte se habere vulgatam , et *cessare* nihil hic aliud notare , quam inertem esse , nihil facere. Si fecisset versus Perilla , Naso præbebat aures ; si per inertiam nihil fecisset , desidium ejus increpabat Naso , et ita *pudoris causa ipsi erat*. BURM.

27. *Quia me læsere libelli*. Malim quo : vel *extemplo*. H.

Tu quoque sis pænæ fata secuta meæ.  
 Pone, Perilla, metum : tantummodo femina non sit  
 Devia, nec scriptis discat amare tuis. 30  
 Ergo desidiæ remove, doctissima, causas,  
 Inque bonas artes et tua sacra redi.  
 Ista decens facies longis vitiabitur annis,  
 Rugaque in antiqua fronte senilis erit;  
 Injicietque manum formæ damnosa senectus, 35  
 Quæ, strepitum passu non faciente, venit.  
 Quumque aliquis dicet : fuit hæc formosa; dolebis,  
 Et speculum mendax esse querere tuum.  
 Sunt tibi opes modicæ, quum sis dignissima magnis :  
 Finge sed immensis censibus esse pares. 40  
 Nempe dat id cuicumque libet fortuna, rapitque :  
 Irus et est subito, qui modo Cræsus erat.  
 Singula quid referam? nil non mortale tenemus,  
 Pectoris exceptis ingenique bonis.

28. *Facta ruina meæ. Facta secuta* sex septemve ex melioribus; duo *fata secuta*; codex Servii *pars bona facta*; Muretus conjiciebat *facta remissa*; nam sequitur: « Ergo desidiæ remove, doctissima, causas, » quod probò: atque ita in Epistolis Tanaquillus Faber. H.

29. *Femina nulla Neve vir a scriptis.* Quidam *femina non sit Devia, nec*; quod secutus est eruditissimus Gronovius, *Observ. lib. II, c. III*; alii *scripti femina nulla Devia ne, vel de scriptis*; duo *Nec juvenis scriptis*.

32. *Et tua sacra redi.* An castra? ut Epist. Herus, vs. 157: « In tua castrare di, socii desertor amoris. » H.

34. *In antiqua fronte.* In fronte jam senio confecta.

35. *Injiciet manus formæ.* Formam sibi vindicabit, et turpem reddet.

36. *Damnosa senectus.* Senectus quæ juvenes damno adficit.—*Passu non faciente strepitum.* Id est, gradu qui non sentitur. Obrepat enim non intellecta senectus.

39. *Sunt et opes modicæ. Sunt tibi opes plerique.* H.

42. *Irus et est subito, qui modo Cræsus erat.* Cossus primus Polit. multi alii Crassus; alii aliter: nil muta. Propertius, lib. III, El. III, vs. 39: « Lydus Dulichio quid distat Cræsus ab Iro? » Superiori versu, pro *Nempe dat et quodcumque*, unus Mediceus, *cuicumque*: scribe, *Nempe dat has cuicumque libet*, opes nimirum: pro *et nonnulli id*. Posset et legi: « Nempe dat ut quodcumque libet fortuna, rapitque; » ita et rapit, etiam rapit; sed hoc durius. H.

43. *Singula ne referam.* Quid refe-

En ego, quum patria caream, vobisque, domoque, 45  
 Raptaque sint, adimi quæ potuere, mihi;  
 Ingenio tamen ipse meo comitorque fruorque:  
 Cæsar in hoc potuit juris habere nihil.  
 Quilibet hanc sævo vitam mihi finiat ense,  
 Me tamen extincto fama superstes erit: 50  
 Dumque suis victrix omnem de montibus orbem  
 Prospiciet domitum Martia Roma, legar.  
 Tu quoque, quam studii maneat felicius usus,  
 Effuge venturos, qua potes, usque rogos.

*ram?* nonnulli; ut lib. I Amor. El. v, vs. 23: « Singula quid referam? nil non laudabile vidi. » H.

45. *En ego.* Tollit interdum spiritus poeta, et se ita, sperata æternitate sua, in medio miseriarum suarum consolatur. P.

49. *Qui licet.* Invidiosum hoc Cæsari. Repone igitur *Quilibet* cum membranis plerisque, et antiquis editionibus. H.

51. *Dumque suis victrix septem de montibus orbem.* *Omnem de montibus orbem* Vatican. Polit. et Palat. meliores, cum quinque aliis; bene: duo totum. H.

53. *Quam studii maneat felicius usus.* Quæ habeas feliciorem fortunam ex studiis poeticis, quam ego habui.

54. *Qua potes. Quam octo veteres.* — Codex A, *quum*; codex B, *quos*.

## ELEGIA VIII.

### ARGUMENTUM.

Desiderio tum patriæ, tum suorum ita teneri poeta scribit, ut cupiat celeri aliquo cursu eo se conferre: quam rem sibi Augustum solum præstare posse ostendit; narratque exilii sui incommoda; optatque, ut tandem Cæsar iræ modum statuatur, et mitius præbeat exilium.

**N**UNC ego Triptolemi cuperem conscendere currus,

1. *Triptolemi currus.* Currum intelligit, quem a Cerere accepit Triptolemus: fabulam refert Lactant.

Ovid. in Metam. et in quarto Fastorum. MER. — *Conscendere currus.* *Consistere curru* prim. Palat. prim.



Misit in ignotam qui rude semen humum :  
 Nunc ego Medææ vellem frænare dracones ,  
 Quos habuit fugiens arce , Corinthe , tua :  
 Nunc ego jactandas optarem sumere pennas , 5  
 Sive tuas , Perseu ; Dædale , sive tuas ;  
 Ut , tenera nostris cedente volatibus aura ,  
 Adspicerem patriæ dulce repente solum ,  
 Desertæque domus vultum , memoresque sodales ,  
 Caraque præcipue conjugis ora meæ. 10  
 Stulte , quid o frustra votis puerilibus optas ,  
 Quæ non ulla tibi fertque feretque dies ?  
 Si semel optandum est , Augustum numen adora ,  
 Et quem sensisti , rite precare , Deum.  
 Ille tibi pennasque potest currusque volucres 15

Vatican. et unus Medicæus : etiam probe. Sequenti versu , pro *ignotam humum* , Richelianus *ignaram*. H.

2. *In ignotam humum*. Ignotam semini , quia nunquam expertum erat terram. P.

3. *Dracones Medææ*. Medea , post Pelææ necem , fraude interemti , junctis curru draconibus aufugit , lib. VII Metamorph.

5. *Nunc ego jactandas ; jactantes multi ; jactatas* quatuor ; *portantes* duo. *Jactatas alas* dicit mox , El. x , vs. 45. Hanc Elegiam octavam multi superiori codices adnectunt. — *Nunc quoque* Moreti.

8. *Patriæ dulce repente solum*. *Patriæ tecta relicta meæ* Vossianus , pro diversa lectione. H.

9. *Desertæque domus vultus*. Lege *vultum* , ut *κοκορῶντις* vitetur. H.

10. *Conjugis ora meæ*. *Mihi* Buslidianus ; recte. H.

11. *Stulte , quid hæc frustra*. *Quid hoc* multi veteres ; lege , *quid o* : sequenti versu , opt. Vatic. et Rotten-

dorph. *tulit* , pro *mihi* : « Quæ non ulla tulit fertque feretque dies. » H.

13. *Augusti numen adora*. *Augustum numen* cum Hafniensi , et Medoniano : sic Pont. IV , El. vi , vs. 9 sq. : « Certus eras pro me , Fabiæ laus , Maxime , gentis , Numen ad Augustum supplice voce loqui ; » et lib. III , El. i , vs. 163 : « E quibus ante omnes Augustum numen adora : » eadem Elegia *Augusta domus* , ubi perperam *Augusti* in vulgatis ; Fast. I , vs. 590 : « Et tuus Augusto nomine dictus avus ; » et lib. V , vs. 567 : « Spectat et Augusto prætextum nomine templum. » *Caput Augustum* sub finem Metam. *Augustæ ures* , Pont. I , II , 117 ; *Pax Augusta* , Pont. II , v , 18 ; *Augustus Deus* , Pont. III , vi , 16 ; *Augustum forum* , Fast. V , 552 ; Pont. IV , v , 10 , et xv , 16.

14. *Et quem sensisti*. *Læsisti* ex quinque scriptis ; hinc *læsi principis ira* Trist. IV , Eleg. x , 98 ; et lib. I , Eleg. v , vers. 84 : « Ni fuerit læsi mollior ira Dei , » de Augusto. H.

Tradere; det reditum, protinus ales eris.  
 Si precer hæc, neque enim possim majora precari,  
 Ne mea sint timeo vota modesta parum.  
 Forsitan hoc olim, quum se satiaverit ira,  
 Tum quoque sollicita mente rogandus erit. 20  
 Quod minus interea est, instar mihi muneris ampli,  
 Ex his me jubeat quolibet ire locis :  
 Nec cælum, nec aquæ faciunt, nec terra, nec auræ;  
 Et mihi perpetuus corpora languor habet :  
 Seu vitiant artus ægræ contagia mentis ; 25  
 Sive mei causa est in regione mali :  
 Ut tetigi Pontum, vexant insomnia; vixque  
 Ossa tegit macies; nec juvat ora cibus.  
 Quique, per autumnum, percussis frigore primo  
 Est color in foliis, quæ nova læsit hyems, 30  
 Is mea membra tenet; nec viribus adlevor ullis,  
 Et nunquam queruli causa doloris abest.  
 Nec melius valeo, quam corpore, mente; sed ægra est  
 Utraque pars æque, binaque damna fero.  
 Hæret, et ante oculos, veluti spectabile corpus, 35

17. *Possum. Possim* unus Italicus. Mox pro *timeo*, malim *timeat*. H.

19. *Quum jam satiaverit iram. Quum se satiaverit ira* Junianus: eleganter; Ep. Acontii, v. 87: « Quum bene se, quantumque volet, satiaverit ira. »

21. *Quod minus est.* Quæ res est minoris momenti, quam reditum concedere. MER.—Vel: interea quod est minus, licet mihi magni sit muneris loco, oro, ut jubeat me ex hoc loco, quovis gentium migrare.

23. *Nec aquæ faciunt.* Nec aquæ, aut alia elementa in Scythia mihi prosunt, juvant, apta sunt; ita Art. Am. III, 57: « Dum facit ingenium, petite hinc præcepta, puellæ. »

24. *Hei mihi! perpetuus. Et mihi* prim. Vatic. et prim. Palat. bene: pro *corpora* unus Gallicanus *pectora*; Art. Am. II, 318: « Aere non certo corpora languor habet. » H.

30. *Nova hyems.* Pro principio et prima parte hyemis: sic ver in tres partes dividitur, novum, adultum, et senescens, vel præcept: vide plura de his in Virgilio nostræ collectionis; Vol. V, pag. 357.

31. *Mea membra tenet.* Tanquam capta occupat, et in sua potestate habet. B.

32. *Causa doloris. Laboris* prim. Polit. et tres alii. H.

35. *Veluti spectabile corpus.* Tan-

Adstat fortunæ forma legenda meæ.

Quumque locum, moresque hominum, cultusque, sonumque,  
Cernimus, et quid sim, quid fuerimque subit;

Tantus amor necis est, querar ut de Cæsaris ira,

Quod non offensas vindicet ense suas. 40

At, quoniam semel est odio civiliter usus,

Mutato levior sit fuga nostra loco.

quam si esset corpus conspicuum,  
et dignum spectatu. MER.

36. *Adstans fortunæ forma videntæ meæ. Legenda* uterque Polit. primus Vatic. plurimique alii ex melioribus; Hamburg. *lugenda*; Petri Servii liber *luenda*; an *tuenda*? Pro *videnda* tres alii *verenda*, quod adrisit Gronovio in Observationibus, lib. II, cap. III: præterea *Adstat* meliores. Ego *re legenda* contra optimas membranas non ausim damnare. Videtur enim ad edictum Cæsaris al-

ludere, quo proscriptus erat, quod chartæ consignatum secum avexisse Nostrum est verosimile. H.—*Forma meæ fortunæ*. Qualitas et deformitas illa meæ conditionis.

37. *Quumque locos. Locum* scripti.

40. *Quod non offensas* etc. Quod non ferro me interficiendo, ulciscatur injurias.

41. *Civiliter*. Me legibus puniendo, non vi et armis: sed ut civem tractari decuit.

42. *Fuga nostra*. Exsiliium meum.

## ELEGIA IX.

### ARGUMENTUM.

Urbes Græcas Geticam oram incoluisse docet, ab iisque etiam Tomitanæ urbi nomen fuisse impositum ostendit.

Hic quoque sunt igitur Graiæ, quis crederet? urbes,

Inter inhumanæ nomina barbariæ:

Huc quoque Mileto missi venere coloni,

1. *Hic quoque*. Hic etiam in Getica ora, sunt urbes Graiæ, non lingua et moribus, sed origine. Pro *igitur*, usquam multi receperunt.

3. *Huc quoque Mileto*. Milesii Tomon quoque tenuere, quemadmo-

dum etiam Istropolim, aut quemadmodum aliæ quoque Græciæ coloniæ litus Geticum tenuere. Fuit autem Miletus urbs quondam Ioniæ totius, belli pacisque artibus princeps, a Mileto adpellata.



Inque Getis Graias constituere domos.  
 Sed vetus huic nomen, positaque antiquius urbe, 5  
 Constat ab Absyrti cæde fuisse, loco.  
 Nam rate, quæ cura pugnacis facta Minervæ,  
 Per non tentatas prima cucurrit aquas,  
 Impia desertum fugiens Medea parentem,  
 Dicitur his remos adplicuisse vadis. 10  
 Quem procul ut vidit tumulto speculator ab alto:  
 Hospes, ait, nosco, Colchide, vela, venit.  
 Dum trepidant Minyæ, dum solvitur aggere funis,  
 Dum sequitur celeres anchora tracta manus;  
 Conscia percussit meritorum pectora Colchis, 15  
 Ausa atque ausura multa nefanda manu:  
 Et, quamquam superest ingens audacia menti,  
 Pallor in adtonito virginis ore sedet.

5. *Sed vetus huic nomen* etc. Hic aperte significat, *Tomon* locum a cæde Absyrti nominatum: ubi urbem postea condidere Milesii, servato prioris nomine loci.

7. *Quæ cura pugnacis*. Quæ Argo navis facta cura et tutela Palladis armatæ, quam pictam habuit. Aut ingeniose, curiose, et perite factam intellige. Hyginus etiam docet, eam Argo a celeritate græce adpellatam; vel ab Argo ejus inventore.

8. *Per non tentatas*. Primam navem eam fuisse ait, in quam Argonautæ conscenderunt. C.

11. *Quem*. Patrem Medæ. MER. — Æetes rex fuga filiæ cognita, classe celeriter instructa, eam ut fugientem retraheret, velis remisque insecutus est. P. — *Ab alto tumulto*. Ab alto colle Getici litoris. — *Speculator*. Aliquis ex Argonautis, vel ex indigenis Scythiis, qui collem adscenderat, prospecturus an eos, qui raptō

aureo vellere aufugerant, ex Colchide aliqui insequerentur.

12. *Hospes, ait, nosco, Colchide, vela, venit*. *Vela dari* plerique veteres cum priscis editionibus: *Colchida* etiam plurimi; opt. Vatican. *Cholchidus*: duo *vela dedit*; prim. Polit. *vela velit*; Zulichemian. *vela sequi*: sed frustra. Scribo: « Hostis, ait, nosco, Colchidi, vela, venit. » Ait Colchidi, hostis venit, nosco vela. Hæc est constructio. Adposite autem perplexa utitur oratione speculator; quod proprium est consternatorum et trepidantium. H.

13. *Dum trepidant Minyæ*. Argonautæ sic adpellati fuere, a regiuncula Thessaliæ.

18. *Pallor in adtonito virginis ore fuit*. Ore sedet tres scripti; quod amplector; Mét. II, vs. 775: « Pallor in ore sedet, macies in corpore toto; » neque aliter ex Pirckheimeriano, sive Arondeliano Gronovius, Observat.

Ergo ubi prospexit venientia vela ; tenemur,  
 Et pater est aliqua fraude morandus, ait. 20  
 Dum, quid agat, quærit, dum versat in omnia vultus,  
 Ad fratrem casu lumina flexa tulit :  
 Cujus ut oblata est præsentia ; vincimus, inquit :  
 Hic mihi morte sua causa salutis erit.  
 Protinus ignari, nec quidquam tale timentis 25  
 Innocuum rigido perforat ense latus ;  
 Atque ita divellit, divulsaque membra per agros  
 Dissipat, in multis invenienda locis.  
 Neu pater ignoret, scopulo proponit in alto  
 Pallentesque manus, sanguineumque caput ; 30  
 Ut genitor luctuque novo tardetur, et artus  
 Dum legit extinctos, triste moretur iter.  
 Inde Tomis dictus locus hic ; quia fertur in illo  
 Membra soror fratris consecuisse sui.

lib. II, cap. 3 ; qui adeatur. Scribe præterea *adtonito virginis ore* cum Gottorphiano : vulgati *adtonitæ*. H.

19. *Ergo ubi prospexit. Ergo ut* Leidens. quæ solemnis librariorum confusio : vide lib. I Art. Am. vers. 565 ; Remed. vs. 135 ; et mox Eleg. seq. vs. 15 : hic vero *ubi* molliorem facit versum. BURM.

20. *Et pater est aliqua fraude morandus. Tenendus* prim. Polit. et pro diversa lectione Gottorph. Scribe : « tenemur, Aut pater est aliqua fraude tenendus, ait. » Si quis τὸ *morandus* malit, nil repugno. H.

23. *Vicinus, inquit.* Meliores magna copia, et nostri, *vincimus*.

32. *Triste retardet iter. Moretur,* Vatic. Pal. Polit. meliores ; et duo alii. Putabam aliquando *justa morentur iter* ; Ep. Herus, vol. I, pag. 346 : « Quæque tuum miror causa moretur iter. » *Retardandi* verbo ta-

men usus est supra, Eleg. VII. H.

33. *Inde Tomos dictus locus hic ;* a dissectione, seu dilaceratione, a τήνω, *seco*. *Tomus* prim. Vatic. et quinque alii ; prim. Polit. et sex alii ex melioribus *Tomis* ; recte : nam et Straboni, lib. VII, Τόμης est ; etsi legisse in eo videatur Stephanus Τόμης, qui eandem de Absyrto historiam recenset. Τόμης etiam Constantino Porphyrogenetæ, l. II, Them. 2, atque ita apud Nostrum quidam veteres. Pont. lib. IV, El. XIV, « Tam mihi grata Tomis. » Hinc *Tomita* et *Tomitanus* derivantur. Scaliger *Tomi* emendabat : quomodo Apollinaris Sidonius : « Et te carmina per libidiosa Notum Naso tener Tomosque missum. » Ptolemæo quoque Τόμης *Tomos* Plinio. H.

34. *Consecuisse sui. Subsecuisse* quinque ; unus *deseuisse* ; Leidensis *præsecuisse* : nil muta. H.

## ELEGIA X.

## ARGUMENTUM.

Exsili sui incommoda describit poeta; sed inter cætera tantam vim frigoris esse adserit, ut flumina, et maria, atque in his etiam pisces congelentur; et eo tempore Scythæ hostes, qui equitatu et sagittis plurimum pollent, Istrum transeant; atque ea loca depopulentur, ac homines captivos ducant.

SI quis adhuc istic meminit Nasonis ademti,  
 Et superest sine me nomen in urbe meum;  
 Subpositum stellis nunquam tangentibus æquor,  
 Me sciat in media vivere barbarie.  
 Sauromatæ cingunt, fera gens, Bessique, Getæque : 5  
 Quam non ingenio nomina digna meo!  
 Dum tamen aura tepet, medio defendimur Istro;  
 Ille suis liquidus bella repellit aquis.  
 At quum tristis hyems squallentia protulit ora,  
 Terraque marmoreo candida facta gelu est : 10  
 Dum patet et Boreas et nix injecta sub Arcto,

3. *Nunquam tangentibus æquor.* Scptemtrionem designat. Ideo autem revera non cadit, quia quum super nos sit polus Arcticus, semper a nobis videtur; sic Maro, Georg. lib. I, vers. 246, « Arctos Oceani metuentes æquore tingi. »

4. *Barbaria. Barbarie* Hamburgensis; sic infra, lib. IV, El. 1, vers. 22, veteres codices. H.

5. *Sauromatæ cingunt, fera gens.* Plinius scribit Pontico litori varias gentes adpositas, alias Getas, Dacos a Romanis dictos; alias Sarmatas,

a Græcis Sauromatas. — *Bessique.* Bessi populi fuere Thraciæ finitimi.

7. *Medio Istro.* Medio inter Tomitanam urbem, et Sauromatas; carent enim navigiis quibus trajiciant. — *Defendimur;* arcemur a solis calore. MER. — Non a sole, sed ab hostibus, de quibus mox meminit.

8. *Liquidus.* Non gelu adstrictus. — *Bella.* Quia hostes non possunt aquam tranare.

11. *Dum patet et Boreas et nix injecta sub Arcto.* Nix habitare multi veteres; et nox duo: nam de nive



Tum liquet has gentes axe tremente premi.  
 Nix jacet; et jactam nec sol, pluviaeve resolvunt :  
 Indurat Boreas , perpetuamque facit.  
 Ergo, ubi deliquit nondum prior, altera venit ; 15  
 Et solet in multis bima manere locis.  
 Tantaque commoti vis est Aquilonis, ut altas  
 Æquet humo turre , tectaque raptā ferat.  
 Pellibus , et sutis arcent male frigora braccis ;  
 Oraque de toto corpore sola patent. 20  
 Sæpe sonant moti glacie pendente capilli,  
 Et nitet inducto candida barba gelu :  
 Nudaque consistunt formam servantia testæ  
 Vina ; nec hausta meri, sed data frusta bibunt.  
 Quid loquar, ut vincti concrecant frigore rivi, 25  
 Deque lacu fragiles effodiantur aquæ?

mox sequitur : etiam de Borea, seu Aquilone. Piget diversas lectiones corradere : mihi enim totum distichon pro adulterino est. Proximo tamen versu, pro *patet*, repono *liquet* ex quinque scriptis : est enim odiosa repetitio. H.

12. *Axe tremente*. Axe nutante nimio vento.

15. *Ubi deliquit*. Quando liquefacta est : a *deliquo* verbo. Neoterici quidam scioli hunc locum ita emendant, *Ergo ubi deliquit*, non *deliquit*, ignorantes, a *deliqueo* præteritum fieri *delicui*, a *deliquo* vero *deliqui*, quod est, in humorem, sive liquorem resolvo, defluo. Virgilius : « Vere novo gelidus canis quum montibus humor Liquitur. » Plautus in Casina : « Quamdam prognatis in sortiendo deliquerit. » Quibus exemplis patet, et *deliquit* et *delicuit* hoc in loco legi posse. MER.

16. *Bima*. Nix duorum annorum.

19. *Pellibus, et sutis arcent mala frigora braccis*. Scribe *arcent male*; quidquid libri veteres dissentiunt : neque hic tantum; sed et lib. V, Eleg. VII, vs. 49: « Pellibus et laxis arcent male frigora braccis. »

20. *Oraque de toto*. Facies tantum non occultatur. BERSM.

22. *Candida barba*. Cana, seu candida facta gelu, et quasi argenteis ramentis adpersa. P.

23. *Nudaque consistunt Vina*. Lege *Udaque*; quod Combrianus liber confirmat; Virgil. Georg. III, vs. 364: « Cæduntque securibus humida vina. » H.—*Udaque consistunt formam servantia testæ Vina*. Vina quoque nimio frigore gelata, vase fracto, formam ejus retinent.

25. *Ut cuncti concrecant frigore rivi*. *Juncti* quinque veteres : repone *vincti*; quomodo in Rottendorph. postea inveni; Pont. lib. II, El. II, vers. 96 : « Terraque pacis inops,

Ipse, papyrifero qui non angustior amne,  
 Miscetur vasto multa per ora freto,  
 Cæruleos ventis latices durantibus, Ister  
 Congelat, et tectis in mare serpit aquis. 30  
 Quaque rates ierant, pedibus nunc itur; et undas  
 Frigore concretas ungula pulsat equi.  
 Perque novos pontes, subter labentibus undis,  
 Ducunt Sarmatici barbara plaustra boves.  
 Vix equidem credar: sed quum sint præmia falsi 35  
 Nulla, ratam testis debet habere fidem.  
 Vidimus ingentem glacie consistere pontum,  
 Lubricaque immotas testa premebat aquas.  
 Nec vidisse sat est; durum calcavimus æquor;  
 Undaque non udo sub pede summa fuit. 40  
 Si tibi tale fretum quondam, Leandre, fuisset,  
 Non foret angustæ mors tua crimen aquæ.  
 Tum neque se pandi possunt delphines in auras  
 Tollere: conantes dura coercet hyems;  
 Et, quamvis Boreas jactatis insonet alis, 45

undaque vincta gelu; » ubi perpe-  
 ram Ciofanus *junctaque* ex suis co-  
 dicibus; Pont. III, Eleg. I, vs. 15:  
 « Tu glacie freta vincta tenes, » quæ  
 et illic vera est scriptura.

27. *Papyrifero amne.* Nilo papy-  
 rum ferente.

28. *Multa per ora.* Septem enim  
 ostiis Pontum influit.

29. *Cæruleos latices.* Aquas fluen-  
 tes et cæruleas. *Ventis durantibus.*  
 Ventis adstringentibus et congelan-  
 tibus.

30. *Tectis in mare serpit aquis.*  
*Strictis* unus; Richelianus pro di-  
 versa lectione *tacitis*; quod et Bo-  
 noniensis unus adstruit: *repiit aquis*  
 præterea Arondelianus. H. — *Tectis*

*aquis.* Coopertis ipsa glacie. *In mare.*  
 In Pontum Euxinum.

33. *Per novos pontes.* Novos ad-  
 pellat glaciem, sub qua currit Ister  
 in Pontum. *Subter labentibus.* *Subtus*  
 Zulich. HEINS.

40. *Summa fuit.* Fluit Buslidianus,  
 et Vossii alter. HEINS.

42. *Angustæ aquæ.* Hellespontum  
 designat, cujus angustiae in latitu-  
 dinem sunt stadiorum septem.

43. *In auras.* Nam delphini (aucto-  
 re Plinio) tanta vi exsiliunt, ut ple-  
 rumque vela navium transvolent  
 vento.

45. *Jactatis alis.* Venti enim à poe-  
 tis finguntur esse alati. Hinc Auster  
 ales. Virgil. *Æn.* VIII, v. 429 sqq:

Fluctus in obsesso gurgite nullus erit.  
 Inclusæque gelu stabunt, ut marmore, puppes:  
 Nec poterit rigidas findere remus aquas.  
 Vidimus in glacie pisces hæere ligatos;  
 Et pars ex illis tum quoque viva fuit. 50  
 Sive igitur nimii Boreæ vis sæva marinas,  
 Sive redundatas flumine cogit aquas;  
 Protinus, æquato siccis Aquilonibus Istro,  
 Invehitur celeri barbarus hostis equo:  
 Hostis equo pollens, longeque volante sagitta, 55  
 Vicinam late depopulatur humum.  
 Diffugiunt alii; nullisque tuentibus agros,  
 Incustoditæ diripiuntur opes;  
 Ruris opes parvæ pecus, et stridentia plaustra;  
 Et quas divitias incola pauper habet. 60  
 Pars agitur vinctis post tergum capta lacertis,  
 Respiciens frustra rura Laremque suum:  
 Pars cadit hamatis misere confixa sagittis:  
 Nam volucris ferro tinctile virus inest.  
 Quæ nequeunt secum ferre aut abducere, perdunt; 65  
 Et cremat insontes hostica flamma casas.  
 Tum quoque, quum pax est, trepidant formidine belli,  
 Nec quisquam pressò vomere sulcat humum.  
 Aut videt, aut metuit locus hic, quem non videt, hostem:

« Tres imbris torti radios, tres nubes aquosæ Addiderant, rutili tres ignis, et alitis Austri. »

47. *Ut marmore.* Plerique veteres in. Puto seu marmore. Versu proximo, pro *findere remus*, *stringere* duo veteres non male; totidem *fungere*; quatuor *pendere*; forte pro *tundere*; *fodere* Combrianus. HEINS.

50. *Sed pars ex illis.* Lege, *Et pars.*

55. *Hostis equo pollens.* Sauroma-

tas arbitror designare Ovidium. Plinius enim lib. VIII, scribit, Scythas equitatus et equorum gloria streperere.

57. *Nullisque tuentibus.* In Epist. Penelop. ad Ulyss. vs. 89: « Inque tua regnant, nullis prohibentibus, aula: Viscera nostra, tuæ dilacerantur opes. »

61. *Pars agitur vinctis.* Pars capta vincitur, et in servitutem abripitur.



Cessat iners rigido terra relicta situ. 70  
 Non hic pampinea dulcis latet uva sub umbra ;  
 Nec cumulant altos fervida musta lacus.  
 Poma negat regio : nec haberet Acontius, in quo  
 Scriberet hic dominæ verba legenda suæ.  
 Adspiceres nudos sine fronde, sine arbore campos ; 75  
 Heu loca felici non adeunda viro !  
 Ergo, tam late pateat quum maximus orbis,  
 Hæc est in pœnam terra reperta meam ?

71. *Non hic.* Thraciæ regio, quæ Istro pelagoque contingitur, nec cælo læta est, nec solo : eorumque, quæ seruntur, maligne admodum patiens. *Pampinea umbra.* Ulmo unus Mediceus ; venuste. Calpurnius : « Inter pampineas ponetur vitibus ulmos. » HEINS.

73. *Nec haberet Acontius.* Cydip-

pes et Acontii fabula nota est Ovidii epistola. Vol. I, p. 363.

75. *Adspiceres nudos.* Duo *Adspicio* ; unus *Adspicies* ; pro *Adspicias*. pr. Vatic. cum alio, *Adspiceret*, ut ad Acontium referatur. Sed verius puto refingendum, *Adspicere est.* H.

78. *In pœnas meas.* *In pœnam meam* plerique, et nostri ; quod prætuli.

## ELEGIA XI.

### ARGUMENTUM.

Crudelissimum quemdam subpresso nomine adcusat Ovidius, quod quum in Scythica regione, orbatus omni re cara, in maximis degat incommodis, ille non his contentus, ei tamen insultet : additque, magnum illi esse dedecus, obpugnare hominem prostratum et jacentem. Monet postremo, ut memor humanæ sortis, nolit amplius commemorare poetæ crimina, sed ea sinat cicatricem obducere, quum præsertim nulla ejus fortuna possit fieri miserior.

SI quis es, insultes qui casibus improbe nostris,  
 Meque reum, demto fine, cruentus agas ;

1. *Si quis es.* Quisquis es, puto, scripserat Noster. H.—Et cur non *Si quis*, ut eleganter præcedentem

elegiam inchoavit? *Invide* pro *improbe* unus codex.

2. Et me perpetuo adcules.

Natus es e scòpulis, nutritus lacte ferino;  
 Et dicam silices pectus habere tuum.  
 Quis gradus ulterior, quo se tua porrigat ira, 5  
 Restat? quidque meis cernis abesse malis?  
 Barbara me tellus, et inhospita litora Ponti,  
 Cumque suo Borea Mænalis ursa videt.  
 Nulla mihi cum gente fera commercia linguæ:  
 Omnia solliciti sunt loca plena metus. 10  
 Utque fugax avidis cervus deprensus ab ursis,  
 Cinctave montanis ut pavet agna lupis;  
 Sic ego, belligeris a gentibus undique septus,  
 Terreor, hoste meum pæne premente latus.  
 Utque sit exiguum pœnæ, quod conjuge cara, 15  
 Quod patria careo, pignoribusque meis;  
 Ut mala nulla feram, nisi nudam Cæsaris iram;  
 Nuda parum nobis Cæsaris ira mali est?  
 Et tamen est aliquis, qui vulnera cruda retractet,  
 Solvat et in mores ora diserta meos. 20  
 In causa facili cuivis licet esse diserto;  
 Et minimæ vires frangere quassa valent.  
 Subruere est arces et stantia mœnia virtus;  
 Quamlibet ignavi præcipitata premunt.

3. *Nutritus lacte ferino. Eductus* quinque; prim. Vatic. pr. Polit. et sex alii *et pastus*. Scribe, *es pastus*.

5. *Quis gradus ulterior restat?* Quod aliud malum superest, quod iratus mihi cupias accidere?

6. *Cernis abesse malis*. Malim *credis*. HEINS.

8. *Mænalis ursa*. Ursa Arcadia. Callisto enim, quæ postea in ursam mutata dicitur, fuit ex Arcadia. *Parrhasis* duo veteres; sic Fast. IV, *Parrhasides stellæ*; et Met. II, *Parrhasis erubuit*, de hac ipsa. HEINS.

11. *Avidis. Rapidis* quatuor præferunt, atque ita unus Bersmanni.

19. *Vulnera cruda retractat*. Vulnerus, quod nondum coivit, renovat.

21. *In causa facili*. In causa non difficili ad probandum.

24. *Præcipitata premunt*; duo libri *ruunt*: eleganter, probante Heinsio, pro, proruunt, dejiciunt; vide Metam. XII, 134, *Cedentique sequens instat, turbatque ruitque*; atque ita passim alii; et hoc melius *præcipitata* convenit, quæ non premuntur, sed ruuntur. BURM.

Non sum ego, quod fueram : quid inanem proteris umbram?

Quid cinerem saxis bustaque nostra premis? 26

Hector erat tunc quum bello certabat; at idem

Vinctus ad Hæmonios non erat Hector equos.

Me quoque, quem noras olim, non esse memento;

Ex illo superant hæc simulacra viro. 30

Quid simulacra, ferox, dictis incessis amaris?

Parce, precor, manes sollicitare meos :

Omnia vera puta mea crimina : nil sit in illis,

Quod magis errorem, quam scelus, esse putes.

Pendimus en profugi, satia tua pectora, pœnas, 35

Exsilioque graves, exsiliique loco :

Carnifici fortuna potest mea flenda videri;

Te tamen est uno iudice mœsta parum.

25. *Proteris*. Conculcas, pedibus teris. *Inanem umbram*. Umbram sine corpore, id est, me sine ullis viribus.

26. *Non sum qui fueram*. « Non sum ego, quod fueram, » cum pr. Vatic. et uno Mediceo. Uterque Politiani et quidam alii *Non sum quod fueram*; nonnulli etiam, *Non sum ego, qui fueram*; bene: Propert. lib. I, Eleg. XII, 11, « Non sum ego, qui fueram: mutat via longa puellas. » HEINS.

27. *Hector erat tunc quum bello certabat*. Quo pacto cæso Hectori insularint Græci, invenies Iliad. X, 372, sqq :

Ω δὲ δὲ τις εἰπεσκεν ἰδὼν ἐς πλησίον ἄλλον,  
Ω πόποι, ἦ μάλα δ' ἡ μαλακώτερος ἄμφο-  
τέρω

Ἐκτωρ, ἦ ὅτι νῆας ἐνέπρησεν πυρὶ κηλίσω.

Ne strato illudas, ignobile vulgus Achivum :

Egregie functum sit violare pudor.

Non ita spirantem quisquam tetigisset in armis;

Nunc impune licet corpus inane premas.

Οὐ γὰρ ἱσθλὰ κατθανοῦσι κερτομέτῃ ἐπὶ  
ἀνδράσι.

Servius tradit, moris fuisse antiqui-

tus, ut interemtis hostium duces omnis percuteret exercitus. Æn. XI, 9.

28. *Et idem Tractus ab Hæmonio non erat Hector equo*. At idem cum pr. Vatic. deinde *Vinctus ad Hæmonios equos* cum prim. Polit. eodem Vaticano, et Rottendorphii codice, optimoque Mediceo : quo adludunt multi alii, in quibus *Vectus ab Hæmonio equo*. HEINS.

30. *Hæc simulacra*. Hoc corpus sine viribus, et hanc fictam imaginem. Simulacra enim proprie sunt mortuorum imagines, quæ ex desiderio mortuorum ortæ sunt; ut qui jam defecerant, vivere viderentur. His autem verbis poetase quasi mortuum esse designat, nec quidquam præter simulacrum restare significat.

32. *Sollicitare*. Inquietare. *Meos manes*. Animam, quæ a meo corpore discessit.

37. *Carnifici*. Crudelissimo homini.

38. *Mersa parum*. Mæsta malo cum



Sævior es tristi Busiride ; sævior illo ,  
 Qui falsum lento torruit igne bovem ; 40  
 Quique bovem Siculo fertur donasse tyranno ,  
 Et dictis artes conciliasse suas.  
 Munere in hoc, Rex, est usus, sed imagine major ;  
 Nec sola est operis forma probanda mei :  
 Adspicis a dextra latus hoc adapertile tauri ? 45  
 Huc tibi, quem perdes, conjiaciendus erit :  
 Protinus inclusum lentis carbonibus ure ;  
 Mugiet, et veri vox erit illa bovis :  
 Pro quibus inventis, ut munus munere penses ,  
 Da, precor, ingenio præmia digna meo. 50  
 Dixerat ; at Phalaris : pœnæ mirande repertor ,  
 Ipse tuum præsens imbue, dixit, opus.  
 Nec mora ; monstratis crudeliter ignibus ustus ,  
 Exhibuit querulos ore tremente sonos.

Barberin. et Gottorpiensi cod. tres  
*mensa* ; unus *versa* ; Zulichemianus  
*pressa*. HEINS.

40. *Qui falsum lento torruit igne bovem.* Phalarim designat, Agrigentinorum tyrannum ; de quo Paulus Orosius.

41. *Quique bovem Siculo fertur.* Perillum dicit : eum crudelem fuisse Plin. adserit ; et Propert. II, 51 sq : « Nonne fuit satius tristi servire tyranno, Et gemere in tauro, sæve Perille, tuo? » MER.—*Pro donasse, damnasse* primus Vaticanus.

42. *Et dictis artes conciliasse.* Et verbis ornasse munus atque artificium suum, illudque fecisse acceptum. PONT. — Ἡ χάρις δὲ μακρῶν λόγων δίδεται Nestor ap. Eurip. Troad. Formula conciliandi in Plaut. True. II, VII, vers. 27 : « Jussit orare, ut hæc grata haberes tibi. »

43. *Munere in hoc, Rex, est usus,*

*sed imagine.* Hæc sunt Perilli verba ad Phalaridem regem.

52. *Ipse tuum præsens imbue, dixit, opus.* Unus Mediceus melioris notæ, *indue* ; sed nihil temere mutandum est. Pro *præsens*, quæ vox est nihili, Gottorpianus *primus* pro diversa lectione. Scribe *princeps imbue opus* ; cujus τὸ *primus* interpretamentum est. H. — *Imbue.* Incipe. Imbuere enim (auctore Servio) est proprie inchoare et initiare. MER. — Vel tu primus experire. Nolo hinc discedas impunitus. PONT.

54. *Exhibuit geminos ore gemente sonos.* Nugæ sunt de geminis sonis : diu est, quod *querulos sonos* reponendum hic vidi ; idque quinque veteres confirmant. Trist. V, El. I, 53 : « Ipse Perilleo Phalaris permisit in ære Edere mugitus, et bovis ore queri. » Pro *Exhibuit* tres scripti cum Hamburgensi *Emisit*. Præterea pr.

Quid mihi cum Siculis inter Scythiamque Getasque? 55

Ad te, quisquis is es, nostra querela redit:

Utque sitim nostro possis explere cruore,

Quantaque vis, avido gaudia corde feras;

Tot mala sum fugiens tellure, tot æquore passus,

Te quoque ut auditis posse dolere putem. 60

Crede mihi, si sit nobis collatus Ulysses,

Neptuni minor est, quam Jovis ira fuit.

Ergo quicumque es, rescindere vulnera noli,

Deque gravi duras ulcere tolle manus:

Utque meæ famam tenuent oblivio culpæ, 65

Fata cicatricem ducere nostra sine:

Polit. ore fremente; multi alii tremante: sed Propert. « Et gemere in tauro, sæve Perille, tuo. » Silius, libro XIV, 213 sqq, de Perillo: « Ille, ubi torreret subjectis corpora flammis, Mutabat gemitus mugitibus; actaque veras Credere erat stabulis armenta effundere voces. » HEINS.

55. *Quid mihi cum.* Quid crudelitatem Phalaridis et Perilli Siculi refero? *Inter Scythiasque Getasque.* *Scythicosque* plerique; alii *Scythicasque*, vel *Scythasque*. Sed verum est, quod melioris notæ Vatic. Polit. Combin. et Mediceus agnoscunt, *Scythiamque*. Passeratius ad lib. II Propertii, El. XVI, *Scythiasque* legit ex veteri libro: sed non persuadet. Naso, lib. II Amor. El. XVI, 59, « Sed Scythiam, Cilicasque feros, viridesque Britannos, » pro *Scythas*.

56. *Nostra querela redit.* Quidam venit; sed nostrum melius, probante Giofano.

57. *Utque sitim nostro possis explere cruore.* Hierocles, quum Bizantii esset iudicio damnatus, et virgis concisus, manante ex corpore lacerato sanguine iudicem adpersit,

subjiiciens illud Ulyssis apud Homerum, Odyss. I, 347: Κόκλωψ, τῇ, « τὴν οἶνον, ἐπὶ τῇ φάγῃ ἀνδράμεα χρία. »

62. *Neptuni minor est ira.* Homer. Odyss. E, et Odyss. N: « Perpetuo rebus pater Ennosigæus Ulyssis Ad-ditus. » — *Quam Jovis.* Quam Augusti. — *Rescindere.* Noli iterum crimina mea lacerando commemorare, et retractare.

63. *Rescindere crimina noli, Deque gravi duras vulnere tolle manus.* *Rescindere vulnera* reponē cum melioribus duodecim: nam alterum vix Latinum est. Sed offendit bonos censors, quod τὸ *vulnere* sequenti versu denuo obcurrerat: ubi, vel invitatis libris, *ulcere* resingendum. Rem. Am. 729, *vulnusque novatum Scinditur*: Met. XII, 542, « quid me meminisse malorum Cogis, et obductum leviter rescindere vulnus. » Quæ vera est scriptura. H.—Symm. lib. I, Ep. c: « Ne fortunæ vulnera, quæ cicatricem processu temporis ducunt, intempestivè contracta crudescent. »

66. *Facta cicatricem ducere.* Immo *Fata* cum primo Vatic. Combinio,

Humanæque memor sortis, quæ tollit eosdem,

Et premit, incertas ipse verere vices.

Et quoniam, fieri quod nunquam posse putavi;

Est tibi de rebus maxima cura meis;

70

Non est quod timeas : fortuna miserrima nostra est ;

Omne trahit secum Cæsaris ira malum.

Quod magis ut liqueat, neve hoc tibi fingere credar,

Ipse velim pœnas experiare meas.

et tribus aliis optimæ notæ. HEINS.

67. *Humanæque memor sortis, quæ* etc. Juvenalis, Sat. VII, vers. 197 sq : « Si fortuna volet, fies de rhetore consul; Si volet hæc eadem, fies de consule rhetor; » et Virg. *Æn.* lib. XI, 426 sq : « multos alterna revisens Lusit, et in solido rursus fortuna locavit. »

71. *Non est quod timeas : fortuna*

*miserrima nostra est. Tuta est* sex, septemve veteres. Forte : « Non es, quem timeam : fortuna miserrima tuta est. » Pont. lib. II, Eleg. II, 31 : « Tuta petant alii : fortuna miserrima tuta est ; Nam timor eventus deterioris abest. » HEINS.

73. *Neve hoc ego fingere credar. Tibi credar* rectius duo veteres : *me credas* Leidensis. HEINS.

## ELEGIA XII.

### ARGUMENTUM.

Frigoribus pulsus, adesse vernum tempus, cujus jucunditatem ex loco adjunctorum latius describit : incipiuntque etiam nautæ tunc navigare ; qui, si in Scythiam pervenerint, se illis dicit obcurrere, ut ab his certior fiat de Cæsaris triumphis. Quod si quis aliquid referre potuit, protinus a poeta domum ducitur, fitque ejus hospes : precatur demum, ut domus, quam habebat in Scythia, non sit perpetua poetæ sedes, sed hospitium, ut aliquando in patriam redeat.

**F**RIGORA jam Zephyri minuunt, annoque peracto  
Longior antiquis visa Mæotis hyems :

2. *Longior antiquis visa Mæotis hyems.* Latet mendum; *Tardior antiqua* priscae editiones; Arondelia-

nus *Largior* ; Bersmannus *meavit hyems* : forte *Bootis*, vel *Boreis hyems*, ut infra l. IV, El. VIII, 41,



Impositamque sibi qui non bene pertulit Hellen,

Tempora nocturnis æqua diurna facit.

Jam violam puerique legunt hilaresque puellæ,

5

Rustica quam nullo terra serente gerit :

Prataque pubescunt variorum flore colorum,

Indocilique loquax gutture vernat avis :

Utque malæ crimen matris deponat hirundo,

*axem Boreum* dixit. Sed ne sic quidem satis intelligas, quid velit. Sunt qui reponendum contendunt: « Longior a vobis versa Mæotis hyems. » hoc est, hyems Mæotica jampridem a vobis, qui in Italia degitis, versa est: cui conjecturæ ad sensum præbere non possum. Cogitabam aliquando: « annisque peracta Tardior antiquis visa Mæotis hyems. » Tò Mæotis etsi non ignoro quomodo defendi hic possit, tamen valde suspectum est. H. — *Hyems Mæotis*. Hyems Scythica. MER. — *Longior antiquis*. Micryllum torquet diphthongus in voce Mæotis correpta; et ille, lib. I de Ponto, Eleg. I, adfert hanc lectionem, *Tardior antiquis visa recedit hyems*, quibus verbis significat, se jam annum in Ponto fuisse, istamque tamen exactam hyemem multo sibi longiorem visam, quam præteritas ac veteres, quibus Romæ vixit. Hæc ille. Ego vocem *antiquis* non alio, quam ad antecessas hyemes referri posse arbitror. Nisi dicamus eam hyemem, de qua hic loquitur, visam senibus Tomitanis tam longam, ut ejus similem non meminissent. De syllaba in *Mæotis* prima correpta, certandum non puto. PONT.

3. *Impositamque sibi*. Æquinoctium vernum describit. *Qui non bene pertulit Hellen*. Arias qui postea inter sidera collocatus fuit, Phryxum

et Hellen per Hellespontum transtulit. Sed Hellen narrant decidisse in Hellespontum, quam ob causam hic Ovidius arietem dicit non bene pertulisse Hellen.

4. *Tempora nocturnis*. Arietis signum ingreditur sol mense Martio, et vernum æquinoctium efficit.

6. *Ruræque quæ nullo nata serente ferunt*. Valde turbant hæc libri veteres. prim. Polit. « Rustica quæ nullo terra serente venit: » sic etiam alter, nisi quod is *gerit*; quomodo et alii nonnulli: at prim. Vatic. prim. Pal. et quatuor præterea ex melioribus, « Rustica quæ nullo nata serente venit; » quidam, « Rustica quas nullo terra serente vehit » vel *gerit*: quidam etiam, « Pomaque quæ nullo terra serente vehit » vel, *rura vehunt*. Sed de pomis nugæ, quum agatur de verno tempore, non autumnali; alii aliter. Puto scribendum, « Rustica quam nullo terra serente dedit. » Nam *violam* pro *violas* scripti quatuor vetustiores agnoscunt: potest et *gerit* legi, quod in quibusdam exstat. HEINS.

8. *Indocili gutture*. Non docto gutture: hoc est, quod a nullo doctum fuit nisi a natura. *Vernat*. Vere lætatur, lascivit.

9. *Ut deponat crimen malæ matris*. Ut, deponendo in eis cunis et nidis pullos, videatur pia, et velle crimen filii quem occidit, ea educatione ce-

Sub trabibus cunas parvaque tecta facit : 10  
 Herbaque, quæ latuit Cerealibus obruta sulcis,  
 Exserit e tepida molle cacumen humo :  
 Quoque loco est vitis, de palmite gemma movetur ;  
 Nam procul a Getico litore vitis abest :  
 Quoque loco est arbor, turgescit in arbore ramus ; 15  
 Nam procul a Geticis finibus arbor abest.  
 Otia nunc istic : junctisque ex ordine ludis  
 Cedunt verbosi garrula bella fori.  
 Usus equi nunc est, levibus nunc luditur armis ;  
 Nunc pila, nunc celeri volvitur orbe trochus : 20  
 Nunc, ubi perfusa est oleo labente juvenus,  
 Defessos artus virgine tingit aqua.  
 Scena viget, studiisque favor distantibus ardet ;

lare, nec mala mater dici. Nota est fabula Prognés, quæ Itym filium interfecit, et patri Tereo epulandum adposuit, ut ulcisceretur vim sorori turpiter illatam. Vide Ovidium, VI Met. vers. 636 sqq.

10. *Sub trabibus cunas.* Cunas, hircundinis nidos adpellat.

11. *Herbaque, quæ latuit.* Frumentum quoque adparere ostendit.

15. *Turgescit.* Tumet, ἐγγῆ; et Virgilius, Georg. lib. II, 330, « Zephyrique tepentibus auris Laxant arva sinus. »

17. *Junctisque ex ordine ludis.* Ludos Megalenses intelligit, qui fiebant 6 Id. Aprilis, vel, ut est apud Liv. l. XXIX, pridie Idus : quod eo die Cæsar Jubam, Mauritaniam regem, devicisset. C.

18. *Cedunt verbosi.* Non dicitur jus Romæ eo tempore, quo in scena ludi celebrantur.

19. *Lusus equo nunc est.* *Equis,* vel *equi* in multis vetertum. Scribe *Usus equi nunc est* cum Combiano,

Rottendorphiano et duobus aliis ; Fast. II, 297 : « Nullus adhuc erat usus equi ; » Met. III, 554 : « Quem nec bella juvant, nec tela, nec usus equorum ; » Virgil. lib. III Georg. 211 : « Sive boum, sive est cui gratior usus equorum. » H.

20. *Celeri orbe.* Celeri agitatione. M. — *Vertitur orbe trochus.* Horat. ad Pisones, 379 sq : « Ludere qui nescit, pedestribus, etc. Indoctusque pilæ, discive, trochive quiescit, etc. » Pro *vertitur, volvitur* prim. Polit. et sex, aut septem alii. H.

22. *Tingere gaudet aqua.* Romani veteres campum Martium vicinum Tiberi delegerunt, in quo juvenus, post exercitium armorum, sudorem pulveremque dilueret.

23. *Studiisque favor distantibus diversis.* — *Studiisque favor distantibus ardet.* « Tum vero ingeminat clamor, cunctique sequentem Instigant studiis ; » Virgil. Æneid. V, 227, in certamine navali ; ἐπὶ πόντῳ, μῆλα δὲ πάντες, Argon. Apoll. IV,

Proque tribus resonant terna theatra foris.

O quater, et quoties non est numerare, beatum, 25

Non interdicta cui licet urbe frui!

At mihi sentitur nix verno sole soluta,

Quæque lacu duro vix fodiantur aquæ.

Nec mare concrescit glacie; nec, ut ante, per Istrum

Stridula Sauromates plaustra bubulcus agit. 30

Incipient aliquæ tamen huc adnare carinæ,

Hospitaque in Ponti litore puppis erit:

Sedulus obcurram nautæ, dictaque salute,

Quid veniat, quæram, quisve, quibusve locis.

Ille quidem mirum, ni de regione propinqua 35

Non nisi vicinas tutus ararit aquas.

Rarus ab Italia tantum mare navita transit;

Litora rarus in hæc portubus orba venit.

Sive tamen Graia scierit, sive ille Latina

Voce loqui; certe gratior hujus erit. 40

Fas quoque ab ore freti longæque Propontidos undis

vers. 295; μετ' εὐφημίας ἰδὼν αὖ, Homer. ξύκλυος βοῶ χαρᾶ, Eurip. Electr. fremituque secundo Virgil. Æneid. V, 338.

24. Cumque tribus resonant terna theatra foris. Proque tribus scribendum cum plurimis veterum, hoc est, quod ante dixerat: « junctis ex ordine ludis Cedere verbosi garula bella fori. » H.—Tria fora, Romanum, Cæsaris, Augusti: terna theatra, Pompeii, Marcelli, Statilii.

25. O quater, o quantum Junian. Leidens. et multi alii; o quater, o quoties Gryphii cod. Merula legerat boatum, et clamorem spectatorum explicuerat; sed Micyllus jam expunxit ineptam lectionem.

28. Nec fodiantur. Vix fodiantur ex tribus scriptis. H.

31. Si tamen incipiunt aliquæ huc. Multi, Incipiunt aliquæ tamen huc, vel Incipient. Medon. Incipient.

32. Hospitaque in Ponti litore puppis adest. Erit plerique veteres. Scribe, « Incipiant aliquæ tamen huc adnare carinæ, Hospitaque in Ponti litora puppis eat; » vel, Incipient si quæ, et litore puppis erit. H.

36. Non nisi vicinas tutus araret aquas. Ararit scribe, sic sensu exigente; nam arabit duo: totidem ararat; pro tutus etiam bene cautus in Vossiano; Rem. Am. 737: « Præterita cautus Niseide navita gaudet; » Claudian. in Eutrop. vs. 5: « Cautior ante tamen venturum navita Corum Consulit. » H.

40. Certe gratior hujus erit. Usus erit priscæ editiones et quidam scri-



Huc aliquem certo vela dedisse Noto :

Quisquis is est, memori rumore voce referre,

Et fieri famæ parsque gradusque potest :

Is, precor, auditos possit narrare triumphos 45

Cæsaris; et Latio reddita vota Jovi :

Teque, rebellatrix, tandem, Germania, magni

Triste caput pedibus subposuisse ducis.

Hæc mihi qui referet, quæ non vidisse dolebo,

Ille meæ domui protinus hospes erit. 50

Heu mihi! jamne domus Scythico Nasonis in orbe?

Jamque suum mihi dat pro Lare pœna locum?

Dî faciant, Cæsar non hic penetrare domumque,

Hospitium pœnæ sed velit esse meæ.

pti. Superiori versu, pro *Græca* unus *Italicus grata*. Lege *Graia voce*. H.

44. *Et fieri famæ parsque gradusque potest*. Quasi dicat : Rumor ille poterit ad partem aliquam, seu gradum veritatis pervenire.

47. *Teque, rebellatrix, tandem*. De Tiberio intellige hoc loco, non de Druso. Nam Drusus jam multo ante, lapsu equi, perierat. Tiberius autem, occiso paulo ante Quintilio Varo, in Germaniam missus hoc tempore fuit, ut cladem acceptam ulcisceretur, et Germanos in ordinem redigeret. Hunc ergo optat poeta, devicta, ut ipse ait, rebellatrice Germania, cum triumpho

redire, idque se ex aliquo audire posse. MER.

52. *Jamque suum mihi dat pro Lare pœna locum?* Jamne scribendum : pro pœna multi terra. Versus suspectus. H.—Forte scripserit Ovidius, *Jamne novum mihi dat pro Lare pœna focum?* *Locus* et *focus* passim permutantur : *focus* autem est idem quod *mox penetrare*. *Novus* et *suus* etiam sæpe confusa.

53. *Dî facite ut Cæsar*. Hoc Cæsar Zulichemianus. Lege *Dî facite o*; nisi malis *Dî faciant* cum tribus scriptis : *hic penetrare pro hoc etiam quidam*. H.—*Non velit hoc esse penetrare*. Non velit hanc esse domum.

## ELEGIA XIII.

## ARGUMENTUM.

Quum natalis poetæ adesset, superfluum fuisse dicit, in ea loca illum venisse, ubi non licet illi ex more solemnia sacra exhibere; monetque, ne amplius redeat, dum erit in Scythia.

ECCE supervacuus, quid enim fuit utile gigni?

Ad sua natalis tempora noster adest:

Dure, quid ad miseros veniebas exsulis annos?

Debueras illis imposuisse modum.

Si tibi cura mei, vel si pudor ullus inesset,

5

Non ultra patriam me sequerere meam;

Quoque loco primum tibi sum male cognitus infans,

Illo tentasses ultimus esse mihi.

Jamque relinquenda, quod idem fecere sodales,

Tu quoque dixisses tristis in urbe, vale.

10

Quid tibi cum Ponto? num te quoque Cæsaris ira

Extremam gelidi misit in orbis humum?

Scilicet exspectes soliti tibi moris honorem,

Pendeat ex humeris vestis ut alba meis?

1. *Quid enim fuit utile nasci. Gigni meliores, nisi quod prim. Politian. prim. Vatic. et Medic. nobis. H.*

3. *Miseros exsulis annos. Miseri Rottendorph. H.*

4. *Modum. Finem, ut morerer.*

5. *Pudor ullus adesset. Inesset plerique. H.*

7. *Quoque loco primum. Sulmone, quum primum natus fui.—Sum male cognitus. Sum infeliciter cognitus, malis et infortuniis exsillii. Creditus Cod. Strozze.*

9. *Inque relinquendo. Relinquendum prim. Polit. et duo alii. Scribe: « Jamque relinquenda, quod idem fecere sodales, Tu quoque dixisses tristis in urbe, vale.» H.*

12. *Extremam gelidi misit in orbis humum. Malim Getici orbis. H.*

13. *Scilicet exspectas solitum tibi moris honorem. Soliti in nonnullis scriptis. Puto soliti mihi moris honorem. H.*

14. *Vestis ut alba. Quam induebant, qui natalem celebrabant.*

Fumida cingatur florentibus ara coronis? 15

Micaque solemnī turis in igne sonet?

Libaque dem pro me genitale notantia tempus?

Concipiamque bonas ore favente preces?

Non ita sum positus; nec sunt ea tempora nobis,

Adventu possim lætus ut esse tuo. 20

Funeris ara mihi, ferali cincta cupresso,

Convenit, et structis flamma parata rogis:

Nec dare tura libet, nihil exorantia Divos;

In tantis subeunt nec bona verba malis.

Si tamen est aliquid nobis hac luce petendum, 25

15. *Fumida cingatur.* Solebant enim die natali honorem Diis exhibere, et Genio potissimum, cujus aram sertis coronatam ture vaporabant; Tib. II, II, 3: « Urantur pia tura focis, urantur odores. » MER.

16. *In igne sonet.* Crepet Vossianus, ut in Fastis, lib. IV, vs. 742: « Et crepet in mediis laurus adusta focus; » sed lib. IV, El. II, vs. 4: « Turaque in igne sonant. » MER.—*Sonet.* Nam a sonitu et crepitu tam turis, quam lauri ardentium, felix omen captabant. P.

17. *Libaque dem pro te. Dem pro-prie* plerique. Sed prim. Polit. *dem pro me*; quod sequor. H.—Servius scribit, libum placentam fuisse, quæ farre, melle, et oleo constabat, et apta erat sacrificiis; eaque die natali discumbentibus adponebatur: nemo autem prius gustabat, quam is qui suum natalem celebrabat: et omnes qui libum gustassent, bene precari oportebat.—*Genius* Deus est, cujus in tutela, ut quisque natus est, vivit: sive quod nos genitos suscipiat ac tueatur.

18. *Ore favente.* Εὐφημοῦντα. Favere autem est bona fari.

19. *Non ita sum positus; non sunt ea tempora nobis.* Non ita subpositus prim. Vatican. Versus est aut mendosus, aut adulteratus; Hafniensis: « nec sunt tam prospera nobis. » H.—Ex ipso verbo *positus* Ovidii intelligitur exilium et infelix conditio. Ita Horat. I, Od. xxii, vs. 17 sq: « Pone me, pigris ubi nulla campis Arbor æstiva recreatur aura; » et ibid. « Pone sub curru nimium propinqui Solis; » Lucan. V, 784 sq: « notescent litora clari Nominis exilio, positaque ibi conjuge Magni. » BURM.

21. *Funeris ara mihi, ferali cincta cupressu.* Cupresso meliores. Malo etiam *Funeris ara*: sic *funebres cupressos* et *funebre bellum*, media syllaba correpta, dixit Horatius: sic *funebria sacra* Trist. IV, El. IV, vs. 85; in Ibide tamen, vs. 104: « Jam stat, ut ipse vides, funeris ara tui. » H.

22. *Flamma parata rogis.* Reperta quinque veteres; prim. Vatican. et quatuor alii *peracta*. H.

24. *Nec bona verba.* Tibullus, II, El. II, vs. 1: « Dicamus bona verba, venit natalis, ad aras. » MER.

25. *Si tamen est aliquid nobis etc.*



In loca ne redeas amplius ista, precor;  
 Dum me, terrarum pars pæne novissima, Pontus,  
 Euxini falso nomine dictus, habet.

Hoc dicit, quia natalem celebrantes, a Diis aliquid petebant.

27. *Pars pæne novissima Ponti Euxinus. Pontus* multi veteres. Scribe: « Dum me, terrarum pars pæne novissima, Pontus, Euxini falso nomine dictus, habet. » H. — Ita et le-

gebat Tanaquillus Faber ad Phædrum, lib. IV, Fabul. vi.

28. *Euxinus falso* etc. Nam circa Euxinum loca sunt asperrima, et fera, gentesque etiam immites, quum ab inhospitali feritate, rectius *Axenus* adpellaretur.

## ELEGIA XIV.

### ARGUMENTUM.

Amici, colligentis ejus scripta, fidem et amorem laudat poeta, hortaturque, ut, quoad potest, ejus nomen in urbe retineat, simulque exponit Metamorphosis opus inemendatum e manibus exiisse. Postremo dicit, quidquid exilii tempore compositum a se fuit in Scythia, excusandum esse.

CULTOR et antistes doctorum sancte virorum,  
 Qui facis ingenio semper amice meo;  
 Ecquid, ut incolumem quondam celebrare solebas,  
 Nunc quoque, ne videar totus abesse, caves?  
 Suscipis exceptis ecquid mea carmina solis  
 Artibus, artifici quæ nocuere suo?  
 Immo ita fac, vatum, quæso, studiose novorum;  
 Quaque potes, retine corpus in urbe meum.

1. *Antistes. Qui* alios omnes antecedit, q. προεστάνης: ducta adpellatione vel a re militari, vel a sacrorum consuetudine. BERSM.

2. *Quid facis. Qui facis* scripti. H.

5. *Suscipis. Conficis* octo vetustio-

res; plures *Conspicis*: nec pauci *Colligis*, quod sequor: unus *Excipis*: alius *Exigis*. H.

8. *Retine nomen in urbe meum. Corpus* major pars veterum; argute et vere: sic lib. II, de scriptis Virgi-

Est fuga dicta mihi, non est fuga dicta libellis,  
 Qui domini pœnam non mernere pati. 10  
 Sæpe per extremas profugus pater exulat oras;  
 Urbe tamen natis exulis esse licet.  
 Palladis exemplo, de me sine matre creata  
 Carmina sunt; stirps hæc progeniesque mea est.  
 Hanc tibi commendo: quæ, quo magis orba parente, 15  
 Hoc tibi tutori sarcina major erit.  
 Tres mihi sunt nati contagia nostra secuti:  
 Cætera fac curæ sit tibi turba palam:  
 Sunt quoque mutatæ ter quinque volumina formæ,  
 Carmina de domini funere rapta sui: 20  
 Illud opus potuit, si non prius ipse perissem,  
 Certius a summa nomen habere manu:  
 Nunc incorrectum populi pervenit in ora;  
 In populi quidquam si tamen ore meum est.  
 Hoc quoque, nescio quid, nostris adpone libellis, 25  
 Diverso missum quod tibi ab orbe venit.  
 Quod quicumque leget, si quis leget, æstimet ante,  
 Compositum quo sit tempore, quoque loco:  
 Æquus erit scriptis, quorum cognoverit esse  
 Exsilium tempus, barbariemque locum; 30

lianis, vers. 533: « Nec legitur pars ulla magis de corpore toto, Quam non legitimo fœdere junctus amor. »

11. *Sæpe per externas. Extremas* multi; et placet. H.

13. *Palladis exemplo.* Tertio Fa-  
storum, vers. 841: « Aut quia de ca-  
pitis fertur, sine matre, paterni Ver-  
tice, cum clypeo prosiluisse suo, »  
unde et *ἐμάρτυρ* Græcis dicta; quia  
Sapientia solius Dei munus sit, et  
cum voluptate corporis non consi-  
stat. Quam ob causam, Musas quo-  
que virgines finxit antiquitas. P.

15. *Hanc tibi commendo.* Opinor  
legendum *Hæc*: et sequenti versu,  
*sarcina major erunt.* H.

17. *Tres mihi sunt nati.* Tres illos  
de Arte amandi libros significat. *Fra-*  
*tres*, unus Gallicanus. — *Contagia*  
*nostra.* Nostra mala: nam et ipsi ex  
urbe ejecti sunt.

18. *Sit tibi turba.* Sint Richelianus.

19. *Sunt quoque.* Lege *Sint*; nempe  
curæ tibi. H.

20. *De domini funere.* Subita enim  
relegatione opus illud inemendatum  
emissum est.

Inque tot adversis carmen mirabitur ullum

Ducere me tristi sustinuisse manu.

Ingenium fregere meum mala; cujus et ante

Fons infœcundus parvaque vena fuit.

Sed quæcumque fuit, nullo exercente refugit,

35

Et longo periit arida facta situ.

Non hic librorum, per quos inviter alarque,

Copia; pro libris arcus et arma sonant:

Nullus in hac terra, recitem si carmina, cujus

Intellecturis auribus utar, adest:

40

Nec, quo secedam, locus est; custodia muri

Submovet infestos, clausaque porta, Getas.

Sæpe aliquod verbum quæro, nomenque, locumque;

Nec quisquam est, a quo certior esse queam.

Dicere sæpe aliquid conanti, turpe fateri,

45

Verba mihi desunt; dediticique loqui.

Threicio Scythicoque fere circumsonor ore;

Et videor Geticis scribere posse modis.

Crede mihi; timeo, ne sint immista Latinis,

Inque meis scriptis Pontica verba legas.

50

Qualemcumque igitur venia dignare libellum,

Sortis et excusa conditione meæ.

34. *Parvaque vena.* Malim *parcæque*: sic *pauperem venam* et *divitem* alibi dixit. H.

37. *Per quos inviter.* *Sustenter* multi veteres. H.

43. *Sæpe aliquod verbum.* Hic de-  
nuo sciolus aliquis importune gras-

satus est. Sequitur enim mox, *Verba mihi desunt.* H.

51. *Qualemcumque legas.* *Igitur* prim. Politian. prim. Vatican. prim. Palat. optim. Medic. et Rottendorphianus; quidam *legis*; liber Petri Servii tamen. H.



PUBLII OVIDII NASONIS  
TRISTIUM

LIBER QUARTUS.

ELEGIA PRIMA.

ARGUMENTUM.

Excusandos esse dicit poeta suos libellos, si quid fuerit in his reprehendendum, siquidem exsul hæc scribebat, non gloriæ cupiditate, sed ut requiem peteret, et dolorem exsili carminibus consolaretur. Enumerat postremo mala, quæ patitur in Scythia.

SI qua meis fuerint, ut erunt, vitiosa libellis,

Excusata suo tempore, lector, habe :

Exsul eram, requiesque mihi, non fama petita est ;

Mens intenta suis ne foret usque malis.

Hoc est, cur cantet vinctus quoque compede fossor, 5

Indocili numero quum grave mollit opus :

Cantet et, innitens limosæ pronus arenæ,

Adverso tardam qui trahit amne ratem :

Quique ferens pariter lentos ad pectora remos,

In numerum pulsa brachia versat aqua. 10

Fessus ut incubuit baculo, saxove resedit

Pastor, arundineo carmine mulcet oves.

7. *Cantat. Cantet* cum scriptis : res.C.—*Vehit* scripti quidam et editi.  
præcedentia id exigunt. H. 12. *Arundineo carmine. Fistulæ*

8. *Qui trahit.* Recte ita libri vete- cantu.

Cantantis pariter, pariter data pensa trahentis

Fallitur ancillæ decipiturque labor.

Fertur et abducta Lyrnesside tristis Achilles

15

Hæmonia curas attenuasse lyra.

Quum traheret silvas Orpheus et dura canendo

Saxa, bis amissa conjuge mæstus erat.

Me quoque Musa levat, Ponti loca jussa petentem;

Sola comes nostræ perstitit illa fugæ :

20

Sola nec insidias hominum, nec militis ensem,

Nec mare, nec ventos, barbariemque timet.

15. *Abducta Lyrnesside.* Abducta Hippodamia Brisei filia. Lyrnessum autem oppidum fuit in ora Trojana, contra Lesbos, Hippodamiæ patria: unde ipsa *Lyrnesia* adpellata est. Excusi quidam habent, *Briseide*; *Lerneside* plurimi ex antiquis; priscæ editiones *Lyrnesside*; Arondelianus *Lerneide*. Scribe *Lyrnesside*; Δύρνηστος enim Græcis hoc oppidum, uni Hesychio Δύρνηστος est. H.

16. *Hæmonia lyra.* Lyra Achillis Hæmonii, hoc est, Thessali. Hæmon enim rex fuit Thessaliæ, a quo Hæmonia Thessalia cognominata fuit, quæ postea ab ejus filio Thesalo adpellari cœpta fuit.

19. *Me quoque Musa levat; Musa jurat* Richelianus et alius; sed *levat* magis convenit in exilium eunti poetæ. Similem diversitatem in Propertii lib. I, Eleg. IX, vers. ult. notavit Broukhusius.

21. *Sola nec insidias inter, nec militis ensem.* Versus haud dubie corruptus. *Inter nec Thracia tela* octo veteres; *interque Thracia tela* decem; unus *intra nec Thracia tela*; Barberinus, *inter crudelia tela*; alius *inter Tirintia tela*; alius item, *interque irentia tela*; Combii, *hominum nec Thracia tela*; alii aliter. Scribo:

« Sola nec insidias, Threci nec militis ensem; » vel, « Sola nec insidias, nec iter, nec Threcia tela. » Videtur enim expositus gladii latronum Thracum fuisse; Pont. l. IV, El. v, vers. 35, de se: « Sanguine Bistonium quod non tepefecerit ensem, Effectum cura pectoris esse tui. » *Threcus miles* pro *Thracus*: sic apud Horatium, lib. I, Epist. XVI, 12 sq, in vetustissimo Leidensis bibliothecæ codice scribitur: « ut nec Frigidior Threcam, nec purior ambiat Hebrus, » non *Thracam*: apud Ciceronem, libro I Officiorum, de Alexandro Pheræo: « In cubiculum veniens, barbarum, et eum quidem notis Threiciis compunctum, destructo gladio jubebat anteire; » quæ fere totidem verbis apud Valerium Maximum habes, lib. IX, cap. 13. In Ciceronis codicibus nonnullis Langius et Lambinus *Threiciis* monent legi; atque ita in antiquissimis Curtii libris Franciscus Fabricius se testatur invenisse. Quomodo in Fastis Capitolinis M. LICINIUS M. F. M. N. CRASSUS PROCOS. A. DCCXXV. EX THRÆCIA ET GETEIS IV. NON. JUL. Cæterum in Valerio Maximo quidam codices *Thracis* habent: ex duobus meis unus vulgatam scripturam

Scit quoque, quum perii, quis me deceperit error,  
 Et culpam in facto, non scelus, esse meo.  
 Scilicet hoc ipso nunc æqua, quod obfuit ante, 25  
 Quum mecum juncti criminis acta rea est.  
 Non equidem vellem, quoniam nocitura fuerunt,  
 Pieridum sacris imposuisse manum.  
 Sed nunc quid faciam? vis me tenet ipsa sororum,  
 Et carmen demens, carmine læsus, amo. 30  
 Sic nova Dulichio lotos gustata palato,  
 Illo, quo nocuit, grata sapore fuit.  
 Sentit amans sua damna fere; tamen hæret in illis,  
 Materiam culpæ persequiturque suæ.  
 Nos quoque delectant, quamvis nocuere, libelli; 35  
 Quodque mihi telum vulnera fecit, amo.  
 Forsitan hoc studium possit furor esse videri;  
 Sed quiddam furor hic utilitatis habet:  
 Semper in obtutu mentem vetat esse malorum,

agnoscit; alter *Thraiciis. Thræces* apud Festum; unus Vaticanus etiam non male, *nec diri militis ensem*. Sequenti versu *barbariemque* pro *barbariamque* multi veteres. H.

24. *In facto; in* deest uni codici: Heinsius volebat *in fato*, ut lib. III, Eleg. XI, vs. 66. — Nostri codices vulgatam tuentur.

26. *Quum mecum juncti. Adjuncti* multi ex præstantioribus. Forte, *ah juncti*. H.

29. *Vis me tenet ipsa sacrorum. Sororum* sex veteres; quod placet: hoc est, Musarum; vide Met. IV, 470, ubi *sorores* pro Furiis ponuntur: nam ex contextu orationis satis agnosci potest ac deprehendi, de quibus sororibus agatur: duo codices *vis me tenet ipsa locorum*. Infra lib. IV, El. x, 39, *Aonias sorores*; et lib. V,

El. XII, 45, *novem sorores* dixit. H. — *Vis me tenet ipsa*. Nequeo hæc studia deponere. P.

31. *Sic nova Dulichio*. Homerus, lib. IX Odyss. scribit, Ulyssem tempestate actum, in Africam ad Lotophagos accessisse, ejusque socios gustata loto, reditum in patriam oblitos fuisse: quos invito et flentes coegit Ulysses navem conscendere. Fuere autem *Lotophagi* populi in Africa, a loto arbore adpellati, cujus fructus sunt magnitudine fabæ, colore croci, tam dulcis, ut advenis incutiant patriæ oblivionem: quod docet Plinius lib. XIII, cap. 17; Silius, lib. III, vers. 310 sq: « Spectari castris, quos succo nobilis arbor, Et dulci pascit lotos nimis hospita bacca. »

34. *Materiam culpæ suæ*. Malim



Præsentis casus immemoremque facit.

40

Utque suum Bacchis non sentit saucia vulnus,

Dum stupet Edonis exululata jugis;

Sic, ubi mota calent viridi mea pectora thyrso,

Altior humano spiritus ille malo est :

Ille nec exsilium, Scythici nec litora ponti,

45

Ille nec iratos sentit habere Deos.

*curæ suæ*, hoc est, flammæ, vel amoris. H.

41. *Bacchis*. Phœbas, vates Apollinis, quæ Baccho orgia celebrat, furore correpta, qualis mater Pen-thei, et similes describuntur III Metam.—*Saucia*. Deo plena.—*Non sentit suum vulnus*. Non sentit suum furem.

42. *Dum stupet Idæis exululata jugis*. prim. Politiani *Idonis*. Lege *Edonis*. Superiori versu pro *Bacche*, prim. Vatic. et codex Petri Servii *Bacchis*. Certe βακχιδες Aristoteli in Problematis, et Plutarcho eadem, quæ aliis βάκχα. Hesychius θυνες βακχιδες. οἱ δὲ Μαινάδες. Pro *Idæis jugis* prim. Polit. prim. Vatic. multique alii cum primis editionibus, *modis*; quomodo Stat. Theb. V, 92 sq: « veluti Teumesia Thyas Rapta Deo, quum sacra vocant, Idæaque suadet Buxus. » Cæterum *Edonis jugis* amplector præ vulgata lectione *jugis Idæis*: sic *Edonus Boreas* Maroni, Æneid. lib. XII, 365; *Edonæ hyemes* apud Statium et Claudianum, et *Edoni venti* apud Valerium Flaccum; produxit quoque secundam syllabam Horatius, non ego *te-vius Bacchabor Edonis*: quare frustra sunt, qui *Edonius* pro *Edono* reponunt. In *Edonis* tamen ambigua est syllaba, quomodo et in *Sidonis*: sic *matres Edonides omnes* apud Nostrum, Met. lib. XI, 69; et

apud Propertium: « Nec minus adsiduis Edonis lassa choreis; » quum Lucanus corripuerit, Phars. I, 675: « Edonis Ogygio decurrens plena Lyæo. » Quo loco Salmasius Solinianis exercitationibus *Odonis* reponi jubet, quum Odones sint populus Thraciæ: sed non meminerat Silium quoque Italicum secundam syllabam corripuisse. Virgilius in Ciri, secundam in *Bistonis* producit, vers. 165: « Sæva velut gelidis Ciconum Bistonis in oris, Ictave barbarico Cybeles antistita buxo; » sed fortassis illic reponendum: « Sæva velut Ciconum gelidis Edonis in oris. » H. — *Dum stupet*. Dum est adtonita. — *Modis Idæis*. Vocibus, vel modis, quibus Bacchi sacerdotes utuntur in Ida monte Cretæ, matrem Deum clamitantes.

43. *Sacro mea pectora thyrso*. *Viridi thyrso* prim. Vatican. Rottendorph. alter Polit. et octo alii. H. — In sacris Bacchi, sacerdotes ejus gestabant thyrsos, hastas pampinis circumvolutas; *pampineas hastas* vocat Virgil. ipsi *thyrsigeri* dicti. P.

44. *Altior humano spiritus ille malo est*. in Leid. erat, *ille loco est*. Vide an huc faciat illud Petronii, c. XC: « Sæpius poetice quam humane locutus es. » BURM.

46. *Sentit habere Deos*. *Adesse septem veteres*; forte *sentit habetve*. *Habere Deos iratos* ut apud Petro-

Utque soporiferæ biberem si pocula Lethes,  
 Temporis adversi sic mihi sensus hebet.  
 Jure Deas igitur veneror mala nostra levantes,  
 Sollicitæ comites ex Helicone fugæ; 50  
 Et partim pelago, partim vestigia terra,  
 Vel rate dignatas, vel pede, nostra sequi.  
 Sint precor hæ saltem faciles mihi: namque Deorum  
 Cætera cum magno Cæsare turba facit:  
 Meque tot adversis cumulant, quot litus arenas, 55  
 Quotque fretum pisces, ovaque piscis habet.  
 Vere prius flores, æstu numerabis aristas,  
 Poma per autumnum, frigoribusque nives;  
 Quam mala, quæ toto patior jactatus in orbe,  
 Dum miser Euxini litora læva peto. 60  
 Nec tamen, ut veni, levior fortuna malorum est:  
 Huc quoque sunt nostras fata secuta vias:  
 Hic quoque, cognosco natalis stamina nostri,  
 Stamina de nigro vellere facta mihi.  
 Utque nec insidias, capitisque pericula narrem, 65  
 Vera quidem, vera sed graviora fide;

nium, *Junonem meam iratam habeam*; sed distichon est suspectum.

48. *Temporis adversi sic mihi sensus abest. Adest* Gottóroph. Medon-  
 nianus *abit*; prim. Vatican. *tempus*  
*hebet*. Scribe, *sensus hebet*; sic alibi:  
 « Da mihi, si quid ea est, hebetan-  
 tem pectora Lethen. » *Hebes sensus*  
 apud Ciceronem occurrit. H.

55. *Meque tot adversis cumulat. Cum-*  
*ulant* nonnulli. H.

60. *Dum miser Euxini litora sæva*  
*peto*. *Jussa* bene Medonianus; nisi  
 quod *litora læva* rectius scribetur  
 cum Buslidiano; Trist. I, Eleg. II,  
 83: « Obligor ut tangam lævi fera  
 litora Ponti; » Pont. lib. IV, El. IX,

119: « Is quoque, quo lævus fuerat  
 sub præside Pontus; » quæ et ibi  
 vera lectio: *sinistrum Pontum* alibi  
 non uno loco adpellat, et passim ad  
 id nomen alludit. H.

61. *Ut veni*. Posteaquam in Scy-  
 thiam perveni. — *Nec tamen levior*.  
 Nec tamen in præsentia, minori,  
 quam antea, me adficit pœna: quasi  
 dicat: credideram me tantum do-  
 liturum, quod patria carerem: sed  
 alia etiam mala non leviora, quæ  
 statim poeta subjungit, me angunt.

66. *Vera quidem vidi, sed graviora*  
*fide*. Combrianus et unus Vaticanus  
 optime: « Vera quidem, vera sed  
 graviora fide. » H.

Vivere quam miserum est inter Bessosque Getasque

Illi, qui populi semper in ore fuit!

Quam miserum, porta vitam muroque tueri,

Vixque sui tutum viribus esse loci!

70

Aspera militiæ juvenis certamina fugi,

Nec nisi lusura movimus arma manu:

Nunc senior, gladioque latus, scutoque sinistram;

Canitiem galeæ subjicioque meam:

Nam dedit e specula custos ubi signa tumultus,

75

Induimur trepida protinus arma manu.

Hostis, habens arcus, imbutaque tela veneno,

Sævus anhelanti mœnia lustrat equo:

Utque rapax pecudem, quæ se non texit ovili,

Per sata, per silvas, fertque trahitque lupus;

80

68. *Illum. Illi* rectius Gottorph. Junianus, et Moretanus cod. H.

70. *Tutum viribus esse loci.* Aut scribe *turribus*, aut, quod pro diversa lectione in Combiano erat notatum, *mœnibus*; sic Trist. V, Eleg. II, 70: « Vixque brevis tutum murus ab hoste facit. » H.

71. *Fugi aspera certamina militiæ.* Juvenis enim Ovid. in Asia militavit.

72. *Movimus arma manu*: ludendi tantum causa, ut ingenuos decet adolescentes, gladios et id genus armorum tractavi. C. — *Novimus* Leidens. et octo alii.

75. *Tumultus.* Timoris: quod Getæ armati contra nos adventare nuntiabantur.

76. *Induimus trepida protinus arma manu.* Combianus longe venustius, *Induimur*; qui græcismus Nostro valde familiaris; Ausonius, Idyll. IV, 92: « Ut trabeam, pictamque togam, mea præmia, consul induerem; » Met. XIV, ex veteri libro, 650: « Induitur scalas, lecturum

poma putares; » ibid. 798: « dum Martius arma Induitur miles; » sic et ibi scribendum puto. H. — *Trepida manu.* Nos trepidi, festinabundi in timore tanto.

78. *Mœnia lustrat equo.* Cingit tres scripti apud me, sed non ex melioribus; quomodo et ex Pircheimiano, quem ego Arondelianum voco, Gronovius, Observ. lib. II, c. 3. Sed vulgata lectio non est sollicitanda; Pont. I, Eleg. II, qui locus huic geminus, 19: « His eques instructus perterrita mœnia lustrat, More lupi pavidas circueuntis oves. » Virg. Æn. IX, 58: « Lustrat eques muros, aditumque per avia quaerit; » Silius, lib. I, 298 sq: « Ipse caput quassans circumlustravit anhelò Mœnia sævus equo. » H.

79. *Utque rapax pecudem. Prædam* pro diversa lectione Gottorphianus; eleganter: hinc *prædones* lupos vocat Met. X; vox est venatoria. Actæon *præda suis canibus* dicitur, Trist. II.

80. *Fertque refertque lupus. Fertque*



Sic, si quem, nondum portarum sepe receptum,

Barbarus in campis repperit hostis, agit :

Aut sequitur captus, conjectaque vincula collo

Accipit, aut telo virus habente cadit.

Hic ego sollicitæ jaceo novus incola sedis ; 85

Heu nimium fati tempora longa mei !

Et tamen, ad numeros antiquaque sacra reverti

Sustinet in tantis hospita Musa malis :

Sed, neque cui recitem quisquam est mea carmina ; nec qui

Auribus accipiat verba Latina suis. 90

Ipse mihi, quid enim faciam ? scriboque, legoque ;

Tutaque judicio litera nostra suo est.

Sæpe tamen dixi, cui nunc hæc cura laborat ?

*trahitque* primæ editiones et præstantiores scripti magno numero ; quod mutari non debuit. H.

81. *Portarum sede receptum. Portarum sepe* pro diversa lectione Rottendorph. Moret. Barber. et Medon. optime : *sepem* pro *septo* dixit. Varro certe, lib. I de Re Rustica, *sepem*, *septum* et *sepimentum* parum inter se differre ostendit : « Cui sepimentum est, quod virgultis solet obseri, sepes ex agresti ligno. » H.

82. *Hostis habet. Agit* longe elegantius multi ex antiquis ; hoc est quod supra dixerat, *fertque trahitque* : *agere* et *ferre* frequenter conjungunt historici : apud quos etiam obvium *agere prædam*, *agere captivos* etsimilia ; Trist. V, El. x, 19 : « Quum minime credas, ut avis, densissimus hostis Advolat, et prædam vix bene visus agit ; » Seneca, Medea, Act. III, ex optimo cod. Mediceo : « Ex opibus illis, quas procul raptas Scythæ Usque a perustis Indiæ populis agunt ; » vulgati *petunt*. H.

84. *Telo virus habente perit. Cadit*

Junian. et pro diversa lectione Gottorph. et Rottendorph. Fastor. VI, vs. 770 : « Et cecidit telis Hasdrubal ipse suis. » H.

85. *Sollicitæ. In* Francofurt. erat, *Sarmaticæ jaceo novus incola gentis* ; unus, *incola cædis*, corrupte. Franciscus conjiciebat *vetus incola sedis*, ut alibi *se non novum incolam* vocat initio Pontic. Sed plus temporis abierat, quum illa scriberet, et inde probatur legi debere *novus*, quia ibi dicit jam se non novum esse incolam, ut ante se vocaverat. BURM.

86. *Fati tempora lenta mei ! Longa* scripti plerique.

91. *Ipse mihi, quid enim* etc. Quod lego ac compono, meo judicio examinandum permitto. Careo enim amicis, quorum, quum Romæ essem, in meis carminibus corrigendis, judicio uti solitus sum. C.

93. *Cui nunc hæc cura laborat ? Mea cura* quinque. Puto *ea cura*, vel, quod malim : « cui nunc, mea Musa, laboras ? Anne ea Sauromatæ scripta Getæque legent ? » H.

An mea Sauromatæ scripta Getæque legent?  
 Sæpe etiam, lacrymæ me sunt scribente profusæ, 95  
 Humidaque est fletu litera facta meo;  
 Corque vetusta meum, tanquam nova, vulnera sentit,  
 Inque sinum mæstæ labitur imber aquæ.  
 Quum, vice mutata, quid sim fuerimque recordor,  
 Et tulerit quo me casus, et unde, subit; 100  
 Sæpe manus demens, studiis irata malignis,  
 Misit in arsueros carmina nostra focos.  
 Atque ita de multis, quoniam non multa supersunt,  
 Cum venia facito, quisquis es, ista legas:  
 Tu quoque non melius, quam sunt mea tempora, carmen  
 Interdicta mihi, consule, Roma, boni. 106

98. *Inque sinum mæstæ labitur imber aquæ.* Διύοντο δὲ δάκρυσι κόλποι. An hoc etiam de oculorum sinu? Imber enim vehementer depluit.

99. *Qui sim fuerimque recordor.* Alii quis; sed Hafniensis et Vossianus quid sim; ut Metam. II, 551: *Quid fuerim quid simque vide;* supra Trist. lib. III, Eleg. XI, vs. 25, ex antiquiscodicibus, *Non sum ego quod fueram*: atque ita passim. H.

101. *Studiis irata sibi que. Irata malignis* rectius Hamburg. et quinque alii scripti. Sequenti versu, *rogos pro focos* multi veteres: nil muto. H.

103. *Atque ea de multis. Atque ita* Barberin. Putean. et Buslid. recte: *ea* enim ferri non potest, quum *ista* sequatur: supra lib. III, *Atque ita divellit*; Epist. Leandri, 115, *Atque ita contactus*. Neque aliter passim Noster. H.

## ELEGIA II.

## ARGUMENTUM.

Tiberium Germanicam expeditionem suscepisse, in Scythiam ad poetam fama pertulerat. Dicit ergo, victoriam fortasse ab eo partam fuisse, quum hæc scriberet : ejus autem triumpho se mente interesse, quandoquidem corpore non possit : quod si quis ei triumphi formam retulerit, quamvis sero, tamen ostendit se auditurum tanta lætitia, ut proprium incommodum sit posthabiturus publicæ lætitiae.

JAM fera Cæsaribus Germania, totus ut orbis,

Victa potes flexo succubuisse genu :

Altaque velentur fortasse Palatia sertis ;

Turaque in igne sonent, inficiantque diem ;

Candidaque, adducta collum percussa securi,

Victima purpureo sanguine tingat humum :

Donaque, amicorum templis promissa Deorum ,

Reddere victores Cæsar uterque parent ;

1. *Jam fera Cæsaribus Germania.* De Tiberii expeditione intelligendum, non Drusi. Nam hic aliquot annis ante in Germania perierat, quam poeta relegatus fuit. MICYL.

2. *Victa potest. Potes* Hamburg. et tres alii. H.

3. *Altaque velantur. Velentur*, et mox *sonent* et *inficiantque* meliores scripti. H.

4. *Turaque in igne sonent.* Tura etiam crementur in templis Deorum immortalium. — *Inficiantque diem.* Diem fumo obscurum reddant, et offuscent.

5. *Adducta securi.* Reducta, ut graviore incidat pondere ; Virg. V, 478 : « durosque reducta Libavit

dextra media inter cornua cestus. »

5. *Sanguine tingit humum. Tingat* cum prim. Vatic. multi alii *pulset* ; quod Gronovio placebat, Observat. lib. I, cap. 13 ; mox *parent* pro *parent* cum Hamburg. et uno Italico.

7. *Donaque, amicorum.* Dona, quæ imperatores templis Deorum sibi faventium ; vel dona amicorum, quæ pro imperatoribus amici ipsorum Diis promiserant. P. — Virgil. Æn. VIII, 720 sqq : « Ipse sedens niveo candentis limine Phæbi, Dona recognoscit populorum, aptatque superbis Postibus : incedunt victæ longo ordine gentes. »

8. *Uterque Cæsar.* Augustus et Tiberius.



Et qui Cæsareo juvenes sub nomine crescunt,

Perpetuo terras ut domus ista regat :

10

Cumque bonis nuribus pro sospite Livia nato

Munera det meritis, sæpe datura, Deis :

Et pariter matres, et quæ sine crimine castos

Perpetua servant virginitate focos.

Plebs pia, cumque pia lætentur plebe senatus,

15

Parvaque cujus eram pars ego nuper, eques.

Nos procul expulsos communia gaudia fallunt,

Famaque tam longe non nisi parva venit.

Ergo omnis poterit populus spectare triumphos,

Cumque ducum titulis oppida capta leget ;

20

Vinclaque captiva reges cervice gerentes,

Ante coronatos ire videbit equos ;

Et cernet vultus aliis pro tempore versos,

9. *Sub nomine gaudent.* Unde illud *gaudent* in notas Micylli venerit nescio : ipse, ut omnes aliæ editiones, in sua expressit *crescunt*. BURM.

11. *Cum bonis nuribus.* Ego non Tiberii, aut Drusi uxores accipio, quum Tiberii quæ erat Julia videlicet, Augusti filia, jam relegata esset : sed Germanici et Drusi junioris, quorum alteri Agrippina, Juliæ et Agrippæ filia ; alteri Germanici soror Livia, nupta erat, ut ex Taciti Ann. I et II manifestum est. Dicuntur autem nurus non tantum a parentibus maritorum, sed et ab avis.

12. *Munera dat. Det meliores ; recte : et mox lætetur pro lætatur iidem ; duo tamen lætantur.* Scribe lætantur. H.

13. *Et pariter matres.* Ob filios sospites. Malo, *Dent pariter ;* quæ repetitio sensum erigit.—*Et quæ sine.* Vestales.

15. *Plebs pia, cumque pia.* No-

tanda est traductio similis illi Catullianæ, in Epithalam. « Bona cum bona Nubit alite virgo : » atque familiaris est illa species τῆς καλλιέργειας etiam Plauto. BERSM.

16. *Cujus ego nuper eram parva pars.* Fuit enim Ovidius eques, et equestri ortus familia.

18. *Non nisi parva venit.* Scribe *tarda venit ;* nam *parva* paulo ante præcesserat. Possit et *sera* legi, vel, *rara ;* sed prima conjectura magis adridet. H.

19. *Ergo omnis populus.* En duo veteres ; unus, *Sic :* metuo ne mendum lateat. H.

20. *Cumque ducum titulis.* Captivi et loca imaginibus scriptisque in triumphum deferebantur. Propert. *et titulis oppida capta legam.* MER.

22. *Ante coronatos.* Triumphantis currum trahebant equi candidi quatuor : qui et ipsi lauro coronabantur.

23. *Vultus versos.* Vultus muta-

Terribiles aliis, immemoresque sui.

Quorum pars causas, et res, et nomina quæret : 25

Pars referet, quamvis noverit ipsa parum :

Is, qui Sidonio fulget sublimis in ostro ,

Dux fuerat belli : proximus ille duci :

Hic, qui nunc in humo lumen miserabile figit,

Non isto vultu, quum tulit arma, fuit : 30

Ille ferox, oculis et adhuc hostilibus ardens ,

Hortator pugnae consiliumque fuit :

Perfidus hic nostros inclusit fraude locorum ,

Squallida promissis qui tegit ora comis :

Illo, qui sequitur, dicunt mactata ministro 35

tos, nam qui primo fuerant feroces, tunc erant humiles et abjecti.—*Pro tempore*. Habita temporis ratione, quod poscit, ut victi ferociam ponant.—*Aliis pro tempore versos*. Hoc est mutatos, et dejectos. Malim tamen *mastos*. H.

24. *Terribiles aliis*. Cernet, inquit, populus alios captivos truci vultu, tanquam si essent victores, quod his solet evenire, qui sui sunt immemores.

25. *Et res, et nomina quæret. Et regum nomina* Hamburgensis. Forte *et regna, et nomina*; vel *et gesta, et nomina*; pro *causas* etiam *ausus*, vel quid tale videtur reponendum. H.

26. *Noverit illa. Ipsa* rectius unus Mediceus, et *Is* pro *Hic* Medonianus, versu proximo. H.

27. *Hic, qui Sidonio*. Μιμητής est narrantium, et digito commonstrantium: Hic fuerat hostium summus imperator. P.—*His* quidam: male; *Hic* alii; *Is* Medonian. melius.

29. *Lumen miserabile fixit. Figit* multi. H.

33. *Fraude locorum*. Germanum transfugam denotat, qui in hostium

insidias præcipitavit Romanos, aut in loca duxit iniqua.

34. *Squallida prolaxis qui tegit ora comis*. Veterum plurimi *demissis*, vel *dimissis*; prim. Vatican. et sex alii *promissis*; quod verum est: sic de Gallis Livius, lib. VIII, bello Maced. «Procera corpora, promissæ et rutilatæ comæ, vasta scuta, prælongi gladii.» Vide Festum in *promissum capillum*. Superiori versu, pro *inclusit fraude*, primæ editiones et scripti quidam, *illusit*. H.

35. *Illo ministro*. Ministrum sacrorum intelligit, ex Druidibus aliquem. Scribit enim Cæsar, libro Comment. VI, nationem omnium Gallorum esse admodum deditam religionibus: atque ob eam causam qui sunt adfecti gravioribus morbis, quique in præliis periculisque versantur, pro victimis homines immolare, aut se immolatuos vovere, administrisque ad ea sacrificia Druidibus uti: qui pro vita hominis, nisi vita hominis reddatur, non possent Deorum immortalium placari arbitrabantur, publiceque ejusdem generis instituta habent sacrificia.

Sæpe recusanti corpora capta Deo :  
 Hic lacus, hi montes, hæc tot castella, tot amnes,  
 Plena feræ cædis, plena cruoris erant :  
 Drusus in his quondam meruit cognomina terris,  
 Quæ bona progenies digna parente fuit. 40  
 Cornibus hic fractis, viridi male tectus ab ulva,  
 Decolor ipse suo sanguine Rhenus erit :  
 Crinibus en etiam fertur Germania passis,  
 Et ducis invicti sub pede mæsta sedet;  
 Collaque Romanæ præbens animosa securi, 45  
 Vincula fert illa, qua tulit arma, manu.  
 Hos super in curru, Cæsar, victore veheris  
 Purpureus populi rite per ora tui;  
 Quaque ibis, manibus circumplaudere tuorum,  
 Undique jactato flore tegente vias. 50  
 Tempora Phœbea lauro cingeris; ioque,

MER.—*Illo, qui sequitur.* Videtur hoc loco poeta ad ea alludere, quæ apud Tacitum referuntur, libro primo, de ingressu Germanici in saltum Teutoburgiensem, et de facie locorum, circa quæ Varus cum legionibus suis occisus fuerat. MICYL.

40. *Quæ bona progenies digna parente fuit.* Tres *Qui*; quatuor *Quo*; versus corruptus. *Tò bona*, ut supra, *Cumque bonis moribus.* Scribe, *Quæ tulit*; ut ad nomen Germanici respiciat, qui Drusi filius: idque jam occupasse et præmonuisse video Tanaquillum Fabrum in Epistolis nuper editis, cui loci hujus restituti gloriam cedo: potest et *Quæ bene tulit*, hoc est, jure tulit; qui loquendi modus Nasoni perquam familiaris. H.

41. *Cornibus hic fractis.* *Infractis* duo veteres. Claudianus de Rheno: « Cornibus infractis adeo mitescere cogit: » *infracti adversò Marte La-*

*tini*, apud Virg. *Æn.* XII, 1: et erit pro erat prim. Polit. ac duo alii. H. — *Male tectus ab ulva.* Non coronatum ulva intelligit poeta, sed delitescentem, quasi præ formidine, eo quod jam victus et ab hoste jam captus esset. — *Tutus ab ulva* unus; *tectus in herba* Bersmann. *ab aula* primæ editt.

48. *Purpureus populi rite.* In veste purpurea, quam aureis intextam sideribus triumphantes gestabant. M.

50. *Undique jactato flore.* Item populus Rom. floribus adspargere, coronas et lemniscos projicere solebat in eos, quos cohonestare volebat. P.

51. *Tempora Phæbea lauro cingetur.* Lege *cingetur*, et refer ad militem laureatum. Poterat alioquin *cingeris* dixisse; hanc conjecturam confirmat Arondelian. liber, quem, dum hæc eduntur, consulo, et confidenter sequor.



Miles, io, magna voce, triumphe, canet.  
 Ipse sono, plausuque simul, fremituque canentum,  
 Quadrijugos cernes sæpe resistere equos.  
 Inde petes arcem, delubra faventia votis; 55  
 Et dabitur merito laurea vota Jovi.  
 Hæc ego submotus, qua possum, mente videbo:  
 Erepti nobis jus habet illa loci.  
 Illa per immensas spatiat libera terras;  
 In cælum celeri pervenit illa fuga: 60  
 Illa meos oculos mediam deducit in urbem,  
 Immunes tanti nec sinit esse boni;

52. *Ioque, Miles, io, magna voce, triumphe, canet.* Io vox est clamantis, qua triumphantem imperatorem exercitus sequens utebatur; vide Horat. IV, Od. II, 49: « Tuque dum procedis, Io, triumphe, Non semel dicemus, Io, triumphe, Civitas omnis, dabimusque Divis Tura benignis. »

53. *Ipse sono, plausuque.* Nam ci-tharædorum ac tiliarum turba, ad Hetruscæ similitudinem pompæ, imperatorem præcedebant. Hi succincti, coronisque aureis redimiti, suus quisque ordine psallentes canentesque prodibant. — *Fremituque calentes. Canentum* pr. Polit. pr. Vatic. pr. Pal. et sex alii; recte: duo *canentes*. Combrianus non male *parentes*. H.

54. *Resistere equos.* Propertii æmulatio, qui lib. III, El. III, vs. 14 sq: « Qua videam, spoliis onerato Cæsaris axe, Ad vulgi plausus sæpe resistere equos. »

55. *Inde petes arcem, et delubra.* Tolle τὸ et cum septem scriptis; familiaris Nostro adpositio; sic infra, El. IV, 83, ex antiquis libris: « Hæc regio, magni penetralia mundi. » H. — *Arcem.* Capitolium. — *Et delubra*

*faventia votis.* Templum Jovis Capitolini, qui favit votis imperatoris ad bellum exeuntis, et populi Romani. MER.

56. *Laurea vota Jovi. Villa uterque Polit. prim. Palat. multique alii: prim. Vatic. laurea juncta; Junianus et Putean. laurea sarta; Trist. II, 171: « Ponet et in nitida laureaserta coma; » Pont. III, Eleg. IV, 63: « Quid mirum, sertis exhausto floribus horto, Si duce non facta est digna corona suo? » Ita vetus codex; Lucanus, lib. X: « Accipiunt sertas nardo florente coronas; » Propert. lib. II, Eleg. XXXIII: « Quum tua præpendent demissæ in pocula sertæ; » coronas subintellige: ita enim Charisius legit, et vetustus codex, quo Neapoli sum usus; non *tua sarta*. Cornelius Severus: « Huc ades, Aonia crinem circumdata sarta? » Hic tamen τὸ *laurea vota* non temere in aliam lectionem mutandum. H. — *Laurea vota.* In Capitolium quum esset ventum, imperator victor Diis gratias conceptis verbis agebat. Tum victimæ cædebantur, et corona aurea, cum pretiosis manubiis et spoliis opimis, Jovi sacrabatur, et in gremio*

Invenietque viam, qua currus spectet eburnos:

Sic certe in patria per breve tempus ero.

Vera tamen populus capiet spectacula felix,

65

Lætaque erit præsens cum duce turba suo:

At mihi fingenti tantum, longeque remoto,

Auribus hic fructus percipiendus erit;

Atque procul Latio diversum missus in orbem

Qui narrat cupido, vix erit, ista mihi:

70

Is quoque jam serum referet veteremque triumphum;

Quo tamen audiero tempore, lætus ero.

Illā dies veniet, mea qua lugubria ponam,

Causaque privata publica major erit.

ejus deponēbatur, vel templis dicabatur. P.

63. *Invenietque animus, qua currus spectet eburnos. Invenitque* Hamb. et tres alii cum Arondeliano: *Inveniatque* Richelien. *Inveniesque* alius; *Inveniesque arcem* Rottendorph. Tres *Invenietque viam*, ut apud Virg. *Æn.* IV, 478, *Inveni, germana, viam*; sed quia τὸ *via* paulo ante præcessit, scribe *Invenietque aditum*: supra etiam *deducet et sinet*. HEINS.

67. *Fingenti. Surgenti* Leidens.

68. *Præcipiendus erit. Percipiendus* in nonnullis, rectius; Nauger. *percipiendus*, Leidens.

69. *Atque procul Latio. Utque* quatuor scripti. Lege *Atque. H. — In orbem diversum*. In Scythiam procul positam ab Italia, quasi ea sit alter orbis.

73. *Illā dies veniet. Scribe veniat*: est enim optantis; sic Trist. III, El. v, 55: « Hunc utinam, nitidi Solis prænuntius, ortum Adferat admisso Lucifer albus equo! » et « Hunc Aurora diem, spectacula tanta ferentem, Quamprimum croceis roscida portet equis! » Et Pont. lib. I, El. iv, 57: « Memnonis hanc utinam, lenito principe, mater Quamprimum roseo provocet ore diem! » HEINS.

## ELEGIA III.

## ARGUMENTUM.

Utramque Ursam precatur poeta, ut Romanam urbem ac uxorem adspiciant; sibi que referant, sitne ea mariti memor, an non. Postmodum seipsum arguit, quod dubitet de uxoris fide, a qua se amari intelligat tum eam laudat, doletque quod sua causa in adsiduo luctu versetur: demum hortatur, ut in fide permaneat.

MAGNA minorque feræ, quarum regis altera Graias,  
 Altera Sidonias, utraque sicca, rates;  
 Omnia quum summo positæ videatis in axe,  
 Et maris occiduas non subeatis aquas;  
 Ætheriamque suis cingens amplexibus arcem, 5  
 Vester ab intacta circulus exstet humo;  
 Adspicite illa, precor, quæ non bene mœnia quondam  
 Dicitur Iliades transiluisse Remus:  
 Inque meam nitidos dominam convertite vultus,  
 Sitque memor nostri necne, referte mihi. 10  
 Heu mihi! cur, nimium quæ sunt manifesta, requiro?  
 Cur labat ambiguo spes mihi mista metu?

1. *Magna minorque.* Ursa minor *Cynosura* dicitur; major, *Helice*. A Phœnicibus potissimum *Cynosura* inter navigandum observabatur: Sidon quippe in Phœnicia: major autem a Græcis. P. — *Utraque sicca.* Neutra occumbit, nec in Oceanum descendit. MER.

5. *Ætheriamque arcem.* Polum arcticum: qui circulus est brevissimus, ab Ursis nominatus, quæ sunt astra vicina polo septemtrionali, atque ideo nequeunt occidendo terram contingere. P.

8. *Iliades.* Iliæ filius. *Transiluisse.* *Transiluisse* scripti meliores: ita Noster passim. HEINS.

9. *In meam dominam.* In meam uxorem. *Nitidos vultus.* Propter stellarum nitorem, quo nihil nitidius.

11. *Heu mihi! cur timui? Cur, nimium quæ sunt manifesta, requiro?* primæ editiones et quatuor scripti; bene; nisi mavis *timide*: nam prim. Vatic. et prim. Pal. *timeam*; duo alii *timeo*. HEINS.

12. *Cur labat ambiguo spes mea mista metu? Mihi mista quatuor;*



Crede quod est, quod vis, ac desine tuta vereri;  
 Deque fide certa sit tibi certa fides :  
 Quodque polo fixæ nequeunt tibi dicere flammæ, 15  
 Non mentitura tu tibi voce refer :  
 Esse tui memorem, de qua tibi maxima cura est ;  
 Quodque potest, secum nomen habere tuum.  
 Vultibus illa tuis, tanquam præsentis, inhæret,  
 Teque remota procul, si modo vivit, amat. 20  
 Ecquid, ut incubuit justo mens ægra dolori,  
 Lenis ab admonito pectore somnus abit ?  
 Tunc subeunt curæ, dum te lectusque locusque  
 Tangit, et oblitam non sinit esse mei ?  
 Et veniunt æstus, et nox immensa videtur ? 25  
 Fessaque jactati corporis ossa dolent ?  
 Non equidem dubito, quin hæc et cætera fiant,  
 Detque tuus casti signa doloris amor ;  
 Nec cruciari minus, quam quum Thebana cruentum

quod præstat. At Arondelianus *spes bona mista metu*; ut epistola Canaces, 61, *Spes bona det vires*; malim etiam *victa metu* quam *mista*; certe in uno Italico, *niza*. HEINS.

13. *Crede quod est, et vis. Quod vis* quinque veteres. Arondelianus, *quamvis*. HEINS.

15. *Quodque polo fixæ. Positæ* Vossian. ut Met. II, 173: « Quæque polo posita est glaciali proxima serpens ». HEINS.

19. *Tanquam præsentibus hæret. Præsentis inhæret* septem veteres; recte. HEINS.

21. *Ecquid, ubi incubuit. Ut incubuit* multi veteres cum priscis editionibus: quomodo Noster sæpissime. HEINS.

22. *Somnus abit. Abest* pr. Polit. pr. Vatic. et duo alii. HEINS.

25. *Et veniunt æstus. Tunc veniunt* unus Ital. Combii liber *Conveniunt*; et Barberin. *questus*, nam de æstu animi jam egit. Scribe, *Num veniunt questus*; et superiori hexametro, *Num subeunt curæ*; nam multi veteres *Tum*: pr. Pol. Nec. H. — *Æstus. Sollicitudines*. Virgil. *Æneid. VIII, vs. 19, magno curarum fluctuat æstu.*

26. *Jactati. Versati* duo codd. ut Amor. lib. I, El. II, vers. 4; et Lucret. lib. II, vs. 35: « Textilibus si in picturis, ostroque rubenti Jactaris. »

28. *Mæsti signa doloris amor. Eleganter* pro diversa lectione Barberin. *casti doloris. Leidensis, tacti. H.*

29. *Thebana peremtum. Cruentum* plerique veteres; multi etiam *trahi* pro *rapi* versu proximo. — *Thebana. Andromache, filia Eetionis, Thebarum in Cilicia regis.*

Hectora Thessalico vidit ab axe rapi. 30  
 Quid tamen ipse precer, dubito; nec dicere possum,  
 Adfectum quem te mentis habere velim.  
 Tristis es? indignor, quod sum tibi causa doloris:  
 Non es? ut amisso conjuge digna fores.  
 Tu vero tua damna dole, mitissima conjux, 35  
 Tempus et a nostris exige triste malis;  
 Fleque meos casus: est quædam flere voluptas;  
 Expletur lacrymis egeriturque dolor.  
 Atque utinam lugenda tibi non vita, sed esset  
 Mors mea; morte fores sola relictæ mea! 40  
 Spiritus hic per te patrias exisset in auras;  
 Sparsissent lacrymæ pectora nostra piæ!  
 Supremoque die notum spectantia cælum  
 Texissent digiti lumina nostra tui!  
 Et cinis in tumulo positus jacuisset avito, 45  
 Tactaque nascenti corpus haberet humus!  
 Denique et, ut vixi, sine crimine mortuus essem!  
 Nunc mea supplicio vita pudenda suo est.  
 Me miserum, si tu, quum diceris exsulis uxor,  
 Avertis vultus, et subit ora rubor! 50  
 Me miserum, si turpe putas mihi nupta videri;

30. *Ab axe Thessalico.* A curru Achillis Thessali. MER.

34. *Non es? ut amisso conjuge digna fores.* Fleas priscæ editiones et quidam scripti; unus *feres*. Carmen mendosum. Illa autem *Tristis es* et *Non es* per interrogationem lege: si quid video, et hoc et superius distinctione hic denuo inculcata sunt ab aliena manu. HEINS.

41. *Spiritus hic per te.* Pro te codex Petri Servii. Lege *prope te*, ut Art. Am. lib. III, v. 204: «Vel prope te nato, lucide Cydne, croco;» in-

fra lib. IV, El. iv, 85: «Atque meam terram prope sunt funebria sacra».

42. *Corpora nostra. Pectora* Combi et tres alii. H.

46. *Tactaque nascenti.* Solebant infantes, simul ac editi essent, humi deponere, et Opem Deam invocare, quæ nascentibus opem ferret. Quos autem alere decreverant, eos humo tollebant, cui rei Deam Levanam præficiebant; quæ scil. pueris de terra levandis præesset. P.

47. *Denique dum vixi. Ut et vixi* primæ editiones et scripti novem;

Me miserum, si te jam pudet esse meam!  
 Tempus ubi est illud, quo me jactare solebas  
 Conjuge, nec nomen dissimulare viri?  
 Tempus ubi est, quo te, nisi si fugis illa referre, 55  
 Et dici memini, juvit et esse meam?  
 Utque probæ dignum est, omni tibi dote placebam:  
 Addebat veris multa faventis amor.  
 Nec quem præferres, ita res tibi magna videbar,  
 Quemve tuum malles esse, vir alter erat. 60  
 Nunc quoque ne pudeat, quod sis mihi nupta: tuusque  
 Non dolor hinc debet, debet abesse pudor.

quinque *et, ut*; quod placet, si recte locum distinguis. HEINS.

53. *Tempus ubi est illud, quo te jactare solebas Conjuge.* Scribe, *me jactare solebas Conjuge*; et sic pro diversa lectione Vossianus. Nonnulli alii: «Tempus ubi est, quo te de me jactare solebas.» HEINS.

55. *Tempus ubi est, quo te (nisi non vis illa referri.)* Primus Vaticanus: «Tempus ubi est illud, quo non fugis illa referre;» primus Politiani et primus Palatinus: «Tempus ubi est illud, quo, ni fugis illa referre;» optimus Mediceus: «Tempus ubi est, quo te, nisi non fugis illa referre.» Alii aliter, sed longius a vestigiis veræ scripturæ, quam ecce: «Tempus ubi est, quo te (nisi si fugis illa referre) Et dici memini, juvit et esse meam?» *et nisi si* passim corruptum est apud Ovid. *Referre* pro meminisse, recordari. *Fugis referre*, pro metuis. HEINS.

57. *Utque proba dignum est.* Proba plurimi ex castigatioribus; optime: regit enim ea vox non secundum minus, quam sextum casum. Adeatur exactissimus Vossius opere grammatico lib. I, de Constructione,

c. XI; vide et Nonium in ea voce; Virg. *Æn.* XII, 649, «magnorum haud unquam indignus avorum;» idem, lib. XI, 856, «Huc periture veni, capias ut digna Camillæ Præmia.» Sic venterrimus Mediceus, aliique multi ex præstantioribus codices, non *Camilla*. Silius lib. VIII, 383: «Ducit avis pollens, nec dextra indignus avorum Scævola.» Noster lib. III Art. 117: «Curia consilii quæ nunc dignissima tanti est.» Ita priscæ editiones et scripti nonnulli. Pont. IV, Eleg. VIII, 15: «At nihil hic dignum poteris reperire pudoris;» sic et ibi vetus codex: et plurimi, lib. V Met. 344: «utinam modo dicere possim Carmina digna Deæ!» et lib. VI, 181, «accedit eodem Digna Deæ facies.» H. — Ita quoque, *prædicaret successionis indignum*, Sueton. Othon. Statius, epithal. Stellæ: *digna Deæ sedes*. Divus Hieronymus, vit. Fabiolæ: *quærentibus nobis dignum tantæ feminae habitaculum.*

58. *Addebat veris.* Et vera de me prædicabas; et falsa etiam non pauca veris adjungebas, quo te beatior rem faceres. PONT.

62. *Non debet dolor hinc.* Concin-



Quum cecidit Capaneus subito temerarius ictu,  
 Num legis Evadnen erubuisse viro?  
 Nec, quia rex mundi compescuit ignibus ignes, 65  
 Ipse tuis, Phaethon, inficiendus eras:  
 Nec Semele Cadmo facta est aliena parenti,  
 Quod precibus periit ambitiosa suis:  
 Nec tibi, quod sævis ego sum Jovis ignibus ictus,  
 Purpureus molli fiat in ore rubor: 70  
 Sed magis in nostri curam consurge tuendi,  
 Exemplumque mihi conjugis esto bonæ;  
 Materiamque tuis tristem virtutibus imple:  
 Ardua per præceps gloria vadat iter.  
 Hectora quis nosset, si felix Troja fuisset? 75  
 Publica virtuti per mala facta via est.  
 Ars tua, Tiphys, jacet, si non sit in æquore fluctus:  
 Si valeant homines, ars tua, Phœbe, jacet.

nus duo veteres, *Non dolor hinc debet*: malim etiam rubor quam pudor, quia pudeat præcessit. HEINS.

63. *Quum cecidit Capaneus*. Capaneus fuit unus ex septem regibus qui Thebas obsederunt, superbus et Deorum contemtor: qui provocans scilicet Jovem ipsum, eoque invito capturum Thebas se minifans, in obpugnatione Thebani muri a Jove ictus cecidit.

64. *Non legis. Num pr.* Vatic. Rot-tendorphian. et duo alii; bene. H. — *Evadnen*. Capanei uxorem. *Erubuisse viro*. Pro, propter virum, aut viri casum. Quasi dicat, maritum etiam in adversis amavit Evadne, quod in ejus rogum ardentem se nimio amore præcepitavit.

66. *Ipse suis Phaethon inficiendus erat. Tuis eras* Junianus; magis poetice. HEINS.

74. *Ardua per præceps gloria vadit*

*iter*. Scribo *vadat*, cum Juniano et alio; nisi *tendat* mavis; nam *tendit* est in tribus. HEINS.

76. *Publica virtutis per mala facta via est*. *Virtuti* rectius legas cum uno Vaticano. lib. I, Eleg. III, 83: « Et mihi facta via est. » HEINS.

77. *Ars tua, Tiphys, jacet. Latet* Patavinus. Scribe *vacet*; et sequenti versu, *ars tua, Phæbe, vacet* cum Gottorphiano; plurimi alii *vacat*; vulgo *jacet*; *vacet*, iners ac otiosa sit, nullum usum habeat, nihil habeat quod agat, aut in quo occupetur: sic Met. VIII, v. 13, *vacare victoria* dicitur, quæ non est occupata, et in dubio hæret: « Inter utrumque vacat dubiis Victoria pennis: » ita enim ex vestigiis veterum codicum scribendum videtur: sic *ager vacare* dicitur, qui non excolitur: sic *vacuum novale*, Pont. lib. I, El. IV: quare præter rem illud Trist.

Quæ latet, inque bonis cessat non cognita rebus,

Adparet virtus arguiturque malis.

80

Dat tibi nostra locum tituli fortuna, caputque

Conspicuum pietas qua tua tollat habet.

Utere temporibus, quorum nunc munere freta es :

En ! patet in laudes area lata tuas.

IV, Eleg. VIII, 25 : « Tempus erat nec me peregrinum ducere cælum, Nec siccam Getico fonte levare sitim : Et modo, quos habui, vacuos secedere in hortos. » Alibi enim laudat *hortos suos* : quare scribo *vacuum*, hoc est, otiosum : *horti* enim *vacui* minus bene dicuntur, *area vacua* bene ; de quibus Met. IV, vers. 341 ; sic *ares vacuæ*, etsimilia. Pont. lib. IV, El. v, 25 : « Tempus ab his vacuo Cæsar Germanicus omne Auferet : » ubi nunc legitur *vacuum*. H. — Ego tamen contra codices nihil mutavi, quum eleganter *jacere* dicuntur quæ negliguntur, nec creduntur esse utilia, aut necessaria, sed nullius pretii. Et ita Cicero *jacere* et *vigere* obponit, Phil. X, 7 ; et de Off. III, 20 : « Marius quum jam septimum annum post præturam jaceret. » Seneca, de Benef. VI, 38 : « Jacebit opera fabrilis, » et ita alii passim.

81. *Dat tibi ... locum tituli fortuna. Malim titulis.* H. — *Tituli.* Laudis. *Caputque Conspicuum.* Et tua pietas habet quo tollat caput conspicuum.

83. *Quorum nunc munere freta es.* In MSS. Richel. erat, *quorum tibi copia nunc est*; sed neque hoc sensum aptum facit : in quatuor aliis, *quorum tu munere freta es* ; in Lovan. *quorum sic* ; in optim. Codd. Junian. et Leid. *Quorum non munere freta es* ; ex quorum vestigiis rectius legi posset : « Utere temporibus, quorum non munere spreto, En patet in laudes area lata tuas ! » Utere infelicibus mariti tui temporibus, quorum munus, id est, occasio si non spernas, ingens tibi in laudes area patebit, et ita erit, ut alibi dicit, aliquis usus in ipsis malis. *Munera* verò et *dona* temporis, obvia et elegans locutio : ita Quintil. X, 6 : « Refutare temporis munera longe stultissimum ; » quod idem est ac *spernere*. BURM.

84. *Et patet in laudes area magna.* *Area lata* primæ editiones, et sex scripti, ut Epist. Penelop. 72 : « Et patet in curas area lata meas. » Malo præterea *En latet*; quomodo unus Vaticanus. H.

## ELEGIA IV.

## ARGUMENTUM.

Amicum laudat poeta, exponitque Tomitani exsilii incommoda: precaturque eum latenter, ut ab Augusto mitius et paulo propinquius exsilium petat; quod facile impetrari posse docet, quum magna sit ipsius clementia. Postremo narrat quemadmodum e locis non nimium longinquis fugerit Orestes cum Iphigenia sorore, ablata etiam inde Diana ad raeliora loca.

O qui, nominibus quum sis generosus avitis,  
 Exsuperas morum nobilitate genus;  
 Cujus inest animo patrii candoris imago,  
 Non careat nervis candor ut iste suis;  
 Cujus in ingenio patriæ facundia linguæ est, 5  
 Qua prior in Latio non fuit ulla foro;  
 Quod minime volui, positis pro nomine signis  
 Dictus es; ignoscas laudibus ista tuis.  
 Nil ego peccavi; tua te bona cognita produnt:  
 Si, quod es, adpares, culpa soluta mea est. 10  
 Nec tamen, officium nostro tibi carmine factum,  
 Principe tam justo, posse nocere puta.  
 Ipse pater patriæ, quid enim civilis illo?

6. *In Latio foro.* In Romano foro. Messalinum autem hic poetam arbitrator designari.

7. *Quod minime volui.* Maluissem te vero nomine adpellare: nunc ab adjunctis et signis te significare cogor. PONT.

8. *Ignoscas laudibus ipse tuis.* *Ista tuis* alter Polit. Apud Paterculum: « Familiare est hominibus omnia

sibi ignoscere. » H. — *Ignoscas tuis laudibus.* Quasi dicat, laudibus tuis adscribas, si cognosceris signis supra dictis.

12. *Posse nocere puto.* Puto quatuor veteres concinnius. H.

13. *Quidenim civilis illo?* Ita meliores; tres tamen communius, quod ex Pirkheimeriano, sive Aronde-liano, doctissimus probat Gronov.



Sustinet in nostro carmine sæpe legi :

Nec prohibere potest, quia res est publica, Cæsar; 15

Et de communi pars quoque nostra bono est.

Juppiter ingeniis præbet sua numina vatum,

Seque celebrari quolibet ore sinit :

Causa tua exemplo Superiorum tuta duorum est;

Quorum hic conspicitur, creditur ille Deus. 20

Ut non debuerim, tamen hoc ego crimen amabo :

Non fuit arbitrii litera nostra tui.

Nec nova, quod tecum loquor, est injuria; nostro

Incolumis cum quo sæpe locutus eram.

Quo vereare minus, ne sim tibi crimen amicus; 25

Invidiam, si qua est, auctor habere potest.

Nam tuus est primis cultus mihi semper ab annis,

Observat. lib. II, cap. XII, qui videndus: sic apud Ciceronem, Catone Majore, in veterrimo codice meo: « Cæteris in rebus communem erga Lysandrum et familiarem fuisse; » non *comem*, quod est in vulgatis; sed quia *de communi bono* mox sequitur, minus placet. Lib. III, El. VIII, 41: « At quoniam semel est odio civiliter usus. » H. — *Ipse pater patriæ*. Scribit L. Florus, Augustum ob ingentia facta *Dictatorem perpetuum* adpellatum fuisse, et *patrem patriæ*: tractatumque etiam in senatu, an quia condidisset imperium, Romulus vocaretur: sed sanctius et reverentius visum fuisse nomen Augusti, ut scilicet jam tum, dum terras coleret, ipso nomine et titulo consecraretur.

21. *Tamen hoc ego crimen habeo. Amabo bene*, prim. Vatic. et Leidensis. H. — *Tamen hoc ego crimen habeo*. Quasi dicat: Augustus hoc crimen meum esse dicet, non tuum: ideo non est verendum,

ut hanc ob causam ille prosequatur te odio.

23. *Est injuria nostra. Nostri duo veteres*. Forte *nostro*, tecum, qui noster es. Sed numeri in hoc versu duriores. Nec multum hæc ad rem faciunt: quare tollantur, licet. H. — Nihil duri hic video; et si bene distinguas, sensus erit planissimus: « Nec nova, quod tecum loquor, est injuria; nostro Incolumis cum quo sæpe locutus eram; » non est nova nunc injuria quod te adpellem, qui sæpe incolumis tecum, noster quum esses, locutus eram. *Noster* est nobis favens, ut *Dei nostri, mei, tui* etc. passim in Ovidio dicuntur. *O noster Chremes*, Terent. Andr. V, II, 5; et sæpius alibi. BURM.

25. *Ne sim tibi crimen amicus. Amice* plerique veteres. *Lege tibi crimen amico*. H.

26. *Auctor potest habere invidiam*. Ego Ovidius possum dici fuisse criminis causa.

27. *Nam tuus est. Namque tuus pri-*

Hoc noli certe dissimulare, pater :  
 Ingeniumque meum, potes hæc meminisse, probabat,  
 Plus etiam, quam me iudice dignus eram ; 30  
 Deque meis illo referebat versibus ore,  
 In quo pars altæ nobilitatis erat.  
 Non igitur tibi nunc, quod me domus ista recepit ;  
 Sed prius auctori sunt data verba tuo.  
 Nec data sunt, mihi crede, tamen : sed in omnibus actis,  
 Ultima si demas, vita tuenda mea est. 36  
 Hanc quoque, qua perii, culpam scelus esse negabis,  
 Si tanti series sit tibi nota mali.  
 Aut timor, aut error nobis, prius obsuit error :  
 Ah, sine me fati non meminisse mei ! 40  
 Neve retractando nondum coeuntia rumpam  
 Vulnera ; vix illis proderit ipsa quies.

*mis* quatuor libri ; mox *Saltem hoc noli*, scripti et editi plurimi.

29. *Potes hæc meminisse.* Hoc primæ edit. et libri scripti. H.

30. *Me iudice.* Me etiam iudicante ingenium meum non esse tantum, quantum illi adparebat. MER.

31. *Illo ore.* Illa gravitate orationis suæ, qua nobilitabatur, de versibus meis pronuntiabat iudicium suum. PONT. — *Versibus.* *Plurimus* LOVAN. Heinsius malebat, *lusibus*.

32. *Pars magnæ nobilitatis.* Partem magnæ nobilitatis intelligit eloquentiam, quæ inter cæteras Messalini nobilitates erat magna pars.

34. *Sunt data verba.* Dedit verba, non rem, quemadmodum pater tuus existimabat ; credebatur enim me ingenio ad summum dignitatis gradum perventurum, quum in præsentia ejectus sim in exilium præter ejus opinionem. Est autem *dare verba*, ut Donatus scribit, decipere

eum, qui, quum rem expectet, nihil invenit præter verba. *Auctori tuo.* Patri tuo, qui tibi auctor fuit hujus amicitiae, probando ingenium meum, et loquendo honorifice de meis studiis. B.

35. *Nec tamen sunt data.* Quamvis dixerim me patri tuo verba dedisse, ne credas tamen me dixisse quod eum deceperim, quod exsilii nota adfectus fui : quod videtur esse alienum ab eo quod ille de me senserat. *Sed in omnibus actis, Ultima si demas.* Sed vitam meam probabis, et intelliges me non dedisse verba, si totius vitæ meæ cursum, potius quam finem, inspexeris.

37. *Scelus esse negabis.* Malim negaris. H.

39. *Prius obsuit error.* Plus nonnulli ; male. H.

41. *Coeuntia rumpe Vulnera.* *Rumpam* Vaticanus optimus, optimus Mediceus, et tres alii ; sequor : ipse

Ergo, ut jure damus pœnas, sic abfuit omne

Peccato facinus consiliumque meo.

Idque Deus sentit, pro quo nec lumen ademtum est, 45

Nec mihi detractas possidet alter opes.

Forsitan hanc ipsam, vivat modo, finiet olim,

Tempore quum fuerit lenior ira, fugam.

Nunc precor hinc alio jubeat discedere, si non

Nostra verecundo vota pudore carent.

50

Mitius exsilium, pauloque propinquius, opto,

Quique sit a sævo longius hoste, locum.

Quantaque in Augusto clementia, si quis ab illo

Hoc peteret pro me, forsitan ille daret.

Frigida me cohibent Euxini litora Ponti :

55

Dictus ab antiquis Axenus ille fuit.

Nam neque jactantur moderatis æquora ventis ;

Nec placidos portus hospita navis adit.

Sunt circa gentes, quæ prædam sanguine quærant :

Nec minus infida terra timetur aqua.

60

Illi, quos audis hominum gaudere cruore,

Pæne sub ejusdem sideris axe jacent.

enim rumpit vulnera retractando, quorum mentionem injicit. H.

43. *Sic abfuit omne. Obsuit* Gryph. et Vincent. et quatuor scripti ; *defuit* Bernensis et duo ; *tamen abfuit* Vatican.

45. *Idque Deus sentit.* Me scilicet culpa carere. Deum autem, Augustum intelligit. *Lumen.* Vita. *Opes detractas mihi.* Opes mihi ademtas : ut exsiliis fieri solet.

51. *Mitius exsilium, pauloque quietius, oro.* Opto meliores, et propinquius : sequor ; sub finem libri II, 77 : « Tutius exsilium, pauloque quietius oro ; » ubi *Mitius* et *opto* pari modo in nonnullis veterum. H.

53. *Tantaque in Augusto clementia. Quantaque* alter Politiani, et duo alii ; bene : et *Hoc* sequenti versu pro *Huc* cum melioribus. H. — *Tantaque in Augusto est clementia.* De Augusti clementia legito Tranquillum.

58. *Nec placidos portus hospita navis habet. Adit* prim. Vatic. et quinque alii castigatiores ; bene : tres alii *puppis* habet. H.

59. *Quæ prædam sanguine quærant. Quærant* quatuor veteres. H.

62. *Pæne sub ejusdem frigidis axe jacent.* Primæ editiones et scripti quinque *sideris igne* ; Combrianus et duo alii, *sideris axe* ; quod verum est. HEINS.



Nec procul a nobis locus est, ubi Taurica dira

Cæde pharetratae pascitur ara Deæ.

Hæc prius, ut memorant, non invidiosa nefandis, 65

Nec cupienda bonis, regna Thoantis erant.

Hic pro subposita virgo Pelopeia cerva

Sacra Deæ coluit qualiacumque suæ.

Quo postquam, dubium pius an sceleratus, Orestes

Exactus furiis venerat ipse suis, 70

Et comes exemplum veri Phocæus amoris,

Qui duo corporibus, mentibus unus erant;

Protinus evincti Triviæ ducuntur ad aram,

Quæ stabat geminas ante cruenta fores:

Nec tamen hunc sua mors, nec mors sua terruit illum; 75

63. *Ubi Taurica* Ubi regio illa crudelis, de qua Herodotus libro quarto; et lib. III, de Ponto El. II, 80.

64. *Cæde pharetratae spargitur ara Deæ.* *Pascitur* prim. Vatic. pr. Polit. opt. Medic. et Moreti codex pro diversa lectione: nihil verius: sic et in Virgiliana *Æneidos* dedicatione, e catalectis ad *Venerem*, vers. 7, ubi nunc circumfertur: « Corniger hos aries humiles et maxima taurus Victima sacrato tinget honore focos; » quum in veteri codice Neapolitano *Sannasarii*, legatur *sparget honore*, vix dubito quin reponendum sit *pascet honore*. Val. Flacc. « Tum quocumque loco meritis tibi plurimus aras Pascet honos. » — *Cæde.* Morte hospitum. *Deæ pharetratae pascitur.* Deæ Dianæ, quæ tanquam venationis Dea sagittis utitur. Hæc retia ad venandum invenit, ex quo et Dictynna est cognominata. Colebatur autem circa Ephesum, Pontum, Persidem, et Cretam: unde Ephesia, Ctesia, Tauropolia, ac Persea.

67. *Hic.* In Taurica regione. *Virgo*

*Pelopeia.* Iphigenia, filia Agamemnonis, ex Pelopis genere. *Pro subposita cerva.* Pro cerva, quam loco Iphigeniæ subjecit Diana, ut docet Servius in enarratione ejus versus, « Sanguine placastis ventos, et virgine cæsa. »

69. *Pius an sceleratus.* Unde quum Areopagitarum judicium subiisset, variatis hominum sententiis, non solum divina, sed etiam Deæ sapientissimæ sententia absolutus fuit, ut docet Cicero in oratione pro Milone.

70. *Exactus. Vexatus* Bernens.

71. *Phocæus.* Pylades, ex Phocide regione, filius Strophii: fidissimus ejus et individuus comes.

73. *Tristem ducuntur ad aram.* *Barberin.* et fragmentum Vatic. pro diversa lectione, *Triviæ ad aram*; quod et Vossianus confirmat: recte. Pont. III, Eleg. II, locus huic geminus, 71: « Protinus immitem Triviæ ducuntur ad aram, Evincti geminas ad sua terga manus. » H. — *Ad aram.* Ad aram Dianæ Tauricæ, ut de more Deæ sacrificarentur.

Alter ob alterius funera mæstus erat :  
 Et jam constiterat stricto mucrone sacerdos ,  
 Cinxerat et Graias barbara vitta comas ;  
 Quum vice sermonis fratrem cognovit , et illi  
 Pro nece complexus Iphigenia dedit : 80  
 Læta Deæ signum , crudelia sacra perosæ ,  
 Transtulit ex illis in meliora locis .  
 Hæc igitur regio , magni pars ultima mundi ,  
 Quam fugere homines Dîque , propinqua mihi est ;  
 Atque meam terram prope sunt funebria sacra , 85  
 Si modo Nasoni barbara terra sua est .  
 O utinam venti , quibus est ablatas Orestes ,  
 Placato referant et mea vela Deo !

76. *Alter ab alterius funere mæstus erat.* Lege *ob alterius funera* ; quod Hamburgensis et Strozæ codex adstruunt cum Regio et Moretilibro ; nonnulli *ob funere*. HEINS.

78. *Barbara vitta.* Vitta qua vinciebantur eorum capita , qui Deo aliqui immolabantur. Virgilius , *Æn.* II , 133 , *et circum tempora vittæ*.

79. *Quum vice sermonum fratrem cognoscit.* Virg. *Æneid.* VI , 535 sq : « Hac vice sermonum roseis Aurora quadrigis Jam medium ætherio cursu trajecerat axem. »

81. *Signum Deæ.* Dianæ simulacrum. MER. — *Crudelia sacra perosæ.* Non postulabat Diana sibi hujusmodi hostiis sacrificari ; sed ea erat Thoantis immanitas , ut illi hospites mactandos censeret. PONT. — *Læta Deæ signum Transtulit.* Eurip. fab. 10 ; quem locum , ut potuimus ,

ita tamen ut intelligi possit , sic reddimus : « Thoanta captum callida prendunt via. Sacris refixum postibus læti efferunt Penetræ signum. »

82. *In meliora.* Vide fab. Eurip. quæ inscribitur Iphigenia. MER. — Aufugiens cum fratre Iphigenia , transtulit secum Deæ signum in loca meliora , qua moribus , qua humanitate. PONT.

83. *Regio , magni pæne ultima mundi.* Magni penetralia mundi Barberin. et Gottorphanus eleganti adpositione. Pontum abstrusam et interiorem orbis partem adpellat. HEINS.

85. *Atque meam terram.* Distichon etiam hoc Ovidianæ venæ vix est ut censeatur. H. — *Prope meam terram.* Prope Tomitanam urbem.

88. *Placato Deo.* Placato Augusto , et reconciliato. — *Et mea vela.* Hinc mea Barberin. et quatuor alii.

## ELEGIA V.

## ARGUMENTUM.

Amicum laudat poeta, eumque monet, ut constanter munus amicitiae exsequatur, eique apud Augustum opem ferat. Ostendit deinde multis exemplis, tempore omnia molliri præter suas curas, et ostendit se ita deficere, ut non diu credat se supervicturum tantis malis; quam rem dicit sibi solatio relictam esse.

O mihi dilectos inter sors prima sodales,  
 Unica fortunis ara reperta meis;  
 Cujus ab adloquiis anima hæc moribunda revixit,  
 Ut vigil infusa Pallade flamma solet;  
 Qui veritus non es portus aperire fideles, 5  
 Fulmine percussæ confugiumque rati;  
 Cujus eram censu non me sensurus egentem,  
 Si Cæsar patrias eripuisset opes :  
 Temporis oblitum dum me rapit impetus hujus,  
 Excidit heu nomen quam mihi pæne tuum! 10  
 Te tamen agnoscis, tactusque cupidine laudis,  
 Ille ego sum, cuperes dicere posse palam.  
 Certe ego, si sineres, titulum tibi reddere vellem,

1. *Inter sors prima sodales.* Pars meliores; tamen in Fastis, *matris sors ego prima fui*; et Met. XIII, 651, *Femineæ sortis* pro prole feminea. H. — *Pars prima.* Princeps, inter amicos meos ὁ πρῶτος.

3. *Adloquiis.* Eloquentiis Regius, Putean. et tres alii; male: *adloquia* sunt solamina, miseris data.

4. *Infusa Pallade.* Oleo infuso: alii *lampade*; unus *infulsa*,

5. *Portus fideles.* Amicitiae munera et confugium. MER.—Vel, non dubitasti me tui tuo patrocinio.

7. *Cujus eram censu non me sensurus egentem.* Unus Vatic. et Buslidianus, *censurus*. Superiori hexametro lege cum scriptis, *Qui veritus non es*, pro est. HEINS.

9. *Hujus temporis.* Hujus mei infortunii; vel, vis adversæ fortunæ.

11. *Tu tamen agnoscis.* Scribe *Te*



Et raram famæ conciliare fidem :

Ne noceam grato vereor tibi carmine, neve

15

Intempestivi nominis obstet honos.

Quod licet et tutum est, intra tua pectora gaude,

Meque tui memorem, teque fuisse mei.

Utque facis, remis ad opem luctare ferendam,

Dum veniat placido mollior aura Deo ;

20

Et tutare caput nulli servabile, si non

Qui mersit Stygia, sublevet illud, aqua.

Teque, quod est rarum, præsta constanter ad omne

Indeclinatæ munus amicitiae.

Sic tua processus habeat fortuna perennes;

25

Sic ope non egeas ipse, juvesque tuos :

Sic æquet tua nupta virum bonitate perenni,

*agnoscis* : sic lib. I, Eleg. VII, vs. 5 :  
« Hæc tibi dissimulas, sentis tamen  
optime dici. » HEINS.

14. *Conciliare famæ*. Immortalitati consecrare.

16. *Intempestivus nominis obstet honor*. Honos duo veteres. Scribe *ob-*  
*sit honos*. HEINS.

18. *Teque fuisse pium*. *Teque fuisse*  
*mei* rectius Combianus, et octo alii.

19. *Remis luctare*. Omnem adhibe  
conatum. Parcmiae nos admonet,  
*remis velisque contendere*. PONT.

— *Remis luctare*. Quod fit adverso  
flumine. Virg. *Æn.* VIII, 58 : « Ad-  
versum remis superes subvectus ut  
amnem, » cui contrarium vers. 88 :  
« Mitis ut in morem stagni, placidæ-  
que paludis Sterneret æquor aquis,  
remo ut luctamen abesset. » « Acuto  
in murice remi Obnixi crepuere ; »  
*Æn.* V, 205. Quod luctamen est, ad  
Ovidii fortunas accedens.

20. *Dum veniet placido mollior au-  
ra Deo*. Veniat meliores magno nu-  
mero ; nisi quod pr. Vatic. pr. Polit.

opt. Medic. et tres alii, *venit a pla-*  
*cido* ; pro *aura* quatuor *hora* ; octo  
*ira* : quare aut legendum, *placido*  
*mollior ira Deo*, aut *mollior aura ma-*  
*ri*, vel *salo* ; ut persistat in figura in-  
cœptæ orationis. HEINS. — Nostri,  
*Dum veniat et aura Deo*.

24. *Amicitiae indeclinatæ*. Amici-  
tiae non imminutæ, sed firmæ.

25. *Processus habeat. Successus*  
Putean. Bernens. et duo alii ; male.

27. *Sic æquet tua nupta virum bo-*  
*nitate perenni*. *perenni* parum hic  
quadrat : et *perennes* jam præcesse-  
rat. Forte, « Sic æquet tua nupta  
suum probitate parentem. » H. — *Sic*  
*æquet tua nupta virum*. Sic Virgilius  
*Æn.* VI, 473 : « Conjux ubi pristinus  
illi Respondet curis, æquatque Si-  
chæus amorem. » Quod adripuit Stat.  
Thebaid. II, 364 sqq : « Tydea jam  
socium ceptis, jam pectore fido,  
Æquantem curas. » *Virum*. Te mari-  
tum. MER. — *Sic æquet tua nupta*. Sic  
uxor tua moribus tuis respondeat :  
te probitate et religione æquet. P.

Incidat et vestro rara querela toro :  
 Diligat et semper socius te sanguinis illo ,  
 Quo pius adfectu Castora frater amat :  
 Sic juvenis , similisque tibi sit natus , et illum  
 Moribus agnoscat quilibet esse tuum :  
 Sic socerum faciat tæda te nata jugali ,  
 Nec tardum juveni det tibi nomen avi.

28. *Rara querela.* Prim. Vatic. *rata* ; plurimi *nulla* ; etiam bene : apud Martialem *Lis rara*. HEINS.

29. *Socius sanguinis.* Frater tuus.

30. *Frater.* Pollux. Et quum Jupiter cælum Polluci daturus esset , ejus precibus factum est , ut sex mensibus Castor in cælo esset , totidem Pollux , dicente Ovidio : « Jamque tibi , Pollux , cælum sublime patebat , Quum mea , dixisti , percipe verba pater : Quod mihi das uni , cælum partire duobus , etc. » Quod ideo fingitur , quia eorum stellæ ita se ha-

bent , ut occidente una , oriatur altera ; vel quia alternis diebus lucent. Hyginus scribit , Castorem et Pollucem omnium fratrum inter se amantissimos fuisse ; quod neque de principatu contenderunt , neque ullam rem sine communi consilio gesserunt : pro quibus officiis eos Jupiter inter notissima sidera constituit.

31. *Sic juvenis , similisque tibi sit natus.* Forte *Sic superet , similisque tibi sit* ; Ep. Did. 159 : « Sic superent , quoscumque tua de gente reportes ; » hoc est , superstites sint. HEINS.

## ELEGIA VI.

### ARGUMENTUM.

Hæc inconsideratius cum superioribus conjunguntur , quum unius separatæ Elegiæ argumentum videantur exsequi. Tractatur locus communis , de vi temporis , seu consuetudinis , qua quum mitigentur et tolerabilia evadant omnia , non tamen mitigari curas et angores suos : mala sua ipsa mora ingravescere , et exasperari.

TEMPORE ruricolæ patiens fit taurus aratri ,  
 Præbet et incurvo colla premenda jugo :

1. *Tempore ruricolæ.* Hæc quæ sequuntur , apud alios , a superioribus separata leguntur ; ut ab hoc loco

nova , et quæ ordine sexta sit , Elegia incipiat. Nec male omnino , ut mea fert sententia ; nam et senten-

Tempore paret equus lentis animosus habenis,

Et placido duros accipit ore lupos :

Tempore Pœnorum compescitur ira leonum,

5

Nec feritas animo, quæ fuit ante, manet :

Quæque sui monitis obtemperat Inda magistri

Bellua, servitium tempore victa subit :

Tempus, ut extentis tumeat facit uva racemis,

Vixque merum capiant grana, quod intus habent : 10

Tempus et in canas semen producit aristas,

Et ne sint tristi poma sapore facit :

Hoc tenuat dentem terras renovantis aratri,

Hoc rigidas silices, hoc adamanta terit :

tia alia a superiore est : et quum hæc querelam miseræ suæ continuat, illa autem impetitionem ; hæc promiscue ad omnes amicos, sive lectores, illa ad solum eum cujus nomen ex circumstantiis describit, pertinere videtur. MICVL.

3. *Lentis*. Flexibilibus.

4. *Duros lupos*. Dura fræna. *Lupata* autem intelligit. Est enim *lupatum*, frænum asperum, quo equi ferociores coercentur : sic dictum, auctore Servio, à lupinis dentibus, qui inæquales sunt.

5. *Compescitur*. *Compellitur* Moreti. *Sævorum leonum* Bern.

7. *Inda bellua*. Elephantes, quia paulatim magistris parere consueverunt : nam regem adorabant, genua submittebant, coronas porrigebant, funibus subibant. MER.

9. *Racemis*. Racemi proprie sunt uvæ minores, granis exilioribus ; qui plerumque à vindemiatoribus sub pampino latentes fallentesque relictæ, post colliguntur.

11. *Tempus et in canas*. Tempore etiam frumenta nascuntur, et ad maturitatem perveniunt. *In canas*

*semen perducit aristas*. Pro *semen* unus Vatic. *semper* ; Buslid. *speciem*. Lege *spicam*, vel *segetem*, aut *messem* ; pro *perducit* pr. Vatic. et alii plurimi *producet*. HEINS.

12. *Ne sint tristi poma sapore facit*. *Cavet* eleganter Leidensis. H.

13. *Dentem terram findentis aratri*. Multi *terras findentis*, vel *scindentis* ; Barberin. et opt. Medic. cum duobus aliis et priscis editionibus, *terras renovantis* ; et placet : *renovare terram* pro *arare* passim veteres et Noster sæpe ; ut Met. I, 110 : « Nec renovatus ager gravidis canebat aristis ; » infra El. XII, 23 : « Fertilis adsiduo si non renovetur aratro, Nil nisi cum spinis gramen habebit ager. » *Terras patientis* pr. Vatic. An forte scribendum : « Adtenuat dentem tempus patientis aratri, » ut Amor. lib. I, El. ult. 31 : « Ergo quum silices, quum dens patientis aratri Depereant ævo. » HEINS.

14. *Rigidos silices*. *Rigidas* meliores magno numero ; sic et alibi. H. — In re tam dubia, ad veterem editorum lectionem redii, quia id servandum arbitrarer, unde gratior au-



- Hoc etiam sævas paulatim mitigat iras ; 15  
 Hoc minuit luctus , mæstaque corda levat.  
 Cuncta potest igitur tacito pede lapsa vetustas  
 Præterquam curas adtenuare meas.  
 Ut patria careo , his frugibus area trita est ;  
 Dissiluit nudo pressa bis uva pede. 20  
 Nec quæsita tamen spatio patientia longo est ;  
 Mensque mali sensum nostra recentis habet.  
 Scilicet , et veteres fugiunt juga curva juvenci ;  
 Et domitus fræno sæpe repugnat equus.  
 Tristior est etiam præsens ærumna priore : 25  
 Ut sit enim sibi par , crevit , et aucta mora est.  
 Nec tam nota mihi , quam sunt , mala nostra fuerunt ;  
 Sed magis hoc , quo sunt cognitiore , gravant.  
 Est quoque non minimum , vires adferre recentes ,  
 Nec præconsumptum temporis esse malis. 30  
 Fortior in fulva novus est luctator arena ,

ribus accideret sonus. Lucret. I, 572, *validi silices* ; iterumque II, 448 ; idem V, 314, *non ruere avulsos silices* ; Noster, Met. II, 708, *in durum silicem* ; et VII, 107, *silices soluti* ; neque invenio his locis quemquam, aut librum, aut hominem li-tem movisse ; lib. XI, 303, *motura duras verba silices*, ubi *duras* unus solummodo liber. Paulo ante in eodem, *in rigidos versum silices* ; sed duo *rigidas* ; quo etiam modo non nisi tres lib. XI, vers. 45 : cæteri, *te rigidi silices* : sextus restat locus lib. IX, 613, ubi sane duodecim in libris invenit Heinsius, *rigidas silices*, et ubi, neque alibi, adstipulantes habet membranas nostras. AUCTOR ELEG-  
 TORUM ETONENS.

16. *Mæstaque corda levat. Domat* Barberin. et fragmentum Vatican.

placet : Ep. Phædræ , 156, *duraquæ corda doma*. HEINS.

21. *Nec quæsita tamen spatio patientia longo est. Non quassata* unus Vatic. et Arond. sed nil muta.

23. *Scilicet, et veteres*. Dicit malum vetus sibi ita recens videri, quemadmodum jugum plerumque et frænum juvencis et equis, qui quamvis diu illis adsuæti fuerint, tamen tanquam novam molestiam plerumque rejiciunt. *Juga sæpe juvenci. Juga curva* alter Palat. placet : ita sæpe Noster : quandoque et *panda juga* ; supra hac Elegia, « Præbet et incurvo colla premenda jugo. » HEINS.

29. *Est quoque non minimum. Non nihilum* Rottendorphianus cum Leidensi, et Combianus pro diversa lectione ; *non nimium* quatuor alii.

31. *Fortior in fulva*. Exemplis ar-

Quam cui sunt tarda brachia fessa mora :  
 Integer est melior nitidis gladiator in armis ,  
 Quam cui tela suo sanguine tincta rubent :  
 Fert bene præcípites navis modo facta procellas ; 35  
 Quamlibet exiguo solvitur imbre vetus .  
 Nos quoque , quæ ferimus , tulimus patientius ante ,  
 Et mala sunt longo multiplicata die .  
 Credite , deficio , nostroque a corpore , quantum  
 Auguror , accedent tempora parva malis : 40  
 Nam neque sunt vires , neque qui color ante solebat ,  
 Vixque habeo tenuem , quæ tegat ossa , cutem .  
 Corpore sed mens est ægro magis ægra , malique  
 In circumspectu stat sine fine sui .  
 Urbis abest facies ; absunt , mea cura , sodales ; 45  
 Et , qua nulla mihi carior , uxor abest .  
 Vulgus adest Scythicum , braccataque turba Getarum :  
 Sic male , quæ video , non videoque , nocent .  
 Una tamen spes est , quæ me soletur in istis ,  
 Hæc fore morte mea non diuturna mala . 50

guit , multo magis gravare mala vetera , quam recentia . *Luctor* . Qui lucta ludit , et palæstra . Fuere autem tria athletica certamina , in quibus certabant corporibus suis , cursores , pugiles , et luctatores : alii quinque statuunt , saltus , cursus , discus , jaculum , lucta .

33. *Nitidis arenis* . In campo recentior arena strato . Alii *armis* , melius : quid enim sunt *nitidæ arenæ* ? quum *arena nitida* obponantur sordatissanguine , sive *sanguine tinctis* : de quibus vide Benth. ad Horatium , II. od. 1. BURM.

38. *Quæ mala sunt longa multiplicata die* . Et mala recte veteres ; unus

cum Bersmanni libro *quam* ; quomodo et Gronovius conjiciebat : *longo etiam die* nonnulli . HEINS.

39. *Credite , deficio* . Hoc distichon est nugatoris , non Nasonianæ manus . HEINS.

46. *Et , qua nulla mihi carior* . Scribo , *qua nemo mihi carior* ; nisi malis , *Et mihi , qua nil est carius* . HEINS.

48. *Sic mala , quæ video , non videoque , nocent* . An urbis facies et sodales absentes pro malo numerat ? non puto . Scribe *male nocent* . Quidam scripti cum primis editionibus , *Sic me movent* . HEINS. — Nostri , *mala* .

49. *Quæ me solatur . Soletur , meliores* . — Nostri , *solatur* .

## ELEGIA VII.

## ARGUMENTUM.

Miratur poeta, quod biennio jam exacto, nullas ab amico acceperit literas, quum hi præsertim ad eum scripserint, quibuscum amicitiae usus non fuerat tam probatus. Subjungit tamen malle se omnia credere, quam illum nullas ad eum dedisse literas, quas interceptas fuisse existimat: admonet postremo, ut tandem scribat, ne semper excusandus sit.

BIS me sol adiit gelidæ post frigora brumæ,  
 Bisque suum tacto Pisce peregit iter:  
 Tempore tam longo cur non tua dextera, versus  
 Quamlibet in paucos, officiosa fuit?  
 Cur tua cessavit pietas, scribentibus illis, 5  
 Exiguus nobis cum quibus usus erat?  
 Cur, quoties alicui chartæ sua vincula demsi,  
 Illam speravi nomen habere tuum?  
 Dî faciant, ut sæpe tua sit epistola dextra  
 Scripta, sed e multis reddita nulla mihi! 10  
 Quod precor, esse liquet: credam prius ora Medusæ  
 Gorgonis anguineis cineta fuisse comis;

1. *Bis me sol adiit gelidam post frigore brumam.* Alii *gelidæ post frigora brumæ*; sed minime placet illud *me sol adiit*. Forte: « Bis ver sol adiit, gelidæ post frigora brumæ. » Nam Aries Pisci succedit. HEINS.

2. *Bisque suum tacto Pisce.* Hoc dicit, quia sol a Capricorno, Aquario, et Piscibus hyemem transigit.

7. *Cur, quoties alicui dum chartæ vincula demsi. Chartæ sua vincula plurimi veteres; duo demsi sua vincula chartæ.* Sequenti versu *e multis*

meliores, non *ex. H.* — Ex his duobus versibus facile refelli potest eorum opinio, qui volebant nomen scribentis, et ejus ad quem scribimus, literis jam signatis inscribi: quum aperte hic possimus videre, intus tantum adpositum fuisse nomen scribentis.

11. *Ora Medusæ Gorgonis.* Medusæ crines in serpentes mutavit Minerva, quod cum Neptuno in suo templo concubuit, ejusque caput ad terrendos hostes ægidi imposuit.



Esse canes utero sub virginis; esse Chimæram;

A truce quæ flammis separet angue leam;

Quadrupedesque hominum cum pectore pectora junctos; 15

Tergeminumque virum, tergeminiūque canem;

Sphingaque, et Harpyias, serpentipedesque Gigantas;

Centimanumque Gygen, semibovemque virum:

Hæc ego cuncta prius, quam te, carissime, credam

Mutatam curam deposuisse mei.

20

Innumeri montes inter me teque, viæque,

Fluminaque, et campi, nec freta pauca, jacent.

Mille potest causis, a te quæ litera sæpe

13. *Esse Chimæram.* De Chimæra forma Homerus lib. sexto Iliados ita scribit: antèrius leonem, posterius vero draconem, medio autem capram, atque terribiles ex ore flammæ globos cum spiritu effundentem. Vide Natal. lib. IX, c. 4.

15. *Quadrupedesque homines.* Centauros. Lege *hominum* cum pr. Polit. prim. Vatican. et quatuor aliis; duo *hominis*. H. — *Cum pectore pectora junctos.* Centaurorum enim pectora humanis pectoribus juncta fuere: habuere enim partem pectoris humanam, partem equinam.

16. *Tergeminumque virum.* Heriolum, aut Geryonem intelligit, quos tergeminos fuisse docet Virgilius. Justinus scribit, Geryonem non triplicis naturæ fuisse, sed tres fratres tantæ concordie existisse, ut uno animo omnes regi viderentur. Horatius, lib. II, Od. XIV, vs. 7: « Qui ter amplum Geryonem, Tityonque tristi Compescit unda. »

17. *Sphingaque.* Sphinx bellua est pilo fusco, geminis mammis in pectore, muliebri facie, pedibus ac cauda leonis, pennis autem volucris. Ferunt Sphingem juxta Thebas æni-

gma hospitibus proposuisse: quod satis notum. *Et Harpyias.* Hesiodus duas tantum dicit Harpyias fuisse ex Thaumante et Electra natas, scilicet Aello et Ocypeten: tertiam addidit Maro, Celæno; earumque formam ita describit, *Æn.* III, 216: « Virginei volucrum vultus, fœdisima ventris Proluvies, uncæque manus, et pallida semper Ora fame. » *Serpentigerosque Gigantes.* Legitur etiam, *Serpentipedesque Gigantes*: hoc est, Gigantes, quorum pedes in serpentum volumina desinebant. De quibus Macrobius Saturn. lib. I. Pro *Gigantes*, *Gigantas* cum Rottendorphiano. H. — Nostri quoque, *Gigantas*; quod jure recepimus.

18. *Centimanumque Gygen.* Gyan Rottend. alii multi *Gygam*; prim. Pal. *Giam*. H. — Gyges (auctore Hesiodo) Cæli et Terræ filius fuit, fraterque Briarei et Cotti, quorum singulos centum manus habuisse dixit, et capita quinquaginta. Hi *Titanes* dicti sunt, ac decennale bellum cum Saturni filiis gesserunt. *Semibovemque virum.* Minotaurum denotat, natura duplici: nam usque ad humeros taurus, cætera homo fuit.

Missa sit, in nostras nulla venire manus.

Mille tamen causas scribendo vince frequenter, 25

Excusem ne te semper, amice, mihi.

24. *Nulla venire.* Olim editi, *rara venire*; sed Heinsius ex duobus libris *nulla* reposuit; *pauca* unus; *tarda* alius. Mox, *Mille quidem causas* Mor. *scribens tu vince* Junian. Nostri, *tamen et scribendo vince.*

## ELEGIA VIII.

### ARGUMENTUM.

Quinquagenarius poeta queritur, se jam canescere in infelicissima regione, eo tempore, quo frui debuisset patria, carissima conjuge, amicis, etc. Quæ si olim a Delphico oraculo, aut Dodonæa columba futura accepisset, vana dicit se ea responsa existimaturum fuisse: clarissimaque sententia docet, nihil tam validum esse, quod non subiaceat divinæ voluntati ac potentiæ. Postremo cæteros admonet, ut ipsius casibus moniti, Augustum, cujus potentia par est Diis immortalibus, demereantur.

JAM mea cyneas imitantur tempora plumas,

Inficit et nigras cana senecta comas:

Jam subeunt anni fragiles, et inertior ætas;

Jamque parum firmo me mihi ferre grave est.

Nunc erat, ut posito deberem fine laborum 5

Vivere, me nullo sollicitante metu;

Quæque meæ semper placuerunt otia menti,

Carpere, et in studiis molliter esse meis;

Et parvam celebrare domum, veteresque Penates,

2. *Alba senecta comas.* Hic quoque idem dicit quod superiori versu: *Jam mea cyneas*; et in aliis quæ statim sequuntur. Tibull. lib. II, El. II, vers. 19 sq: « dum tarda senectus Inducat rugas, inficiatque comas. »

C. — *Cana senecta* Hafniens. cujus puto τὸ *alba* esse glossam. BURM. — Nostri tamen *alba* præferunt.

5. *Ut posito deberem fine laborum.* Forte, *posita deberem fine labori*; *posita* ut vitetur ambiguitas. H.

Et quæ nunc domino rura paterna carent : 10  
 Inque sinu dominæ, carisque nepotibus, inque  
 Securus patria consenuisse mea.  
 Hæc mea sic quondam peragi speraverat ætas ;  
 Hos ego sic annos condere dignus eram.  
 Non ita Dis visum , qui me terraque, marique 15  
 Actum, Sarmaticis exposuere locis.  
 In cava ducuntur quassæ navalia puppes ,  
 Ne temere in mediis destituantur aquis :  
 Ne cadat, et multas palmas inhonestet adeptas ,  
 Languidus in pratis gramina carpit equus : 20  
 Miles, ut emeritis non est satis utilis annis,  
 Ponit ad antiquos, quæ tulit arma, Lares.  
 Sic igitur, tarda vires minvente senecta,

10. *Rura paterna.* Me qui sum dominus eorum. Erant autem in Pelignis.

13. *Inque sinu dominæ, carisque nepotibus.* Sodalibus primæ editiones et plurimi scripti. Sed distichon etiam hoc vix genuinum est. H.

14. *Hos ego sic annos ponere dignus eram.* Canos ponere prim. et quinque alii. Sed neque anni, neque cani hoc sensu satis latine ponuntur. Quare refingo annos condere : sic condere ætatem veteres, ut et condere soles.

16. *Sarmaticis locis.* Jugis quatuor libri veteres. H.

17. *In cava ducuntur* etc. Navium exemplo, quæ longa navigatione procellis agitata, in navalibus reponuntur, se senem dicit placida quiete uti debuisse.

19. *Ne cadat, et multas palmas inhonestet adeptas.* Locus corruptus : *ademptos* pr. Polit. et Rottendorph. *ademptus* alter Politiani ; *adeptis* pr. Vatic. alius, *adeptus* : scribe *multis adeptis*, nimirum palmis. Sed quum

*inhonestandi* verbum vix alibi obcurrat apud Nostrum, puto etiam hoc distichon esse ex iis, quæ inculcaverunt homines male feriat. H.

21. *Miles, ubi emeritis non est satis utilis armis.* Miles ut plerique veteres ; et *annis* pro *armis* : recte ; nam *arma* sequitur. Martial. « Emeritos Musis et Phœbo tradidit annos. » H. — Pessime ac fœdissime in quibusdam legitur *armis* : in aliis perspicue, *annis*. Miseret me Merulæ cum suis *emeritis armis*, quæ hic nulla sunt. Lucan, lib. I, vs. 343, *quæ sedes erit emeritis* ? et Tacit. sub finem libri I Hist. *Percennius et Vibulenus militibus agros emeritis largiemur.* — *Annis*, id est, propter senectutem. BURM.

22. *Ponit ad antiquos.* Milites singuli perfuncti militia, donabantur septenis, pluribusve aliquando, jugeribus terræ, quo possent reliquum vitæ agere. Solebant autem, quum a militia discederent, arma alicui Deo suspendere : quam rem non modo



Me quoque donari jam rude, tempus erat :  
 Tempus erat, nec me peregrinum ducere cælum, 25  
 Nec siccam Getico fonte levare sitim :  
 Sed modo, quos habui, vacuum secedere in hortos ;  
 Nunc hominum visu rursus et urbe frui.  
 Sic, animo quondam non divinante futura,  
 Optabam placide vivere posse senex. 30  
 Fata repugnarunt : quæ, quum mihi tempora prima  
 Mollia præbuerint, posteriora gravant.  
 Jamque, decem lustris omni sine labe peractis,  
 Parte premor vitæ deteriore meæ :  
 Nec procul a metis, quas pæne tenere videbar, 35  
 Curriculo gravis est facta ruina meo.  
 Ergo illum demens in me sævire coegi,  
 Mitius immensus quo nihil orbis habet ?  
 Ipsaque delictis victa est clementia nostris ;  
 Nec tamen errori vita negata meo ? 40  
 Vita procul patria peragenda sub axe Boreo,  
 Qua maris Euxini terra sinistra jacet.  
 Hæc mihi si Delphi, Dodonaque diceret ipsa,  
 Esse viderentur vanus uterque locus.  
 Nil adeo validum est, adamas licet adliget illud, 45  
 Ut maneat rapido firmius igne Jovis.

milites faciebant, sed etiam gladiatores. Quem morem designat Horatius in lib. I, Epist. 1, 5 : « Vejanus, armis Herculis ad postem fixis, latet abditus agro. »

27. *Vacuus secedere in hortos.* Lege *vacuum*, hoc est otiosum ; vide supra, Eleg. III, vs. 77. H.

33. *Decem lustris.* Quinquaginta annis. *Lustrum* autem tempus quinquennale.

34. *Parte premor vitæ deteriore meæ.*

Ætas enim post annum quinquagesimum solet esse deterior.

41. *Peragenda sub axe Boreo est.* Tolle cum melioribus scriptis *τὸ est*.

43. *Hæc mihi si Delphos.* Lege *Delphi* cum pr. Polit. quomodo et Scaliger in ora codicis sui ; quinque alii *Delphis*.—Hoc etiam meliores. H.

44. *Esse videretur.* *Viderentur* Gotthorp, venuste. H.

45. *Nil adeo validum.* Suspectum distichon, et male cohærens aliis.

Nil ita sublime est, supraque pericula tendit;

Non sit ut inferius subpositumque Deo.

Nam quamquam vitio pars est contracta malorum;

Plus tamen exitii numinis ira dedit.

50

At vos admoniti nostris quoque casibus este,

Æquantem Superos emeruisse virum.

50. *Plus tamen exitii.* Ostendit nomen in eo suam vim et potestatem, quod me supra meritum punivit, et quantum collibuit; non quantum

mea noxa commeruit. P. — *Plus tamen exitii.* Malim *exitio*; plus ad exitium contulit. H. — Sed omnes *exitii* tuentur scripti et editi.

## ELEGIA IX.

### ARGUMENTUM.

Inimico minatur poeta, se in eum scripturum, ni a conviciis desistat.

Si licet, et pateris, nomen facinusque tacebo,

Et tua Lethæis acta dabuntur aquis;

Nostraque vincetur lacrymis clementia seris:

Fac modo, te pateat pœnituisse tui;

Fac modo te damnes, cupiasque eradere vitæ

5

Tempora, si possis, Tisiphonæa tuæ.

Sin minus, et flagrant odio tua pectora nostro,

4. *Pœnituisse tui.* Pœnituisse ejus quod in me fecisti. MER. — Pœnitet aliquem sui, quum consilia et facta sua damnat, sibi que displicet. P.

6. *Tempora Tisiphonæa.* Tempora flagitiosa; furialia et nocentia, id est, cupias non dici meo versu, semper flagitiis operam dedisse, et no-  
cuisse, ut Tisiphone furia. M. — *Cupiasque eradere vitæ Tempora Tisi-*

*phonæa.* Hoc est, fac te damnes, et cupias ex vita tua eradicare, sive penitus, si modo possis, tollere, id quod est Tisiphones proprium, hoc est, invidiam et studium nocendi. Vel: cupias eradere tempora Tisiphonæa vitæ tuæ, pro, studeas abolere, et ex vitæ tuæ rebus actis tollere, ea quæ scelerate aliquando fecisti. MICYL.

Induet infelix arma coacta dolor.

Sim licet extremum, sicut sum, missus in orbem,

Nostra suas istuc porriget ira manus. 10

Omnia, si nescis, Cæsar mihi jura reliquit,

Et sola est patria pœna carere mea :

Et patriam, modo sit sospes, speramus ab illo :

Sæpe Jovis telo quercus adusta viret.

Denique, vindictæ si sit mihi nulla facultas, 15

Pierides vires et sua tela dabunt.

Ut Scythicis habitem longe submotus in oris,

Siccaque sint oculis proxima signa meis;

Nostra per immensas ibunt præconia gentes,

Quodque querar, notum, qua patet orbis, erit : 20

Ibit ad occasum, quidquid dicemus, ab ortu ;

Testis et Hesperiae vocis Eous erit.

Trans ego tellurem, trans latas audiar undas ;

Et gemitus vox est magna futura mei.

Nec tua te sontem tantummodo secula norint : 25

Perpetuæ crimen posteritatis eris.

11. *Omnia jura mihi reliquit.* Quod jus est civi in maledicum et obtrectatorem, hoc mihi Cæsar non ademit. In jus per amicos vocaturum subindicat. P.

13. *Et patriam, modo sit sospes.* Modo sospes erit Vaticanus optimus. Scribe sospes eat; Fast. IV, vs. 519, *Sospes eas semperque parens.* H.

16. *Et sua tela.* Malim in sua tela, hoc est in arma poetica. H.

18. *Siccaque sint oculis proxima signa.* Per signa intelligit Ursam majorem et minorem. quibus Septentrionem designat.—*Sicca* autem appellatur, quia nunquam occidunt.

21. *Ibit in occasum.* Quidquid a me de te dicitur, id cum aliis scriptis

meis celebrabitur per totum terrarum orbem. P.

22. *Vocis Hesperiae.* Carminis Latini. MER.—*Testis et Hesperiae.* Hesperiam vocem intellige, non Latinam tantum, sed eam quæ in Hesperia, hoc est, occidente edetur. Ut sit dictum : ejus vocis, sive querelæ, quæ in occidente edetur, testis erit Eous, sive is qui in oriente degit ; ut sit ἀντίθεσις ejus quod præcedit.

23. *Trans altas audiar undas. Trans latas* antiqui quatuor ; quod præstat.

25. *Ne tua te. Nec tua* scribe. H.

26. *Perpetuæ crimen posteritatis eris.* Καὶ τοῖς ἱσαμίνουσιν ἐπιθήσεται Homer. quod et in bonam et in malam partem accipitur.



Jam feror in pugnās, et nondum cornua sumsi;

Nec mihi sumendi causa sit ulla velim.

Circus adhuc cessat; spargit tamen acer arenam

Taurus, et infesto jam pede pulsat humum. 30

Hoc quoque, quam volui, plus est: cane, Musa, receptus,

Dum licet huic nomen dissimulare suum.

27. *Et nondum cornua sumsi. Nondum mihi cornua* prim. Vatic. et tres alii; pr. Polit. et duo *nondum mihi*; prim. Palat. et *non mihi*. H. — Nondum sumsi calamum et chartam, quibus te petam, ut cornibus taurus feras in arena secum depugnantes.

29. *Circus adhuc cessat.* Nondum taurus in Circo irritatur. Effigies enim hominum ex fœno veste rubra cooperto, fieri solebant, quibus obiectis ad spectaculum præbendum tauri irritarentur. Postea ita luxus inolevit, ut Phœniciis vestibus usi

fuerint. — *Spargit tamen acer arenam Taurus.* Tamen sese taurus paulatim ad pugnam accendit: quibus verbis inimico idem minatur se facere. — *Spargit jam torvus* prim. Vatic. prim. Palat. et tres alii. H.

31. *Cane, Musa, recessus.* Prim. Vatican. prim. Palat. et septem alii cum primis editionibus *receptus*: bene. H. — Receptus, seu receptui canere dicimus, quum tubæ signo exercitus e prælio revocatur.

32. *Dum licet huic.* Non lædendo me ulterius.

## ELEGIA X.

### ARGUMENTUM.

Posteritati consulturus, patriam suam, genusque, et vitæ transactæ fata describit Naso; et ad exilii sui tempora delapsus, incommoda ejus Musarum auxilio sese lenire docet.

ILLE ego, qui fuerim, tenerorum lusor amorum,

Quem legis, ut noris, accipe, posteritas.

Sulmo mihi patria est, gelidis uberrimus undis,

Millia qui novies distat ab urbe decem:

1. *Ille ego, qui fueram. Fuerim* pr. Vatic. et tres alii; probe. H.

3. *Sulmo mihi patria est.* Sulmo oppidum fuit Pelignæ regionis.

4. *Millia qui novies distat ab urbe decem.* Perspicue ex hoc loco patet breviora milliaria, quam nunc sunt, antiquitus fuisse. Sulmonem enim

Editus hic ego sum ; necnon , ut tempora noris , 5

Quum cecidit fato consul uterque pari.

Si quid id est , usque a proavis vetus ordinis heres ,

Non modo fortunæ munere factus eques.

Nec stirps prima fui ; genito jam fratre creatus ,

Qui tribus ante quater mensibus ortus erat. 10

Lucifer amborum natalibus adfuit idem :

Una celebrata est per duo liba dies.

Hæc est armiferæ festis de quinque Minervæ ,

Quæ fieri pugna prima cruenta solet.

non XC , sed vix tandem LXX millia passuum nunc Roma abesse , oportune hic indicandum duxi. Cognoscitur etiam ex libro primo de Bello civili , ubi Cæsar Sulmonem Corfinio (cujus hodie vix minimæ supersunt parietinæ) VII millium intervallo abesse ait ; quum hodie vix quinque distare certum sit. BURM.

5. *Editus hinc ego sum. Hic meliores ; pro ut tempora noris*, Richelianus , *si tempora quæris* ; nam *noris* præcesserat : sic in Fastis , lib. VI , vs. 767 : « Tempora si veteris quæris temeraria damni. » H.

6. *Quum cecidit fato consul uterque pari*. Hirtium et Pansam consules designat , qui apud Mutinam pugnantes contra Antonium , pop. rom. hostem judicatum , ceciderunt.

7. *Si quid id est , usque a proavis vetus ordinis heres. Si quis et a proavis usque est*, vel *si quid*, vetustiores magno numero ; alii aliter. Lego : « Si quid id a proavis usque est vetus ordinis heres ; » Amor. lib. III , Eleg. ult. vs. 5 : « Si quid id est , usque a proavis vetus ordinis heres ; » in Ponticis , lib. IV , Ep. VIII , vs. 17 : « Si genus excutias , equites ab origine prima Usque per innumeros inveniémur avos. » H.—*Si quid id*,

*a proavis*. Ordo est : et sum factus eques non nunc et recens modo munere fortunæ , sed longa successione , et unde a majoribus heres sum dignitatis equestris.—*Munere fortunæ*. Non modo divitiis , quæ sunt bona fortunæ : qui enim quadringenta sestertia possidebant , equestri dignitate donabantur , et 14 ordinibus in theatro spectandi gratia sedebant. Quidam legunt , *Non sum fortunæ* ; male omnino. CIOF.

9. *Genito sum fratre creatus. Genito jam rectius in Medoniano* ; duo alii *genito sine*. H.

11. *Amborum. Ambobus* Mediceus.

12. *Una celebrata est*. Idem dies natalis , mihi illique celebratus.

13. *Armigeræ festis de quinque Minervæ*. Secundum diem ex quinque Minervæ consecratis designat. Prima enim die ludi gladiatorii , ut sequentibus diebus , non exhibebantur. Fuere autem *quinqvatria* Minervæ festa 13 Kal. April. hoc est , 20 die Martii , dicta a quinquatro die , quod post diem quintum celebrantur : vide Alex. ab Alex. lib. II , cap. 22 ; et ibid. Tiraquell. Natus ergo Ovid. 12 Kalend. April. sc. 21 Martii.

14. *Qua fieri pugna. Quæ veteres*.

Protinus excolimur teneri, curaque parentis, 15  
 Imus ad insignes urbis ab arte viros.  
 Frater ad eloquium viridi tendebat ab ævo,  
 Fortia verbosi natus ad arma fori.  
 At mihi jam puero cælestia sacra placebant,  
 Inque suum furtim Musa trahebat opus. 20  
 Sæpe pater dixit : studium quid inutile tentas?  
 Mæonides nullas ipse reliquit opes.  
 Motus eram dictis, totoque Helicone relicto,  
 Scribere conabar verba soluta modis :  
 Sponte sua carmen numeros veniebat ad aptos; 25  
 Et, quod tentabam dicere, versus erat.  
 Interea, tacito passu labentibus annis,  
 Liberior fratri sumta mihiq̃ue toga est;  
 Induiturque humeris cum lato purpura clavo ;  
 Et studium nobis, quod fuit ante, manet. 30  
 Jamque decem vitæ frater geminaverat annos,  
 Quum perit, et cœpi parte carere mei.

16. *Ab arte viros.* Insignes ab arte accipio eos, qui artibus quibuscumque docendis, insignes ac celebres tum fuere. MICYL.

18. *Fortia verbosi.* Fortia verba vocat, oratorum orationes, propter summam eloquentiæ vim, quæ animos quo vult adducit, et unde vult deducit.

19. *Cælestia sacra.* Poesin intelligit. MER. — An *Permessia sacra*? tale quid latet. H.

20. *Inque suum furtim.* Quia pater fieri me poetam nolebat : itaque eo inscio factitabam versiculos. P.

22. *Mæonides.* Homerus.

26. *Et, quod tentabam scribere.* Rectius plurimi ex antiquis *dicere*; nam *scribere* præcessit. H. — *Quod conabar* Bern. melius nostrum.

28. *Liberior toga.* Togam virilem designat, quam nobiles adolescentes apud Romanos sumebant in festo Liberi patris, 16 Kalend. April. deposita prætexta.

29. *Induiturque humeris.* Pr. Vatic. Junian. et duo alii cum priscis editionibus, *humeros*; quod mihi religioni fuit non movere : sic et Met. IX, vs. 158, in nonnullis scriptis : « Induiturque humeros Lernæ virus Echidnæ. » H. — *Cum lato purpura clavo.* Lato clavo utebantur et nobiliores et senatores, qui ab eo *Laticlavi* adpellabantur. Martial. lib. V, Epigr. xvii, vs. 3 sq: « Dum te posse negas, nisi lato, Gellia, clavo Nubere; nupsisti, Gellia, cistifero. »

31. *Jamque decem* etc. Jam annum vigesimum compleverat. P.



Cepimus et teneræ primos ætatis honores,  
Eque viris quondam pars tribus una fui.

Curia restabat; clavi mensura coacta est:

35

Majus erat nostris viribus illud onus.

Nec patiens corpus, nec mens fuit apta labori,

Sollicitæque fugax ambitionis eram:

Et petere Aoniæ suadebant tuta sorores

Otia, judicio semper amata meo.

40

Temporis illius colui fovique poetas;

Quotque aderant vates, rebar adesse Deos.

Sæpe suas volucres legit mihi grandior ævo,

Quæque necet serpens, quæ juvet herba, Macer:

33. *Primos honores.* Magistratus, qui primo adolescentibus dabantur: ut ædilitas, quæstura, triumviratus, cæterique qui minores dicebantur.

34. *Deque viris.* Eque scripti potiores; et opus pro onus proximo pentametro. H. — Triumvirum se fuisse innuit. Cæterum varii fuere hujus nominis magistratus: quidam *triumviri capitales* dicebantur, de quibus hic Merula exponit; alii *monetales*, qui æri, argento, auro flando ac feriundo præfecti erant: alii *nocturni*, per quos nocturnæ seditiones arcerentur a civibus, et quies urbi servaretur. Alii coloniis deducendis creabantur. Vid. Fenestellam.

35. *Mensura clavi.* Mensura vestis senatoriæ, per quam senatoriam designat dignitatem. MER. — *Clavi mensura coacta est.* Latus clavus, senatorum gestamen proprie erat, quo illi a reliquis ordinibus distinguebantur. Intelligit ergo poeta, solam dignitatem senatoriam reliquam fuisse, quam adhuc consequeretur: sed ab ea consequenda abstinuisse se, quia id onus humeris suis majus fuisset; eoque mensu-

ram clavi, hoc est, latitudinem, coactam apud se, id est, coarctatam, et quasi accisam fuisse. Quod autem supra dixit, « Induiturque humeros cum lato purpura clavo, » id eo modo accipiendum fortassis, ut dicamus statim post sumtam virilem togam, etiam clavi dignitatem consequutum, veluti spem quamdam senatorii ordinis; sed postea, quum videret se ei honori, vel ut ipse ait, oneri, esse imparem, eandem deposuisse. MICYL.

37. *Nec mens fuit apta labori.* Nonnulli erat apta. Si quid video, scripserat Ovidius, *nec mens satis apta labori*; et erat pro *eram* versu proximo; quomodo supra: « Non domus apta satis, non hic cibus utilis ægro. »

40. *Semper amata. Amanda* prim. Vatican.

44. *Quæque necet serpens, quæ juvat herba, Macer.* Multi veterum *juvet*. Lege cum primo Polit. *necet et juvet*. Noster, Remed. Am. 421: « Parva necat, morsu spatiosum viperæ taurum. » H. — Æmilius Macer, poeta Veronensis, herbas, serpentes, et volucres carmine complexus

Sæpe suos solitus recitare Propertius ignes, 45  
 Jure sodalitii qui mihi junctus erat:  
 Ponticus heroo, Bassus quoque clarus iambo  
 Dulcia convictus membra fuere mei:  
 Et tenuit nostras numerosus Horatius aures,  
 Dum ferit Ausonia carmina culta lyra: 50  
 Virgilium vidi tantum; nec avara Tibullo  
 Tempus amicitiae fata dedere meæ.  
 Successor fuit hic tibi, Galle; Propertius illi:  
 Quartus ab his serie temporis ipse fui.  
 Utque ego majores, sic me coluere minores; 55  
 Notaque non tarde facta Thalia mea est.  
 Carmina quum primum populo juvenilia legi,  
 Barba resecta mihi bisve semelve fuit:  
 Moverat ingenium, totam cantata per urbem,  
 Nomine non vero dicta Corinna mihi. 60  
 Multa quidem scripsi: sed quæ vitiosa putavi,

est: qui (ut scribit Eusebius) 3o olympiade in Asia periit: vide Scallig. poet. lib. VI, cap. 5.

47. *Ponticus heroo*. Ponticus poeta heroico carmine Thebanum bellum scripsit. — *Battus quoque clarus iambo*. Alii *Bacchus*. Lege *Bassus pede clarus iambo*. Noster alibi: «Jungitur herous cum brevioris pede;» et in Fastis, lib. II, vs. 126: «heroi res erat ista pedis.» Meminit tam Bassi quam Pontici poetarum Propertius. H.

48. *Dulcia convictus*. Convictores mei fuerunt, ὁμόστροι.

49. *Horatius numerosus*. Horatius optimus poeta, vel a copia, vel ab elegantia numerosus dictus; vel etiam a varietate numerorum ac pedum, quos lyrica metra recipiunt. Natus est ante Ovidium annis 22.

50. *Dum ferit Ausonia carmina*

*culta lyra*. *Aonia lyra* quatuor veteres: an *Æolia lyra*? Horatius de se ipso, lib. II, Od. xxx, vers. 10: «Dicar, qua violens obstrepit Ausonius, Princeps Æolium carmen ad Italos Deduxisse modos.» Æolica enim dialecto lyrici græci potissimum usi: hinc *Æolia lyra*. H. — *Dum ferit*. Dum plectro chordas feriendo cantat; hoc est, dum pariter sonat lyra, et cantat carmina.

51. *Nec avara fata*. Nec Deorum voluntates; quas ideo *avaras* appellat, quoniam celerius Tibullum rapuerunt, quam fas erat: admodum enim juvenis periit.

52. *Tempus amicitiae*. Quia periit me puero, aut antequam possem eum videre. Alii tamen volunt, eodem anno, et eadem die cum Ovidio natum. Unde exstat Ovidii de ejus morte Elegia; Vol. II, pag. 198.

Emendaturis ignibus ipse dedi :

Tum quoque, quum fugerem, quædam placitura cremavi,  
Iratus studio carminibusque meis.

Molle, Cupidineis nec inexpugnabile telis 65

Cor mihi, quodque levis causa moveret, erat.

Quum tamen hoc essem, minimoque accenderer igni,  
Nomine sub nostro fabula nulla fuit.

Pæne mihi puero nec digna, nec utilis uxor

Est data; quæ tempus perbreve nupta fuit: 70

Illi successit, quamvis sine crimine, conjux;

Non tamen in nostro firma futura toro :

Ultima, quæ mecum seros permansit in annos,

Sustinuit conjux exsulis esse viri.

Filia me prima mea bis sæcunda juventa, 75

Sed non ex uno conjuge, fecit avum.

Et jam complerat genitor sua fata, novemque

Addiderat lustris altera lustra novem.

Non aliter flevi, quam me fleturus ademtum

Ille fuit; matri proxima justa tuli. 80

63. *Quum fugerem.* Quum in exsiliū proficiscerer; lib. IV de Ponto, El. v, 33 sq : « Te sibi, quum fugeret, memori solet ore referre, Barbariæ tulas exhibuisse vias. »

65. *Molle, Cupidineis.* Fatetur aperte, se animo nimis molli et effeminato fuisse, quum se nugis illis scribendis dederit. P.

68. *Nomine sub nostro fabula nulla fuit.* Hoc dicit : nulla unquam de me fuit fabula, vel rumor ullus sinister, quod notatus fuerim infamia. MER.

69. *Pæne mihi puero.* Vix pueritiam egresso, scil. anno circiter 16, quum primam uxorem duceret. — *Nec digna, nec utilis uxor.* Tres uxores subinde duxit. Cum duabus prioribus fecit divortium : cum tertia diu

vixit, quæ exsulem non erubuit. P.

73. *Seros permansit in annos.* *Socios annos* tres libri, ut epistola Phyllidis, 33 : « Promissus socios ubi nunc hymenæus in annos? » H.

75. *Filia me mea bis prima.* Perilla. Turbati numeri, quos ita concinna : « Filia me prima mea bis sæcunda juventa. » H.

78. *Novemque Addiderat lustris altera lustra novem.* Hoc est, ad novagesimum annum pervenerat.

80. *Matri proxima busta tuli.* In eodem matris sepulcro patrem condidi. Lege *justa tuli* : alterum Latinum vix est. Valer. Flaccus, lib. V, vs. 6, « Tum comiti pia justa tulit; » Statius, Theb. VI, 168, « quid inania fertis Justa rogis? » Theb.



Felices ambo, tempestiveque sepultos,  
 Ante diem pœnæ quod periere meæ!  
 Me quoque felicem, quod non viventibus illis  
 Sum miser, et de me quod doluere nihil!  
 Si tamen extinctis aliquid, nisi nomina, restat, 85  
 Et gracilis structos effugit umbra rogos;  
 Fama, parentales, si vos mea contigit, umbræ,  
 Et sunt in Stygio crimina nostra foro;  
 Scite, precor, causam, nec vos mihi fallere fas est,  
 Errorem jussæ, non scelus, esse fugæ. 90  
 Manibus id satis est: ad vos, studiosa, revertor,  
 Pectora, qui vitæ quæritis acta meæ.  
 Jam mihi canities, pulsus melioribus annis,  
 Venerat, antiquas miscueratque comas;  
 Postque meos ortus, Pisæa vinctus oliva, 95

XII, 34: « Certamen, qui justa ferant, qui funera ducant; » sic *dare justa*: Fast. III, 560: « germanæ justa dat ante suæ; » Fast. VI, 492: « Et dederat miseris omnia justa rogis, » quod male mutant; Statius, Theb. IX, 517: « certe tumulos supremaque victis Justa dabas; » ubi male *Busta* nunc legitur: familiaris ista vox Statio. Lucanus, lib. IX, 67: « nunquam dare justa licebit Conjugibus; » quomodo illic veterrimus codex Vossianus: sic et *peragere justa* Noster, Met. II, 627, *injustaque justa perexit*; quæ ibi vera est scriptura.

81. *Felices ambo. Ambos* unus Vatican. et tum *sepultos* quoque sit scribendum: sed *ambo* etiam quarti casus est. H.

85. *Si tamen extinctis aliquid, nisi nomina, restat.* Sensus est: si tamen aliquid restat defunctis hominibus, præter nomen. Hoc est: si quis sensus est post hanc vitam, animæque

hominum, ut aiunt, immortales sunt.

86. *Et gracilis structos effugit umbra rogos.* Propert. lib. IV, El. VII, vs. 1 sq: « Sunt aliquid manes; letum non omnia finit; Lucidaque evictos effugit umbra rogos. »

87. *Umbræ parentales.* O animæ parentum meorum.

88. *Sunt in Stygio foro.* Cognoscuntur hominum scelera a iudicibus infernis, qui sunt Minos, Æacus et Rhadamanthus.

92. *Quæ vitæ quæritis acta meæ.* Qui tres scripti; quod præstat. H.

93. *Pulsus melioribus annis.* Deteriores anni sunt senectutis, quia multa senem circumvallant incommoda. P.—« Sed enim gelidus tardante senecta Sanguis hebet, frigentque effætæ in corpore vires; » Virg. Æneid. V, 395.

94. *Antiquas miscueratque comas.* Nigris albas inspersionat.

95. *Pisæa oliva.* Oliva, qua apud

Abstulerat decies præmia victor eques ;  
 Quum, maris Euxini positos ad læva, Tomitas  
 Quærere me læsi principis ira jubet.  
 Causa meæ, cunctis nimium quoque nota, ruinæ  
 Indicio non est testificanda meo. 100  
 Quid referam comitumque nefas, famulosque nocentes?  
 Ipsa multa tuli non leviora fuga.  
 Indignata malis mens est succumbere, seque  
 Præstitit invictam viribus usa suis:  
 Oblitusque togæ, ductæque per otia vitæ, 105  
 Insolita cepi temporis arma manu :  
 Totque tuli terra casus pelagoque, quot inter  
 Occultum stellæ conspicuumque polum.  
 Tacta mihi tandem, longis erroribus acto,  
 Juncta pharetratis Sarmatis ora Getis : 110  
 Hic ego, finitimis quamvis circumsoner armis,

Pisascoronabantur victores in Olympico certamine.

96. *Abstulerat decies* etc. Decem Olympiadas; quinquaginta annos.

102. *Ipseque multa tuli non leviora fuga*. Tò *Ipseque* mendosum est; *Ipse* optimus Mediceus; alii duo *Ipsaque*; unus *Ipsa ego*; prim. Politian. *Ipsa*: recte; nisi quod scribi malo: « A quis multa tuli non leviora fuga: » de famulis enim et comitibus queritur etiam Pont. II, Eleg. VII, 61: « Recta fides comitum poterat mala nostra levare; Ditata est spoliis perfida turba meis. » Muretus, teste Ciofano, *Et quæ multa tuli*. Scaliger asterisco locum notarat; Richelianus: « Ipsa morte tuli non leviora mala. » H.

105. *Oblitusque mei*. *Togæ* idem Richelianus. H.—Et oblitus pristinae meæ tranquillitatis, naturæque meæ tenerioris, et vitæ molliter actæ.

106. *Insolita cepi temporis arma manu*. Tum prius Scaliger; perperam: sic *temporis vultus* Nostro, Met. XIII, 444: « Temporis illius vultum referebat Achilles, Quo ferus injusto petiit Agamemnona ferro; » et *temporis solatia* apud Ausonium, Parent. « Admittunt alii solatia temporis ægre; » ita scribe: nam *ægri* perperam legitur. Potest et τὸ *temporis cum insolita* construi. H.—*Cepi arma temporis*. Cæpi tempori cedere, et necessitati parere, ut virum fortem decet.

108. *Occultum polum*. Per occultum polum, Australem: per conspicuum vero, Septemtrionalem intelligit; Virgilius, Georg. I, 242: « Hic vertex nobis semper sublimis; at illum Sub pedibus Styx atra videt, manesque profundi. » MER.

111. *Circumsonor armis*. *Circumsoner* meliores. H.

Tristia, quo possum, carmine fata levo :  
 Quod, quamvis nemo est, cujus referatur ad aures,  
 Sic tamen absumo decipioque diem.  
 Ergo, quod vivo, durisque laboribus obsto, 115  
 Nec me sollicitæ tædia lucis habent,  
 Gratia, Musa, tibi : nam tu solatia præbes ;  
 Tu curæ requies, tu medicina mali ;  
 Tu dux, tuque comes ; tu nos abducis ab Istro ;  
 In medioque mihi das Helicone locum : 120  
 Tu mihi, quod rarum, vivo sublime dedisti  
 Nomen, ab exsequiis quod dare fama solet.  
 Nec, qui detrectat præsentia, livor iniquo  
 Ullum de nostris dente momordit opus :  
 Nam, tulerint magnos quum sæcula nostra poetas, 125  
 Non fuit ingenio fama maligna meo :  
 Quumque ego præponam multos mihi ; non minor illis  
 Dicor, et in toto plurimus orbe legor.  
 Si quid habent igitur vatium præsentia veri,  
 Protinus ut moriar, non ero, terra, tuus. 130  
 Sive favore tuli, sive hanc ego carmine famam,  
 Jure tibi grates, candide lector, ago.

116. *Lucis sollicitæ.* Vitæ, quæ me sollicitum et anxium reddit. MER.

118. *Tu medicina venis.* Malis Hafniensis ; Hamburgensis *mali* pro diversa lectione : utrumque præstat lectioni vulgatæ. H.

119. *Tu dux, et comes es. Tu comes* es aliquanto nervosius quinque veteres ; pro *tu nos abducis*, tres *me subducis* ; totidem *deducis*. Lege, *tu me seducis ab Istro*. H.—*Ab Istro*. A To-

mitana urbe, Istro flumini finitima.

123. *Detrectat præsentia.* Lacerat viventium opera. MER.

130. *Protinus ut moriar.* Sic et Horat. de seipso, lib. II, Od. ult. « Non usitata, nec tenui ferar Penna, bifformis per liquidum æthera vates. » *Non ero tuus.* Non sepeliar totus, aut oblivioni tradar : sed mea fama supra terras sese adtollet ; fiamque immortalis. MER.



PUBLII OVIDII NASONIS  
TRISTIUM  
LIBER QUINTUS.

ELEGIA PRIMA.

ARGUMENTUM.

Mittens Romam e Scythia ultimum librum Ovidius, sui studiosos monet, ut quatuor prioribus libellis, hunc etiam addant; excusatque se non potuisse materiam aliam, quam tristem, rebusque miseris et perditis convenientem, sumere. Quod si in patriam revocetur, scripturum se jocosam et lætam profitetur; simulque veniam petit, si quid sit, quod lectorem offendat.

**H**UNC quoque de Getico, nostri studiose, libellum

Litore, præmissis quatuor adde meis.

Hic quoque talis erit, qualis fortuna poetæ;

Invenies toto carmine dulce nihil:

Flebilis ut noster status est, ita flebile carmen,

5

Materiæ scripto conveniente suæ.

Integer et lætus, læta et juvenilia lusi:

Illam tamen nunc me composuisse piget.

1. *De litore Getico.* De litore Tomitanæ urbis, quæ litori Getico adjacebat. — *Nostri studiose.* Duo veteres missum, studiose. HEINS.

2. *Quatuor meis præmissis.* Libellis Tristium, antea Romam missis.

6. *Suæ materiæ.* Materiæ poetæ, quæ est tristis.

7. *Integer et lætus.* Donec eram lætus pr. Polit. pr. Vatican. pr. Pal. et duo alii, male; supra: « Integer hanc potui nuper bene reddere lucem. » H. — *Integer.* Non relegatus. — *Læta et juvenilia.* Læte juvenilia Lovan. et Servii; male. Noster hic libros de Arte amandi significat.

Ut cecidi, subiti perago præconia casus,

Sumque argumenti conditor ipse mei.

19

Utque jacens ripa, deflere Caystrius ales

Dicitur ore suam deficiente necem :

Sic ego, Sarmaticas longe projectus in oras,

Efficio tacitum ne mihi funus eat.

Delicias si quis, lascivaque carmina quærit,

15

Præmoneo nunquam scripta quod ista legat.

Aptior huic Gallus, blandique Propertius oris,

Aptior, ingenium come, Tibullus erit.

9. *Perago præconia.* Sum præco, et scribo. — *Subiti casus.* Subitæ relegationis. MER.

10. *Sumque argumenti conditor.* Ipsemet mihi materiam ad scribendum subpeditavi; alii aliunde sumunt; quoniam calamitatis meæ quam deploro, habeo præter me, auctorem neminem. PONT.

11. *Caystrius ales.* Cynus ad Caystrum fluvium pervolans.

12. *Ore deficiente.* Deficiente spiritu, vel corpore. — *Dicitur deflere suam necem.* Dicitur plorare mortem suam; quod docet etiam Aristoteles, de Natura animalium libro nono. At mihi neque aliæ aves præ dolore videntur canere, neque cyni: sed quia Phœbo sacri sunt, ut arbitror, divinatione præditi, præsagiunt alterius vitæ bona: ideoque cantant, alacriusque gestiunt ea die, quam superiori tempore. MER.

14. *Ne funus.* Ne relegatio mea. *Eat mihi tacitum.* A me silentio prætereat. Vel, ne quasi summo cum silentio diem meum obeam. MER.

16. *Præmoneo nunquam scripta quod ista legat.* Non satis Latinum: pro *nunquam* pr. Vatican. pr. Pal. et Richel. *nostra.* Castigabam aliquando: « Præmoneo nunquam scripta

quid ista legat, » vel *nusquam*; ut τὸ ut subintelligatur, τὸ quid redundet. Capoferreus me monebat videri sibi legendum: « Præmoneo nunquam Tristia nostra legat. » Non male: nisi quod versus hic mihi pro Ovidiano non est, ut nec ille, qui mox sequitur. H. — Versu hoc, *quod*, aut perperam huc irrepsisse credo; aut novo atque inusitato modo, pro *ut*, positum esse, dicendum est. M.

18. *Atque alii, quorum nomina magna vigent.* Pro quo prim. Polit. pr. Pal. pr. Vatic. et quatuor alii ex melioribus optime: « Aptior, ingenium come, Tibullus erit. » Qui, quin genuinus sit ipsius Nasonis, dubitari non potest. Æmilius Probus in Dion: « Dion autem, præter nobilem propinquitatem, generosamque majorum famam, multa alia ab natura habuit bona: in his ingenium docile, come, aptum ad artes optimas. » Tacitus, Annalium VI: « Artabanum Scythas inter eductum, ob sævitiam exsecrati, come Tiridatis ingenium Romanas per artes sperabant. » Sic *comis anus* in Fastis; *comis amica* et similia passim apud Nostrum. Cicero in Limone, Fragm. poem. « Tu quoque, qui solus lecto sermone, Terenti... Quidquid come loquens. »

Atque utinam numero ne nos essemus in isto!

Heu mihi! cur unquam Musa jocata mea est?

20

Sed dedimus pœnas; Scythicique in finibus Istri

Ille pharetrati lusor Amoris abest.

Quod superest, animos ad publica carmina flexi,

Et memores jussi nominis esse sui.

Si tamen e vobis aliquis, tam multa, requireret,

25

Unde dolenda canam; multa dolenda tuli.

Non hæc ingenio, non hæc componimus arte;

Materia est propriis ingeniosa malis.

Et quota fortunæ pars est in carmine nostræ?

Felix, qui patitur, quæ numerare valet!

30

Quot frutices silvæ, quot flavus Tybris arenas,

Mollia quot Martis gramina campus habet;

Tot mala pertulimus: quorum medicina quiesque

Nulla, nisi in studio, Pieridumque mora est.

Quis tibi, Naso, modus lacrymosi carminis? inquis: 35

19. *Nos non essemus in isto.* Non nos quidam ex melioribus; ne nos pr. Pal. quod placet; nisi mavis nec nos. HEINS.

20. *Musa locuta mea est. Jocata* Combi, et fragmentum Vaticanum. Quomodo et Vossianus pro diversa lectione: vere; sic *jocosam Musam suam* vocat, Trist. II, 354: «Vita verecunda est, Musa jocosa mihi;» lib. III, Eleg. II, 6: «Quodque magis vita Musa jocosa mea est.» Simile mendum apud Phædrum non semelprehendimus: ut lib. IV, initio, *hoc sunt jocati modo*: ubi *locuti* perperam nunc legitur. HEINS.

22. *Lusor Amoris adest.* Immo *abest* cum melioribus.

23. *Quod superest, socios.* Bene pr. Polit. et Rottendorph. *animos*; ac sequenti versu *nominis sui* non

*mei*; pr. Vatic. *animum*: et mox *e vobis* fragmentum Vaticanum. H.

30. *Numerare potest. Valet* Combianus: mox *quot flavus Tybris arenas* puto, non *flavas*.

32. *Mollia quot.* Leidensis codex, *millia*; sed *molle*, proprium graminis epitheton, facit ut nil mutem: infra Eleg. IV, vs. 9, *nec aperto mollia prato Gramina*; ita *pabula mollia* in Ibide, vers. 137; et passim. BURM.—*Martis campus.* Tacit. lib. I. Ann. in campo Martis, sede destinata cremari vellent. CIOF.

34. *Pieridumque mora.* Opinor præstare *Pieridumque choro*: sic infra El. III, 9: «Quique prius mollem, vacuumque laboribus egi In studiis vitam Pieridumque choro.» Sic et Pont. I, Eleg. v, 58: «Pieriis invigilate choris.» HEINS.



Idem, fortunæ qui modus hujus erit.  
 Quod querar, illa mihi pleno de fonte ministrat;  
 Nec mea sunt, fati verba sed ista mei.  
 At mihi si cara patriam cum conjuge reddas,  
 Sint vultus hilares, simque quod ante fui; 40  
 Lenior invicti si sit mihi Cæsaris ira,  
 Carmina lætitiæ jam tibi plena dabo.  
 Nec tamen ut lusit, rursus mea litera ludet:  
 Sit semel illa meo luxuriata malo.  
 Quod probet ipse, canam; pænæ modo parte levata, 45  
 Barbariem, rigidos effugiamque Getas.  
 Interea nostri quid agant, nisi triste, libelli?  
 Tibia funeribus convenit ista meis.  
 At poteras, inquis, melius mala ferre silendo,  
 Et tacitus casus dissimulare tuos. 50  
 Exigis, ut nulli gemitus tormenta sequantur;  
 Acceptoque gravi vulnere flere vetas.  
 Ipse Perilleo Phalaris permisit in ære  
 Edere mugitus, et bovis ore queri:  
 Quum Priami lacrymis offensus non sit Achilles, 55

36. *Idem, fortunæ qui modus.* Desinam lacrymosa scribere, quum desinet causa lacrymarum mearum.

44. *Sit semel illa joco luxuriata meo.* — *Joco suo* Hafniensis: placet; nisi quod scribendum puto: « Sat semel illa joco luxuriata suo est. » Tanaquillus Faber in Epistolis: « Sit satis illa malo luxuriata meo. » Quod quidem Zulichemianæ membranæ confirmant, in quibus: « Sit semel illa meo luxuriata malo. » *Semel* quoque non *satis* reliqui castigatiores: mox *Barbariem* pro *Barbariam* meliores. HEINS.

45. *Quod probet. Probat* Moreti; *Quæ probet illa* Leid. *ipsa* tres alii;

male: *ipse* est Augustus; *ipse* ut Græcis αὐτός, honoris provocabulo, dux, rex, et princeps sæpe vocantur.

47. *Interea nostri quid agant, nisi triste, libelli.* Puto, *quid dent, nisi triste*; nam Combianus *agent*: sic Pont. lib. I, Eleg. 1, 16: « Non minus hoc illo triste, quod ante dedi. » HEINS.

48. *Ista tibia.* Iste sonus funestus: id est, hoc triste scribendi genus. Solebant autem majores funera ad tibiam efferre. Vide Hier. Magium Miscel. lib. I, c. 13; Brod. lib. IV, cap. 30.

53. *In ære. In ore* Lovan.

55. *Offensus non sit. Non est offensus* Lovan.

Tu fletus inhibes, durior hoste, meos:  
Quum faceret Nioben orbam Latoia proles,

Non tamen et siccas jussit habere genas.

Est aliquid, fatale malum per verba levare:

Hoc querulam Procnen Halcyonenque facit.

60

Hoc erat, in gelido quare Pæantius antro

Voce fatigaret Lemnia saxa sua.

Strangulat inclusus dolor, atque exæstuat intus;

Cogitur et vires multiplicare suas.

Da veniam potius, vel totos tolle libellos;

65

56. *Tu' fletus inhibes.* Scripti *Tu* sine interrogationis nota. HEINS.

57. *Quum faceret Nioben orbam.* Niobe, Tantali filia, fuit soror Pelopis, et Amphionis uxor, quæ septem filios et totidem filias peperit, summo decore præstantes. Tali prole superbiens admodum gloriabatur, se Latonæ præferens numero filiorum. Itaque ira motam fabulæ Latonam ferunt, Apollinique ut Niobes filios, Dianæ, ut filias arcu interficerent, mandasse: vide Ovidium, *Metamorph.* VI, 301 sqq.

59. *Per verba levare.* *Levari* malo cum uno Patavino: paulo ante etiam legendum *Num tamen pro Non.* H.

60. *Hoc querulam.* Malim *Hoc querulas.* H. — *Hoc facit* etc. Hæc causa facit, ut Procne querulo cantu dolorem levaret: quæ fuit filia Pandionis regis Atheniensium; vide fab. apud Ovid. *Metam.* VI et XI; et Apollodor. lib. III. *Halcyonasque.* Ceyx, filius Luciferi, habuit conjugem Halcyonem, a qua quum prohibitus ivisset ad consulendum Apollinem de statu regni sui, naufragio periit. Cujus corpus quum ad uxorem Halcyonem delatum fuisset, illa se præcipitavit in pelagus. Et conversi sunt

ambo in aves marinas, quæ Halcyones vocantur. Fabulam narrat Ovidius, *Met.* libro XI, 742 sqq.

61. *In gelido Pæantius antro.* «Saxum illud Lemnium clamore Philocteteo funestare;» Cic. de finib. lib. II; ubi hanc fabulam præclare in suos usus transfert. «Contempla hanc sedem, in qua ego novem hymnes saxo stratus pertuli;» Attius. *Μαθὶ σύντροφον ὄμμα' ἔχων.* Sophocl. fab. 7. *Pæantius.* Philoctetes Pæantis filius: vide Ovid. *Met.* lib. XIII, 45: «Non te, Pæantia proles, Expositum Lemnos nostro cum crimine haberet, Qui nunc, ut memorant, silvestribus abditus antris, Saxa moves gemitu, Laertiadæque precaris, etc.»

63. *Strangulat inclusus dolor.* Ostendit dolorem compressum graviter hominem conficere. *Atque exæstuat intus.* Plurimi scripti, et editi quidam, *atque cor æstuat*; quod Heinio non probatur; nam *exæstuar* utitur Noster, *Metam.* lib. VIII, vs. 559, et 867; et de bitumine, quod e terra *exæstuat*, Justin. lib. II; unde elegans hæc metaphora illustrari apte posset. — Ambo mei codices manifeste dant *cor æstuat*; quod forsân rectius foret propter duplicem

Hoc, mihi quod prodest, si tibi, lector, obest.  
Sed neque obesse potest : ulli nec scripta fuerunt  
Nostra, nisi auctori perniciosa suo.

At mala sunt ; fateor : quis te mala sumere cogit ?

Aut quis deceptum ponere sumta vetat ?

70

Ipse nec emendo : sed, ut hic deducta legantur,

Non sunt illa suo barbariora loco :

Nec me Roma suis debet conferre poetis ;

Inter Sauromatas ingeniosus ero.

Denique nulla mihi captatur gloria, quæque

75

Ingenio stimulos subdere fama solet.

Nolumus adsiduis animum tabescere curis,

Quæ tamen irrumpunt, quoque vetantur, eunt.

Cur scribam, docui : cur mittam, quæritis, istos ?

Vobiscum cupiam quolibet esse modo.

80

metaphoram, *dolor strangulat, et exæstuat.*

66. *Si mihi quod prodest, hoc tibi.* Pr. Pol. pr. Vatic. prim. Pal. et tres alii, *Sic mihi quod prodest si.* Forte : « Id, mihi quod prodest, si tibi, lector, obest. » HEINS.

69. *At mala sunt.* Minellii nota est : « Negavit hæc scripta ulli obesse : hic objectioni respondens, ea mala quidem esse profitetur, sed neminem ad eorum lectionem cogi, quod a se non emendentur. »

70. *Aut quis. Quid unus Vatican.*

71. *Ipse nec hoc mando. Ipsa* pr. Polit. et duo alii ; quidam *Ipse nec emendo* ; pr. Vatic. *Ipsa nec emendo.*

74. *Ingeniosus eram. Ero multi vterus : putem eo, ut in Amoris, III, El. VIII, vs. 8. « Turpiter huc illuc ingeniosus eo. »* HEINS.

75. *Captatur gloria. Captantur sæcula* Leidensis.

76. *Ingenio stimulos. Ingenii meliores : puto Ingeniis.* HEINS.

77. *Nolumus adsiduis.* Sensus est : scribo hæc, non gloriæ comparandæ gratia ; sed ne animus, adsiduis curis sollicitatus, semperque in pænæ imaginem intentus, mœrore conficiatur, atque tabescat.

78. *Quæ tamen irrumpunt* etc. Tamen usque recurrunt ; quamvis coner scribendo curas levare, non tamen possum.

79. *Cur mittam, quæritis, istos. Isto* repono. Tanaquillus Faber in Epistolis, *isthoc* pari sensu ; ut Romam subintelligas. HEINS.

80. *Vobiscum cupio. Cupiam* Julianus. *Quolibet modo.* Versibus : quandoquidem non licet corpore. — Ambo Regii codices dant *cupi*, et *quo licet* ; quod apud nullos invenio, nec tamen prorsus rejiciendum arbitror.



## ELEGIA II.

## ARGUMENTUM.

Ad uxorem scribens, dicit se corpore bene valere, quamvis mente langueat; ostenditque dolorem eundem esse, qui primo fuit, quum relegatus sit ab Augusto. Postea commemorat incommoda, quibus sine fine conficitur: et quandoquidem levis sit exsilii causa, et magna Cæsaris clementia, pro marito roget, hortatur; nec ullam sibi spem relictam, quam Augusti clementiam.

**ECQUID**, ut e Ponto nova venit epistola, palles?

Et tibi sollicita solvitur illa manu?

Pone metum; valeo: corpusque, quod ante laborum

Impatiens nobis invalidumque fuit,

Sufficit, atque ipso vexatum induruit usu.

An magis infirmo non vacat esse mihi?

Mens tamen ægra jacet, nec tempore robora sumsit;

Adfectusque animi, qui fuit ante, manet:

Quæque mora, spatioque suo coitura putavi

Vulnera, non aliter, quam modo facta, dolent.

Scilicet exiguis prodest annosa vetustas;

Grandibus accedunt tempore damna malis.

Pæne decem totis aluit Pæantius annis

Pestiferum tumido vulnus ab angue datum:

5. *Sufficit. Durat, sustinet. MRR.*

6. *Et magis infirmo.* Non, inquit, tempus est, ut magis sim infirmus et invalidus: nam corpus multis malis vexatum obcalluit, et adsuevit omnia perpeti. Sunt qui legant per interrogationem, *An magis infirmo* etc. An ideo firmum mihi corpus, quia unde infirmus sit, amplius nihil est?

12. *Tempore.* Diuturnitate tempo-

ris. MER.—*Grandibus accedunt.* Magna incommoda ab annis incrementum accipiunt, et gravius animus discruciant. Sic Cic. Philip. V: «Omne malum nascens facile obprimitur: inveteratum fit plerumque robustius.» PONT.

13. *Pæantius.* Philoctetes.

14. *Vulnus ab angue datum.* *Virus* primæ editiones, et unus Vaticanus

Telephus æterna consumptus tabe perisset, 15  
 Si non, quæ nocuit, dextra tulisset opem.  
 Et mea, si facinus nullum commisimus, opto,  
 Vulnera qui fecit, facta levare velit;  
 Contentusque mei jam tandem parte laboris,  
 Exiguum pleno de mare demat aquæ. 20  
 Detrahat ut multum, multum restabit acerbi;  
 Parsque meæ pœnæ totius instar erit.  
 Litora quot conchas, quot amœna rosaria flores,  
 Quotve soporiferum grana papaver habet;  
 Silva feras quot alit, quot piscibus unda natatur; 25  
 Quot tenerum pennis aera pulsat avis;  
 Tot premor adversis : quæ si comprehendere coner,  
 Icarïæ numerum dicere coner aquæ.  
 Utque viæ casus, ut amara pericula ponti,

cum Arondeliano. H. — *Vulnus pestiferum ab angue.* Sagittam Herculis intellige, hydræ veneno infectam. Nota est fabula : « Cui viperino morsu venæ viscerum Veneno imbutæ tetros cruciatus cient; » Attius. Deinde tamen restitutus est arte Machaonis : « Tarda Philoctetæ sanavit crura Machaon; » Propert. lib. II, Eleg. I, vers. 61. Alii sagittis Herculis, veneno armatis, vulnus accepisse tradunt.

15. *Telephus æterna consumptus* etc. « Vulneris auxilium Pelias hasta tulit. » MER.

18. *Qui fecit. Quæ fecit* Leidens.

19. *Parte doloris. Laboris sex libri;* quod magis adridet. HEINS.

20. *Exiguum pleno.* Alibi dixit se non fluctibus, sed toto Oceano fuisse obrutum, miseriarum suarum multitudinem et magnitudinem volens exprimere. *Mare* dixit ἀρχαῖον; pro, mari. PONT.

21. *Multum restabit acerbi. Acervi* pr. Palat. pr. Vatican. et tres alii; malim *acervo*; pœnæ videlicet. H.

22. *Totius instar erit.* Ostendit tantam esse malorum magnitudinem, ut etiam si quid detrahatur, nihil sibi imminutum videatur.

23. *Quot amœna rosaria flores. Quot enos ptua.* pr. Polit. *quot enos hostia* Rottendorph. *quod amenos hostia* pr. Vatic. et prim. Palatinus. Puto scribendum : « Pæstana rosaria flores; » sic *Pæstana rosæ*, Pont. II, Eleg. IV, 28; et *biferi rosaria Pæsti* apud Maronem, Georg. IV, vs. 119.

24. *Quodve soporiferum.* Papaveris sativi tria sunt genera. Candidum, cujus semen tostum in secunda mensa cum melle apud antiquos dabatur : alterum nigrum : tertium genus *Tyram* vocant.

26. *Quod tenerum pennis aera pulsatur avis.* Quot cum scriptis : malim etiam *sulcat*. HEINS.

Ut taceam strictas in mea fata manus ;

30

Barbara me tellus , orbisque novissima magni

Sustinet ; et sævo cinctus ab hoste locus.

Hinc ego trajicerer , neque enim mea culpa cruenta est ,

Esset , quæ debet , si tibi cura mei.

Ille Deus , bene quo Romana potentia nixa est ,

35

Sæpe suo victor lenis in hoste fuit.

Quid dubitas ? quid tuta times ? accede , rogaque :

Cæsare nil ingens mitius orbis habet.

Me miserum ! quid agam , si proxima quæque relinquunt ?

Subtrahis effracto tu quoque colla iugo ?

40

Quo ferar ? unde petam lapsis solatia rebus ?

Anchora jam nostram non tenet ulla ratem.

Viderit : ipse sacram , quamvis invisus , ad aram

Confugiam : nullas submovet ara manus.

Adloquor en absens præsentia numina supplex ,

45

30. *Strictas in mea* etc. De necessi-  
bi a comitibus in itinere intentata ,  
hæc accipe.

33. *Trajicerer*. In locum clemen-  
torem mitterer ab Augusto. — *Est*  
*cruenta*. Est capitalis , quod quem-  
quam occiderim.

37. *Quid dubitas , et tuta times ?*  
*Quid tuta* tres antiqui , nervosius. H.

40. *Subtrahis et fracto*. *Effracto*  
*jugo* prim. Polit. et quatuor alii ;  
*e fracto* pr. Vatican. Sic *effractum*  
*ebur* restitui apud Claudianum , de  
bello Gildonico , vs. 136. HEINS.

43. *Viderit*. Ipse Cæsar provide-  
rit , posteaquam a cæteris destituor.  
— Heumannus , in parergis criticis ,  
pag. 117 , legit , *Ni petis , ipse sa-*  
*cram* etc. Vellem potius ingenii vi-  
res intenderent viri industrii in lo-  
cis corruptis et difficilibus restituen-  
dis , quam erudito otio abutèrentur  
in sanis vitiandis. Sensus vero egre-

gius ex vulgata illa formula *Viderit :*  
viderit Augustus , quam illi invi-  
diam conflaturus sim apud omnes ,  
si ego destitutus ab omnibus ami-  
cis , et propter levissimam culpam  
gravissimæ pœnæ damnatus , confu-  
giam ad aram sacram , tanquam in-  
expiabile crimen , et morte cruen-  
ta dignum , commiserim. BURM.

45. *Adloquar en absens absentia*  
*numina supplex*. *Adloquor* potiores :  
præterea scribendum puto , *præsen-*  
*tia numina* ; quod acumen non in-  
tellexere insciti librarii : Trist. II ,  
54 , Augustum vocat *præsentem con-*  
*spicuumque Deum* ; et Pont. lib. I ,  
El. II , vs. 107 , de eodem : « Quam-  
que dedere mihi præsentia numina  
vitam , Non adimat stricto squal-  
lidus ense Getes ; » Metam. XV ,  
vs. 622 : « Pandite nunc , Musæ , præ-  
sentia numina vatum ; » de Baccho  
Metam. IV , vers. 658 : « neque enim



Si fas est homini cum Jove posse loqui.  
 Arbiter imperii, quo certum est sospite cunctos  
 Ausoniæ curam gentis habere Deos ;  
 O decus, o patriæ per te florentis imago ;  
 O vir non ipso, quem regis, orbe minor ; 50  
 Sic habites terras ! sic te desideret æther !  
 Sic ad pacta tibi sidera tardus eas !  
 Parce, precor ; minimamque tuo de fulmine partem  
 Deme : satis pœnæ, quod superabit, erit.  
 Ira quidem moderata tua est, vitamque dedisti ; 55  
 Nec mihi jus civis, nec mihi nomen abest :  
 Nec mea concessa est aliis fortuna ; nec exsul  
 Edicti verbis nominor ipse tui.  
 Omniaque hæc timui, quia me meruisse videbam :  
 Sed tua peccato lenior ira meo est. 60  
 Arva relegatum jussisti visere Ponti,  
 Et Scythicum profuga findere puppe fretum.

præsentior illo Est Deus. » Cicero, Tusculan. Quæst. lib. I, « Hercules tantus et tam præsens Deus habetur. » Vossii excerpta *cælestia numina*. H. — Mirum est, quam ob causam hæc quæ sequuntur a superioribus divellant quidam ; quum per se posita, neque exordium, aut caput habeant : et superiores proximi vèrsus, omnino cum sequentibus hic cohæreant. Est enim hæc sententia : quando igitur cæteri vos omnes deseritis me, neque quisquam pro me deprecari sustinet, ego ipse ad aram, hoc est, ad Cæsarem accedam, eumque licet absentem, absens supplicibus verbis, quatenus fas est hominem cum Deo loqui, adloquar, et orabo, in hunc modum videlicet : *O arbiter imperii* etc. MICYL.

46. *Cum Jove*. Cum Augusto.

47. *Arbiter* etc. *Arbiter*, inquit Festus, dicitur iudex, quod totius rei habeat arbitrium ac facultatem.

50. *Non ipso, quem regis*. Tanti faciente, quanti totus simul orbis : par orbi.

52. *Ad sidera pacta tibi*. Ad cælum tibi promissum. *Pro pacta*, in quibusdam *parta* : utrumque rectum.

54. *Quod superabit*. *Superare*, superare, restare.

57. *Nec mea concessa est aliis fortuna*. Nec mihi fortunas meas ademit Augustus ; quod exsulibus fieri solebat.

59. *Quoniam meruisse videbar*. *Quia me meruisse videbam* prim. Polit. pr. Vatic. pr. Pal. et tres alii ex melioribus. HEINS.

62. *Scindere puppe*. *Findere* sex, quod mollius. HEINS.

Jussus, ad Euxini deformia litora veni

Æquoris : hæc gelido terra sub axe jacet.

Nec me tam cruciat nunquam sine frigore cælum, 65

Glebaque canenti semper obusta gelu,

Nesciaque est vocis quod barbara lingua Latinæ,

Graiaque quod Getico victa loquela sono,

Quam quod finitimo cinctus premor undique Marte,

Vixque brevis tutum murus ab hoste facit. 70

Pax tamen interdum, pacis fiducia nunquam est:

Sic nunc hic patitur, nunc timet arma, locus.

Hinc ego dum muter, vel me Zancleæ Charybdis

Devoret, aque suis ad Styga mittat aquis :

Vel rapidæ flammis urar patienter in Ætnæ; 75

Vel freta Leucadii mittar in alta Dei.

Quod petitur, pœna est : neque enim miser esse recuso ;

Sed precor, ut possim tutius esse miser.

63. *Deformia*, Litus proprie maris est; ripa fluminis. Interdum adpellatur litus, quod juxta aquam est.

64. *Gelido sub axe*. Septemtrionali.

66. *Canenti gelu*. Canentia frigora alibi adpellavit, quod quasi canitiem terræ inducant. *Obusta*, quia et frigus urere dicitur.

68. *Graiaque quod Getico*. Propter colonos e Græcia eo deductos. *Victa loquela sono est*. Meliores plerique *juncta*; alii nonnulli cum priscis editionibus *mista*. Nos veram lectionem exhibuimus : sic infra El. VII, 51 : « In paucis exstant Græcæ vestigia linguæ, Hæc quoque jam Getico barbara facta sono. » HEINS.

70. *Vixque brevis tutus*. Tutum rectius Patavin. et Zulichem. lib. IV, Eleg. I, vers. 70 : « Vixque sui tutum mœnibus esse loci. » H.—*Brevis murus*. Id est, humilis, non altus, ἀνυψώτερον. PONT.

71. *Pacis fiducia nunquam*. Nunquam certa est pax.

72. *Sic hic nunc*. *Sic hoc* quidam; alii, *Hic sic*; lego, *Sic nunc hic*, quod mollius. BURM.

73. *Panthea Charybdis*. *Zancleæ Charybdis*: sic enim poetæ eam adpellant, ab urbe Siciliæ Zancle, sic adpellata a specie falcis; siquidem, auctore Thucydide, falcem Siculi *zanclem* adpellant : nam loca ea curva fuisse, docet etiam Strabo.

76. *Leucadii Dei*. *Leucadio Deo* uterque Polit. pr. Vatican. opt. Med. et Regius; alter etiam Politiani *apta* pro *alta*: an *Leucadio modo*? ut Fast. V, 630 : « Tristia Leucadio sacra peracta modo. » Ita enim ibi veteres nonnulli. At Trist. III, Eleg. I, 42 : « An quia Leucadio semper amata Deo est? » HEINS.

77. *Quod petimus*. *Petit* bene duo veteres; unus *patitur*; multi *patimur*.

## ELEGIA III.

## ARGUMENTUM.

Queritur Ovidius, quod quum Bacchi festum celebretur, sibi una cum cæteris poetis Romæ esse non liceat, ut antea solebat: miraturque illum sibi uni ex ejus cultoribus non opem tulisse. Demum illum, studiique consortes poetæ precatur, ut a Cæsare reditum impetrent.

ILLA dies hæc est, qua te celebrare poetæ,  
 Si modo non fallunt tempora, Bacche, solent;  
 Festaque odoratis innectunt tempora sertis,  
 Et dicunt laudes ad tua vina tuas.  
 Inter quos memini, dum me mea fata sinebant, 5  
 Non invisa tibi pars ego sæpe fui:  
 Quem nunc, subpositum stellis Cynosuridos Ursæ  
 Juncta tenet crudis Sarmatis ora Getis.  
 Quique prius mollem vacuumque laboribus egi  
 In studiis vitam, Pieridumque choro; 10  
 Nunc procul a patria, Geticis circumsonor armis,  
 Multa prius pelago, multaque passus humo:  
 Sive mihi casus, sive hoc dedit ira Deorum;

1. *Qua te celebrare poetæ.* Bacchi festum celebrabatur 15 Kalend. Apriles a poetis; concitantur enim et ipsi ut sacerdotes Bacchi: atque ideo et hedera coronantur. Ejussacra Julius Cæsar primus Romam transtulit. De hujus Dei sacris legito Ovid. lib. III Fastorum. MER.

3. *Innectunt tempora.* Magnus olim sertorum usus in diebus festis, sacrificiis, symposiis, quia signum lætitiæ. PONT.

4. *Et dicunt laudes ad tua vina tuas.* Scribe ad sua vina: sic frequentissime Noster: pro vina unus festa; alius jussa. Forte musta. HEINS.

5. *Dum me mea fata sinebant.* Quum nondum eram relegatus ab Augusto. Virgil. Æn. IV, vs. 651: dum fata Deus que sinebant.

7. *Stellis Erymanthidos ursæ.* Ursæ Arcadicæ, ab Erymantho monte Arcadiæ adpellatæ. Cynosuridos præcipui ex antiquis: et recte. HEINS.



Nubila nascenti seu mihi Parca fuit :  
 Tu tamen, e sacris hederæ cultoribus unum 15  
 Numine debueras sustinuisse tuo.  
 An, dominæ fati, quidquid cecinere sorores,  
 Omne sub arbitrio desinit esse Dei?  
 Ipse quoque æthereas meritis invecus es arces;  
 Qua non exiguo facta labore via est. 20  
 Nec patria est habitata tibi : sed ad usque nivolum  
 Strymona venisti, Marticolamque Geten;  
 Persidaque, et lato spatiantem flumine Gangen,  
 Et quascumque bibit discolor Indus aquas.  
 Scilicet, hanc legem, nentes fatalia Parcæ 25  
 Stamina, bis genito bis cecinere tibi.  
 Me quoque, si fas est exemplis ire Deorum,  
 Ferrea sors vitæ difficilisque premit :  
 Illo nec levius cecidi, quem magna locutum

18. *Desinit esse Dei.* Deum rectius pro gentili theologia liber Leidens.

19. *Æthereas meritis invecus es arces.* *Æthereas es merito vectus in arces* prior Vaticanus; *invecus* Polit. alter; sed nihil muto: nam illud verbum *invehi* proprium triumphantium, ut apud Romanos, *invehi Capitolium* dicebantur. Lucan. VIII, 553: « nec ter Capitolia curru Invecus; » Flor. VI, 2, « Cæsar in patriam victor invehitur; » et ita millies alii. Quidam, *auras*, male.

20. *Quo non exiguo.* Qua meliores.

21. *Nec patria.* Thebæ.

22. *Strymona.* Strymon fluvius est, qui in confinio Thraciæ et Macedoniæ ex Æmo decurrit: ibi per æstus maxime grues morantur; unde Maro eas *Strymonias* adpellavit. *Marticolamque Geten.* Belli cupidos Thracas.

23. *Persidaque, et lato spatiantem.*

Persis tota altissimis vallatur montibus, initium capiens a portis Caspiis, qua iter in austrum, atque usque ad mare protenditur: quod ab ea Persicum est adpellatum. *Gangen.* Ganges, Indiæ fluvius, est maximus omnium fluminum, quæ in tribus continentibus memorantur. Vide Plin. lib. VI, cap. 18.

24. *Decolor Indus.* Quidam *discolor*; utrumque probum dixi ad Met. H.—Indiæ populus niger, et mali coloris, ob nimium solis ardorem. Plin. lib. VI, cap. 17. MER.

26. *Stamina.* Carmina Strozæ liber: de qua voce vide ad Claudianum, II, in Eutrop. vs. 458. H.—*Bis genito bis* etc. Bis genitum adpellat Bacchum, quoniam primum ex Semele, deinde ex femore Jovis, in lucem venit: hinc *bimater* et *διττογενής* dictus.

29. *Quem locutum.* Capaneum.

Reppulit a Thebis Juppiter igne suo. 30  
 Ut tamen audisti percussus fulmine vatem,  
 Admonitu matris condoluisse potes.  
 Et potes, adspiciens circum tua sacra poetas,  
 Nescio quis nostri, dicere, cultor abest.  
 Fer, bone Liber, opem : sic altam degravet ulmum 35  
 Vitis, et incluso plena sit uva mero.  
 Sic tibi cum Bacchis Satyrorum gnava juventus  
 Adsit, et adtonito non taceare sono.  
 Ossa bipenniferi sic sint male pressa Lycurgi,

32. *Admonitu matris.* Ad Semelem, Bacchi matrem, referas, quæ Jovis fulmine conflagravit: quemadmodum poeta Augusti ictu prostratus est. Vide Natal. I. V, c. 13.

33. *Circum tua sacra poetas.* *Sua sacra* duo Vaticani: ut sæpe apud Nostrum: et *sua vina* paulo ante.

35. *Sic altera degravet ulmum.* *Sic altam* meliores; quod verum est. H.

36. *Mero incluso.* Vino intus latentis. Hoc ideo dicit, quoniam Bacchus vini usum mortalibus tradidit. *Laticemque Lyæum* Virg. Æneid. I, vers. 690.

37. *Sic tibi cum Bacchis.* Tradunt Bacchum in exercitu mulierum copiam circumduxisse, armatam hastis pampinis involutis: Silenum quoque pædagogum ac nutritorem, qui ei plurimum ad virtutem et gloriam resque bellicas profuit: Satyrosque etiam, quorum opera in saltationibus ac tragædiis oblectabatur: eorum enim risu ac joco vitam omnem felicem traducebat. Vide Natal. lib. V, cap. 7. *Satyrorum gnava juventus.* Ita uterque Politiani; multi *grata* cum priscis editionibus, vel *læta*; alii *Graia*, vel *prona*, vel *lecta*, vel *gnara*, vel *ignava*, vel *sacra*: sed perperam. Codex Petri Servii na-

*ra*, ut Pont. lib. I, Eleg. x, vs. 12, *nava juvenia* pro *gnava* in antiquissimis libris legitur: ubi pari modo variant scripti codices. Calpurnius, Eclog. v, 11: « Jam pro me gnavam potes exercere juventam; » venit enim ἀπὸ τοῦ *navare*: Silius, lib. V, vs. 412 sq: « Laurigeris decus illud avis, navaque juvenia Florebat. » Ita illo loco vetustissimus codex Coloniensis: vulgati *vana*: pari modo et alibi non semel in Silio peccatum.

38. *Adtonito non taceare sono.* Et sacrificiis celebreris, in quibus hominum clamore, et strepitu cymbalorum ac tympanorum, omnia resonabant. *Adtonito sono.* Sono bacchantum et furentum in tuis sacris. Sic in primo de Arte amandi, 537: « sonuerunt cymbala toto Litore, et adtonita tympana pulsa manu. »

39. *Ossa bipenniferi...* Sic male cubent. Insignes inter eos in quos animadvertit Bacchus, ferunt Græcum Penthea, cujus fabulam habes apud Ovid. in Metam. lib. III, vers. 511 sqq, et Lycurgum Thracem. Ovidius enim scribit Lycurgum Thracum regem fuisse, qui Bacchum Deum esse negabat: ob quod quum donaretur securi vites incidere, crura sibi amputavit. Unde *bipennifer* adpellatur.

Impia nec pœna Pentheos umbra vacet. 40  
 Sic micet æternum, vicinaque sidera vincat,  
 Conjugis in cælo Cressa Corona tuæ.  
 Huc ades, et casus releves, pulcherrime, nostros,  
 Unum de numero me memor esse tuo.  
 Sunt Dîs inter se commercia: flectere tenta 45  
 Cæsareum numen numine, Bacche, tuo.  
 Vos quoque, consortes studii, pia turba, poetæ,  
 Hæc eadem sumto quisque rogare mero:  
 Atque aliquis vestrum, Nasonis nomine dicto,  
 Deponat lacrymis pocula mista suis; 50  
 Admonitusque mei, quum circumspexerit omnes,  
 Dicat: ubi est nostri pars modo Naso chori?  
 Idque ita, si vestrum merui candore favorem,  
 Nullaque iudicio litera læsa meo est:  
 Si, veterum digne veneror quum scripta virorum, 55  
 Proxima non illis esse minora reor.  
 Sic igitur dextro faciatis Apolline carmen:  
 Quod licet, inter vos nomen habete meum.

Ovid. in Met. IV, 22: « Penthea, tu venerande, bipenniferumque Lycurgum Sacrilegos mactas. »

40. *Umbra Pentheos.* Penthei anima. Vide Ovid. III Metamorph.

42. *Clara Corona tuæ.* Zulichemia-nus *Cressa Corona*: optime. H. — Ariadnen, à Theseo in Naxo insula destitutam, Bacchus uxorem duxit. Fabulam refert Ovid. in I de Arte amandi. De Corona vero Ariadnæ, legito Hyginum, qui rem multis verbis prosequitur. MER.

43. *Huc ades, et casus releves.* Lege *ut releves*, vel *et releva*. H. — *Pulcherrime.* Quia ipse Bacchus et Apollo semper juvenes, imberbes, et virginea facie. PONT.

44. *Sis memor esse tuo.* Non dubium est, quin longe melior et verior sit nostra lectio, *me memor*.

50. *Deponat lacrymis.* Scripti plerique *Obponat*, vel *Adponat*.

54. *Nullaque iudicio.* Si nullius vestrum carmen notavi unquam: aut, si in quemquam vestrum mordacem versum nunquam distinxî.

56. *Proxima non illis.* Si arbitror, proxima vestra carmina antiquis non esse inferiora. *Proxima* autem, aut vicina, aut nuper a vobis edita.

58. *Nomen habere meum.* *Habete* cum melioribus. H. — Solo nomine sim vobiscum, quandoquidem corpore non possum, propter Augustum: vel, mei memores estote.



## ELEGIA IV.

## ARGUMENTUM.

Epistolam ab Euxino litore Romam venisse, coramque laudare amici fidem, inducit Ovidius. Eum postremo precatur, ut se constanter tueatur.

LITORE ab Euxino Nasonis epistola veni,  
 Lassaque facta mari, lassaque facta via;  
 Qui mihi flens dixit: tu, cui licet, adspice Romam;  
 Heu! quanto melior sors tua sorte mea!  
 Flens quoque me scripsit: nec qua signabar, ad os est 5  
 Ante, sed ad madidas gemma relata genas.  
 Tristitiæ causam si quis cognoscere quærit,  
 Ostendi solem postulat ille sibi;  
 Nec frondem in silvis, nec aperto mollia prato  
 Gramina, nec pleno flumine cernit aquas: 10  
 Quid Priamus doleat, mirabitur, Hectore raptō;  
 Quidve Philoctetes ictus ab angue gemat.  
 Dī facerent utinam, talis status esset in illo,  
 Ut non tristitiæ causa dolenda foret!

8. *Postulat ille sibi.* *Postulet* malo cum Hamburgensi, et Arondelia-  
 no: versu proxime sequenti malim  
 quoque *aprico prato* quam *aperto*;  
 etsi vulgatam minime damnem. Ho-  
 ratius, lib. I, Ep. xiv, vs. 36: «Mul-  
 ta mole docendus aprico parcere  
 prato;» et Arte poetica, vers. 162:  
 «Gaudet equis, canibusque, et apri-  
 ci gramine campi;» lib. I, Od. viii,  
 v. 3, *cur apricum oderit campum*; li-  
 bro III, Od. xviii, v. 2, apud eum-

dem habes *aprica rurā*; et *apricos  
 flores* lib. I, Od. xxvi, 7. HEINS.

12. *Ictus ab angue.* Vel sagitta, ve-  
 neno hydræ illita, percussus: vel re-  
 vera a serpente ictus.

13. *Dī facerent utinam.* Hoc disti-  
 chon vix Latinum est, et multo mi-  
 nus Ovidian. H.—Si eradatur hoc  
 distichon, non video quomodo prio-  
 ribus cohæreant sequentiā: quare  
 corruptum potius credo, et ita le-  
 gendum: «Dī facerent utinam, va-

Fert tamen, ut debet, casus patienter amaro, 15

More nec indomiti fræna recusat equi :

Nec fore perpetuam sperat sibi numinis iram,

Conscius in culpa non scelus esse sua.

Sæpe refert, sit quanta Dei clementia ; cujus

Se quoque in exemplis adnumerare solet : 20

Nam quod opes teneat patrias, quod nomina civis,

Denique quod vivat, munus habere Dei.

Te tamen, o ! si quid credis mihi carior, ille,

Omnibus, in toto pectore semper habet :

Teque Menætiaden, te qui comitavit Oresten, 25

Te vocat Ægiden, Euryalumque suum :

Nec patriam magis ille suam desiderat, et quæ

Plurima cum patria sentit abesse sua ;

Quam vultus, oculosque tuos, o dulcior illo

Melle, quod in ceris Attica ponit apis ! 30

Sæpe etiam, mœrens tempus reminiscitur illud,

Quod non præventum morte fuisse dolet.

tī status esset in illo, Ut mihi (vel sibi) tristitiæ causa docenda foret ! » Utinam mihi, poetæ, status ille esset, ut liceret causam, minime manifestam, tristitiæ silere : sed quum illa sit omnibus nota, quia sum ejectus in ultimam barbariem, mallem in eo esset status meus, ut deberem docere causam tristitiæ, id est, ut in tali loco essem positus, cujus non pœniteret, si pœna crimini meo conferretur, et injuria me queri omnes dicerent. *Ut mihi* est in quinque scriptis ; *Ut sibi* in Vossiano. BURM.

15. *Fert tamen* etc. Virtutis est, ut secundam fortunam moderate, ita adversam ferre patienter. PONT.

17. *Numinis*. Augusti. MER.

19. *Sæpe refert*. *Sæpe refert secum sit quanta clementia* Leidensis con-

tra metrum : *Sæpe refert, quæ tanta Dei Putean. patientia* Lovan.

20. *Adnumerare solet*. *Connumerare* Arondel. HEINS.

21. *Nam quod opes*. Jam nonnulli ex præstantioribus. HEINS.

23. *Carius ille*. *Carior* multi ex melioribus, ut et priscæ editiones : recte, si distinctione locum erigas. H.

25. *Te qui comitatus Oresten*. *Comitatur* nonnulli ; *comitavit* fragmentum Vaticanum. Vide Notas Trist. lib. I, Eleg. VIII, vs. 31. H. — *Menætiaden*. Amicissimum ; ut Patroclus, Menæti filius, Achilli fuit.

26. *Ægiden*. Theseum, Pirithoi amicum, Ægei filium. *Euryalumque suum*. Nisi et Euryali amor notus est carmine Virgiliano.

28. *Sentit abesse sibi*. *Sua* multi re-

Quumque alii fugerent subitæ contagia cladis,  
 Nec vellent ictæ limen adire domus;  
 Te sibi cum paucis meminit mansisse fidelem, 35  
 Si paucos aliquis tresve duosve vocat.  
 Quamvis adtonitus, sensit tamen omnia; nec te,  
 Se minus, adversis indoluisse suis.  
 Verba solet, vultumque tuum, gemitusque referre,  
 Et te flente, suos emaduisse sinus: 40  
 Quam sibi præstiteris, qua consolatus amicum  
 Sis ope, solandus quum simul ipse fores.  
 Pro quibus adfirmat fore se memoremque piumque,  
 Sive diem videat, sive tegatur humo:  
 Per caput ipse suum solitus jurare, tuumque, 45  
 Quod scio non illi vilius esse suo:  
 Plena tot ac tantis referatur gratia factis;  
 Nec sinet ille tuos litus arare boves:  
 Fac modo constanter profugum tueare: quod ille,  
 Qui bene te novit, non rogat, ipsa rogo. 50

teres. HEINS.—Nostri quoque, *sua*.

33. *Contagia*. Consternationem. *Subitæ cladis*. Subiti exsilii: pro *cladis*, *pestis* Junian. *mortis* Leidens. *mentis* Lovan. qui et in versu præcedenti, *præventum mente*.

37. *Sensit tamen omnia*. *Sentit* meliores. HEINS.

40. *Demaduisse sinus*. Valde maduisse, quum scilicet in meo complexu hæres, et ubertim flens, lacrymis tuis eos perfunderes. PONT.  
— Nonnulli *immaduisse*; at septem, aut octo meliores, *emaduisse*; quod

verbum elegans, sed rari usus est.

43. *Memoremque piumque*. Medonius *tuumque*; et mox meliores *tuum solitus jurare*, *suumque*. H.

44. *Sive diem videat*. Sive vivat.

48. *Nec sinet ille tuos*. Nec permittet te frustra apud illum collocasse beneficium. Ille enim *litus arat*, qui operam perdit, et frustra laborat.

49. *Fac modo constanter*. *Constantem* Gryph. et Vincent. edit, *constanter illum tueare* Bernens.

50. *Qui bene te novit*. Norat tres scripti. Forte, *Quum bene te norit*.



## ELEGIA V.

## ARGUMENTUM.

Seipsum hortatur ad celebrandum uxoris natalem, pro qua bene precatur, diemque laudat, qui eam elegantissimis moribus in lucem protulit: et quamvis digna esset feliciori fortuna, eam tamen hortatur, ut omnia æquo animo ferat; si quidem ejus virtus, non nisi in adversis perspicui possit. Demum Deos precatur, ut, si nolint sibi parcere, saltem uxori innocenti ignoscant.

ANNUUS adsuetum dominæ natalis honorem

Exigit: ite manus ad pia sacra meæ.

Sic quondam, festum Laertius egerit heros

Forsan in extremo conjugis orbe diem.

Lingua favens adsit, longorum oblita malorum;

5

Quæ, puto, dedit jam bona verba loqui:

Quæque semel toto vestis mihi sumitur anno,

Sumatur fatis discolor alba meis:

Araque gramineo viridis de cespite fiat;

Et velet tepidos nexa corona focos.

10

Da mihi tura, puer, pingues facientia flammæ,

Quodque pio fusum stridat in igne merum.

Optime natalis, quamvis procul absumus, opto

Candidus huc venias, dissimilisque meo:

3. *Laertius egerat heros.* Malim egerit. Ulysses Laertis filius.

4. *Diem festum conjugis.* Natalem uxoris Penelopes.

5. *Nostrorum oblita malorum.* Longorum Buslidianus. HEINS.

9. *Araque gramineo viridis de cespite fiat.* Genionatalem celebrantes, aram erigebant, quam floreis sertis

ornabant. Feminæ vero Junoni sacrificabant.

11. *Da mihi tura, puer.* Tura, aliique etiam odores, eodem die utebantur. Tibull. lib. II, Eleg. II, vs. 3 sq: « Urantur pia tura focis, urantur odores, Quos tener e terra divite mittit Arabs. »

14. *Candidus.* Felix. MER.

- Sique quod instabat dominæ miserabile vulnus, 15  
 Sit perfuncta meis tempus in omne malis :  
 Quæque gravi nuper plus quam quassata procella est,  
 Quod superest, tutum per mare navis eat.  
 Illa domo, nataque sua, patriaque fruatur :  
 Erepta hæc uni sit satis esse mihi. 20  
 Quatenus et non est in caro conjuge felix,  
 Pars vitæ tristi cætera nube vacet :  
 Vivat, ametque virum, quoniam sic cogitur, absens ;  
 Consummetque annos, sed diuturna, suos.  
 Adjicerem et nostros : sed ne contagia fati 25  
 Corrum pant, timeo, quos agit ipsa, mei.  
 Nil homini certum est ; fieri quis posse putaret,  
 Ut facerem in mediis hæc ego sacra Getis ?  
 Adspice, ut aura tamen fumos e ture coortos  
 In partes Italas, et loca dextra ferat. 30  
 Sensus inest igitur nebulis, quas exigit ignis :  
 Consilium fugiunt cætera pæne meum.  
 Consilio, commune sacrum quum fiat in ara  
 Fratribus, alterna qui periere manu,

15. *Si quod et instabat. Sitque quod instabat* major scriptorum pars. Lege, *Sique quod instabat : quod* pro aliquod : mox *puppis eat* duo veteres.

24. *Consumatque annos. Consumetque* Petri Servii codex. Lege, *Consummetque*, quanquam et vulgata lectio bene se habet. HEINS.

25. *Sed ne contagia fati.* Sed vereor ne fata mea infelicia annorum uxoris felicitatem corrumpant.

32. *Consilium fugiunt cætera pæne meum.* Octo veteres *taum*. Puto *consilium suum*. Et sequenti versu, « Consilio, commune sacrum quum fiat in ara, » *Consilium* Rottendorph. et priscae editiones ; quod Ciofano

adridebat : frustra : *Consilio*, data opera ; Virg. *Æn.* VII, 216 : « Consilio hanc omnes animisque volentibus urbem Adferimur ; » Livius, belli Maced. I. IV : « Secutus tamen sua sponte est, velut consilio petitus esset, ut vilior ob ea regi Hannibal esset ; » ubi *sua sponte* et *consilio* obponuntur : sic *consulto* aliquid facere ; Propert. I. II, El. xxv, vs. 54 : « Nec si consulto fulmina missa tonent. » Existimabam aliquando, *Consilio* irrepsisse huc ex superiori versu, et scribendum esse *Ogygia ara*, hoc est, Thebana. *Consiliis* unus Medic. forte pro *Consiliis*. H. 34. *Fratribus.* Eteocli et Polynici :

Ipsa sibi discors, tanquam mandetur ab illis,

35

Scinditur in partes atra favilla duas.

Hoc, memini, quondam fieri non posse loquebar,

Et me Battiades iudice falsus erat.

Omnia nunc credo; quum tu consultus ab Arcto

Terga, vapor, dederis, Ausoniamque petas.

40

Hæc igitur lux est, quæ si non orta fuisset,

Nulla fuit misero festa videnda mihi.

Edidit hæc mores illis heroisin æquos,

Queis erat Eetion, Icariusque pater.

bella nota sunt Diodori et Papinii monumentis: mutuis enim ictibus cecidere.

35. *Ipsa sibi discors.* Quum Polynicis cadaver impositum fuisset Eteoclis rogo, subito flamma discessit: canente Papinio, libro Thebaidos duodecimo, vs. 430 sqq. Et Lucanus, Phars. lib. I, v. 551: « Scinditur in partes, geminoque cacumine surgit, Thebanos imitata rogos. »

38. *Battiades.* Callimachus poeta, qui hoc scripserat, sc. de fumo in duas partes eunte, in sacris Eteoclis et Polynicis.

39. *Quum tu non stultus ab Arcto Terga, vapor, dederis.* Nihili est hæc lectio: Vossianus *non cultus*. Scribe *consultus*; verbum in sacrificiis usitatum: καυορμάντευον respicit: hinc *consulere Deos; exta, vates*, passim in scriptoribus antiquis. HEINS.

40. *Terga dederis.* Fugeris Italiam versus, ubi erat poetæ uxor.

41. *Hæc lux.* Hic dies natalitius.

43. *Edidit hæc mores illis heroibus æquos, Queis erat Eurytion, Icariusque pater.* De feminis agit: quomodo ergo *heroides* in heroas mutata? veteres multi *heroidibus*, vel *herodibus*, vel *erroribus*; Bononiensis *hebroidis*. Scribe *heroisin* cum Sca-

ligero, ἡρωϊσιν, qui sic in ora codicis sui emendarat, et cum Salmasio. Statius, Sylv. lib. III, ad Uxorem, 44: « Heu ubi nota fides totque explorata per usus, Qua veteres Latias, Graiasque heroidas æquas? » ubi vitiosum ac ingratum sonant quatuor voces continue in *as* desinentes, ut Statius reliquisse possit videri: « Qua veteris Latii, Graiisque heroisin æqua es. » Sed nondum sanatus est locus. Quænam enim Eurytionis illa filia? Scaliger Antigenen, Pelei uxorem, intelligebat. Sed quorsum tam obscurum nomen? Scripti veteres, *Eutyction*, *Euchion*, et similia; *Erition* Rottendorphianus; primus Politiani *Eucation*; alter *Eetion*, optime et verissime. Andromachen intellige, notissimæ pudicitiae feminam: apud Homerum, Iliad. Ξ, Ἀνδρῶμαχος θυγάτηρ μεγάλῃ τερος Ἠετίωνος. — *Eetionis* nomen quoque varie mendosum adparet in scriptis exemplaribus Fast. lib. IV, 280, *Et Theben, veteres Eetionis opes*; et Met. XII, 110, ubi *Eetioneas Thebas* adpellat. Trist. I, Eleg. vi, vs. 18: « Nec probitate tua prior est, aut Hectoris uxor, Aut comês extincto Laodamia viro; » l. V, El. ult. 37: « Cernis ut Admeti cantetur, et Hectoris uxor. » H.



Nata pudicitia est, mores, probitasque, fidesque: 45

At non sunt ista gaudia nata die.

Sed labor, et curæ, fortunaque moribus impar;

Justaque de viduo pæne querela toro.

Scilicet, adversis probitas exercita rebus,

Tristi materiam tempore laudis habet: 50

Si nihil infesti durus vidisset Ulysses,

Penelope felix, sed sine laude, foret:

Victor Echionias si vir penetrasset in arces,

Forsitan Evadnen vix sua nosset humus:

Quum Pelia tot sint genitæ, cur nobilis una est? 55

45. *Nata pudicitia est, mores.* *Moris*, vel *morum*, vel *secum* libri veteres; hoc est *tecum*: atque ita quoque Tanaquillus Faber in Epistolis: sed *moris* meliores. Latet aliquid. Putem *et mos*, nisi quod *moribus* mox sequitur. Forte *et honor*, vel *honos*.

49. *Adversis probitas exercita rebus.* Sic Virg. *Æn.* III, v. 182, *Ilia-cis exercite satis*.

51. *Durus vidisset Ulysses.* Non vidit tantum, sed tulit etiam et perpressus est. Quare scribo, *subiisset*: pro vulgata lectione tamen stant scripti omnes. Pont. I, Eleg. IV, v. 45: «Durius est igitur nostrum, fidis-sima conjux, Illo, quod subiit Æsone natus, onus.» Sic *periculum subire, pœnam, laborem*, et similia passim apud Ciceronem aliosque obcurrunt. H.—Sed hæc est mera mutandi et corrigendi, etiamsi sana, libido: *videmus* enim mala, quæ subimus. Terent. Adelph. V, IV, 13: «Uxo-rem duxi, quam ibi miseriam vidi.» Idem vero notare quod *experiri*, docet Philarg. ad illa Virgilii, Georg. II, 501: «nec ferrea jura, Insanumque forum, aut populi tabularia vidit;» ubi adducit locum ex *Æn.*

XI, 263: «Ætneos vidit Cyclopas Ulyxes;» et ibi Servius mire illud *vidit* addidisse notat; ut III, 430, «Quam semel informem vasto vidisse sub Arcto Scyllam.» BURM.

52. *Sine laude foret.* Sine laude pudicitiae, quam ipso absente, totis viginti annis conservavit, et reditum ejus patienter expectavit. PONT.

53. *Victor Echionias.* Capaneum designat, de quo diximus. *In arces Echionias.* In arces Thebanas. Echion enim fuit unus ex sociis Cadmi, qui cum eo Thebas condidit.

54. *Evadnen.* Uxorem Capanei: cujus mors nota est.

55. *Quum Pelia genitæ tot sint, cur.* Pelias filius fuit Neptuni ex Tyro Nympha, filia Salmonei regis, ut scribit Homerus. Refert enim hanc consuevisse circa ripas Enipei fluminis delectari. Eam Neptunus, sumpta Enipei forma, virginem cepit, et cum ea concubuit, genuitque Peliam et Neleum. Peliae, Thessaliae regis, filiae fuerunt Asteropæa, Auto-noe, Alcestis. *Cur nobilis una est.* Alcestis, Eurip. fab. 6; quod sic latine reddimus: «Ast sola conjux pro suo spondet viro: Alcestis illa»

Nupta fuit misero nempe quod una viro.  
 Effice, ut Iliacas tangat prior alter arenas;  
 Laodamia nihil cur referatur erit.  
 Et tua, quod mallem, pietas ignota maneret,  
 Implessent venti si mea vela sui.  
 Dî tamen, et Cæsar Dîs accessure, sed olim,  
 Æquarint Pylios quum tua fata dies;  
 Non mihi, qui pœnam fateor meruisse, sed illi  
 Parcite, quæ, nullq̃ digna dolore, dolet!

60

mulier insigni fide, Migrare sponte  
 voluit annos in suos Carum mari-  
 tum. » Hinc Propert. lib. II, Eleg.  
 v, v. 15: « Felix Admeti conjux,  
 et lectus Ulyssis, Et quæcumque vi-  
 ri femina limen amat. » *Cur cognita*  
*nobis plerique veteres: nihil muto.*

56. *Misero viro.* Infelici marito Ad-  
 meto.

57. *Alter.* Quam Protesilaus: qui,  
 quum primus e navi in litus Troja-  
 num descendisset, primus de Græ-  
 cis est interfectus; quicum nupta  
 erat Laodamia.

59. *Et tua, quod malles. Mallem*  
 prior Politiani et optimus Mediceus,  
 cum excerptis Vossii. *Implessent*  
 etiam duo. HEINS.

## ELEGIA VI.

### ARGUMENTUM.

Queritur se ab amico destitui: hortaturque illum, ut constanter in  
 amicitia persistat, quam primo coluerat.

Tu quoque, nostrarum quondam fiducia rerum,  
 Qui mihi confugium, qui mihi portus eras;  
 Tu modo suscepti causam dimittis amici,

3. *Tu quoque suscepti.* Illud quo-  
 que ex primo versu repetitum puto:  
 nam Putean. Vossii, et octo alii, *Tu*  
*modo suscepti*, quod prætuli: ete-  
 nim hic amicus videtur prius exsu-  
 lis causam suscepisse, deinde ite-

rum leviter deservisse; ut ex tota  
 elegia patet, et ex sequenti versu,  
*tam cito ponis onus?* Pro curam quo-  
 que causam recepi, cum Combiano  
 libro, quia melius respondet τῷ  
*suscepti. Causa et cura* millies a li-

Officiūque pium tam cito ponis onus?  
 Sarcina sum, fateor; quam si tu tempore duro 5  
 Depositurus eras, non subeunda fuit.  
 Fluctibus in mediis navem, Palinure, relinquis?  
 Ne fuge; neve tua sit minor arte fides.  
 Numquid Achilleos, inter fera prælia, fidi  
 Deseruit levitas Automedontis equos? 10  
 Quem semel excepit, numquid Podalirius ægro  
 Promissam medicæ non tulit artis opem?  
 Turpius ejicitur, quam non admittitur hospes;  
 Quæ patuit, dextræ firma sit ara meæ.  
 Nil, nisi me solum, primò tutatus es: at nunc 15  
 Me pariter serva, iudiciumque tuum:  
 Si modo non aliqua est in me nova culpa; tuamque  
 Mutarunt subito crimina nostra fidem:  
 Spiritus hic, Scythica quem non bene ducimus aura,  
 Quod cupio, membris exeat ante meis, 20  
 Quam tua delicto stringantur pectora nostro,  
 Et videar merito vilior esse tibi.  
 Non adeo toti fatis urgemur iniquis,  
 Ut mea sit longis mens quoque mota malis.  
 Finge tamen motam: quoties Agamemnone natum 25

brariis confusa apud Nasonem, Virgilium et alios.

5. *Quam si tu tempore nostro. Non tempore nostro prim.* Polit. et tres alii; tres *nunc*: sed plerique *tempore duro*; quod et Ciofano probatum. Trist. I, Eleg. v, v. 26: «Tempore sic duro est inspicienda fides;» Pont. lib. II, El. vi, v. 29: «Tu quoque per durum servato tempus amico.» Malim tamen *quam tu si.* HEINS.

9. *Inter fera prælia. Dura inter prælia* Bersm. quod nescio unde habeat.

10. *Deseruit levitas.* Ipse Autome-

don levis fuisset, si in medio prælio currum Achillis, quem regebat, deseruisset. PONT.

11. *Numquam Podalirius.* Numquid cum Combiano, H.—*Podalirius.* Æsculapius filios reliquit Machaonem, et Podalirium, qui arti paternæ dediti, quum ad Trojam cum Agamemnone navigassent, plurimum Græcis in eo bello curandis summo studio vulneribus opitulati sunt, magnam ob id gloriam adepti.

25. *Motam.* Mentem esse commotam. *Agamemnone natum.* Oresten.



Dixisse in Pyladen verba proterva putas?  
Nec procul a vero est, quod vel pulsarit amicum:

Mansit in officiis non minus ille suis.

Hoc est cum miseris solum commune beatis,  
Ambobus tribui quod solet obsequium.

30

Ceditur et cæcis, et quos prætexta verendos,  
Virgaque cum verbis imperiosa, facit.

Si mihi non parcis, fortunæ parcere debes:

Non habet in nobis ullius ira locum.

Elige nostrorum minimum minimumque laborum:

35

Isto, quo reris, grandius illud erit.

Quam multa madidæ celebrantur arundine fossæ;

Florida quam multas Hybla tuetur apes;

26. *Dixisse in Pyladen verba proterva putas. Improbata verba*; duo tristia verba; unus impia; alius aspera, ut Pont. II, Eleg. VI, 8: « Aspera confesso verba remitte reo. » H. — *Verba proterva*. Convicia et contumelias in illum evomuisse, ut insani solent. PONT.

27. *Quod vel pulsavit amicum. Quod non plerique: an ne non pulsarit?* Combrianus quia non pulsarit: mox malim num minus, pro non. HEINS.

29. *Hoc est cum miseris*. Distichon hoc suspectum est. HEINS.

31. *Ceditur et cæcis*. Solemus etiam obsequi et cedere de via, cæcis transeuntibus. *Et quos prætexta*. Tertium genus hominum designat, quibus etiam obsequimur, magistratibus et consulibus: quos designat per *virgarum fasces*, quia lictoribus præferebantur.

32. *Imperiosa*. Plena imperii, vel ostentatrix imperii. *Virgaque*. Vide num virga lictoris potius intelligenda sit hoc loco, qua ille obvios e via submovebat, quum fasces nihil ju-

bere, aut imperare soleant, sed insigne tantum magistratus sint.

34. *Non habet in nobis ullius ira locum*. Solet enim usu venire, ut quos injuriæ invisos faciunt, gratiosos miseris reddant, ut est apud Valerium.

36. *Illo, quo quereris. Quod multi veteres; quod queris* Hamburgensis et Leidensis; *quo reris* prim. Politiani: recte: pro *minimum minimumque laborum*, Gottorphanus pro diversa lectione *minimum de parte*; quod ex suis codicibus probat, et in ultima editione exprimendum curavit Naugerius; frustra: elegans est loquendi modus: sic Penelopes Epistola, v. 41: « nimium nimiumque oblite tuorum. » Pro *laborum etiam malorum* nonnulli codices vetusti: quod versus proximus videtur requirere, ut jam monuit in Epistolis Tanaquillus Faber. H.

37. *Celantur arundine fossæ*. Zinzerlingus ex Erfortano codice, *celebrantur* notat; quod verum est. H.

38. *Hybla florida*. Hybla urbs,

Quam multæ gracili terrena sub horrea ferre

Limite formicæ grana reperta solent;

40

Tam me circumstant densorum turba malorum:

Crede mihi; vero est nostra querela minor.

His qui contentus non est, in litus arenas,

In segetem spicas, in mare fundat aquas.

Intempestivos igitur compesce timores,

45

Vela nec in medio desere nostra mari.

seu mons fuit Siciliæ; cujus ager floribus abundabat, ubi optimi mellis copia.

40. *Gracili... Limite formicæ grana reperta.* Virg. *Æn.* IV, 404 sqq: « It nigrum campis agmen, prædamque per herbas Convectant calle angusto, pars grandia trudent Obnixæ frumenta humeris, etc. »

41. *Tam me circumstat.* *Circumstant* primæ editiones, et multi ex scriptis, quod mutari non debuit; prim. Pal. et Arondel. *circumdant*; *circumdat* prim. Polit. prim. Vatic. et tres alii. H.

45. *Compesce tumores.* *Timores* ex scriptis. H.

46. *Desere.* *Desine* Putean.

## ELEGIA VII.

### ARGUMENTUM.

Amico quærenti quid ageret in Scythia, respondet breviter Ovidius, se miserum esse. Postmodum Tomitanæ regionis incolarum mores describit. Deinde dicit, studiis poeticis animum detineri, ac pasci, et se carminibus mala sua oblivisci.

QUAM legis, ex illa tibi venit epistola terra,

Latus ubi æquoreis additur Ister aquis:

Si tibi contingit cum dulci vita salute,

2. *Æquoreis jungitur Ister aquis.* *Additur* prim. Pol. prim. Vatican. prim. Pal. et multi alii ex melioribus; nonnulli cum primis editionibus, *Ister aditur*. Sed quum Ister

ibi se exoneret in Oceanum, τὸ *additur* admittendum duxi; Pont. III, Eleg. v, 2: « His ubi cæruleis jungitur Ister aquis. » H.

3. *Contingit.* *Contigerit* multi.

Candida fortunæ pars manet una meæ.  
 Scilicet, ut semper, quid agam, carissime, quæris ; 5  
 Quamvis hoc vel me scire tacente potes.  
 Sum miser : hæc brevis est nostrorum summa malorum :  
 Quisquis et offenso Cæsare vivet, erit.  
 Turba Tomitanæ quæ sit regionis, et inter  
 Quos habitem mores, discere cura tibi est ? 10  
 Mista sit hæc quamvis inter Graiosque Getasque,  
 A male pacatis plus trahit ora Getis.  
 Sarmaticæ major Geticæque frequentia gentis  
 Per medias in equis itque reditque vias :  
 In quibus est nemo, qui non coryton, et arcum, 15  
 Telaque vipereo lurida felle gerat.  
 Vox fera, trux vultus, verissima Martis imago ;  
 Non coma, non ulla barba resecta manu :  
 Dexterâ non segnis fixo dare vulnera cultro,  
 Quem vinctum lateri barbarus omnis habet. 20  
 Vivit in his, eheu ! tenerorum oblitus amorum,  
 Hos videt, hos vates audit, amice, tuus !  
 Atque utinam vivat, sed non moriatur in illis !

8. *Quisquis et offenso Cæsare.* Versus parum adpositus. H.

11. *Inter Græcosque Getasque.* Malo Graiosque cum codice Combii. H. — *Inter Graiosque.* Græcorum enim colonia fuit Tomus.

15. *Coryton et arcum.* Custodia sagittarum. Virg. X, 169, *Corytique leves humeris, et letifer arcus.*

17. *Verissima mortis imago.* Legge, *Martis*, vel contra auctoritatem membranarum : sic *Marticolam Geten* vocat alibi. H.

19. *Stricto cultro.* Fixo plerique veteres ; ut Fastor. II, 831 : « Nec mora ; celato figit sua pectora cultro. » HEINS.

20. *Quem vinctum lateri.* Melius fortasse Palatinus et Bersm. codd. *Quem junctum lateri.* D. H.

21. *Vivit in his, heu ! non vestrorum oblitus amorum.* Versus haud dubie mendosus prim. Polit. et pr. Palat. « Vivit in his, heu ! nullus oblitus amorum. » alter, « Vivit in his nullus horum, heu ! oblitus amorum. » Prim. Vatic. et Combii, « Vivit in his nullus eorum oblitus amorum. » Multi, « Vivit in his igitur tenerorum oblitus amorum. » Alii aliter. Lego, « Vivit in his, eheu ! tenerorum oblitus amorum. » H.

23. *Atque utinam vivat, sed non moriatur in illis.* Scribe *vivas*, et mo-



Absit ab invisis et tamen umbra locis !

Carmina quod pleno saltari nostra theatro,

23

Versibus et plaudi scribis, amice, meis :

Nil equidem feci, tu scis hoc ipse, theatris ;

Musa nec in plausus ambitiosa mea est.

Nec tamen ingratum est, quodcunque oblivia nostri

Impedit, et profugi nomen in ora refert.

30

Quamvis interdum, quæ me læsisse recordor,

Carmina devoveo, Pieridasque meas :

Quum bene devovi, nequeo tamen esse sine illis,

Vulneribusque meis tela cruenta sequor.

Quæque modo Euboicis lacerata est fluctibus, audet 35

Graia Caphaream currere puppis aquam.

Nec tamen ut lauder vigilo, curamque futuri

Nominis, utilius quod latuisset, ago.

*riaris* cum Richeliano, conversa ad se oratione, ut metro consulatur; nisi malis *vivat*, non et *moriatur*; pro *vivat* in prim. Vatic. *Vidues*. H. Pro et, sed cum Oberlino recepimus; quod et sententiæ et metro convenit.

25. *Pleno theatro*. Magna hominum frequentia, qui recitationi meorum carminum intersunt in theatro.

29. *Non tamen ingratum*. Homini ingenuo displicere non debet, memoriam sui vigere apud alios.

32. *Pieridesque meas*. *Pieridasque* cum scriptis. H.

34. *Vulneribusque meis*. Ego, acceptis vulneribus, nihilominus telis sanguine meo ante cruentatis me obicio et offero, dum versus scribere non desisto. P.

35. *Fluctibus Euboicis*. Undis maris Ægæi, quod Euboicam insulam alluit.

36. *Graia Capharea currere puppis aqua*. *Caphaream aquam* prim. Vatic. Combii, Rottendorph. et multi alii ex antiquis, ut et priscæ editiones. Bene. Pont. lib. I, El. III, vers. 76, ex veteri codice: « Quo duce trabs Colchas sacra cucurrit aquas; » et Pont. II, El. VI, 11 sq, ex membranis: « Nunc mihi naufragio quid prodest discere facto, Quam mea debuerit currere cymba viam? » Præterea unus Bononiensis, *nostra puppis* pro *Graia*; quomodo et Aron- delian. H. *Caphaream aquam*. Aqua ejusdem maris Ægæi. Quasi dicat: Audet iterum navigare per illud mare, in quo semel naufragium fecit. Est vero *Caphareus* monis Euboicæ insulæ, Hellespontum versus. Adluit autem poeta ad naufragium illud, quod Græci, Troja redeuntes, circa Caphareum fecerunt, insultante illis Nauplio, propter cædem Palamedis. MER.

Detineo studiis animum, falloque dolores;

Exterior curis et dare verba meis.

40

Quid potius faciam solis desertus in oris,

Quamve malis aliam quærere coner opem?

Sive locum specto; locus est inamabilis, et quo

Esse nihil toto tristius orbe potest:

Sive homines; vix sunt homines hoc nomine digni,

45

Quamque lupi, sævæ plus feritatis habent:

Non metuunt leges; sed cedit viribus æquum;

Victaque pugnaci jura sub ense jacent.

Pellibus, et laxis arcant male frigora braccis;

Oraque sunt longis horrida tecta comis.

50

In paucis remanent Graiæ vestigia linguæ:

Hæc quoque jam Getico barbara facta sono.

Unus in hoc populo nemo est, qui forte latine

39. *Falloque labores. Dolores ple-*  
*rique meliores. H.*

41. *Desertis solus. Deserto solus*  
*in orbe, Regius: lapsus in oris, Ju-*  
*nian. codex Servii, solis desertus in*  
*oris, ut passim solæ terræ; desertus*  
*etiam Bernens.*

45. *Sive homines; vix sunt homi-*  
*nes hoc nomine digni. Sive homines*  
*specto* Leidensis et Arondelianus.  
Puto, « Sive homines, hominum  
vix hi sunt nomine digni. » H.

47. *Non metuunt leges. Nec non-*  
*nulli. Lege, « Nec metuunt leges,*  
*et cedit viribus æquum. »* Quod ma-  
gis elegantiae Ovidian. respondet. H.  
— *Sed cedit viribus æquum.* Nullum  
jus armis est potentius; et quisquis  
viribus præstat, is æquiora semper  
et facere et dicere existimatur. P.

49. *Pellibus. Rhenonibus et brac-*  
*cis: Cæterum ex loco notabis obi-*  
*ter, non solum subligacula, quas* *ἀν-*  
*εῦπιδος* græce vocant, braccas dici,

sed et laxiores vestes, longioresque:  
talibus enim frigora arceri solent,  
non iis, quas proprie braccas dici  
volunt. — *Arcant mala frigora brac-*  
*cis.* Ita et scripti. Reponendum ta-  
men, *arcant male.* H.

51. *Græcæ vestigia linguæ. Graiæ*  
rectius quinque veteres. H.

53. *Unus in hoc non est populo.*  
Malim *Ullus*, cum uno Bononiensi:  
tum *vix est* cum optimo Mediceo  
et prim. Polit. et sequenti versu, pro  
*Quælibet, Quamlibet:* nam Palat.  
*Quolibet.* H. — *Qui forte latine.* Qui  
possit esse interpret inter Latinum  
et Tomitanum. MER. — *Unus in*  
*hoc populo nemo est,* scripti pluri-  
mi et editi quidam, quod non te-  
mere mutem. *Nemo unus* elegan-  
ter dicitur: Livius III, 12, « ne-  
minem unum esse, cujus magis ope-  
ra putet rempublicam restitutam; »  
et IX, 16, « Nemo unus vir erat, quo  
magis innixa res Romana staret; » et

Quælibet e medio reddere verba queat.  
 Ille ego Romanus vates, ignoscite, Musæ, 55  
 Sarmatico cogor plurima more loqui.  
 En pudet, et fateor; jam desuetudine longa  
 Vix subeunt ipsi verba Latina mihi.  
 Nec dubito, quin sint et in hoc non pauca libello  
 Barbara: non hominis culpa, sed ista loci. 60  
 Ne tamen Ausoniæ perdam commercia linguæ,  
 Et fiat patrio vox mea muta sono;  
 Ipse loquor mecum, desuetaque verba retracto,  
 Et studii repeto signa sinistra mei.  
 Sic animum tempusque traho; meque ipse reduco 65  
 A contemplatu submoveoque mali.  
 Carminibus quæro miserarum obliviam rerum:  
 Præmia si studio consequor ista, sat est.

ita ille sæpius, "necnon et alii optimæ notæ scriptores.

55. *Ipse ego Romanus vates.* Ille ego plurimi veteres: et recte; supra lib. IV, Eleg. x, vers. 1; « Ille ego qui fuerim tenerorum lusor amorum. » Amorib. III, El. VIII, vs. 23, « Ille ego Musarum purus, Phœbique sacerdos. » Pont. lib. I, Eleg. 1, vers. 35, « Ille ego sum, lignum qui non admittam in ullum, Ille ego sum, frustra qui lapis esse velim. » eadem Eleg. vs. 131, « Ille ego sum, qui te colui. » Et mox, 133. « Ille ego, qui dixi vestros Hymenæon ad ignes. » H.

57. *Et pudet, et fateor.* Plerique ex

antiquis, *En pudet*; quomodo et priscae editiones. H.

64. *Studii signa sinistra mei.* Forte, *sacra sinistra.* H.

65. *Sic animum tempusque traho.* Eo modo animus quiescit, et fallitur, et tempus ita producit. — *Reduco.* Removeo tantisper a molestiis. MER.

66. *Submoveoque mali.* Submoveoque meliores; multi etiam, *dimoveoque.*

68. *Præmia si studio.* Satis magnum præmium me arbitror consecutum, si tranquillitatem animi subinde carminibus faciendis adipiscar. P. — *Si consequar. Consequor.* prim. Vatic. et unus Medic. H.



## ELEGIA VIII.

## ARGUMENTUM.

Inimicum sibi insultantem monet, ut memor fortunæ variæ, minima lætetur, atque cogitet, idem quod ipsi, sibi quoque posse accidere.

NON adeo cecidi, quamvis dejectus, ut infra  
 Te quoque sim, inferius quo nihil esse potest.  
 Quæ tibi res animos in me facit, improbe? curve  
 Casibus insultas, quos potes ipse pati?  
 Nec mala te reddunt mitem, placidumve jacenti 5  
 Nostra, quibus possint illacrymare feræ?  
 Nec metuis dubio fortunæ stantis in orbe  
 Numen, et exosæ verba superba Deæ?  
 Exiget ah! dignas ultrix Rhamnusia pœnas!  
 Imposito calcas quid mea fata pede? 10  
 Vidi ego, navifragum qui riserat, æquore mergi;  
 Et, nunquam, dixi, justior unda fuit.  
 Vilia qui quondam miseris alimenta negarat,

6. *Nostra quibus possunt.* Malopossint cum Gottorphaniano; duo alii possent. H.

8. *Ultrix Rhamnusia.* Rhamnusia, quam Græci *Nemesin* vocant, Dea indignationis credebatur. Indignabatur enim superbos et elatos. MER.

9. *Exiget at dignas. A dignis* pr. Pal. prim. Vatic. opt. Medic. aliique nonnulli; duo *ad dignas*; ac *dignas* Arondel. In nonnullis etiam *Exigit*. Lege *Exigit ah! dignas*; sequenti versu, pro *quod* prim. Polit.

*qui*; reliqui majori ex parte *quid*. H. — Nostri, *ad dignas*.

11. *Vidi ego navifragumque viros et in æquore mergi.* Numeri turbati satis evincunt versum esse mendosum. Optimus Mediceus, *navifragioque*; Rottendorphanus pro *diversa* lectione, *navifragoque*. Scribe, « Vidi ego navifrago piratas æquore mergi. » Nisi mavis *navifragum qui riserat*, vel, *navifragum ridentes*. Sed prima lectio verior: duo libri, « Navifragium, nautas et in æquore mergi. » H.

Nunc mendicato pascitur ipse cibo.  
 Passibus ambiguis fortuna volubilis errat, 15  
 Et manet in nullo certa tenaxque loco:  
 Sed modo læta manet, vultus modo sumit acerbos;  
 Et tantum constans in levitate sua est.  
 Nos quoque floruimus, sed flos erat ille caducus;  
 Flammaque de stipula nostra, brevisque fuit. 20  
 Neve tamen tota capias fera gaudia mente;  
 Non est placandi spes mihi nulla Dei:  
 Vel quia peccavi citra scelus, utque pudore  
 Non caret, invidia sic mea culpa caret:  
 Vel quia nil ingens, ad finem solis ab ortu, 25  
 Illo, cui paret, mitius orbis habet.  
 Scilicet, ut non est per vim superabilis ulli,  
 Molle cor ad timidas sic habet ille preces.  
 Exemploque Deum, quibus accessurus et ipse est,  
 Cum pænæ venia plura roganda petam. 30  
 Si numeres anno soles et nubila toto,  
 Invenies nitidum sæpius isse diem.  
 Ergo, ne nostra nimium lætere ruina,  
 Restitui quondam me quoque posse puta:  
 Posse puta fieri, lenito principe, vultus 35

14. *Ille cibo. Ipse* meliores. H.

17. *Sed modo læta manet.* Si manet læta, non est inconstans: irrepit hoc verbum ex præcedenti versu: nec tamen satis video quid pro eo debeat reponi; nisi forte, *læta venit.* H.

19. *Flos fuit ille caducus. Erat* plerique, et recte: nam *fuit* sequitur. HEINS.

29. *Exemplo Deum.* Deorum exemplo, qui solent veniam mortalibus concedere: aut, qui magis prosint, quam obsint. *Et ipse.* Etiam ipse Au-

gustus. — *Est accessurus.* Est per-venturus in numerum Deorum.

30. *Cum pænæ venia plura roganda petam. Neganda.* Combrianus; duo *cum venia pænæ.* Aut desunt hic nonnulla, aut versus est mendosus. Putabam aliquando, « Cum pænæ venia plura ferenda putat. » Tanaquil-lus Faber in Epist. « Cum pænæ venia plura petenda dabit. » Commodo sensu, nisi quod causam haud video, cur petenda pro roganda velit reponi. H. — Forte scripserit, *plura roganda feram*, pro obtinebo;

Ut videas media tristis in urbe meos;  
 Utque ego te videam causa graviore fugatum:  
 Hæc sunt a primis proxima vota mihi.

et ita *ferre* passim occurrit: *petam* et *feram*, etiam confuderunt librarii ex Pont. I, v, 30, et alibi. *Petenda*, edit. Bersm. et Pontani. BURM.

36. *Ut videas media tristis in urbe meos Vultus. Tristis*, ob restitutionem meam in patriam.

38. *Hæc sunt a primis proxima vota meis. Mea est* prim. Polit. quinque alii, *mea*. Puto *mihi*. H. — *Vota secunda*, Moreti. Sunt secunda post prima mea vota; quæ sunt, primo ut revocer ab exsilio, secundo ut tu ipse exsules.

## ELEGIA IX.

### ARGUMENTUM.

Laudat amici fidem, fateturque ejus beneficio se vitam ducere, simulque gratias agit. Postremo dicit se libenter ejus beneficia nota omnibus facturum fuisse, si ille suis se scriptis nominari pateretur.

O tua si sineres in nostris nomina poni  
 Carminibus, positus quam mihi sæpe fores!  
 Te solum meriti canerem memor; inque libellis  
 Crevisset sine te pagina nulla meis.  
 Quid tibi deberem tota sciretur in urbe,  
 Exsul in amissa si tamen urbe legor.  
 Te præsens mitem, te nosset senior ætas,  
 Scripta vetustatem si modo nostra ferent.  
 Nec tibi cessaret doctus bene dicere lector;  
 Hic tibi servato vate maneret honor.

5

10

4. *Crevisset sine te*. Omnibus paginis te celebrassem.

8. *Si modo nostra ferunt. Ferent* quinque veteres; et *legar* pro *legor* multi superiori versu. H. — *Ferunt*

*vetustatem nostra scripta*. Sunt ad posteros perventura.

10. *Hic te maneret honor. Hic tibi* plurimi ex antiquis: utrumque probum est. H.



Cæsaris est primum munus, quod ducimus auras:

Gratia post magnos est tibi habenda Deos.

Ille dedit vitam; tu, quam dedit ille, tueris,

Et facis accepto munere posse frui.

Quumque perhorruerit casus pars maxima nostros; 15

Pars etiam credi pertimuisse velit,

Naufragiumque meum tumulo spectarit ab alto,

Nec dederit nanti per freta sæva manum;

Seminecem Stygia revocasti solus ab unda.

Hoc quoque quod memores possumus esse, tuum est. 20

Dî tibi se tribuant cum Cæsare semper amicos:

Non potuit votum plenius esse meum.

Hæc meus argutis, si tu paterere, libellis

Poneret in multa luce videnda labor.

Se quoque nunc, quamvis est jussa quiescere, quin te 25

Nominet invitum, vix mea Musa tenet.

11. *Ducimus auras.* Tres, *auram.*

12. *Post magnos Deos.* Post Jovem et Augustum: vel Deos adpellat Augustum et ejus liberos. MER.

15. *Quumque perhorruerit.* *Perhorruerit*, septem meliores: quare et mox *spectarit* pro *spectaret* repono; nam *spectavit* Patavinus. H.

16. *Pars etiam credi pertimuisse velit.* Exponit Merula, quasi illi non veri amici timuissent, ne simul cum Ovidio relegarentur: de quo tamen nusquam Ovidius alibi mentionem facit. Quare mallet legere, *prætimuisse*: pars etiam nunc, quum vident me exulem, ut excusent, quod nullam opem tulerint mihi, aiunt se diu prætimuisse hanc meam pœnam, et casus infelices; quia sæpe viderant me talia admittere, quibus exsilium mererer. Et hoc quotidianum est, ut qui veteres amicos destituunt, ita se purgent, quod

jam diu imprudentis hominis, nec suis consiliis obsequentis, casus præviderint et prætimuerint. B.

19. *Seminecem.* Solus post Augustum servasti me. P. — *Stygia revocasti solus ab unda.* Sic ille apud Comicum: « Solus ab Orco mortuum me reducem in lucem feceris. »

22. *Plenius esse.* Quam precari, ut Dii cum Cæsare tibi sint amici et propitii.

23. *Hæc. Beneficia.* MER. *Argutis.* Eruditus. P.

25. *Nunc quoque quamvis est jam jussa quiescere.* Turbati numeri: unus Vaticanus, et Palat. « Quæ quoque nunc quamvis est jussa quiescere. » Scribe, « Se quoque nunc, quamvis est jussa quiescere, quin te Nominet invitum, vix mea Musa tenet. » Primæ editiones, « Nunc quoque jam quamvis est jussa. » Vix se tenet mea Musa, quin te nomet,

Utque canem, pavidæ nactum vestigia cervæ,

Luctantem frustra copula dura tenet;

Utque fores nondum reserati carceris acer

Nunc pede, nunc ipsa fronte, lacessit equus;

30

Sic mea, lege data vincta atque inclusa, Thalia

Per titulum vetiti nominis ire cupit.

Ne tamen officio memoris lædaris amici,

Parebo jussis, parce timere, tuis.

At non parerem, nisi si meminisse putares :

35

Hoc quod non prohibet vox tua, gratus ero.

Dumque, quod o breve sit ! lumen solare videbo,

Serviet officio spiritus iste tuo.

vel invitum : pro *quiescere* etiam *sillescere* videtur reponendum ; sic de ventis supra lib. II, 151 : « Sed modo considunt, intermissique silescunt. » H. — Douza legebat, *Nunc quoque quantumvis jam jussa*.

28. *Luctantem frustra. Latrantem* plurimi. H. — *Copula dura tenet*. Copula hic pro eo fune accipitur, quo canes a venatoribus adligati ducuntur : vulgo *lassum* adpellant. Cingulum vero circum collum, *melium* adpellat Varro de Re rustica lib. II.

29. *Nondum reserati carceris*. Nondum aperti termini, unde equi incipiunt currere.

30. *Nunc ipsa fronte. Pressa fronte* Leidensis. H.

31. *Sic mea, lege data*. An *rata* ? Vide Fast. III, vers. 279. H. — Minime vero ; *data lege*, scilicet, ab amico, qui vetuerat se nominari, et quiescere ejus musam jusserat : sic *jura dare* et similia passim occurrunt. BURM. — *Vincta*. Ligata : imperato scil. sibi silentio. MER. *Thalia. Camæna* tres : *voluntas* Palatin. et Vatic.

32. *Vetiti*. Abs te vetiti, qui non pateris nomen tuum in carminibus meis poni.

33. *Nec tamen officio*. Grave est lædi ab amico, et per officium accipere detrimentum. P.

35. *Si non meminisse putares. Nisi non*, vel *nisi me*, multi ex scriptis : duo *nisi* ; et *meruisse* unus. Lege, « nisi si meminisse putares ; » nisi putares me tui esse memorem. *Nisi si* Nasoni usitatum. H. — Broukhusius malebat, *si non meminisse vetares* ; forte, « At non parerem, nisi te meruisse putarem : » vel, « At non parerem, nisi me memorasse putarem, Si quo non prohibet lex tua, gratus, eo. » Si sine nomine eo usque tui meminissem, gratus pro tot beneficiis, quo lex tua me progredi non prohibet. BURM.

36. *Non prohibet vox*. Gratam animi recordationem non vetas.

37. *Lumen vitale videbo. Natale videbo*, tres libri : octo, *vitale tenebo*, *Solare videbo*, Richel. primæ editiones, *Solare tenebo*. Puto, *lumen solare tuebor*. H.

## ELEGIA X.

## ARGUMENTUM.

Tres annos se egisse scribit poeta; eos tamen sibi decem videri, idque loci asperitate, et difficultatibus, quas deinde subjungit.

UT sumus in Ponto, ter frigore constitit Ister,  
 Facta est Euxini dura ter unda maris.  
 At mihi jam videor patria procul esse tot annis,  
 Dardana quot Graio Troja sub hoste fuit.  
 Stare putes, adeo procedunt tempora tarde, 5  
 Et peragit lentis passibus annus iter.  
 Nec mihi solstitium quidquam de noctibus aufert;  
 Efficit angustos nec mihi bruma dies:  
 Scilicet in nobis rerum natura novata est,  
 Cumque meis curis omnia longa facit. 10  
 Num peragunt solitos communia tempora motus,  
 Suntque magis vitæ tempora dura meæ?  
 Quem tenet Euxini mendax cognomine litus,  
 Et Scythici vere terra sinistra freti.  
 Innumeræ circa gentes fera bella minantur, 15  
 Quæ sibi non raptò vivere turpe putant.  
 Nil extra tutum est: tumulus defenditur ægre

4. *Troja. Terra* duo præferunt.

9. *Novata. Morata*, Puteaneus.

13. *Mendax cognomine*. Qui potius est inhospitalis.

14. *Vere terra sinistra*. Vere terra, ut in sinistra parte sita, sic etiam infelix.

16. *Quæ nisi de raptò vivere turpe*

*putant*. Herodotus, in recensendis Thracum moribus, docet eos e bello atque raptò vivere, idque pulcherrimum ducere. *Sibi non raptò*, omnes meliores. H.

17. *Tumulus defenditur ipse. Defenditur ægre*, multi ex antiquis: recte. H.



Mœnibus exiguis, ingenioque loci.  
 Quum minime credas, ut aves, densissimus hostis  
 Advolat, et prædam vix bene visus agit: 20  
 Sæpe intra muros clausis venientia portis  
 Per medias legimus noxia tela vias.  
 Est igitur rarus, qui rus colere audeat; isque  
 Hac arat infelix, hac tenet arma manu:  
 Sub galea pastor junctis pice cantat avenis; 25  
 Proque lupo pavidæ bella verentur oves.  
 Vix ope castelli defendimur; et tamen intus  
 Mista facit Graiis barbara turba metum:  
 Quippe simul nobis habitat discrimine nullo  
 Barbarus, et tecti plus quoque parte tenet. 30  
 Quos ut non timeas, possis odisse videndo  
 Pellibus et longa tempora tecta coma.  
 Hos quoque, qui geniti Graia creduntur ab urbe,  
 Pro patrio cultu Persica bracca tegit.  
 Exercent illi sociæ commercia linguæ: 35

18. *Ingenioque loci.* Situ et natura loci.

19. *Quum minime credas, ut avis.* Ut aves rectius scripti nonnulli, cum priscis editionibus. Deinde Richel. *Quum bene vix credas.* H.

22. *Noxia tela.* Martia Vossianus. *Tela nociva* Gottorph. pro diversa lectione.

23. *Est igitur rarus, qui jam colere audeat.* Quid audeat colere? Scribe, *rus qui colere audeat*; quæ vox exciderat, ob cognationem posterioris syllabæ in *rarus*: hanc conjecturam postea in codice Medoniano confirmatam deprehendi: in quo *rus qui colere audeat.* H.

28. *Barbara turba.* Getæ, qui una cum Græcis Tomon habitant.

29. *Simul nobis.* Nobiscum multi

scripti et olim editi quidam; male: ita enim millies veteres locuti sunt.

31. *Quos ut non timeas.* Quorum prim. Pal. prim. Vatic. et quinque alii, ut esset dictum, quomodo, *abstineto irarum, desine querelarum* ab Horatio, et similia passim obvia.

32. *Pellibus et longa corpora tecta coma.* Pectora quidam veteres: at unus Bononiensis cum priscis editionibus, *tempora*; quod temere Ciofanus damnarat: nam *comatos* passim Gelas describit, et pellibus operire capita etiamnum solent per septemtrionem. H.

33. *Creduntur.* Panduntur Petri Servii codex: forte, *produntur.* B.

34. *Pro patrio cultu.* Pro habitu Græco, qui est cultior et civilior. P. — *Persica.* Barbara sex codices.

Per gestum res est significanda mihi.  
 Barbarus hic ego sum, quia non intelligor ulli;  
 Et rident stolidi verba Latina Getæ:  
 Meque palam de me tuto mala sæpe loquuntur;  
 Forsitan obijciunt exsiliumque mihi. 40  
 Utque fit, in me aliquid, si quid dicentibus illis  
 Abnuerim quoties adnuerimque, putant.  
 Adde, quod injustum rigido jus dicitur ense,  
 Dantur et in medio vulnera sæpe foro.  
 O duram Lachesin, quæ tam grave sidus habenti 45  
 Fila dedit vitæ non breviora meæ!  
 Quod patriæ vultu, vestroque caremus, amici;  
 Quodque hic in Scythicis finibus esse queror;  
 Utraque pœna gravis: merui tamen urbe carere;  
 Non merui tali forsitan esse loco. 50  
 Quid loquor, ah demens! ipsam quoque perdere vitam  
 Cæsaris offenso numine dignus eram.

37. *Quia non intelligor. Qui quinque veteres. Puto, qui non intelligar.* HEINS.

38. *Derident. Unus, et rident: placet.* CIOF.

39. *Mala sæpe loquuntur. Male cum primis editionibus, primo Vatican. et sex aliis. H.*

41. *Utque sit in me aliquid. Utque fit veteres plerique. Sed distichon hoc commentitium est, et fictum.*

48. *Quod sic in Scythicis gentibus esse queror. Rectius Quodque hic reponas: finibus etiam bene nonnulli*

scripti. Sed et hoc distichon spurium est; omnia enim quæ hic dicuntur, proxime præcedenti disticho jam erat complexus, argute tamen et breviter, quod obtusi captus librariorum offendit. H.

49. *Utraque pœna gravis. Et carere scilicet amicorum consuetudine, et in Scythia vivere.*

50. *Forsitan. Ne absolute adfirmando Cæsarem offendat, et injustitiæ coarguat.* PONT.

51. *Quid loquor. Quid queror duo scripti: tres loquor tuentur.*

## ELEGIA XI.

## ARGUMENTUM.

Dolet poeta, conjugem ab inimico jurgiis lacescitam, exsulisque uxorem adpellatam : eamque hortatur, ut patiat omnia : non enim exsulem se, sed relegatum ab Augusto dictum.

QUOD te nescio quis per jurgia dixerit esse  
 Exsulis uxorem, litera questa tua est.  
 Indolui, non tam mea quod fortuna male audit,  
 Qui jam consuevi fortiter esse miser;  
 Quam quia, cui minime vellem, sim causa pudoris,  
 Teque rear nostris erubuisse malis.  
 Perfer, et obdura : multo graviora tulisti,  
 Quum me subripuit principis ira tibi.  
 Fallitur iste tamen, quo judice nominor exsul :  
 Mollior est culpam pœna secuta meam.  
 Maxima pœna mihi est, ipsum offendisse; priusque  
 Venisset mallet funeris hora mihi.  
 Quassa tamen nostra est, non fracta, nec obruta puppis;

1. *Nescio quis.* Sic per contemptum quandoque loqui solemus, quum indignum quem æstimemus nominamus.

5. *Quam quod cui minime vellem sum causa pudoris.* Quam quia, nonnulli ex melioribus, et *sim*; quare rear etiam proximo versu est legendum. HEINS.

8. *Principis ira.* Prim. Polit. et opt. Medic. *judicis.* Lege *vindicis* : nam *judice* sequitur. H.

9. *Fallitur iste tamen.* Ille duo et Bernensis, in quo sequebatur ver-

sus 28, Eleg. XII : *Si qua diu* : nulla lacuna relicta.

11. *Ipsum.* Me offendisse Cæsarem.

13. *Quassa tamen nostra est, nec mersa, nec obruta, navis.* Non mersa scripti: sex etiam *puppis*: bene etiam pr. Pal. *non fracta*, ne bis idem dicat: sed et *ti* tamen suspectum est, quum id mox versu sequenti repetatur. Scribe, « Quassa mari nostra est, non fracta, nec obruta puppis. » H. — *Quassa tamen*, etc. Hoc exsilium est mihi instar procellæ, qua agitor,



Utque caret portu, sic tamen exstat aquis.  
 Nec vitam, nec opes, nec jus mihi civis ademit; 15  
 Quæ merui vitio perdere cuncta meo :  
 Sed quia peccato facinus non adfuit illi,  
 Nil nisi me patrijs jussit abesse focis.  
 Utque alijs, numerum quorum comprehendere non est,  
 Cæsareum numen, sic mihi, mite fuit. 20  
 Ipse relegati, non exsulis, utitur in me  
 Nomine : tuta suo judice causa mea est.  
 Jure igitur laudes, Cæsar, pro parte virili  
 Carmina nostra tuas qualiacunque canunt :  
 Jure Deos, ut adhuc cæli tibi limina claudant, 25  
 Teque velint sine se comprecor esse Deum.  
 Optat idem populus : sed ut in mare flumina vastum,  
 Sic solet exiguæ currere rivus aquæ.  
 At tu fortunam, cujus vocor exsul ab ore,  
 Nomine mendaci parce gravare meam. 30

non submergor. Submersus fuissim, si me interemisset. P.

15. *Nec jus mihi civis ademit. Nec ademit posse reverti*, unus; quod sumsit librarius ex lib. I ex Ponto VII, 47.

16. *Qui merui*. Rectius *Quæ* libri quatuor : *Quam* prim. Palatin. H.—*Vitio meo*. Meo errore.

17. *Facinus non adfuit ullum. Illi*, octo ex melioribus. H.

20. *Mite fuit. Venit* Hamburg.

22. *Tuta est*. Non potest perire. *Suo judice*. Augusto judice. Is enim judicavit me non exulem, sed relegatum: quæ poena mollior erat. MER.

25. *Cæli tibi limina. Ut cæli lumina* prior lectio; poetica periphrasis pro cælo, sicut *lumina solis* pro sole apud Lucret. imitatione Homeri, apud quem simili circuitiois figura *παρος ἡλίου* sæpius legitur. BERSM. Ita edidit Gryph. et alii; sed inepte.

26. *Teque velint*. Id est, velint esse te Deum nobiscum.

27. *Sed ut in mare flumina*. Hoc dicit: Ita meæ, ut populi preces ad Deos perveniunt, quemadmodum et parva flumina mare ita ingrediuntur, ut magna. MER.

30. *Nomine mendaci*. Falso: non enim sum exsul. P.

## ELEGIA XII.

## ARGUMENTUM.

Amico hortanti ut aliquid scriberet, respondet poeta, causasque assignat, cur id sibi facere non liceat. Demum ostendit, se non posse teneri, quin semper aliquid componat, composita vero igni comburat.

SCRIBIS, ut oblectem studio lacrymabile tempus,  
 Ne pereant turpi pectora nostra situ.  
 Difficile est, quod, amice, mones; quia carmina lætum  
 Sunt opus, et pacem mentis habere volunt.  
 Nostra per adversas agitur fortuna procellas,  
 Sorte nec ulla mea tristior esse potest.  
 Exigis, ut Priamus natorum in funere ludat,  
 Et Niobe festos ducat ut orba choros.  
 Luctibus, an studio videor debere teneri,  
 Solus in extremos jussus abire Getas?  
 Des licet hic valido pectus mihi robore fultum,

5. *Per adversas agitur fortuna.* Nihil frequentius Ovidio, quam conditionem suam comparare cum procellis, tempestatibus, etc. P.

7. *Priamus natorum funere ludat.* *Plaudat* recte vetustæ editiones cum prim. Palat. prim. Vatican. et quatuor aliis melioris notæ. H. — Ego reduxi, *ludat*, quod ex antiquo scripto receperat Francofurtensis; et melius respondet sequenti, *ducat choros*: *ludere* enim est saltare, ut *Metamorph.* III, 685. Prætulit etiam *natorum in funere* cum Lovaniensi, ut *Remed. Am.* 137, « Quis matrem, nisi mentis inops, in funere nati Flere vefet. »

8. *Festos choros.* Chorus multorum vocibus constat, ut docent Seneca et Macrobius.

9. *Luctibus, an studio videor debere teneri.* *Studiis* unus Vatic. Lege, *Lusibus an studii*: *studium* et alibi pro studio poetico dixit, ut supra lib. V, Eleg. 1, vers. 34, « Tot mala pertulimus, quorum medicina quiesque Nulla, nisi in studio est, Pieridumque mora. » H.

11. *Des licet invalido pectus mihi.* Mihi invalido. Sed rectius legas *hic valido*: hic, apud Getas: deinde versu proximo pro *Anyti rei*, respondeo *reo* cum prim. Vatic. Combianò, Rottendorph. H.

Fama refert Anyti quale fuisse reo ;  
 Fracta cadet tantæ sapientia mole ruinæ :  
 Plus valet humanis viribus ira Dei.  
 Ille senex dictus sapiens ab Apolline, nullum  
 Scribere in hoc casu sustinuisset opus.  
 Ut patriæ veniant, veniant oblivia vestri ;  
 Omnis ut admissi sensus abesse queat ;  
 At timor officio fungi vetat ipse quieto :  
 Cinctus ab innumero me tenet hoste locus.  
 Adde, quod ingenium longa rubigine læsum  
 Torpet, et est multo, quam fuit ante, minus.  
 Fertilis, adsiduo si non renovetur aratro,  
 Nil, nisi cum spinis gramen, habebit ager :  
 Tempore qui longo steterit, male curret, et inter

15

20

25

12. *Fama refert Anyti quale fuisse rei.* Pro genitivo *rei*, malim *reo* legere, dativo casu ; ut sit sententia : Quale pectus reo Anyti, hoc est, Socrati fuisse fama refert. Nam et ἀμφιβολίαν lectio hæc tollet, et versui quoque gratiæ aliquantum conciliabit ; vitata similitudine casus in utraque cæsura. MIC. — *Anyti reo.* Socrati, quem Anytus accusavit. Tres enim fuere Socratis accusatores Melitus, Anytus, et Lycon. Melitus quidem ob poetas ei infestus : Anytus ob artifices, atque reipublicæ gubernatores ; Lycon denique gratia rhetorum. Accusatio autem habuit se ferme in hunc modum : Socrates injuste egit, juventutem depravans, ac Deos quos civitas putat, ipse non putans, sed alia quædam nova dæmonia. Plato docet eum tanta fuisse sapientia et fortitudine, ut noluerit pro se aut causam dicere, aut quemquam precari. MER. — Ἄλλ', ὦ Κρίτων, καὶ τὸ τρίτον, εἰ ταύτῃ τοῖς θεοῖς φίλον, ταύτῃ γενέσθω.

ἐμὲ δὲ ἄνυτος καὶ Μέλिटος ἀποκτείναι μὲν δύνανται, βλάψαι δὲ οὐ. Epictet. de Socrate, cap. ultim.

14. *Plus valet humanis.* Versus parum adpositus, ac proinde suspectus. HEINS.

18. *Omnis et amissi sensus abesse queat.* Lege, *Omnis ut admissi sensus*, cum nonnullis ; et superiori versu *oblivia vestri* pro *nostri*. Ne quid tamen dissimulem, distichon hoc vix genuinum mihi videtur. Nisi tollis, scribe *vetet* pro *vetat* versu proximo.

19. *Quietum.* Quietum omnes fere libri : sex, *fungi vetat* : esse quietum Cinctus etc. prim. edit. et quidam scripti : et, *vetat hoste*, duo : forte, « At timor officio fungi vetat : esse quietum Cinctus ab innumero me vetat hoste locus ; » ut bis repetat idem verbum, sicut sæpe solet. BURM.

21. *Ingenium longa rubigine læsum.* Vel, *plenum*, Arondelianus. Forte, *rosus*. H. — *Longa rubigine.* Longa componendi desuetudine. MER.



Carceribus missos ultimus ibit equos:  
 Vertitur in teneram cariem, rimisque dehiscit,  
 Si qua diu solitis cymba vacarit aquis:  
 Me quoque despero, fuerim quum parvus et ante,  
 Illi, qui fueram, posse redire parem. 30  
 Contudit ingenium patientia longa laborum,  
 Et pars antiqui magna vigoris abest.  
 Sæpe tamen nobis, ut nunc quoque, sumta tabella est,  
 Inque suos volui cogere verba pedes:  
 Carmina scripta mihi sunt nulla, aut qualia cernis; 35  
 Digna sui domini tempore, digna loco.  
 Denique non parvas animo dat gloria vires;  
 Et sæcunda facit pectora laudis amor.  
 Nominis et famæ quondam fulgore trahebar,  
 Dum tulit antennis aura secunda meas. 40  
 Non adeo est bene nunc, ut sit mihi gloria curæ:  
 Si liceat, nulli cognitus esse velim.  
 An, quia cesserunt primo bene carmina, suades  
 Scribere, successus ut sequar ipse meos?  
 Pace, novem, vestra liceat dixisse, Sorores, 45  
 Vos estis nostræ maxima causa fugæ.  
 Utque dedit justas tauri fabricator aheni,  
 Sic ego do pœnas artibus ipse meis.

26. *Ultimus ibit equus.* Equos rectius nonnulli. H.

27. *In teneram cariem.* Non placet hoc epitheton: *tetram* conjecerunt Heinsius et Francius: ego aliud adhuc quæro; an *tenuem*? quæ vox sæpe cum alia commutata reperitur. BURM.

28. *Cymba vacavit aquis.* Si in ripam subducta, diu hæsit in arenis. *Vacabit*, meliores; Hamburg. *vacavit*; recte. Puteaneus *negatur aquis*.

29. *Me quoque despero.* Desperocum prim. Palat. et quatuor aliis: et mox *laborum pro dolorum* nonnulli. H.

33. *Ut nunc quoque sumta.* Nihilominus imperare mihi non potui, quin scriberem. P.

38 *Sæcunda.* *Facunda* multi.

44. *Successus.* Quia mihi malesuccessit.

47. *Tauri fabricator aheni.* Perillus: de quo jam dictum est. MER.

Nil mihi debuerat cum versibus amplius esse;  
 Sed fugerem merito naufragus omne fretum. 50  
 At puto, si demens studium fatale retentem,  
 Hic mihi præbebit carminis arma locus:  
 Non liber hic ullus, non qui mihi commodet aurem,  
 Verbaque significant quid mea norit, adest.  
 Omnia barbariæ loca sunt, vocisque ferinæ, 55  
 Omnia sunt Getici plena timore soni:  
 Ipse mihi videor jam dedidicisse Latine;  
 Jam didici getice sarmaticeque loqui.  
 Nec tamen, ut verum fatear tibi, nostra teneri  
 A componendo carmine Musa potest. 60  
 Scribimus, et scriptos absumimus igne libellos:  
 Exitus est studii parva favilla mei.  
 Nec possum, et cupio non ullos ducere versus:  
 Ponitur idcirco noster in igne labor;  
 Nec nisi pars, casu flammis erepta, dolove, 65  
 Ad vos ingenii pervenit ulla mei.  
 Sic utinam, quæ nil metuentem tale magistrum  
 Perdidit, in cineres Ars mea versa foret!

49. *Nil mihi debebat. Debuerat meliores: et mox pro Sed fugerem, veteres plerique Si fugerem, vel Quum fugerem.* H.—*Nil mihi debuerat.* Prudentis enim non est, ad id redire, unde detrimentum acceperit.

31. *Studium fatale.* Si regrediar ad studium meum, quod mihi fato quodam nocuit, inveniam arma carmini idonea. P. — *Retentem.* Retentam.

55. *Omnia barbariæ loca sunt.* *Barbarica* prim. Polit. *Lege barbaricæ:* nempe vocis: sequenti versu *pro omnia sunt Getici*, plerique veteres *omnia quæ possunt, vel possint;* nam *getice* sequitur: alii *barbarici*, vel

*Sarmatici soni.* Hoc quoque distichon in suspectis est. H.

58. *Nam didici.* Jam priscae editiones et scripti non pauci; rectius. H.

59. *Nostra teneri. Levare* alter Pol. et multi alii: tres *vacare:* quatuor *revelli.* Nil temere mutem. H.

62. *Exitus est studii parva favilla mei.* Tò *parva* non placet: an *studiis atra favilla meis.* Sic Metam. XIII, 604, *Atra favilla volat.* H. — *Parva favilla.* Parvus ignis, et cinis est fructus studii mei.

63. *Nec possum, et cupio.* Distichon infictum, nec Nasonianæ, si quid video, venæ. H.

67. *Magistrum.* Me Ovidium.

## ELEGIA XIII.

## ARGUMENTUM.

Amicum hortatur, ut quandoquidem amoris multa olim pignora sibi dederit, nunc verbis et literis ne parcat. Quod si emendarit, dicit nihil ab ejus amicitia amplius desiderandum esse.

HANC tuus e Getico mittit tibi Naso salutem ;

Mittere si quisquam, quo caret ipse, potest.

Æger enim traxi contagia corpore mentis,

Libera tormento pars mihi ne qua vacet:

Perque dies multos lateris cruciatibus uror,

Sed quod non modico frigore læsit hiems.

Si tamen ipse vales, aliqua nos parte valemus :

Quippe mea est humeris fulta ruina tuis.

Qui mihi quum dederis ingentia pignora, quumque

Per numeros omnes hoc tueare caput ;

Quod tua me raro solatur epistola, peccas :

Remque piam præstas, ni mihi verba neges.

Hoc precor emenda : quod si correxeris unum,

1. *Mittere si quisquam, quo caret.*  
*Mittere rem si quis, qua caret* Leidens. et Moreti, et alius codex. H.

3. *Traxi contagia mentis corpore.*  
Id est, ipsum corpus, præ nimio mentis dolore, cœpit male valere.

6. *Sed quod non modico. Ut quid* Hamburgensis ; *Et quod* Buslidianus ; lege, *Id quod.* Putabam aliquando, *Quod fera non modico.* H.

8. *Quippe mea est humeris fulta ruina tuis.* Quatuor libri *carina tuis* ; solenni permutatione ; lib. I,

Eleg. VI, 5. « Te mea, supposita veluti trabe, fulta ruina est. »

9. *Ingentia pignora.* Magnas significationes amoris.

10. *Per numeros omnes.* Per omnes modos.

12. *Remque piam præstas, et mihi verba negas.* Si mihi multi veteres, et ni mihi, vel, sed neges etiam nonnulli. Forte, « Remque piam haud præstas, qui mihi verba neges. » Vel *Remque tuam* : nam tuam est in Buslidiano. H. — *Remque piam præstas.*



Nullus in egregio corpore nævus erit.  
 Pluribus accusem, fieri nisi possit, ut ad me 15  
 Litera non veniat, missa sit illa tamen.  
 Dî faciant, ut sit temeraria nostra querela,  
 Teque putem falso non meminisse mei.  
 Quod precor, esse liquet: neque enim mutabile robur  
 Credere me fas est pectoris esse tui. 20  
 Cana prius gelido desint absinthia Ponto,  
 Et careat dulci Trinacris Hybla thymo,  
 Immemorem quam te quisquam convincat amici:  
 Non ita sunt fati stamina nigra mei.  
 Tu tamen, ut falsæ possis quoque pellere culpæ 25  
 Crimina, quod non es, ne videre, cave:  
 Utque solebamus consumere longa loquendo  
 Tempora, sermonem deficiente die;  
 Sic ferat ac referat tacitas nunc litera voces,  
 Et peragant linguæ charta manusque vices: 30  
 Quod fore ne nimium videar diffidere, sitque  
 Versibus hic paucis admonuisse satis;

Officio satisfacis, dum me tueris, meamque causam agis; et interim dum raro scribis, verba mihi negas, absentem non adloqueris crebrius, quod non magni laboris foret. P.

14. *Nullus nævus.* Quasi dicat, nihil abs te requiram amplius, si hanc veluti ex formoso corpore labem, aut maculam unicam sustuleris.

15. *Pluribus accusem.* Pluribus verbis officium tuum accusarem. *Fieri nisi posset.* Possit meliores. H.

19. *Quod precor.* Ut falso de te querar. *Robur tui pectoris.* Mentis tuæ constantiam in me amando, credere nequeo esse labefactatam.

22. *Hybla Trinacris.* Hybla, civitas Siciliæ.

25. *Tu tamen, ut falsæ possis quoque pellere culpæ Crimina.* Tollere editiones primæ, ut Fast. II, 45, « qui tristia crimina cædis, Flumineâ tolli posse putetis aqua. » Et eadem varietas, Art. Am. III, 379: « Jupiter a vobis tam turpia crimina pellat, » ubi et tollat in quibusdam. *Fallere* excerpta Vossii.

27. *Consumere longa loquendi.* Loquendo scripti. Et pro sermoni deficiente die, repone sermonem cum Rottendorphiano et Puteaneò; pr. Vat. sermone. H.

30. *Peragant.* Munus linguæ obeant, quod epistola solet efficere.

32. *Versibus hoc paucis.* Lege hic cum uno Gallico. H.

Accipe, quo semper finitur epistola verbo,

Aque meis distent ut tua fata, vale.

34. *Atque meis distent. Aque scri-* bilissimi et humanissimi, codex. Cf.  
bendum, ut Caroli Strozze, viri no- ad Amor. II, XIV, vs. 30; et alibi.

## ELEGIA XIV.

### ARGUMENTUM.

In hac ultima elegia uxori immortalitatem pollicetur poeta; dicitque multas fore, quæ, quamvis eam miseram esse existiment, illi tamen invideant, et felicem adpellent: simulque ostendit, nihil a se majus præstari potuisse. Quod quum ita sit, eam hortatur, ut in fide permaneat, ne a quoquam jure accusari queat: exemplisque etiam probat, ejusmodi fidem erga maritos nullo unquam ævo taceri solitam.

QUANTA tibi dederint nostri monumenta libelli,

O mihi me conjux carior, ipsa vides.

Detrahat auctori multum fortuna licebit;

Tu tamen ingenio clara ferere meo:

Dumque legar, mecum pariter tua fama legetur;

Nec potes in mæstos omnis abire rogos.

Quumque viri casu possis miseranda videri,

Invenies aliquas, quæ, quod es, esse velint;

Quæ te, nostrorum quum sis in parte malorum,

Felicem dicant, invidantque tibi.

1. *Quanta tibi dederim nostris monumenta libellis. Dederint nostri monumenta libelli* Hamb. et unus Vatican. recte. H.

2. *O mihi me carior.* Exprimit hunc amorem, lib. III, Eleg. III, vs. 15: « Omnia quum subeant, vincis tamen omnia conjux. »

3. *Multum. Vultum* Regius.

4. *Tu tamen ingenio.* Versus ex ingenio meo profecti te illustrabunt.

6. *Nec potes in mæstos omnis abire rogos.* Non potest fama tua penitus deleri, quemadmodum corpus assumitur rogo.

9 *Nostrorum malorum. Mæa cala-*

Non ego divitias dando tibi plura dedissem:

Nil feret ad manes divitis umbra suos.

Perpetui fructum donavi nominis; idque,

Quo dare nil potui munere majus, habes.

Adde, quod, ut rerum sola es tutela mearum,

15

Ad te non parvi venit honoris onus:

Quod nunquam vox est de te mea muta, tuique

Judiciis debes esse superba viri.

Quæ, ne quis possit temeraria dicere, præsta:

Et pariter serva meque, piamque fidem.

20

Nam tua, dum stetimus, turpi sine crimine mansit,

Et laudem probitas irreprehensa tulit.

Par eadem nostra nunc est sibi facta ruina:

Conspicuum virtus hic tua ponat opus.

Esse bonam facile est, ubi, quod vetet esse, remotum est, 25

mitatis. — *In parte.* Quum mecum dolenter feras exilium meum.

11. *Non ego divitias dando.* Distichon notæ minime probæ. H. — *Plura.* Quam dedi. Intelligit autem famæ immortalitatem.

13. *Perpetui fructum* etc. Non intermorietur nomen tuum, propter æternitatem scriptorum meorum.

15. *Adde, quod et rerum sola es tutela mearum.* Solam tutela pr. Polit. et duo alii: *es rerum sola* et Junian. Scribe: « Adde quod, ut rerum sola es tutela mearum. » H.

16. *Onus non parvi honoris.* Quasi dicat: quamvis sit onus et labor res meas tueri, tamen erit magno honori.

19. *Persta.* Persevera in amore conjugali. Melius *præsta*, effice.

22. *Et tantum probitas irreprehensa fuit.* Et tandem primæ editiones; *Et tanta* pr. Polit. pr. Palat. et multi alii: duo *tua nunc*; alius *tanti*: Rich.

et Bonon. *tantæ*. Scribe: « Et famæ probitas irreprehensa fuit. » H. — *Nostram* lect. tuetur Burm. quem vide.

23. *Par ea de nostra non est tibi facta ruina.* Par eadem, et nunc est, multi veteres: præterea *sibi* unus Mediceus et Moreti codex. Lege: « Par eadem nostra nunc est sibi facta ruina; » vel *Par ea post nostram ruinam*, vel *post nostræ fata ruinæ*; nam *nostræ* erat in Gottorphaniano. H. — In nostra ruina parem te ostendisti: vel parem ejus demonstrandæ occasionem habes.

24. *Conspicuum virtus hic tua ponat opus.* Malo *tollat onus*; vel, quod præstat, *prodat opus*. HEINS. — *Conspicuum.* Quasi quamdam statuam nunc tibi virtute tua erige, conspicuam omnibus. PONT. — *Virtus.* Tua fides conjugalis.

25. *Esse bonam facile est. Casta est, quam nemo rogavit.* — *Ubi, quod vetat.* Vetet meliores, H. — *Bonam.*



Et nihil officio nupta quod obstet habet :  
 Quum Deus intonuit, non se subducere nimbo,  
 Id demum pietas, id socialis amor.  
 Rara quidem virtus, quam non fortuna gubernet ;  
 Quæ maneat stabili, quum fugit illa, pede : 30  
 Si qua tamen pretii sibi merces ipsa petiti,  
 Inque parum lætis ardua rebus adest ;  
 Ut tempus numeres, per sæcula nulla tacetur,  
 Et loca mirantur, qua patet orbis iter.  
 Adspicis, ut longo maneat laudabilis ævo, 35  
 Nomen inextinctum, Penelopæa fides ?

Feminam et uxorem : sed virtus in arduis cernitur.

29. *Gubernat. Gubernet* cum melioribus. H. — *Quam* etc. Quasi dicat : rari sunt, qui non sequantur fortunam potius quam virtutem. Ex quo designat esse difficile uxori, in fide permanere, et fortunam mariti adversam non deserere. Solet enim usu venire, ut quo se fortuna, eo et favor hominum inclinet.

31. *Si qua tamen pretii sibi merces ipsa petiti.* Nil frequentius hac sententia apud philosophos ; Claudianus de cons. Mall. Theod. vers. 1 : « Ipsa quidem virtus pretium sibi. » Silius, punic. XIII, vs. 663 : « Ipsa quidem virtus sibi met pulcherrima merces ; » piget plura attexere. H. — *Si qua tamen.* Subaudi, est virtus : hoc est, si quis bonus invenitur, quem non gubernet fortuna, sed virtus ipsa. Quia vix reperitur aliquis qui gratis velit esse probus. — *Pretii sibi merces ipsa petiti.* Ipsa virtus est pretium sui meriti : quia vir bonus non ducitur fortuna, nec aliud præmium quærit, quam virtutem. Virtus enim per se appetitur. Quibus verbis denotat, optimam uxorem non debere mariti fortunam sequi,

sed semper constanter in fide persistere, etiam in rebus adversis. — *Si qua tamen.* Ὅπου τὸ συμφέρον ἔσται καὶ τὸ ἐπαινετὸν ; Epictet. Hanc etiam apud Tullium sæpius invenies sententiam, sed grandiore verbo expositam ad finem Milonianæ orationis, ubi « fortes et sapientes viros non tam præmiasequi solere recte factorum, quam ipsa recte facta etc. » Sic et inter nostrates, haud indignus ille magni Racinii filius, virtutem poetice adloquens :

La richesse, il est vrai, la fortune te suit ;  
 Mais la paix t'accompagne, et la gloire te suit :  
 Et perdant tout pour toi, l'heureux mortel qui  
 t'aime,  
 Sans biens, sans dignités, se suffit à lui-même.

LA RELIGION, chant I.

33. *Ut tempus numeres.* Hic denuo nugator aliquis Ovidianam induit personam : in pentametro tamen pro *et loca mirantur*, puto scribendum *locâ rimatur*. H.

35. *Teneat laudabilis ævo.* *Maneat* unus Vaticanus ; ut sit adpositio, qualis apud Virgilium, lib. VII, 411 : « locus Ardea quondam Dictus avis, et nunc magnum manet Ardea nomen. » Mox Vossianus, ut *Hectoris*.

36. *Penelopæa fides.* Sic alibi no-

Cernis, ut Admeti cantetur, ut Hectoris uxor,

Ausaque in accensos Iphias ire rogos?

Ut vivat fama conjux Phylaceia, cujus

Iliacam celeri vir pede pressit humum?

40

Nil opus est leto pro me, sed amore fideque:

Non ex difficili fama petenda tibi est.

Nec te credideris, quia non facis, ista moneri:

Vela damus, quamvis remige puppis eat.

Qui monet ut facias, quod jam facis, ille monendo

45

Laudat, et hortatu comprobat acta suo.

ster *Thesea fides*. O mihi *Thesea pectora juncta fide*. De fide autem Penelopes, Hom. Odyss. XVIII, vers. 253: Εἰ κεῖνός γ' ἰδθὼν τὸν ἑμὸν βίου ἀμφιπολεῖν, Μεῖζόν κε κλῆος εἴη ἑμὸν καὶ κάλλιον οὔτω.

37. *Admeti uxor*. Hujus fabulæ meminit Apollod. lib. I; qua nempe ratione Apollo totum annum Admeto servierit. — *Hectoris uxor*. Sic ipsa apud Eurip. in Troad. Σὲ δ', ὦ φίλ' Ἕκτορ, εἶχον ἄνδρ' ἀρχοῦντά μοι.

38. *Iphias*. Evadne, Iphiæ filia.

39. *Phylaceia*. Laodamia sic dicta a Phylace, Phthioticæ regionis Thesaliæ urbe, quæ sub ejus mariti Protesilai imperio fuit, ut docet Strabo, lib. IX; vel a Protesilai avo Phylace, Iphicli patre. MICYL.

40. *Iliacam celeri vir pede pressit humum*. Primo pede unus Vatican. et alter Palat. ex fide historiæ. In su-

periori versu non placet illud *Ut vivat fama*, malim *vivat famæ*; sic *vivere sibi*, *vipere alteri*; Art. Am. lib. III, vs. 413, *sed famæ vigilare juvet*. HEINS.

41. *At nece nil opus est*. Morte nihil opus est; plerique veteres: tres *Morteque nil*. Excerpta Vossii *Nil opus est leto*; bene: mox *puppis eat*, pro *navis*, multi veteres. H. — *Nil opus est leto*. Quod ad exempla referendum: Alcestidis scilicet, quæ pro marito Admeto mori sustinuit, ut est apud Euripidem: Evadnes, quæ et ipsa rogam mariti conscendit, eademque se cremari passa est: et Laodamiæ, de cujus obitu et morte supra adnotavimus, etc. MICYL.

44. *Vela damus*. Quasi dicat: hæc amore magis impulsus ad te scribenda putavi, quam quod arbitrarer te præceptis et monitis meis egere. P.

**PUBLII OVIDII NASONIS**

**EPISTOLARUM**

**EX PONTO**

**LIBRI IV.**



---

# HEINSII

## PRÆFATIUNCULA.

**I**N castigandis hisce libris codices fuere mihi præsto aliquanto vetustiores iis, quos Tristia suppeditarunt; neque illi tamen ejus notæ, aut auctoritatis, ut exactam locis male adfectis, qui plurimi passim hic illic obcurrunt, medicinam fecerint. Primus omnium commendandum se offert Viri Amp. Claudii Sarravii codex Gallicus, ante annos octingentos exaratus; sed mendose admodum, nec ille integer, ut qui in Elegia secunda tertii libri deficeret. Proximum vetustate Argentoratæ bibliothecæ exemplar, quod annorum circiter septingentorum senium præ se ferret: in eo liber quartus cum parte tertii desiderabantur. Nec ætate multo inferioris ex Mediceis unus, nobilissimi Rogerii Twisdenii equitis Baroneti itidem unus Anglicus; et Remigii Feschii V. Claris. codex. Post hos, primus Vaticanæ, Basileensis secundus, tertius Farnesianæ, quartus Barberinæ, Gottorphanæ quintus, sextus et septimus Hafniensis, Regiæ in Galliis octavus bibliothecæ. Præterea unus Puteanorum fratrum, alter Balthasaris Moreti, tertius V. Cl. Patricii Junii. Hi ante quadringentos, aut quingentos annos exarati. Reliqui notæ recentioris; Thuanei duo, totidem Medicei, Combrianus unus, sex Vaticani, duo, quos munificentia V. A. Bernardi Medonii senatoris Tolosani possideo, tres Vossiani, unus Batavinus, et Leidensis bibliothecæ, et Rottendorphanus, et Boxhornianus, et Arondelius, et a Petro Servio Medico Romano mihi donatus. Denique, quæ negligi nequaquam debent, lectiones diversæ ex optimo veterrimoque libro ad oram Gryphianæ editionis a magno Scaligero notatæ, et aliæ ex Mediceo exemplari, quo Politianus usus fuerat.

---

# PUBLII OVIDII NASONIS

## EPISTOLARUM

# EX PONTO

## LIBER PRIMUS.

---

### EPISTOLA PRIMA.

---

\* BRUTO,

---

#### ARGUMENTUM.

Epistolas, amicorum nomina in fronte gerentes, Bruto dicat, forsane eidem, ad quem et Ciceronis varia exstant; nec nocivum esse munus docet, quod in deplorando quadriennali exsilio et prædicandis Augusti laudibus versetur, peccatique veniam postulet.

NASO, Tomitanæ jam non novus incola terræ,

P. OVIDII NASONIS DE PONTO LIBER PRIMUS. Nihil magis inscitum, aut barbarum hac inscriptione, quam cave credas ab tersissima nostri Nasonis manu esse. Libri veteres plerique nullam omnino inscriptionem agnoscunt; nisi quod Sarravianus omnium veterrimus, et Combrianus inter meliores numerandus, sub finem libri secundi, EX PONTO LIBER II EXPLICIT. Barberinianus, EXPLICIT LIBER OVIDII IN PONTO. Opinor PONTICORUM, aut EPISTOLARUM PONTICARUM titulo libros hosce quatuor a Nasone insignitos fuisse. Trist.

V, Eleg. II, vers. 1: « Ecquid, ut e Ponto nova venit epistola, palles. »

\* AD BRUTUM. BRUTO optimi codices; atque ita semper deinceps per casum tertium; recte: quod semel loco hoc a me moneri suffecerit. H.

1. *Jam non novus incola.* Incolam non novum se vocat, pro veteri, κατὰ λήθη. Nam jam quantum prope annum in Ponto agebat, id quod infra mox adparet, Eleg. VIII. Cæterum, ut hoc addamus, septem omnino annos in Ponto vixisse poeta videtur; atque intra tres priores, ea, quorum titulus est *Tristium*,

Hoc tibi de Getico litore mittit opus:  
Si vacat, hospitio peregrinos, Brute, libellos

Excipe, dumque aliquo, quolibet abde loco.  
Publica non audent inter monumenta venire,

Ne suus hoc illis clausurit auctor iter.  
Ah! quoties dixi, certe nil turpe docetis!

Itē; patet castis versibus ille locus.  
Non tamen accedunt: sed, ut adspicis ipse, latere

Sub Lare privato tutius esse putant.  
Quæris, ubi hos possis nullo componere læso?

Qua steterant artes, pars vacat illa tibi.  
Quid veniant, novitate roges fortasse sub ipsa:

scripsisse: reliquis autem, hæc quæ de Ponto inscribuntur, ut ex ipsis libris adparet. MICYL.

2. *De Getico litore.* De litore maris Euxini, quod Getæ accolunt.

6. *Clausurit hoc iter.* Fecerit scribendo præcepta amatoria, ne hi quod de Ponto libelli possint in publicum prodire.

8. *Itē; patet castis versibus ille locus.* Locum hunc intelligit Merula de ipsa Roma: sed quia præcedit, *Publica non audent inter monumenta venire*, caperem de Apollinis Palatini templo et Bibliotheca, in quam non audent venire Nasonis libelli: vide Trist. lib. III, El. 1, et alibi. B.

9. *Nec tamen accedunt.* Non scripti.

12. *Qua.* Ubi: idque elegantissime dicitur de statu in loco. Noster Fast. lib. II, vers. 392: « Quaque jacent valles, Maxime Circe, tuæ; » Propertius, lib. III, xvi, 1: « Clausus ab umbroso qua ludit pontus Averno Humida Baiarum stagna tepentis aquæ, Qua jacet et Trojæ tubicen Misenus arena, Et sonat Herculeo structa labore via; » Tibullus, lib. II, El. II, 16: « Eoi Qua maris unda ru-

bet; » Horatius, lib. II, Od. III, 9: « Qua pinus ingens, albaque populus, etc. » Claud. de Raptu Proserp. lib. I, 235: « Devenere locum, Cereis qua tecta nitebant Cyclopum firmata manu; » Cicero, Act. et lib. II in Verrem: « Quum omnibus in aliis vectigalibus Asiæ, Macedoniæ, Hispaniæ, Galliæ, Africæ, Sardinæ, ipsius Italiæ, qua vectigalia sunt, etc. » Cæsar, lib. I de bello civili: « Qua fauces erant angustissimæ portus. » Sic et Livius, lib. XXXVII: « L. Cincium partem insulæ, qua regnum Hieronis fuerat, tueri jussit; » apud quem sæpissime id leges, et apud Virgilium, et Senecam tragædum, et Martialem. Hæc autem exempla eo collegi, quod a plerisque particulam *qua* sic positam, plane barbaram esse et audivi et legi. CIOF.

13. *Quid veniat.* Scripti *Quid veniant*; nisi quod in nonnullis, *Qui veniant*, quod Georgio Fabricio adridebat: nequicquam: ego vetustiores sequor. Trist. III, Eleg. VII, ad epistolam de Perilla, vs. 5: « Quicquid aget, quum te scierit venisse,



Accipe, quodcumque est, dummodo non sit amor.

Invenies, quamvis non est miserabilis index, 15

Non minus hoc illo triste, quod ante dedi :

Rebus idem, titulo differt; et epistola cui sit

Non occultato nomine missa, docet.

Nec vos hoc vultis, sed nec prohibere potestis;

Musaque ad invitos officiosa venit. 20

Quicquid id est, adjuuge meis : nihil impedit ortos

Exsule, servatis legibus, urbe frui.

Quod metuas non est : Antonî scripta leguntur ;

Doctus et in promptu scrinia Brutus habet.

relinquet : Nec mora ; quid venias , quidve, requiret, agam, » Eleg. XII ejusdem libri, 33 : « Sedulus obcurram nautæ ; dictaque salute, Quid veniat, quæram, quisve, quibusve locis. » Metam. XI, 622 : « Quid veniat ( cognorat enim ) scitatur. » Virgil. Æneid. I, 517 : « Quæ fortuna viris, classem quo litore linquant, Quid veniant ; » et lib. VI, 531, « Fare age, quid venias. » Sic et alii scriptores. H. — Ita et Græcos dicere *τί ἀντί τοῦ, διὰ τί*, Sextus Empir. tradit, lib. I, Pyrrh. Hypotyp. cap. 19, ubi videndus est Fabricius.

15. *Quamvis non sit miserabilis index. Quamvis non est* plerique veteres : versu proximo, pro hoc malim *hic*, si per antiquos liceat codices. Invenies his in libris non minus triste illo, quod jam ante dedi. HEINS.

16. *Quod ante dedi.* Metaphora a mulieribus, quæ filios genuerunt : in epistola Hypsipyles ad Jasonem, 121 etsq : « Felix in numero quoque sum ; prolemque gemellam, Pignora Lucina bina favente dedi. »

17. *Rebus idem.* Eadem est materia hujus operis, quæ est de Tristi-

bus. — *Titulo differt.* Differt indice. — *Et epistola cui sit.* Differt etiam hoc opus ab eo de Tristibus, quoniam in hoc, ad quem scripta sit epistola, titulus docet ; id vero in opere de Tristibus supprimitur.

19. *Nec vos hoc vultis.* Nec vos vultis vestra nomina in hoc opere poni, propter Augusti metum. — *Sed non prohibere potestis. Sed nec e scriptis multi.* H.

22. *Servatis legibus.* Non scribendo lasciva : id ne facerem, legibus cautum fuit.

24. *Doctus et in promptu.* Brutus enim, qui Julium Cæsarem occidit, vir fuit excellens omni genere laudis, et philosophiam latinis literis prosecutus fuit. — *Carmina Brutus habet. Scrinia* omnino rectius in Twisdeniano, Combiano, Boxhorniano, et Puteaneo a manu prima : quod in Pirckeimeriano, sive Arondeliano Gronovius noster testatus jam est se invenisse, Observat. ad Silvas Statianas. Omnino recte. Brutus enim, præter librum de Virtute Ciceroni, Senecæ, Plutarcho, aliis laudatum, etiam versus exstabant, et quidem satis lascivi, ut ex Plinio,

Nec me nominibus furiosus confero tantis :

25

Sæva Deos contra non tamen arma tuli.

Denique Cæsareo, quod non desiderat ipse,

Non caret e nostris ullus honore liber.

Si dubitas de me, laudes admitte Deorum ;

Et carmen demto nomine sume meum.

30

Adjuvat in bello pacatæ ramus olivæ :

Proderit auctorem pacis habere nihil ?

Quum foret Æneæ cervix subjecta parenti,

Dicitur ipsa viro flamma dedisse viam.

Fert liber Æneaden : et non iter omne patebit ?

35

At patriæ pater hic ; ipsius ille fuit.

Ecquis ita est audax, ut limine cogat abire

Jactantem Pharia tinnula sinistra manu ?

Ante Deum matrem cornu tibicen adunco

lib. III, Epist. 5, discimus. Auctor dialogi de claris Oratoribus : « Fecerunt Brutus et Cæsar carmina non melius quam Cicero, sed felicius, quia illos fecisse pauci sciunt. » H.

25. *Furiosus*. Legitur etiam, *furiosis*, hoc est, nominibus plenis furoris et iræ. MERUL. — *Comparo* Servii cod. *Furiosis consere* Sarrav.

26. *Non tamen arma tuli*. Non tamen bella gessi, ut M. Anton. et Brutus.

29. *Si dubitas de me*. Si dubitas mea causa hos meos libellos excipere. — *Laudes admitte Deorum*. Excipe illos Augusti causa, cujus laudes in illis continentur.

31. *Adjuvat in bello*. Est argumentum a minori : Ramus oleæ, quod signum pacis est, adjuvat in bello prætendentem : multo igitur magis debet juvare, non signum, sed ipse auctor pacis, id quod faciunt libri mei. MICYL. — *Pacatæ ramus olivæ*. « Paciferaque manu ramum præ-

tendit olivæ. » Virg. *Æn.* VIII, 116.

35. *Æneaden*. Augustum, ab Ænea oriundum, propter patrem Julium Cæsarem, qui genus suum ad Julium Ascanium, Æneæ filium, referebat.

36. *Et patriæ pater hic*. Augustus est pater patriæ. — *Ipsius ille*. Quo referas illud *ipsius* non video : an ad Augustum ? ut sit, Augustus fuit pater patriæ, ille ( Æneas ) pater ipsius ( Augusti ). In Francof. erat, *unicus ille fuit*, forte pro *unius ille fuit*. Hic, scilicet Augustus, est pater patriæ, qui est, Æneades ille, quem fert meus liber ; ille vero, Æneas, pater fuit non communis patriæ et omnium civium, sed unius Julii ; cui tamen iter patuit per ferrum et ignes. BURM. Alii interpretantur, ille Anchises non nisi Æneæ fuit pater.

37. *Ut limine cogat abire*. Ut Isidis sacerdotes, sinistra Ægyptia ferentes, pellat e limine.

39. *Ante Deum matrem*. Quum ma-

Quum canit, exiguae quis stipis æra neget? 40  
 Scimus ab imperio fieri nil tale Dianæ;  
 Unde tamen vivat vaticinator habet.  
 Ipsa movent animos Superorum numina nostros;  
 Turpe nec est tali credulitate capi.  
 En ego, pro sistro, Phrygiique foramine buxi, 45  
 Gentis Iuleæ nomina sancta fero:  
 Vaticinor moneoque; locum date sacra ferenti:  
 Non mihi, sed magno poscitur ille Deo.  
 Nec, quia vel merui, vel sensi principis iram,  
 A nobis ipsum nolle putate coli. 50

tri Deum canit tibicen inter sacrificandum. — *Adunco cornu.* Tibiam obliquam intellige, dextra parte unum, sinistra duo foramina habentem, quam Midas, in Phrygia invenit, ut Plinius docet. — *Abunco* Argentinus. Puto *obunco*.

40. *Quum canit.* Dum pr. editt.

41. *Scimus ab imperio fieri nil tale Dianæ.* Vir doctus in nuperis epistolis pro *Dianæ* reponit *Cybeles*: audacter mehercules, quum nihil sit mutandum. In cod. Twisdenii margine hæc glossa erat adscripta: « In Aricino nemore juxta Romam habuit Diana templum; ibi erant vaticinatores: » nihil verius; quo modo et intelligendum esse locum jam vidit sagacissimus Gronovius, *Observ. lib. IV, cap. 7. H.* — Simpliciter expone: Vaticinator, Dianæ nomine exigit stipem, sive pecuniam a consulentibus, sive iis, quibus vaticinia reddit. Et tamen scimus ipsam Dianam nihil tale imperare, hoc est, haud quaquam jubere, ut ille pecuniam ab hominibus auferat. Tamen unde se alat, non ei deest, ex benignitate videlicet oraculum consulentium. *MICYL.*

42. *Unde tamen vivat vaticinator.* Tamen sacerdos Dianæ, causa Deæ prædicendo futura, donatur victu et donis. Quibus verbis colligit, ut sacerdotes coluntur, Deorum causa, sic libros continentes Augusti laudes, minime esse ex urbe pelendos, sed potius excipiendos summa veneratione.

43. *Ipsa movent animos.* Hoc dicit: Movemur Deorum causa ad venerandum sacerdotes prædictos, nec debemus putare, esse turpe, credulitate nostra sacerdotes venerari Deorum causa. — *Superorum numina.* Nomina veteres nonnulli. H.

45. *Pro sistro, Phrygiique.* Pro sacerdotibus Isidis et Cybeles, quos persistram et tibiam e buxo designat.

46. *Gentis Iuleæ.* Augusti ex gente Iulia oriundi, ab Iulo, Æneæ filio. — *Nomina sacra fero.* Complector in meis libellis sacrum Augusti nomen.

47. *Vaticinor.* Sum vates Apollinis et sacerdos. — *Moneoque.* *Moneoque* P. Dan. — *Locum date.* Sinite me per urbem incedere. — *Ferenti sacra.* Mihi portanti nomina gentis Iuleæ.

49. *Nec, quia vel merui.* Quamvis, inquit, in me Augustus sit ira-



Vidi ego linigeræ numen violasse fatentem

Isidis, Isiacos ante sedere focos :

Alter, ob huic similem privatus lumine culpam,

Clamabat media, se meruisse, via.

Talia cælestes fieri præconia gaudent,

55

Ut, sua quid valeant numina, teste probent.

Sæpe levant pœnas, ereptaque lumina reddunt,

Quum bene peccati pœnituisse vident.

Pœnitet o ! si quid miserorum creditur ulli,

Pœnitet, et facto torqueor ipse meo !

60

Quumque sit exsilium, magis est mihi culpa dolori ;

Estque pati pœnas, quam meruisse, minus.

Ut mihi Dî faveant, quibus est manifestior ipse,

Pœna potest demi, culpa perennis erit.

tus, non recusat tamen a nobis coli nostro carmine.

51. *Linigeræ Isidis.* Hæc vera lectio, quidquid membranæ inter se pugnant. H.—Isidis cujus sacerdotes lino tecti sacra Deæ celebrabant.

52. *Sedere ante focos Isiacos.* Sedere ante altaria Isidis, ei sacrificaturum, posteaquam post pœnitentiam Dea placata illi veniam dedit.

53. *Alter.* Scilicet Isiacus sacerdos. — *Privatus lumine.* Privatus oculis tanquam perjurus. Quoties enim per Isidem jurantes fidem non servabant, putabantur a Dea visu privari. Juvenal. Sat. XIII, vs. 93 sq : « Decernat quodcunque velit de corpore nostro Isis, et irato feriat mea lumina sistro : Dummodo vel cæcus teneam, quos abnego, nummos. » In Anthologia græca Lucilius : μή καταράσῃ Τὴν Ἴσιν τοῦτο; huc et Persius, Sat. V, vers. 186, respexit, apud quem occurrit, « cum sistro lusca sacerdos. »

55. *Talia præconia.* Talem vocem

fatentium sua crimina, et se ita meritos.

56. *Quid valeant sua numina.* Quid possint Deorum vires. — *Teste.* Aliquo nocente, in quem animadverterint.

61. *Quumque sit exsilium, magis est.* Ita veteres constanter. Censeo nihilominus scribendum esse : « Quumque sit exsilium, magis es mihi culpa dolori. » Nam τὸ ἐστ versu proximo rursus sequitur, ubi *pœnas* cum Argenteratensi malo, quam *pœnam*. Similis loquendi modus infra Eleg. IV, vs. 31 : « Juncior Hæmonia est Ponto, quam Roma sit Istro. » H.

62. *Estque pati pœnas.* Rationem assignat, cur magis doleat crimine, quam exilio. Quia magis me angit peccatum meum, quam pœna et exsilium. — *Quam meruisse.* Quam peccatum commisisse, quo videar dignus tali pœna.

63. *Quibus est manifestior ipse.* In quibus Diis ipse Augustus magis adparet, quia a nobis videtur.

Mors faciet certe, ne sim, quum venerit, exsul;

65

Ne non peccarim, mors quoque non faciet.

Nil igitur mirum, si mens mihi tabida facta

De nive manantis more liquescit aquæ.

Estur ut occulta vitiata teredine navis;

Æquorei scopulos ut cavat unda salis;

70

Roditur ut scabra positum rubigine ferrum;

Conditus ut tineæ carpitur ore liber;

Sic mea perpetuos curarum pectora morsus,

Fine quibus nullo conficiantur, habent.

Nec prius hi mentem stimuli, quam vita, relinquent;

75

Quique dolet, citius, quam dolor, ipse cadet.

Hoc mihi si Superi, quorum sumus omnia, credent,

Forsitan exigua dignus habebor ope;

Inque locum Scythico vacuum mutabor ab arcu :

65. *Mors faciet certe. Mors ultima pœna est.* Lucan. VIII, 395.

66. *Ne non peccarim, mors quoque non faciet.* Versus hic præter rem est, et præter Nasonianam elegantiam. Præcedens etiam suspectus. H.

67. *Non igitur mirum est, si mens mea tabida facta. Si mens mihi,* Junianus; tres alii, *Nil igitur mirum:* utrumque bene. HEINS.

68. *De nive manantis.* Contabescit animus meus, et dolore colliquescit, ut nix ad ardorem solis. P. — Εἴτε χιὼν ὡς τις κατετάκετο μακρὸν ὕψ' Ἀτ-  
μον. Theocr. Idyll. VII, vs. 76; et Idyll. XXIII, vs. 31 : Ἄ δὲ χιὼν λευκὰ,  
καὶ τάκεται ἀνίκα παχὺθῇ.

69. *Vitiata teredine navis.* Hæc vera scriptura est, quam meliores membranæ adstruunt; perperam alii *putredine*. Robertus Constantinus in Lexico voce ὀξύνηα corrigit *vitiata teredine naris* : insulse. Inter teredinem et tineam hoc interest, quod

altera sit marina, altera terrestris; vide Plinium, lib. XVI, cap. 12. *Teredo* eadem quæ *Termes*. Græcis τεργήδων; Isidorus, Etymol. lib. XII, cap. 5. Versu proximo lege, cum castigatioribus scriptis : *Æquorei salis, non Æquoreos scopulos*. H.—*Violata* Putean.

71. *Ferrum rubigine roditur.* Cato de Re Rustica : *Ferrum rubigo interficat.*

72. *Carpitur.* Consumitur.—*Curarum morsus.* Curas edaces adpellat Horat. Gr. Συμοδακτεῖς, Συμοδόρους.

77. *Hoc mihi si Superi, quorum sumus omnia, credent.* Cave reponas, quorum sunt omnia, quum pro recepta scriptura et codices vetusti, et ipsa ratio pugnent. H.—*Si Superi, quorum sumus.* Si Dii, in quorum sum potestate : Augustum autem latenter intelligit.

79. *In locum vacuum.* In locum carentem arcu Scythico : hoc est, in

Plus isto, duri, si precer, oris ero.

80

locum magis quietum, et remotum ab hac Scytharum asperitate. — *Ab arcu Scythico*. Ab armis Getarum, qui peculiariter arcu utuntur. *Ab*

*hoste*, Politian. *Scythica ab arcto*, Vatican.

80. *Si precor. Si precer*, meliores. H. — *Duri oris*. Inverecundi oris.

## EPISTOLA II.

### MAXIMO.

#### ARGUMENTUM.

In hac epistola primo captat benevolentiam a Fabii persona, eum laudando. Deinde illum attentum reddit, quum docet ea, de quibus dicturus sit: hoc est, velle propria mala ingemiscere et exponere, quæ multa esse narrat, hostium scilicet periculum, faciem loci, dolorem ex his rebus maximum, adeo ut cupiat mutari in aliquam aliam formam. Colligit postremo, se clementiæ Cæsaris confidere, ut exsilii locum mutare liceat: petitque a Maximo, ut id solum, nec aliud tentet.

**MAXIME**, qui tanti mensuram nominis imples,  
Et geminas animi nobilitate genus;  
Qui nasci ut posses, quamvis cecidere trecenti,

1. *Maxime*. Fabius hic Maximus, quum intima familiaritate Cæsari Augusto fuerit conjunctus, non invenitur tamen, quod mireris, apud scriptores ullis functus honoribus. Ad hunc nostrum opinor referenda esse illa Quintiliani inst. Orat. VI, 3: « In metalepsin quoque cadit ratio dictorum; ut Fabius Maximus incusans Augusti congiariorum, quæ amicis dabantur, exiguitatem, heminaria esse dixit. » De morte hujus Fabii noster inf. lib. IV; et Plinius, lib. VII, cap. 45. H. — Atqui Glan-

dorpius consulem hunc Fabium facit an. U. C. DCCXCHII, ut et Lipsius fecit: sed hunc fuisse hujus Fabii patrem docet Masson. in vita Ovidii. — *Qui tanti mensuram nominis imples*. Qui nominis magnitudinem æquas, ac superas animi nobilitate. Per mensuram autem tanti nominis, *Maximi* adpellationem intellige.

2. *Genus*. Maximorum familiam.

3. *Quamvis cecidere* etc. Bello Etrusco, quod gestum est contra Veientes, quum in acie cecidisset Q. Fabius; vide Florum, libro I,



Non omnes Fabios abstulit una dies;  
 Forsitan hæc a quo mittatur epistola quæras, 5  
 Quique loquar tecum, certior esse velis.  
 Hei mihi! quid faciam? vereor, ne nomine lecto  
 Durus, et aversa cætera mente legas.  
 Viderit hæc si quis; tibi me scripsisse fateri

cap. 12. Historiam refert Ovid. in Fast. lib. II, vers. 196 sqq.

4. *Non abstulit omnes Fabios.* Non prorsus omnes Fabios delevit. Unus enim ex e agente, ob impuberem ætatem domi relictus, propagavit genus ad Q. Fabium, qui mora Annibalem fregit. Quod factum a Diis fuisse dicit Ovidius, ut Fabius, ad quem scribit, nasceretur. Quidam Herculem, apud fluvium Tiberim, cum muliere indigena congressum habuisse adserunt, et Fabium virum optimum genuisse; unde non immerito gens Fabia habuit hereditaria Hercules sacra.

6. *Quisque loquar tecum. Quique nonnulli veteres*: et mox *Hei mihi pro Heu*: bene. H.

9. « Viderit hæc si quis, tibi me scripsisse fateri Audebo, et propriis ingemuisse malis. Viderit; audebo tibi me scripsisse fateri, Atque modum culpæ notificare meæ. » Prius distichon Sarravianus, unus Medicus et Boxhornian. non agnoscunt; posterius totidem alii: quatuor duos medios versus omittunt. Ex duobus distichis unum faciendum hoc modo: « Videris: audebo tibi me scripsisse fateri: Audebo propriis ingemuisse malis; » ita enim posterior versus in quibusdam scriptus occurrit, quum vulgati exhibeant *Audebo et propriis*. Possit et legi: « Videris hoc; siquidem tibi me scripsisse fateri Audebo, et propriis ingemuisse malis. » Nam membranæ nonnullæ,

*Viderit hoc si quid*; alter Medonianus *viderit o si quid*. Qua lectionum diversitate opinor factum, ut sciolus aliquis ansam adripuerit ex duobus versibus versus quatuor procudendi. Certe, versus ultimus satis arguit indoctam manum. Quis enim credat Nasonem *notificandi*, aut, quod in aliis exstat, *certificandi* verbo usum? præterea plerique pro *modum culpæ* agnoscunt *modum pænæ*; quæ vox sequenti versu iteratur minus concinne. Tò *Videris* elegantissimum est; Propertius, lib. II, Eleg. XII, vs. 22: « Viderit hoc, si quam jam péperisse pudet. » Noster, Epistola Medæ, vs. 211: « Viderit ista Deus, qui nunc mea pectora versat; » Artis Amat. lib. III, 671: « Viderit utilitas: ego cæpta fideliter edam; » lib. II, 371: « Viderit Atrides: Helenen ego crimine solvo. » Remed. Amor. 249: « Viderit, Hæmonia si quis mala pabula terræ, Et magicas artes posse nocere putat, » et ibidem, 601: « Nona terebatur miseræ via. Viderit, inquit: Et spectat æonam pallida facta suam; » Fast. II, 782: « Viderit, audentes Forsne Deusne juvet; » Trist. V, Eleg. II, 43: « Viderit, ipse sacram, quamvis invisus, ad aram Confugiam; » Lucan. lib. I, 636: « cōditor artis Viderit ista Tages; » Stat. Theb. lib. III, vers. 212: « Viderit hæc bello viridis manus. » Petronius, *Videris tamen, inquit: non ero tui similis*. Neque aliter Cicero et opti-

Audebo, et propriis ingemuisset malis. 10  
 Viderit; audebo tibi me scripsisse fateri,  
 Atque modum culpæ notificare meæ.  
 Qui, quum me pœna dignum graviore fuisse  
 Confitear, possum vix graviora pati.  
 Hostibus in mediis, interque pericula versor; 15  
 Tanquam cum patria pax sit ademta mihi:  
 Qui, mortis sævo gement ut vulnere causas,  
 Omnia vipereo spicula felle linunt:  
 His eques instructus perterrita mœnia lustrat,  
 More lupi clausas circueuntis oves. 20  
 At semel intentus nervo levis arcus equino,  
 Vincula semper habens irresoluta, manet.  
 Tecta rigent fixis veluti vallata sagittis,  
 Portaque vix firma submovet arma sera.  
 Adde loci faciem, nec fronde, nec arbore læti, 25  
 Et quod iners hyemi continuatur hyems.  
 Hic me pugnantem cum frigore, cumque sagittis,  
 Cumque meo fato, quarta fatigat hyems.  
 Fine carent lacrymæ, nisi quum stupor obstitit illis,

mus quisque ex ævi aurei scriptoribus. Loca plura adscripsi, ut suas Nasoni elegantias adsererem. H.

11. *Viderit hæc aliquis, tibi me scripsisse.* Interrogative lego prius distichon, ut sit oratio dubitantis, utrum fateri velit, sive audeat, se ad Maximum de suis rebus ex professo, et nomine non celato scribere, an minus; ut posterius distichon quasi per subjunctionem huic respondeat: videlicet, velle atque audere sese. Dubitare autem se fingit, propter Augustum potissime. Deinde etiam, ut adtentionem pareret, magnitudinem suæ miseriæ tantam esse innuit, ut taceri ac dissi-

mulari nullo modo possit. MICYL.

15. *Hostibus in mediis.* In mediis Getis, qui urbem infestant. — *Versor. Vertor* quinque; *nector* unus.

17. *Ut gement causas* etc. Ut duplici causa et via lethum adferant, ferro scilicet et veneno.

20. *More lupi clausas.* Ovilibus enim clausis obambulans lupus insidiari solet.

23. *Veluti vallata.* Veluti circumdata.

25. *Nec fronde, nec arbore tecti.* Læti non invenuste unus Vaticanus.

29. *Nisi quum stupor.* Nisi quum mentis torpor, et quasi quædam alienatio a sensu.

Et similis morti pectora torpor habet. 30  
 Felicem Nioben, quamvis tot funera vidit,  
 Quæ posuit sensum, saxeæ facta, mali!  
 Vos quoque felices, quarum clamantia fratrem  
 Cortice velavit populus ora novo.  
 Ille ego sum, lignum qui non admittar in ullum: 35  
 Ille ego sum, frustra qui lapis esse velim.  
 Ipsa Medusa oculis veniat licet obvia nostris,  
 Amittat vires ipsa Medusa suas.  
 Vivimus, ut sensu nunquam careamus amaro;  
 Et gravior longa sit mea pœna mora. 40  
 Sic inconsumtum Tityi, semperque renascens,  
 Non perit, ut possit sæpe perire, jecur.

31. *Felicem Nioben.* Niobe filia fuit Tantalî et Taygetæ, uxorque Amphionis. Quæ, et orbata viro et filiis, apud urnas eorum in lapidem versa dirigit. Legito Ovid. in Met. l. VI. — *Quamvis tot funera vidit.* Quamvis viderit tot filios mortuos.

32. *Quæ posuit sensum, saxeæ facta, malis.* Mali Putaneorum et Moreti exemplaria; vere; Trist. IV, Eleg. VI, 22: « Mensque mali sensum nostra recentis habet; » Pont. IV, Eleg. ult. 50: « tantummodo vita relicta est, Præbeat ut sensum materiamque mali; » ita libri veteres. HEINS.

33. *Vos quoque felices.* Heliades, id est, Solis filias, sorores Phaethontis dicit: quæ, fraterna funera juxta Eridanum deplorantes, conversæ dicuntur in alnos, ut voluit Maro. Pro *clamantia*, leg. *clementia* Barth. Vinc. ex Gryphio, ut solet; idem Sarrav. Fragm.; male. Francius volebat *lacrymantia*.

35. *Qui non admittor.* Admittarsequentia requirunt; atque ita Sarra-

vianus. H. — *In ullum lignum.* In ullam arborem.

36. *Ille ego etc.* Nequidquam etiam cupio in lapidem mutari, ut Niobe.

37. *Ipsa Medusa oculis.* Phorcus ex Cetho conjuge tres habuit filias eximie pulchritudinis, Euryalem, Sthenionem, et Medusam. Fabulam refert Ovidius, Met. lib. IV.

38. *Amittet suas vires.* Quia non mutabit me in saxa.

39. *Amaro.* Iniquo Politian. ut sæpe hæ voces commutatæ.

40. *Sit mea pœna.* Fit idem Saravianus aliique nonnulli: et mox *Amittat* pro *Amittet* Politiani excerpta et unus Vaticanus. H.

41. *Sic inconsumtum Tityi.* Tityi exemplo docet suum dolorem semper renasci. Hic amavit Latonam; propter quod, Apollinis telis confixus, et hac pœna damnatus apud inferos addicitur; ejus jecur vultur exedit. — *Tityi jecur.* De quo Virgil. VI, 595: « Nec non et Tityon, terræ omniparentis alumnus, Cernere erat: per tota novem cui jugera cor-



At, puto, quum requies, medicinaque publica curæ

Somnus adest, solitis nox venit orba malis:

Somnia me terrent veros imitantia casus;

45

Et vigilant sensus in mea damna mei.

Aut ego Sarmaticas videor vitare sagittas;

Aut dare captivas ad fera vincla manus:

Aut, ubi decipior melioris imagine somni,

Adspicio patriæ tecta relictæ meæ:

50

Et modo vobiscum, quos sum veneratus, amici,

Et modo cum cara conjuge, multa loquor.

Sic, ubi percepta est brevis et non vera voluptas,

Pejor ab admonitu fit status iste boni.

Sive dies igitur caput hoc miserabile cernit,

55

Sive pruinosi noctis aguntur equi;

Sic mea perpetuis liquefiunt pectora curis,

pus Porrigitur, rostroque immænis  
vultur obunco Immortale jecur tun-  
dens, fœcundaque pœnis Viscerâ,  
rimaturque epulis, habitatque sub  
alto Pectore: nec fibris requies dâ-  
tur ulla renatis.»

43. *Medicinaque publica curæ.* Som-  
nus enim solet esse curarum medi-  
cina. Unde Iris, apud Ovid. lib. XI  
Metamorph. ita loquitur: «Somne,  
quies rerum, placidissime Somne  
Deorum; Pax animi, quem cura  
fugit, qui corpora duris Fessa mi-  
nisteriis mulcēs, reparasque labori.»

45. *Imitantia veros casus.* Quum  
sint falsa, videntur tamen vera esse.

46. *Et vigilant sensus.* Et mei sen-  
sus, inquit, vigilant, somniando eâ  
quæ mihi damnum adferunt.

48. *Captivas in fera vincla manus.*  
*Ad fera vincla scripti max. ex parte.*

49. *Imagine somni.* Jucundioribus  
somniais, quibus interdum deludor.  
— *Somni dixit per Synæresin pro*

*somni.* Ut Virg. Eclog. I, vers. 33:  
*nec cura peculi.* Ludunt nos somnia  
in utramque partem. P.

50. *Tecta relictæ.* *Regna beatæ*  
unus: an dictum ut apud Virgil.  
Ecl. I, vs. 70: «Post aliquot, mea  
regna videns, mirabor aristas.»

53. *Sic, ubi percepta est brevis et*  
*non vera voluptas.* Numeros Naso-  
nianos hic non agnosco: a Patavino  
verbum substantivum aberat. For-  
te: «Sic ubi jam percepta brevis nec  
vera voluptas.» Mox *status iste* non  
*ille scripti meliores*: et postea *prui-*  
*nosi equi*, non *pruinose noctis*: etsi  
in Amoribus dixerit noster, lib. II,  
Eleg. XIX, vs. 22: «Longa pruinosa  
frigora nocte pati.» H.

54. *Ab admonitu.* Post recordatio-  
nem patriæ, amicorum, et conju-  
gis, quæ tanquam bona mihi erepta  
esse doleo.

55. *Caput hoc.* Seipsum designat.

57. *Liquefiunt pectora curis.* Sic Fa-

Ignibus admotis ut nova cera liquet.

Sæpe precor mortem; mortem quoque deprecor idem,

Ne mea Sarmaticum contegat ossa solum.

60

Quum subit, Augusti quæ sit clementia, credo

Mollia naufragiis litora posse dari.

Quum video, quam sint mea fata tenacia, frangor;

Spesque levis, magno victa timore, cadit.

Nec tamen ulterius quidquam sperove, precorve,

65

Quam male mutato posse carere loco.

Aut hoc, aut nihil est, pro me tentare modeste

Gratia quod salvo vestra pudore queat.

Suscipe, Romanæ facundia, Maxime, linguæ,

Difficilis causæ mite patrocinium.

70

Est mala, confiteor; sed te bona fiet agente:

Lenia pro misera fac modo verba fuga.

Nescit enim Cæsar, quamvis Deus omnia norit,

Ultimus hic qua sit conditione locus:

Magna tenent illud rerum molimina numen;

75

bricius restituit, quum in plerisque scriptis editisque *liquescent* legeretur: tres nostri *liquuntur*, non male: et tum pro *liquet* versu proximo, cum plurimis membranis *solet* reponatur: *liquantur* Twisdenianus: in Fastis *mella liquata* habes. H.

66. *Quam male mutato posse carere loco*. Videtur scribendum *male mutando*; hoc est, qui mutetur cum alio loco, quantumvis malo: hoc est, quod postea est dicturus, vs. 105: «Nec petito, ut bene sit, sed uti male tutius;» sic lib. II, Eleg. II, vs. 98: «Sit tua mutando gratia blanda loco;» Pont. IV, Eleg. XIV, ex antiquis libris 7: «Nulla mihi cura est, terra nisi muter ut ista;» vide Gronovium, Observat. lib. III, cap. 1; sic Elegia de Nuce, *solem mutare*

non *vitare*, quod est in multis veterum. Quare frustra sunt, qui hoc loco scribendum contendunt: «Quam male me tuto posse carere loco.» H. — *Loco male mutato*. Loco exsili ubi sum, mutato cum alio loco malo, sed tamen minus turbulento.

68. *Salvo pudore*. Habita pudoris ratione. Quasi dicat, de reditu nullum verbum facies, ni forte velis haberi inverecondus.

69. *Suscipe Romanæ*. In vulgatis codicibus, novæ hoc Elegiæ exordium est. Nos vetustissimorum exemplarium auctoritatem sumus secuti. H.

75. *Magna molimina*. Magna pondera reip. hoc est: detinetur Augustus majoribus oneribus, adeo ut, præ illorum magnitudine, non possit his locis, et meis malis cogno-

Hæc est cælesti pectore cura minor.  
 Nec vacat, in qua sint positi regione Tomitæ,  
 Quærere, finitimo vix loca nota Getæ;  
 Aut quid Sauromatæ faciant, quid Iazyges acres,  
 Cultaque Oresteæ Taurica terra Deæ;  
 Quæque aliæ gentes, ubi frigore constitit Ister,  
 Dura meant celeri terga per amnis equo.  
 Maxima pars hominum nec te, pulcherrima, curant,  
 Roma, nec Ausonii militis arma timent.  
 Dant animos arcus illis plenæque pharetræ,  
 Quamque libet longis cursibus aptus equus:  
 Quodque sitim didicere diu tolerare famemque;  
 Quodque sequens nullas hostis habebit aquas.  
 Ira Dei mitis non me misisset in istam,

scendis vacare. — *Illud numen.* Augustum Cæsarem dicit.

77. *Non vacat.* Nec scripti. H.

79. *Iazyges.* Qui hodie Transylvani.

80. *Taurica.* Tauricam Chersonesum intelligit, ubi Iphigenia, Agamemnonis filia, Orestis soror colebatur: cui et naufragos immolabant, et quoscumque Græcos illuc delatos.

81. *Quæque aliæ gentes.* Ut sunt Iazyges, Getæ, Basternæ, Daci, et Alani Tauris contermini: est autem ordo: et non vacat Augusto quærere quid aliæ gentes faciant, quæ meant, id est, vadunt celeri equo per dura terga amnis, hoc est, Istri, ubi Ister constitit frigore.

83. *Maxima pars hominum.* Scribe *horum*, vel *harum*, videlicet gentium, lib. II, Eleg. I, 45: « Maxima pars horum vitam veniamque tulerunt; » ubi *hominum* in nonnullis etiam libris: proximo versu Polit. Argent. et duo alii *timent*; recte, si *curant* pro *curat* reponas. HEINS.—

*Maxima pars hominum.* Quæ gentes supradictæ, sunt ita multæ et bellicosæ, ut Romanam potentiam non curent. Ex quo periculum suum ostendit esse maximum.

86. *Quamlibet et longis cursibus aptus equus.* Quamque libet prisca exemplaria; quod mutari non debuit. H. — *Eques* MSS Bersmann. *actus* Leidens.

88. *Quodque sequens.* Alia causa etiam dat Scythiis animos, quod propter aquarum penuriam non timent, ut eos hostes insequantur.

89. *Ira viri mitis non me misisset in istam.* Si satis hæc illi nota fuisset *humus*. Alterutrum redundat aut *in istam*, aut *in hæc*; quæ duo, nisi barbaræ, non possunt conjungi: pro *humus* aliquando reponebam *humum*, in istam *humum*. Nunc parum abest quin refingendum censeam, *non me misisset in Istrum*; infra lib. III, Eleg. IV, 91: « Nec mea verba legis, qui sum submotus ad Istrum; » Trist. lib. II, 189: « Solus ad egress-



Si satis hæc illi nota fuisset, humum. 90  
 Nec me, nec quemquam Romanum gaudet ab hoste,  
 Meque minus, vitam cui dedit ipse, premi.  
 Noluit, ut poterat, minimo me perdere nutu.  
 Nil opus est ullis in mea fata Getis.  
 Sed neque, cur morerer, quidquam mihi comperit actum;  
 Nec minus infestus, quam fuit, esse potest. 96  
 Tum quoque nil fecit, nisi quod facere ipse coegi,  
 Pæne etiam merito parcior ira meo.  
 Dì faciant igitur, quorum mitissimus ipse est,  
 Alma nihil majus Cæsare terra ferat. 100  
 Utque diu sub eo sit publica sarcina rerum,

sum missus septemplex Istri; » atque ita passim. Præter flumen Istrum, in hoc tractu etiam Ἰστρὸς oppidum; quod *Istrus* latinis. Plinio *Istropolis*. Arriani Periplus Ἰστρὸς vocat; quo spectat nummus argenteus apud me cum inscriptione ΙΣΤΡΙ ΗΛΩΝ: fuit autem Milesiorum colonia, ut et Tomi. Pro *virimitis* cum sex, septemve nostris *Dei mitis* reponendum; quod Naugerius in suis quoque invenerat. Deum passim Augustum adpellat.

92. *Vitam cui dedit ipse, capi. Premi* Politian. Thuan. et duo alii; ut Trist. lib. III, Eleg. XI, vers. 14: « Terreor, hoste meum pæne premente latus. H. »

93. *Ut poterat. At poterat scripti* quidam et prim. edit. *ut poterit* Jun. *at potuit* Moreti. — *Me prodere* Patav.

93. *Ullis Getis*. Quasi dicat, Non misit me Augustus Tomon, ut a Scythi interficerer.

97. *Nisi facere quod ipse coegi*. Nisi quod ego illum compūli, scribendo carmina et præcepta amatoria.

99. *Mitissimus ipse est. Ille* Servii cod. et plurim. edit. — *Quorum*. Subaudi, Deorum. Augustus nimi-

rum vivens divinos meruit honores.

101. *Utque diu sub eo, sic sit sub Cæsare terra*. Alii *Roma*; sed neutrum bene: certe *terra* præcedenti versu jam obcurrerat. Quatuor: « Utque diu sub eo sit publica sarcina mundi, » quinque, *sit publica sarcina terræ*; quod in Erfurtano etiam invenerat Zinzerlingus: unus, *sit publica sarcina curæ*; Moreti liber, pro diversa lectione, *sit publica sarcina rerum*; Sarravianus admodum mendose *Utque diu sub eo, sic sit publicæ saro terræ*; Combrianus, *Utque diu sub eis*; alius *sub eo est*. Locus mirifice turbatus; nam versu proximo pro *eas* plurimi etiam veteres *eant*. Timide dico, dico tamen, videri reponendum: « Utque diu subsint huic publica pondera rerum, » videtur enim vox una, aut altera excidisse. Paulo ante pro *justissimus ipse est*, priscæ editiones et scripti satis multi cum Argentoratensi *mitissimus*; quomodo *Deum mitem* paulo ante adpellarat. H. — *Utque diu* etc. Et ut olim, inquit, terra fuit sub imperio Cæsaris, sic etiam in posterum semper subjecta sit.

Perque manus hujus tradita gentis eat.  
 At tu tam placido, quam nos quoque sensimus illum,  
 Iudice pro lacrymis ora resolve meis.  
 Non petito, ut bene sit, sed uti male tutius; utque 105  
 Exsiliū sævo distet ab hoste meum :  
 Quamque dedere mihi præsentia numina vitam,  
 Non adimat stricto squallidus ense Getes.  
 Denique, si moriar, subeant pacatius arvom  
 Ossa, nec a Scythica nostra premantur humo : 110  
 Nec male compositos, ut scilicet exsule dignum,  
 Bistonii cineres ungula pulset equi :  
 Et ne, si superest aliquid post funera sensus,  
 Terreat hic manes Sarmatis umbra meos.  
 Cæsaris hæc animum poterant audita movere, 115  
 Maxime; movissent si tamen ante tuum.  
 Vox, precor, Augustas pro me tua molliat aures,  
 Auxilio trepidis quæ solet esse reis :  
 Adsuetaque tibi doctæ dulcedine linguæ  
 Æquandi Superis pectora flecte viri. 120

104. *Ora resolve. Ora aperi*, pro me Augustum orando.

105. *Non petit ut bene sit, sed uti male tutius. Non pete quod Puteanus. Unus Vaticanus Non petit. Lege Non petito ut bene sit, vel Non petito bene sit. Scaliger, Neve pete ut bene sit; etiam non male. H. — Sed uti male tutius.* Sed petito ut exsulem in loco magis tuto; quod apertius et sequenti carmine indicat.

108. *Squallidus Getes.* Getes immundus, horridus, et impexus.

109. *Subeam pacatius arvom.* Malim subeant cum uno Hafniensi, ut ad ossa referatur. H.

111. *Male compositos cineres.* Male sepultos.

112. *Bistonii equi.* Equi Getarum, Thraciam incolentium. Est autem Bistonium stagnum in Thracia.

113. *Si superest aliquis sensus.* Si superest anima post mortem. Animam autem sempiternam esse, primus omnium dixit Pherecydes Syrus, ut est auctor Cic. in lib. I Tusc. quæst. — *Aliquis post funera sensus.* Aliquid sensus cum Argentoratensi et uno Vatic. sic lib. II, II, 100: « Si quid habet sensus umbra diserta. »

114. *Terreat ut manes. Et manes* plerique veteres; duo *Terruerit*; totidem *Terreat hic*; quod sequor. H.

116. *Movissent si tamen ante tuum.* Si tamen, o Maxime, ea flexissent antea mentem tuam; Horatius, vs.

Non tibi Theromedon, crudusve rogabitur Atreus,

Quique suis homines pabula fecit equis:

Sed piger ad pœnas princeps, ad præmia velox,

Quique dolet, quoties cogitur esse ferox:

Qui vicit semper, victis ut parcere posset,

125

Clausit et æterna civica bella sera;

Multa metu pœnæ, pœna qui pauca coercet;

Et jacet invita fulmina rara manu.

Ergo, tam placidas orator missus ad aures,

Ut propior patriæ sit fuga nostra, roga.

130

Ille ego sum, qui te colui; quem festa solebat

Inter convivas mensa videre tuos:

Ille ego, qui duxi vestros Hymenæon ad ignes,

Et cecini fausto carmina digna toro:

102 Art. Poet. « si vis me flere, dolendum est Primum ipsi tibi.

121. *Non tibi Theromedon.* Intelligence de Theromedonte illo crudelissimo, de quo alibi Ovid. ita inquit, Ibide, vs. 383: « Theromedonteos ut qui sensere leones. » Ille enim stabula habuit leonum, quos corporibus humanis alebat. — *Crudusque rogabitur Atreus.* Et non rogabis pro me crudelem quemdam, ut fuit Atreus; Horat. Art. Poet. vs. 186: « Aut humana palam coquat exta nefarius Atreus. »

122. *Quique suis homines.* Diomedem intelligit, qui habuit equorum præsepia, ob equorum feritatem, ærea: ferreis catenis equi viribus prævalidis vinciebantur: cibisalebantur non his quos terra fert, sed hospitum divertentium carnibus.

125. *Qui vincit semper, victis ut parcere possit.* Vicit et posset Sarra. et tres alii. H.

126. *Sera. Manu* MSS Bersm.

127. *Multa metu pœnæ.* Sic Tacit.

« Pœna ad paucos, metus ad plures perveniat. »

133. *Duxi vestros Hymenæon ad ignes.* Dixi priscae edit. cum multis manu exaratis; quod explodit Fabricius; non ego: sic canere Hymenæon; Met. XII, vs. 215: « Ecce canunt Hymenæon, et ignibus atria fumant; » Statius Genethliaco Lucani, vs. 87: « Et vestros Hymenæon ante postes Festis cantibus ipsa personabo; » Claudianus, lib. II Rapt. Proserp. de Jove: « nimbis Hymenæon hiulcis Intonat; » ita scribendum esse illic jam monui: cave enim credas ab Hymenæo tonuisse. Terent. Adelph. Tibicina et Hymenæum qui cantent, ubi Donatus, sic accipe hymenæum in nuptiis, quemadmodum ἱμῆνον in funere, vel in sacris hymnum. H.—Firmat Heinsii correctionem Francofurt. codex, qui habet, cecini, quæ est expositio τοῦ dixi; quamvis duxi ita explicari posset, ut poeta id fecisse dicatur, quod cecinit; et ita sæpe scriptores loquun-



Cujus te solitum memini laudare libellos, 135

Exceptis, domino qui nocuere suo.

Cui tua nonnunquam miranti scripta legebas,

Ille ego, de vestra cui data nupta domo.

Hanc probat, et primo dilectam semper ab ævo

Est inter comites Marcia censa suas; 140

Inque suis habuit matertera Cæsaris ante;

Quarum judicio si qua probata, proba est.

Ipsa sua melior fama, laudantibus istis,

Claudia divina non eguisset ope.

Nos quoque præteritos sine labe peregimus annos: 145

Proxima pars vitæ transilienda meæ.

tur.—*Hymenæon.* Carmen nuptiale. Deum autem nuptiarum posuit pro ipso epithalamio. De Hymenæo alibi plura diximus. — *Ad ignes vestros.* Ad vestras tædas, quæ nubentibus præferebantur; vel, ut potius Burmanno videtur, ad vestras aras, ad quas sponsus et sponsa sacrificabant et comprecabantur.

140. *Est inter comites Marcia.* Marcia hæc, non Catonis, ut hic Merula tradit, sed Maximi uxor fuit, id quod ex Tacito adparet Ann. I, 5, ubi ita legitur: « Quippe rumor incesserat, paucos ante menses Augustum electis consciis, et comite uno Fabio Maximo, Planasiam vectum, ad visendum Agrippam, etc. Quod Maximum uxori Marcie aperuisse, illam Livie: gnarum id Cæsari, etc. » Quod autem eadem filia fuerit Marcii Philippi, vitrici Augusti, ex sexto Fastorum patet. MICYL.

141. *Matertera Cæsaris.* Ex Julia C. Cæsaris sorore, et M. Accio Balbo nata est Accia, Augusti mater, quæ, post mariti Octavii mortem, Marcio Philippo nupsit, qui ab Anco Marcio genus traxit. Et ex eodem Philippo,

et Acciæ sorore, ac matertera Augusti defuncta, antequam Acciam duceret Philippus, Martiam natam volunt, dicente Ovidio in Fast. Credendum est ergo Ovidium, hic significare suam uxorem tertiam de domo Fabiorum, puellam admodum, primo sororem Actiæ, et Augusti materteram, et Marcie matrem coluisse, deinde ejus filiam Marciam.

143. *Ipsa sua melior fama.* Ipsa, inquit, Claudia melior quam erat ejus fama (parum enim casta ferebatur) non eguisse divino auxilio, si eam Marcia et Cæsaris matertera laudassent: quasi dicat, uxor mea pudicissima est, quandoquidem utitur consuetudine talium matronarum. Historiam refert Liv. de bello Punico libro nono, Val. Maximus, lib. V; Lactant. lib. II, cap. 8.

144. *Divina ope.* Auxilio Cybeles, ut suspicionem violatæ castitatis poneret.

146. *Proxima. Ultima duo.* — *Est transilienda.* Est silentio prætereunda: quia paulo ante notatus fui infamia, et relegatus propter præcepta amatoria.

Sed de me ut sileam, conjux mea sarcina vestra est :

Non potes hanc salva dissimulare fide.

Confugit hæc ad vos ; vestras amplectitur aras :

Jure venit cultos ad sibi quisque Deos. 150

Flensque rogat, precibus lenito Cæsare vestris,

Busta sui fiant ut propiora viri.

147. *Est vestra sarcina.* Erat enim ex Maximorum familia.

149. *Vestras aras.* Vestra auxilia, vos precando tanquam suos Deos.

150. *Jure venit cultos.* Versus, nisi fallor, spurius, et quem pro Ovidiano vix admiserim. H. — Cogita-

bam aliquando, *pura venit cultos ad sibi sæpe Deos* ; ut *pura* dicatur, quia aberat vir : debebant enim *pure et caste Deos adire* : sed potius legendum puto : « Jure venit cultos ad sibi sæpe Deos. » BURM.

151. *Lenito.* Mollito unus.

## EPISTOLA III.

~~~~~

RUFINO.

ARGUMENTUM.

Ex Rufini literis magnam se cepisse voluptatem et spem, fatetur poeta : nec tamen eas quamvis eloquentes, tantam vim habuisse docet, ut dolorem potuerint amovere : causamque adsignat. Tum refellit eorum exempla, quos ipse dixerat forti animo tulisse exsilium, ea ratione quod illi tam longe a patria non exulassent. Fatetur tamen postremo, si posset ejus animus leniri, ipsius præcepta et literas elegantissimas id facturas fuisse : quas loco magni muneris se accepisse dicit.

HANC tibi Naso tuus mittit, Rufine, salutem,

Qui miser est, ulli si suus esse potest.

Reddita confusæ nuper solatia menti

Abest tota hæc epistola a Sarra-
viano codice. Argentoratensis post

proximam epistolam collocabat. H.
3. *Menti. Mentis* Moreti.

Auxilium nostris spesque tulere malis.
 Utque Machaoniis Pæantius artibus heros 5
 Lenito medicam vulnere sensit opem :
 Sic ego mente jacens, et acerbo saucius ictu,
 Admonitu cæpi fortior esse tuo;
 Et jam deficiens, sic ad tua verba revixi,
 Ut solet infuso vena redire mero. 10
 Non tamen exhibuit tantas facundia vires,
 Ut mea sint dictis pectora sana tuis.
 Ut multum nostræ demas de gurgite curæ,
 Non minus exhausto, quod superabit, erit.
 Tempore ducetur longo fortasse cicatrix : 15
 Horrent admotas vulnera cruda manus.
 Non est in medico semper, relevetur ut æger :
 Interdum docta plus valet arte malum.
 Cernis, ut e molli sanguis pulmone remissus
 Ad Stygias certo limite ducat aquas. 20
 Adferat ipse licet sacras Epidaurius herbas,

5. *Utque Machaoniis Pæantius artibus heros.* Machaoniæ artes proprie hoc loco accipiendæ pro iis, quibus Machaon, Æsculapii filius, Philoctetem curavit. Sequitur enim Ovidius eorum opinionem, qui Philoctetem hydræ morsu saucium, eoque a Græcis in Lemno relictum, postea, monitu oraculi revocatum, et ad Trojam reversum, a Machaone curatum dicunt.

10. *Ut solet infuso vena redire mero.* Adfuso Twisdenius; quod præstat: in Epicedio Drusi, vs. 422: « Ari-
 daque adfusa guttura tinxit aqua, » alludunt huc et duo alii codices, in quibus *effuso mero*: pro *vena non-nulli flamma*, vel *vita*. Forte *Vesta*, pro igni; Silius, libro VI, vs. 76: « Procedit renovata focis et pau-

pere Vesta Lumina prætendens. »

12. *Sint sana.* Sint sine dolore.

13. *Ut multum demas nostro de pectore curæ.* Argent. et quinque alii *nostræ de gurgite curæ*; eleganter et vere, si quid video: sic *gurgis vitiorum* Ciceroni. H.

16. *Vulnera cruda.* Vulnera recentia. Hoc dicit: recens dolor nullas admittit consolationes.

19. *E molli pulmone.* Mollem probe vocat. Vulnerato enim pulmone, homo perimitur: nam spongiosus est, ideoque spiritus capax. — *Sanguis.* Sanguis ejectus, illato vulnere. — *Certo limite.* Vita non ambigua, quia moritur. Ex quo docet causam suam esse perditam, et deploratam.

21. *Epidaurius.* Æsculapius, qui in Epidaurio civitate colebatur.

Sanabit nulla vulnera cordis ope.
 Tollere nodosam nescit medicina podagram,
 Nec formidatis auxiliatur aquis.
 Cura quoque interdum nulla medicabilis arte; 25
 Aut, ut sit, longa est extenuanda mora.
 Quum bene firmarunt animum præcepta jacentem,
 Sumtaque sunt nobis pectoris arma tui;
 Rursus amor patriæ, ratione valentior omni,
 Quod tua texuerunt scripta, retexit opus. 30
 Sive pium vis hoc, sive hoc muliebri vocari,
 Confiteor misero molle cor esse mihi.
 Non dubia est Ithaci prudentia; sed tamen optat
 Fumum de patriis posse videre focis.
 Nescio qua natale solum dulcedine captos 35
 Ducit, et immemores non sinit esse sui.
 Quid melius Roma? Scythico quid litore pejus?
 Huc tamen ex illa barbarus urbe fugit.

26. *Aut si sit. Aut ut sit* plerique veteres et *extenuanda* pro *attenuanda*.

27. *Præcepta*. Rationes quibus usus es in literis tuis.

28. *Pectoris arma*. Consilia e pectore tuo profecta, quibus me obarmo contra mœrorum morsus. P.

30. *Quod tua fecerunt scripta, retexit opus*. *Texerunt* Patav. et unus Hafniensis. Scribe *texuerunt*. H. — *Quod tua* etc. Quod tu ad me scripsisti. — *Retexit*. Destruit. Vel revocat me ad mœrorem, unde me epistola tua avocarat: vel, obliterat monita tua. PONT. MER.

31. *Sive pium vis hoc, seu vis muliebri vocari. Sive hoc muliebri plerique*: nonnulli etiam, *Sive pium jus hoc*. HEINS.

33. *Fumum de patriis focis*. Homer.

Odyss. A, vers. 57: αὐτὰρ Ὀδυσσεὺς ἴμενος καὶ κακὸν ἀποθνήσκοντα νοήσαι ἦς γαίης, θανίεντο ἱμῖσται: « Ille solum patriæ mavult, regna aspera saxis, quam promittentis munera summa Deæ. »

36. *Dulcedine cunctos Ducit*. Rectius duo Vaticani *dulcedine captos*; Met. lib. I, vs. 709: « Arte nova vocisque Deum dulcedine captum; » Met. XI, vs. 170: « Quorum dulcedine captus Pana jubet Tmolus citharæ submittere cannas; » Juvenalis de Statio: « tanta dulcedine captos Allicit ille animos. » H.

37. *Quid melius Roma*. Exemplis probat, omnes patriam cæteris locis anteferre solitos esse. — *Huc*. In Scythiam. MER. — *Scythico quid frigore pejus*. Nomine frigoris, omnia illius barbaræ regionis incommoda com-

Quum bene sit clausæ cavea Pandione natæ,

Nititur in silvas illa redire suas.

40

Adsuetos tauri saltus, adsueta leones,

Nec feritas illos impedit, antra petunt.

Tu tamen, exsiliî morsus e pectore nostro

Fomentis speras cedere posse tuis.

Effice, vos ipsi ne tam mihi sitis amandi,

45

Talibus ut levius sit caruisse malum.

At, puto, qua fueram genitus, tellure carenti,

In tamen humano contigit esse loco.

Orbis in extremi jaceo desertus arenis,

Fert ubi perpetuas obruta terra nives :

50

Non ager hic pomum, non dulces educat uvas ;

Non salices ripa, robora monte virent.

Neve fretum terra laudes magis ; æquora semper

Ventorum rabie, solibus orba, tument.

Quocumque adspicias, campi cultore carentes,

55

plectitur. P. — *Litore pejus* cod. Scalligeri, et duo alii : rectius etiam hoc.

39. *Quum bene sunt clausæ cavea Pandione natæ.* Sint plerique veteres ; sit Argentinus, Farnesianus, et unus Vaticanus : optime, nec hanc Micylli conjecturam Fabricius improbare debuit : duo ex nostris cum Aldina editione, *quum bene sit clausa Pandione nata* ; verum proxime. H. — *Pandione natæ.* Ex Aldina illa lectione, de sola Philomela intelligitur : hæc enim in silvis nidificare solet. Sed quid si legas, *Quum bene sit clausæ cavea Pandione natæ* : ut sit sensus : Quantumvis bene est lusciniæ cavea inclusæ, nititur tamen exire in silvas suas : *Bene esse*, pro bene ac commode vivere, posito.

40. *Nititur in silvas quæque redire suas.* Illa redire Argent. et decem

alii probe ; nisi pro *quæque* mavis reponi *usque*. H.

43. *Exsiliî morsus.* Quoniam hæc te cura remordet. *A pectore nostro.* E pectore cum melioribus : pro *cedere* versu proximo unus Vaticanus *vellere*, pro *pellere* ; et tunc *Te* pro *Tu* sit scribendum. H.

44. *Cedere.* Amoveri. — *Fomentis tuis.* Remediis tuis et consolationibus. — *Fomitibus* Francof. de quo cogitandum.

49. *Extremi orbis.* Extremi septemtrionis et terrarum. — *In arenis.* In Getico litore.

51. *Non dulces educat uvas.* Herbas Argent. et multi alii. H. — Ego *uvas* retineo, eisque melius epitheton *dulces*, quam herbis convenire puto : vide et infra Ep. VII, 13, et Trist. III, x, 71. BURM.

Vastaque, quæ nemo vindicet, arva jacent.
 Hostis adest, dextra lævaque a parte timendus;
 Vicinoque metu terret utrumque latus.
 Altera Bistonias pars est sensura sarissas,
 Altera Sarmatica spicula missa manu. 60
 I nunc, et veterum nobis exempla virorum,
 Qui forti casum mente tulere, refer:
 Et grave magnanimi robur mirare Rutili,
 Non usi reditus conditione dati.
 Smyrna virum tenuit, non Pontus et hostica tellus; 65
 Pæne minus nullo Smyrna petenda loco.
 Non doluit patria Cynicus procul esse Sinopeus;
 Legit enim sedes, Attica terra, tuas:
 Arma Neoclides qui Persica contudit armis,
 Argolica primam sensit in urbe fugam: 70

60. *Spicula mista manu. Missa* quatuor scripti. quod melius.

61. *Veterum nobis exempla virorum.* Scribe *veterum reorum*, vel in-vitis membranais. H.

63. *Et grave magnanimi. I.* grave malim, adposita repetitione, si quid video. H.—*Magnanimi Rutili.* P. Rutilius doctus et philosophiæ deditus vir fuit, summæ innocentiae: is quæstor Asiam injuriis publicanorum liberavit: sed invidia equestris ordinis, qui tunc judicia exercebat, repetundarum damnatus, in exilium missus est: quum postea ei ob Syllanam victoriam in patriam redire liceret, maluit in exilio esse, quam aliquid contra leges fecisse videri.

65. *Virum. Rutilium. Et hostica tellus.* Multi libri *et hospita*: forte scripserit, *non Pontus, inhospita tellus*, per adpositionem, et ut adludat ad cognomen *axeni*. BURM.

66. *Smyrna.* Smyrna urbs fuit Io-

niæ, ab Amazone Smyrna adpellata, quæ Ephesum tenuit; ea urbs est una ex iis; quæ sibi Homeri natales vindicarunt.—*Nullo loco.* Nulla alia urbe. Smyrna, inquit, quum sit urbs præclarissima, minorem adferret dolorem in ea exsultanti, quam aliæ urbes: quasi dicat, si quis exsul locum gratum quærit, eam urbem præ cæteris eligat.

67. *Non doluit* etc. Diogenem intelligit, qui Sinopeus fuit, Icesii mensarii filius: quem fugisse aiunt, quum ejus pater publice mensam haberet, ac falso pecuniam signaret. Inde Athenas veniens, Antisthenem secutus est.

69. *Arma Neoclides.* Themistocles Atheniensis, Neoclis filius, qui universæ Græciæ magnæ salutis fuit bello Persico. De Themistocle plura legito apud Herodotum, Thucydidem, Justinum, ac Æmiliū Probum.

70. *Primam fugam.* Hoc dicit, quia

Pulsus Aristides patria Lacedæmona fugit ;

Inter quas dubium, quæ prior esset, erat :

Cæde puer facta Patroclus Opunta reliquit,

Thessaliamque adiit, hospes Achillis, humum :

Exsul ab Hæmonia Pirenida cessit ad undam,

75

Quo duce trabs Colchas sacra cucurrit aquas :

Liquit Agenorides Sidonia mœnia Cadmus,

Poneret ut muros in meliore loco :

Venit ad Adrastum Tydeus, Calydone fugatus ;

Et Teucrum Veneri grata recepit humus.

80

sæpius fugit : sed primo Argos per-
venit, ut dictum est.

71. *Pulsus Aristides patria.* Aristides, Lysimachi filius Atheniensis, æqualis fere Themistocli, itaque cum eo de principatu contendit.

72. *Quæ prior esset.* Quæ esset clarior, patriane, an sedes ubi exulabant.

73. *Cæde puer facta.* Patroclus, Menœtii filius ; et Actoris nepos, quum in Opunte oppido Locridis luderet astragalus, cum Aphidamantis filio Clisonymo, (vel, ut alii volunt, Eane) iratus ob subreptos astragalos, eum interemit, et in Thessaliam confugit ad Peleum. — *Opunta reliquit.* Ex Opuntia urbe Locridis natum esse Patroclum, testatur etiam Homerus.

74. *Thessaliam.* Urbem Thessaliæ Phthiam, patriam Achillis.

75. *Exsul ab Hæmonia.* Mos fuit apud antiquos, ut reus homicidii exsularet. In regum tamen legibus lectum est, noxios homicidii arietis damno pœnam luere. — *Ad undam Pirenida.* Ad Corinthiam urbem. De Corintho legito Strab. lib. VIII.

76. *Quo duce trabs Colcha sacra cucurrit aqua.* Opinor Nasonem scripsisse *Colchas aquas*, ut jam monui

Trist. lib. V, El. VII, 36 ; nam unus Medic. et prima editio : « Quo duce Colchiacas Argo cucurrit aquas. » H. — *Quo duce.* Jasone. — *Trabs sacra.* Argo, navis Palladi sacrata. — *Colchas aquas.* Per aquam Colchidis regionis. Intelligit autem mare Ponticum, quod Colchos adluit.

77. *Liquit Agenorides.* Agenor, rex Phœniciæ, jussit Cadmum quærere sororem Europam, lege impia, ut non reverteretur, nisi ea inventa : qua diu frustra quæsita, exsul Cadmus in Bœotiam venit, ubi Thebas ædificasse dicitur ; ut in Met. docet Ovidius. — *Sidonia mœnia.* Urbem Phœniciæ Sidona, a piscium ubertate sic dictam : nam piscem Phœnices *Sidon* vocant.

78. *Ut poneret muros.* Ut urbem Thebanam conderet. — *In meliore loco.* In ipsa Bœotia.

79. *Venit ad Adrastum Tydeus.* Tydeus, Cenei quum in Calydone Alcathoum Lycotheumque nepotes occidisset, ex Ætolia Argos aufugit : cui Adrastus benigne suscepto, quodam responso motus, filiam Deiphylum uxorem dedit. — *Calydone.* Ex Calydone urbe Ætolix. — *Venit ad Adrastum ;* Eurip. fab. 8.

80. *Et Teucrum.* Post finem belli

Quid referam veteres Romanæ gentis, apud quos
Exsulibus tellus ultima Tibur erat?

Persequar ut cunctos, nulli datus omnibus ævis
Tam procul a patria est, horridiorve locus.

Quo magis ignoscat sapientia vestra dolenti, 85
Qui facit ex dictis non ita multa tuis.

Nec tamen inficior, si possint nostra coire
Vulnera, præceptis posse coire tuis.

Sed vereor, ne me frustra servare labores;

Neu juver admota perditus æger ope. 90

Nec loquor hæc, quia sit major prudentia nobis;

Sed sim, quam medico, notior ipse mihi.

Ut tamen hoc ita sit, munus tua grande voluntas

Trojani, Teucer, morte Ajacis fratris
invisus patri Telamoni, quum non
reciperetur in regnum, Cyprum
concessit, atque ibi urbem nomine
antiquo patriæ Salamina condidit.
— *Humus grata Veneri.* Cyprus in-
sula in qua Venus colebatur. — *Teu-
crum.* Eurip. fab. 16. Quod nos co-
nati sumus latine reddere:

Telamone cretus Teucer a Troja redit,
Troja cremata. Patrio pulsus solo,
A cæde sintris Pharia visit litora.

82. *Tibur erat.* Nondum enim Ro-
mani propagaverant imperii fines.

83. *Nulli datus omnibus ævis.* Rot-
tendorphianus, *omnibus ex his*, quod
placet; *omnibus illis*, Arondelianus.
H. — Nihil muta: sic noster Met. II,
vs. 649: « Non jam mortalis, et ævis
Omnibus ut maneas. »

86. *Quæ facit ex dictis non ita multa
tuis.* Quæ facis unus Vatican. et Ar-
gentinus, *Qui facit*; quomodo Tana-
quillus Faber in Epistolis conjicit.
Ego olim legebam, *Si facio.* H. —
Quæ non facit ita multa. Quæ tua
sapientia consequitur ita multa, ut

velles: non enim ea potest dolorem
tollere. — *Ex tuis dictis.* Ex rationi-
bus adductis. *Suis* est in Moreti li-
bro, pro var. lect. Sed vellem vir
doctus sententiam suæ emendatio-
nis nobis explanasset, quæ deberet
esse: tua sapientia, quæ ea, quæ di-
cit; non facit; atqui hæc esset intem-
pestiva exprobratio, nec conveniret
sequentibus: quare *qui* retineo. B.

87. *Si possent. Possint meliores.* H.

89. *Ne me frustra sanare labores.*
Servare scripti: et paulo ante pro *præ-
ceptis posse coire tuis*, unus Hafnien-
sis *fomentis*; quomodo paulo ante
versu 44. H.

90. *Neu juvet admota.* Alias *juver*
legitur, ut sit sensus: Nec æger ipse
perditus, sive desperatus, juver ope
et cura tua admota: quæ lectio me-
lior ac planior est. MICYL. — Alter
Vaticanus *protinus æger ope.*

91. *Prudentia. Sapientia* Putean.

92. *Sed sum. Sim* priscae editiones.

93. *Tua voluntas.* Tuus erga me
animus et amor. — *Grandè munus.*
Loco magni muneris.

Ad me pervenit, consuliturque boni.

94. *Ad me pervenit, consuliturque boni. Consuluitque boni plerique veteres; Argent. et alii nonnulli consiliumque dedit; duo consiliumque boni: præterea versu præcedenti quidam, Ut tamen hæc ita sint, non hoc ita sit. Scribe: « Ut tamen hæc ita sint, munus tua grande voluntas Ad me pervenit, consuliturque boni. »*

HEINS. — *Ut tamen hoc sedeat* dedit auctor Elector. Eton. arbitratus glossema τοῦ ita sit ortum a rariore verbi *sedeat* usu. Mox Barthius conjiciebat, *consuluitque bene*, quia frigidum credebatur, postquam grande munus adpellavit, postea dicere se boni consulere. Ego lection. Heins. recepi, probante Burmanno.

EPISTOLA IV.

UXORI.

ARGUMENTUM.

Ad uxorem scribens poeta, canum se et languidum factum esse designat; hujusque rei causas duas esse colligit: senectutem scilicet, et dolorem, quo adsidue conficitur: deinde facta collatione Jasonis, qui in ea loca pervenit, ubi ipse exsulat, docet suum malum majus fuisse illius opere et peregrinatione. Postremo optat, ut possit in patriam redire, fruique dulcissimæ conjugis amplexu et colloquio, Cæsaribusque sacrificare.

JAM mihi deterior canis adspergitur ætas,

Jamque meos vultus ruga senilis arat:

Jam vigor, et quasso languent in corpore vires;

Nec, juveni lusus qui placuere, placent:

Nec, si me subito videas, agnoscere possis;

Ætatis facta est tanta ruina meæ!

Confiteor facere hæc annos: sed et altera causa est,

4. *Nec, juveni lusus qui placuere, juvant. Qui placuere, placent concinnius Thuanus unus. H. — Nec lusus. Ἐπελελχόμεν' ἡδονῶν. Eurip. in Bacch.*

« Nihil pol jam istæc res mihi voluptatis ferunt: Satietas tenet studiorum istorum. » Ter. Hecyr.

6. *Ætatis facta est. Malim Ætati.*

Anxietas animi, continuusque labor.
 Nam mea per longos si quis mala digerat annos,
 Crede mihi, Pylio Nestore major ero. 19
 Cernis, ut in duris, et quid bove firmitus? arvis
 Fortia taurorum corpora frangat opus.
 Quæ nunquam vacuo solita est cessare novali,
 Fructibus adsiduis lassa senescit humus:
 Occidet, ad Circi si quis certamina semper 15
 Non intermissis cursibus ibit equus:
 Firma sit illa licet, solvetur in æquore navis,
 Quæ nunquam liquidis sicca carebit aquis.
 Me quoque debilitat series immensa malorum,
 Ante meum tempus cogit et esse senem. 20
 Otia corpus alunt; animus quoque pascitur illis:
 Immodicus contra carpit utrumque labor.
 Adspice, in has partes quod venerit Æsone natus,

8. *Continuusque labor.* Et adsiduus ac quotidianus corporis cruciatus, sollicitudines, angores.

9. *Mala digerat annos.* Duxerit annos duo; quod non spernendum: ducere enim verbum arithmeticæ, et ratiocinio proprium esse docuit Gronovius, Observ. II, 10. Nihil tamen temere mutem. BURM.

10. *Pylio Nestore.* Nestor ex Pylo, urbe Laconia. Nestor autem a poetis tertiam hominum ætatem vixisse fertur, id est, tercentum annos. Plinius tamen lib. VII scribit eum pervenisse ad 99 annum: triginta videlicet annis, pro una ætate computatis.

12. *Opus. Onus* quatuor libri.

13. *Vacuo novali.* Agro sine semine.

14. *Fructibus adsiduis.* Malim, *Frugibus*, cum Twisdenio et altero Thuaneo. HEINS.

15. *Ad certamina Circi.* Ad pugnam ludorum Circensium, in quibus aliquando et pueri nobiles equis ludicrum Trojæ inire solebant, auctore Cor. Tacito. MER.—*Certamina.* In genere de omnibus equestribus certaminibus, quæ in Circo fieri solebant, intelligendum. MICYL.

18. *Quæ nunquam liquidis.* Est autem ordo verborum: navis illa, quantumvis firma, solvetur in æquore, quæ nunquam carebit aquis, sicca ipsa, sive in sicco existens. MICYL.

19. *Series immensa laborum.* *Malorum* Sarrav. Argent. Scaligeri, et duo alii: in Tristibus, « Si tanti series sit tibi nota mali. » H.

21. *Otia.* Quietem et tranquillitatem mentis intellige: vel quies conservat corporis valetudinem.

23. *Quia venerit. Quod venerit* meliores: proximo versu τὴν a Sarrav. Polit. alii que omittunt. H.

Quam laudem a sera posteritate ferat.
 At labor illius nostro leviorque minorque, 25
 Si modo non verum nomina magna premunt.
 Ille est in Pontum, Pelia mittente, profectus,
 Qui vix Thessaliæ fine timendus erat;
 Cæsaris ira mihi nocuit, quem Solis ab ortu
 Solis ad occasus utraque terra tremit. 30
 Junctior Hæmonia est Ponto, quam Roma sinistro;
 Et brevius, quam nos, ille peregit iter.
 Ille habuit comites, primos telluris Achivæ:
 At nostram cuncti destituere fugam;
 Nos fragili vastum ligno sulcavimus æquor: 35
 Quæ tulit Æsoniden, firma carina fuit;
 Nec Tiphys mihi rector erat; nec Agenore natus
 Quas sequerèr, docuit, quas fugeremque, vias;
 Illum tutata est cum Pallade regia Juno:

26. *Si modo non.* Si modo, inquit, gesta alicujus clari viri non præponantur factis hominis vilis et abjecti: quasi dicat, si modo non voluerit aliquis labores Jasonis meis præponere; propterea quod majoris est auctoritatis, quam ego. *Id.*

30. *Utraque terra.* Terra et orienti et occasui subjacens.

31. *Junctior.* Distichon nescio an genuinæ notæ. H. — *Junctior* pro *vicinior*, eleganter et latine. — *Hæmonia.* Thessalia, unde solvit Jason. — *Ponto.* Colchidi, quæ Ponto adjacet. — *Sinistro.* Multi *sit Istro.* *Sinister* et *laevus Pontus* passim in his et Tristium libris.

33. *Primos.* Primarios homines: Castorem scilicet, et Pollucem; Herculem, alios, quos Valer. Flac. enumerat in libro I.

34. *Deseruere fugam. Destituere* vetustiores. H.

37. *Nec Amyntore natus. Quas fugerem docuit.* Agenore Sarravianus, Argent. Scaliger, et multi alii, ut de Phineo intelligatur: recte; quod Naugerius et Micyllus jam viderunt: hinc apud Valer. Flaccum, libro IV, 444, « magno prognatus Agenore Phineus. » H. — *Nec Agenore.* Intelligit Phineum poeta, qui Jasoni viam, quam sequeretur, indicavit, et quo pacto petras Cyaneas transiret, ostendit. Vocat autem Phineum Agenoridem etiam Apollonius, ut quum ait: *Εὐθὲ δ' ἰππάρτων οἶκον Ἀργυροπιδᾶς ἔχει Φινεύς*; ubi monet scholiastes, Phineum a nonnullis Phœnicis filium, Agenoris nepotem haberi: qua in sententia fuerint Hesiodus, Asclepiades, Antimachus, Pherecydes, qui Phœnicis et Cassiopææ filium faciunt: Helanicum tamen Phineo patrem Agenora adsignasse. De monitis a Phi-

Defendere meum numina nulla caput ; 40
 Illum furtivæ juvere cupidinis artes,
 Quas a me vellem non didicisset Amor :
 Ille domum rediit; nos his moriemur in arvis,
 Perstiterit læsi si gravis ira Dei.
 Durius est igitur nostrum, fidissima conjux, 43
 Illo, quod subiit Æsone natus, onus.
 Te quoque, quam juvenem discedens urbe reliqui,
 Credibile est nostris insenuisse malis.
 O ego, Dî faciant, talem te cernere possim,
 Caraque mutatis oscula ferre genis; 50
 Amplectique meis corpus non pingue lacertis;
 Et, gracile hoc fecit, dicere, cura mei :
 Et narrare meos flenti flens ipse labores ;
 Sperato nunquam colloquioque frui ;
 Turaque Cæsaribus cum conjuge Cæsare digna, 55
 Dis veris, memori debita ferre manu !
 Memnonis hanc utinam, lenito principe, mater
 Quam primum roseo provocet ore diem !

neo datis, quomodo instituendum Argonautis esset iter, deque columba viam monstrante, copiose egerunt Valer. Flacc. et Apollonius.

41. *Illum furtivæ*. Jaso, inquit, habuit Medeam, quæ ejus amore capta, illi ad rapiendum aureum vellus, opera, arte, et consilio profuit.

42. *Non didicisset amans*. Amor Sarav. Argent. et tres alii. *Amoris præceptorem* se passim noster adpellat.

50. *Oscula ferre comis*. *Genis* præstat cum uno Hafniensi et tribus Vaticanis; superiori versu pro *talem te*, quidam *te talem*. Censeo scribendum: « O ego, Dî faciant, vel talem cernere possim. » H.

54. *Sperato nunquam*. Malim *spe-rando*, vel *sperato nusquam*. H.

55. *Cæsaribus cum conjuge*. Per Cæsares, Augustum et ejus filios: per conjugem vero, Liviam, Augusti uxorem, intellige.

56. *Debita ferre manu*. Proprium in hac re verbum esse *ferre* notat Herald. ad Arnob. lib. VII, p. 268.

57. *Mater Memnonis*. Aurora, Tithonis uxor, materque Memnonis. — *Lenito Cæsare*. *Principe* scripti: proximo versu pro *provocet*, duo veteres *provehat*. Forte, *provehat aze*, ut in Amoribus, Eleg. XIII, vs. 2: « Flava pruinosum quæ vehit axe diem. » HEINS.

EPISTOLA V.

MAXIMO.

ARGUMENTUM.

Ad Maximum scribens poeta, illum admonet, ne miretur, si carmen minus elegans et incultum offenderit; siquidem tot malis et situ ingenium oppressum, non possit eo calore insurgere, quo prius: deinde docet, cur, quamvis sibi carmina nocuerint, tamen adhuc scribat. Postremo consilium exponit, cur non conetur facere optimum carmen, et illud polire.

ILLE tuos quondam non ultimus inter amicos,

Ut sua verba legas, Maxime, Naso rogat:

In quibus ingenium desiste requirere nostrum,

Nescius exsilii ne videre mei.

Cernis, ut ignavum corrumpant otia corpus;

Ut capiant vitium, ni moveantur, aquæ.

Et mihi, si quis erat, ducendi carminis usus

Deficit, estque minor factus inerte situ.

Hæc quoque, quæ legitis, si quid mihi, Maxime, credis,

Scribimus invita, vixque coacta, manu.

Non libet in tales animum contendere curas,

2. *Ut sua verba.* Quamvis exsulis et habentis Cæsarem iratum. P.

7. *Sic mihi.* Veteres *Et mihi.* H.

10. *Scribimus invita, vixque movente manu.* Vixque coacta meliores omnes cum primis editionibus; Gotthorphanus *rogata*; unus Vossianus *notata*. Puto: «Scribimus invita, vix properata manu,» vel, *perarata*. H.

11. *Animum contendere.* *Divertere* Petri Servii codex. Forte *animo divertere*; de quo Met. VIII, vs. 188: nil tamen temere mutandum. H.—Libet quidem adplicare animum ad tales curas: sed non eundem contendere, id est, in talibus curis accurate et cum diligentia versari. Cic. *dixit animo contendere*. P.

Nec venit ad duros Musa vocata Getas.

Ut tamen ipse vides, luctor deducere versum;

Sed non fit fato mollior ille meo.

Quum relego, scripsisse pudet; quia plurima cerno, 15

Me quoque qui feci iudice, digna lini.

Nec tamen emendo: labor hic quam scribere major,

Mensque pati durum sustinet ægra nihil.

Scilicet incipiam lima mordacius uti,

Et sub iudicium singula verba vocem? 20

Torquet enim fortuna parum, nisi Nilus in Hebrum

Confluat? et frondes Alpibus addat Athos?

Parcendum est animo miserabile vulnus habenti:

Subducant oneri colla perusta boves.

At, puto, fructus adest, justissima causa laborum; 25

Et sata cum multo fœnore reddit ager.

12. *Nec venit in duros. Ad duros in vetustioribus. H. — In nostros quidam libri Barthii.*

13. *Luctor. Cogor* Putean.

14. *Mollior ipse. Ille meliores. H. — Meo fato. Mea infelicitate: quasi dicat, versum facio fortunæ meæ haud dissimilem, hoc est, durum; nam res meæ duræ sunt.*

15. *Quum relego. Quumque lego* MS. BERSM.

16. *Digna lini. Digna deleri.*

19. *Scilicet incipiam. Debeo, inquit, mordacius uti lima in corrigendo carmine, et laborare circa unumquodque verbum.*

20. *Ut sub iudicium. Et vetust. H.*

21. *Nisi Lycus in Hebrum Confluat. Prior in Lycus syllaba passim corripitur: etiam apud nostrum Pont. IV, Eleg. x, vs. 47. Combrianus pro diversa lectione Lixus. In Patavino Nilus, quod amplector: similia habes Amor. lib. II, Eleg. XVII, 31:*

« Sed neque diversi ripa labuntur eadem Frigidus Eurotas, populiferve Padus, » quæ adagii vicem obtinent; Propert. lib. I, Eleg. XII, 3: « Tam multa illa meo divisa est milia lecto, Quanta Hypanis Veneto dissidet Eridano; » sic scribe, non *Quantum*. H. — *Nisi Nilus in Hebrum Confluat. Nisi aquam aquæ, hoc est, curam curæ addas.*

22. *Et frondes Alpibus addat Athos. Et frondes etiam addant nemora nemoribus.*

23. *Parcendum est animo. Ignoscendum est menti meæ adflictæ, si non facio optima carmina.*

24. *Subducant oneri. Scribe subducant vel contra libros. H. — Colla perusta. Colla labore consumpta; et ita adtrita, ut perusta videantur.*

25. *Justissima causa laborum. Laboris quidam. Lege: « At, puto, fructus adest justissima causa labori. »*

26. *Et sata cum multo fœnore. Sicut*

Tempus ad hoc nobis, repetas licet omnia, nullum

Profuit, atque utinam non nocuisset! opus.

Cur igitur scribam? miraris: miror et ipse;

Et mecum quæro sæpe, quid inde feram.

30

An populus vere sanos negat esse poetas,

Sumque fides hujus maxima vocis ego?

Qui, sterili toties quum sim deceptus ab arvo,

Damnosa persto condere semen humo.

Scilicet est cupidus studiorum quisque suorum;

35

Tempus et adsueta ponere in arte juvat.

Saucius ejurat pugnam gladiator; at idem,

Immemor antiqui vulneris, arma capit:

Nil sibi cum pelagi dicit fore naufragus undis;

Mox ducit remos, qua modo navit, aqua.

40

Sic ego constanter studium non utile carpo;

Et repeto, nollem quas coluisse, Deas.

Quid potius faciam? non sum, qui segnia ducam

Otia: mors nobis tempus habetur iners.

ager fertilis, si eum colas, semen creditum multiplicatum reddit: ita ingenium bonum, si cura, meditatio, studium accesserint, longe evadet fecundius. P.

27. *Tempus ad hoc nobis, repetas licet omnia, nullum.* Scribendum, quidquid libri veteres dissentiunt: «Tempore ad hoc nobis, repetas licet omnia, nullo Profuit, atque utinam non nocuisset! opus.» H.—Nescio cur *nullum* mutandum sit: licet enim varia carmina scripserit, nullum tamen sibi ad hoc usque tempus profuisse dicit. Sic in secundo Tristium recenset opera sua, in quibus etiam laudes Cæsaris cantatas dicit, sed nullum fructum inde cepit, immo contra in Arte scripta exitium sibi reperit. BURM.

28. *Opus.* Libros de Arte Amandi designat.

30. *Et tecum quæro sæpe, quid inde petam. Et mecum quæro* nonnulli veteres, et *feram*; ut infra vs. 81: «si te distantia longe Pleiadum laudent signa, quid inde feras?» H.

32. *Sum maxima fides.* Sum maximum, quod poetæ sint insani, exemplum: qui, quum carminis causa relegatus sim, adhuc carmen scribo.

33. *Ab arvo sterili.* A studiis poeticis, quæ nullum mihi fructum attulere.

39. *Dicit. Jurat* unus Heinsii.

41. *Studium non utile servo. Carpo* sex libri; id est reprehendo. H.—*Curo* unus.

44. *Tempus iners.* Tempus sine ulla exercitatione.

Nec juvat in lucem nimio marcescere vino ; 45
 Nec tenet incertas alea blanda manus.
 Quum dedimus somno , quas corpus postulat , horas ,
 Quo ponam vigilans tempora longa modo ?
 Moris an oblitus patrii , contendere discam
 Sarmaticos arcus , et trahar arte loci ? 50
 Hoc quoque me studium prohibent adsumere vires ;
 Mensque magis gracili corpore nostra valet.
 Quum bene quæsieris , quid agam , magis utile nil est
 Artibus his , quæ nil utilitatis habent.
 Consequor ex illis casus oblivia nostri ; 55
 Hanc , satis est , messem si mea reddit humus :
 Gloria vos acuat ; vos , ut recitata probentur
 Carmina , Pieriis invigilate choris.
 Quod venit ex facili , satis est componere nobis ;
 Et nimis intenti causa laboris abest. 60
 Cur ego sollicita poliam mea carmina cura ?
 An verear , ne non adprobet illa Getes ?
 Forsitan audacter faciam , sed gloriior Istrum

46. *Manus incertas.* Manus ignaras victoriæ , aut jacturæ.

49. *Moris patrii.* Disciplinæ Romanæ.

50. *Et trahar arte loci.* Et vivam his artibus , quibus vivitur Tomi.

51. *Hoc studium.* Hanc jaculandi artem.

52. *Magis valet gracili corpore etc.* Magis viget , quam tenue et macilentum corpus meum.

53. *Quum bene quæsieris , quid agam.* Puto , *Quum bene quæsierim , quod agam.* HEINS.

56. *Hanc messem , satis est , si modo reddat ager.* Hanc , satis est , messem Basileensis et Petri Servii codex. Deinde scripti plerique , cum priscis

editionibus , *Si mea reddit humus , vel reddat.* H.—*Hanc messem.* Hanc utilitatem , ut mala obliviscar , dum studiis poeticis operam do.—*Si mea humus.* Si meum ingenium.

58. *Choris.* Modis Junianus et Puteanus.

60. *Abest.* Remota est : quia nec gloria , nec spes reductus , aut alia causa mihi offertur , qua debeam facere optima carmina.

61. *Sollicita poliam mea carmina cura.* Lima unus Vossianus et Hafniensis , ut supra : « Scilicet incipiam lima mordacius uti. » H.

62. *An verear.* Vereor plurimi.

63. *Sed gloriior Istrum.* Si gloriior Putean. alius quia. Lege *si gloriior* :

Ingenio nullum majus habere meo.
 Hoc, ubi vivendum, satis est, si consequor arvo, 65
 Inter inhumanos esse poeta Getas.
 Quo mihi diversum fama contendere in orbem?
 Quem fortuna dedit, Roma sit ille locus.
 Hoc mea contenta est infelix Musa theatro :
 Sic merui ; magni sic voluere Dei. 70
 Nec reor hinc istuc nostris iter esse libellis,
 Quo Boreas penna deficiente venit.
 Dividimur cælo ; quæque est procul urbe Quirini,
 Adspicit hirsutos cominus Ursa Getas.
 Per tantum terræ, tot aquas, vix credere possum 75
 Indicium studii transiluisse mei.
 Finge legi, quodque est mirabile, finge placere;

mox *Ingenio* pro *Ingenium* veteres plerique. HEINS.

65. *Hoc ubi vivendum est, satis est, si consequar arvo.* Tolle priori loco verbum substantivum cum sex scriptis, et repone *consequor* cum melioribus plerisque. H. — *Ubi vivendum est.* Quasi dicat, Satis erit mihi, haberi poeta apud Scythas : nec est curandum, an parum docte scribam.

67. *Quid mihi diversum. Quo mihi* Sarrav. Scaliger, Argent. et quatuor alii : optime. Sequenti versu malim : « Quem fortuna dedit, Roma sit ille, locum. H. — *Quid mihi.* Subaudi, prodest. — *Contendere.* Ire. — *In diversum.* In Romanam civitatem. — *Fama.* Famæ causa. Quid prodest mihi, inquit, laborare, ut fama mea Romam perveniat.

68. *Roma sit ille locus.* Ille locus Scythiæ, quem fortuna mihi adsignavit, habeatur mihi pro Roma ; quasi dicat, Sufficit mihi, si in Scythia tantum fama mea sit non vulgaris. MER.

69. *Hoc theatro.* Si mihi ab his plauditur, sufficit. P.

72. *Penna deficiente.* Tot millibus distat. Venti enim a poetis alati finguntur.

73. *Procul urbe Quirini.* Longe a Romana civitate, quam Quirinus, hoc est Romulus, condidit.

74. *Adspicit hirsutos Getas.* Videt Getas hispidos et barbatos : nam sunt sub Ursa majori in septemtrionali plaga. MER. — Ita et infra vocat III, vs. 6, ubi hirsutis pelli-bus indutos Crispinus interpretatur, secutus, ut solet, priores, quos Bernec. ad Tacit. de Morib. Germ. cap. 17, jam refutavit, et de corpore hirsutis, non veste, capiendum censet.

75. *Vix credere possum. Possim* Politian. et duo alii : et mox *transiluisse* meliores, pro *transiliisse*. H.

76. *Indicium.* Judicium multi.

77. *Quodque est mirabile. Quid-quid mirabile* MS. BERSM. — *Miserabile* sex ; *posse placere* Putean.

Auctorem certe res juvet ista nihil.

Quo tibi, si calida positus laudare Syene,

Aut ubi Taprobanen Indica cingit aqua?

80

Altius ire libet? si te distantia longe

Pleiadum laudent signa, quid inde feras?

Sed neque pervenio scriptis mediocribus istuc,

Famaque cum domino fugit ab urbe suo.

Vosque, quibus perii, tunc quum mea fama sepulta est, 85

78. *Res juvat ista nihil. Juvat legendum.* H.

79. *Quid tibi, si calida prosit laudare Syene?* In Sarraviano, *calida esprosit imidere sine*, mendosissime; codex Scaligeri *positus laudare*. Scribe, « Quo tibi, si calida positus laudare Syene? » vel, quod malim, *positis*. — *Quo tibi*. Sic apud Propertium, lib. IV, Eleg. III, vers. 51: « Nam mihi quo, Pœnis si purpura fulgeat ostris? » ubi perperam *tibi purpura* nunc legitur: *positus* etiam eleganter; Pont. libro I, Eleg. II, vs. 77: « Non vacat in qua sint positi regione Tomitæ Quærere; » infra Eleg. VII, vs. 5: « Ecquis in extremo positus jacet orbe tuorum? » lib. IV, Eleg. VI, vs. 17: « Quale tamen potui de cœlite, Brute, recenti Vestra procul positus carmen in ora dedi; » Eleg. VIII, vs. 85: « Clausaque si misero patria est, ut ponar in illo, Qui minus Ausonia distet ab urbe, loco; » infra lib. II, Eleg. X, vs. 45: « Ipse quidem positus quum sim sub cardine mundi, Qui semper liquidis altior exstat aquis; » sic et ibi codices veteres; ut et lib. III, El. III, vs. 63: « Effice sit nobis non implacabilis ira, Neque loco poni commodiorem velit; » lib. IV, Eleg. II, vs. 21: « Si quis in hac ipsum terra posuisset Homerum; » Silius, libro III, vs. 3: « Extemplo positos finiti

cardine mundi Victor adit populos; » *sub occasu positi Iberi* apud auctorem Herculis Cœtæi. H. — *Calida Syene*. Syene oppidum fuit supra Alexandriam quinque millibus stadiorum. *Calidam* autem adpellat *Syenen*, quoniam directe locata fuit sub tropico æstivo, id est, sub Cancro, in extremo torridæ zonæ.

80. *Aut ubi Taprobanen Indica tingit aqua.* Plerique veteres *pingit*. Scribe *cingit*; quod Moreti codex confirmat. Ep. Acontii, 221: « Insula, Coryciis quondam celeberrima nymphis, Cingitur Ægæo, nomine Cea, mari; » Metam. IV, vers. 21: « Decolor extremo qua cingitur India Gange; » Epist. Ariadn. vs. 61: « Omne latus terræ cingit mare. » H. — *Aut ubi Taprobanen*. Taprobane insula est, quæ distare dicitur ab australissimis partibus, quæ sunt apud Conjacos meridiem versus, septem dierum navigatione. Auctor Strabo, lib. XV.

81. *Altius ire libet.* Placet etiam per altiora et cælestia idem probare. — *Longe distantia*. Longe remota, tanquam in cælo existentia.

82. *Quid inde feres. Feras meliores.* HEINS.

83. *Scriptis melioribus.* Immo *mediocribus* cum vetustioribus maxima ex parte. H.

85. *Tunc quum mea fama etc.* Tunc

Nunc quoque de nostra morte tacere reor.

quum damnatus fui : eo enim tempore fama mea periit. — *Vosque, quibus perii.* Non carmina, aut libros suos adloquitur poeta, sed amicos. Neque illos tacere de se jubet : sed vereri se ait, ne id faciant, quandoquidem hoc vulgare ac tritum est

scilicet, ut adversis rebus laborantem etiam amici deserant. Fama enim, inquit, mea cum domino suo ab urbe fugit, sive abiit, eoque etiam vos amicos arbitror jam mei exsilii ac fugæ, quæ mortis instar mihi est, non amplius meminisse.

EPISTOLA VI.

GRÆCINO.

ARGUMENTUM.

Ad Græcinum scribens, dolet poeta eum non adfuisse illo tempore quo ab Augusto relegatus est : quem arbitratur magnum cepisse dolorem, quum primum rem omnem acceperit. Secundo eum rogat, ut adloquio suo et literis saltem consoletur ; nec scire cupiat quam ob causam exsularit, ne recrudescant vulnera jam occlusa. Postmodum docet non prorsus sibi ademptam esse spem reditus : fateturque simul, in Cæsaris clementia plurimum sperare : quem ut sibi reconcilietur, precatur. Demum dicit omnia impossibilia potius fieri posse, quam credere se a Græcino fido et veteri amico posse destitui.

ECQUID, ut audisti, nam te diversa tenebat

Terra, meos casus, cor tibi triste fuit?

Dissimules, metuasque licet, Græcine, fateri;

Si bene te novi, triste fuisse liquet.

Non cadit in mores feritas inamabilis istos;

Nec minus a studiis dissidet illa tuis.

1. *Ecquid ut. Numquid ut* unus Heinsii; *Ecquid ubi* Moreti.

3. *Metuasque licet. Metuas licet,* 6 *Græcine*, MS. Bersman.

6. *Nec minus a studiis dissidet illa*

tuis. Ita et scripti constanter : censeo nihilominus reponendum : « Nec mens a studiis dissidet illa suis ; » sequentia confirmant hanc conjecturam, quam et postea in codice

Artibus ingenuis, quarum tibi maxima cura est,

Pectora mollescunt, asperitasque fugit.

Nec quisquam meliore fide complectitur illas,

Qua sinit officium, militiæque labor.

10

Certe ego, quum primum potui sentire quid essem,

Nam fuit adtonito mens mihi nulla diu,

Hoc quoque fortunæ sensi, quod amicus abesses:

Qui mihi præsidium grande futurus eras.

Tecum tunc aberant ægræ solatia mentis,

15

Magnaue pars animæ consiliique mei.

At nunc, quod superest, fer opem, precor, eminus unam;

Adloquioque iuva pectora nostra tuo:

Quæ, non mendaci si quidquam credis amico,

Stulta magis dici, quam scelerata, decet.

20

Twisdenio probæ notæ pro diversa lectione inveni notatam. H.

7. *Artibus ingenuis*. Liberalibus disciplinis.—*Maxima cura est*. *Copia magna est*, unus Heinsii.

9. *Meliore fide*. Meliore animo, quam tu; aut non vacando magis ulli rei, quam ingenuis artibus; aut quia eas bene intelligis, et fideliter interpretaris.

10. *Militiæque labor*. Ex quo designat eum rei militaris studiosum, et, quum per illam licet, liberalibus disciplinis operam dare. MER.—*Quam sinit officium*. Scribe *Qua*, ut sit dictum pro quatenus, hoc sensu: neque quisquam meliore fide sequitur studia humaniora, quam tu, quatenus id quidem per officium et labores militares abs te fieri potest. Nisi quis et *Quam*, eodem modo pro *quantum*, positum malit. MIC.—Merula et Naugerius legunt, *Quum sinit*; sed nostrum *qua* Fabricio probatur, et a Burman. receptum est.

13. *Hanc quoque fortunam sensi*.

Hoc quoque Sarraz. Argent. Twisd. et octo alii; Barberin. *Hoc quoque fortuna*; proxime verum. Scribe, *Hoc quoque fortunæ sensi*; idque in primo Mediceo et uno Thuaneo postea inveni. H.

15. *Tecum tunc aberat*. Hoc est, tu cum tuis solatiis procul eras.—*Mentis ægræ*. Quas meæ menti tristi adlaturus fueras, si adfuisses.

17. *Fer opem, precor, eminus unam*. Malim *unum*, quod unum superest. Superiori versu, rectius unus Vaticanus, *Magnaue pars animæ*, quam *animi*, quod est in vulgatis; infra Eleg. IX: « Accipe pars animæ magna, Severe, meæ; » Pont. III, El. IV, ut scribendum et illic, 69: « Magnaque pars animæ mecum vixistis amici; » Metam. VIII: « o me mihi carior, inquit, Pars animæ consiste meæ; » lib. III, El. I, 70: « Ultima pars animæ dum mihi restat, ades. » H.—*Eminus*. Procul a mea regione.

18. *Tuo* etc. Tuis verbis et literis.

Nec leve, nec tutum, peccati quæ sit origo,

Scribere; tractari vulnera nostra timent.

Qualicumque modo mihi sint ea facta, rogare

Desine; non agites, si qua coire velis.

Quicquid id est, ut non facinus, sic culpa vocandum: 25

Omnis an in magnos culpa Deos scelus est?

Spes igitur menti pœnæ, Græcine, levandæ

Non est ex toto nulla relictæ meæ.

Hæc Dea, quum fugerent sceleratas numina terras,

In Dīs invisæ sola remansit humo :

30

Hæc facit, ut vivat vinctus quoque compede fossor,

Liberaque a ferro crura futura putet :

Hæc facit, ut, videat quum terras undique nullas,

Naufragus in mediis brachia jactet aquis.

Sæpe aliquem sollers medicorum cura reliquit ;

35

Nec spes huic vena deficiente cadit.

21. *Nec breve, nec tutum est. Nec leve, nec tutum* veteres nonnulli : adi Notas Trist. lib. I, El. VI. H.

22. *Tractari. Palpari* unus codex.

25. *Si culpa vocanda est. Vocandum est* præstat cum altero Thuaneo.

26. *Omnis an in magnos culpa Deos scelus est?* Quis dubitet? sed scripserat Naso, *ad magnos Deos*; vel, quod magis adridet : « Omnis an ad magnos culpa scelestæ Deos? » *ad Deos*, id est, apud Deos. Trist. lib. II, vs. 107 : « Scilicet in Superis etiam fortuna luenda est; Nec veniam læso numine casus habet. » H. — *Omnis an in magnos culpa.* An, inquit, solent Dii magni culpam omnem, hoc est, minimum quodque crimen, scelus maximum ducere? Vel blandiendo Augusto dicit, ne quidem leviter errandum esse dominis : una enim quæque culpa in eos vel levicula, habetur pro magna. M.

30. *Remansit sola.* Quod ideo fingunt poetæ, quia neminem unquam destituit spes. Locus hic ex Theognide translatus videtur. Ἐλπὶς ἐν ἀνθρώποισι μόνῃ θεὸς ἐσθλῇ ἐνεστέν. Ἄλλοι δ' Οὐλύμπον δ' ἐκπρολιπόντες ἔβαν, ὧς χετο μὲν Πίστις, μεγάλη θεός, ὧς χετο δ' ἀνθρώπων Σωφροσύνη, Χάριτις τ', ὧς φιλεῖ, γῆν ἔλειπον.

31. *Hæc facit.* Οὗτος δ' ἀνὴρ ἄριστος, ὅστις ἐλπίσιν Πίπειθεν αἰεὶ : Eurip. Her. Fur. Cic. ad Famil. *Optare optima, cogitare difficillima, ferre quæcunque erunt.* Et Senec. « Nemo confidat nimium secundis, Nemo desperet meliora lapsis. Jam lentas remos, post tibi ventus erit. » Κάλυμπος οὖρος. Homer. *οὐρανὸν ἔλειπον*.

33. *Hæc facit, ut, videat.* Spes etiam facit, ut naufragus in medio mari destitutus, quamvis nullas videat terras, speret se evasurum.

36. *Vena deficiente.* Viribus col-

Carcere dicuntur clausi sperare salutem;
 Atque aliquis pendens in cruce vota facit.
 Hæc Dea quam multos laqueo sua colla ligantes
 Non est proposita passa perire nece ! 40
 Me quoque conantem gladio finire dolorem
 Arcuit, injecta continuitque manu.
 Quidque facis? lacrymis opus est, non sanguine, dixit;
 Sæpe per has flecti principis ira solet.
 Quamvis est igitur meritis indebita nostris, 45
 Magna tamen spes est in bonitate Dei.
 Qui ne difficilis mihi sit, Græcine, precare;
 Confer et in votum tu quoque verba meum:
 Inque Tomitana jaceam tumulatus arena,
 Si te non nobis ista vovere liquet. 50
 Nam prius incipiant turres vitare columbæ,
 Antra feræ, pecudes gramina, mergus aquas,

lapis. Id enim inter signa mortis enumerat Plin. in VII, cap. 51.

42. *Arcuit.* Arcuit rectius tres scripti; quod Fabricius damnare non debuit: *arcere* pro prohibere; infra lib. III, El. III, vs. 56: « Quam lex furtivos arcet habere viros. » H. — *Injectam manum* multi; *injectas manus* duo.

43. *Quidque facis? Quid facis?* hinc etc. Bersm. MS.

46. *In bonitate Dei.* In Augusti clementia. MER.

47. *Qui ne difficilis mihi sit, Græcine, precare.* Labora Feschianus, quod placet: deinde *Quæ ne* alter Thuani, ut ad bonitatem referatur. H. — *Qui ne difficilis mihi sit.* Ita est misericors Cæsar, ut tamen rogari velit. Ergo roga eum pro me, etc. P.

48. *Confer et in votum tu quoque verba meum. Tu quoque vota* Moreti liber. Puto *tu tua verba*, vel *vota*:

mox incipiant, pro incipient duo veteres. HEINS.

49. *Inque Tomitana.* Sensus est: et nunquam reditum in patriam impetrem, sed moriar in exsilio Tomitano, si non est mihi exploratum, te desiderare reditum meum. C. — Locus hic suspitione mendæ non caret. Neque enim hæc cum præcedentibus satis cohærent. Quare aut deesse aliquid putamus, aut verbis ipsis vitium inesse aliquod, aut eosdem hos versus ad finem referendos esse. MICYL. — Nulla vero difficultas in his verbis: jurisjurandi enim et devotionis est formula: mori hic et tumulari voveo, si non credam te mihi reditum vovere. Malim tamen, *Jamque Tomitana*, ut statim sibi mortem præsentem imprecetur. BURM.

50. *Si non liquet.* Si non est manifestum. — *Vovere.* Vovendo optare.

Quam male se præstet veteri Græcinus amico :

Non ita sunt fatis omnia versa meis.

EPISTOLA VII.

~~~~~

### MESSALLINO.

#### ARGUMENTUM.

Bene precatur Messallino poeta, miseroque sibi amicitiam, patris fratrisque secutus exempla, haud deneget, hortatur.

LITERA pro verbis tibi, Messalline, salutem,

Quam legis, a sævis adtulit usque Getis.

Indicat auctorem locus? an, nisi nomine lecto,

Hæc me Nasonem scribere verba, latet?

Ecquis in extremo positus jacet orbe tuorum,

Me tamen excepto, qui precor esse tuus?

Dî procul a cunctis, qui te venerantur amantque,

Hujus notitiam gentis abesse velint.

Nos, satis est, inter glaciem Scythicasque sagittas

Vivere, si vita est mortis habenda genus.

10

4. *Hæc me Nasonem.* Malim *Hæc tibi Nasonem.* H.

5. *Ecquis tuorum.* Numquis tuorum amicorum, aut clientum. *Et quis nonnulli;* En quis P. Dan. — *In extremo orbe.* In ultima septemtrionis plaga. — *Jacet.* Aut habitat; aut revera tanquam mortuus et prostratus jacet. Hoc autem dicit non sine magno dolore.

6. *Qui precor esse tuus.* Qui Ovi-

dus cupio ut sim tuus, nec a te destituar. MER.

7. *Dî procul a cunctis.* Faxint Dî, ne quisquam cultorum tuorum has gentes præsens noverit. P.

8. *Gentis abesse velint.* Habere Sarrav. Argent. Combii, et Moreti; hoc est, procul habeant. H.

10. *Si genus mortis est habenda vita.* Si exilium meum debet appellari vita.

Nos premat aut bello tellus, aut frigore cælum;  
 Truxque Getes armis, grandine pulset hyems:  
 Nos habeat regio, nec pomo fœta, nec uvis;  
 Et cujus nullum cesset ab hoste latus.  
 Cætera sit sospes cultorum turba tuorum; 15  
 In quibus, ut populo, pars ego parva fui.  
 Me miserum, si tu verbis offenderis istis;  
 Nosque negas ulla parte fuisse tuos!  
 Idque sit ut verum, mentito ignoscere debes:  
 Nil demit laudi gloria nostra tuæ. 20  
 Quis se Cæsaribus notis non fingit amicum?  
 Da veniam fasso, tu mihi Cæsar eris.  
 Nec tamen irrumpo, quo non licet ire; satisque est,  
 Atria si nobis non patuisse negas.  
 Utque tibi fuerit mecum nihil amplius, uno 25  
 Nempe salutaris, quam prius, ore minus.  
 Nec tuus est genitor nos inficiatus amicos,  
 Hortator studii causaque faxque mei:

12. *Grandine pugnet hyems. Pulset rectius decem scripti*: sic *verberatæ grandine vineæ* apud Horatium. H.

13. *Nec pomis fœta, nec uvis.* Sarravianus, Argent. pr. Medic. Fesch. multique alii, *pomo*: et versu proximo, *cesset* pro *cessat* meliores. H.

17. *Verbis istis.* Quibus dixi me olim fuisse in turba tuorum cultorum.

19. *Utque sit hoc verum. Idque sit ut verum* plerique; quidam *Utque sit id verum.* Malim, *Sed sit ut id verum.* H. — *Mentito.* Quod me tuum esse scripsi. Hoc autem dicit, ne amicum offendat, timentem Augustum lædere.

20. *Gloria nostra.* Si gloriior me fuisse tibi amicum.

21. *Notum non fingit amicum.* No-

tus scripti. Distichon etiam hoc est ex dubiæ fidei pluribus unum. H. — *Notis* Vatican. Vossian. et Fragm. Boxhorn. Melius, quanquam nec mihi multum placet distichon.

23. *Nec tamen irrumpo.* Nec tamen illuc accedo, quo non licet: hoc est, non te adeo, nisi verecunde: te enim venerari soleo. Itaque nihil faciam te invito.

25. *Utque tibi fuerit.* Quamvis nihil amplius habueris, quam quod atria tua frequentaverim salutandi gratia. — *Utque mihi fuerit tecum nihil amplius.* Honesta locutio. Ter. Andr. II, 1: « Num quidquam amplius tibi cum illa fuit, Charine? »

26. *Minus uno ore.* Minus uno homine. — *Quam prius.* Quam antea.

28. *Studii causaque faxque mei.*



Cui nos et lacrymas, supremum in funere munus,  
 Et dedimus medio scripta canenda foro. 30  
 Adde quod est frater tanto tibi junctus amore,  
 Quantus in Atridis Tyndaridisque fuit.  
 Is me nec comitem, nec dedignatus amicum est;  
 Si tamen hæc illi non nocitura putas.  
 Si minus, hac quoque me mendacem parte fatebor: 35  
 Clausa mihi potius tota sit ista domus.  
 Sed neque claudenda est; et nulla potentia vires  
 Præstandi, ne quid peccet amicus, habet.  
 Et tamen ut cuperem, culpam quoque posse negari,  
 Sic facinus nemo nescit abesse mihi. 40  
 Quod nisi delicti pars excusabilis esset,  
 Parva relegari pœna futura fuit.

Malim *duxque*; nam in Combiano *fixa*; lib. II, El. III, 77: «Primus ut auderem committere carmina famæ Impulit; ingenii dux fuit ille mei.» H.—*Faxque*. Et lumen, splendor; aut certe ardor et incitator.

29. *Et lacrymas*. Et subaudi, *dedimus*, hoc est, deflevimus carmine, seu oratione.

30. *Et dedimus medio*. Mos in funeribus laudandi defunctos, Romanis vetustissimus.

31. *Tanto mihi junctus amore*. Scribe *tibi* cum Sarraz. Comb. Twisden. et Vatic. primæ notæ. Versus subsequens confirmat. Præcedenti forsán legendum, *medio scripta canenda rogo*, vel, *foro*, hoc est, feretro, non *foro*: de epicedio enim agit. H.

32. *In Atridis*. In Agamemnone et Menelao. — *Tyndaridisque*. Et in Castore et Polluce.

35. *Si minus*. Si putas hæc nocitura: hoc est, si arbitraris, hoc quod dico, fratri obesse posse. — *Hæc quoque me* etc. Profitebor, inquit, hæc

in re mentitum me fuisse: quemadmodum etiam de te dixi, quod fueris mihi amicus.

36. *Potius*. Quam, subaudi, velim quidquam scribere, et adfirmare quod obsit fratri.

37. *Et nulla potentia vires*. Nam quum nulla potentia tanta sit, quæ possit prohibere, sive facere, quominus alicujus alterius amicus aliquando peccet: neque Augustus ita inhumanus, aut sævus erit, ut propterea fratrem tuum persequi, aut odisse velit, quia ego, amicus illius, aliquando peccavi.

39. *Culpam quoque posse negari*. *Culpam mihi posse negari* Francof. *posse negare* multi codices; vid. Metam. XII, 546.

41. *Excusabilis*. Quia imprudenter peccavi. — *Quod nisi delicti*. Sensus est: si delicti mei magnitudo tanta esset, ut non posset excusari, Augustus me occidisset, et non relegasset.

42. *Parva relegati*. *Relegari* cum

Ipse sed hoc vidit, qui pervidet omnia, Cæsar,  
 Stultitiam dici crimina posse mea :  
 Quaque ego permisi, quaque est res passa, pepercit ; 45  
 Usus et est modice fulminis igne sui :  
 Nec vitam, nec opes, nec ademit posse reverti,  
 Si sua per vestras victa sit ira preces.  
 At graviter cecidi : quid enim mirabile, si quis  
 A Jove percussus non leve vulnus habet ? 50  
 Ipse suas ut jam vires inhiberet Achilles,  
 Missa graves ictus Pelias hasta tulit.  
 Judicium nobis igitur quum vindicis adsit,  
 Non est cur tua me janua nosse neget.  
 Culta quidem, fateor, citra quam debuit, illa : 55  
 Sed fuit in fati hoc quoque, credo, meis.

scriptis : et *ista domus* paulo ante, pro *illa*. H.

43. *Qui prævīdet omnia Cæsar. Pervidet* lege vel contra libros. Puteaneus *providet*; sequenti Elegia, 34 : « Cunctaque mens oculis pervidet ista suis. » Quomodo et illic scribendum; Met. XIV, ubi similiter erat peccatum; « socerum, qui pervidet omnia, Solem Accipe, » vers. 375; Horatius, I, Sat. III, vers. 25 : « Quum tua pervideas oculis mala lippus inunctis. » Quanquam *prævideas* illic sunt qui legant; non male; mox, *Stultitiam meam* Sarrav. Argent. et tres alii. H.

45. *Quaque ego permisi* etc. Hoc est, pepercit mihi eatenus, sive quantum quum ipse merito atque delicto meo permisi illum, tum etiam causæ qualitas passa est. MICYL.

50. *A Jove. Ab Jove* puto, ut semper alibi; vide Fast. lib. I, vs. 236. H. — *Ab Jove.* Ab Augusto.

51. *Ipse suas quamvis vires inhiberet Achilles. Ipse suas etiam* Sarrav.

et alii multi ex vetustioribus. Lege *ut jam*: infra lib. IV, El. VIII, vs. 5; « Ut jam nil præstes, animi sum factus amici Debitor; » Epistola Cydippes, vs. 129; « Durius ut ferro jam sit tibi pectus, Aconti, Tu veniam nostris vocibus ipse petas. » Qui locus etiam pessime erat habitus. In Amoris, lib. III, El. IV, vs. 5 : « Ut jam servaris bene corpus, adultera mens est, » et initio, Epigramm. vs. 4 : « Ut jam nulla tibi nos sit legisse voluptas. » Artis lib. I, 346 : « Ut jam fallaris, tuta repulsa tua est. » lib. III, 89 : « Ut jam decipiant, quid perditis? » sequenti versu pro *dabat* Feschianus et quatuor alii *tulit*. H. — *Quamvis inhiberet suas.* Quamvis non magno impetu eam emitteret.

52. *Pelias.* Hasta Achillis fraxinea.

53. *Judicium vindicis.* Judicium ultoris Augusti intellige, quod ultus fuit crimen meum admissum, me relegando.

56. *Hoc quoque.* Hoc etiam, ut

Nec tamen officium sensit magis altera nostrum :

Hic, illic, vestro sub Lare semper eram.

Quæque tua est pietas ; ut te non excolat ipsum ,

Jus aliquod tecum fratris amicus habet. 60

Quid, quod, ut emeritis referenda est gratia semper ,

Sic est fortunæ promeruisse tuæ ?

Quod si permittis nobis suadere, quid optes :

Ut des, quam reddas, plura, precare Deos.

Idque facis, quantumque licet meminisse, solebas 65

Officii causam pluribus esse dati.

domum tuam minus colerem, quam deberem : quemadmodum etiam fuit in meis fatiis, ut relegarer.

57. *Nec tamen officium sensit domus altera nostrum : Hic illic vestro sub Lare semper eram.* Hæc mendosissima sunt. Priori versu bene Putaneus et Thuaneus ; alter *sensit magis altera* ; nisi mavis : « Nec tantum officii sensit domus altera nostri. » Quatuor veteres *nostro sub Lare* ; unus Mediceus et pr. editio *Illic, hic* ; alii non pauci *Huc, illuc*, vel *Hinc, illinc*. Scribebam aliquando : « Illic, ceu nostro sub Lare, semper eram, » vel *multus eram* : nam libri quinque ex scriptis *tutus eram*. Nihil opus tamen mutatione. *Hic, illic* sive in tua, sive in fratris tui domo. Nam de fratre Græcini ante egerat. H. — Ego ex scriptorum vestigiis lego : « Nec tamen officium sensit magis altera nostrum : Hic, illic, vestro sub Lare semper eram. » Sive te, sive fratrem colerem, eram tamen sub vestro Lare.

59. *Quæque tua est pietas.* Et cujusmodi tuus est amor erga fratrem. Ostendit autem, Messallino se amicum esse debere causa fratris, quorum magnam sibi fuisse amicitiam docet.

61. *Emeritis.* Amicis jam functis officio erga amicum, et postea quiescentibus ; vel valde meritis. Virg. G. II, 65 : *Eduræ coryli nascuntur* ; ut sit sensus : quod si de nobis bene meritis debemus semper gratiam referre ; ad fortunam tuam felicem pertinet novos amicos parare, etiam si nihil de te meriti sunt, quasi innuat debere Messallinum poetam sibi novum amicum conciliare, et ipsi favere.

62. *Sic est tuæ fortunæ.* Sic ad te, qui es potens, et uteris feliciori fortuna quam ego, hoc pertinet. — *Promeruisse.* Beneficiis conciliasse et juvisse.

63. *Quod optas. Optes multi veterum.* Lege *quid optes* cum Sarrav. Argent. pr. Medic. et tribus aliis. H.

64. *Ut des.* Dandis magis quam accipiendis beneficiis amicos paret.

66. *Officii causa. Causam* Argent. et alii quinque : pro *dati*, Combrianus *data* ; Sarravianus *dari*. Latet ulcus, aut versus est spurius. H. — *Esse causam officii dati pluribus.* Te esse causam, quod plures beneficia consecuti fuerint. MER. — *Officii causam.* Alii legunt *Officii causa* etc. ut sit sensus et ordo verborum : idque facis ( scil. ut plura des beneficia, quam accipias ) et quantum me-



Quolibet in numero me, Messalline, repone;  
 Sim modo pars vestrae non aliena domus:  
 Et mala Nasonem, quoniam meruisse videtur,  
 Si non ferre doles, at meruisse dole. 70

minisse licet, solebas pluribus esse  
 causa officii dati: hoc est, de pluri-  
 bus bene mereri. Micyl.

67. *Quolibet.* Vel in numero ami-  
 corum tuorum, vel amicorum fra-  
 tris tui.

69. *Si non doles Nasonem ferre ma-*

*la.* Si non tristaris me Ovidium in  
 exilio inquietissimo versari. — *Quæ*  
*non meruisse*, prim. edit.

70. *At meruisse dole.* Saltem dole  
 quod meritus sum relegari ab Aug.  
 quasi dicat, saltem dole quod fue-  
 rim infelix.

## EPISTOLA VIII.

SEVERO.

### ARGUMENTUM.

Severo amico exponit se cinctum hostibus, in adsidiis semper præliis  
 versari, miroque amicorum, conjugis, filiae, et patriæ desiderio teneri:  
 neque sibi licere, quod unicum solamen foret, ruri colendo operam  
 navare. Deinde lætatur quod contra in Severo sint omnia secunda;  
 monetque, ut impetret locum aliquem magis propinquum dari sibi ab  
 Augusto.

**A** tibi dilecto missam Nasone salutem

Accipe, pars animæ magna, Severe, meæ.

Neve roga, quid agam; si persequar omnia, flebis:

Summa satis nostri si tibi nota mali.

2. *Accipe. Aspice* Moreti et nostri.

3. *Neve roges. Roga* cum plurimis  
 scriptis. HEINS.

4. *Summa satis nostri sit tibi nota*  
*mali.* Scribe *si tibi*; atque ita Sarra-

vianus: *satis pro satis est.* Superiori  
 Elegia: « Nec tamen irrumpo, quo  
 non licet ire, satisque, Atria si no-  
 bis non patuisse negat; » ita plurimi  
 ex scriptis. HEINS.

Vivimus adsiduus expertes pacis in armis,

5

Dura pharetrato bella movente Geta.

Deque tot expulsis sum miles in exsule solus:

Tuta, nec invideo, cætera turba jacet.

Quoque magis nostros venia dignere libellos,

Hæc in procinctu carmina facta leges.

10

Stat vetus urbs, ripæ vicina binominis Istri,

Mœnibus et positu vix adeunda loci.

Caspianus Ægyptos, de se si credimus ipsis,

Condidit; et proprio nomine dixit opus.

Hanc ferus Odrysiis inopino Marte peremtis

15

6. *Dura bella.* Dira Feschianus. H. — *Geta pharetrato.* Geta populo sagittifero; sagittis enim veneno illitis in bello Getæ utebantur.

7. *Deque tot expulsis.* Et de tot civibus exsulantibus. — *Solus sum miles in exsule.* Solus sum miles pariter et exsul; bello scilicet et exsilio damnatus. Ita Metam. lib. XIII, 187: « Atque in rege tamen pater est; » et XV, 670: « In serpente Deus prænuntia sibila misit, » atque ita milites noster et alii.

8. *Cætera turba latet. Jacet.* Politiani codex et septem ex nostris; recte. Mox *facta scias pro leges* Gotthorp. et Rottend. — *Cætera turba.* Reliqui Romani exsules præter me. — *Jacet turba.* Non armis vexatur.

10. *Hæc in procinctu carmina facta leges.* In procinctu, raptim. Metaphora a militibus in bellum profecturis, qui celeriter absque ulla solemnitate testamentum, quod in procinctu dicebatur, faciebant. Cic. lib. de Orat. « Tanquam in procinctu testamentum faceret. »

11. *Istri binominis.* Istri habentis duo nomina. *Danubius* enim usque ad Axium oppidum adpellatur: inde

vero usque ad mare *Ister* dicitur. M.

12. *Et positu loci.* Et ipsius loci situ. MER. — In arduo scil. et saxoso loco et prope inaccessso. PONT.

13. *Caspianus Ægyptos, de se si creditur ipsis, Condidit.* Multi veteres *Ægyssus*; Argent. et quidam alii *Ægistus*; *Ægisos* Combrianus; *Ægiros* unus Vaticanus; alius *Egitos*; alius *Ægirus*; *Caspianus Ægisos* Sarravianus: sic et lib. IV Pont. 21, ubi bis meminit ejusdem civitatis, *Non negat Ægyptos*; ubi *Ægiros* vestustiores, vel, *Ægyros*; quinque alii *Ægissos*; vel *Ægisos*. Constantino Porphyrogenetæ Themat. lib. II, cap. 1, ἀγισσος est; Procopio, lib. IV, de ædificiis Justiniani, ἄγιστος. In Itinerario Antonini et Imperii notitia *Ægyssos* est, quamquam ap. Antoninum codices quidam *Ægissos*, et *Ægyssos*: et credimus plerique veteres. H. — *Ægyptus.* Ægyptus e gente Caspia, quæ nomen portis et mari dedit: ut est auctor Plinius, lib. VI.

14. *Proprio nomine dixit.* Hoc est, Ægyptum. — *Opus.* Urbem a se conditam.

15. *Hanc trux Odrysiis. Hanc ferus*

Cepit, et in regem sustulit arma Getes.

Ille memor magni generis, virtute quod auget,

Protinus innumero milite cinctus adest :

Nec prius abscessit, merita quam cæde nocentum

Se nimis ulciscens, exstitit ipse nocens. 20

At tibi, rex, ævo, detur, fortissime, nostro,

Semper honorata sceptrâ tenere manu.

Teque, quod et præstat, quid enim tibi plenius optem?

Martia cum magno Cæsare Roma probet.

Sed memor unde abii, queror, o jucunde sodalis, 25

Accedant nostris sæva quod arma malis.

Ut careo vobis Stygias detrusus in oras,

Quatuor autumnos Pleias orta facit.

Nec tu credideris urbanæ commoda vitæ

Quærere Nasonem : quærit et illa tamen. 30

scripti omnes ; utrumque rectum : superiori Elegia, 12 : « Truxque Getaes armis, grandine pulset hyems. »

H.—*Ferus Getes*. Crudelis et immittis ille populus.—*Peremtis Odrysiis*. A Getis interfectis incolis ejus oppidi, qui erant ab Odrysia Thraciæ urbe oriundi.—*Inopino Marte peremtis*. Incautis ferro superatis.

16. *Et sustulit arma in regem*. Et intulit ac cepit arma in regem civitatis. Vel certe ademittit submovitque arma, illum enim noluit interficere, quum reliquas ejus copias in bello occidisset. Vel *sustulit*, hoc est, distulit arma : nam, capta urbe, regem fugientem insequi noluit.

17. *Ille memor magni generis. Generis magni* in nonnullis. Twissenianus non male : « Ille memor generis, magna virtute quod auget. » H.—*Ille*. Rex scilicet.—*Quod auget virtute*. Quod genus propria virtute ille magis clarum facit.

18. *Adest*. Cum magno exercitu ad oppidum captum revertit.

19. *Merita cæde nocentum*. Morte quam meriti fuerant nocentes Getæ, a quibus oppidum improvise captum dixerat : nam ad unum omnes interemit.

21. *At tibi, rex*. Nunc vertit sermonem ad regem qui virtute oppidum Tomo finitimum recepit.

23. *Teque, quod et præstat*. Optat etiam Ovidius, ut rex ille sit carus Romanæ civitati et Cæsari.

25. *Sed memor unde abii*. Quia aliquantulum digressus fuerat ab eo quod superius scripserat, a diverticulo ad rem redit.

27. *Scythicas detrusus in oras. Stygias oras* Sarravianus, Polit. Argent. Combii, et tres alii : sic infra : « A Stygiis quantum sors mea distat aquis ? » HEINS.

28. *Pleias orta*. De ortu hoc intellige, quem *acronychum* vocant ;



Nam modo vos animo dulces reminiscor, amici;

Nunc mihi cum cara conjuge nata subit:

Eque domo rursus pulchræ loca vertor ad urbis,

Cunctaque mens oculis pervidet illa suis.

Nunc fora, nunc ædes, nunc marmore tecta theatra; 35

Nunc subit æquata porticus omnis humo.

Gramina nunc campi pulchros spectantis in hortos,

Stagnaue et Euripi, Virgineusque liquor.

At, puto, sic urbis misero est erepta voluptas,

Quolibet ut saltem rure frui liceat. 40

Non meus amissos animus desiderat agros,

Ruraque Peligno conspicienda solo;

Nec quos piniferis positos in collibus hortos

Spectat Flaminiae Clodia juncta viæ.

hoc est, quo vesperi supra terram feruntur: id enim fit autumno. M.

33. *Atque domo rursus. Eque domo* bene Argent. et tres alii; multi *Deque*: sequenti versu pro *pervidet* reponendum esse *pervidet*, quum *pervidet* sit in nonnullis scriptis, superiori Elegia monuimus. Arondelian. *mens oculis pervidet usa suis*, non illa. HEINS.

35. *Nunc marmore tecta.* Vitruvius, lib. V: « Post scenam porticus sunt constituendæ, uti quum imbres repentini interpellaverint, habeat populus quo se recipiat ex theatro. » Potes etiam per theatra tecta marmore, intelligere theatrum M. Scauri, quod maximum omnium, quæ unquam fuere humana manu facta.

37. *Gramina nunc campi.* Herbas campi proximi campo Martio.

38. *Stagnaue et Euripi.* Et aquæ stantes in Euripis. Hoc dicit: et canales ac ductus aquarum, qui *Euripi* adpellantur, mihi subeunt: quas res Romani maximo impendio para-

bant.—*Stagnaue et Euripi.* Aquam virginem intellige, quam Agrippa ædilis in agro Luculliano collectam, Romam perduxit, Coss. C. Sentio et Sp. Lucretio. *Virgo* autem adpelata fuit, quod quærentibus aquam militibus puella virguncula quasdam venas monstravit, quas secuti qui foderant, ingentem aquæ modum invenerunt. MICYL.

41. *Amisos agros.* Agros relictos, non autem ereptos ab Augusto: quod exsulis fieri solebat, non relegatis.

42. *Solo Peligno.* In terra Pelignæ regionis; in agro Sulmonensi.

43. *Nec quos pomiferis positos in montibus hortos. Piniferis in collibus* scripti præstantiores magno numero. Columella, lib. X, *dumosis positi sub collibus horti.* Idem alibi collibus insitos monet debere esse hortos.

44. *Spectat Flaminiae Claudia* Alia hoc loco Claudia accipienda videtur, quam quæ Appia via alias dicta fuit. Et videndum, num potius de ea via

Quos ego nescio cui colui, quibus ipse solebam 45

Ad sata fontanas, nec pudet, addere aquas.

Sunt ibi, si vivunt, nostra quoque consita quondam,

Sed non et nostra poma legenda manu.

Pro quibus amissis utinam contingere possit

Hic saltem profugo gleba colenda mihi! 50

Ipse ego pendentes, liceat modo, rupe capellas,

Ipse velim baculo pascere nixus oves:

Ipse ego, ne solitis insistant pectora curis,

Ducam ruricolas sub juga panda boves:

Et discam Getici quæ norint verba juvenci; 55

Adsuetas illis adjiciamque minas:

Ipse, manu capulum pressi moderatus aratri,

hoc loco intelligendum sit, quæ proprie Claudia dicta fuit, in parte Etruriæ, non procul a lacu Cimino, ubi et præfecturæ Claudii, et forum Claudii aliquando fuere. De quibus locis et Plinius meminit, lib. III, p. 5. Ut sit sententia poetæ: se jam neque hortos, sive agros, quos in Pelignis habuit, desiderare: neque eos quos juxta Flaminiam coluit, eo loco, ubi Flaminia et Claudia via junguntur. MICYL.—Pro *Claudia*, recte *Clodia* Sarravianus; prima editio *Cludia*. *Clodia* enim adpellabatur hæc via, per quam iter Roma, Lucam, Pistorium et Florentiam fiebat, ut ex Itinerario Antonini discimus, hoc est, per Apenninum; ut jam constet, quinam piniferi colles sint Nasoni, quum Apenninus pinum etiamnum frequentissimam ferat. In Tabula Peutingeriana, *Ad sextum via Clodia*. In Gruteri Inscrip. p. CCCXCIX, et p. CCCCXLVI, mentio fit CURATORIS. VIÆ. CLODIE. ANNIE. CASSIE. GIMINIE. seu CIMINIE. H.—Gyraldus in Vita Ovi-

dii videtur legisse, *Cassia*; nam dicit: « Hortos habuisse prope viam Flaminiam, quæ Cassiæ juncta fuit. » De utraque via *Cassia* et *Clodia* vid. Berger. de Publicis Romanorum Viis, lib. III, cap. 22.

47. *Consita quædam*. Malim *quondam*; atque ita unus Vaticanus: *mox contingere possit* meliores. H.

52. *Nixus baculo*. Hærens baculo, de more pastorum.

54. *Sub juga panda*. Sub curva juga.

55. *Quæ norunt verba*. Malim *norint* cum uno Vaticano; et versu præcedenti, *Ducere* pro *Ducam*, si per scriptos codices liceat, ut referatur ad *te velim*, quod præcesserat.

56. *Minas adsuetas illis*. Minas quibus adsueverunt uti Getæ.

57. *Capulum pressi moderatus aratri*. *Prensi aratri* Sarravian. Polit. et multi alii: sed et vulgata scriptura ferri potest; Trist. III, x, 68: « Nec quisquam presso vomere sulcat humum. H.—*Capulum*. Stivam.—*Aratri pressi*. Aratri depressi.

Experiar mota spargere semen humo :  
 Nec dubitem longis purgare ligonibus arva ,  
 Et dare , quas sitiens combibat hortus , aquas . 60  
 Unde , sed hoc nobis , minimum quos inter et hostem  
 Discrimen murus clausaque porta facit ?  
 At tibi nascenti , quod toto pectore lætor ,  
 Nerunt fatales fortia fila Deæ .  
 Te modo campus habet , densa modo porticus umbra ; 65  
 Nunc , in quo ponas tempora rara , forum .  
 Umbria nunc revocat ; nec non Albana petentem  
 Appia ferventi ducit in arva rota .  
 Forsitan hic optes , ut justam supprimat iram  
 Cæsar , et hospitium sit tua villa meum . 70  
 Ah ! nimium est , quod , amice , petis ! moderatius opta ,

58. *Mota humo.* Proscissa terra.

59. *Purgare arva.* Malas herbas evellere.—*Longis ligonibus.* Ligonibus habentibus longum capulum.

60. *Et dare aquas.* Et irrigare.—*Jam bibit hortus aquas.* Meliores omnes : « Et dare jam , sitiens quas bibit hortus , aquas , » unus tamen Vatic. *quas sitiens combibat.* H. — Nos Vatic. et Excerpta Vossii secuti sumus , probantibus Burmanno et Oberlino. Ita , Epist. XV, vs. 150 : « Grata prius lacrymas combibit herba meas. » Sæpe Columella hoc verbo utitur.

61. *Unde sed hoc nobis.* Subaudi , opto.—*Inter quos.* Inter nos Tomitanos. — *Et hostem.* Et Getas qui Tomon infestant.

62. *Facit discrimen minimum murus.* Sic Virgil. *Leti discrimine parvo.*

64. *Fortia fila.* Prosperam vitam , cujus fila non facile rumpuntur.

65. *Campus.* Campi Martii certamina et exercitationes. — *Densa modo porticus.* Aliquando tenet te ,

inquit , porticus aliqua cum hortis nemorosis.

66. *In quo ponas rara tempora.* In quo raro causas defendis : quam rem felicitati adscribit. Mart. *Lis nunquam , toga rara , mens quieta.*

67. *Umbria te revocat , nec non Albana petentem , Appia ferventi ducit ab urbe rota.* Ducit in arva rota meliores ; et *Umbria nunc revocat ;* pro *nec non* , duo nunc non. Forte : « Umbria nunc revocat , te nunc Albana petentem. » H.—*Umbria te revocat.* In Umbriam revertis , quæ in medio Sabinæ ac Thuscæ olim jacebat.—*Potentem Albana.* Te euntem in Albanum prædium : Alba autem Marsis finitima fuit in excelso saxo locata.

68. *Ferventi rota.* Veloci curru.

69. *Forsitan hoc optes.* Scribe hic *optes* cum Sarraviano , Politian. et tribus aliis , ac prima editione. H.

71. *Ah ! nimium est quod , amice , petis.* Tò est multi non agnoscunt. Puto : « Ah nimium ! quid , amice ,



Et voti, quæso, contrahe vela tui.  
 Terra velim propior, nullique obnoxia bello  
 Detur; erit nostris pars bona demta malis.

petis? » H. — *Ah nimiam est.* Quia nunquam tibi præstabit Augustus, ut relegatus in agrum tuum perveniam.

72. *Et contrahe vela tui voti.* Et voti tui desiderium restringe. Sic

Hor. Od. II, x, 24: « Contrahes vento nimium secundo Turgida vela. »

74. *Pars bona.* Magna pars. Terentius utrumque jungit. Eunuch. I, 2: « Nam hic quoque bonam magnamque partem ad te adtulit. »

## EPISTOLA IX.

### MAXIMO.

#### ARGUMENTUM.

Poeta Celso defuncto, cujus mortem nuntiaverat Maximus, lacrymas libat. Is Maximum præstiturum auxilia promiserat: quæ amici verba, ne fuerint vana, precatur.

QUÆ mihi de raptō tua venit epistola Celso,

Protinus est lacrymis humida facta meis:

Quodque nefas dictu, fieri nec posse putavi,

Invitis oculis litera lecta tua est.

Nec quidquam ad nostras pervenit acerbis aures, 5

Ut sumus in Ponto, perveniatque precor.

Ante meos oculos tanquam præsentis imago

Hæret, et extinctum vivere fingit amor.

Sæpe refert animus lusus gravitate carentes;

Seria cum liquida sæpe peracta fide. 10

2. *Lacrymis. Oculis* Excerpta Vossii. Nostri melius, *lacrymis*.

8. *Hæret.* Au, *Errat.* BURM.

9. *Sæpe refert.* Sæpe repræsentat.

— *Lusus gravitate carentes.* Jocos ejus minime severos.

10. *Cum liquida fide.* Cum pura et certa fide.

Nulla tamen subeunt mihi tempora densius illis,  
 Quæ vellem vitæ summa fuisse meæ.  
 Quum domus ingenti subito mea lapsa ruina  
 Concidit, in domini procubuitque caput,  
 Adfuit ille mihi, quum pars me magna reliquit, 15  
 Maxime, fortunæ nec fuit ipse comes.  
 Illum ego non aliter flentem mea funera vidi,  
 Ponendus quam si frater in igne foret :  
 Hæsit in amplexu, consolatusque jacentem est,  
 Cumque meis lacrymis miscuit usque suas. 20  
 O quoties, vitæ custos invisus amaræ,  
 Continuit promptas in mea fata manus !  
 O quoties dixit : placabilis ira Deorum est ;  
 Vive, nec ignosci tu tibi posse nega.  
 Vox tamen illa fuit celeberrima : respice quantum 25  
 Debeat auxilii Maximus esse tibi :  
 Maximus incumbet ; quaque est pietate, rogabit ,  
 Ne sit ad extremum Cæsaris ira tenax :  
 Cumque suis fratris vires adhibebit , et omnem ,

11. *Densius istis.* Illis scripti meliores ; et postea, *nec fuit ipse comes pro ille.* H. — *Densius.* Crebrius. — *Istis.* Id est, temporibus Celsi, quando una eramus Romæ.

12. *Fuisse summa ;* sc. postrema.

14. *Concidit.* Corruit. Designat autem tempus quo jussit eum Augustus in exilium ire. — *In caput domini.* In caput et perniciem meam.

16. *Fortunæ nec fuit ille comes.* Ille a me discedentem fortunam secutus est. Illi enim sunt fortunæ comites, qui quo se illa, eo et ipsi, et eorum favor inclinat.

17. *Mea funera.* Meam calamitatem exiliumque.

21. *Custos invisus.* Celsus mihi

infestus, quod custodiebat, ne me interficerem.

22. *Continuit.* Remoratus est. — *Promptas in mea fata.* Expeditas et paratas ad me interficiendum.

23. *Ira Deorum.* Ira Augusti et ejus liberorum.

25. *Illam fuit celeberrima.* Creberrima, Moreti et Francof. pro varia lectione ; quæ est glossa. Et sæpe apud Nasonem permutatas has voces vidimus ; ut Amor. III, 3 ; Met. IV, 89, et alibi. Male explicant quidam, præcipue memorabilem, quum sit, frequenter usitata. — *Quantum debeat auxilium.* Quantum auxilii in uno Vaticano ; rectius. H.

29. *Cum suis.* Subaudi viribus. —

Quo levius doleas, experietur opem. 30

Hæc mihi verba malæ minuerunt tædia vitæ :

Quæ tu, ne fuerint, Maxime, vana, cave.

Huc quoque venturum mihi se jurare solebat,

Non nisi te longæ jus sibi dante viæ :

Nam tua non alio coluit penetralia ritu, 35

Terrarum dominos quam colis ipse Deos.

Crede mihi ; multos habeas quum dignus amicos,

Non fuit e multis quolibet ille minor.

Si modo nec census, nec clarum nomen avorum,

Sed probitas magnos ingeniumque facit. 40

Jure igitur lacrymas Celso libamus adempto,

Quum fugerem, vivo quas dedit ille mihi :

Carmina jure damus raros testantia mores,

Ut tua venturi nomina, Celse, legant.

Hoc est, quod possum Geticis tibi mittere ab arvis; 45

Hoc solum est istic, quod liquet esse meum.

*Fratris vires.* Vires fratris Maximi, qui Augusto quoque erat carus.

33. *Solebat.* Franc. et undecim alii *volebat* : sc. quum valediceret mihi.

34. *Nisi te dante jus.* Nisi te ei cedente, ut longa navigatione me adiret. Vel etiam : non alio, seu nemine nisi te dante jus longæ viæ, ut sit in gratiam Maximi dictum.

36. *Deos dominos terrarum.* Augustum ac ejus liberos.

39. *Si modo non census.* Nec nonnulli. H.—*Si modo non census.* Quia dixerat, Celsum non fuisse minorem aliquo ex amicis Maximi, ostendit id verum esse, si hominum ingenia et mores consideramus, non fortunas, aut majores.—*Si modo non census* : ἰν ὁλίῳ ὁλίκα πάντα, Theocrit. Idyll. XV, vers. 24 ; Πολλοὶ γὰρ πλουτοῦσι κακοί, ἀγαθοὶ δὲ πίνονται, Ἀλλ'

ἡμεῖς αὐτοῖς οὐ διακρινόμεθα τῆς ἀρετῆς τὸν πλοῦτον ἢ περὶ τὸ μὲν ἔμπειρόν ἐστι, Χρήματα δ' ἀνθρώπων ἄλλοτε ἄλλος ἔχει; Solonis versus ad Plutarchum, in ejusdem Vita.

40. *Sed probitas.* Sed virtus. Sic Juven. Sat. VIII, 20, *nobilitas sola est atque unica virtus.*

42. *Quum fugerem.* Quum in exilium proficiscerer.—*Quas dedit ipse mihi.* Ille meliores. H.

43. *Raros mores.* Mores nobiles, qui in raris esse solent.

44. *Venturi.* τοῖς ἱσσομένοισι πυλίσθαι. Homer.

46. *Hoc solum est istic, quod licet esse meum.* Ita et scripti : sed *liquet esse* reponendum : sic Trist. lib. I, El. I, 62, simili modo peccatur in libris vetustis : « Dissimulare velis, te liquet esse meam. » H.



Funera nec potui comitare, nec ungere corpus ;

Aque tuis toto dividor orbe rogis.

Qui potuit, quem tu pro numine vivus habebas,

Præstitit officium Maximus omne tibi.

50

Ille tibi exsequias, et magni funus honoris

Fecit, et in gelidos versit amoma sinus :

Diluit et lacrymis mœrens unguenta profusis ;

Ossaque vicina condita texit humo.

Qui quoniam extinctis, quæ debet, præstat amicis, 55

Et nos extinctis annumerare potest.

47. *Ungere corpus.* Tarquinii corpus bona femina lavit et unxit, Ennius.

49. *Quod potuit. Qui potuit castigationes.* H.

51. *Magni funus honoris.* Τὸ γὰρ γίγναι ἐστὶ δαδόντων.

52. *In gelidos fudit amoma sinus.* Vertit meliores magno numero. Lege versit, aut verxit; quod est apud Diomedem. Gronovius vergit, Observat. lib. II, cap. 7, qui videatur: sic Met. IV, vers. 506, scribendum monuimus ex sententia doctissimi Grævii: « vergit furiale venenum

Pectus in amborum; » ita utuntur plerumque in sacris inferis hoc verbo scriptores. Male etiam multi ex scriptis amoma. Juven. Sat. IV, vs. 108 sq. « Et matutino sudans Crispinus amomo, Quantum non redolent duo funera; » Persius, Sat. III, 103 sq: « tandemque beatulus alto Compositus lecto crassisque lutatus amomis. » Noster, Trist. III, El. III, 69: « Ossaque cum foliis et amomi pulvere misce. » HEINS.

54. *Humo vicina.* Terra sepulcro suo contigua, vel Romæ proxima.

## EPISTOLA X.

FLACCO.

## ARGUMENTUM.

Ad Flaccum scribens poeta, corporis languorem, ejusque rei causam exponit, eumque rogat cum fratre, ut sibi opem ferat, Augustumque exsuli mitiorem reddat.

NASO suo profugus mittit tibi, Flacce, salutem;

Mittere rem si quis, qua caret ipse, potest.

Longus enim curis vitiatum corpus amaris

Non patitur vires languor habere suas.

Nec dolor ullus adest, nec febribus uror anhelis; 5

Et peragit soliti vena tenoris iter:

Os hebes est, positæque movent fastidia mensæ,

Et queror, invisi quum venit hora cibi.

Quod mare, quod tellus, adpone, quod educat aer,

Nil ibi, quod nobis esuriatur, erit. 10

Nectar et ambrosiam, latices epulasque Deorum,

1. *Suo.* *Nimis* Excerpta Vossii; *tuus* quindecim; quod etiam apud nostrum codicem A invenimus. Sed optimi *suo* præferunt.

3. *Longus.* Quamobrem salute careat ostendit.

5. *Anhelis.* Quæ corpus anhelum faciunt.

6. *Sed peragit.* Et cum melioribus. *Pro febribus anhelis* Twisdenius *acutis*; quod placet: vox medicis familiaris. HEINS. — Hic in nostrorum vetustiore uno paginæ desiderantur

nimis multæ: alter *anhelis* servat omnino. Sic apud Lucret. lib. IV, *anhela sitis.* — *Vena.* Quæ ultra modum micare et salire solet febricitantibus.

7. *Os hebes est, positæque movent fastidia mensæ.* Os est tardum et impotens ad conficiendum cibum; nulla cibi adpetentia movetur.

9. *Educat.* *Educat* Heinsius.

11. *Latices epulasque Deorum.* Hic exprimit quid sit nectar et ambrosia; hæc cibus, illud potus Deorum.

Det mihi formosa nava Juventa manu :  
 Non tamen exacuet torpens sapor ille palatum ;  
 Stabit et in stomacho pondus inerte diu.  
 Hæc ego non ausim , quum sint verissima , cuivis 15  
 Scribere , delicias ne mala nostra vocent.  
 Scilicet is status est , ea rerum forma mearum ,  
 Deliciis etiam possit ut esse locus.  
 Delicias illi precor has contingere , si quis ,  
 Ne mihi sit levior Cæsaris ira , timet. 20  
 Is quoque , qui gracili cibus est in corpore , somnus ,  
 Non alit officio corpus inane suo.  
 Sed vigilo , vigilantque mei sine fine dolores ,

12. *Gnava Juventa*. Scripti plerique *grata*, vel *Graia*; quod posterius amplexus est doctissimus Gronovius; unus ex nostris *flava*; alius *gnara*; Sarrav. Scaligeri et Argent. *nava Juventa*; recte: ita enim scribebant ut passim in veterrimo cod. Silii Italici. Seneca Hercule Cætæo: « In tempore ipso gnavus occurrit Lichas; » ubi veterrimus Mediceus *novus*, hoc est *navus*. H. — *Juventa*. Grati ministri. Immo Hebe, quæ latinis *Juventa* dicitur: fingunt autem poetæ Heben Diis ministrare pocula. — *Formosa manu*. Candida et pulchra manu. MER.

13. *Exacuet. Excutelet* tres. — *Sapor ille*. Sic est in altero Vatican. et Ursini, melius quam in aliis. CIOF. — *Iste editi quidam*.

14. *Pondus inerte*. Cibus gravis et crudus. MER. — Tu construe: stabit et cibus in stomacho inerte; ut sit inerte, pro inerti, ablativo casu dictum: *iners* est autem *stomachus*, quando suum officium non facit, hoc est, non concoquit ac digerit. — *Inerte meo* Junian.

15. *Cuivis. Quamvis* Putean. *cui-*

*quam* Jun. et editi nonnulli; cuique Leidens.

16. *Delicias ne mala nostra vocet*. Lege *vocent*, cum duobus antiquis.

17. *Scilicet is status est*. Ironice hoc dictum est; ex quo designat se præ nimio dolore non posse deliciis vacare. — *Ea rerum forma mearum. Rerum fortuna mearum*, Thuanæus: *hic status* scripti et editi: forte, *Scilicet hic rerum status*, et (vel *hæc*) *fortuna mearum*; vid. Trist. I, IX, 37; sed et Orosius, lib. I, vs. 5, « Victis et victoribus par forma; » nisi et ibi *fortuna* quis malit: vid. Quintilian. Institut. Orat. lib. X, cap. 1. BURM.

18. *Possit ut esse. Quod queat* Thuan. unde Heinsius, *quo queat*.

20. *Timet. Velit* Gottorph. *vocet* Fragm. Boxh. unde Heins. *vovet*.

21. *Qui est cibus*. Somnus enim corpori multum conducit; unde Ovid. Met. lib. XI, vers. 623, ita cecinit: « Somne, quies rerum, placidissime Somne Deorum, Pax animi, quem cura fugit, qui corpora duris Fessa ministeriis mulces, reparasque labori. »



Quorum materiam dat locus ipse mihi.  
 Vix igitur possis visos agnoscere vultus ; 25  
 Quoque ierit, quæras, qui fuit ante, color.  
 Parvus in exiles succus mihi pervenit artus,  
 Membraque sunt cera pallidiora nova.  
 Non hæc immodico contraxi damna Lyæo :  
 Scis mihi quam solæ pæne bibantur aquæ. 30  
 Non epulis oneror; quarum si tangar amore,  
 Est tamen in Geticis copia nulla locis.  
 Nec vires adimit Veneris damnosa voluptas :  
 Non solet in mæstos illa venire toros.  
 Unda locusque nocent; causaque nocentior omni, 35  
 Anxietas animi, quæ mihi semper adest.  
 Hanc uisi tu pariter simili cum fratre lebares,  
 Vix mens tristicæ mæsta tulisset onus.  
 Vos estis fragili tellus non dura phaselo ;

24. *Quorum materiam dat.* Iocus ubi exsulo est asper, et ideo mihi præbet materiam dolorum.

27. *Parvus in exiles succus mihi pervenit artus.* Malim *Purcus*, vel *Rarus* : deinde *permanet* multi veteres. Forte *permeat*. H. — *Parvus succus*. Modicus humor et sanguis.

29. *Non hæc immodico contraxi damna Lyæo.* Eleg. VI hujus libri : « Nec juvat in lucem nimio marcescere vino. »

30. *Scis mihi quam puræ pæne bibantur aquæ.* In Maffei, *Scis, mihi quam solæ* etc. in ambobus vero Vat. et Ursini, *Scis mihi quod solæ pæne* etc. quod magis placet. CIOF. — *Quam duræ* Basil. ut ad glaciatas aquas respiciat.

35. *Unda locusque nocent.* Nocet, inquit, aqua et aer, vel loci asperitas. — *Et causa valentior istis.* *Valentior omni* duo libri : lege cau-

*saque valentior omni; causaque nocentior omni* Excerpta Vossii; etiam non male. HEINS.

36. *Anxietas animi.* Sic supra ad uxorem. — *Semper adest.* MSS. Barthii *inest*; atque ita Basil.

37. *Simili cum fratre* etc. Videtur is Græcinus esse, ut infra lib. IV, Eleg. IX. MICYL.

38. *Vix mens tristicæ nostra tulisset onus.* Malim *mens mæsta* cum quinque scriptis, et priscis editionibus. HEINS.

39. *Fractæ phaselo. Fragili* Barberin. bene : apud Horat. lib. III, Od. II, vs. 28 : « fragilemque mecum Solvat Phaselum. » Prudentius, lib. II, contra Symmach. « Instar erant tenuis cymbæ, fragilisque phaseli ; » supra Eleg. IV, vers. 35 : « Nos fragili ligno vastum sulcavimus æquor. » Statius, Propempticon Metio Celeri : « Fugit ecce va-

Quamque negant multi, vos mihi fertis opem. 40  
 Ferte, precor, semper, quia semper egebimus illa,  
 Cæsaris offensum dum mihi numen erit.  
 Qui meritam nobis minuatur, non finiat iram,  
 Suppliciter vestros quisque rogare Deos.

gas ratis acta per undas, Paulatim minor, et longe servantia vincit Lumina, tot fragili ligno complexa timores; » ita præstiterit fortasse, quam *gracili*, quod nunc circumfertur; quum hæ duæ voces promiscue in vetustis codicibus confundantur; quanquam et scriptura vulgata satis commode se habet. Horat. lib. I, Od. III, vs. 9: « Illi robur et æs triplex Circa pectus erat, qui fragilem truci Commisit pelago ratem, » et illum imitatus Seneca Medea: « Audax nimium, qui freta primus Rate tam fragili perfida rupit. » H.—*Tellus non*. Terra mollis, cujus illisu non potest navis frangi:

hoc est, locus tutus.—Hanc, poetis perquam familiarem, sive de republica, sive de sua fortuna loquentibus, figuram concinnius expressit recentior vates, ingenio necnon et infortuniis nostro similior, Torquatus, Gerus. liber. I, 25 sqq:

Tu magnanimo Alfonso, il qual ritogli  
 Al furor di fortuna, e guidi in porto  
 Me peregrino errante, e fra gli scogli,  
 E fra l'onde agitato, e quasi assorto, ec.

40. *Multi*. Alii P. Dan. *cuncti* Excerpta Vossii.

43. *Non finiat*. Non sinat me semper esse exulem. Non finiat iram, id est, det saltem mitius exsilium.

44. *Vestros*. *Vestrum* Servii.

---

# PUBLII OVIDII NASONIS

## EPISTOLARUM

# EX PONTO

## LIBER SECUNDUS.

---

### EPISTOLA PRIMA.

---

#### GERMANICO CÆSARI.

---

#### ARGUMENTUM.

Cæsarei (scil. Illyrici a Tiberio acti) famam triumphi ad se pervenisse gaudet, eumque lætus describit, et spem sibi subnatam prædicat, fore ut, ceu hostibus, sic sibi quoque veniam det Augustus. Similes Germanico triumphos ominatur.

**H**UC quoque Cæsarei pervenit fama triumphi,

Languida quo fessi vix venit aura Noti.

Nil fore dulce mihi Scythica regione putavi.

1. *Huc quoque* etc. Disputat hoc loco Merula, de Tiberiine ovatione, an de Germanici triumpho, Elegia hæc intelligendâ sit. Scripsit enim hæc Ovid. proximo ante obitum Augusti anno, quum jam quadriennium in Ponto fuisset. Tiberius autem ovavit prox. post cladem Varianam anno, tertio antequam hæc ab Ovidio scriberentur; id quod ex Suetonio adparet. Et de triumpho

Illyrico, Elegiam hanc intelligimus, qui eodem anno, quo hæc a poeta scripta sunt, gestus fuit, proximo scilicet ante mortem Augusti: id quod ex Suetonii Tiber. IX, colligitur. Et vide Micyllum hac de re latius disserentem.

2. *Vix venit.* Vix accedit; quasi dicat, in Scythiam, quo vix ventus Notus potest pervenire, accessit fama Cæsaris triumphi.



Jam minus hic odio est, quam fuit ante, locus.  
 Tandem aliquid, pulsa curarum nube, serenum 5  
 Vidi; fortunæ verba dedique meæ.  
 Nolit ut ulla mihi contingere gaudia Cæsar,  
 Velle potest cuivis hæc tamen una dari.  
 Dì quoque, ut a cunctis hilari pietate colantur,  
 Tristitiam poni per sua festa jubent. 10  
 Denique, quod certus furor est audere fateri,  
 Hac ego lætitia, si vetet ipse, fruor.  
 Juppiter utilibus quoties juvat imbribus agros,  
 Mista tenax segeti crescere lappa solet.  
 Nos quoque frugiferum sentimus, inutilis herba, 15  
 Numen, et invita sæpe juvamus ope.  
 Gaudia Cæsareæ mentis pro parte virili  
 Sunt mea: privati nil habet illa domus.  
 Gratia, Fama, tibi; per quam spectata triumphi  
 Incluso mediis est mihi pompa Getis. 20

4. *Jam minus hic odio est etc.* Est deest sex codicibus; *jam minus est odio, quam* Junian.

5. *Aliquid serenum.* Aliquod Aldi, Micyll. Bersman. minor Gryph. et alii; Heins. malebat, *aliquid sereni.*

6. *Fortunæ verba dedique meæ.* Et decepi fortunam meam.

7. *Nolit ut illa. Ulla* cum tribus scriptis legendum. H.

11. *Quod certus furor est audere fateri.* Quam rem, ut fruatur hac lætitia poeta, invito Cæsare, quum audeam profiteri, insania quædam videtur.

12. *Si vetat. Vetet* meliores; et *juvat* pro *rigat* versu proximo; de quo dictum Art. Am. lib. I, 647. H.

14. *Tenax lappa.* Herba illa adhærens. Quod autem inter segetes nascatur lappa, docet etiam Maro,

Georg. lib. I, vs. 152, quum inquit: «subit aspera sylva, Lappæque, tribulique, interque nitentia culta.»

15. *Numen fragiferum.* Numen Cæsaris, quale est Jovis irrigantis et bonas et malas herbas. Per quod victoriam Cæsaris intelligit.

16. *Invita ope.* Gaudio quo nollet me Cæsar adfici.

17. *Gaudia Cæsareæ mentis.* Gentis videtur scribendum, quum subjungatur, *privati nil habet illa domus. Cæsareæ gens*, quomodo *gens Flavia. gens Claudia, gens Æmilia.*

18. *Privati nil habet illa domus.* Cæsarium domus nil habet proprium, sed cum omnibus commune: quasi dicat, Victoriam Cæsar patriæ, et civibus suis, non sibi, comparare solet.

19. *Gratia, Fama, tibi.* Famæ gra-

Indice te didici, nuper visenda coïsse

Innumeras gentes ad ducis ora sui :

Quæque capit vastis immensum mœnibus orbem ,

Hospitiis Romam vix habuisse locum.

Tu mihi narrasti, quum multis lucibus ante

25

Fuderit adsiduas nubilus Auster aquas ,

Lumine cælesti Solem fulsisse serenum ,

Cum populi vultu conveniente die.

Atque ita victorem, cum magno vocis honore ,

Bellica laudatis dona dedisse viris :

30

Claraque sumturum pictas insignia vestes ,

Tura prius sanctis imposuisse focis :

Justitiamque sui caste placasse parentis ,

Illo quæ templum pectore semper habet.

tias agit, quod per eam factus est certior de pompa Cæsarei triumphi.

21. *Indice te.* Te fama indicante.—*Ad visenda ora ducis.* Ad videndum Cæsaris conspectum.

27. *Numine cælesti.* Lumine ex tribus scriptis. H. — *Numine cælesti.* Voluntate divina.

28. *Cum populi vultu* etc. Sic ut aspectus cæli serenissimus et jucundissimus, cum hilarissimis populi vultibus congrueret, et quasi conspiraret. PONT.

29. *Cum magnæ vocis honore.* Magno unus Vaticanus. H.—Cum laude eorum militum, quorum virtutes magna voce laudavit imperator, deinde etiam donis militaribus de more donavit.

30. *Bellica dona.* Dona militaria: ut armillas, hastas puras, torques, phaleras, et alia id genus.

31. *Pictas vestes.* Vestes triumphales, quibus triumphantes imperatores utebantur.

33. *Justitiaque sui castos placasse*

*parentes.* Nemo intelligit, ut opinor, quid hæc sibi velint. Sarravianus, Combrianus, et unus Mediceus, cum prima editione et Scaligeri Excerptis: « Justitiamque sui caste placasse parentis; » optime: nisi quod priores duo *castæ* mendose; *caste placare Deos*, ut *caste colere Deos* Ciceroni Epist. ad Terentiam; *caste Deos adire* in leg. XII Tabb. *caste sacra facere*, et similia passim in sacris. Cæterum unice hanc emendationem illustrat noster ipse infra lib. III, Eleg. vi de Augusto, 23: « Principe nec nostro Deus est mansuetior ullus: Justitia vires temperat ille suas. Nuper eam Cæsar facto de marmore templo, Jam pridem posuit mentis in æde suæ; » unde liquet versu proximo scribendum, *Illo quæ templum pectore semper habet*, nempe Justitia. Vulgati et scripti *quo templum*; nisi quod Aron- delianus pro diversa lectione, *Illo quæ.* Hæc prælo commissurus eram, quum incidi in magni Scaligeri ad

Quaque ierit, felix adjectum plausibus omen;  
Saxaque roratis erubuisse rosis.

35

Protinus argento versos imitantia muros,

Barbara cum victis oppida lata viris :

Fluminaque, et montes, et in altis pascua silvis;

Armaque cum telis in strue mista suis.

40

Deque triumphato, quod Sol incenderit, auro

Aurea Romani tecta fuisse fori.

Totque tulisse duces captivis addita collis

Propertium animadversiones, ubi pari modo Nasonianum locum castigatum offendi, idque sub finem libri tertii. H.—*Parentis*. Augustum vitricum : quem patrem adpellat, per adoptionem, et Liviam matrem designat.

36. *Rosis roratis*. Rosis rore adpersis, et recentibus, aut mane cum rore collectis.

37. *Protinus argento* etc. Portata sunt, inquit, de more in ea ovatione triumpho simili, oppida ex argento, ad similitudinem captarum civitatum, una cum viris superatis ab ipso Tiberio. — *Veros imitantia muros*. *Versos* Sarravianus et plerique alii; recte. Sequenti versu idem Sarrav. et tres alii *pictis viris*; Excerpta Vossii *vinctis*. Puto *fictis*, ex argento videlicet. H.— Non placent illi *picti*, vel *ficti viri* : nescio an non glossator adposuerit vocem illam, *pictis*, alii voci, tanquam explicationem, et forte legendum : *Barbara cum titulis oppida lata suis*; nam viros effingi et imponi ferculis non memini me legere; sed titulos adscribi notum est : hos pictos fuisse glossator indicare voluit. *Viris* autem et *meus*, *tuus*, *suus*, sæpius permutantur in Ovidii libris. BURM. — Nostri vulgatam tuentur; nec ullus scriptus

aut editus Burmannianæ lectioni adsentit.

39. *Fluminaque et montes, et in altas proflua silvas*. In altis silvis plerique veteres; Excerpta Scaligeri, Combrianus, et tres alii, in altis pascua silvis, quod placet, nisi mavis : « Fluminaque in montes et in altas proflua silvas; » nam Junianus in montes. Arondelianus : « Fluminaque et fontes et latis proflua silvis. » HEINS.

40. *Cum strue juncta suis*. *Mista sua* plerique veteres, nisi quod nonnulli *mista suis*; recte. H.

41. *Deque tropæorum, quod Sol incenderat, auro*. *Incenderet* Sarrav. Argent. aliique nonnulli; Basileensis recte *incenderit* : præterea unus Vaticanus, *Deque triumphato auro*, quomodo in Fastis : « Deque triumphato viscera tosta bove. » H.

42. *Tecta Romani fori*. Domus finitimæ foro Romano, vel revera trabes et tecta atrii, quod Cæsar Romanum forum esse voluit, ut eo ad jura simul convenirent, ut docet Appianus. Sane laquearia, quæ postea et in privatis domibus auro tegebantur, post Carthaginem eversam.

43. *Tulisse vincula addita collis*. Tulisse catenas, quibus eorum colla adligata erant. MER.



Vincula, pæne hostes quot satis esse fuit.

Maxima pars horum vitam veniamque tulerunt; 45

In quibus et belli summa caputque Bato.

Cur ego posse negem minui mihi numinis iram,

Quum videam mites hostibus esse Deos?

Pertulit huc idem nobis, Germanice, rumor,

Oppida sub titulo nominis îsse tui; 50

44. *Pæne hostes quot satis esse fuit.* Hoc est, tot numero, quot in toto aliquo exercitu hostium satis esset, fuisse: sive qui justum exercitum complere ac facere potuissent. MIC.

46. *In quibus et belli summa caputque fuit. Summa caputque Bato,* Sarrav. et Scaligeri codex; optime: intellige Batonem Pannoniorum, vel ut alii, Dalmatarum ducem, cujus Dio, Paternus, Suetonius, alii meminerunt. Veram lectionem jam vidit Scaliger, qui adeatur ad annum MMXXIII Chronici Eusebiani: *tulerunt* pro *tulere* versu superiori scripti. H. — Vide ad Velleium, lib. II, cap. 110; nomen vere illud *Batonis* jam antiquum: nam Ponticum *Batonem*, dominum Menippi ex Diocle memorat Diogenes Laërtius, lib. VI, 99.

47. *Cur ego posse negem minui etc.* Capta occasione, hostium exemplo docet sibi etiam sperandum esse Augustum iratum posse placari, et leniorem fieri. — *Cæsaris iram. Numinis* Sarrav. Scaliger, Argent. et multi alii; Polit. cum quibusdam, *principis*. HEINS.

48. *Deos.* Augustum et Tiberium.

49. *Pertulit hoc. Huc* Polit. et sex alii; reliqui, magna ex parte, *hic*. H. — *Pertulit hoc idem nobis, Germanice, rumor.* Tiberio adscribuntur a Mæcula falso, quæ de Germanico ejus filio adoptivo, et ex fratre Druso,

nepote, a poeta dicuntur. Est enim hæc apostrophe ad ipsum Germanicum, qua poeta, velut adloquens illum, ostendit se eadem fama, qua de Tiberii triumpho audierit, etiam de Germanici expeditione in Germaniam, et de oppidis ab eo aliquot jam captis, audivisse. Vaticinatur igitur et illi triumphum de Germanis similem ei quem Tiberius de Illyricis modo gessit, etc. Quare quæcunque deinceps ad finem usque dicuntur, omnia ad Germanicum referenda erunt. Cui poeta et longos annos optat, victoremque in Capitolium scansurum dicit, eademque gaudia exhibiturum patri (adoptivo scilicet Tiberio; nam verus pater Drusus jam multo ante in Germania perierat) quæ ille antea suis parentibus, Augusto scilicet et Livie exhibuisset. Atque eum se triumphum carmine tum celebraturum ait, item tum hunc Tiberii, de quo in præsentia agitur, si modo vitam eo usque perduxerit. Ex quo loco etiam illud non obscure colligi potest, Ovidium ante mortuum esse, quam Germanicus de Cheruscis et Chattis triumphavit. Triumphavit autem Germanicus Coss. C. Cælio et L. Pomponio Flacco; qui annus post obitum Augusti quartus fuit. M.

50. *Oppida sub titulo nominis esse.* Sub titulos castigabat Muret. male; nam illa Tibulli, II, IV, 54: « Ite sub

Atque ea te contra, nec muri mole, nec armis,

Nec satis ingenio tuta fuisse loci.

Dî tibi dent annos! a te nam cætera sumes;

Sint modo virtuti tempora longa tuæ.

Quod precor eveniet: sunt quiddam oracula vatum; 55

Nam Deus optanti prospera signa dedit.

Te quoque victorem Tarpeias scandere in arces

Læta coronatis Roma videbit equis;

Maturosque pater nati spectabit honores,

Gaudia percipiens, quæ dedit ipse suis. 60

Jam nunc hæc a me, juvenum belloque togaque

Maxime, dicta tibi vaticinante nota.

Hunc quoque carminibus referam fortasse triumphum,

Sufficiet nostris si modo vita malis;

Imbuero Scythicas si non prius ipse sagittas, 65

Abstuleritque ferox hoc caput ense Getes.

Quod si, me salvo, dabitur tibi laurea templis,

imperium sub titulumque, lares, » et Nostri Remed. Amoris, 302: « Sub titulum nostros misit avara lares, » longe alia significatione dicuntur. H. — *Isse sub titulo.* Esse subjectos titulo, in quo erat tuum nomen.

52. *Ingenio loci.* Natura loci, ut puta in montibus sita.

53. *Cætera.* Omnes virtutes intel- lige, et bellicas artes.

55. *Sunt quædam oracula vatum.* Repone vel sine auctoritate veterum librorum, *sunt quiddam*, hoc est, sunt aliquid. Proximo versu, pro *Nam* malim *Jam*. H. — *Quiddam* probat Heumannus, in Parergis criticis. *Sunt longa pericula vatum*, Putæan. solemnî confusione.

57. *Tarpeias scandere* etc. *Scandere turres* quinque veteres. Forte *rupes*; Propert. lib. IV, El. IV, vs. 1:

« Tarpeium nemus et Tarpeia in rupe sepulcrum. » Ita legebat parens meus, non *Tarpeia turpe*. H.

58. *Equis.* Equis triumphalibus. Quatuor enim equi albi currum triumphalem trahentes, etiam lauro coronabantur.

59. *Maturos honores.* Sic Horatius, Epist. II, 1, 15: « Præsenti tibi maturos largimur honores. »

61. *Jam nunc hæc a me.* Ordo est: O Maxime juvenum et bello et toga, jam nunc nota quæ a me vaticinante dicta sunt. Vel manda memoriæ hoc meum vaticinium.

65. *Imbuero Scythicas sagittas.* Mādefecero Scytharum jacula meo sanguine. *Induero* Leidensis, *Induere pectora telis* habes Amor. lib. II, Eleg. x, vs. 31. H.

67. *Me salvo.* Me in patriam re-

Omina bis dices vera fuisse mea.

ducto per te : vel me incolumi , et non interempto a Scythiis. — *Dabitur templis.* Templis dicabitur. Coronæ enim triumphaturis in templis deponerantur. — *Dabitur tua laurea templis.* *Dabitur tibi* concinnius multi ex scriptis , a te , vel per te dabitur. H.

68. *Omina mea.* Mea vaticinia. — *Bis dices* etc. Narrabis me bis vera tibi vaticinatum fuisse , et quod triumphum adeptus fueris , et quod me servaveris : de triumpho Tiberii , de quo lib. IV, Eleg. II ; et de tuo , Germanice , qui eventurus est.

## EPISTOLA II.

### MESSALLINO.

#### ARGUMENTUM.

Pro ea , qua apud Augustum floreat gratia , proque antiquo domus ejus in ipsum poetam favore , petit a Messallino , ut , inter triumphi Illyrici gaudia , mitius sibi ab Augusto exsilium impetrare studeat , suamque causam agere audeat.

ILLE domus vestræ primis venerator ab annis ,  
 Pulsus ad Euxini Naso sinistra freti ,  
 Mittit ab indomitis hanc , Messalline , salutem ,  
 Quam solitus præsens est tibi ferre , Getis.  
 Heu mihi , si lecto vultus tibi nomine non est ,  
 Qui fuit , et dubitas cætera perlegere !  
 Perlege , nec mecum pariter mea verba relega :  
 Urbe licet vestra versibus esse meis.

1. *Venerator.* *Imitator* Excerpta Vossii ; unde Heins. *mirator* faciebat.

2. *Pulsus ad sinistra Euxini.* Relegatus in Pontica regione , quæ ingredientibus in parte sinistra adparet.

5. *Hei mihi , si lecto.* Sarravianus

*O mihi quid lecto ;* Forte , *Hei mihi quod lecto.* H. — *Heu* multi.

8. *Licet.* Quia si poeta est exsul , ejus carmina non sunt relegata cum illo , et ingenii fœtus pœna scriptoris nequit attingere.



Non ego concepi, si Pelion Ossa tulisset,

Clara mea tangi sidera posse manu.

10

Nec nos, Enceladi dementia castra secuti,

In rerum dominos movimus arma Deos.

Nec, quod Tydidæ temeraria dextera fecit,

Numina sunt telis ulla petita meis.

Est mea culpa gravis, sed quæ me perdere solum

15

Ausa sit, et nullum majus adorta nefas.

Nil, nisi non sapiens possum timidusque vocari:

Hæc duo sunt animi nomina vera mei.

Esse quidem fateor, meritam post Cæsaris iram,

Difficilem precibus te quoque jure meis.

20

Quæque tua est pietas in totum nomen Iuli,

Te lædi, quum quis læditur inde, putas.

Sed licet arma feras, et vulnera sæva mineris,

9. *Non ego concepi.* Non cogitavi, non in animum induxi: rationem autem adsignat poeta, qua ostendit non tanta esse ejus crimina, ut mereantur cum eo carmina sua relegari: siquidem non bella gessit contra Jovem, quemadmodum Gigantes. Est autem ordo: non ego concepi clara sidera posse tangi mea manu, si Ossa tulisset Pelion; hoc est, si Ossa mons habuisset Pelion montem superimpositum.

10. *Posse tangi.* Posse violari, quemadmodum voluere Gigantes.

11. *Nec nos Enceladi.* Enceladus Terræ filius fuit: quem fulmine ictum, Ætnæque subpositum scribit Virgil. in lib. III Æneid. 578.

12. *In rerum.* Membranæ nostræ Terrarum dominos: legi potest, Terrarum in dominos; utrumque non sine exemplo. AUCTOR ELECTOR. ETONENS. Nulla causa est, cur mutemus obviam lectionem.

13. *Nec quod Tydidæ.* Nec etiam Venerem violavi, quemadmodum Diomedes; vide Homerum, Iliad. lib. V, 335 et sqq.

15. *Sed quæ me perdere solum Ausa sit.* Sed quod crimen mihi tantum nocuerit, non aliis. Nam quæ aliis nocent, majora sunt crimina, quam ea quæ sibi tantum. Ex quo designat, ut sæpius dixit, peccatum suum errorem potius dicendum, et ideo dignum venia.

16. *Nullum majus adorta nefas.* Recte, *adorta* Sarravian. Argent. Combii, Twisden. alique nonnulli; ut apud Virgil. Æn. VII, vs. 385: « simulato numine Bacchi Majus adorta nefas. » HEINS.

18. *Hæc duo nomina.* Imprudentis scilicet et timidi.

21. *In totum nomen Iuli.* In omnes ex gente Julia.

23. *Sed licet arma feras.* Malim *ferox*, ut ad τὸ *mineris* referatur: pro

Non tamen efficies, ut timeare mihi.

Puppis Achæmeniden Graium Trojana recepit;

25

Profuit et Myso Pelias hasta duci.

Confugit interdum templi violator ad aram,

Nec petere offensi numinis horret opem.

Dixerit hoc aliquis tutum non esse; fatemur,

Sed non per placidas it mea puppis aquas.

30

Tuta petant alii: fortuna miserrima tuta est;

Nam timor eventus deterioris abest.

*efficies* versu proximo Politian. et Arondel. *efficias*. HEINS.

26. *Puppis Achæmeniden*. Notum est quemadmodum Achæmenides comes infelicis Ulyssis in Sicilia Æneæ navem adscendit, seque ac Trojanos omnes liberavit a Cyclo-  
pum sævitia, ut elegantissime describit Virgil. *Æn.* lib. III, 588 sqq.

26. *Myso duci*. Telepho regi Mysiæ, provinciæ Phrygiæ, quæ adjacet Hellesponto: cujus historiam abunde diximus in primo de Remedio amoris.—*Pelias hasta*. Hasta Achillis. Hocigitur et sequenti exemplo Augustum sibi inimicum minime timendum esse colligit poeta: siquidem hostes sæpenumero etiam benigni exstiterunt in eos quos oderant.

27. *Templi violator. Temerator* Feschianus; rectius: Festus, « Temerare, violare sacra et contaminare, dictum videlicet a temeritate: » ap. Virgil. *Æn.* lib. VI, vs. 841: « Ultus avos Trojæ, templa et temerata Minervæ; » Propertius, lib. IV, Eleg. IX, de ara Herculis, vs. 69: « Hæc nullis unquam pateat temeranda puellis. » Ita scribe: *veneranda* male illic exstat; Tibullus, lib. III, El. v, vs. 7: « Non ego tentavi nulli temeranda virorum Audax laudandæ sacra docere Deæ. » Noster Fast. I,

ex vestigiis vetustissimi libri, 630: « Ne temerent puros exanimata focos. » In Ibide tamen, 313: « Utque Jovis Libyci templum violare parentes; » apud Velleium quoque, lib. II: « Omnia pretio temerata, vendente rempublicam consule; » ubi *temperata* nunc legitur: *temerare*, corrumpere; sic *fluvios temerare venenis* nostro Met. VII, vs. 535, et *corpora nefandis dapibus temerare* Met. XV, vs. 75; Tacitus, Hist. IV, cap. 53: « Injectæ fundamentis argenti aurique stipes, et metallorum primitiæ nullis fornacibus victæ. Prædixere haruspices, ne temeraretur opus saxo, aurove in aliud destinato. » HEINS.

29. *Dixerit hoc aliquis*. Respondet huic quæstioni. Posset enim aliquis dicere: exemplis probas, poeta, minime timendum esse offensum Augusti numen: ego vero consilium tuum censeo non esse tutum, ab inimico salutem et bona petere. Quod et fatetur Ovidius: sed addit, se cogi quasi per tempestatem, in quemvis portum confugere. PONT.

30. *Mea navis. Puppis* Politian. et sex alii. HEINS.

31. *Fortuna miserrima* etc. Quia nihil miseriæ accedere ad summam potest: nec enim summa foret. P.

Qui rapitur fati, quid præter fata requirat ?

Sæpe creat molles aspera spina rosas.

Qui rapitur spumante salo, sua brachia cauti

35

Porrigit, et spinas duraque saxa capit.

Accipitrem metuens pennis trepidantibus ales

Audet ad humanos fessa venire sinus :

Nec se vicino dubitat committere tecto,

Quæ fugit infestos territa cerva canes.

40

Da, precor, accessum lacrymis, mitissime, nostris,

Nec rigidam timidis vocibus obde forem ;

Verbaque nostra favens Romana ad numina perfer,

Non tibi Tarpeio culta tonante minus :

Mandatque mei legatus suscipe causam ;

45

Nulla meo quamvis nomine causa bona est.

Jam prope depositus, certe jam frigidus, ægre

33. *Qui rapitur fati.* Nonnulli ex antiquis omittunt hoc distichon ; quidam proximum. Alii ex ambobus unum faciunt utroque mediorum versuum omisso. Ego utrumque distichon superfluum et tollendum esse censeo. Certe in Sarraviano ita legebatur : « Qui rapitur ... Porrigit et spinas duraque saxa ; » hiatu in prior ac posteriore versu relicto. H. — Zinzerlingius, Promuls. critic. cap. XLV, eo inclinat, ut posterius distichon totum abjiciat, quod permanasse ex prior credit : cui facile accedimus, admodum probante Burmanno.

34. *Porrigit ad spinas duraque saxa manus.* Qui, inquit, fati rapitur, solet cuicumque loco etiam aspero manus admovere, ut majus periculum evitet. In vetustissimo exemplari hoc carmen ita legitur, *Sæpe creat molles aspera spina rosas* ; ut sit sensus : ex spinis sæpe nascitur

rosa, hoc est, ex tristi fato plerumque nascitur lætum. Quibus verbis designat, posse accidere, ut adversa poetæ fortuna, si confugerit ad hostes offensos, mutetur in melius.

87. *Accipitrem metuens.* *Accipitremque timens* vetustiores ; sed si superiores versus tollantur, vulgatæ lectioni non est movenda controversia. HEINS.

38. *Audet in humanos.* *Ad humanos* scripti. HEINS.

40. *Infestos canes.* *Infestas* Combi et Feschii, ut sæpe alibi noster.

42. *Vocibus obde forem.* *Obde se-ram* veteres quinque.

44. *Tarpeio tonante.* Jove Capitolineo. Vide Virg. *Æn.* VIII, 652 ; et Lucan. *Phars.* I, 196 ; V, 306.

45. *Legatus* etc. Vel nuncius, vel orator.

47. *Jam prope depositus.* Confectus, exanimatus, sepultus : sic Plaut. *Vino depositus*, id est, *Vino sopitus*.



Servatus per te, si modo server, ero.

Nunc tua pro lapsis nitatur gratia rebus,

Principis æternam quam tibi præstet amor : 50

Nunc tibi et eloquii mitor ille domesticus adsit,

Quo poteras trepidis utilis esse reis.

Vivit enim in vobis facundi lingua parentis,

Et res heredem repperit illa suum.

Hanc ego non, ut me defendere tentet, adoro ; 55

Non est confessi causa tuenda rei.

Num tamen excuses erroris imagine factum,

An nihil expediat tale movere, vide.

Vulneris id genus est, quod quum sanabile non sit,

Non contrectari tutius esse putem. 60

Lingua, sile; non est ultra narrabile quidquam :

Posse velim cineres obruere ipse meos.

Sic igitur, quasi me nullus deceperit error,

Verba face, ut vita, quam dedit ipse, fruam.

48. *Si modo server. Server non-*  
nulli, inter quos nostri.

49. *Pro rebus.* Pro rebus meis.

50. *Principis æterni quem tibi præ-*  
*stet amo.* Aut *præstat* legendum cum  
Argent. aliisque plurimis; aut *æter-*  
*num præstet*, vel *æternam*; nisi ma-  
gis *Principis æterni quam tibi præstat*  
*amor*, ut de Tiberio etiam intelliga-  
tur: sed verius alterum. H.

51. *Nunc tibi.* Malim *mihi*. Nunc  
mihi adsit eloquium tuum. H.—*Ad-*  
*sit*, id est, patrocinetur: nam *ad-*  
*esse* reis advocati dicuntur.

52. *Trepidus viris.* Lege *reis*, ex  
veteribus libris. CIOF.

56. *Non est confessi.* Causam ad-  
signat, cur non tentet se a Messal-  
lino defendi, ut ex eo probet se non  
ob eam causam venerari hominis  
linguam.—*Causa rei confessi.* Causa

mea, quam confessus sum esse in-  
firmam.

57. *Erroris origine factum.* *Imaginem*  
rectius multi: sic lib. III, Eleg. III,  
vs. 75: « Tu licet erroris sub imagine  
crimen obumbres. » HEINS.

58. *Tale monere.* *Movere* cum me-  
lioribus plerisque.

59. *Vulneris id genus est.* Causam  
adsignat, cur inter excusandum er-  
roris mentionem fieri non utile esse  
innuat. Adpellat autem crimen, quo  
Augustum læsit, *vulnus*, idque in-  
sanabile esse dicit.

60. *Tutius esse puto.* *Putem* cum  
Hafniensi: sequens distichon non-  
nihil est suspectum. HEINS.

62. *Meos cineres.* Quasi dicat, velle  
posse celari cineres suos, ut ejus cri-  
men etiam cum illis lateat.

64. *Quasi me nullus deceperit er-*

Quumque serenus erit, vultusque remiserit illos, 65  
 Qui secum terras imperiumque movent ;  
 Exiguam ne me prædam sinat esse Getarum,  
 Detque solum miseræ mite, precare, fugæ.  
 Tempus adest aptum precibus : valet ipse, videtque  
 Quas fecit vires, Roma, valere tuas. 70  
 Incolumis conjux sua pulvinaria servat :  
 Promovet Ausonium filius imperium.  
 Præterit ipse suos animo Germanicus annos,  
 Nec vigor est Drusi nobilitate minor.

*ror.* Fatendum est me peccasse. —  
*Ut fruam vita.* Fortasse Augustus iratus, mihi vitam, quam concessit, adimeret.

65. *Vultusque remiserit illos.* Hoc est, vultus illos severos et graves, quorum nutu, sive intuitu totum imperium commovetur, deposuerit atque exhilararit. MICYL.

67. *Exiguam.* Forte, *exiguum*, per adpositionem; me exiguum, et vilem ne velit esse prædam. BURM.

71. *Pulvinaria.* Accipe pro thalamo, sive conjugio, quod pulvinariorum nomine adpellat, adulandi gratia; tanquam de Diis loquens, quibus in templis pulvinaria sterni solebant. MICYL.

72. *Filius.* Tiberius Liviae filius et Augusti per adoptionem. Hic autem (ut diximus) domuit totum Illyricum, quod intra Italiam, regnumque Noricum, et Thraciam, et Macedoniam, interque Danubium flumen, et sinum maris Hadriatici patet. Quas ob res triumphus ei decretus est, quem distulit, lugente cladem Varianam civitate.

73. *Præterit ipse suos.* Aliam causam adsignat, ob quam Augustum lætum esse docet. Animum, inquit, majorem annis gerit Germanicus

nepos Tiberii ex fratre Druso, sed filius per adoptionem. Is postea annum agens quantum atque trigesium, diuturno morbo Antiochiæ obiit, non sine veneni suspitione, fraude Tiberii, ministerio vero et opera C. Pisonis, qui sub idem tempus Syriæ præerat: auctor Tranquil.

74. *Nec vigor est Drusi.* Druso malim. H. — *Nec vigor est Drusi nobilitate.* Fortior atque animosior est quam pro ætate sua. Nec Drusus nobilior est quam fortior, sed pariter excellit animo ac nobilitate. Drusum autem intellige, non patrem Germanici, fratrem Tiberii, is enim multis ante annis perierat in Germania: sed Drusum Tiberii ex Agrippina filium, cujus uxor Livia fuit, Germanici soror: vide Tacitum, lib. IV. Mox per *Nurus*, intellige Agrippinam Germanici, et Liviam Drusi, uxores: per neptes et nepotes, Germanici ac Drusi junioris liberos; ut fuere, ex Germanico quidem Caligula, qui Tiberio successit: Agrippina, quæ primum Domitio nupsit, unde Nero natus fuit, mox Claudio imperatori cohabitavit: item Nero et Drusus, qui post a Tiberio interempti: Julia et Drusilla, de quibus Tacitus, Annal. lib. II.

Adde nurus neptesque pias, natosque nepotum, 75

Cæteraque Augustæ membra valere domus :

Adde triumphatos modo Pæonas, adde quieti

Subdita montanæ brachia Dalmatiæ.

Nec dedignata est abjectis Illyris armis

Cæsareum famulo vertice ferre pedem. 80

75. *Adde nurus neptesque pias, carosque nepotes. Adde nurum neptemque pias, natosque nepotum, Sarravianus, Politian. et tres quatuorve alii; Argent. Scaliger. multique præterea recte :* « Adde nurus, neptesque pias, natosque nepotum; » quidam etiam *natosque nepotis*, vel *nepotes*. Juliæ in Pandataria exulantis non meminit, nec Juliæ neptis : neptes, intellige Agrippinam Germanici uxorem, et Livillam Drusi filiam : nurus, intellige Antoniam Drusi uxorem, Livillam, quam dixi, filiam Drusi; utpote Caii Cæsaris uxorem, et Æmiliam Lepidam Lucio Cæsari destinata, quæ et *nurus Cæsaris* propterea in veteri inscriptione Bergomensi adpellatur. *Nati nepotum* sunt, quos Augustus videre potuit, Germanici liberi et Drusi, quorum ante meminit; Plin. major, lib. V, cap. XIII, auctor est Augustum eo, quo supremum obiit diem, anno M. Junium Silanum, neptis suæ nepotem, jam vidisse genitum. H.—*Carosque nepotes*. Caium, Lucium, et Agrippam, Juliæ et Agrippæ filios intellige. Vel Germanici junioris liberos accipe, sub nepotum nomine, ut crebro reperies apud auctores.

76. *Cæteraque Augustæ membra.* Per membra domus Augustæ, cæteros propinquos et familiares intelligit.—*Membra domus*. Plinius etiam eleganter *membra domus* adpellat partes domus; II, E. 17; Colum. I, 6.

77. *Adde quieti Subdita montanæ brachia Dalmatiæ.* Parum latine dicitur *Dalmatia quieti subdita* : quare aut *Quiriti subdita* scribendum, aut *Pineti*. quidquid pro vulgata lectione stant membranæ veteres. Codex Regius *quieto*; Sarravian. *quietis*. Pines dux Dalmatarum a Batone proditus. Sed quum *Pinnetem* vocet Velleius, Illyrio Dio, priorem conjecturam duco veriore. H. — *Pæonas*. Hi *Pæones* a Græcis, a Romanis *Pannonii* dicebantur, et ab illis inter Illyrios numerabantur.—*Adde triumphatos*. Non de Dalmatico Augusti triumpho accipi debet, qui statim post devictum Antonium et Cleopatram actus fuit, annis prope quadraginta antequam hæc ab Ovidio scripta sunt : sed de Illyrico Tiberii, qui proximo ante obitum Augusti anno gestus est; id quod et particula *modo* innuit, quod Pæonas modo triumphatos inquit : quasi dicat, nuper, aut etiam eodem hoc anno.

79. *Nec dedignata est.* Illyrii quod sub Alpibus agebant, imasque valles earum, et quædam quasi claustra custodiebant, abruptis torrentibus impliciti. In hos expeditionem suscepit ipse Augustus, fierique pontes imperavit. Vide Florum, lib. IV, 12, ubi Cæsar, saucius manibus et cruribus, suo sanguine speciosam retulit victoriam.

80. *Vertice famulo.* Capite subdito : ad pedes Tiberii se prosternere et victum fateri.



Ipse super currum, placido spectabilis ore,

Tempora Phœbea virgine nexa tulit :

Quem pia vobiscum proles comitavit euntem,

Digna parente suo, nominibusque datis ;

Fratribus adsimilis, quos proxima templa tenentes 85

81. *Ipse super currum. Ille, et curru* MS Bersmanni.

82. *Tempora Phœbea virgine nexa tulit.* Scribendum est, utcumque membranarum dissentientibus, *Penea virgine.* Nam Daphne Penei fluminis filia; noster Met. I, vers. 504: « Nympha, precor, Peneia, mane: non insequor hostis. » Doctissimus Gronovius ad Statium ex Pirckheimeriano codice, *Phœbea conjugē*: at Phœbus ipse Met. I ad Daphnen, vs. 557: « quoniam conjux mea non potes esse, Arbor eris certe, dixit, mea. » Martialis ad Apollinem: « Fer rata vota patri: sic te tua diligat arbor; » sic legendum ex optimis membranarum, non *uxor*. H. — *Tempora nexa.* Caput circumdatum. — *Phœbea virgine.* Laurigera corona. Adludit autem ad Daphnem virginem, amatam a Phœbo, quæ postea mutata fuit in laurum.

83. *Quem euntem.* Quem Augustum triumphantem, et proficiscentem ad Capitolium. — *Vobiscum.* Cum sua prole, et te Messalino; quem tanquam unum ex ducibus Augusti, hic poeta innuit tunc persecutum fuisse triumphantem imperatorem. MER. — *Quem pia vobiscum.* Per prolem, Tiberii filium accipio, Drusum, qui currum patris comitatus fuerit, cum cæteris ducibus, quos hic sub voce *vobiscum* intelligit. Nam ut de Tiberio et Actiaco triumpho accipiamus, repugnat temporum ratio, id quod supra quoque monui: et item quod

sequitur, *Digna parente suo, nominibusque datis.* Neque enim adhuc nomina Cæsaris, aut Augusti acceperat Actiaco triumpho Tiberius. At si de Druso intelligamus, tam de Cæsaris adpellatione, quam de proprio nomine intelligere licet, quasi qui se dignum Druso patruo, et item Cæsarum gente gereret. Quare et superius *Cæsareum pedem*, non Augusti pedem, sed Tiberii expono, qui tum Cæsaris nomen, ab Augusto jam pridem adoptatus, gerebat. — *Comitavit euntem.* Malim *ovantem*. Sueton. in Tiberio: « Rhætico atque Vindelico bello gentes Alpinas, Pannonico Breucos et Dalmatas subegit. Germanico quadraginta millia deditiorum trajecit in Galliam: quas ob res et ovans et curru urbem ingressus est. » Paria habes apud Dionem, lib. IV. H. — Suetonii locus est de priore bello. Suetonius ipse, Velleius et Dio ostendunt, hunc justum fuisse triumphum, non ovationem.

84. *Nominibusque datis.* Malim *ratīs*. Germanicus nomen suum non una de Germanis victoria ratum fecit: hunc atque Drusum una cum Tiberio triumphasse post bellum Pannonicum confectum ex Dione discimus, etsi Drusus ipsi bello non interfuisset. H. — Et digna nominibus ab Augusto ipsis impositis. Omnes siquidem Cæsares dicebantur, tam filii, quam nepotes.

85. *Fratribus adsimilis.* Proles similis Cupidinibus, qui inter se sunt

Divus ab excelsa Julius æde videt.

His Messallinus, quibus omnia cedere debent,

Primum lætitiæ non negat esse locum.

Quicquid ab his superest, venit in certamen amoris :

Hac hominum nulli parte secundus eris.

90

Hunc colis, ante diem per quem decreta merenti

fratres. Intelligit enim Cupidinum simulacra, qui fuere in æde Veneris Genitricis : sunt tamen qui per fratres, naturalium filiorum Augusti, Caii et Lucii simulacra intelligant : qui tanquam nepotes et successores Julii Cæsaris, in æde Veneris Genitricis, sub ipsius Cæsaris simulacro locati fuere ; et per piam prolem accipiant Tiberium ac Drusum privignum, adhuc infantes. Vel ut alii volunt, similis Castori ac Polluci fratribus.

86. *Divus Julius.* Appianus, lib. II de Bellis civilibus, auctor est, Julium Cæsarem erexisse Veneri Genitrici templum. Hic per *Julium* intelligimus ejus simulacrum fuisse in aliquo loco eminentiori ipsius templi Veneris : aut certe statuam ejus equestrem, quæ erat supra limen ædis Veneris Genitricis. — *Æde. Arce* quatuor ; male : vid. Met. XV, 842, ubi eadem varietas.

87. *His.* Subaudi Augusti conjugii, liberis et cæteris. — *Quibus omnia cedere debent.* Quasi dicat, quibus nemini magis lætari victoria parta et triumpho credendum est.

89. *Venit in certamen amoris.* Certat in amando Cæsare, hoc est, cum reliquis de amore contendit erga Augustum, et nemini concedit in amore Messallinus.

90. *Hac parte.* In hoc certamine. — *Parte secundus erit. Eris multi vesteres.* HEINS.

91. *Hanc colit ante diem per quam*

*decreta merenti.* Colet Sarrau. et *quamque decreta* ; plurimi *quamquam* ; Argent. *quamquam decreta parenti* ; nonnulli etiam *Hanc colis, vel hunc.* Forte : « Hunc colis, ante diem per quem decreta merenti, » ut de Tiberio intelligatur, qui Messallino lauream ante diem decreverit. Certe Valerium Messallinum Pannoniæ præfectum huic bello interfuisse Dio testatur. Nec dubium quin inter legatos Tiberii fuerit, quibus hoc bello confecto ornamenta triumphalia impetravit ab Augusto ; teste Suetonio et Dione, hoc est quod *vobiscum comitavit* *quantem* paulo ante dixerat, tecum nempe et cum cæteris legatis : nam et Messalam Corvinum Messallini patrem jam senem, a Tiberio adolescente observatum fuisse testis est Suetonius ; ut verisimile sit, ipsi quoque Messallino eum fuisse H. — *Hanc colit.* Hanc Augusti prolem veneratur Messallinus. Vel hanc lauream et victoriam Augusti, seu lætitiæ ; ut dicat : ipse Messallinus colit hanc lætitiæ, per quam et ipse postea etiam lauream meruit. Quasi dicat, ipsum quoque lætum debere sibi etiam opem ferre in hujusmodi lætitiæ apud Augustum, cujus et ipse particeps fuit. M. — *Ante diem, per quem decreta.* Ante tempus et annos Messallini : juvenis enim admodum triumphavit. Ordo est : per quam laurea decreta merenti ante diem venit comis honoratis.

Venit honoratis laurea digna comis.  
 Felices, quibus hos licuit spectare triumphos,  
 Et ducis ore Deos æquiparante frui.  
 At mihi Sauromatæ pro Cæsaris ore videndi, 95  
 Terraque pacis inops, undaque vincta gelu.  
 Si tamen hæc audis, et vox mea pervenit istuc,  
 Sit tua mutando gratia blanda loco.  
 Hoc pater ille tuus, primo mihi cultus ab ævo,  
 Si quid habet sensus umbra diserta, petit : 100  
 Hoc petit et frater ; quamvis fortasse veretur,  
 Servandi noceat ne tibi cura mei :  
 Tota domus petit hoc ; nec tu potes ipse negare,  
 Et nos in turbæ parte fuisse tuæ.  
 Ingenii certe, quo nos male sensimus usos, 105  
 Artibus exceptis, sæpe probator eras.  
 Nec mea, si tantum peccata novissima demas,  
 Esse potest domui vita pudenda tuæ.  
 Sic igitur vestræ vigeant penetralia gentis ;

93. *Felices quibus hos. Quibus o* Sarrav. et unus Vatic. H.

94. *Ore ducis.* Ore Augusti *Æquiparante Deos*, Diis simili. Triumphantibus enim Jovis optimi maximi ornatu decorati, sellis curulibus, toga prætexta, tunica palmata, et toga picta, et corona triumphali, laureaque, curru aurato per urbem vecti, in Capitolium ascendebant.

96. *Pacis inops.* Hostilibus incursionibus obnoxia.—*Juncta gelu.* Perpetua glacie concreta.

97. *Si tamen hoc audis. Hæc*, meliores. H. — *Istuc. Illuc* Excerpta Vossii.

101. *Hoc petit et frater ; quamvis.* Hoc est, idem hoc etiam, videlicet ut pro me Augustum depreceris, frater tuus abs te petit ; nisi quod

aperte hoc non facit, illud metuens, ne eâ deprecatio tibi fraudi sit apud Augustum. MICYL.

104. *In parte tuæ turbæ.* In parte tuorum clientum.

105. *Male usos.* Quia ingenii et carminum causa relegatus sum.

106. *Artibus exceptis.* Exceptis libris de Arte amandi, quasi innuat, Messallinum in reliquis ejus ingenium probasse, in artibus vero amatoriiis componendis damnassemper.

107. *Peccata novissima.* Non placet hoc loco de Arte amandi intelligere, ut putavit Merula. CROF.

109. *Sic igitur vestræ vigeant. Vireant* Barberin. malo *vireant*. H. — *Penetralia.* Sacra et Dii : Deorum sacra : omnia quæ sunt interiora.



Curaque sit Superis Cæsaribusque tui : 110  
 Mite, sed iratum merito mihi numen, adora,  
 Eximat ut Scythici me feritate loci.  
 Difficile est, fateor; sed tendit in ardua virtus,  
 Et talis meriti gratia major erit.  
 Nec tamen Ætnæus vasto Polyphemus in antro 115  
 Accipiet voces Antiphatesve tuas :  
 Sed placidus facilisque parens, veniæque paratus ;  
 Et qui fulmineo sæpe sine igne tonat.  
 Qui, quum triste aliquid statuit, fit tristis et ipse ;  
 Cuique fere pœnam sumere pœna sua est. 120  
 Victa tamen vitio est hujus clementia nostro ;  
 Venit et ad vires ira coacta suas.  
 Qui quoniam patria toto sumus orbe remoti,  
 Nec licet ante ipsos procubuisse Deos ;  
 Quos colis, ad Superos hæc fer mandata sacerdos : 125  
 Adde sed et proprias in mea verba preces.  
 Sic tamen hæc tenta, si non nocitura putabis :  
 Ignoscas : timeo naufragus omne fretum.

110. *Cæsaribusque*. Et Augusto, Tiberio, Druso, Germanico, et reliquis.

112. *Eximar ut Scythici de feritate loci*. *Eximat* Sarravian. aliique nonnulli; *Eximat me* Argent. Lege, *Eximat ut Scythici me feritate loci*. H.

113. *Sed tendit in ardua virtus*. Malim *tendat*. H.

115. *Nec tamen* etc. Facultatem impetrandi demonstrat ex humanitate et facilitate Cæsaris, quam e contrariis exaggerat. Non ages cum homine fero et inhumano, quales Polyphemus et Antiphates. P.

116. *Antiphatesve*. Antiphates fuit Læstrigonum rector.

121. *Vitio est hujus*. Mallet Hein-sius, *vitio cujus clementia nostro*.

123. *Qui quoniam patria*. Malim *a patria* : et superiori versu, *Venit et ad partes*, pro *vires*. H.

124. *Ante ipsos Deos*. Ante Augustum et liberos.

125. *Quos colis ad superos*. Singulis familiis Dii peculiares et pecularia sacra erant. Sacerdotum autem partes orare pro aliis. P. — *Perfer mandata*. Hæc fer rectius plerique veteres : et mox *in mea verba*, pro, *ad Polit. et Moret.* H. — *Sacerdos*. Amicus et carus Augusto, uti sacerdotes Diis. MER.—*Sacerdos* Musarum, est poeta. Hor. III, Od. 1, 3.

## EPISTOLA III.

MAXIMO.

## ARGUMENTUM.

Maximi fidem et constantiam in rebus suis miseris et perditis laudat poeta, qui non utilitate, ut vulgus ignobile, sed honestate et virtute eos probat, quos semel amandos suscepit; hortaturque illum, ut in fide perstet, et sibi quantum potest opem ferat.

**M**AXIME, qui claris nomen virtutibus æquas,  
Nec sinis ingenium nobilitate premi;  
Culte mihi, (quid enim status hic a funere differt?)

Supremum vitæ tempus ad usque meæ:

Rem facis, adflictum non aversatus amicum, 5

Qua non est ævo rarior ulla tuo.

Turpe quidem dictu, sed, si modo vera fatemur,

Vulgus amicitias utilitate probat.

Cura quid expediat prius est, quam quid sit honestum:

Et cum fortuna statque caditque fides. 10

1. *Nomen virtutibus æquas. Imple* Scaligeri codex, et alii nonnulli; ut lib. I, Eleg. II, vers. 1: «Maxime, qui tanti mensuram nominis imple». HEINS.

3. *Quid enim status hic a funere differt.* Quid enim hæc conditio exulis aliud est, quam mors quædam? Est autem hoc per parenthesin dictum; quia statim subjungit se Maximum coluisse usque ad extremum vitæ, hoc est, usque ad tempus illud quo relegatus fuit.

5. *Non aversatus. Non inficiatus* alter Medonii: mox, pro *si modo vera fatemur*, forte rectius reponatur *fatendum*; in qua locutione multus est Lucretius, aliique optimæ notæ auctores. H. — *Non aversatus.* Non rejiciens. M. — Dum me quamvis relegatum et calamitosum pro amico agnoscis. PONT.

6. *Tuo. Meo* plurimi scripti.

8. *Utilitate. Nobilitate* Puteanus.

9. *Cura quid expediat prior est etc.* Prius scripti. HEINS.

Nec facile invenias multis in millibus unum,  
 Virtutem pretium qui putet esse sui.  
 Ipse decor, recte facti si præmia desint,  
 Non movet, et gratis pœnitet esse probum.  
 Nil, nisi quod prodest, carum est : i, detrahe menti 15  
 Spem fructus avidæ, nemo petendus erit.  
 At redditus jam quisque suos amat, et sibi quid sit  
 Utile, sollicitis subputat articulis.  
 Illud amicitia quondam venerabile numen  
 Prostat, et in quæstu pro meretrice sedet. 20  
 Quo magis admiror, non, ut torrentibus undis,  
 Communis vitii te quoque labe trahi.  
 Diligitur nemo, nisi cui fortuna secunda est :  
 Quæ simul intonuit, proxima quæque fugat.  
 En ego, non paucis quondam munitus amicis, 25  
 Dum flavit velis aura secunda meis ;

11. *Nec facile invenies. Invenias* Argent. et sex alii. H.

12. *Virtutem pretium* etc. Qui existimet virtutem esse per se expectandam, non autem præmii gratia. Quam rem Juvenal. ita reprehendit : « quis enim virtutem amplectitur ipsam, Præmia si tollas. »

13. *Ipse decor, recte.* Ipsa virtutis pulchritudo. — *Facti si præmia desint.* Lege *factis*, vel *facto*, ut *κατασκευα* vitetur. HEINS.

14. *Gratis.* Sallust. Hist. I : « Nam ubi malos præmia sequuntur, haud quisquam gratuito bonus est. »

15. *En detrahe menti.* Et Argent. et duo alii ; quinque cum Twisdenio *nil.* Scribe, *i, detrahe* : pro *quod prodest*, si reflexeris *quo prosit*, reddideris versus molliorem ; Amor. lib. I, El. 4, vs. 57 : « Me miserum monui, quo paucas prosit in horas. »

16. *Nemo petendus erit.* Nemo in-

venietur qui velit virtutem colere.

13. *Computat articulis. Subputat* scripti meliores. H. — *Sollicitis articulis.* Digitis hominis solliciti et curiosi in ratiocinando. In digitis enim computatio fieri solebat.

19. *Illud Amicitia quondam venerabile numen.* Sic Cicero, *Fructum*, inquit, *amicitiæ, ipsam intelligo amicitiam.* — *Venerabile nomen.* Numen Sarravianus. HEINS.

20. *Prostat.* Venale est tanquam meretrix : non enim homines amicitia ducti, amicos eligunt ; sed utilitate ; et eo pacto videntur amicitiam prostituere, hoc est, ad meretricandum præbere.

21. *Non, ut torrentibus undis.* Non cum Barberin. Lege *non, cea torrentibus undis.* HEINS.

24. *Proxima. Prospera* duo libri.

26. *Dum flavit velis.* *Favit* legi præstiterit : hinc *venti faventes* passim



Ut fera nimbo tumuerunt æquora vento,  
 In mediis lacera puppe relinquor aquis.  
 Quumque alii nolint etiam me nosse videri,  
 Vix duo projecto tresve tulistis opem. 30  
 Quorum tu princeps: nec enim comes esse, sed auctor,  
 Nec petere exemplum, sed dare dignus eras.  
 Te, nihil ex acto, nisi non peccasse, ferentem,  
 Sponte sua probitas officiumque juvant.

apud poetas. H.—*Aura secunda*: sic Horat, lib. I, carm. Od. v, vers. 11: «nescius auræ fallacis.»

27. *Tumuerunt æquora vento*. Unus Voss. *nolo*; unus Hafniens. *morbo*. Forte *Coro*. HEINS.

28. *Nave. Puppe ex quatuor libris* Heinsius dedit.

29. *Nosse fateri. Videri meliores*.

33. *Te. nihil ex acto. nisi non peccasse ferentem*. Locus mendosissimus; nec juvant libri veteres; nisi quod *me pro nos* in nonnullis. Tanaquillo Fabro in Epistolis nuper editis, videbatur scribendum esse: «Te, nihil ex acto, nisi te fecisse petentem,» quam ille castigationem suam pluribus adstruxit in iisdem Epistolis. Sed inconcinna est repetitio *Te*. Quid si reponas? «Et nihil e facto, nisi te fecisse, petentem.» Longius quidem a vulgata scriptura hæc abeunt: sed nil obcurrit melius: versu proximo, *juvant pro juvat* meliores. H.—*Te nihil exacto*. Ordo est: Probitas et officium sua sponte juvant te fatentem, exacto nihil nisi nos peccasse. M.—*Exacto*. Alicui exigenti an ego peccaverim. Vel certe adverb. ut *exacto*, pro *exacte* accipias: et est magna laus Maximi, quod poetæ amici crimen quantum potest nititur celare: nec nisi instanter requisitus etiam eum peccasse adserit. *Exigere* enim

est per vim aliquid petere. Vel, *peccasse exacto*, hoc est, per vim errasse: quasi aliqua vi me ad peccandum impulsit. Vel peccasse, *exacto*, scilicet tempore, hoc est, præterito. Alii legunt *ex acto* hoc est, ex facto tantum peccasse, non voluntate. PONT.—Ego puto veram lectionem et sententiam a Burmanno tandem repertam; cujus hæc est nota: dixerat et questus erat Ovidius, plerosque amicitiam ex utilitate coluisse, et se desertum ab illis, quam primum adfectum vidissent: Maximum vero constanter, etiam in adversis, officium præstitisse, quia ipsam virtutem sui pretium credebatur, nec utilitate amicitias probabat: quare legendum puto, *Te nihil ex acto* (vel, *e facto*) *nisi non peccasse ferentem*, *Sponte sua probitas officiumque juvant*: non aliam mercedem ex facto petis, nisi conscientiam, te non peccasse, aut non defuisse officio, quod amico debebas. Sententia obvia, et ex communi sapientium effato desumpta.

34. *Officiumque*. Et officium tuum erga amicos. Sensus est: verum est quod dixi te esse dignum non petere ab aliis exemplum permanendo in fide erga me, sed dare aliis: quia te juvant et probitas et officium erga amicos: quod sponte sua præstatur, non precibus, aut præmio aliquo.

Judice te mercede caret, per seque petenda est 35

Externis virtus incommutata bonis.

Turpe putas abigi, quia sit miserandus, amicum,

Quodque sit infelix, desinere esse tuum.

Mitius est lasso digitum subponere mento,

Mergere quam liquidis ora natantis aquis. 40

Cerne, quid Æacides post mortem præstet amico :

Instar et hanc vitam mortis habere puta.

Pirithoum Theseus Stygias comitavit ad undas :

A Stygiis quantum sors mea distat aquis !

Adfuit insano juvenis Phocæus Orestæ : 45

Et mea non minimum culpa furoris habet.

Tu quoque magnorum laudes admitte virorum ;

Utque facis, lapso, quam potes, affer opem.

Si bene te novi ; si, quod prius esse solebas,

Nunc quoque es, atque animi non cecidere tui ; 50

Quo fortuna magis sævit, magis ipse resistis,

Utque decet, ne te vicerit illa, caves :

35. *Judice te. Te duce te* Sarrav.

37. *Turpe putas abigi. Abigi scribendum vel contra fidem membranarum.* HEINS.

41. *Cerne quid Æacides.*

Ingemit Æacides, pleneque affusus amore,  
Omnia, ait, solvam, dulcis amice, tibi.

Teque colam inferiis, non mortis honore carebis.

Ad tollam factis digna tropæa tuis.

Adi Homer. Iliad. V.

42. *Instar et hanc vitam.* Puta igitur, et meam hanc vitam instar mortis esse : hoc est, me quoque pro mortuo habere : et ut Achilles Patroclo, ita tu mihi officium amicitiae præsta. MICYL.

43. *Pirithoum.* Hujus meminit Virgil. VI, vers. 392 : « Nec vero Alciden me sum lætatus euntem Accepisse lacu, nec Thesea Piri-

thoumque ; » et vers. 397 : « Hi dominam Ditis thalamo deducere adorti. »

44. *A Stygia quantum mors mea distat aqua. Stygiis aquis* plerique veteres. Scribe : « A Stygiis quantum sors mea distat aquis, » nil certius. In Tristibus, lib. V, Eleg. XII, vs. 6 : « Sorte nec ulla mea durior esse potest ; » atque ita alibi passim ; Valer. Flaccus, lib. II : « Ductor, ait, quod, virgo, tibi nomenque genusque, Quæ sors ista, doce ; » simili errore mors et illic nunc legitur. HEINS.

45. *Juvenis Phocæus* etc. Pylades Strophii Phocensis filius.—*Phocæus Orestis.* Orestæ Sarrav. et unus Vatic. bene. HEINS.

49. *Qui prius esse solebas. Quid*

Et bene uti pagnes, bene pugnans efficit hostis.

Sic eadem prodest causa, nocetque mihi.

Scilicet indignum, juvenis rarissime, ducis

55

Te fieri comitem stantis in orbe Deæ.

Firmus es; et, quoniam non sunt ea qualia velles,

Vela regis quassæ qualiacumque ratis.

Quæque ita concussa est, ut jam casura putetur,

Restat adhuc humeris fulta ruina tuis.

60

Ira quidem primo fuerat tua justa, nec ipso

Lenior, offensus qui mihi jure fuit:

Quique dolor pectus tetigisset Cæsaris alti,

Illum jurabas protinus esse tuum:

Ut tamen audita est nostræ tibi cladis origo,

65

Diceris erratis ingemuisse meis.

Tum tua me primum solari litera cœpit,

Sarravian. Argent. et tres alii; duo quod; recte. HEINS.

53. *Et bene uti pagnes. Ut bene tu pagnes* duo; *Et bene tu pagnes* tres.

54. *Sic eadem prodest causa.* Sic eadem causa prodest mihi, quia mihi succurris defendendo, nec tanquam victus me deseris, sed magis reluctaris et illi repugnas.—*Nocet vero.* Quia illa mihi adversatur et superat, tenetque in exilio.

55. *Juvenis rarissime. Carissime* plerique veteres; septem *juvenum carissime*; *Lege juvenum rarissime*, vel cum Politiani codice, *juvenum clarissime.* HEINS.

56. *Deæ stantis in orbe.* Fortunæ superpositæ rotundo lapidi; quoniam instabilia sunt ejus munera.

57. *Non sunt hæc. Non sunt ea meliores.* HEINS.

60. *Humeris fulta carina tuis.* Ruina bene Sarrav. Argent. et sex alii; ut in illo apud nostrum: « Te mea,

subposita veluti trabe, fulta ruina est; » atque ea lectio priorem editionem meam jam occuparat: tamen alius eam sibi postea vindicavit; Lucan. lib. VIII: « Tu, Ptolemæe, potes Magni fulcire ruinam; » sic *carina* pro *rapina* nunc legitur perperam in Elegia de obitu Mæcenatis inter Catalecta Scaligeri: « Irreligata ratis nunquam defessa rapina, It, redit in vastos semper onusta lacus; » Val. Flacc. lib. VII: « ratis infandis quos sola rapinis Sævaque pascit hyems. » H.—Fabrum tangit hæc nota; vid. Epist. ad Sarravium, lib. I, Ep. 40.

61. *Tua justa. Tibi justa* Junian.

63. *Cæsaris alti.* Ad altitudinem, seu fastigium imperii referendum est. PONT.

67. *Tua litera.* Tua epistola. MER.—*Tunc tua me primum.* Non antea. Quid enim solaretur, quem nondum sontem comperisset. MER.



Et læsum flecti spem dare posse Deum.  
 Movit amicitiae tum te constantia longæ,  
 Ante tuos ortus quæ mihi cæpta fuit. 70  
 Et quod eras aliis factus, mihi natus amicus;  
 Quodque tibi in cunis oscula prima dedi;  
 Quod, quum vestra domus teneris mihi semper ab annis  
 Culta sit, esse vetus nunc tibi cogor onus.  
 Me tuus ille pater, Latiae facundia linguae, 75  
 Quæ non inferior nobilitate fuit,  
 Primus, ut auderem committere carmina famæ,  
 Impulit: ingenii dux fuit ille mei.  
 Nec, quo sit primum nobis a tempore cultus,  
 Contendo fratrem posse referre tuum. 80  
 Te tamen ante omnes ita sum complexus, ut unus  
 Quolibet in casu gratia nostra fores.  
 Ultima me tecum vidit, mæstisque cadentes

68. *Deum læsum.* Augustum offensum.

70. *Ante tuos ortus.* Antequam nascereris; tunc enim patre tuo uterbar familiariter.

74. *Nunc tibi cogor unus.* Me tibi cogit veteres plerique; sed non probo. H. — *Vetus onus.* Vetus amicus tibi molestus et onerosus: qui tuis in pueritia mea fui oblectationi.

76. *Qui non inferior.* Quæ, meliores. HEINS.

77. *Ut auderem committere carmina famæ.* Ut auderem carmina mea in publicum edere.

79. *Nec quod sit primo nobis a tempore cultus.* Contendo fratrem posse referre tuum. Posse negare scribendum olim censebam: at Sarravianus, Twisdenius, et Argent. *Nec quo sit primum;* ut sensus sit, Contendo fratrem tuum meminisse non posse, quo primum tempore a nobis

cultus sit: quasi velit jam a longo tempore et a prima infantia fuisse cultum, aut ante cunas, ut supra dixerat. Neque aliter codex Bersmanni, eamque veram esse scripturam in Epistolis jam vidit Tanaquilus Faber; codex Arondel. « Nec quo sit nobis a primo tempore cultus, » quo etiam in multis aliis; tres quia. HEINS.

81. *Ut una.* Ut unus meliores: et recte.

83. *Ultima me tecum vidit, mæstisque cadentes* Excepit lacrymas *Italæ ora genis.* Quid hoc est monstri? Italia te ultima mecum vidit? atqui locum certum debebat designare, sive Romam, sive alium quemcumque. Scaligeri codex *Itali silva*: unde Avunculus meus Rutgersius conjectura indubitata reponerat, *Æthalis Ilva*; nam *Ilva Æthalia* teste Plinio dicta: Argent. et

Exceptit lacrymas Italis ora genis.

Quum tibi quærenti, num verus nuncius esset, 85

Adtulerat culpæ quem mala fama meæ;

Inter confessum dubie, dubieque negantem

Hærebam, pavidas dante timore notas:

Exemploque nivis, quam solvit aquaticus Auster,

Gutta per adtonitas ibat oborta genas. 90

Hæc igitur referens, et quod mea crimina primi

Barber. *Itala silva*; Combii *Æthala silva*; unus Vatic. *Ætalis hora*: at omnium veterrimus Sarrav. *Æithali silva*: ut nihil verius ac certius sit hac restitutione. Ilva Tyrrheni maris insula ob copiam ferri celebratissima; quare Virgilio dicitur, *in-exhaustis Chalybum generosa metallis*, ubi videndus Servius: ap. quem mendose *Quidam Ilvam Ithacem dictam volunt*, pro *Æthalen*: hanc Græci Αἰθάλην et Αἰδοθαλίαν vocant. Vide Stephan. in Αἰθάλῃ. H.—Negotium sane speciosum, et si Corsicam poeta pro Ponto navigaturus fuisset, non temere contradicerem. Nunc Ilvam in tabulis geographicis contemplatus, hujus esse loci credere non potui. Videamus Ovidii in Græciam iter, Trist. I, El. III; relinquit urbem, ubi inquit: « Jam prope lux aderat, qua me discedere Cæsar Finibus extremæ jusserat Ausoniæ. » Jam certe non Ilvam, aut Tyrrhenam oram, sed Brundisium cogitabat; et mox in Ionio mari se ponit: « Ionium non nostra findimus æquor Sponte; » neque alterius præter *Hadriani* tota navigatione citra Græciam, intulit mentionem. Credendum igitur urbem Nasoni placuisse *Brundisium*, iterque illud quod *tritum in Græciam est*, ut loquitur Cicero, Phil. I. Ultima Italiæ ora Græciam quidem prospectantibus

est Hydrus, si cum geographis ad ipsam veritatem exigamus verba: sed vulgus propter nobilitatem portus *ultimum* ferebat Brundisium. Cæterum nostri vulgatum tuentur, levi tantum mutatione *hora* pro *ora* habentes; quod librariis usitatissimum.

87. *Inter confessum medius dubieque negantem Hærebam*. Tò *medius* abest a Sarraviano et duobus aliis; Voss. *dubius*; alius *medie*. Lege cum Argent. et Barberin. *Inter confessum dubie, dubieque negantem*. H.—*Inter confessum*. Non adfirmabam, nec negabam verum esse quod ad te de casu meo rumor pertulerat.

89. *Exemploque nivis, quam solvit aquaticus Auster*. Diu est quod *solvit* scribendum vidi; idque fragmentum Vaticanum confirmat; Metam. II, vers. 852: « Quippe color nivis est, quam nec vestigia duri Calcavere pedis, nec solvit aquaticus Auster; » hinc et *nives soluta* passim apud nostrum; Lucanus, lib. IX, vers. 782: « calido non ocius Austro Nix resoluta cadit; » lib. IV, 118: « Riphæas huc solve nives; » sic et alibi idem. H.

91. *Hæc igitur referens*. *Repetens* vellet reponi vir doctus: hoc est, recordatus, ut ille interpretatur: atqui vulgata scriptura eundem sensum habet. Idem in Epistolis paulo post castigandum censebat: « Respicias veterem lapsis in rebus amicum. »

Erroris venia posse latere vides ;  
 Respicis antiquum lapsis in rebus amicum ,  
 Fomentisque juvas vulnera nostra tuis.  
 Pro quibus optandi si nobis copia fiat ,  
 Tam bene promerito commoda mille precer.  
 Sed si sola mihi dentur tua vota , precabor ,  
 Ut tibi sit , salvo Cæsare , salva parens.  
 Hæc ego , quum faceres altaria pingua ture ,  
 Te solitum memini prima rogare Deos.

95

100

Nihilo felicius ; nam *Respicis antiquum amicum* , quod in vulgatis est , minime sollicitari debet. *Antiquus amicus* enim idem , qui et *vetus* , optimis scriptoribus dicitur : sic proxima Elegia V , vs. 38. — *Hæc referens*. Hæc igitur animo tuo subjiciens , tecumque reputans. PONT.

93. *Lapsis in rebus. Lassis* meliores omnes hoc loco : vide Notas Trist. lib. I , Eleg. VIII , vs. 35. H.

94. *Vulnera. Pectora* Leidens. et quatuor alii : nostri *vulnera*.

95. *Optandi* etc. Eligendi pro tuis commodis.

96. *Commoda mille precer*. Scribe *precer*. HEINS.

97. *Sed si sola mihi dentur tua vota*. Sed si solum mihi daretur optandæ copia ejus rei quam cupis.

100. *Hæc prima*. Scilicet , ut esset parens salva cum Cæsare.

## EPISTOLA IV.

### ATTICO.

#### ARGUMENTUM.

Attico veterem amicitiam , ejusque fructus ultro citroque jucundiores commemorat : quibus fretus dicit sibi persuasum esse , illum quamvis absentem , adhuc in fide permanere : quod ut faciat , hortatur.

ACCIPERE colloquium gelido Nasonis ab Istro ,  
 Attice , judicio non dubitande meo.

2. *Judicio non dubitate meo. Dubitante* plerique ; sed *dubitande* scri-

bendum cum primo Mediceo et sex aliis. H. — Doctissimus auctor Elect.



Ecquid adhuc remanes memor infelicis amici?

Deserit an partes languida cura suas?

Non ita Dî tristes mihi sunt, ut credere possim, 5

Fasque putem jam te non meminisse mei.

Ante meos oculos tua stat, tua semper imago est;

Et videor vultus mente videre tuos.

Seria multa mihi tecum collata recordor;

Nec data jucundis tempora pauca jocos. 10

Sæpe citæ longis visæ sermonibus horæ;

Sæpe fuit brevior, quam mea verba, dies.

Sæpe tuas factum venit modo carmen ad aures,

Et nova judicio subdita Musa tuo est.

Quod tu laudaras, populo placuisse putabam: 15

Hoc pretium curæ dulce recentis erat.

Utque meus lima rasmus liber esset amici,

Non semel admonitu facta litura tuo est.

Nos fora viderunt pariter, nos porticus omnis,

Eton. sublata distinctione majore, volebat: « Attice, judicio non dubitante meo, Ecquid adhuc. » etc.

4. *An cura languida.* An Amor debilitatus longo tempore? — *Deserit suas partes.* Suum officium. MER.

7. *Ante meos oculos præsto tua semper imago.* *Præsens tua* quatuor libri; tres *visa est*; alius *vera est*; Sarrav. mendose: « Ante oculos nostros tua est tua semper imago; » Argentin. « Ante oculos nostros tua stat tua semper imago. » Lege *tua stat, tua semper imago est; nostros oculos prætere* perique. *Esse et stare ante oculos* eleganter dictum; vide Metam. XII, vs. 427: « Ante oculos stat et ille meos. » HEINS.

10. *Nec data. Et data* Junian. et Leidens.

16. *Erat curæ.* Nam in eo labo-

rabas, ut putarem mea carmina a te emendata populo placere, et tuum judicium tanti facere, quanti judicium totius populi. MER. — *Hoc pretium curæ.* Recentes labores meos in carminibus, hoc dulci pretio, adprobatione videlicet tua, compensabam et solabar. PONT.

17. *Lima rasmus liber esset amici.* *Amice* quinque aut sex veteres: in duobus ultimæ duæ literæ τῷ *amici* erasæ. Scribe *lima amica*. H — *Lima amici.* Tua et amici hominis castigatione ac judicio.

18. *Litura non semel est facta.* Non semel, sed sæpius expunxi quæ tu non probabas.

19. *Nos fora viderunt pariter.* Nos eodem tempore in forum descendimus, auspicaturi causas forenses. Solebant enim adolescentuli Romani

Nos via, nos junctis curva theatra locis. 20  
 Denique tantus amor nobis, carissime, semper,  
 Quantus in Æacidis Actoridisque fuit.  
 Non ego, securæ biberes si pocula Lethes,  
 Excidere hæc credam pectore posse tuo.  
 Longa dies citius brumali sidere, noxque 25  
 Tardior hiberna solstitialis erit;  
 Nec Babylon æstum, nec frigora Pontus habebit,  
 Calthaque Pæstanas vincet odore rosas;

togam sumere, et barbam ponere, eloquentiamque in foro auspicari. Dicebantur ipsi *tirones*, et illa actio *tirocinium*.—*Nos porticus omnis*. Una etiam deambulamus sub porticibus Romanis.

20. *Nos cunctis curva theatra locis. Junctis locis* reponendum, ut plerique scripti. Proximi sedebamus in theatris, prior Thuanus *terna theatra*; sic supra Trist. III, XII, 24: «Proque tribus resonant terna theatra foris.» H.—*Nos via*. Sacram viam intellige.—*Curva theatra*. Theatra sinuosa.—*Junctis locis*. Locis finitimis.

22. *Quantus in Æacidis Actoridisque fuit*. Hic hiatus insolens est Nasoni. Nec constant sibi scripta exemplaria. Regius *Æacida Nestorideque*. Polit. Argent. et septem alii *Æacide Nestorideque*. Antiochus certe Achilli familiaris et amicus fuit: quatuor alii cum Twisdeniano, *Æacide Testorideque*; sed Calchas inter amicos Achillis nusquam recensetur quamquam propter illum rixæ inter hunc et Agamemnonem exortæ: tres *Atride Tyndarideque*; duo *Atridis Tyndaridisque*; sed de fratrum pari noster hic non agit; septem *Æaciden Actoridenque*; Sarrav. *Æacidem Nestorideque*; si quid mutandum, legam: «Quantus in Æacidis Acto-

ridisque fuit;» nam Achillis et Patrocli amicitia nobilissima; sic *Hectoras* dixit Epistola Laodomæ, vs. 68. H.—Interpretatio prædura, cum confirmatione ex alienissimo loco (*multos illic Hectoras esse puta*) captata: nec lectio tamen non certissima, *Actoridis*: intellige modo Menœtium et Patroclum; *Æacidis* autem, Pelea cum Achille. Nepotum quidem celebrata magis sermonibus amicitia, quam tamen paternam Actoris Æacique filiorum exemplo commendatam extulerunt: nam et horum satis testata est necessitudo et conjunctio; vid. Diod. Sicul. et Hygin. fab. 97.

25. *Longa dies citior. Citius* Sarravian. Argent. et sex alii; et pro tempore, iidem *sidere*. H.

26. *Erit. Nonnulli erat. Puto, eat*: sic Met. I, vs. 682: «euntem Destinuit sermone diem.» H.

27. *Nec Babylon æstus. Æstum* scripti potiores. Nec in Babylonia civitate calor ingens erit; quam Semiramis condidisse dicitur; fuitque caput Chaldæarum gentium: ibi est maximus calor propter australem et orientalem plagam finitimam.

28. *Calthaque*. Caltha, violæ genus est gravis odoris, et Maro Caltham luteolam adpellat; quam et eam-

Quam tibi nostrarum veniant oblivia rerum ,

Non ita pars fati candida nulla mei.

30

Ne tamen hæc dici possit fiducia mendax ,

Stultaque credulitas nostra fuisse , cave :

Constantique fide veterem tutare sodalem ,

Qua licet , et quantum non onerosus ero.

dem esse cum calendula crediderim.  
— *Pæstana rosas*. Rosas nascentes apud Pæstum oppidum , quæ sunt gravioris odoris quam caltha. *Pæstum* enim oppidum fuit Lucaniæ , a Græcis Possidonia adpellatum , a Doriensibus conditum , ut docet Plinius ; Virgilius , Georg. IV, vs. 119 :

« Biferique rosaria Pæsti. » MER.—  
Pro *Pæstana*, Politian. *Campanas*.

30. *Non ita pars fati*. Hoc est , pars aliqua meæ fortunæ prospera , non ita periit , ut credam te mei oblivionem cepisse.

33. *Tueare sodalem*. *Tutare* meliores omnes. HEINS.

## EPISTOLA V.

### SALANO.

#### ARGUMENTUM.

Salanum a candore et benevolentia laudat ; quodque exsulis poetæ carmina probarit eximius orator , gratias agit. Carmen , quo Illyricum triumphum celebrare sit nisus , ejus tutelæ commendat.

CONDITA disparibus numeris ego Naso Salano

Præposita misi verba salute meo.

Quæ rata sit cupio , rebusque ut comprobet omen ,

Te precor a salvo possit , amice , legi.

1. *Salano*. Ita scripti potiores , quum *Solano* perperam legatur hactenus ; quatuor veteres *Salino*. H. — Nostri *Salano*. — *Condita verba*.

Verba composita. — *Disparibus numeris*. Versibus elegis.

4. *A salvo*. *Ut salvo* Argent. et septem alii.



Candor, in hoc ævo res intermortua pæne, 5  
 Exigit, ut faciam talia vota, tuus.  
 Nam fuerim quamvis modico tibi cognitus usu,  
 Diceris exsiliis ingemuisse meis :  
 Missaque ab extremo legeres quum carmina Ponto,  
 Illa tuus juvit qualiacumque favor; 10  
 Optastique brevem salvi mihi Cæsaris iram ;  
 Quod tamen optari, si sciat, ipse sinat.  
 Moribus ista tuis tam mitia vota dedisti :  
 Nec minus idcirco sunt ea grata mihi.  
 Quoque magis moveare malis, doctissime, nostris, 15  
 Credibile est fieri conditione loci.  
 Vix hac invenias totum, mihi crede, per orbem  
 Quæ minus Augusta pace fruatur, humum.  
 Tu tamen hic structos inter fera prælia versus  
 Et legis, et lectos ore favente probas; 20

6. *Vota. Verba* Leid. et Putean.

7. *Ab modico usu.* A parva consuetudine.

9. *Euxino Ponto. Extremo* Polit. Combii, et multi alii : tum paulo ante pro junctus ab usu, duo veteres cognitus usu. HEINS.

11. *Brevem fieri mihi Cæsaris iram. Salvi Cæsaris* Sarrav. Argent. prim. Medic. alique complures ; sic supra Pont. lib. II, El. III, vs. 78 : « Ut tibi sit, salvo Cæsare, salva parens, » tres alii salvo mihi cum Twisdeniano. H.

13. *Tuis moribus.* Tuæ benignitati ; hujusmodi enim vota manant a benignis moribus.

15. *Doctissime.* Malim mitissime cum fragmento Vaticano ; justissime Arondel. HEINS.

17. *Vix hac invenias totum, mihi crede.* Augustam pacem non tantum, quæ ab Augusto parta sit, accipio, ut Merula, sed et sacram ve-

nerabilemque : perinde ut augusta templa, augusta loca, dicimus, hoc est, sacra, et veneratione digna. M.

18. *Pace fruatur humus.* Concinnius humum veteres decem et Gryphii editio. HEINS.

19. *Tu tamen hic scriptos etc. Huc structos.* Sarrav. duo instructos ; tres hos structos ; reliqui omnes fere hic structos. Scribe hic ductos. Ducere et deducere verbum nostro familiare ; Trist. V, El. I, vs. 71 : « Ipsa nec emendo, sed ut hic deducta legantur : Non sunt illa suo barbariora loco ; » supra, Trist. lib. III, El. IV, vs. 31 : « Inque tot adversis carmen mirabitur ullum Ducere languenti me potuisse manu ; » et Trist. lib. I, Eleg. XI, vs. 17 : « Sæpe maris pars intus erat, tamen ipse trementi Carmina ducebam qualiacumque manu ; » Pont. IV, El. II, 24 : « Ducitur et digitis litera rara meis ; » de-

Ingenioque meo, vena quod paupere manat,  
 Plaudis, et e rivò flumina magna facis.  
 Grata quidem sunt hæc animo suffragia nostro,  
 Vix sibi quum miseros posse placere putes.  
 Dum tamen in rebus tentamus carmina parvis, 25  
 Materiæ gracili sufficit ingenium:  
 Nuper ut huc magni pervenit fama triumphi,  
 Ausus sum tantæ sumere molis opus.  
 Obruit audentem rerum gravitasque nitorque;  
 Nec potui cœpti pondera ferre mei. 30  
 Illic, quam laudes, erit officiosa voluntas:  
 Cætera materia debilitata jacent.  
 Quod si forte liber vestras pervenit ad aures,  
 Tutelam mando sentiat ille tuam.  
 Hoc tibi facturo, vel si non ipse rogarem, 35  
 Accedat cumulus gratia nostra levis.

*ductum carmen* nostro Pont. IV, Eleg. I, vs. 1, et Virgilio in Bucolicis, Eclog. VI, vs. 5. H.—*Strictos* legi a quibusdam, id est, nudos, tenues, notat Bersmannus.

22. *Plaudis*. Gratularis. — *E rivò*. Ex parva poeticæ facultate. — *Magna facis*. *Trahis* eleganter unus Vatic.

24. *Vix sibi quum miseros*. Sensus est: grata sunt et læta quæ pro me facis: quamvis vix credibile sit, miserum quemque posse ulla re gaudere, et illi eam placere. Vel hoc dicit: gratum est a te probari carmen meum, quod tuo iudicio aliquid esse existimo: nam meo iudicio nihil est quod credam. Vix enim in hac miseria mihi ipsi placeo, nedum carmina mea.

28. *Tantæ sumere molis onus*. *Opus* meliores plerique. H. — Vere: ita *sumere* utitur Horatius, I, Od. XII: « Quem virum, aut heroa lyra, vel

acri Tibia sumes celebrare, Clio? » et I, Epist. III, 7: « Quis sibi res gestas Augusti scribere sumit? »

29. *Gravitasque nitorque*. *Gravitas* ad rerum magnitudinem, *nitor* vero ad pulchritudinem et nobilitatem illarum refertur.

30. *Nec* etc. Nec potui æquare versu meo rerum magnitudinem, quia non respondebat carmen meum rebus gestis, quæ erant majores meo versu.

31. *Illic, quam laudes*. In describendo tamen hujusmodi triumpho, quamvis non ita eleganter rei magnitudinem adsecutus sit, laudandam tamen esse dicit voluntatem officiosam.

32. *Materia debilitante jacent*. *Debilitata* meliores; et *Quod si forte liber*, non *Qui*; et *Hoc tibi facturo*, pro *Hæc*. HEINS.

33. *Liber* etc. Carmen meum de triumpho Germanici.

Non ego laudandus, sed sunt tua pectora lacte,  
 Et non calcata candidiora nive :  
 Mirarisque alios, quum sis mirabilis ipse,  
 Nec lateant artes, eloquiumque tuum. 40  
 Te juvenum princeps, cui dat Germania nomen,  
 Participem studii Cæsar habere solet :  
 Tu comes antiquus, tu primis junctus ab annis,  
 Ingenio mores æquiparante, places :  
 Te dicente prius, fit protinus impetus illi ; 45  
 Teque habet, elicias qui sua verba tuis.  
 Quum tu desisti, mortaliaque ora quierunt,  
 Clausaque non longa conticuere mora,  
 Surgit Iuleo juvenis cognomine dignus,  
 Qualis ab Eois Lucifer ortus aquis. 50  
 Dumque silens adstat, status est vultusque disertus,  
 Spemque decens doctæ vocis amictus habet.

37. *Non ego laudandus.* Docet, ne videatur arrogans, libellum suum non esse laude dignum : sed si qua laus accesserit hujusmodi operi, id adscribendum esse candori et ingenio ipsius Salani. Barberinianus hic novam facit elegiam, quæ videbatur Heinsio scripta ad Albinovanum.

42. *Participem studiis.* Studii meliores; neque aliter scriptores latini, et versu proximo iidem codices, *comes antiquus pro antiquis*. H.—Cum dativo extulit tamen Seneca, Herc. fur. 369, « Particeps regno veni; » ubi videndus Gronovius.

45. *Te dicente prius.* Te prius declamante.—*Fit protinus impetus illi.* Vis eloquentiæ subito in Germanico exoritur : et excitatur cupiditas dicendi et te æquandi.—*Teque habet.* Et habet in te studii prævium ducem et quasi alterum præceptorem.

47. *Quum tu desistis.* Desisti cum

melioribus pro *desisti*. H.—*Mortaliaque ora quierunt.* Mortalia adpellat, ut ostendat Salanum mortalem, Germanicum vero Cæsarem divum fuisse.

48. *Tectaque ora.* Clausaque veteres multi, cum nonnullis editionibus. HEINS. — *Conticuere.* Hoc verbum non a *conticeo*, quod nusquam legitur, sed a *conticesco* venit. CIOF.

49. *Juvenis.* Germanicus.

52. *Spemque decens doctæ vocis amicus habet.* Hæc nihili sunt : quinque veteres *decens*. Scribe *Spemque decens doctæ vocis amictus habet*. In ipso amictu ac toga decenter complicata jam spes est eruditæ vocis. Quintilianus aliique artis oratoriæ magistri, non minimum referre nos docent ad commendationem oratoris, ut togam decenter componat. Superiori etiam versu recte libri veteres, *silens adstat*, non *silent*. H.



Mox, ubi pulsa mora est, atque os cæleste solutum,  
 Hoc Superos jures more solere loqui :  
 Atque, hæc est, dicas, facundia principe digna ; 55  
 Eloquio tantum nobilitatis inest !  
 Huic tu quum placeas, et vertice sidera tangas,  
 Scripta tamen profugi vatis habenda putas.  
 Scilicet ingeniis aliqua est concordia junctis,  
 Et servat studii fœdera quisque sui. 60  
 Rusticus agricolam, miles fera bella gerentem,  
 Rectorem dubiæ navita puppis amat.  
 Tu quoque Pieridum studio, studiose, teneris,  
 Ingenioque faves, ingeniose, meo.  
 Distat opus nostrum ; sed fontibus exit ab îsdem : 65  
 Artis et ingenuæ cultor uterque sumus.  
 Thyrsus enim vobis, gestata est laurea nobis ;  
 Sed tamen ambobus debet inesse calor.  
 Utque meis numeris tua dat facundia nervos,  
 Sic venit a nobis in tua verba nitor. 70

53. *Ubi pulsa mora est.* Quando silentium, quod aliquamdiu tenuit, rupit.—*Atque os cæleste solutum.* Et Germanici divinum os loqui cœpit.

59. *Ingeniis junctis.* Ingeniis conjunctis et colligatis in aliqua disciplina. Ingeniorum enim similitudo amicitias conglutinat.

60. *Servat fœdera sui studii.* Et retinet conjunctionem illam quæ est in ipsis studiis et disciplinis.

65. *Distat opus nostrum.* Quia tu vacas eloquentiæ, ego vero poeticiæ facultati. — *Ab îsdem fontibus.* Ab iisdem Musis.

67. *Thyrsus enim vobis, gestata est laurea nobis.* Mihi totum distichon hoc dubiæ fidei est suspectum : *α-ροφονία* enim ista, *vobis, nobis, ambobus*, mire offendit aures : deinde

vix est adsequi quid velit. Nam in scriptis codicibus monstra lectionum comparent. Sarravianus : « Thyrsus sublestata gestata est laurea nobis. » Combrianus *Thyrsus ubi est a te.* Politian. et fragmentum Vatican. cum Rottendorphiano : « Delphica non æque gestata est laurea nobis. » Tres *Thyrsus in est vobis* ; duo *adest* ; pro *sed tamen* unus Medic. *sed favor.* Puto *sed par.* H.—*Thyrsus enim vobis.* Per *thyrsus*, oratoriam facultatem intelligit : per *lauream*, poeticam. Quasi dicat : vos Bacchi stimulis agitamini, nos Apollinis : quibus tamen utrisque suus calor est, suusque impetus. MICYL.

70. *Sic venit a nobis in tua verba nitor.* Ab arte poetica : a qua non alienus est orator. Ita enim Cic. I,

Jure igitur studio confinia carmina vestro ,

Et commilitiū sacra tuenda putas.

Pro quibus ut maneat, de quo censeris, amicus ,

Comprecor ad vitæ tempora summa tuæ ;

Succedatque tuis orbis moderator habenis :

75

Quod mecum populi vota precantur idem.

de Oratore : « Est enim finitimus oratori poeta , numeris adstrictior paulo , verborum autem licentia liberior , multis vero ornandi generibus socius , ac pene par , etc. »

72. *Sacra commilitiū.* Carmina confinia vestro studio ; ut sit sensus : jure igitur defendis carmina confinia et quasi cognata vestro , id est , oratorio studio : et sacra et commilitiū , hoc est , in quibus iidem quasi commilitones sumus. MICYL.

73. *Pro quibus ut maneat.* Malui maneat , scil. Germanicus : tum sit sensus : pro quibus comprecor , ut ille de quo censeris , hoc est , in cuius amicitia ac familiaritate tanquam certa aliqua classe censeris ac numeraris : sive de cuius fama ac dignitate , tua quoque dignitas augetur ac crescit , tibi amicus maneat ad

finem vitæ usque tuæ ; idemque succedat in imperio suis habenis , hoc est , sibi debitis ac destinatis non Augusto , cui jam tum successor destinatus erat Tiberius : sed vel Tiberio ipsi , vel ipsius filio Druso. Vel rursus , *de quo censeris.* pro , quem modo possides , qui nunc tuus est , et velut pars quædam census tui , sive earum rerum de quibus censeris. Vel , de cuius gratia et favore tua dignitas et æstimatio pendet. MIC. P.

75. *Succedatque tuis orbis moderator habenis.* Tuis habenis magna ex parte veteres ; pro *moderator* , unus Hafniensis *moderamen* ; argute ut imperium Germanicoroveat ac adprecetur : succedat tuis habenis ac regimini orbis moderamen. Putean. et unus Thuan. *moderandus* ; veterimus Sarravianus *moderatus*. H.

## EPISTOLA VI.

## GRÆCINO.

## ARGUMENTUM.

Ad Græcinum scribens poeta, eum monet ut a sera peccatorum reprehensione temperet sibi amicus, et potius auxilium præstare nitatur sodali.

CARMINE Græcinum, qui præsens voce solebat,  
Tristis ab Euxinis Naso salutatur aquis.

Exsulis hæc vox est: præbet mihi litera linguam;

Et, si non liceat scribere, mutus ero.

Corripis, ut debes, stulti peccata sodalis,

Et mala me meritis ferre minora doces.

Vera facis, sed sera, meæ convicia culpæ:

Aspera confesso verba remitte reo.

Quum poteram recto transire Ceraunia velo,

Ut fera vitarem saxa, monendus eram.

1. *Quem præsens. Qui* Sarra. et Patavin. H.

3. *Præbet mihi litera linguam.* Carmen meum est mihi loco linguæ, ad salutandum amicos.

6. *Et mala me meritis ferre minora doces.* Ita scripti constanter, neque tamen conveniens homini amico est, ista tam immanis adsperitas mentis, ut doleat pœnam Nasoni ab Augusto irrogatam esse infra ejus meritum. Quare adsentior Tanaquillo Fabro reponenti *doces, pro doles*. H.

7. *Vera facis, sed sera meæ.* Ordo verborum sic habet: facis tu quidem convicia vera culpæ meæ, sed sera tamen. Quare remitte adspera verba, hoc est, desine crimen objicere mihi confesso, etc. MICYL.—*Justa facis* duo libri; *sed sæva* Excerpta Vossii; duo *convicia linguæ*.

9. *Ceraunia.* Ceraunia montes sunt altissimi Epiri. Dicuntur quoque *Acroceraunia*. Lucanus, libro quarto: *Scopulosa Ceraunia nautæ Summa timent.*



Nunc mihi naufragio quid prodest discere facto,  
 Quam mea debuerit currere cymba viam?  
 Brachia da lasso potius prendenda natanti;  
 Nec pigeat mento subposuisse manum.  
 Idque facis, faciasque precor: sic mater et uxor, 15  
 Sic tibi sint fratres, totaque salva domus.  
 Quodque soles animo, quod semper voce precari,  
 Omnia Cæsaribus sic tua facta probes.  
 Turpe erit in miseris veteri tibi rebus amico  
 Auxilium nulla parte tulisse tuum. 20  
 Turpe referre pedem, nec passu stare tenaci:  
 Turpe laborantem deseruisse ratem.  
 Turpe sequi casum, et fortunæ cedere, amicum  
 Et, nisi sit felix, esse negare suum.  
 Non ita vixerunt Strophio atque Agamemnone nati: 25  
 Non hæc Ægidæ Pirithoique fides.  
 Quos prior est mirata, sequens mirabitur ætas;  
 In quorum plausus tota theatra sonant.  
 Tu quoque, per durum servato tempus amico,  
 Dignus es in tantis nomen habere viris. 30  
 Dignus es: et quoniam laudem pietate mereris,

11. *Quid prodest dicere.* Immo *disce* cum Sarrav. et aliis quinque.

12. *Qua mea debuerit currere cymba via.* *Quam viam* unus Hafniensis et unus Vossianus; recte. Vide notas Trist. V, Eleg. VII, vs. 36. H.

17. *Quod soles semper precari animo.* Quam rem semper mente et corde oras; ut scilicet probes omnia tua facta Cæsaribus.

18. *Cæsaribus.* Augusto, Tiberio, Druso, ac cæteris.

23. *Turpe sequi casum.* Distichon Ovidianæ venæ nil habet: pro *fortunæ cedere*, Argent. Sarrav. et tres alii, *fortunæ accedere*. H.—*De casu,*

distincto a Fortuna, vide Quintilianum, Declam. IV, 13.

25. *Non ita vixerunt.* Non ita secuti sunt casum, deserendo se in adversis. — *Nati Strophio atque Agamemnone.* Pyladem et Orestem optimos et caros amicos designat: fuit enim Pylades Strophii Phocensis filius.

26. *Ægidæ.* Thesei, qui filius fuit Ægei, et Pirithoi amicissimus.

28. *In quorum plausus.* In quorum lætitiâ et favores. — *Tota theatra sonant.* Tota theatra resonant, quum de illis tragædiæ compositæ recitantur.

Non erit officii gratia surda tui.

Crede mihi, nostrum si non mortale futurum

Carmen, in ore frequens posteritatis eris.

Fac modo permaneas lapso, Græcine, fidelis;

34

Duret et in longas impetus iste moras.

Quæ tu quum præstes, remo tamen utor in aura :

Nil nocet admisso subdere calcar equo.

32. *Non erit surda.* Intelliget gratitudinem meam, aut intelliget se laudari a me; vel non frustra officiosus in me eris.

35. *Lapso Græcine fidelis.* Meliores *lasso*. H. — Nostri *lapso*; bene.

36. *Iste impetus.* Iste ardor mihi favendi. — *In longas moras.* In longum tempus.

37. *Quæ tu quum præstes, remo tamen utar, et aura.* Quem tu Combii, et quinque alii; tres *Quod*; duo *Quam*. Scribe *Quem tu quum præstes*; hoc est, fidelem, quod præcesserat: deinde multi veteres *utor in auras*, vel *utar*. Sarrav. Polit. et duo alii, *utor in aura*; quod verum est. HEINS. — *Remo tamen utar in aura.* Tamen tuo auxilio et favori addam etiam preces et exhortationes meas.

38. *Admisso subdere calcar equo.*

*Alternò equo* Argent. ut de equis desultoriis agat. Propertii Vertumnus, lib. IV, El. II, vs. 35: « Est etiam aurigæ species Vertumnus, et ejus Trajicit alternò qui leve pondus equo. » Manilius: « Nec non alternò desultor ludere dorso Quadrupedum, et stabiles poterit defigere plantas, Per quos vadit equos. » Lucifero alternus equus dabatur. Cassiodorus: « Equi desultorii per quos Circensium ministri missus denuntiant exituros, Luciferi præcursorias velocitates imitantur. » H. — Sed *admisso* hic minime mutandum; ut enim vento ferenti addimus remum, sic nil nocet currentem et admissum equum calcaribus stimulare: nec desultores calcaria addebant, sed nudis equis insistentes per terga ludebant volantium. B.

## EPISTOLA VII.

ATTICO.

## ARGUMENTUM.

Ut de amicorum fide nonnunquam subdubitet, inde fieri narrat poeta, quod continuis vulneretur fortunæ ictibus. Attici constantiam solatia sibi dare adjicit.

ESSE salutatum vult te mea litera primum  
 A male pacatis, Attice, missa Getis.  
 Proxima subsequitur, quid agas, audire voluptas :  
 Et si, quicquid agas, sit tibi cura mei.  
 Nec dubito quin sit ; sed me timor ipse malorum 5  
 Sæpe supervacuos cogit habere metus.  
 Da veniam, quæso, nimioque ignosce timori :  
 Tranquillas etiam naufragus horret aquas.  
 Qui semel est læsus fallaci piscis ab hamo,  
 Omnibus unca cibus æra subesse putat. 10  
 Sæpe canem longe visum fugit agna, lupumque  
 Credit, et ipsa suam nescia vitat opem.  
 Membra reformidant mollem quoque saucia tactum :

3. *Quid agas audire voluntas. Voluptas* ex melioribus. HEINS.

4. *Et modo quicquid agas sit tibi cura mei.* Sarra. et duo alii *Et si quid agis sit*, omisso τῷ modo; pro quo alii *bene* cum Argentinensi; alii *jam*, vel *tu*, vel *nunc*, et similia. Scribe, *Et si, quicquid agas, sit tibi cura mei.* Atque ita tres scripti; nisi quod in iis *agas*: posset etiam

reponi, « Est bene, quicquid agas, si tibi cura mei est. » HEINS.

5. *Sed me timor ipse malorum* etc. Non de præsentibus malis exsilio tantum intelligendum, sed de quibuscumque; ut sit sensus: Sed timor, quo subinde alia atque alia mala, eaque ex omni parte timeo, facit ut multos supervacaneos metus habeam. MICYL.



Vanaque sollicitis incutit umbra metum.

Sic ego fortunæ telis confixus iniquis,

15

Pectore concipio nil nisi triste meo.

Jam mihi fata liquet cæptos servantia cursus

Per sibi consuetas semper itura vias.

Observare Deos, ne quid mihi cedat amice;

Verbaque fortunæ vix puto posse dari.

20

Est illi curæ me perdere, quæque solebat

Esse levis, constans et bene certa nocet.

Crede mihi, si sum veri tibi cognitus oris,

Nec fraus in nostris casibus esse potest;

Cinyphiæ segetis citius numerabis aristas,

25

Altaque quam multis floreat Hybla thymis,

Et quot aves motis nitantur in aera pennis,

Quotque natent pisces æquore, certus eris,

Quam tibi nostrorum statuatur summa laborum,

Quos ego sum terra, quos ego passus aqua.

30

Nulla Getis toto gens est truculentior orbe :

Sed tamen hi nostris ingemuere malis.

Quæ tibi si memori coner perscribere versu,

14. *Incitat umbra metum.* Scribo *incutit*; neque aliter pro diversa lectione Barberinianus; Sarrav. codex *immutat*; mendose: *terrorem, timorem, pavorem, metum incutere* passim apud Ciceronem et Livium. H.

19. *Observare Deos, ne quid.* Puto Deos observare, ne quid mihi amice, hoc est, prospere atque feliciter, cedat: *fortunæque vix posse verba dari*, hoc est, imponi; ut verbum *puto*, ad utrumque colon adhibeatur. M.

22. *Constans et bene certa nocet.* Nunc non est amplius mutabilis, aut levis fortuna, sed constans et firma in nocendo mihi.

23. *Cognitus oris etc. Creditus* in Arondeliano. HEINS.

24. *Nec numerus nostris casibus esse potest. Nec fraus in nostris casibus* Argent. et decem alii, quæ lectio magis adridet: Sarrav. mendose, « Nec planis nostris casibus esse potes. » H.

25. *Cinyphiæ segetis.* Cinyps fluvius est Garamantum; Mela scribit fluvium esse in Libya, per uberri-  
ma arva cadentem, a quo Cinyphiæ segetes adpellantur a poetis, hoc est, Libycæ; Libya enim ob maximam frumenti copiam, horreum fuit Romanorum.

33. *Perscribere versu. Destringere*

Ilias est fatis longa futura meis.

Non igitur vereor, quod te rear esse verendum, 35

Cujus amor nobis pignora mille dedit;

Sed quia res timida est omnis miser, et quia longo

Tempore lætitiæ janua clausa meæ est.

Jam dolor in morem venit meus: utque caducis

Percussu crebro saxa cavantur aquis; 40

Sic ego continuo fortunæ vulneror ictu;

Vixque habet in nobis jam nova plaga locum.

Nec magis adsiduo vomer tenuatur ab usu,

Nec magis est curvis Appia trita rotis,

Pectora quam mea sunt serie cæcata laborum: 45

Et nihil inveni, quod mihi ferret opem.

Artibus ingenuis quæsitæ est gloria multis:

Infelix perii dotibus ipse meis.

Vita prior vitio caret, et sine labe peracta:

Auxilii misero nil tulit illa mihi. 50

Culpa gravis precibus donatur sæpe suorum:

Omnis pro nobis gratia muta fuit.

Adjuvat in duris alios præsentia rebus:

Obruit hoc absens vasta procella caput.

Twisdenianus, pro strictim recensere; eleganter. Glossa ejus, id est, *exprimere et narrare*. HEINS.

34. *Longa Ilias*. Longum opus, ut est Homeri Ilias de bello Trojano.

35. *Non igitur vereor, quod te rear esse verendum*. Quo te nonnulli vereretur; *verear qua terreor* Sarrav. et Scaliger; tres *quia*. HEINS.

41. *Vulneror ictu. Verberor* Argent. et Feschii. H.

44. *Appia*. Via illa ab Appio censore strata et cognominata.

45. *Serie calcata malorum. Cæcata* meliores omnes magno numero: *la-*

*borum* etiam Argent. et duo alii. H.

49. *Et sine labe peracta est*. Tò est abest a Sarrav. Argent. Twisden. et quatuor aliis.

52. *Fuit muta pro nobis*. Quia nemo amicus pro me imperatorem oravit, ut ignosceret. MER. Vel deprecatio et supplicatio meorum nihil effecit, ac veluti muta ac nulla fuit. PONT.

53. *Adjuvat aliquos. Aliquem* meliores; *aliquid* pr. Medic.; Thuan. *alios*; etiam bene: Sarrav. *aliquo*. Scribe *aliqua*: versu proximo, pro *hoc absens*, quatuor *absentis caput*.

Quæ non horruerint tacitam quoque Cæsaris iram? 55

Addita sunt pœnis aspera verba meis.

Fit fuga temporibus levior : projectus in æquor

Arcturum subii Pleiadumque minas.

Sæpe solent hyemem placidam sentire carinæ :

Non Ithacæ puppi sævior unda fuit.

60

Recta fides comitum poterat mala nostra levare :

Ditata est spoliis perfida turba meis.

Mitius exsilium faciunt loca : tristior ista

Terra sub ambobus non jacet ulla polis.

Est aliquid patriis vicinum finibus esse :

65

Ultima me tellus, ultimus orbis habet.

Præstat et exsulibus pacem tua laurea, Cæsar :

Pontica finitimo terra sub hoste jacet.

Tempus in agrorum cultu consumere dulce est :

55. *Quem non obrueret taciti quoque Cæsaris ira. Obruerit multi ; Qua non obruerit Combii ; Quod non obruerit iram* Vossian. alius *horruerit iram*; veterrimus Sarravianus: « Quæ non horruerit tacitam quoque Cæsaris iram. » Recte, si *horruerint* reponas : nisi malis, *Quis non horruerit*; nam *obruit*, quum præcesserit versu superiori, hic ferri non potest. H.

57. *Fit fuga temporibus levior.* Levius solet esse supplicium, quando exsules abeunt expectato tempore navigationi apto. Aliis vero incommodis meis hoc etiam accessit, quod fugatus sum tristi sidere.

58. *Arcturum subii.* Tempore quo Arcturus magnos imbres parabat, cœpi navigare. *Arcturus* autem stella est, in cauda majoris Ursæ locata. Exoritur undecim diebus ante autumnum æquinotium, octavo calendæ octobris, id est, die vigesimo

quarto septembris. *Pleiadumque minas.* Dictas autem putant ab eo quod est *πλίην*, id est, navigare : Hæ numero septem dicuntur. *Vergilius* autem nostri dixere, quod post ver exoriuntur. Oriuntur autem quarto nonas apriles.

59. *Placidam hyemem.* Placidam tempestatem.

62. *Spoliis meis* etc. De comitibus itineris, sive profectionis, intelligo hunc locum, quorum perfidia, bonis, aut rebus quibusdam suis spoliatus fuerit poeta : nam alibi satis clare significat, nihil sibi a Cæsare præter patriam, ademptum fuisse. MICYL.

64. *Sub ambobus polis.* Sub polo arctico et antarctico.

66. *Ultima tellus.* Tellus Pontica. MER.

68. *Jacet sub hoste finitimo.* Manet sub hoste vicino. Quasi innuat ubique terrarum esse pacem a Cæ-



Non patitur verti barbarus hostis humum. 70

Temperie cæli corpusque animusque juvantur :

Frigore perpetuo Sarmatis ora riget.

Est in aqua dulci non invidiosa voluptas :

Æquoreo bibitur cum sale mista palus.

Omnia deficiunt ; animus tamen omnia vincit : 75

Ille etiam vires corpus habere facit.

Sustineas ut onus , nitendum vertice pleno est ;

At flecti nervos si patiare , cadet.

Spes quoque , posse mora mitescere principis iram ,

Vivere ne nolim deficiamque , cavet. 80

Nec vos parva datis pauci solatia nobis ,

Quorum spectata est per mala nostra fides.

Cœpta tene , quæso ; nec in æquore desere navem :

Meque simul serva , iudiciumque tuum.

sare partam , præterquam in terra , ubi exsulabat.

71. *Temperie cæli corpusque animusque.* Oportet locum eligere temperatum , ad salubritatem corporis conservandam , et proinde etiam mentis.

74. *Palus.* Aqua palustris : vel quæ defluit ex Mæotide palude , eaque salsa.

75. *Animus tamen omnia vincit.* Tamen omnia hæc incommoda spero animi fortitudine.

77. *Sustineas ut onus.* Generaliter et γυναικῶς dictum puto , ut sit quasi quædam illatio ad superiora , perinde ac si dicat : quare quæm tanta mala mea sint , necesse est ut sim erecto animo ac forti , propterea quod pondera , sive onera gravia sustineri aliter non possint , quam si quis erecto vertice connixus , ea in

se suscipiat. MICYL. « Nitendum vertice recto est. » *Vertice pleno est* Sarrav. Scalig. Argent. et octo alii ; recte : *cadet* etiam pro *cedes* versu proximo ex scriptis plurimi ; et recte ; de onere loquitur. H.

80. *Vivere ne nolim deficiamque facit. Cavet* reponere , ex melioribus.

81. *Nec vos parva datis.* Acquiescimus etiam , inquit , vestris solatiis , o amici , quorum præsidia et fidem in malis meis et rebus dubiis cognovi.

82. *Spectata fides.* Metaphora a metallis , quæ proprie spectari dicuntur.

83. *Nec in æquore desere navem.* Desine veteres quatuor.

84. *Judiciumque.* Quia iudicasti me dignum venia , aut defensione tua , et tua amicitia ; vel quod Cæsar mihi ignosceret.

## EPISTOLA VIII.

## MAXIMO COTTÆ.

## ARGUMENTUM.

Acceptis a Cotta Augusti, Tiberii et Liviae imaginibus, tanquam præsentibus Diis, fit supplex, easque commodioris exsilii spem sibi facere fingit.

REDDITUS est nobis Cæsar cum Cæsare nuper,  
 Quos mihi misisti, Maxime Cotta, Deos :  
 Utque suum munus numerum, quem debet, haberet,  
 Est ibi Cæsaribus Livia juncta suis.  
 Argentum felix, omnique beatius auro, 5  
 Quod, fuerat pretium quum rude, numen erit.  
 Non mihi divitias dando majora dedisses,  
 Cælitibus missis nostra sub ora tribus.

1. *Est redditus.* Est datus. — *Cæsar cum Cæsare.* Augustus cum Tiberio. Sunt qui non Tiberii, sed Drusi majoris imaginem cum Augusti imagine missam, intelligant.

5. *Argentum felix, omnique beatius auro; Quod fuerit pretium.* Sensus est: O felix argentum, et ipsi auro præferendum, quia quum per se, ac rude, pretium sit, hoc est, pretiosum et carum, nunc etiam habet numen, hoc est, Cæsarum imagines impressas, sive cælatas. MIC.

6. *Quod fuerit pretium, quum rude numen habet.* Alia apud alios distinctio; sed hæc propter comparationem aptior, tali videlicet sen-

tentia: Nummus argenteus Cæsarum imaginibus insignis, quanti esse pretii debet, quum argentum nondum signatum adeo pretiosum sit, ut a plurimis pro numine habeatur? FABRIC. Legerem cum Vossiano et Francof. « Quod, fuerat pretium quum rude, numen erit, » id est, quod, quum fungebatur vice aliarum rerum, et ita pretium erat, id est argentum, quo aliquid emi posset, nunc mihi numen erit propter imagines Cæsarum. B.

8. *Cælitibus tribus.* Duobus Cæsaribus et Livia. — *Nostra sub ora.* Sub nostrum conspectum.

Est aliquid spectare Deos, et adesse putare,

Et quasi cum vero numine posse loqui. 10

Præmia quanta, Dei! nec me tenet ultima tellus:

Utque prius, media sospes in urbe moror.

Cæsareos video vultus, velut ante videbam:

Vix hujus voti spes fuit ulla mihi.

Utque salutabam, numen cæleste saluto: 15

Quod reduci tribuas, nil, puto, majus habes.

Quid nostris oculis, nisi sola palatia desunt?

Qui locus, ablato Cæsare, vilis erit.

Hunc ego quum spectem, videor mihi cernere Romam:

Nam patriæ faciem sustinet ille suæ. 20

Fallor? an irati mihi sunt in imagine vultus,

Torvaque nescio quid forma minantis habet?

Parce, vir immenso major virtutibus orbe,

Justaque vindictæ supprime lora tuæ.

Parce, precor, sæcli decus indelebile nostri; 25

11. *Quantum ad meredii.* Decem veteres quos postquam vidi; quinque esse liber videor: duo quando ad me redii. Politiani codex *præmia quanta, Dei!* eleganter. Sarravianus *Quanta meridi;* mendose: alii aliter. H.

13. *Ante videbam.* Solebam Junian.

15. *Ut salutabam.* Ut antequam relegarer, solitus eram de more mane salutare: quod fieri solebat prima et secunda hora. — *Numen cæleste.* Augustum Deum.

17. *Quid nostris oculis nisi sola palatia desunt.* Duo desint: unus Medon. *desit:* scribe *defit;* Virgil. Eclog. II, vers. 22. « Lac mihi non æstate novum, nec frigore defit. » H.

18. *Ablato Cæsare.* Amoto Augusto, cujus præsentia nobilitat Romana palatia, et totam urbem.

21. *In imagine.* Ab imagine Argent.

22. *Minantis habet.* Minacis unus Medic. H.

24. *Supprime frenâ tuæ.* Lora Polit. et quinque alii. — *Supprime frenâ.* Coerce iracundiam tuam qua videris exardescere ad me acerbius puniendum. P.

25. *Parce puer, sæcli decus admirabile nostri.* Parce, precor, unus Voss. probe: duo nostri τὸ puer non agnoscunt: alius *Per;* et sane sequentia satis evincunt ad Augustum hæc esse referenda, non ad Tiberium, quem postea est allocuturus. Scaliger conjiciebat, *Parce, pater:* neque aliter in Epistolis Tanaquillus Faber. Deinde *decus indelebile* reponendum ex melioribus, nisi quod Sarrav. Scaliger, et duo



Terrarum dominum quem sua cura facit.  
 Per patriæ nomen, quæ te tibi carior ipso est,  
 Per nunquam surdos in tua vota Deos;  
 Perque tori sociam, quæ par tibi sola reperta est,  
 Et cui majestas non onerosa tua est; 30  
 Perque tibi similem virtutis imagine natum,  
 Moribus agnosci qui tuus esse potest;  
 Perque tuos vel avo, vel dignos patre nepotes,  
 Qui veniunt magno per tua vota gradu;  
 Parte leves minima nostras et contrahe pœnas; 35  
 Daque, procul Scythico qui sit ab hoste, locum.  
 Et tua, si fas est, a Cæsare proxime Cæsar,  
 Numina sint precibus non inimica meis.  
 Sic fera quamprimum pavido Germania vultu

alii *indeflebile*, mendose: Met. XV, *nomenque erit indelebile nostrum*. Posset etiam legi, *Parce vir, o sæcli*. Sic Trist. V, Eleg II, vers. 833, ad eundem Augustum: « O vir, non ipso, quem regis, orbe minor. » H. — *Parce puer, sæcli decus*. Puerum accipiamus non ætatis ratione dictum, ut qui jam prope quinquagenarius esset, quum Ovidius relegaretur; sed vel propter picturæ speciem, vel, quod probabilius, propterea quod nuper adeo post mortem L. et C. Cæsarum scilicet, in filii locum ab Augusto adoptatus fuisset. Ut puerum accipiamus, quasi filium alterius Cæsaris, hoc est, Augusti, appellatum. MICYL. — *Puer*. More Græco, qui etiam adultos, *παῖδες* vocant; quod Latinis familiare. Virgil. Æneid. VI, vers. 833: « Ne pueri, ne tanta animis adsuescite bella; » et lib. V, vs. 296: « Nisus amore pio pueri, » nempe Euryali: « qui forma insignis, viridique iuventa, » et alibi. Cicero

Octavianum etiam adpellat puerum. Proinde et honoris est nomen. *Puer regius*; Virgil. Æn. V, vers. 252, et IX, vers. 276: *venérande puer*, Ascanius ad Euryalum.

27. *Per patriæ numen, quod te tibi carius ipso est*. Meliores quæ te tibi carior ipso est; tres cum Aronde- liano, *patrium numen*: malo *patriæ nomen*, ut Rottendorphianus exhibebat. H.

30. *Et cui majestas*. Et quæ, inquit, majestatem tuam potest ferre, vel quæ se nutibus tuis belle adtemperat.

34. *Qui veniunt magno per tua jussa gradu*. Puto per tua gesta; gesta scriptum fuerat, unde jussa factum; Patav. versa; unus Vatican. *per tua vota*, etiam bene. H.

36. *Daque locum Scythico qui sit ab hoste procul*. Daque, procul Scythico qui sit ab hoste, locum meliores; duo etiam Scythico orbe. H.

37. *A Cæsare proxima Cæsar*. Rectius proxime Cæsar in Puteaneo.

Ante triumphantes serva feratur equos. 40  
 Sic pater in Pylios, Cumæos mater in annos  
 Vivant; et possis filius esse diu.  
 Tu quoque, conveniens ingenti nupta marito,  
 Accipe non dura supplicis aure preces.  
 Sic tibi vir sospes, sic sint cum prole nepotes, 45  
 Cumque bonis nuribus, quas peperere, nurus:  
 Sic, quem dira tibi rapuit Germania, Drusus  
 Pars fuerit partus sola caduca tui:  
 Sic tibi Marte suo, fraterni funeris ultor,  
 Purpureus niveis filius instet equis. 50  
 Adnuite o timidis, mitissima numina, votis!  
 Præsentes aliquid prosit habere Deos!  
 Cæsaris adventu tuta gladiator arena  
 Exit; et auxilium non leve vultus habet.  
 Nos quoque vestra juvet quod, qua licet, ora videmus; 55

40. *Ante triumphales equos.* Triumphantes est in vetustioribus. Ante equos Tiberii, de Germania devicta triumphum agentis.

42. *Vivant, et possis filius esse diu.* Vivum et ut Barberin. *Vivat et huic possis unus Vatican.* Vivat ut possis unus Medon. Puto scribendum, « Vivat, et o possis filius esse diu. » HEINS.

46. *Cumque bonis nuribus, quas peperere, nurus.* Quos peperere plerique veteres: nepotes innuit. Sarravianus et octo alii quod pro quot, ut Combianus. — Nostri quas.

50. *Purpureus filius.* Tiberius, Liviae filius, paludamento imperatorio et purpureo indutus.

52. *Præsentes aliquid prosit habere Deos. Aliquos unus Vatican.* scribe aliqua prosit. H. — *Deos præsentes.* Augusti, Tiberii et Liviae imagines missas Roma.

53. *Cæsaris adventu.* Cæsare in arenam veniente; nam gladiatores, qui servi erant, victi, confugiebant ad pedes Cæsaris, et incolumes dimittebantur. Et si confugientes ad statuum, liberi erant, multo magis confugientes ad ipsum imperatorem. — *Vultus*, id est, Cæsaris præsentia habet non modicum, sed magnum auxilium, quia ille liberatur. — *Tuta gladiator arena*, pro ipse gladiator tutus, nota poetis metathesi. *Tota* plerique veterum. H. — *Tutus gladiator* duodecim libri et multæ editiones, quod Burmanno placebat. — Nostri *tuta*.

55. *Nos quoque vestra juvet.* Ordo est: Nos quoque juvet, quod videmus vestra ora, quo modo licet; imagine tantum expressa; et hoc spectare nobis prosit, quemadmodum gladiator profuit vidisse in arena Cæsarem ipsum præsentem.

Intrata est Superis quod domus una tribus.  
 Felices illi, qui non simulacra, sed ipsos,  
 Quique Deum coram corpora vera vident.  
 Quod quoniam nobis invidit inutile fatum,  
 Quos dedit ars votis, effigiemque colo. 60  
 Sic homines novere Deos, quos arduus æther  
 Occulit : et colitur pro Jove forma Jovis.  
 Denique, quæ mecum est, et erit sine fine, cavete,  
 Ne sit in invisio vestra figura loco.  
 Nam caput e nostra citius cervice recedet, 65  
 Et patiar fossis lumen abire genis,  
 Quam caream raptis, o publica numina, vobis;  
 Vos eritis nostræ portus et ara fugæ:  
 Vos ego complectar, Geticis si cingar ab armis;  
 Vosque meas aquilas, vos mea signa sequar. 70  
 Aut ego me fallo, nimiaque cupidine ludor;  
 Aut spes exilii commodioris adest.  
 Nam minus et minus est facies in imagine tristis;

56. *Intrata est Superis quod domus. Facta quod est Superis jam domus* in Regio. Scribe *Tacta*; versu proximo; malim *Felices illos*. H.

60. *Quos dedit ars vultus. Votus* Sarrav. Argent. Nostri *votis*; placet.

61. *Sic homines novere Deos.* Hoc pacto, scilicet per imagines et simulacra, Deos immortales cognoscimus: nam propriam eorum formam nulli licet videre.

64. *In invisio loco.* In terra hostili. — *Vestra figura.* Vestrum simulacrum.

65. *Nam caput e nostra citius cervice recedet.* Scribe *recidi*, et refer ad *repatiar*, quod sequitur. Epistola tamen Paridis, vers. 153: « Ante recessisset caput hoc cervice cruenta. » Propert. lib. II, El. VI, vs. 7:

« Nam citius paterer caput hoc discedere collo. » Quare, si vulgatam scripturam tuemur, *recedat* malo quam *recedet*. H.

68. *Portus et ara fugæ.* Sarrav. Argent. prim. Medic. et sex alii, *ara*; recte: quod et Ciofanus in suis invenerat, et nos in nostris. — *Portus et ara.* Salus et favor.

70. *Utque meas aquilas vestra ego signa sequar. Vos mea signa* Argent. et septem alii; codex Moreti *Vosque meas aquilas, vestra ego.* Scribe, « Vosque meas aquilas, vos mea signa sequar. » H. — *Ut meas aquilas.* Tanquam mea vexilla Romana, quæ aquilas pictas habebant. Lege Alex. ab Alex. lib. II, cap. 2. — *Vestra signa.* Vestras imagines.

73. *In imagine.* In signo Augusti.



Visaque sunt dictis adnuere ora meis.

Vera, precor, fiant timidæ præsagia mentis;

75

Justaque quamvis est, sit minor ira Dei.

— *Visaque sunt dictis.* Imagines istæ visæ sunt mihi assentire, ut velint concedere locum exsilii magis commodum.

76. *Justaque quamvis est. Justaque quantumvis* malim. H. — Nos prætulimus quod probant nostri C.C. et ingenium poetæ.

## EPISTOLA IX.

### COTYI REGI.

#### ARGUMENTUM.

Cotyis Thraciæ regis auxilium implorat, eumque et originis nobilitate conspicuum, et studiorum, poeseos præsertim, dulcedine captum rogat, ut sibi exsuli in vicinia tuto degere liceat.

**R**EGIA progenies, cui nobilitatis origo

Nomen in Eumolpi pervenit usque, Coty;

Fama loquax vestras si jam pervenit ad aures,

Me tibi finitimi parte jacere soli;

Supplicis exaudi, juvenum mitissime, vocem :

5

1. *Coti regia progenies.* Hunc Cotium, filium regis Thraciæ et Getarum, fuisse libet suspicari, quem Tranquillus *Cotisonem* adpellat. M. — *Pervenit usque Coti.* Varie inscribitur hæc Elegia; alii ad *Cotium* habent. Infra eadem Elegia ponitur, *O Coty, progenies digna parente tuo*, ubi vocativus *Coty*, non a recto *Cotius*, sed a *Cotys* tertii ordinis flectitur. Micyllus de eo *Coty* hic intelligit, cujus mentio fit apud Tacitum,

lib. II, et quem idem auctor, ut et Strabo, lib. XII, *Cotym*, per *y* nominat. Quod libenter sequor, et temporum ratione habita, et personæ qualitatem, et ingenium cum hac descriptione conferens. Is enim et temporibus Augusti supremis vixit, et ab eodem Augusto regni Thracensis partem accepit.

2. *Pervenit usque* etc. Descendit usque ab Eumolpo; Eumolpus enim Neptuni et Chiones, quæ Boreæ et

Quamque potes profugo, nam potes, adfer opem.  
Me fortuna tibi, de qua ne conquerar, hoc est,

Tradidit; hoc uno non inimica mihi.

Excipe naufragium non duro litore nostrum,  
Ne fuerit terra tutior unda tua.

Regia, crede mihi, res est subcurrere lapsis :

Convenit et tanto, quantus es ipse, viro.

Fortunam decet hoc istam : quæ maxima quum sit,

Esse potest animo vix tamen æqua tuo.

Conspicitur nunquam meliore potentia causa,

Quam quoties vanas non sinit esse preces.

Hoc nitor ille tui generis desiderat : hoc est

A Superis ortæ nobilitatis opus.

Hoc tibi et Eumolpus, generis clarissimus auctor,

Et prior Eumolpo suadet Erichthonius.

Hoc tecum commune Deo : quod uterque rogati

Orithyæ nata, filius, ex Thracia in Atticam venit. Eum sane Homerus carmine suo fortem adpellat. M.

7. *Me fortuna tibi, de qua quod non queror, hoc est, Tradidit. Tres, quod conqueror; sex non conqueror; unus Vatican. non conquerar. Lege, ne conquerar : deinde Prodidit Argentinus, eleganter; hoc est, exposuit, objecit. H.*

8. *Non duro litore.* Non aspero, sed benigno, placido, et propitio solo, quasi dicat, ego relegatus tanquam naufragus, supplex ad litus tuum confugio, precorque ut me benigne excipias.

10. *Nec fuerit terra.* Ex quo poeta innuit, illic tutiorem sedem sperandam, quam in mari. Quod si sibi tam longa navigatione pepercit, multo magis ejus terram intelligit debere ei parcere. Nostri habent *ne. pro nec.*

11. *Subcurrere lapsis.* Cicer. pro

Ligario confirmat, nulla re homines propius ad Deos accedere, quam salutem hominibus dando. PONT.

13. *Decet hoc.* Hæc Argentin. et alius, quod Heinsius probat.

18. *A Superis ortæ nobilitatis.* Nobilitatis a Diis originem ducentis. Hoc autem dicit propter Eumolpum, filium Neptuni et Chiones, quæ filia Boreæ, generis sui auctorem, ut diximus.

20. *Erichthonius.* Erichthonius, seu Erechtheus, rex fuit Athenarum, quem Minerva e rure ubi natus erat, suscepit, educavitque, et Atheniensi populo pro rege tradidit: ideoque illi annua solennia Athenienses agunt taurorum agnorumque sacrificiis. Vide Natal. lib. IV, cap. 5.

21. *Hoc tecum commune Deis.* Hoc est, tibi cum Diis commune, quod preces exaudias, quemadmodum et

Supplicibus vestris ferre soletis opem.

Numquid erit, quare solito dignemur honore

Numina, si demas velle juvare Deos?

Juppiter oranti surdas si præbeat aures, 25

Victima pro templo cur cadat icta Jovis?

Si pacem nullam Pontus mihi præstet eunti,

Irrita Neptuno cur ego tura feram?

Vana laborantis si fallat vota coloni,

Accipiat gravidæ cur suis exta Ceres? 30

illi. — *Deos* Sarrav. Argent. *decus*.  
Lege *Deo* cum Puteaneo, vel *Deo*  
*est*. HEINS.

26. *Cadat. Cadit* Arg. et tres alii.

27. *Nullam pacem*. Nullam tranquillitatem. — *Mihi eunti*. Mihi naviganti.

28. *Cur ego dona feram. Tura* scripti plerique. HEINS.

29. *Si fallant vota coloni. Fallat* meliores; Ceres nimirum: in Fast. lib. IV, vers. 645: « Sæpe seges primis dominum fallebat in herbis. » Prudentius, lib. II, contra Symmachum: « Nec vernas infudit aquas creberrimus imber Fruge nova, et viridis si messis adulta priusquam Conceptas tenero solidaret lacte medullas, Adflatum calido succum contraxit ab Euro, Jejunosque tulit calamos, atque irrita vota Agricolæ sterilis stipularum silva fefellit. » Sic et *decipere* et *mentiri* et *eludere messis* dicebatur. Symmachus pro ara Victoriæ, « Spem provinciarum omnium messis ægra decepit. » Noster Amor. lib. III, Eleg. x, vers. 31 et 34: « Quum bene jactati pulsarant arva ligones, irrita decepti vota colentis erant. » Apud Horatium, *fundus mendax*, lib. III, Od. I, vers. 30, et *spem mentita seges*, lib. I, Epist. VII, vers. 87; apud

Tibullum, lib. II, Eleg. I, vers. 19: « Neu seges eludat messem fallacibus herbis. » Propertius, lib. II, Eleg. XII, vers. 31: « Terra prius falso partu deludet arantes. » Valer. Flaccus, lib. VII, vers. 229: « patriam inde vocato, Qua redit itque dies, nec nos Dis nata malignis Luserit hoc uno semper sub frigore messis, Fas mihi non stabiles, fas et tibi linquere Colchos. » Ita locum mendosissimum restituo. *Non stabiles Colchi*, in quibus sedes certa non figitur: pari modo Plautus, Mercatore, *stabilem patriam et domum*, dixit: « Quis modus tibi exilio tandem? eveniet qui finis fugæ? Quæ patria, aut domus tibi stabilis esse poterit? dic mihi. » Perperam *non habiles Colchos* et *Cluserit messis* in Valerio hactenus legebatur. *Accipiat* mox meliores versu proximo, pro *Accipiet*. H.

30. *Accipiet gravidæ* etc. Cur, inquit, sacrificabitur Cereri porca, si preces agricolarum incassum fundentur. — *Suis gravidæ*. Initium immolandi a suillo genere sumptum existimat Ovidius. Cujus rei causa in Fastis, et in Metam. lib. XV, vs. 112. « prima putatur Hostia sus meruisse mori, quia semina pando Eruerit rostro, spemque interceperit



Nec dabit intonso jugulum caper hostia Baccho ,

Musta sub adducto si pede nulla fluant.

Cæsar ut imperii moderetur fræna , precamur ,

Tam bene quo patriæ consulit ille suæ.

Utilitas igitur magnos hominesque Deosque

35

Efficit , auxiliis quoque favente suis.

Tu quoque fac prosis intra tua castra jacenti ,

O Coty , progenies digna parente tuo.

Conveniens homini est , hominem servare , voluptas ;

Et melius nulla quæritur arte favor.

40

anni. » Mactabatur autem porcus Cereri , quia hoc animal frugibus nocet. Solebant enim victimæ pro qualitate numinum immolari : et vel cædebantur , quæ obsunt eorum muneribus : ut caper Libero , quia vitibus nocet , et in omnibus sacris feminini generis victimæ potiores sunt.

31. *Intonso Baccho. Immerito multi veterum ; utrumque rectum : sic contra in Trist. merita cadet agna Minervæ , et sæpe alibi. H.*

32. *Inducto sub pede. Adducto scripti fere omnes ; recte : sic adducta clava Fast. I : adducto nervo arcus , et adductus ramus ; P. III , El. V , vs. 19 : et similia passim apud Nostrum : id est , contracto : sic Epist. Canaces , vers. 27 , macies adduxerat artus ; et Metam. III , vers. 397 , Adducitque cutem macies. Val. Flaccus , lib. V , « Vincula prensa manu saxis adduxerat imis : » id est , attraxerat ; abduxerat minus bene vulgati , quum abducta flumina mox sequantur : idem libro VI. . . « extremas laqueis adducere turmas. » Et apud Nostrum , Met. VIII , 775 , ... adductaque funibus arbor. Statius Theb. IX , ubi pari modo peccatur , 140. « Ter Cadmea phalanx tor-*

vum adduxere cadaver , Ter retrahunt Danaï. » H.

34. *Tam bene quam patriæ consulit ipse suæ. Quod Argent. et primæ editiones. Lege quo ; nempe imperio : deinde ille meliores. H.*

35. *Utilitas igitur magnos hominesque Deosque etc. Sensus est : Ex eo igitur quod prosunt ac juvant , tam homines quam Dii magni sunt , et coluntur , videlicet dum unusquisque illorum ea parte , iisque auxiliis favet , ac prodest nobis , quibus solet ac potest ; ut Ceres et Bacchus proventu ac fertilitate frugum ac vini , Cæsar imperando et consulendo patriæ , etc. MICYL.*

36. *Auxiliis quoque favente suis. Unoquoque utilitatem suam amante. Ex quo colligit , utilitatis propriæ gratia hæc fieri. MER.*

37. *Intra tua castra jacenti. Mihi in terra Tomitana tuo imperio subiecta relegato. MICYL.*

38. *O Coty , progenies. Ordo est : O Coty , progenies digna , et reliqua. Cæterum sive Coti scribas , ut Aldina editio habet : sive Coty , ut Strabo et Tacitus , brevis eadem syllaba erit. Sic enim et Tiphys , et similia corripuntur.*

40. *Nulla. Nulli Junian.*

Quis non Antiphaten Læstrygona devovet? aut quis  
 Munifici mores improbat Alcinoi?  
 Non tibi Cassandreus pater est, gentisque Pherææ,

41. *Quis non Antiphaten Læstrygona.* Læstrygones populi fuere in extremo Italiæ, Siciliam versus, efferis moribus, habitantes prius urbem Formiarum inter Terracinam et Sinuessam. Eorum rex fuit Antiphates. Homerus docet Antiphatem unum ex Ulyssis sociis devorasse.

42. *Munifici Alcinoi.* Liberalis Alcinoi. Fuit enim Alcinous rex Phæacum justissimus, Nausithoi filius, apud quem Ulysses naufragus divertit: ubi regio convivio honorifice susceptus, errores suos exponebat.—*Munifici Alcinoi.* Videntur autem Phæaces ex Hom. Odyss. nimium indulsisse genio: id quod et Horatius, lib. I, Ep. xv, vs. 24, notat: «Pinguis ut inde domum possim Phæaxque reverti.» Horum etiam mentionem facit Athenæus, lib. XII, cap. 21. Apollon. in Argonautis ita illos prædicat: Ἀῖμας οὐρανίαια γένος Φαίηκας ἴασι, lib. IV, vers. 992.

43. *Non tibi Cassandrus pater est, durusve Caphareus.* Inepte Caphareus scopulus cum Cassandro componitur: multi ex scriptis *genitorve Caphareus*; Argentinus, qui est inter optimos, *durusve Phareus*; Sarravianus, omnium veterrimus, *gentisque Pherææ*; eleganter et vere; Alexandrum enim Pheræorum in Thessalia crudelissimum tyrannum innuit, quem ab uxore Thebe ejusque fratribus obtruncatum in cubiculo fuisse ex Xenophonte partim lib. VI de rebus Græcorum, Diodoro Siculo, lib. XVI Bibliothecæ, Plutarcho ac Cornelio Nepote in

Pelopida, Conone apud Photium, partim ex Cicerone, Valerio Maximo, aliis, discimus; ac ejus rei Noster quoque meminit in Ibide, vs. 321: «Inque tuo thalamo ritu jugulare Pheræi, Qui datus est leitho conjugis ense suæ.» De insigni ejus crudelitate apud Polyænum libro VI Stratagem. et Ælianum Varia Historia nonnihil occurrit: quod vero præmittit Noster, *Non tibi Cassandrus pater est*, perperam de Cassandro rege Macedoniæ interpretantur; *Cassandrus* enim legendum: quomodo Sarravianus diserte, alique nonnulli codices ex castigatioribus, ut de Apollodoro Cassandriæ tyranno longe inmanissimo intelligatur, qui Cassandrus proinde dictus: nam Cassandriæ tyrannum fuisse ex Pausania Messeniæcorum lib. IV, Polyæno, et Prologo lib. XXV Trogi Pompeii docemur. Testantur id ipsum quoque Excerpta Diodori Siculi Valesiana, pag. 356, Epitome Stephani Byzantii: Κασσάνδρεια πόλις Μακεδονίας, πρὸς τῇ Θράκῃ, ἣ ποτὶ Παρίθωια λεγομένη, ἀπὸ Κασσάνδρου, τοῦ Ἀντιπάτρου ὁ πολίτης, Κασσάνδρου. Meminit sævitæ ejus inter alios complures Ælianus, Variæ Historiæ lib. XIV, cap. 41; meminerunt et Excerpta Diodori Siculi, quæ diximus jam, Valesiana, lib. XXII, pag. 264. De eo copiose Polyænus, lib. VI Stratag. ubi inter cætera, καὶ τύραννος ἐγένετο φανερώτατος πάντων; ὅσαι παρ' Ἑλλήσιν ἢ παρὰ Βαρθάροις ἐτυράννησαν. Initio autem narrationis pro Ἀπολλόδιωρος ὁ Κασσάνδρου, scribendum ὁ Κασσάνδρου. Hunc ab Antigono rege Ma-

Quive repertorem torruit arte sua :  
 Sed quam Marte ferox, et vinci nescius armis, 45  
 Tam nunquam facta pace cruoris amans.  
 Adde, quod ingenuas didicisse fideliter artes,  
 Emollit mores, nec sinit esse feros.  
 Nec regum quisquam magis est instructus ab illis,  
 Mitibus aut studiis tempora plura dedit. 50  
 Carmina testantur; quæ, si tua nomina demas,  
 Threicium juvenem composuisse negem.  
 Neve sub hoc tractu vates foret unicus Orpheus,  
 Bistonis ingenio terra superba tuo est.

cædoniæ oppressum expugnata Cas-  
 sandria idem Polyænus, lib. IV, co-  
 piose narrat. De violenta ejus morte  
 ex Plutarchi libello de tarda Dei vin-  
 dicta potest colligi : nec dubito No-  
 strum in Ibide eo respexisse, etsi  
 loco insigniter depravato : « Aut ut  
 Cassandri dominus non mitior illo,  
 Saucius ingesta contumuleris hu-  
 mo. » Herculem Alexandri Magni  
 filium intelligunt interpretes, a Cas-  
 sandro interfectum. Sed quis vete-  
 rum crudelitatem Herculi unquam  
 objecit ? Priori versu multum va-  
 riant codices vetusti, quorum major  
 pars *Cassandra*; *Cassandrus* non-  
 nulli; *Cassandris* unus; tres *Cas-  
 sandrei*; quos inter et Moreti liber  
 satis antiquus, qui pro diversa le-  
 ctione *Cassandreus*. *Cassandrei* quo-  
 que liber Jureti vetustissimus. Præ-  
 terea quinque, aut sex nostri, *domino*  
 non *dominus*. Scribe, « Aut Cassan-  
 dræ domino non mitior urbis Sau-  
 cius ingesta contumuleris humo. »  
 Quamquam enim ex ipsius Apollo-  
 dori apud Plutarchum somnio de-  
 prehendi quodammodo potest, post  
 detractam vivo pellem in lebetem eli-  
 xum fuisse; nihil impedit tamen post

has pœnas adhuc spirantem terra  
 quoque ingesta fuisse obrutum. Id-  
 que τὸ *Saucius* utcumque designat.  
 Illud præterea in transcurso mo-  
 nendum, scriptores antiquos hunc  
 Apollodorum cum Phalaride fre-  
 quenter conjungere, quod et a No-  
 stro hic factum videmus. Ita certe  
 Plutarchus et Suidas in ἱερὸνυμος,  
 Polyb. lib. VI, in Excerptis Vale-  
 sianis; Diodorus Siculus in iisdem;  
 Dio Chrysostomus, Oratione secun-  
 da; Themistius, Oratione nona; Ci-  
 cero, lib. III de Natura Deorum;  
 Seneca, de Beneficiis, lib. VII,  
 cap. 19; et lib. II de Ira, cap. 4.  
 Atque hæc de Apollodoro dicenda  
 videbantur : quæ obscuro hactenus  
 nec intellecto Nasonis loco lucem  
 adlatura confido. H.

50. *Mitibus aut. Artibus aut* duo;  
*Mollibus aut* tres.

53. *Foret unicus vates*. Foret solus  
 poeta; Orpheus enim Thrax fuit,  
 poetaque et theologus excellentis-  
 simus.

54. *Bistonis terra*. Terra Thraciæ,  
 sic dicta a Thraciæ stagno Bistonio,  
 Abderæ urbi vicino. — *Est superba*.  
 Est nobilis. MER.



Utque tibi est animus, quum res ita postulat, arma 55  
 Sumere, et hostili tingere cæde manum;  
 Atque, ut es, excusso jaculum torquere lacerto,  
 Collaque velocis flectere doctus equi;  
 Tempora sic data sunt studiis ubi justa paternis,  
 Utque suis humeris forte quievit opus; 60  
 Ne tua marcescant per inertes otia somnos,  
 Lucida Pieria tendis in astra via.  
 Hæc quoque res aliquid tecum mihi fœderis adfert:  
 Ejusdem sacri cultor uterque sumus.  
 Ad vatem vates orantia brachia tendo, 65  
 Terra sit exiliis ut tua fida meis.  
 Non ego cæde nocens in Pontica litora veni;  
 Mistave sunt nostra dira venena manu:

55. *Res ita postulat. Res expostulat* Leidensis.

57. *Ut es*, id est, *statim*, ut occasio se dat, non sumpto spatio ad meditandum, aut vestes, aut habitum mutans, ut passim ita *sicut, velut est*. BURM. — Micyllus autem durius illud esse dicit, *Utque est animus doctus torquere jaculum, et flectere colla equi*; quando ea res non animo, sed manibus geritur.

59. *Tempora sic studiis*. Quando, inquit, patris tui studiis et bellicæ exercitationi operam dedisti, et humeris tuis sustentasti molem et negotia regni paterni; ne per somnum, aut ignaviam corpus marcescat, poetica facultate tibi immortalitatem comparas. — *Ubi justa. Ut justa* duo veteres. HEINS.

60. *Atque tuis humeris forte quievit opus. Utque* rectius veteres quatuor; et *suis humeris* Sarrav. Argent. et Combii. *Opus* præterea in antiquis octo, aut decem: sed frustra; Trist. III, El. II, vers. 17: « Ut via finita

est, et opus requievit eundi. » Scribe, « Utque suis numeris forte quievit opus, » vel, *Atque suis numeris. Numeri operis* hic dicuntur, ut Met. VII, 8: « Lexque datur numeris magnorum horrenda laborum; » quæ ibi vera est scriptura *per numeros*. Metam. lib. VII, vs. 126: « Perque suos intus numeros componitur infans. » Ita enim scribendum in Trist. lib. V, Eleg. XIII, vs. 10: « quumque Per numeros omnes hoc tueare caput. » *Numeros sceleris* dixit in Ibide, vers. 184; « Ut careant numeris tempora prima suis, » Trist. I, El. VII, vers. 48. H.

66. *Ut tua terra*. Ut Tomitana urbs, relegationis meæ sedes.

67. *In Ponti litora veni. In Pontica* Polit. unus Voss. et unus Vatic. bene: sic *Pontica tellus*, lib. III, Eleg. I, vers. 7; *Pontica terra*, lib. II, El. VII, vs. 68, et lib. IV, El. IX, vs. 124; *Ponticus Ister*, lib. III, Eleg. II, vers. 44; ut illic opinor castigandum. H.

Nec mea subjecta convicta est gemma tabella

Mendacem linis imposuisse notam.

70

Nec quidquam, quod lege veter committere, feci:

Et tamen his gravior noxa fatenda mihi est.

Neve roges quid sit; stultam conscripsimus Artem:

Innocuas nobis hæc vetat esse manus.

Ecquid præterea peccarim, quærere noli;

75

Ut pateat sola culpa sub Arte mea.

Quidquid id est, habui moderatam vindicis iram:

Qui, nisi natalem, nil mihi demsit, humum.

Hac quoniam careo, tua nunc vicinia præstet,

Inviso possim tutus ut esse loco.

80

69. *Non mea subjecta convicta est gemma tabella Mendacem ceris imposuisse notam. Linis imposuisse scribendum cum Sarrav. Scaligeri codice, Argent. et uno Vaticano: vincula linea intelligit quæ tabellis obsignandis adhiberi solita: lini enim usus in obsignandis tabellis notus: multi veterum lignis, quod Cujacio Observ. lib. XI, cap. 14, placebat; alii signis; Barberin. tabulis; alius chartis: præterea priori versu, fallaci convicta est gemma sigillo, Scaligeri codex: quod et Cujacius in suis videbatur invenisse. HEINS. — Gemma mea. Meus annulus et sigillum, tanquam falso signaverim testamenta. — Subjecta tabella. Subposita testamentaria tabella.*

70. *Mendacem notam. Falsum sigillum. Hi autem a Romanis deprehensi et convicti, mittebantur in exsilium.*

71. *Quod lege veter. Veter ex melioribus. H.*

72. *Est tamen his gravior noxa fa-*

*tenda mihi. Et tamen noxa fatenda mihi est rectius tres veteres.*

73. *Neve roges quæ sit stultam quam scripsimus artem. Malo cum quatuor antiquis, « Neve roges quid sit; stultam conscripsimus Artem. » H.*

75. *Et quid. Ecquid Sarrav. Merdonii unus cum prima editione; quod probant Heinsius et Burmannus.*

76. *Ut pateat. Malim lateat, cum Puteaneo et undecim aliis: studiose enim semper verum crimen celat.*

77. *Quidquid id est. Qualecumque est id, cujus causa relegatus sum. — Habuit moderatam vindicis iram. Habui præstat cum nonnullis. H.*

78. *Nil. Nihil aliud. Intelligit autem fortunas, quæ exsilibus adimebantur, sibi relictas. — Nisi natalem humum. Nisi solum Romanum, ubi educatus sum, mittendo me in exsilium.*

79. *Tua vicinia. Tui populi vicini Tomitanæ urbi. MER. — Tua nunc vicinia. Propter vicinitatem hoc mihi præsta beneficium. PONT.*

## EPISTOLA X.

MACRO.

## ARGUMENTUM.

Ad Macrum poetam scribens, multis indiciis ostendit, debere eum esse memorem sui, et pristinae amicitiae: cujus fructus et amoris signa, si illi in mentem venerint, dicit se absentem futurum illi tanquam praesentem semper ante oculos: quod ut ipse quoque efficiat impense precatur poeta.

ECQUID ab impressae cognoscis imagine gemmae

Haec tibi Nasonem scribere verba, Macer?

Auctorisque sui si non est annulus index,

Cognitane est nostra litera facta manu?

An tibi notitiam mora temporis eripit horum?

Nec repetunt oculi signa vetusta tui?

Sis licet oblitus pariter gemmaeque manusque,

Exciderit tantum ne tibi cura mei.

Quam tu vel longi debes convictibus aevi,

Vel mea quod conjux non aliena tibi;

Vel studiis, quibus es, quam nos, sapientius usus;

Utque decet, nulla factus es Arte nocens.

Tu canis aeterno quicquid restabat Homero,

1. *Imagine cerae.* Gemmae Fragm. Boxhormii et Francof. quamvis vero vulgatam defendi posse sciam, rectius tamen meo judicio gemma dicitur imprimi, quam cera, cui gemma imprimit imaginem; et hoc confirmatur mox, vers. 7, B.

6. *Nec repetunt.* Nec memoriam

reducunt. — *Signa vetusta.* Antiquam imaginem annuli mei.

11. *Vel studiis.* Subaudi, vel quam curam mei debes communibus studiis: (ut diximus) homines invicem conciliare solent ac debent.

13. *Quidquid restabat.* Quidquid post ea quae ipse composuit, per-



Ne careant summa Troica fata manu.

Naso parum prudens, Artem dum tradit amandi, 15

Doctrinæ pretium triste magister habet.

Sunt tamen inter se communia sacra poetis,

Diversum quamvis quisque sequamur iter.

Quorum te memorem, quanquam procul absumus, esse

Suspikor, et casus velle levare meos. 20

Te duce, magnificas Asiæ perspeximus urbes;

Trinacris est oculis te duce nota meis.

Vidimus Ætnæa cælum splendescere flamma,

Subpositus monti quam vomit ore gigas;

Hennæosque lacus, et olentia stagna Palici, 25

manebat; Homerus enim bellum Trojanum descripsit usque ad mortem Hectoris.

14. *Troica bella. Facta* duo veteres. Forte, *Troia fata*, ut, *Illivicta suis Troia fata canunt*. H.

18. *Diversum iter*. Quia Macer heroico carmine, Ovidius elego florebat.

19. *Esse memorem*. Quia Macer viderat Ovidii poemata, et illum ejusdem studii et sacrorum cultorem amabat, antequam in exilium proficisceretur. M. — *Quorum te memorem*. Sive quarum rerum, videlicet, quod sacra poetis inter se communia sunt, etiam si ipsi inter se diversa scribendi genera sequuntur, te memorem esse puto, eoque velle casus meos levare. MICYL.

21. *Te duce*. Cum Macro enim in Asiam navigavit poeta, et in Siciliam. — *Asiæ perspeximus urbes*. Patavinum *perreximus*. FABRIC. — *Prospeximus* plurimi.

22. *Te duce visa meis. Nota* meliores constanter. H.

24. *Subpositus monti*. Fingunt poetæ a Jove fulminatum Typhæum;

et ut cecinit in Metam. lib. V, vs. 346 sqq: « Vasta gigantæis injecta est insula membris Trinacris, et magnis subjectum molibus urget Æthereas ausum spectare Typhoëa sedes: Nititur ille quidem, pugnatque resurgere sæpe, etc. sed, Degravat Ætna caput: sub qua resupinus arenas Ejectat, flammisque fero vomit ore Typhæus. »

25. *Hennæosque lacus; et olentia stagna Palici. Hennæosque* Sarrav. Argent. et unus Vatic. duo alii *Ennæosque*. Dictum de hac voce multis ad Raptum Proserpinæ Claudiani. Præterea scribendum *Palicos*, ut sit adpositio: vidimus Palicos stagna olentia. *Stagna Palicorum* dixit Metam. V. Sic apud Græcos semper *Λίμνη Παλίκων*, et *κρατῆρες Παλίκων*; etiam *Παλικινὴ κρηνὴ*: nam duos fratres Deos Palicos fuisse constat. Virgilio tamen, Æneid. X; *placabilis ara Palici*. Sed et illic quoque per adpositionem sumi potest. Posset et legi, *olentia stagna Palicen*, ut ad oppidum *Παλίκην*, stagno vicinum, innuat. Adi Siciliam accuratissimi Cluverii. H.

Quaque suis Cyanen miscet Anapus aquis.  
 Nec procul hinc Nymphen, quæ, dum fugit Elidis amnem,  
 Tecta sub æquorea nunc quoque currit aqua.  
 Hic mihi labentis pars anni magna peracta est.  
 Eheu, quam dispar est locus ille Getis! 30  
 Et quota pars hæc sunt rerum, quas vidimus ambo,  
 Te mihi jucundas efficiente vias!  
 Seu rate cæreuleas picta sulcavimus undas;  
 Esseda nos agili sive tulere rota  
 Sæpe brevis nobis vicibus via visa loquendi; 35  
 Pluraque, si numeres, verba fuere gradu.  
 Sæpe dies sermone minor fuit; inque loquendum  
 Tarda per æstivos defuit hora dies.  
 Est aliquid, casus pariter timuisse marinos;

26. *Quaque suis Cyanen etc.* Per omnia subauditur; *Vidimus*. Cyane autem nympha fuit Sicula, socia Proserpinæ, quæ ob raptam a Plutone Proserpinam adeo flevit, ut in fontem sui nominis mutata fuerit: fabulam plenius refert Ovid. *Metam.* lib. V.

27. *Nec procul hinc Nymphen.* *Nymphen* scribe. Præcedenti versu *Anap-  
 is* quidam veteres; sic et libro V *Metam.* et alibi variant. Græcis tamen Ἀναπὸς constanter dicitur. H.  
 — *Nec procul hinc Nymphen.* Arethusam dicit. Arethusa autem virgo fuit venatrix, comes Dianæ, quæ, quum æstu fatigata, se in Alpheo flumine lavaret, dum Deus illa amata potiri cupit, aufugit. Ille vero dum pertinacius insequitur, Arethusa, implorato Dianæ subsidio, in fontem sui nominis conversa est. Cujus undis quum Alpheus commiscere se vellet, illa vero per subterraneos meatus diffugeret, usque in Siciliam prosecutus est. M.

28. *Currit aqua.* Manat prior Thua-neus. HEINS.

30. *Heu quantum dispar!* Multi veteres, *Heu, heu, quam dispar!* *Eheu quam dispar* SARRAV. ARGENT. et decem alii; totidem, *Hei mihi quam dispar*, ut EPIREDIO DRUSI: « Hei mihi, quam dispar huic fuit illud iter. »

32. *Te mihi jucundas efficiente vias!* Dictumne est hoc juxta illud Publilii, « Facundus comes in via pro vehiculo est. »

35. *Vicibus loquendi.* Alternatim sermonem habendo, fecit ut iter nobis breve videretur.

36. *Fuere plura gradu.* Fuere numerosiora ipsis gressibus et gradibus nostris. MER.

37. *Sæpe dies sermone minor fuit.* Dies sæpe visus fuit brevior sermone.—*Inque loquendo.* *Loquendum* SARRAV. ARGENT. et quinque alii. H.

38. *Dies tarda.* Dies ipsa, quæ per ætatem est tardior et longior.

39. *Casus pariter timuisse mari-*

Junctaque ad æquoreos vota tulisse Deos : 40  
 Et modo res egisse simul ; modo rursus ab illis ,  
 Quorum non pudeat , posse referre jocos.  
 Hæc tibi si subeant , absim licet , omnibus horis  
 Ante tuos oculos , ut modo visus , ero.  
 Ipse quidem extremi quum sim sub cardine mundi , 45  
 Qui semper liquidis altior exstat aquis ,  
 Te tamen intueor , quo solo pectore possum ,  
 Et tecum gelido sæpe sub axe loquor.  
 Hic es , et ignoras , et ades celeberrimus absens ;  
 Inque Getas media visus ab urbe venis. 50  
 Redde vicem ; et , quoniam regio felicior ista est ,  
 Illic me memori pectore semper habe.

*nos.* Simul fuisse in aliquo mortis periculo , ut nos , qui inter navigandum in Asiam pæne naufragium fecimus.

40. *Juncta vota.* Vota simul facta in ea tempestate.

43. *Hæc tibi si subeant.* Hæc supra dicta simul acta si tibi in mentem veniant. — *Hic sim licet omnibus annis.* Absens nonnulli veteres ; *absim* Junianus : recte. Sarravian. *ipsam* , mendose ; Argent. *licet hic sim*. Malo præterea cum Rottendorph. et duobus aliis , *omnibus horis* : sic lib. III , Eleg. v , vers. 47 : « Te nisi momentis video pæne omnibus absens. » H.

44. *Ut modo visus.* Ita memineris mei , quasi paulo ante abs te discessim. PONT.

45. *Ipse quidem certe quum sim sub cardine mundi.* Sic Sarrav. cum vulgatis et ex scriptis multi ; mendose haud dubie. Twisdenius *toto* ; quinque *certo* ; Excerpta Scaligeri et duo ex nostris *extremi* ; etiam bene : unus cum Arondeliano *extremo* ; quatuor *positas*. H.

46. *Altior exstat aquis.* Hoc est , qui nunquam mergitur Oceano , aut occidit ; quemadmodum et de stellis , quæ circa eundem sunt , diximus supra lib. Hinc et Virgil. dixit , Georg. I , vers. 242 : « Hic vertex nobis semper sublimis , at illum Sub pedibus Styx atra videt. »

50. *Missus ab urbe venis.* Jussus Sarrav. Argent. et octo alii ; plurimi *visus* , quod sequor : superiori versu , pro *sed ades* , meliores *et ades*.



## EPISTOLA XI.

RUFO.

## ARGUMENTUM.

Ad Rufum Fundanum, uxoris suæ avunculum, hanc epistolam scribit poeta: cujus merita dicit se habere in memoria, quamvis sit longissimo intervallo remotus. Demum Deos precatur, ut illi meritas gratias referant.

Hoc tibi, Rufe, brevi properatum tempore mittit  
 Naso, parum faustæ conditor Artis, opus:  
 Ut, quanquam longe toto sumus orbe remoti,  
 Scire tamen possis nos meminisse tui.  
 Nominis ante mei venient oblivia nobis, 5  
 Pectore quam pietas sit tua pulsa meo.  
 Et prius hanc animam vacuas reddemus in auras,  
 Quam fiat meriti gratia vana tui.  
 Grande voco lacrymas meritum, quibus ora rigabas,  
 Quum mea concreto sicca dolore forent. 10  
 Grande voco meritum, mœstæ solatia mentis,  
 Quum pariter nobis illa tibi que dares.  
 Sponte quidem, per seque mea est laudabilis uxor;  
 Admonitu melior fit tamen illa tuo.  
 Namque quod Hermiones Castor fuit, Hector Iuli, 15

5. *Venient oblivia nobis. Veniant octo veteres. H.*

11. *Mœstæ solatia mentis.* Consolationes tuas adhibitas conturbatæ et consternatæ menti meæ propter relegationem.

14. *Admonitu tuo.* Tuo consilio.—  
*Fit melior.* Redditur magis pudica hoc tempore quo ab urbe absumus.

15. *Namque quod Hermione Castor fuit.* Hermione filia fuit Helenæ, sororis Castoris. Castor ergo avun-

Hoc ego te lætor conjugis esse meæ.  
 Quæ, ne dissimilis tibi sit probitate, laborat;  
 Seque tui vita sanguinis esse probat.  
 Ergo, quod fuerat stimulis factura sine ullis,  
 Plenius auctorem te quoque nacta facit. 20  
 Acer, et ad palmæ per se cursurus honores,  
 Si tamen horteris, fortius ibit equus.  
 Adde, quod absentis cura mandata fideli  
 Perficis, et nullum ferre gravaris onus.  
 O referant grates, quoniam non possumus ipsi, 25  
 Dî tibi! qui referent, si pia facta vident.  
 Sufficiatque diu corpus quoque moribus istis,  
 Maxima Fundani gloria, Rufe, soli.

culus fuit Hermiones.—*Hector Iulo.* Hector frater fuit Creusæ, uxoris Æneæ, avunculus Ascanii, qui etiam Iulus adpellatus fuit. — *Hermionæ* Castor fuit, *Hector Iulo.* Hector illi Sarrav. Lege *Iuli*; quomodo Argent. et Combii, cum Twisdenio et Barberino. *Hermiones* præterea scribendum cum Barberino. et Juniano.

17. *Quæ ne dissimilis tibi sit.* Quæ mea uxor, ut mores tuos imitetur.

18. *Esse tui sanguinis.* Esse tui generis. — *Vita.* Vitæ honestate, et recte vivendo, ut tu facis.

16. *Sine ullis stimulis.* Sine tuo,

aut cujusquam suasu et hortamine.

21. *Ad honores palmæ.* Ad victoriam curulem.

23. *Mandata absentis.* Quæ a me absente tibi mandantur.

25. *Ore ferant grates.* O referant cum scriptis. Argent. *Et referant.* Forte, *At referant.* H.

26. *Si pia fata vident.* Si vident quæ a te pie pro me geruntur.

27. *Sufficiat diu.* Diu duret et subministret.

28. *Soli Fundani.* Fundi oppidum fuit Campaniæ, patria hujus Rufi, ad quem scribit Ovidius.

---

# PUBLII OVIDII NASONIS

## EPISTOLARUM

# EX PONTO

## LIBER TERTIUS.

---

### EPISTOLA PRIMA.

---

#### UXORI.

---

#### ARGUMENTUM.

Calamitatum exilii sui impatiens ab uxore flagitat, ut bonæ conjugis famam tueatur, et a Cæsaris conjugē impetrare toto pectore nitatur, ut cum Pontica tellure minus hostilem locum marito mutare liceat.

ÆQUOR Iasonio pulsatum remige primum,  
Quæque nec hoste fero, nec nive terra cares;  
Ecquod erit tempus, quo vos ego Naso relinquam,  
In minus hostilem jussus abire locum?  
An mihi Barbaria vivendum semper in ista?  
Inque Tomitana condar oportet humo?

5

1. *Æquor pulsatum.* O mare Ponticum remis erutum et agitatum.—*Iasonio remige.* Nautis Jasonis, qui per mare Ponticum primum navigavit, quum Argo navi profectus est ad rapiendum aureum vellus.—*Iasonio remige primum æquor pulsa-*

*tum.* Amor. lib. II, Eleg. XI, vs. 1, *prima pinus*; et Epist. XII Heroid. vs. 13, *nova pinus*. Quod, quomodo sit accipiendum, invenies in annotationibus nostris.

3. *Ecquod*; *Ecquid* Jun. et plurimi; *En quid* MS. Bersm.



Pace tua, si pax ulla est tibi, Pontica tellus,

Finitimus rapido quam terit hostis equo;

Pace tua dixisse velim; tu pessima duro

Pars es in exilio; tu mala nostra gravas.

10

Tu neque ver sentis, cinctum florente corona;

Tu neque messorum corpora nuda vides.

Nec tibi pampineas autumnus porrigit uvas:

Cuncta sed immodicum tempora frigus habent.

Tu glacie freta vincta tenes; et in æquore piscis

15

Inclusus tecta sæpe natavit aqua.

Nec tibi sunt fontes, laticis nisi pæne marini;

Qui potus dubium sistat alatne sitim.

Rara, neque hæc felix, in apertis eminet arvis

Arbor; et in terra est altera forma maris.

20

Non avis obloquitur; silvis nisi si qua remotis

7. *Si pax ulla est tua. Est tibi rectius nonnulli.* HEINS.

14. *Tempora frigus habent. Habet cum quibusdam.* HEINS.

15. *In æquore piscis inclusus.* In ore paludis Mæoticæ, ut est auctor Strabo, tanta est glaciei vis, ut destituti in glacie pisces ligonibus effodiantur.

19. *Felix.* Fecunda, et ferens fructus. M. — Adlusum ad illud, *infelicitibus ustulanda lignis.* D. — *Raraque nec felix unus; nec hic decem.*

20. *Et in terra est altera forma maris.* Non satis hoc adsequor; nisi respondendum est forsitan *æmula forma mari*: sic apud Martialem: « Pœstannis æmula labra rosis. » H. — Sensus est: ita sterilis et vacua ipsa terra est, ut formam ac speciem maris intuentibus præbeat, in quo neque arbores, neque fruges ullæ nascuntur. Non enim ad planitiem tantum respexisse poetam, sed ad sterilitatem

et vacuitatem magis existimo.

21. *Non avis obloquitur silvis.* Expono: nec avis ulla obloquitur silvis, hoc est, cantat, nisi si qua forte in extremis, et ab usu hominum remotis silvis, hoc est, in solitudinibus potando aquam marinam, edit sonitum aliquem gutture. Ex quo illud intelligi poeta videtur vellem, nullas omnino aves illic esse, præter maritimas, easque circa extrema litora et solitudines versari. MICYL. — Aut recipienda distinctio Micylli, aut locus corruptus est: nam quis unquam vidit in remotis silvis avem potare aquam æquoream? et præterea sæpe queritur Naso, nullas arbores esse in loco, quod egebat; quare ego mallet legere: « Non avis obloquitur; silvis nisi si qua relictis Æquoreas rauco gutture potat aquas. » Verba illa *remotis* et *relictis* sæpe confusa. Relinquant vero silvas et Mediterra-

Æquoreas rauco gutture potat aquas.

Tristia per vacuos horrent absinthia campos,

Conueniensque suo messis amara loco.

Adde metus, et quod murus pulsatur ab hoste, 25

Tinctaque mortifera tabe sagitta madet;

Quod procul hæc regio est, et ab omni devia cursu;

Nec pede quo quisquam, nec rate tutus eat.

Non igitur mirum, finem quærentibus horum

Altera si nobis usque rogatur humus. 30

Te magis est mirum non hoc evincere, conjux;

Inque meis lacrymas posse tenere malis.

Quid facias, quæris? quæras hoc scilicet ipsum;

Inuenies, vere si reperire voles.

Velle parum est: cupias, ut re potiaris, oportet; 35

Et faciat somnos hæc tibi cura breues.

nea aves frigore ingruente, ut maris aquam, quæ non tam cito congelascit, bibant. BURM.

22. *Potat aquas. Potet multi.*

23. *Tristia absinthia.* Amaræ illæ herbæ, quarum copia maxima est in Ponto. Et Ovid. etiam scribit, herbas veneficiis aptas in Ponto lectas fuisse. — *Horrent.* Horrida videntur, squalida et inculta. — *Per campos vacuos.* Per campos sine ullis arboribus.

24. *Conueniens suo loco.* Conueniens regioni Ponticæ infructuosæ.

25. *Murus.* Lapidæus ambitus Tomicanæ civitatis.

27. *Quam procul hæc regio est.* Quo Sarrau. Scribe *Quod* cum Twisdenio, quatuor aliis, et prima editione. H. — *Et ab omni devia cursu.* Et remota ab omni navigatione: nemo enim fere navigat in plagam illam septemtrionalem incultam, et desertam.

28. *Nec pede quo quisquam, nec rate tutus eat.* Propter latrocinia. Peregrini enim, sive mari, sive terra in Pontum perveniunt, ab incolis feris et immanibus trucidantur.

30. *Altera humus.* Altera terra et mitius exilium.

31. *Hæc non evincere te.* Hæc mala, quæ patior, non flectere animum tuum ad misericordiam: et ideo mitiorem ab imperatore pro me exilii locum petere deberes.

33. *Quid facias, quæris.* Quid pro me agendum sit, interroga.

35. *Cupias, ut re potiaris, oportet.* Scribe *ut spe potiaris*, vel contra libros veteres: sic et *potiri votis* passim apud Nostrum. H. — Non satis, inquit, fuerit velle pro me aliquid, nisi etiam optaveris. Est autem ordo: oportet cupias, ut potiaris re, hoc est, ut rem adsequaris, ut scilicet transferar in mitius exilium.

36. *Et faciat somnos hæc.* Et oportet

Velle reor multos : quis enim mihi tam sit iniquus ,

Optet ut exsilium pace carere meum ?

Pectore te toto , cunctisque incumbere nervis ,

Et niti pro me nocte dieque decet.

40

Utque juvent alii , tu debes vincere amicos ,

Uxor , et ad partes prima venire tuas.

Magna tibi imposita est nostris persona libellis :

Conjugis exemplum diceris esse bonæ.

Hanc cave degeneres : ut sint præconia nostra

45

Vera fide , famæ quo tuearis opus.

Ut nihil ipse querar , tacito me fama queretur ,

Quæ debet , fuerit ni tibi cura mei.

tet , ut noctu invigiles quid die pro me faciendum sit.

37. *Velle reor multos qui.* Arbitror multos quidem esse , qui , si voluntate possent , aut ea sola sufficeret , me juvare vellent ; sed non satis est velle : verum oportet toto pectore in hanc rem te incumbere : omnemque operam ac diligentiam advertere , etc. MICYL.

38. *Carere pace.* Carere animi tranquillitate ex his curis , in quibus adsidue versor.

43. *Magna persona.* Quasi dicat , magnum nomen.

45. *Nec cave degeneres.* Scripti meliores constanter *Hanc cave degeneres* ; quod verum est ; Metam. VII, vs. 542 : « Acer equus quondam , magnæque in pulvere famæ , Degenerat palmas , » sic et ibi veterimi codices ; Statius , lib. III , Sylv. de Hercule Surrentino , 160 : « Nam capit , et tantum non degenerabit honorem. » Virgil. Georg. II , 59 , quanquam dubie : « Pomaque degenerant succos oblita priores. » Columella , lib. VII , cap. 12 , *Venus , si teneris conceditur , carpit et*

*corpus et vires , animosque degenerat.*

*Degenerare nomen* Capitolinus in Opilio Macrino ; ubi perperam Salmasius *degeniare* , Animadversionum pag. 170 ; Statius , Theb. IV , vers. 148 : « famamque immanis alumni Degenerat ; » ita censeo scribendum : *famaque* nunc circumfertur. Monuit jam de scriptura codicum Ovidianorum Zinzerlingus Promuls. Critic. cap. 13. H. — Ita et apud Quintilianum , lib. XII , 10 , ex MSS : « Quæ velut sata quædam cælum terramque degenerant. »

46. *Famæ opus.* Malim *onus* : præcedenti versu , ut sint rectius vetusti codices , quam *et sint*. H.

47. *Tacito me fama queretur , Quæ debet.* Juste enim incusamus uxorem , quum ab ea conspiciamus maritum deseri.

48. *Fuerit ni tibi cura mei.* Ni mihi opitulari curaveris. MER. — *Quæ debet , fuerit ni tibi cura mei.* Tu sic construe : Ut ego taceam , tamen fama queretur et loquetur de te nisi tibi cura ea , quæ debet , de me fuerit ; ut comma , Quæ debet , ad sequentia referatur. Est enim *ἐπιτε-*



Exposuit mea me populo fortuna videndum,  
 Et plus notitiæ, quam fuit ante, dedit. 50  
 Notior est factus Capaneus a fulminis ictu;  
 Notus humo mersis Amphiaraus equis;  
 Si minus errasset, notus minus esset Ulysses;  
 Magna Philoctetæ vulnere fama suo est.  
 Si locus est aliquis tanta inter nomina parvis, 55  
 Nos quoque conspicuos nostra ruina facit.  
 Nec te nesciri patitur mea pagina; qua non  
 Inferius Coa Battide nomen habes.  
 Quicquid ages igitur, scena spectabere magna;  
 Et pia non parvis testibus uxor eris. 60  
 Crede mihi: quoties laudaris carmine nostro,  
 Quæ legit has laudes, an mereare, rogat.  
 Utque favere reor plures virtutibus istis,  
 Sic tua non paucæ carpere facta volent.  
 Quare, tu præsta, ne livor dicere possit: 65

*Εατος*, quod commentatori imposuisse videtur. *ΜΙCΥΛ*.

49. *Exposuit memet populis fortuna videndum. Populo scripti; Exposuit mala populo* Argent. quidam *memet*. Scribe: « Exposuit mea me populo fortuna videndum. » H.

50. *Et dedit plus notitiæ.* Et tribuit mihi plus famæ: me enim hæc mea calamitas magis notum fecit, quam prius fuerim.

51. *Notior est factus Capaneus. Es factus Capaneu* alter Medonii. H.

52. *Notus humo mersis Amphiaraus equis.* Amphiarai fabulam refert Diodorus: et nos in Ovidium de Arte amandi. — *Mersis humo.* Terræ enim hiatu Amphiaraus cum equis et curru absorptus est.

57. *Quæ non. Quæ non* cum scriptis.

58. *Coa Battide.* Philetas, ex Co-

insula oriundus, quem Strabo aliorum scriptorum iudicem severissimum fuisse tradit, Battida amavit, et eam carmine laudavit.

59. *Scena magna.* Magno theatro, et hominum frequentia.

60. *Non paucis testibus.* Quia multos habebis testes tuæ erga me fidei. — *Parvis testibus.* Alii *paucis*; nil muta: sic Pastor. IV, 203: « pro magna teste vetustas Creditur. » H. *Parvi*quidem et *magni* testes optime dicuntur: sed *paucis* hic reddendum, propter sententiam versus prioris. AUCT. ELECT. ET. Nostri, *parvis*.

62. *Qui legit.* Francofurt. *Quæ legit*; non male, ut agat de mulieribus, quæ aliarum laudes non libenter legunt, sed cupide detrectant. Et ita *non paucæ* sequitur.

65. *Quarum tu præsta.* Scribe cum

Hæc est pro miseri lenta salute viri.  
 Quumque ego deficiam, nec possim ducere currum,  
 Fac tu sustineas debile sola jugum.  
 Ad medicum specto, venis fugientibus æger:  
 Ultima pars animæ dum mihi restat, ades. 70  
 Quodque ego præstarem, si te magis ipse valerem,  
 Id mihi, quum valeas fortius, ipsa refer.  
 Exigit hoc socialis amor, fœdusque maritum;  
 Moribus hoc, conjux, exigis ipsa tuis.  
 Hoc domui debes, de qua censeris, ut illam 75  
 Non magis officiis, quam probitate, colas.  
 Cuncta licet facias, nisi sis laudabilis uxor,  
 Non poterit credi Marcia culta tibi.  
 Nec sumus indigni; nec, si vis vera fateri,  
 Debetur meritis gratia nulla meis. 80  
 Redditur illa quidem grandi cum fœnore nobis,  
 Nec te, si cupiat lædere, livor habet.  
 Sed tamen hoc factis adjuuge prioribus unum,

uno Vaticano: « Quare, tu præsta, ne livor dicere possit. » H.

67. *Quumque ego deficiam.* Et quum mihi vires desint. — *Nec possim ducere currum.* Tanquam auriga; hoc est, nec possim rebus meis præesse, quia ab urbe absum.

68. *Debile jugum.* Res meas debiles et adflictas.

69. *Ad medicum specto.* Ad te confugio, tanquam ægroti ad medicum. — *Venis fugientibus.* Deficiente spiritu et sanguine. Qua similitudine dicit parum vitæ sibi superesse. MER.

75. *Hoc domui debes.* Familiæ tuæ, quæ erga suos officiosa est, fidem debes imitari. — *De qua censeris.* Ad quam pertines, de qua numeraris in censu. Unaquæque enim familia,

et totus populus censebatur. MER.

76. *Non minus officiis.* Non magis plerique veteres; quod verum est. H. — *Non minus officiis.* Pro eo quod est: non solum proba, sed et officiosa erga me esse debes. MICYL.

77. *Nisi eris laudabilis uxor.* Paulo durius hoc. Scribe *nisi sis laudabilis* et *Marcia* mox pro *Martia*; atque ita Arondelianus. HEINS.

78. *Non poterit credi Marcia culta tibi.* Marcia filia fuit Philippi, quam Cato posterior uxorem duxit post divortium Attiliæ. Eam deinde ille Q. Hortensio concessit: de qua multa Lucanus. Hanc igitur ut castissimam matronam coluit uxor Ovidii. MER.

82. *Rumor habet.* *Livor* rectius multi veteres. HEINS.

Pro nostris ut sis ambitiosa malis.

Ut minus infesta jaceam regione, labora : 85

Clauda nec officii pars erit ulla tui.

Magna peto, sed non tamen invidiosa roganti :

Utque ea non teneas, tuta repulsa tua est.

Nec mihi succense, toties si carmine nostro,

Quod facis, ut facias, teque imitere, rogo. 90

Fortibus adsuevit tubicen prodesse, suoque

Dux bene pugnantes incitat ore viros.

Nota tua est probitas, testataque tempus in omne :

Sit virtus etiam non probitate minor.

Non tibi Amazonia est pro me sumenda securis, 95

Aut excisa levi pelta gerenda manu.

Numen adorandum est; non ut mihi fiat amicum,

84. *Ut sis ambitiosa.* Ut sis capta-  
trix favoris et misericordiæ. MER.  
Vel ut in obtinenda mihi exsili mut-  
tatione omnibus laudem præripias,  
et videare ejus rei adfectare prin-  
cipatum. PONT.

86. *Clauda nec officii pars erit ulla  
tui.* Si hoc mihi, inquit, præstite-  
ris, nullam officii tui partem desi-  
derabo; et omni ex parte perfectum  
erit officium tuum.

87. *Sed non tamen invidiosa ro-  
ganti.* Sed tamen nullam tibi invi-  
diam et detractionem, seu odium  
conciliatura.

88. *Utque ea non teneas.* Et quam-  
vis non obtineas quæ pro me petes.  
— *Tuta repulsa tua est.* Si rejicieris  
re infecta, nihil ob id tibi mali con-  
tinget.

90. *Ut facias quod facis.* Ut mihi  
opituleris, quemadmodum facis. —  
*Teque imitere.* Et rogo etiam, ut ve-  
lis mores et naturam tuam imitari,  
qua soles sponte semper de omnibus  
bene mereri.

91. *Fortibus adsuevit tubicen pro-  
desse.* Quemadmodum in bello tu-  
bicen cantu fortes milites accendit,  
et bonus etiam imperator oratione  
alacriores reddit: sic se dicit eo mo-  
do uxorem sponte incitatam etiam  
hortari.

94. *Sit virtus etiam non probitate  
minor.* Versus merito suspectus mi-  
hi. H. — Videtur tamen purgatu fa-  
cilis. *Probitatem*, id est mores et  
affectum laudat; *virtutem*, id est  
fortitudinem aliquantum desiderat:  
id ~~alibi~~ quod præcessit, *tuta re-  
pulsa tua est*: sequentia vero aper-  
tius declarant; illud præcipue, *Quid  
trepidus, et adire times*.

95. *Nec tibi Amazonia est.* Tò est  
multi codices non agnoscunt. Forte  
*Amazonias securis*. Græca enuntia-  
tione. HEINS.

96. *Aut pelta excisa.* Aut scutum  
ad similitudinem lunæ jam mediæ,  
quo Amazones utebantur.

97. *Numen adorandum est.* Per nu-  
men, Augustum intellige. Docet



Sed sit ut iratum, quam fuit ante, minus.  
 Gratia si nulla est, lacrymæ tibi gratia fient :  
 Hac potes, aut nulla, parte movere Deos. 100  
 Quæ tibi ne desint, bene per mala nostra cavetur ;  
 Meque viro flendi copia dives adest.  
 Utque meæ res sunt, omni, puto, tempore flebis :  
 Has fortuna tibi nostra ministrat opes.  
 Si mea mors redimenda tua, quod abominor, esset, 105  
 Admeti conjux, quam sequereris, erat.  
 Æmula Penelopes fieres, si fraude pudica  
 Instantes velles fallere nupta procos.  
 Si comes extincti manes sequerere mariti,  
 Esset dux facti Laodamia tui. 110  
 Iphias ante oculos tibi erat ponenda, volenti  
 Corpus in accensos mittere forte rogos.  
 Nil opus est leto, nil Icariotide tela ;

autem, quid ab uxore fieri debeat.

99. *Gratia fiant.* Fient scripti meliores : et mox, *Meque viro* pro *Deque*. H. — *Lacrymæ tibi gratia fient.* Incipias lacrymis apud imperatorem agere, quæ erunt loco gratiæ : tunc enim flectetur ad misericordiam, et eo pacto omnia quæ voles, obtinebis.

101. *Quæ tibi ne desint.* Ne illæ lacrymæ deficient. — *Bene per mala nostra cavetur.* Quæ si in memoria habueris, et ante oculos, subpetent tibi lacrymarum flumina.

105. *Mea mors.* Sors tres libri ; mihi sors unus.

106. *Admeti conjux* etc. Alcestis, Pelia filia, uxorque Admeti regis, ita maritum amavit, ut pro eo mori non dubitavit.

107. *Æmula Penelopes fieres.* Fieres ejusdem rei studiosa, cujus fuit Penelope. — *Fraude pudica.* Pene-

lope, coacta multis precis eam uxorem petentibus, absente marito alicui nubere, se id quidem facturam recepit, ni Ulysses veniret toto eo tempore, quo telam cœptam absolvisset. Hac autem arte eos elusit : quidquid enim die toto laboraverat, id nocte retexebat. Interim Ulysses rediit, et Penelope eo astu fidem marito servavit, et habita fuit pudicissima.

108. *Instantes* etc. Procos te uxorem petentes, quemadmodum Penelopen.

109. *Manes extincti mariti.* Manes mortui Protesilai.

111. *Iphias ante oculos.* Evadne, Iphia filia, se in ardentem Capanei mariti rogum, ob nimium amorem, præcipitavit. — *Tibi erit ponenda.* Erat rectius nonnulli. H.

113. *Morte nihil opus est.* Ne peccetur in leges metri, scribe cum

Cæsaris at conjux ore precanda tuo ;  
 Quæ præstat virtute sua, ne prisca vetustas 115  
 Laude pudicitæ sæcula nostra premat ;  
 Quæ Veneris formam, mores Junonis habendo,  
 Sola est cælesti digna reperta toro.  
 Quid trepidas? quid adire times? non impia Progne,  
 Filiave Æetæ voce movenda tua est : 120  
 Nec nurus Ægypti, nec sæva Agamemnonis uxor ;  
 Scyllaque, quæ Siculas inguine terret aquas ;  
 Telegonive parens vertendis nata figuris ;  
 Nexave nodosas angue Medusa comas.  
 Femina sed princeps, in qua fortuna videre 125

tribus codicibus, *Nil opus est leto*; vide Notas Trist. lib. V, Eleg. ult. vs. 41, ubi monui posse etiam non inconcinne legi, *Morte tibi haud opus est*. Duo alii codices, *Nil opus est morte*. H.—*Icarotide tela*. Tela et fraude Penelopes, Icarii filiae.

114. *Cæsaris conjux*. Livia, Augusti uxor.

116. *Premat nostra sæcula*. Vincat nostrum ævum.

117. *Quæ Veneris formam*. Subaudi habendo. Est autem magna Liviæ laus, quum eam dicat pulchritudine Veneri, moribus vero Junoni comparandam.

118. *Toro cælesti*. Lecto divi Augusti.

119. *Impia Progne*. Crudelis Progne, Terei uxor, quæ filium Itym patri epulandum adposuit, in ultionem sororis Philomelæ, quam ille violaverat.

120. *Filia Æetæ*. Medea filia Æetæ, regis Colchorum.—*Non est monenda tua voce*. Quasi dicat, Adloqueris tu quidem feminam prorsus ab omni crudelitate alienam.

121. *Nec nurus Ægysthi. Ægypti*

scribendum cum Sarraviano, qui Danaï frater fuit : Noster alibi, « Exsulis Ægypti, turba cruenta, nurus. » H.—*Nec nurus Ægypti*. Nec aliqua Danaïdum, quæ maritos omnes una nocte occiderunt, præter Hypermnestram, quæ maritum servavit—*Nec sæva Agamemnonis uxor*. Nec crudelis Clytæmnestra, quæ Agamemnonem maritum occidit.

122. *Scyllaque*. Subaudi, non est roganda. — *Terret inguine*. Virgil. Eclog. VI, 75 sqq : « Candida succinctam latrantibus inguina monstris, Dulichias vexasse rates, et gurgite in alto Ah! timidos nautas canibus lacerasse marinis. »

123. *Telegonive parens*. Circem designat. — *Vertendis figuris*. Mutandis hominibus in monstra.—*Vertendis nota figuris*. Præstantiores omnes nata; probe. H.

125. *In qua fortuna videre* Se probat. In qua femina, fortuna ostendit se non cæcam esse. Quam quidem feminam dignam probitate, et non temere ad principatum evexit: et in quam videns et sciens fortuna tot et tam ampla bona congesserit.

Se probat, et cæcæ crimina falsa tulit :  
 Qua nihil in terris, ad finem Solis ab ortu  
 Clarius, excepto Cæsare, mundus habet.  
 Eligito tempus, captatum sæpe rogandi,  
 Exeat adversa ne tua navis aqua. 130  
 Non semper sacras reddunt oracula sortes;  
 Ipsaque non omni tempore fana patent.  
 Quum status urbis erit, qualem nunc auguror esse,  
 Et nullus populi contrahet ora dolor;  
 Quum domus Augusti, Capitoli more colenda, 135  
 Læta, quod est, et sit, plenaque pacis erit;  
 Tum tibi Dî faciant adeundi copia fiat;  
 Profectura aliquid tum tua verba puta.

126. *Et tulit falsa crimina cæcæ.* Falso cæca adpellata fuit.

128. *Clarius.* Nobilior ipsa Livia.—*Excepto Cæsare.* Excepto Augusto.

129. *Captatam sæpe roganti. Rogandi* meliores. H.—*Captatum sæpe.* Hac in re sæpius a te captatum, et quasi tentatum.

130. *Exeat adversa ne tua navis aqua.* Immo, ut exeat; quomodo, lib. IV, Eleg. IX, 73: « jactate rudentes, Exeat e Stygiis ut mea navis aquis. » *Exstet in adversa* Thuan. forte *Perstet*; Arondel. *Exstat in adversa ne tibi*; unus Vatican. *Ereat*, hoc est, *Hæreat*, quod sensus requirit. H. — Verum mihi pro certo est, *exeat* retinendum, et *adversa aqua* interpretandum, quando aqua fuerit adversa. Ne exeat, inquit, e portu navis, æstu adversante, atque ita difficilem cursum male auspicietur.

131. *Non semper sacras.* Distichon dubiæ fidei; nisi *clarias sortes* fortassis reponi placet. H.—*Sacras sortes.* Sacra responsa.

135. *Quum domus Augusti Capitoli more colenda.* Ut *κακοφωνία* vite-  
 tur, malim: « Quumque Augusta domus Capitoli more colendi; » nam *colendi* Argentinus; vide Notas Trist. III, Eleg. VIII; posset et, *Capitoli in mole colendi*. H. — *Capitoli more.* Eo modo quo Capitolium, quod non colebatur, nisi quum triumphabant, aut in publica aliqua lætitia: ex quo designat, tunc tempus fore verba de se faciendi apud Liviam, quum viderit in ædibus Augusti esse lætitiā aliquam, qualis esse solet in Capitolio.

137. *Tum tibi Dî faciant adeundi copia fiat.* Etiam hic versus mendosus est: Sarrav. *Tum tibi deficiant*; quinque alii *Dî faveant*; *Dî facerit* Argent. alius τὸ *Dî* non agnoscit. H.

138. *Profectura aliquid quum tua verba putes.* Tum meliores; Sarravianus quoque *putas*; ut et alii nonnulli; tres *puta*, bene; nisi *putem* mavis cum Rottendorphiano. H. — Nostri ambo *tum*; sed unus *putas*; alter *puta*, quod merito prætulimus.



Si quid aget majus, differ tua cœpta; caveque

Spem festinando præcipitare meam.

140

Nec rursus jubeo, dum sit vacuissima, quæras:

Corporis ad cultum vix vacat illa sui.

Curia quum patribus fuerit stipata verendis,

Per rerum turbam tu quoque oportet eas.

Quum tibi contigerit vultum Junonis adire,

145

Fac sis personæ, quam tueare, memor.

Nec factum defende meum; mala causa silenda est:

Nil nisi sollicitæ sint tua verba preces.

Tum lacrymis demenda mora est, submissaque terræ

Ad non mortales brachia tende pedes.

150

Tum pete nil aliud, sævo nisi ab hoste recedam:

Hostem fortunam sit satis esse mihi.

Plura quidem subeunt; sed jam turbata timore

Hæc quoque vix poteris ore tremante loqui.

Suspitor hoc damno tibi non fore; sentiat illa

155

Te majestatem pertimuisse suam.

139. *Si quid aget. Ages* Argent. — *Agas* Leidens. *agent* Francof. forte recte: Cæsar scilicet et Livia, cum qua sæpe consilia conferebat.

141. *Nec rursus jubeo.* Duo *rursum*. Latet ulcus. H.

142. *Corporis ad cultum. Ad curam* Sarrav. Scaliger. Argent. Feschii, Arondel. et duo alii. *Medicamin. faciei*, vs. 1: « Discite quæ faciem commendet cura, puellæ. » H.

144. *Per patrum turbam.* Per senatorum multitudinem, dum ad Liviam vadis. *Per rerum turbam*, eleganter Sarrav. quo populi confluxum designat. *Per patriam turbam.* Arondelian. Burmannus mallet, *Per matrum turbam*; nimirum, dum, Augusto in curia cum patribus versante, Livia est stipata matronis.

146. *Personæ quam tueare.* Memento te esse uxorem meam, cui præ omnibus pro me laborandum, et causa mea fidelissime agenda sit.

148. *Nec nisi sollicitæ. Nil nisi meliores.* HEINS.

151. *Tu pete nil aliud, nisi sævo ut ab hoste recedam. Sævo nisi ab hoste iidem, et Tum pete.* H.

152. *Fortunam esse mihi hostem.* Habere fortunam solam inimicam, et non Scythas etiam: vel calamitas mea satis hostiliter me habet.

153. *Sed tu turbata timore.* Multi *sed sunt turbata*; conturbata in fragmento Boxhorniano. H.

154. *Voce tremante.* Ore prima editio, et quinque scripti.

155. *Suspitor hæc. Hoc meliores, et sentiat.*

Nec tua si fletu scindantur verba, nocebit :

Interdum lacrymæ pondera vocis habent.

Lux etiam cœptis facito bona talibus adsit,

Horaque conveniens, auspiciūque favens. 160

Sed prius imposito sanctis altaribus igni,

Tura fer ad magnos vinaque pura Deos.

E quibus ante omnes Augustum numen adora,

Progeniemque piam, participemque tori.

Sint utinam mites solito tibi more, tuasque 165

Non duris lacrymas vultibus adspiciant.

157. *Nec tua si fletu.* Etiam hoc distichon vix pro genuino habendum, ne bis idem dicat : jam enim præcesserat, *Nec lacrymis demenda mora est. Scinduntur pro scindentur sex scripti* : posterior versus ex Epistola Briseidis, vers. 4, conflatus : « Sed tamen et lacrymæ pondera vocis habent. » H.—Potuit tamen hæc quoque scripsisse Noster, neque sic bis idem dixisse. Lacrymare enim possit aliquis, ita tamen ut verba ne interrumpat : neque omittendum, *fletum* non semper esse cum *lacrymis*, neque vero hic est. Vocem nempe aliquam lacrymantis id verbum significat ; Virg. *Æn.* III, vs. 344 : « Talia fundebat lacrymans, longosque

ciebat Incassum fletus. » Phædr. I, fab. ix : « Fletus edens graves lepus. » Val. Flacc. II, vs. 172 : « Condensæ fletus acuunt. » Cicero pro Plancio : « Non modo lacrymulam, sed multas lacrymas et fletum cum singultu videre potuisti. » Noster denique Met. II, 340 : « Nec minus Heliades fletus, et inania morti Munera, dant lacrymas. »

162. *Ad magnos Deos.* Ad Augustum et Liviam.

163. *Augusti numen adora.* Augustum numen meliores ; recte. H.

165. *Sint utinam mites solito tibi more.* Duo solito mihi. Puto solito sibi more ; ut in Epist. Cydippes, vs. 55, *More bonis solito.* H.

## EPISTOLA II.

\* COTTÆ.

## ARGUMENTUM.

Excusat amicos, qui metu dederint terga, non odio; aliorum, et in his Cottæ pietatem et constantiam celebrat, cum laude Orestis et Pyladis, ituram ad posteros.

QUAM legis a nobis missam tibi, Cotta, salutem,  
Missa sit ut vere, perveniatque, precor.

Namque meis sospes multum cruciatibus aufers,

Utque sit e nobis pars bona salva, facis.

Quumque labent alii, jactataque vela relinquant, 5

Tu laceræ remanes anchora sola rati.

Grata tua est igitur pietas: ignoscimus illis,

Qui cum fortuna terga dedere fugæ.

\* COTTÆ. Cottæ Messallino M. Valerii Messalæ Corvini, oratoris illius summi, filio, qui adoptione in Aureliam gentem transiverat, unde et Cottæ cognomen sibi adquisivit. Quem memorant, Pers. Sat. II, 72; Juvenal. Sat. VII, 75; Plin. lib. X; cap. 20.

1. *Quam. Qui Putean. Cota Junian. Cote Leid.* qui et in fronte, ad *Cotum*.

2. *Missa sit ut vere.* Salus vere dicitur mitti, quum ille ad quem scribimus, recte valet, quemadmodum optamus.

4. *Atque sit ut nobis. Tè ut Sarrav.*

non agnoscit; Argent. et sex alii ex melioribus, *Utque sit in nobis.* Lege: « Utque sit e nobis pars bona salva facis. » HEINS.

5. *Jactataque vela relinquant.* Et deferant vela a ventis agitata. Per vela autem, amicitiae fidem et officium intellige.

8. *Qui cum fortuna terga dedere fugæ.* Scribe vel invitis scriptis cōdicibus, cum fortuna terga dedere mea. Terga dare pro fugere, usitatum Nostro, et melioris ævi scriptoribus. H.—*Qui cum fortuna.* Qui ubi me a fortuna prostratum et relegatum videre, cœperunt fugere.



Quum feriant unum, non unum fulmina terrent,

Junctaque percusso turba pavere solet :

10

Quumque dedit paries venturæ signa ruinæ,

Sollicito vacuus fit locus ille metu.

Quis non e timidis ægri contagia vitat,

Vicinum metuens ne trahat inde malum?

Me quoque amicorum nimio terróre metuque,

15

Non odio, quidam destituere mei.

Non illis pietas, non officiosa voluntas

Defuit : adversos extimuerunt Deos.

Utque magis cauti possunt timidique videri,

Sic adpellari non meruere mali.

20

At meus excusat caros ita candor amicos,

Utque habeant de me crimina nulla, favet.

Sint hac contenti venia, signentque licebit

Purgari factum, me quoque teste, suum.

Pars estis pauci potior, qui rebus in arctis

25

Ferre mihi nullam turpe putastis opem.

19. *Utque magis cauti possunt timidique vocari. Timidique videri* Sarravian. Argent. Polit. et quinque alii. Præterea videtur scribendum, *Utque nimis, vel satis cauti.* H.

22. *At meus excusat caros ita candor amicos, Utque habeant de me crimina nulla facit.* Puto : « At meus excusat caros mihi candor amicos ; » ut alibi : « Excusemne te semper, amice, mihi ; » deinde pro *facit* Sarravian. et tres alii ex melioribus *favet ; habeat favor* Argent. ex me etiam unus ; Twisdenius codex *cavet.* Scribe : « Utque habeant per me crimina nulla, cavet. » H.

23. *Sint hi contenti venia, signentque licebit.* Scribe, *Sint hac contenti venia*, cum Moreti codice ; pro *signentque* Sarrav. *sientque* ; Argent.

*fugiatque ; reliqui fugiantque ; nisi quod Arondelianus veniaque fugatque.* Nil muto ; *fugiantque* perperam occupavit multas editiones, etiam nostram : *signare* verbum juris ; Pont. IV, Eleg. xv, vs. 11 : « Confitetur : testere licet, signate, Quiritēs. » H.—Sed τὸ *signent* hic locum esse vix puto, quum nemini credi posset, qui in rem suam signet, sed ut testis alterius facti aliquid confirmet : et quum Ovidio teste vellet uti, ille signare debuisset, non isti ; quare mallet *fugiantque licebit* : hoc sibi persuadeant et fingant, me etiam probare eorum innocentiam, et testari non fuisse in eorum manu mihi opem ferre. B.

26. *Turpe putatis. Putastis meliores : et præcedenti versu, pro*

Tunc igitur meriti morietur gratia vestri,  
 Quum cinis absumto corpore factus ero.  
 Fallar, et illa meæ superabit tempora vitæ;  
 Si tamen a memori posteritate legar. 30  
 Corpora debentur mæstis exsanguia bustis:  
 Effugiunt structos nomen honorque rogos.  
 Occidit et Theseus, et qui comitavit Oresten:  
 Sed tamen in laudes vivit uterque suas.  
 Vos etiam scri laudabunt sæpe nepotes, 35  
 Claraque erit scriptis gloria vestra meis.  
 Hic quoque Sauromatæ jam vos novere, Getæque,  
 Et tales animos barbara turba probat.  
 Quumque ego de vestra nuper probitate referrem,  
 Nam didici getice sarmaticeque loqui, 40  
 Forte senex quidam, cœtu quum staret in illo,  
 Reddidit ad nostros talia verba sonos:  
 Nos quoque amicitiae nomen bene novimus, hospes,  
 Quos procul a vobis frigidus Ister habet.

*pars melior, unus Vatic. et Patav. pars potior. HEINS.*

27. *Morietur gratia vestri meriti.* Similiter Virg. *Æn.* VII, vs. 232: « nec vestra feretur Fama levis, tantique abolescet gratia facti. »

29. *Fallar, et illa meæ superabit tempora vitæ.* *Fallar* Fragmentum Boxhornii rectius. HEINS.

30. *Legar.* Legentur monumenta et carmina mea, vestra in me merita testatura.

33. *Et qui comitavit Oresten.* Et Pyladem, qui Orestem in Tauricam regionem persecutus est.

34. *In suas laudes.* In gloriam tantæ amicitiae, quæ fuit inter eos. Vel in laudes utriusque, scil. Thesei et Pyladis.

37. *Sauromatæ.* Populi illi Scythi-

ci, qui ita a Græcis, alias *Sarmatæ* adpellantur.

38. *Tales animos.* Animos tam fidos et constantes. *Turba.* Terra Junian.

40. *Getice. Scythice* unus; *Sauromatæque* quatuor.

41. *In illo cœtu.* In ea virorum corona, ubi amicitiae vestrae constantiam prædicabam. MER.

42. *Reddidit ad sonos.* Excepit verba mea tali narratione. Vel, laudes a me vobis tributas, ut amicis optimis, jucunda duorum amicorum historia confirmavit. PONT.

45. *Hospes.* O peregrine Ovidi.

44. *Quos procul a vobis alter et orbis habet.* Tò *alter et orbis habet* erat omisum in Sarraviano; Argent. Twisden. Arondel. et quatuor

Est locus in Scythia, Tauros dixere priores, 45  
Qui Getica longe non ita distat humo.

Hac ego sum terra, patriæ nec pœnitet, ortus.

Consortem Phœbi gens colit illa Deam.

Templa manent hodie vastis innixa columnis;

Perque quater denos itur in illa gradus. 50

Fama refert, illic signum cæleste fuisse:

Quoque minus dubites, stat basis orba Dea.

Araque, quæ fuerat natura candida saxi,

Decolor adfuso tincta cruore rubet.

Femina sacra facit, tædæ non nota jugali, 55

Quæ superat Scythicas nobilitate nurus.

alii, *ultimus orbis habet*; Scaligeri codex *Geticus orbis*; mendose: Politian. et octo alii *frigidus Ister habet*; tres *frigidus orbis*; totidem *frigidus axis*; multi *dividit Ister aquis*; quinque *barbara terra tenet*; prim. Mediceus, *Pontus et Ister habet*; forte *Ponticus Ister*; sic *Ponticus Castor* Elegia de Nuce, vers. 166; vide Notas supra, lib. II, Eleg. IX, vers. 67. HEINS.

45. *Est locus in Scythia*. Hæc est narratio senis cujusdam, quem poeta inducit referentem amicitiam Py-ladis et Orestis, quos in Tauricam regionem venisse dicit, ubi regnabat Thoas. — *Tauros dixere priores*. Taurica regio (auctore Plinio) in Scythia est, et a Carcinite incipit, quondam mari circumfusa et ipsa, quaque nunc jacent campi, deinde vastis adtollitur jugis.

46. *Non ita. Non bene*. Putean.

48. *Consortem Phœbi* etc. Sororem Phœbi, Dianam.

50. *Per quaterdenos gradus*. Per gradus quadraginta. Ex quo templi altitudinem et magnificentiam demonstrat.

51. *Signum cæleste*. Statua Dianæ.

52. *Stat basis orba Dea*. Orba Deæ malim reponi: sic *luminis orbis* et similia apud Nostrum passim. H. — *Stat basis orba Dea*. Basis restat sola, orbata simulacro Dianæ, quod abstulit Orestes fugiens cum Iphigenia, et Ariciam portavit, ut Servius docet.

53. *Natura saxi*. E marmore.

54. *Decolor. Discolor* Putean. superiori versu pro *natura candida saxi*, malim *nativi candida saxi*. H.

55. *Tæda non nota jugali*. Nupta decem veteres; *tæda non nota* Sar-ravian. Argent. multique alii. Lege *tæda non nata*; nisi malis reponi, *tæda non vota jugali*. H. — *Tæda non nota jugali* præstat; ut *notus arte, improbitate*; et similia dicuntur: nisi *tæda jugalis* quis velit, ut Horatius, Od. II, xxi, 6: « Notus paterni animi. » Posset et *nota* ad *sacra* referri, ut sint sacra, ad quæ solis virginibus aditus sit, et ideo ignota tædæ jugali; id est, feminis nuptis: quod probat vs. 58. BURM.

56. *Quæ superat nobilitate*. Quæ est nobilior genere. Hujusmodi enim



Sacrifici genus est, sic instituere priores,  
 Advena virgineo cæsus ut ense cadat.  
 Regna Thoas habuit, Mæotide clarus in ora :  
 Nec fuit Euxinis notior alter aquis. 60  
 Sceptra tenente illo, liquidas fecisse per auras  
 Nescio quam dicunt Iphigenian iter ;  
 Quam levibus ventis sub nube per æquora vectam  
 Creditur his Phæbe deposuisse locis.  
 Præfuerat templo multos ea rite per annos, 65  
 Invita peragens tristia sacra manu ;  
 Quum duo velifera juvenes venere carina ,  
 Presseruntque suo litora nostra pede.  
 Par fuit his ætas , et amor : quorum alter Orestes ,  
 Alter erat Pylades : nomina fama tenet. 70  
 Protinus immitem Triviæ ducuntur ad aram ,  
 Evincti geminas ad sua terga manus.  
 Spargit aqua captos lustrali Graia sacerdos ,  
 Ambiat ut fulvas infula longa comas.

eligebatur Dianæ sacerdos in Taurica regione.

57. *Sic instituere parentes. Priores* Polit. et multi alii ; quod etiam in suis Naugerius invenit, et Pierius Valerianus ad lib. I Æn. Virgilii. H.

58. *Ense virgineo.* Cultro virginis sacerdotis.

59. *Thoas.* Ad Eurip. fab. 10, *Cur- sus Thoanti fecit hoc nomen pedum.*

61. *Per liquidas auras.* Per purum aera. Nota est fabula, ereptam Iphigeniam Dianæ sacrificandam ; et a Dea delatam per aera in Tauricam regionem, cervamque pro ea subpositam, ut Servius docet.

63. *Per aera vectam. Per æquora* scripti fere omnes ; nam de aere jam dixerat. HEINS.

64. *Phæbe.* Diana.

VII.

65. *Præfuerat* etc. Præposita fuerat Iphigenia templo illi Tauricæ Dianæ.

66. *Invita manu. Nec placent...* *Foci, cruore diffuentes hospitum,* ex Eurip. fab. 10.

72. *Evincti geminas.* Erat enim consuetudo, ut aris destinati homines ligarentur.

73. *Sparsit aqua. Spargit* meliores. — *Sparsit captos lustrali* etc. Lustralem aquam intelligit, quæ lustrandis ac purgandis hostiis adhibebatur ; non molam : neque enim mola aqua constabat, sed hordeo et sale : quæ antequam hostiæ jugularentur, aspergi illis atque offerri solebant. M.

74. *Ut infula longa ambiat.* Ut infula circumdet. Erat enim *infula* fascia in modum diadematis, et a

Dumque parat sacrum, dum velat tempora vittis, 75

Dum tardæ causas invenit usque moræ :

Non ego crudelis, juvenes ignoscite, dixit ;

Sacra suo facio barbariora loco.

Ritus is est gentis : qua vos tamen urbe venitis ?

Quove parum fausta puppe petistis iter ? 80

Dixit : et, audito patriæ pia nomine virgo,

Consortes urbis comperit esse suæ.

Alter at e vobis, inquit, cadat hostia sacri,

Ad patrias sedes nuntius alter eat.

Ire jubet Pylades carum periturus Oresten : 85

Hic negat ; inque vicem pugnat uterque mori.

Exstitit hoc unum, quo non convenerit illis :

Cætera par concors et sine lite fuit.

Dum peragunt pulchri juvenes certamen amoris,

qua vittæ ab utraque parte dependebant.

76. *Invenit ipsa moræ.* Rectius Leidensis, *usque*. HEINS.

78. *Sacra suo facio barbariora loco.* Forte : « Sacra meo facio barbariora solo ; » nam in uno Vossiano *lolo* pro *loco*. H. — *Suo loco.* Hac terra Taurica, quæ est crudelis : et ideo sacra etiam crudelia celebrantur a me tamen non crudeli.

79. *Ritus is est gentis.* Malim *genti*. H. — *Ritus is est gentis.* Talis mos est Tauricis populis, Dianæ hospites immolare.

80. *Quodque parum.* Quoque, vel Quaque plerique. HEINS.

81. *Nomine patriæ.* Nomine Mycenarum.

83. *Alter ut e vobis, inquit, cadat hostia sacris.* Versus mendosus : nec juvant libri veteres. Scribe : « Alteruter votis, inquit, cadat hostia sacris. » *Vota sacra, ut templa et de-*

*lubra vota, vota laurea, votus sanguis, vota victima,* et similia passim apud Nostrum : Met. IX, quoque *vota sacra* habes : « Victor ab Cæcælia Cænæo sacra parabat Vota Jovi. » — Burm. et Oberl. nostram defendunt : quæ sane potior Heinsiana.

84. *Ad sedes patrias.* In Græciam, Mycenæ.

86. *Inque vicem pugnat uterque mori.* « Hic veri amoris dulce certamen vides ; Servare Oresten serio Pylades studet, Pyladenque Orestes ; mutuus sensus monet : Neuter superstes esse suffert alteri ; » ex Eurip. fab. 10.

87. *Exstitit hoc unum, quod non convenerat illis : Cætera pars concors et sine lite fuit.* Quod non convenerit Argent. aliique complures. Lege, *quo non convenerit illis.* Deinde *par concors* scribendum, ut Naugerius jam vidit. *Cætera concors* elegantè Græcismo, ut *cætera* Græcius Virgi-

Ad fratrem scriptas exarat illa notas :

90

Ad fratrem mandata dabat, cuique illa dabantur,

Humanos casus adspice, frater erat.

Nec mora; de templo rapiunt simulacra Dianæ,

Clamque per immensas puppe feruntur aquas.

Mirus amor juvenum, quamvis abiere tot anni,

95

In Scythia magnum nunc quoque nomen habet.

Fabula narrata est postquam vulgaris ab illo,

Laudarunt omnes facta piamque fidem.

Scilicet hac etiam, qua nulla ferocior, ora

Nomen amicitiae barbara corda movet.

100

Quid facere Ausonia geniti debetis in urbe,

Quum tangant diros talia facta Getas?

Adde, quod est animus semper tibi mitis, et altæ

Indicium mores nobilitatis habet;

Quos Volesus patrii cognoscat nominis auctor;

105

Quos Numa maternus non neget esse suos :

lio, et Nostro *cætera sospes*, Met.

VIII. H. — *Quo non convenerit illis.*

In quo non fuerint concordēs. M.

90. *Ad fratrem scriptas.* Quem putabat jam e Phocide, quo puer delatus erat, rediisse et Argis manere. Ad eum conscribit epistolam, et fratri (quod nesciebat) portandam committit. PONT.

96. *Nomen habent. Habet* ex scriptis. HEINS.

99. *Scilicet hic etiam. Hac etiam* meliores: deinde *est* cum Feschiano et tribus aliis delendum. H.

104. *Indicium mores nobilitatis habent. Habet* Politian. recte: animus nimirum. HEINS.

105. *Quos Volesus. Valesus* multi veteres cum Argentino; duo *Valerus*; apud Rutilium *Volusus* vulgo legitur: « Qui Volusi antiquo deri-

vat stemmate nomen; » ut et apud Silium, lib. II Punic. vs. 8: « Poplicola ingentis Volusi Spartana propago; » atque ita in Fastis Capitolinis, sed fragmentum termini vetustissimi Romæ apud Maffeiōs: P. VALESII VOLESI. F. POPLICOLA; quam scripturam Dionysius Halicarnasseus quoque et Plutarchus agnoscunt: postea Volusi et Valerii dicti, qui Volesii et Valesii primo. H. — *Volesus auctor patrii nominis.* A Voleso enim paternum genus traxit Cotta. Fuit autem Volesus Sabinus, qui cum Tatio Romanam venit.

106. *Quos Numa maternus. Materni* Naugerii postrema editio. H. — *Numa maternus.* Secundus rex Romanorum Numa Pompilius, a quo per matrem ducebat originem Cot-



Adjectique probent genitiva ad nomina Cottæ,

Si tu non esses, interitura domus.

Digne vir hac serie, lapso succurrere amico

Conveniens istis moribus esse puta.

110

ta.—*Esse suos.* Quia Cotta erat religiosus, et vir bonus, quemadmodum fuit Numa rex.

107. *Genitiva agnomina Cottæ. Ad nomina* veteres plerique; et recte.

Innuat etiam adoptione in Aureliam Cottarum familiam transisse. H.

109. *Hac serie.* Hoc virtutum tuarum ordine; vel, quod magis placet, hac majorum origine.

## EPISTOLA III.

~~~~~

FABIO MAXIMO.

—————

ARGUMENTUM.

Eleganti fictione refert, per quietem sibi adparuisse Cupidinem, et a se reprehensum, quod malam sibi magistro suo mercedem reddidisset, pollicitum, fore ut Cæsaris ira mitescat. Neque dubitat poeta, quin supplicem juvare velit Fabius.

SI vacat exiguum profugo dare tempus amico,

O sidus Fabiæ, Maxime, gentis, ades :

Dum tibi quæ vidi referam; seu corporis umbra,

Seu veri species, seu fuit ille sopor.

Nox erat : et biforesh intrabat Luna fenestras,

5

Mense fere medio quanta nitere solet.

Publica me requies curarum somnus habebat,

Fusaque erant toto languida membra toro :

1. *Vacat.* Juvat Barber. et nostri.

2. *Fabiæ.* De Fabio vide Ruald. Animadv. in Plutarch. 43.

3. *Umbra.* Umbra est editi olim;

umbram regius codex; dummodo que Hafn. refero etiam editi prius.

6. *Medio.* In medio Moreti.

7. *Publica requies curarum.* Re-

Quum subito pennis agitatus inhorruit aer,
 Et gemuit parvo mota fenestra sono. 10
 Territus in cubitum relevo mea membra sinistram,
 Pulsus et e trepido pectore somnus abit.
 Stabat Amor vultu, non quo prius esse solebat,
 Fulcra tenens læva tristis acerna manu;
 Nec torquem collo, nec habens crinale capillis, 15
 Nec bene dispositas comtus, ut ante, comas.
 Horrida pendebant molles super ora capilli;
 Et visa est oculis horrida penna meis.
 Qualis in aeris tergo solet esse columbæ,
 Tractantum multæ quam tetigere manus. 20
 Hunc, simul agnovi, neque enim mihi notior alter,
 Talibus adfata est libera lingua sonis:
 O puer, exsilii decepto causa magistro,
 Quem fuit utilius non docuisse mihi!
 Huc quoque venisti, pax est ubi tempore nullo, 25
 Et coit adstrictis barbarus Ister aquis?
 Quæ tibi causa viæ? nisi uti mala nostra videres?
 Quo sunt, si nescis, invidiosa tibi.
 Tu mihi dictasti juvenilia carmina primus:

quies quæ communis est omnibus.
 — *Habebat. Alebat* Medonian. alter.

14. *Sceptra tenens læva tristis acerna manu.* *Fulva* Argentin. et codex Scaliger, unde *Fulcra* is conijciebat; quod Vaticanus primæ notæ confirmat: *Fulcrum* pro baculo posuit: *ῥαβδον ἰσχυρίων* dat Amori Anacreon, Od. VII. H. — *Acerna.* De acere facta. Est enim genus ligni. Virgil. *Æneid.* II, vs. 112, *trabibus contextus acernis.* MER.

17. *Horrida pendebant.* Repetitur ea vox versu proximo: quare malim *Squallida ora* hic legi; nisi versu

proximo *sordida pluma* reponas. H.

18. *Penna.* *Alæ.* — *Horrida.* Asperæ et impexæ propter aquilonem, qui ad ea loca volantem Cupidinem adflaverat, et impexum reddiderat. Vel etiam mœrore et luctu, propter poetæ calamitatem.

20. *Tractatam.* *Tractantum* Politian. et tres alii.

22. *Talibus effata est.* *Adfata est* ex scriptis.

25. *Pax est ubi.* *Quo pax est* Polit. qua Heinsius malebat.

29. *Tu mihi dictasti.* Vid. Amor. lib. I, Eleg. i princip.

Adposui senis, te duce, quinque pedes.
Nec me Mæonio consurgere carmine, nec me

30

Dicere magnorum passus es acta ducum.
Forsitan exiguas, aliquas tamen, arcus et ignis
Ingenii vires comminuere mei.

Namque ego dum canto tua regna, tuæque parentis, 35
In nullum mea mens grande vacavit opus.

Nec satis id fuerat; stultus quoque carmina feci,
Artibus ut posses non rudis esse meis;

Pro quibus exsilium misero mihi reddita merces:
Id quoque in extremis, et sine pace, locis.

40

At non Chionides Eumolpus in Orphea talis;
In Phryga nec Satyrum talis Olympus erat:
Præmia nec Chiron ab Achilli talia cepit,

32. *Ducum.* Deum unus Heinsii.

33. *Ignis.* Ignis editi nonnulli et ultra viginti scripti.

37. *Stultus quoque carmina feci.* Stulto quoque carmine Argentinus et Rottendorp. sic supra, lib. II, Eleg. IX, vs. 73, *stultam conscripsimus artem.* HEINS.

41. *At non Chionides Eumolpus.* Libri multi non *Echionides*, vel *nec Echionides*. Sed vulgata lectio bene se habet. Εὐμόλπος Ποσειδῶνος καὶ Χιόνως Pausaniæ: at Theocrito, Idyll. XXV, Φιλαμμονίδης Eumolpus dicitur. Mater autem Philammonis Chione, ut Noster ipse Met. lib. XI, vs. 317 memorat. Docuit hic Eumolpus cithara Herculem canere, teste ibidem Theocrito. Argent. *At non crudes Eumolpus*; mendose: mox, *Achilli pro Achille* veteres. H. — *Eumolpus Chionides.* Eumolpus, Neptuni et Chiones filius. — *In Orphea.* Erga præceptorem Orpheum. MER. — *Eumolpus.* Plerique non Thracium Eumolpum, sed Eleusi-

nium, ex Deiope Triptolemi natum, mysteria Cereris Eleusine docuisse volunt, ejusque rei auctorem Istrum citant. Hinc et Eumolpidæ dicti, qui tradita ab Eumolpo sacra, Eleusine procurarunt. MICYL.

42. *In Phryga nec Satyrum.* Nec etiam Olympus talis fuit in Satyrum Marsyam, qualis tu in me fuisti. De Olympo meminit Suidas his verbis: Ὀλύμπος Μυσὸς ἀλλήτης καὶ ποιητῆς μελῶν καὶ ἡλεγείων, ἡγεμῶν τε γένους τῆς κρουματικῆς μουσικῆς τῆς διὰ τῶν αὐλῶν, μαθητῆς δὲ καὶ ἐρῶμενος Μαρσύου, τὸ γένος οὗτος Σατύρου, ἀκουστοῦ δὲ καὶ παιδὸς Ἰάγριδος· γίγναι δὲ πρὸ τῶν Τρωικῶν ὁ Ὀλύμπος· ἐξ οὗ καὶ ὄρος τὸ ἐν Μυσίᾳ ὀνομάζεται. Marsyæ autem sive historiam, sive fabulam vide apud eundem Suidam, et Diodorum, lib. IV.

43. *Præmia nec Chiron.* Notum est Statii et aliorum monumentis, Achillem sub Chironis disciplina maxima benevolentia nutritum; vide sub princip. lib. I de Art. Am.

Pythagoræque ferunt non nocuisse Numam.
 Nomina neu referam longum collecta per ævum, 45
 Discipulo perii solus ab ipse meo.
 Dum damus arma tibi, dum te, lascive, docemus,
 Hæc te discipulo dona magister habet.
 Scis tamen, ut liquido juratus dicere possis,
 Non me legitimos sollicitasse toros. 50
 Scripsimus hæc istis, quarum nec vitta pudicos
 Contingit crines, nec stola longa pedes.
 Dic, precor, ecquando didicisti fallere nuptas,
 Et facere incertum per mea jussa genus?
 An sit ab his omnis rigide submota libellis, 55
 Quam lex furtivos arcet habere viros?
 Quid tamen hoc prodest, vetiti si lege severa
 Credor adulterii composuisse notas?

44. *Pythagoræque ferunt* etc. Hic loquitur ex eorum opinione qui credere Numam Pompilium regem, Pythagoræ philosophi discipulum fuisse.

47. *Quum damus*. Dum tibi significamus quomodo expugnandæ sunt puellæ.

41. *Et gaudere aliquid*. Malim aliqua; vide Notas Trist. III, El. IV, vers. 75. HEINS.

49. *Et liquido juratus dicere possis*. Ut possis Argentinus.

51. *Quarum nec vitta pudicos Contingit crines*. Quæ non sunt virgines, aut Vestales, quæ vitta peculiariter utebantur. Plaut. Cistellar. I, 1, vs. 80 : « Matronæ magis conducibile est unum amare. . . Et cum eo ætatem exigere, cui nupta est semel; » et in Milite, IV, 1, vs. 196 : « Matronæ crines et vittas habent. »

52. *Contingit crines*. Multi conti-

gerit; duo contingunt; totidem Attingit, tres Attingit; quomodo et minor Gryphii. Unde Scaliger Attingit; probe: alibi, « Vitta nec adstrictas impedit alba comas; » Lucanus, lib. V, vs. 142 : « tum torta priores Stringit vitta comas. » Aron- delianus Constringit, etiam bene. H. — *Nec stola longa*. Nec sunt matronæ; quæ stola utebantur. Ea enim vestis erat, quæ ad imos pedes defluebat.

54. *Incertum genus*. Nempe conventiliis sati; Plaut. Cistellar. I, 1 : ἰσχυρὸς vocatur ejusmodi contrectator; Æschyl. Supplic. vs. 314.

55. *An sit ab his omnis*. Absit ab his Argent. et duo alii; An sat ab his omnis Bersmanni codex. Forte : « Nam sat ab his omnis rigide submota libellis, » sublata interrogationis nota; vel At satis his. H.

56. *Quam lex arcet*. Lex Julia.

58. *Credor*. Credar Putean. dicor

At tu, sic habeas ferientes cuncta sagittas;
 Sic nunquam rapido lampades igne vacent; 60
 Sic regat imperium, terrasque coerceat omnes
 Cæsar, ab Ænea qui tibi fratre nepos;
 Effice, sit nobis non implacabilis ira,
 Meque loco plecti commodiore velit.
 Hæc ego visus eram puero dixisse volucris; 65
 Hos visus nobis ille dedisse sonos:
 Per, mea tela, faces, et per, mea tela, sagittas,
 Per matrem juro, Cæsareumque caput;
 Nil, nisi concessum, nos te didicisse magistro,
 Artibus et nullum crimen inesse tuis. 70
 Utque hoc, sic utinam defendere cætera posses!
 Scis aliud, quod te læserit, esse magis.
 Quicquid id est, neque enim debet dolor ille referri,
 Non potes a culpa dicere abesse tua.
 Tu licet erroris sub imagine crimen obumbres, 75
 Non gravior merito vindicis ira fuit.
 Ut tamen adspicerem, consolarerque jacentem,
 Lapsa per immensas est mihi penna vias.
 Hæc loca tum primum vidi, quum matre rogante
 Phasias est telis fixa puella meis. 80

Moreti. *Composuisse nefas* Boxborn. Fragm.

60. *Lampades*. Faces amoris. His enim amantum quoque pectora feriebat Cupido, et injiciebat ardorem et ignem.

62. *Ab Ænea fratre*. Æneas enim et Cupido ambo matrem Venerem habuere.

64. *Meque loco plecti*. Poni Thuan.

70. *Tuis actibus*. Tuis carminibus et præceptis de Arte amandi.

71. *Defendere cætera posses*. Possem nonnulli. Forte, *defendi possent*.

Cætera. Quæ læserunt Augustum.

72. *Aliud magis esse*. Aliud magis nocere, quam carmina amatoria. Quibus verbis liquido adparet, ex illi poetæ causam aliam fuisse, quam carmina amatoria.

74. *Non potes a culpa dicere abesse tua*. Liber abesse quatuor; unus liber adesse; al. libera esse. Latet aliquid mendi. H. Hunc sensum explanat Phædr. I, x, 5: *culpæ proximam*.

78. *Est mea penna*. Mihi penna duo libri; et nostri codd.

80. *Puella Phasias*. Medea, sic di-

Quæ nunc cur iterum post sæcula longa revisam,
 Tu facis, o castris miles amice meis.
 Pone metus igitur; mitescet Cæsaris ira,
 Et veniet votis mollior hora tuis.
 Neve moram timeas, tempus, quod quærimus, instat; 85
 Cunctaque lætitiæ plena triumphus habet.
 Dum domus, et nati, dum mater Livia gaudet;
 Dum gaudes, patriæ magne ducisque pater;
 Dum tibi gratatur populus, totamque per urbem
 Omnis odoratis ignibus ara calet; 90
 Dum faciles aditus præbet venerabile templum;
 Sperandum nostras posse valere preces.
 Dixit; et aut ille est tenues dilapsus in auras,
 Cæperunt sensus aut vigilare mei.
 Si dubitem, quin his faveas, o Maxime, dictis, 95
 Memnonio cygnos esse colore putem.
 Sed neque mutatur nigra pice lacteus humor;
 Nec, quod erat candens, fit terebinthus, ebur.

cta a Phasi, Colchorum fluvio. M.

81. *Secula longa. Cuncta* P. Dan. *Tu facis hoc* Regius, ut Epist. XX, 55: « Tu facis hoc, oculique tui. » *Miles amate* sex libri.

84. *Et veniet votis mollior hora tuis.* *Aura* nonnulli; codex Moreti *velis mollior aura tuis.* HEINS.

86. *Triumphus habet.* Triumphum Tiberii de Dalmatis et Illyriis actum intellige. MICYL.

87. *Et nati.* Et filii Augusti. Tiberius scilicet et reliqui.

88. *Magne pater patriæ.* Augustum denotat, qui pater patriæ dictus est. — *Ducisque.* Et imperatoris qui triumphabit: Tiberium autem designat.

89. *Dum sibi gratatur populus. Tibi* rectius quidam; est enim sermo ad

Augustum. H. *Tibi* unus nostrorum.

90. *Odoratis ignibus.* Ignibus turemicremis.

94. *Cæperunt. Cæpere aut sensus pervigilare* Servii codex; *invigilare* Francof. forte, *Cæpere aut sensus evigilare mei.* BURM.

96. *Memnonio colore.* Colore nigro, quali fuit Memnon, quem Tithonus, Laomedontis filius, in Asia orientem versus usque in Æthiopiam militans, dicitur genuisse ex Ida: qui quum Trojanis præsidium tulisset, postea ab Achille est interceptus.

98. *Candense ebur.* Candidum ebur. — *Terebinthus.* Arbor est, quæ in Syria nascitur; ejus materies admodum lenta est, ac fidelis ad vetustatem, eximii ac nigri splendoris,

Conveniens animo genus est tibi; nobile namque

Pectus et Herculeæ simplicitatis habes.

100

Livor, iners vitium, mores non exit in altos,

Utque latens ima vipera serpit humo.

Mens tua sublimis supra genus eminet ipsum,

Grandius ingenio nec tibi nomen inest.

Ergo alii noceant miseris, optentque timeri,

105

Tinctaque mordaci spicula felle gerant.

At tua supplicibus domus est adsueta juvandis :

In quorum numero me precor esse velis.

ut docet Plinius lib. XIII, 6 vel 12.

99. *Conveniens animo genus est tibi; nobile namque Pectus.* Ita hæc distinguenda. HEINS.

100. *Pectus et Herculeæ.* Nam, inquit, obtines animum nobilem ac candorem, et simplicitatem illam, quæ in Hercule progenitore dicitur fuisse.

101. *Livor iners vitium.* ὁ φθόνος ἐστὶ κακίστην, ἔχει δὲ τι καλὸν ἐν αὐτῷ.

Τῆχει γὰρ φθονερῶν ὀμμάται καὶ κραδίην.

— *Mores non exit in istos.* Plerique veteres *altos*; sed frustra: supra Eleg. II, vs. 109: «lapso succurrere amico Conveniens istis moribus esse puta;» lib. I, El. VI, vs. 5: «Non cadit in mores feritas inamabilis istos.» H. — Mihi *altos* non displicet, ut oppositio sit inter, *serpit humo*; pro quo in Lovan. *repsit*; non *transit in altos* Junian. BURM.

EPISTOLA IV.

RUFINO.

ARGUMENTUM.

Carmen suum de triumpho Tiberii Illyrico commendat Rufino : quod quidem exiguum esse fatetur ; sed tenuitate ingenii sui , absentia , exsilii calamitatibus , Elegiæ ipsius indole excusandum esse docet. Ad ultimum , alterum quoque triumphum de Germanis ominatur Tiberio.

HÆC tibi non vanam portantia verba salutem ,

Naso Tomitana mittit ab urbe tuus ;

Utque suo faveas mandat, Rufine, triumpho ;

In vestras venit si tamen ille manus.

Est opus exiguum , vastisque paratibus impar ,

Quale tamen cumque est , ut tueare rogo.

Firma valent per se , nullumque Machaona quærunt :

Ad medicam dubius confugit æger opem.

1. *Non vanam salutem.* Ex animo tibi opatam ; quia precor ut sis salvus , ut es.

3. *Triumpho.* De Illyrico triumpho et hæc et superiora illa accipienda. Nusquam enim alibi reperio , de Germanis triumphasse Tiberium : sed devictis Illyriis , decretoque illi eam ob rem triumpho , in præsens quidem tum ob moestam Variana clade civitatem , ovantem , sed laureatum tamen , urbem esse ingressum : triumphavit enim Tiberius prox. anno ante mortem Augusti , quo tempore et hæc a poeta scripta

videntur , quum jam quartum in Ponto annum degisset. MICYL.

5. *Vestrisque paratibus impar.* Vastisque Combrianus ; ut infra , 85 : « Ferre etiam molles elegi tam vasta triumpho Pondera disparibus non potuere rotis. » HEINS.

7. *Firma valent per se* etc. Sensus est : Corpora firma ac valida per se consistunt , neque opus medico habent , qui ea conservet : sic et boni ac præstantes poetæ , non indigent favore lectoris , quando ipsorum carmina per se commendabilia sunt.

8. *Dubius. Dubitans* pr. edit.

Non opus est magnis placido lectore poetis :

Quamlibet invitum difficilemque tenent.

10

Nos, quibus ingenium longi minuere labores,

Aut etiam nullum forsitan ante fuit,

Viribus infirmi, vestro candore valemus :

Quem mihi si demas, omnia rapta putem.

Cunctaque quum mea sint propenso nixa favore,

15

Præcipuum veniæ jus habet ille liber.

Spectatum vates alii scripsere triumphum.

Est aliquid memori visa notare manu.

Nos ea vix avidam vulgo captata per aurem

Scripsimus : atque oculi fama fuere mei.

20

Scilicet adfectus similes, aut impetus idem,

Rebus ab auditis conspicuisque venit ?

Nec nitor argenti, quem vos vidistis, et auri,

Quod mihi defuerit, purpuraque illa, queror :

Sed loca, sed gentes formatæ mille figuris

25

Nutrissent carmen, præliaque ipsa, meum.

Et regum vultus, certissima pignora mentis,

9 *Non opus est magnis placido.* Poetis excellentibus non est opus ut lectores concilient, quia eorum opera per se favorem contrahunt.

10. *Quamlibet invitum difficilemque tenent.* Quamlibet quatuor libri. H.

15. *Cunctaque quum mea sunt. Sint* ex scriptis. H.

16. *Iste liber.* Libellus ille quem mitto, ubi describitur Cæsaris triumphus materia ampla et magna, quæ aliud exposceret ingenium, quam meum.

19. *Vulgi captata per aurem.* Vulgo scripti : et versu proximo, pro *vidimus*, multi *scripsimus*. H.

24. *Quod mihi defuerit.* Defuerint Fragmentum Vaticanum, paulo elegantius. HEINS.

25. *Sed loca, vel gentes.* Sed gentes sex septemve veteres: nervose. Sed locorum descriptiones et picturæ, quæ triumphantes imperatores præcedebant. Per loca autem, aut urbes, aut campos ubi partæ fuerant victoriæ pugnando; et quia hujusmodi prælia picta præbant, et in pugnatum corporibus variæ erant vulnerum et cadentium formæ; ideo subjungit, vel gentes formatæ mille figuris.

26. *Nutrissent carmen* etc. Carmini meo gratiam adtulissent.—*Præliaque ipsa meum.* Et ipsæ præliorum descriptiones.

27. *Et regum vultus certissima pignora gentis.* Ita quidem vulgo: sed alii *pignora mentis* legunt, quæ

Juviscent aliqua forsitan illud opus.
 Plausibus ex ipsis populi, lætoque favore,
 Ingenium quodvis incaluisse potest. 30
 Tamque ego sumsissēm tali clangore vigorem,
 Quam rudis audita miles ad arma tuba.
 Pectora sint nobis nivibus glacieque licebit,
 Atque hoc, quem patior, frigidiora loco:
 Illa ducis facies, in curru stantis eburno, 35
 Excuteret frigus sensibus omne meis.
 His ego defectus, dubiisque auctoribus usus,
 Ad vestri venio jure favoris opem.
 Nec mihi nota ducum, nec sunt mihi nota locorum
 Nomina: materiam vix habuere manus. 40
 Pars quota de tantis rebus, quam fama referre,
 Aut aliquis nobis scribere posset, erat?
 Quo magis, o lector, debes ignoscere, si quid
 Erratum est illic, præteritumve mihi.
 Adde, quod, adsiduam domini meditata querelam, 45
 Ad lætum carmen vix mea versa lyra est.

lectio est verior; ut sit, *pignora mentis*, indicia et significationes. Est enim vultus, quasi quidam tacitus animi index, qui pro eo atque illa adfecta est, ipse quoque lætus, tristis, placidus aut torvus est. MICYL. — *Gentis* omnes fere scripti; sed perperam.

28. *Juviscent aliqua forsitan illud ope*. Præfero quod in vulgatis est; *aliqua forsitan illud opus*. *Aliqua* pro aliqua parte; ut Virg. Eclog. III, 15: « si non aliqua nocuisses. »

29. *Lætoque favore*. *Fragore* mælim, vel *canore*; nam *favoris* paulo post sequitur. HEINS.

31. *Tali clamore vigorem*. *Clangore* Fragmentum Lovaniense.

32. *Rudis miles*. Tyro et belli inexpertus, ἀπὸ λειμὸς, Homer.

36. *In curru eburno*. Triumphalia ornamenta fuere, toga prætexta, tunica palmata, toga picta, corona laurea, scipio eburneus, et sella curulis eburnea, de qua hic Ovidius intelligit.

40. *Materiam non habuere*. *Vix habuere* Thuan. HEINS.

44. *Præteritumve mihi*. Aut a me prætermisum.

45. *Adsiduas querelas domini* etc. Continuos fletus meos, propter hanc relegationem. *Adsiduam querelam* duo; Argent. et octo alii *adsiduas querelas*; quomodo et Arondel. H.

46. *Ad lætum carmen vix mea musæ*

Vix bona post tanto quærenti verba subibant,

Et gaudere aliquid, res mihi visa nova est.

Utque reformidant insuetum lumina Solem,

Sic ad lætitiâ mens mea segnis erat.

50

Est quoque cunctarum novitas carissima rerum :

Gratiâque officio, quod mora tardat, abest.

Cætera certatim de magno scripta triumpho

Jam pridem populi suspicor ore legi.

Illa bibit sitiens, lector mea pocula plenus :

55

Illa recens pota est, nostra tepescit aqua.

Non ego cessavi, nec fecit inertia serum :

Ultima me vasti sustinet ora freti.

Dum venit huc rumor, properataque carmina fiunt,

Factaque eunt ad vos, annus abîsse potest.

60

Nec minimum refert, intacta rosaria primus,

An sera carpas pæne relictâ manu.

Quid mirum, lectis exhausto floribus horto,

venit. Vix mea versa lyra est plerique veteres; quod a Fabricio mutari non debuit. HEINS.

51. *Novitas gratissima rerum.* Rectius cum Argent. aliisque nonnullis, *carissima*, quia *Gratia* sequitur.

52. *Officio.* Rei illi quam facimus, ut puta, scribendo triumphum, aut aliud aliquid simile.

65. *Illa.* Scilicet carmina aliorum.

— *Lector sitiens.* Lector desiderans.

— *Plenus.* Jam satur : et ideo fastidians. — *Mea pocula.* Subaudi *bibit*, hoc est, legit meum carmen.

56. *Nostra tepescit aqua. Tepescit* Polit. et Barberin. H. — *Nostra tepescit.* Carmen meum serum nullam habebit gratiam post aliorum carmina prius composita.

57. *Serum. Tardum* tres ; *segnem* unus.

58. *Sustinet ora freti.* *Submovet* Putean. et Vatic. Vide notas Trist. III, Eleg. IV, vers. 41. H.

59. *Carmina fiunt.* Vatican. *fecit.*

62. *Sera manu.* Manu tarda ad decerpandos hujusmodi flores. Quasi dicat, ego scripsi postremus, tanquam qui relictas rosas colligit. Rosæ enim quæ primo leguntur, quia pulchriores deliguntur, magis delectant, quam aliæ : sic ergo qui primo materiam triumphî Cæsaris descripsere, magis placent, quam ego.

63. *Lectis exhausto floribus horto. Sertis floribus* Hafniensis ; *eleganter.*

65. *Deprecor hæc, vatum contra sua carmina ne quis Dicta putet. Deprecor hoc* Argent. aliique nonnulli. Forte, « Ne precor, hæc vatum contra sua carmina ne quis Dicta putet ; » et venusta profecto illa τὸ

Si duce non facta est digna corona suo?

Deprecor, hæc vatum contra sua carmina ne quis 65

Dicta putet : pro se Musa locuta mea est.

Sunt mihi vobiscum communia sacra, poetæ,

In vestro miseris si licet esse choro.

Magnaque pars animæ mecum vixistis, amici :

Hac ego non absens vos quoque parte colo. 70

Sint igitur vestro mea commendata favori

Carmina, non possum pro quibus ipse loqui.

Scripta placent a morte fere : quia lædere vivos

Livor, et injusto carpere dente solet.

Si genus est mortis male vivere, terra moratur, 75

Et desunt fatis sola sepulcra meis.

Denique opus nostræ culpetur ut undique curæ,

Officium nemo, qui reprehendat, erit.

Ut desint vires, tamen est laudanda voluntas :

Hac ego contentos auguror esse Deos. 80

Hæc facit, ut veniat pauper quoque gratus ad aras,

Et placeat cæso non minus agna bove.

ne repetitio. H. — Deprecor hæc vatum. Ne poeta videatur questus de poetis, qui hujusmodi quoque triumphum scripserant, hic se excusat.

66. *Pro se.* Pro utilitate sua, non ut aliquem culparem.

67. *Communia sacra.* Quia poetæ omnes sunt Phæbi sacerdotes, ideo ejus sacra sunt illis cum Ovidio etiam poeta communia.

69. *Magnaque pars animi.* Animæ scribendum cum sex scriptis; animo Argent. et quinque alii. H. — *Magna pars amici.* Amici enim eleganter nunc pars, nunc dimidium animæ amicorum esse dicuntur.

70. *Hac ego vos absens nunc quoque parte colo.* Elegantior multo mihi

videtur Francofurtensis libri lectio, *Hac quoque non absens vos ego parte colo*; nisi quod transpositis vocibus malim, *Hac ego non absens vos quoque parte colo*; anima non absens, sed præsens, licet corpore absim, vos colo. BURM.

71. *Vestro mea commendanda favore.* Malim favori, et sic a manu secunda Arondelianus. H.

73. *Quia lædere vivos livor.* Sic alibi, *Pascitur in vivis livor, post fata quiescit.*

75. *Terra moratur.* Sepulcrum me exspectat.

77. *Opus nostræ curæ.* Opus hoc de triumpho in quo magnam curam adhibui.

Res quoque tanta fuit, quantæ subsistere summo
Iliados vati grande fuisset onus.

Ferre etiam molles elegi tam vasta triumphii

85

Pondera disparibus non potuere rotis.

Quo pede nunc utar, dubia est sententia nobis:

Alter enim de te, Rhene, triumphus adest.

Irrita verorum non sunt præsagia vatum:

Danda Jovi laurus, dum prior illa viret.

90

Nec mea verba legis, qui sum submotus ad Istrum,

Non bene pacatis flumina pota Getis:

Ista Dei vox est: Deus est in pectore nostro:

Hæc duce prædico vaticinorque Deo.

84. *Æneidos vati. Æneados* unus Vossianus. Puto *Iliados vati*. Quippe ut summum vatem Virgilium adpellarit, atque adeo ipsi Homero prætulit, vix fit verisimile. Nam Propertianum illud, *Nescio quid majus nascitur Iliade*, viventis adhuc Virgilii auribus datum est. Deinde *Æneidos* secunda syllaba correpta vix legi apud alios, nisi quod in veteri epigrammate Maronis laudibus dato codex antiquissimus exhibet scriptum: « Æneidemque suam fac major nuncius ornet: Fac laudes Italum, fac tua facta legi; » quum *Æneamque suum* in vulgatis exemplaribus legatur, et quidem rectius. Sed quod monere propemodum neglexeram, iisdem versibus nævus fœdissimus inhæret, quum pro *major nuncius ornet* reponendum sit *major Mincius*; ut fluvium agri Mantuani posuerit pro ipsa Mantua. H.

86. *Rotis disparibus*. Imparibus versibus. — *Modis* Putean. male; vide Art. Amat. lib. I, vers. 264.

89. *Irrita verorum non sunt præsagia vatum*. Argent. prim. Medic. plurimique alii, *votorum vatum*;

nonnulli *notorum*: an *motorum*? hoc est, adflatorum? sic Pythagoras, Metam. lib. XV, vers. 143: « Et quoniam Deus ora movet, sequar ora moventem Rite Deum. » Sic et sæpe alibi: quatuor *magnorum*. H. — *Verorum* non movendum; Epist. XVI, vers. 121, *Vera fuit vates*, et passim.

90. *Danda Jovi laurus*. Triumphus dandus est Jovi Capitolino, cui imperatores lauro coronatiabant sacrificatum. Vel dicit ponendam esse lauream de more post triumphum in æde Jovis Capitolini. — *Dum prior illa viret*. Dum corona illa Tiberii, qua paulo ante ovans ob debellatum Illyricum, coronatus urbem intravit, adhuc est recens et viridis. Ex quo innuit post illum triumphum, alterum etiam propediem deberi Tiberio.

91. *Qui sum submotus ad Istri. Istrum* meliores. H. — *Qui sum submotus ad Istrum*. Quisum a patria in Pont. missus, in quem defluit Ister.

94. *Hoc duce prædico. Hæc* meliores. HEINS. — *Hæc*. Hunc alterum triumphum.

Quid cessas currum pompamque parare triumphis, 95

Livia? jam nullas dant tibi bella moras.

Perfida damnatas Germania projicit hastas:

Jam pondus dices omen habere meum.

Crede, brevique fides aderit; geminabit honorem

Filius, et junctis, ut prius, ibit equis. 100

Prome, quod injicias humeris victoribus, ostrum:

Ipsa potest solitum nosse corona caput.

Scuta, sed et galeæ gemmis radientur et auro,

Stentque super vinctos trunca tropæa viros.

Oppida turritis cingantur eburnea muris; 105

Fictaque res vero more putetur agi.

Squallidus immissos fracta sub arundine crines

Rhenus, et infectas sanguine portet aquas.

Barbara jam capti poscunt insignia reges,

Textaque fortuna divitiora sua. 110

97. *Perfida Germania.* Germania quæ fidem rupit Romanis, cæso Vatro et tribus legionibus. — *Damnatas hastas.* Bella et arma, quæ detestatur et damnat. — *Projicit.* Abjicit tanquam pæne victa.

99. *Geminabit honorem Filius.* Tiberius alium consequetur triumphum: et ita duplici triumpho erit gloriosus, altero parto de Illyria, altero vero de Germanis. Tiberius enim, vastata Germania, imperator appellatus fuit.

104. *Stentque super vinctos trunca tropæa viros.* Malim *super vinctos viros* cum prim. Mediceo et quinque aliis. In Numismatis enim marmoribusque antiquis adparent passim captivi tropæis adligati. H. — *Trunca tropæa.* Quæ amputatis arboribus figebantur; amputabant enim ramos arborum, ac deinde armis spoliisque hosti detractis ornabant. —

Trunca tropæa. Virgil. *Æneid.* XI, vers. 5 sqq: « Ingentem quercum, decisis undique ramis, Constituit tumulo, fulgentiaque induit arma. . . tibi, magne, tropæum, Bellipotens. » — Stat. Theb. II, 794 sqq.

105. *Oppida eburnea.* Civitatum simulacra ex ebore compacta.

106. *Ficta res.* Rem fictam adpellat urbium pictarum simulacra et gesta, quæ præferebantur in eo triumpho.

107. *Squallidus immittat crines.* Immissos crines in melioribus: mox *pro potet*, Politian. et sex alii *portet*. H. Noster A, *immittat, potet*: male.

109. *Ponunt insignia.* Noster A. — *Poscant*: utrumque rectum; nam regalibus ornamentis reges in triumphum ducendi velabantur. H.

110. *Textaque.* Vestes regias. — *Divitiora sua fortuna.* Quia reges illi

Et quæ præterea virtus invicta tuorum

Sæpe parata tibi, sæpe paranda facit.

Dî, quorum monitu sumus eventura locuti,

Verba, precor, celeri nostra probate fide.

omnia jure belli amiserant : et eo pacto pretiosiores erant vestes ipsis regibus.

111. *Virtus tuorum.* Virtus Augusti et liberorum.

112. *Sæpe parata tibi.* Quia sæpe-numero parasti tuis triumphalia or-

namenta.—*Sæpe paranda.* Quoniam alios etiam triumphos comparabunt, et tu quoque triumphalia ornamenta parabis.

113. *Quorum monitu.* Apollinem significat, cujus monitu et furore poetæ valincinantur.

EPISTOLA V.

MAXIMO COTTÆ.

ARGUMENTUM.

Submissam sibi a Cotta orationem, in judicio centumvirali habitam, gratissimam fuisse prædicat, utque sæpe studii sui pignora sibi imperfiat, precatur. Monet simul, ut absentis amici sedulo meminerit; se saltem ipsius cum voluptate recordari.

QUAM legis, unde tibi mittatur epistola, quæris?

Hinc, ubi cæruleis jungitur Ister aquis.

Ut regio dicta est, succurrere debet et auctor,

Læsus ab ingenio Naso poeta suo;

Qui tibi, quam mallet præsens adferre salutem,

2. *Aquis, cæruleis.* Aquis maris Pontici, quibus regionem Ponticam designat.

3. *Succurrere.* Sic noster A. *Succedere* unus, et Bersm. margo.

5. *Adferre. Deferre.* Regius; nescio an rectius; adfert enim salutem medicus, et qui opem fert: ne itaque ambigua sit locutio, *deferre* probarem. BURM. Non ego.

Mittit ab hirsutis, Maxime Cotta, Getis.

Legimus, o juvenis patrii non degener oris,

Dicta tibi pleno verba diserta foro.

Quæ, quanquam lingua mihi sunt properante per ho ras

Lecta satis multas, pauca fuisse queror. 10

Plura sed hæc feci relegendo sæpe; nec unquam

Hæc mihi, quam primo, grata fuere magis.

Quumque nihil toties lecta e dulcedine perdant,

Viribus illa suis, non novitate, placent.

Felices, quibus hæc ipso cognoscere in actu, 15

Et tam facundo contigit ore frui!

Nam, quanquam sapor est adlata dulcis in unda,

6. *Ab Getis hirsutis.* A Getis squallidis, barbaris, et impexis. MER. — Vel potius *hirsutos* nominat propter pelles hirsutas, quibus se adversus frigora illo sub cælo pæne perpetua communiant. PONT. — *Maxime Cotta.* Maxime; et sic initio Epistolæ *Maximo Cotta.* Hic Messalæ Corvini illius disertissimi filius, Messalini frater, Cotta nomen mutuatus est ab Aurelius avis maternis, ut discimus ex Elegiæ ultima, Pont. lib. IV, vers. 43, in quam gentem adoptione transiverat; quod supra vidimus sub finem Elegiæ secundæ hujus libri. Maximos autem dictos ex Valeria familia quosdam, quemadmodum Messalas, Flaccos, Poplicolas, Voluos, Catullos et Acisculos, certum est. Nam bello primo Punico, sub annum U. C. cxxc, M. Valerius Maximus cum M. Otacilio Crasso consul perhibetur, qui devicta Messana cognomen Messalæ primus adscivit. Huc et refer Valerium Maximum scriptorem, cujus nonnulla etiamnum exstant. H.

7. *O juvenis non degener.* O Cotta Maxime, qui non degeneras a tuis.

— *Oris patrii.* Eloquentiæ patris tui, qui fuit summus orator. Vel facie patrem tuum referens. MER. et P.

8. *Dicta pleno foro.* Habita frequenti turba, quæ erat in foro judiciali.

10. *Fuisse pauca.* Visam fuisse eam orationem brevem, propter ejus elegantiam, et suave dicendi genus.

11. *Plura sed hæc feci.* Hæc paulo post sequitur; quare scribendum, *sed effeci.* H. Nostri *hæc feci.*

12. *Hæc mihi quam primo grata fuere minus.* Non mihi, quam primo, grata fuere magis, Argent. et decem alii, probe. Non minus Scaligeri codex, Polit. et quatuor præterea. H.

13. *Quumque sua toties nihil ex dulcedine perdant.* Nihil est ad quod referatur *toties.* Argent. et quinque alii, *quumque nihil toties lecta e dulcedine perdant.* Nisi quod a tribus abest *toties.* H.

14. *Placent.* Valent unus Heinsii.

15. *Quibus hæc.* Hoc quinque libri; hos MS Bersm. Nostri *hæc.*

17. *Ablata dulcis in unda.* Adlata Argentinus aliique plurimi; recte: nisi oblata malis. H.

Gratius ex ipso fonte bibuntur aquæ :
 Et magis adducto pomum decerpere ramo ,
 Quam de cælata sumere lance , juvat. 20
 At nisi peccassem , nisi me mea Musa fugasset ,
 Quod legi , tua vox exhibuisset opus.
 Utque fui solitus , sedissem forsitan unus
 De centum iudex in tua verba viris.
 Major et implesset præcordia nostra voluptas , 25
 Quum traherer dictis adnueremque tuis.
 Quem quoniam fatum , vobis patriaque relictis ,
 Inter inhumanos maluit esse Getas :
 Quod licet , ut videar tecum magis esse , legendo ,
 Sæpe , precor , studii pignora mitte tui : 30
 Exemploque meo , nisi dedignaris id ipsum ,
 Utere : quod nobis rectius ipse dares.
 Namque ego , qui perii jam pridem , Maxime , vobis ,
 Ingenio nitor non periisse meo.
 Redde vicem ; nec rara tui monumenta laboris 35
 Accipiant nostræ , grata futura , manus.
 Dic tamen , o juvenis studiorum plene meorum ,
 Ecquid ab his ipsis admoneare mei ?
 Ecquid , ubi aut recitas factum modo carmen amicis ,

20. *Quam de lance cælata.* Quam de aliqua patina , et vase sculpto.

22. *Tua vox.* Tua recitatio. Multo magis enim viva vox adficit. — *Exhibuisset.* Hoc est , audivissem , non legissem orationem tuam.

26. *Dum traherer tuis dictis.* Quum Heinsius edidit ex codicibus magno numero. — Quum dicentem te audirem , et in tua verba et sententiam adducerer tuis rationibus.

29. *Ut videar tecum magis esse legendo.* Codex Scaligeri , *loquendo* , ut et alii nonnulli ; sed frustra :

mox , *exemploque mei* , pro meo decem veteres , et nostri.

32. *Quod nobis rectius.* Minores enim a majoribus petere exempla debent. PONT.

34. *Ingenio* etc. Scribo ad vos sæpius , et eo pacto conor vobis absentibus , tanquam præsentibus frui , et videri esse vobiscum , et non in exsilio.

39. *Ecquibus aut recitas.* Ecquid ubi recitas nonnulli. Scribe *Ecquibus ut recitas* ; et pone interrogationis notam post illa , *queritur tua mens*

Aut, quod sæpe soles, exigis ut recitent,
Interdum queritur tua mens, oblita quid absit? 40

Nescio quid certe sentit abesse sui:

Utque loqui de me multum præsentē solebas,
Nunc quoque Nasonis nomen in ore tuo est?
Ipse quidem Getico peream violatus ab arcu, 45

Et, sit perjuri quam prope pœna, vides,
Te nisi momentis video pœne omnibus absens:

Gratia Dīs, menti quolibet ire licet.

Hac ubi perveni, nulli cernendus, in urbem,
Sæpe loquor tecum, sæpe loquente fruor. 50

Tum, mihi difficile est, quam sit bene, dicere; quamque
Candida judiciis hora sit illa meis.

Tum me, si qua fides, cælesti sede receptum,
Cum fortunatis suspicor esse Deis.

Rursus, ut huc rediī, cælum Superosque relinquo; 55
A Styge nec longe Pontica distat humus.

Unde ego si fato nitor prohibente reverti,
Spem sine profectu, Maxime, tolle mihi.

oblita quid absit? Metuo tamen ne vel sic hæc satis sint integra. H. — *Ecquid adhuc Junian.* Sed legerem cum quatuor scriptis, *Ecquid, ubi aut recitas* etc. BURM. Sic nostri.

42. *Nescio quid certe sensit abesse mei. Sentit abesse sui* ex veteribus plerisque et nostris.

46. *Et sil perjuri quam prope pœna vides. Per murum* Regius. Scribe *perjurum quam prope pœna.* H.

49. *Hanc ubi perveni. Hac* ex scriptis nonnullis: mente nimirum.

50. *Teque loquente fruor. Sæpe fruor* cum Politiani libro aliisque multis.

54. *Deis. Viris* P. Servii liber.

55. *Rursus ubi huc rediī. Ut huc rediī* ex Combiano. Ubi mente et

cogitatione videor Roma in Scythiam redisse. — *Relinquo.* Videor relinquere.

56. *A Styge.* Ab inferis. — *Non longe distat.* Non est multum dissimilis. Quasi dicat: Videor ad inferos pervenisse.

57. *Unde.* A qua terra Pontica. — *Si nitor reperti.* Si conor Romam redire. — *Fato prohibente.* Diis nolentibus.

58. *Tolle spem mihi.* Adime hanc mihi spem redeundi, ostendendo per literas non posse fieri, ut redeam. — *Sine profectu.* Quæ spes nihil profectura est: frustra enim reditum spero, si non possum illum consequi.

EPISTOLA VI.

AMICORUM CUIDAM.

ARGUMENTUM.

Amico, qui nominari a poeta noluerat, ostendit, eam revèrentiam in Augustum, cujus clementia sit notissima, invidiosam esse; vel aperte tutus, vel latenter saltem ut exulem amet, hortatur.

NASO suo, nomen posuit cui pæne, sodali
 Mittit ab Euxinis hoc breve carmen aquis.
 At, si cauta parum scripsisset dextra, quis esses,
 Forsitan officio parta querela foret.
 Cur tamen, hoc aliis tutum credentibus, unus, 5
 Adpellent ne te carmina nostra, rogas?
 Quanta sit in media clementia Cæsaris ira,
 Ex me, si nescis, certior esse potes.
 Huic ego, quam patior, nil possem demere pœnæ,
 Si iudex meriti cogerer esse mei. 10
 Non vetat ille sui quemquam meminisse sodalis,
 Nec prohibet tibi me scribere, teque mihi.
 Nec scelus admittas, si consoleris amicum,
 Mollibus et verbis aspera fata leves.
 Cur, dum tuta times, facis ut reverentia talis 15

1. *Suo posuit.* Sic nostri. *Suum* Moreti et quatuor alii.

2. *Ab Euxinis.* *Ab extremis* unus.

3. *Aliis credentibus esse tutum.*
 Aliis existimantibus non esse timen-

dum.—*Hoc.* Scilicet nomen ponere meis scriptis.

9. *Huic ego.* *Hinc* MSS Bersm.
Nil possem demere. Quia Cæsar non potuisset me mitius punire.

Fiat in Augustos invidiosa Deos?

Fulminis adflatos interdum vivere telis

Vidimus, et refici, non prohibente Jove:

Nec, quia Neptunus navem lacerarat Ulyssis,

Leucothee nanti ferre negavit opem. 20

Crede mihi, miseris cælestia numina parcut,

Nec semper læsos et sine fine premunt.

Principe nec nostro Deus est moderatior ullus:

Justitia vires temperat ille suas.

Nuper eam Cæsar, facto de marmore templo, 25

Jampridem posuit mentis in æde suæ.

Juppiter in multos temeraria fulmina torquet,

Qui pœnam culpa non meruere pari.

Obruerit sævis quum tot Deus æquoris undis,

Ex illis mergi pars quota digna fuit? 30

Quum pereant acie fortissima quæque, sub ipso

Judice, delectus Martis iniquus erit.

16. *Fiat invidiosa.* Invidiam illis et detractionem conciliet. — *In Deos Augustos.* Augustum et ejus filios intellige.

20. *Leucothea.* Ex Hom. Od. E, vers. 373. — « Navigat infelix: et erat jam puppis in alto: En! decima obliquum verberat unda latus. Ennosigæus adest, trifidaque repente profundum Cuspide subvertit: læsa carina gemit. Conscius offensæ, morti prætendit Ulysses. . . . Leucotheæ vittam » etc.

22. *Premunt.* Gravant Farnes. et tunc mallet etiam *lapsos*, vel *lassos*, pro *læsos*. BURM.

24. *Suas.* Sua Heinsius maluerat.

25. *Cæsar, facto de marmore templo.* De hoc templo nihil legi. Proinde videndum, an ad templum Martis Ultoris adluserit poeta, quod ab ul-

tione Cassii et Bruti adpellatum fuit. Est enim et ultio, sive vindicta justitiæ pars quædam. MICYL.

26. *In æde suæ mentis.* In thesauro sui pectoris: hoc est, multo antequam ædificaret ædem Romæ, colebat ipsam Deam; sic Claudian. de laude Stilic. II, 30: « Hæc Dea pro templis, et ture calentibus aris, Te fruitur, posuitque suas hoc pectore sedes, »

28. *Qui pœnam culpa non meruere pati.* Pari scribendum cum Feschii codice et Thuaneo. HEINS.

31. *Quum pereant bello fortissima pectora.* Quod et Priamus deplorat, Iliad. Ω: « Primi natorum, fortissima pectora, cæsi. Hei mihi! qui superant? semivir iste Paris. »

32. *Delectus Martis.* Nonnulli *delectus*. HEINS.

At, si forte velis in nos inquirere, nemo est
 Qui se, quod patitur, commeruisse neget.
 Adde, quod extinctos vel aqua, vel Marte, vel igni, 35
 Nulla potest iterum restituisse dies.
 Restituit multos, aut pœnæ parte levavit
 Cæsar; et, in multis me velit esse, precor.
 An tu, quum tali populus sub principe simus,
 Adloquio profugi credis inesse metum? 40
 Forsitan hæc domino Busiride jure timeres,
 Aut solito clausos urere in ære viros.
 Desine mitem animum vano infamare timore:
 Sæva quid in placidis saxa vereris aquis?
 Ipse ego, quod primo scripsi sine nomine vobis, 45
 Vix excusari posse mihi videor.
 Sed pavor adtonito rationis ademerat usum;
 Cesserat omne novis consiliumque malis.
 Fortunamque meam metuens, non vindicis iram,
 Terrebar titulo nominis ipse mei. 50
 Hactenus admonitus memori concede poetæ,
 Ponat ut in chartis nomina cara suis.
 Turpe erit ambobus, longo mihi proximus usu,
 Si nulla libri parte legare mei.
 Ne tamen iste metus somnos tibi rumpere possit, 55
 Non ultra, quam vis, officiosus ero:

39. *An tu.* Ita nostri. Multi *Attu*, cum priscis editionibus.

42. *Aut solitourere clausos* etc. Aut domino Phalaride, qui in æreo taurò igni subdito homines necabat.

43. *Desine mitem animum.* *Animam* unus Medonii. HEINS.

45. *Quod scripsi.* *Qui scripsi* tres.

49. *Non iram vindicis.* Non iram Augusti vindicantis injuriam a me acceptam. *Vindicis, principis, Cæ-*

saris, judicis, solemnī permutatione, codices scripti.

50. *Terrebar titulo.* Quia non audebam facere mentionem mei nominis in meis libellis.

51. *Poetæ.* Sodali Moreti duo, Bersm. et Marg. Gryph.

53. *Ambobus.* Et tibi et mihi. — *Proximus mihi longo usu.* Si tu mihi conjunctus longa consuetudine et amore. — *Proximus.* In multis vete-

Teque tegam, qui sis, nisi quum permiseris ipse.

Cogetur nemo munus habere meum.

Tu modo, quem poteras vel aperte tutus amare,

Si res est anceps ista, latenter ama.

60

rum *cognitus*; utrumque rectum. H.

57. *Nisi quum permiseris ipse. Per-*
miserit unus Vatican. Forte: « nisi
qua permiserit ipse, Cogetur nemo
munus habere meum; » supra de
Augusto: « Quaque ego permisi,
quæque est res passa, pepercit; »

codex Servii *nisi si*, ad Ep. IV. H.

58. *Cogetur nemo. In neminem*
invitum ac repugnantem conferam
munus. P. — Munus habere meum.
Poni in meis versibus.

59. *Tu quoque. Tu modo ex me-*
lioribus. HEINS. Ita quoque nostri.

EPISTOLA VII.

AMICIS.

ARGUMENTUM.

Amicos et uxorem timiditatis insinuat, seque, abjecta spe redeundi, fortiter Geticis in finibus moriturum profitetur.

VERBA mihi desunt eadem tam sæpe roganti,

Jamque pudet vanas fine carere preces.

Tædia consimili fieri de carmine vobis,

Quidque petam, cunctos edidicisse reor.

Nostra quid adportet jam hostis epistola, quamvis 5

2. *Fine carere.* Nunquam ad exitum et finem perduci, sed semper idem precari.

3. *De consimili carmine.* Ejusdem semper materiæ: nam eadem res sæpius iterata, et toties inculcata tædium adfert. PONT.

4. *Edidicisse. Jam didicisse Mo-*

reti et tres alii. *Quodque petam* etiam Servii.

5. *Nostra quid adportet. Nostraque quid portet* ex scriptis compluribus: et mox pro *Charta* codex Politian. *Cera*; quomodo Arondelianus quoque pro diversa lectione: idem pro *vinclis non labefacta suis*, exhibet

Charta sit a vinclis non labefacta suis.

Ergo mutetur scripti sententia nostri,

Ne toties contra, quam rapit amnis, eam.

Quod bene de vobis speravi, ignoscite, amici :

Talia peccandi jam mihi finis erit.

10

Nec gravis uxori dicar : quæ scilicet in me

Quam proba, tam timida est, experiensque parum.

Hæc quoque, Naso, feres ; etenim pejora tulisti :

Jam tibi sentiri sarcina nulla potest.

Ductus ab armento taurus detrectat aratrum ;

15

Subtrahit et duro colla novella jugo.

Nos, quibus adsuevit fatum crudeliter uti,

Ad mala jam pridem non sumus ulla rudes.

Venimus in Geticos fines ; moriamur in illis,

Parcaque ad extremum, qua mea cœpit, eat.

20

Spem juvet amplecti ; quæ non juvat irrita semper ;

Et, fieri cupias si qua, futura putes.

vinclis irresoluta suis ; ut supra : « At semel intentus nervo celer arcus equino, Vincula semper habens irresoluta, manet. » HEINS.

6. *Quamvis Charta sit a vinclis non labefacta suis.* Quamvis, inquit, charta, ubi hæc scripta sunt, nondum sit a vobis reclusa, et suis solitis vinculis soluta.

7. *Scripti sententia nostri.* Institutum scribendi genus, quo hactenus usus sum.

8. *Ne toties contra etc.* Πρὸς κυμα λακτιῶεν. Eurip. Virg. Georg. I, 201.

11. *Nec gravis uxori dicar.* Nec ero ulterius molestus uxori meæ, idem etiam scribendo.

12. *Experiensque parum.* Et parum solers ; quæ non tentat et experitur omnia, ut Cæsarem mihi exoret. Terent. Adelph. III, 5, *enitar, fa-*

ciam, experiar ; et ita omnia experiri idem et alii sæpe : ita vir experiens et acer. Livio, V, xxxiv, Ciceroni et aliis ; *experiens vir* Horat. I, Epist. xvii, 42 ; absolute etiam Val. Flac. II, 33, *Commovet experiens.*

14. *Nulla sarcina.* Nullum onus.

15. *Ductus ab armento taurus.* Taurus indomitus aratro admotus. — *Detrectat aratrum.* Detractat et subtrahit plerique veteres. H.

17. *Crudeliter uti.* *Crudelibus* Leid. unde Heins. *crudelius.*

21. *Spem juvat amplecti.* Juvat malim : et versu proximo distinguendum : « Et, fieri cupias si qua, futura putes. » HEINS.

22. *Qua futura putes.* Sensus est : Spem illam amplectendam censeo, quæ non est irrita, et qua speramus id adsequi, quod optamus fieri.

Proximus huic gradus est, bene desperare salutem,

Seque semel vera scire perisse fide.

Curando fieri quædam majora videmus 25

Vulnera, quæ melius non tetigisse fuit.

Mitius ille perit, subita qui mergitur unda,

Quam sua qui tumidis brachia lassat aquis.

Cur ego concepi Scythicis me posse carere

Finibus, et terra prosperiore frui? 30

Cur aliquid de me speravi lenius unquam?

An fortuna mihi sic mea nota fuit?

Torqueor en gravius; repetitaque forma locorum

Exsilium renovat triste, recensque facit.

Est tamen utilius, studium cessasse meorum, 35

Quam, quas admorint, non valuisse preces.

Magna quidem res est, quam non audetis, amici:

Sed si quis peteret, qui dare vellet, erat.

Dummodo non vobis hoc Cæsaris ira negarit,

Fortiter Euxinis immoriemur aquis. 40

23. *Proximus huic gradus est.* Primus enim gradus est sperare, quæ adsequi optamus: secundus vero, ea desperare quæ minime adsequi confidimus. — *Bene desperare salutem.* Bene deponere spem salutis irritam.

24. *Scisse perisse fide.* Scire ex melioribus, et ex nostris.

28. *Liquidis brachia lasset aquis.* Tumidis aquis melioris notæ libri, et lassat. HEINS. Sic nostri codd.

29. *Cur ego concepi.* Cur cogitavi. — *Scythicis me posse carere Finibus.* Posse me e Scythia removeri.

30. *Terra prosperiore frui.* Proximiore Thuanus alter; qua voce usus etiam Seneca, Ep. CIX. H.

32. *Sic fuit nota mihi.* Sic mihi cognita fuit, ut deberem sperare nunc eam benignius mecum acturam.

33. *Torqueor en gravius.* Heu gravius tres veteres. Forte *Torqueor hoc gravius*; vel *Torquet enim gravius.* H.

35. *Studium meorum.* Consensum et favorem amicorum. — *Cessare meorum.* Cessasse Polit. alique nonnulli. H. — *Cessasse.* Nihil tentasse de reditu meo apud Augustum.

37. *Magna quidem res est quam non audetis amici.* Difficile, inquit, et arduum est, quod non audetis pro me petere; quamvis sit magnum, tamen Augustus concederet.

39. *Dummodo non nobis.* Vobis rectius pr. Medic. et decem alii. H.

EPISTOLA VIII.

MAXIMO.

ARGUMENTUM.

Pharetram telis gravidam Maximo mittit, unicum quod Scythica tellus
obferat munus ; quod ut boni consulat, rogat.

QUÆ tibi, quærebam, memorem testantia curam,

Dona Tomitanus mittere posset ager.

Dignus es argento, fulvo quoque dignior auro :

Sed te, quum donas, ista juvare solent.

Nec tamen hæc loca sunt ullo pretiosa metallo : 5

Hostis ab agricola vix sinit illa fodi.

Purpura sæpe tuos fulgens prætexit amictus ;

Sed non Sarmatica tingitur illa manu.

Vellera dura ferunt pecudes, et Palladis uti

Arte Tomitanæ non didicere nurus. 10

Femina pro lana Cerealia munera frangit,

Subpositoque gravem vertice portat aquam.

Non hic pampineis amicitur vitibus ulmus :

1. *Curam memorem.* Quæ testarentur curam hominis memoris tui.

4. *Sed te, quum donas, ista juvare solent.* Sed aurum et argentum magis soles donare aliis, quam accipere.

6. *Vix sinit illa fodi. Ista Jun. Pol. et tres alii ; ulla Leid.* Vix permittit loca illa arari. Quasi dicat : Si in hac regione non possunt homines agrum colere ob hostilem timorem, et in-

cursiones, multo minus eam ob causam possunt æra fodere.

7. *Prætexit amictus.* Prætexit ex libro Politiani aliisque multis. H.

9. *Et Palladis arte.* Scaligerum legisse ; at *Palladis*, notavit Heinsius, sed non probabat ; *vellera nulla* etiam sex scripti cum prim. edit.

11. *Cerealia munera.* Multi codices, *semina*, inter quos nostri.

13. *Amicitur.* Oneratur Moreti et

Nulla premunt ramos pondere poma suo.
 Tristia deformes pariunt absinthia campi, 15
 Terraque de fructu quam sit amara docet.
 Nil igitur tota Ponti regione sinistri,
 Quod mea sedulitas mittere posset, erat.
 Clausa tamen misi Scythica tibi tela pharetra :
 Hoste, precor, fiant illa cruenta tuo. 20
 Hos habet hæc calamos, hos hæc habet ora libellos :
 Hæc viget in nostris, Maxime, Musa locis.
 Quæ quanquam misisse pudet, quia parva videntur,
 Tu tamen hæc, quæso, consule missa boni.

duo alii; ut Trist. II, 143: « Vidi ego pampineis oneratam vitibus ul-
 mum. » Hic prius est præferendum.

17. *Ponti sinistri.* Ponticæ regio-
 nis infelicis; ad lævam Euxini maris
 sitæ.

20. *Fiant cruenta.* Cruore hostili

madeant, quum in prælium ibis.

21. *Hos calamos.* Hæc scribendi
 instrumenta: nam Romani calamis
 scribunt; Scythæ vero sagittas fa-
 ciunt, quas quotidie tractant, ut nos
 Romani libros et calamos.

23. *Misisse. Meminisse* quidam.

EPISTOLA IX.

BRUTO.

ARGUMENTUM.

Querenti Bruto, quod hæc carmina in eodem versentur argumento,
 neque sint satis correcta, respondet, se tristem canere tristia, fa-
 mamque operis sibi viliorem esse salute sua.

QUOD sit in his eadem sententia, Brute, libellis,
 Carmina nescio quem carpere nostra refers :

1. *Eadem sententia.* Eadem materia qua usus sum etiam in reliquis hujus
 operis libellis.

Nil, nisi, me, terra fruar ut propiore, rogare;

Et, quam sim denso cinctus ab hoste, queri.

O quam de multis vitium reprehenditur unum!

5

Hoc peccat solum si mea Musa, bene est.

Iipse ego librorum video delicta meorum,

Quum sua plus justo carmina quisque probet.

Auctor opus laudat: sic forsitan Agrius olim

Thersiten facie dixerit esse bona.

10

Judicium tamen hic nostrum non decipit error;

Nec, quidquid genui, protinus illud amo.

Cur igitur, si me videam delinquere, peccem?

Et patiar scripto crimen inesse? rogas.

Non eadem ratio est, sentire et demere morbos:

15

Sensus inest cunctis; tollitur arte malum.

Sæpe aliquod cupiens verbum mutare, relinquo;

Judicium vires destituuntque meum.

Sæpe piget, quid enim dubitem tibi vera fateri?

3. *Propiore. Meliore Polit. potiore*
MSS. Bersm. *Propiore nostri.*

4. *Cinctus ab hoste loqui. Queri*
rectius nonnulli. HEINS.

5. *Vitium reprehenditur. Reprehen-*
deris Politian.

7. *Video delicta.* Video plures er-
rores, quam unum illud. *Vidi* pr. ed.

9. *Sic forsitan Accius olim. Agrius*
legendum jam monuit in novis Le-
ctionibus Guilielmus Canterus, lib.
II, cap. xxx; is enim Thersitæ pater:
quam lectionem Vaticanus unus
confirmat. Moreti codex *Acrius*;
alius *Alcius*: mox dixerit pro dixerat
meliores. H. — Merula Accium intel-
ligit, de quo Pers. Sat. I, vers. 50:
« non est hic Ilias Acci Ebria vera-
tro; » sed ibi *Atti* legitur, et de re-
centi poeta, qui Persii tempore vi-
vebat, agi ostendit Casaubonus.

11. *Non decipit nostrum judicium.*
Non fallit meum judicium, quod est
de carminibus meis. Error enim ju-
dicium nostrum fallit, quum mala
nostra carmina bona esse credimus,
et sic erramus.

13. *Cur igitur, si me video delin-*
quere. Videam priscæ editiones cum
scriptis nonnullis, et nost. codicibus.

15. *Sentire et demere morbos.* Co-
gnoscere et curare infirmitates. Hoc
est, non possum errorem corrige-
re: « quia carmina læta sunt opus,
et pacem mentis habere volunt. »

16. *Tollitur arte malum.* Vitium
carminis non indiget solum ut de-
prehendatur, sed arte opus est, quæ
non potest nisi a læto animo profi-
cisci.

17. *Relinquo.* Omitto scilicet ver-
bum mutandum in carmine meo;

Corrigere, et longi ferre laboris onus. 20
 Scribentem juvat ipse favor, minuitque laborem,
 Cumque suo crescens pectore fervet opus.
 Corrigere at res est tanto magis ardua, quanto
 Magnus Aristarcho major Homerus erat.
 Sic animum lento curarum frigore lædit, 25
 Ut cupidi cursor fræna retentat equi.
 Atque ita Dî mites minuant mihi Cæsaris iram,
 Ossaque pacata nostra tegantur humo;
 Ut mihi, conanti nonnunquam intendere curas,
 Fortunæ species obstat acerba meæ. 30
 Vixque mihi videor, faciam quod carmina, sanus,
 Inque feris curem corrigere illa Getis:
 Nil tamen e scriptis magis excusabile nostris,
 Quam sensus cunctis pæne quod unus inest.
 Læta fere lætus cecini; cano tristia tristis: 35
 Conveniens operi tempus utrumque suo est.
 Quid, nisi de vitio scribam regionis amaræ?
 Utque solo moriar commodiore, precer?
 Quum toties eadem dicam, vix audior ulli;

et subjungit causam; quia vim judicandi mea calamitas fregit.

20. *Onus longi laboris.* Difficilius est enim carmen corrigere, quam componere.

21. *Scribentem juvat ipse favor.* Alii *labor.* Forte *calor*; hoc est, ut lib. IV, Eleg. II, 25 loquitur; « Impetus ille sacer, qui vatum pectora nutrit. » Sed nil mutandum. Eadem Elegia, *Excitat auditor studium*; et quæ sequuntur. H.

24. *Aristarcho.* Homeri interprete. Fuit Aristarchus optimus grammaticus Alexandrinus. Ælianus tradit hunc tam castigato fuisse iudicio, ut Homeri versus non putare-

tur, quem ipse non probaret. Hinc scriptorum alienorum censores et iudices proverbio Aristarchi adpellantur, et opponuntur Zoilis.

25. *Sic animum lento curarum frigore lædit.* Deesse aliquid videtur, quo referatur *lædit*, nisi *et corrigere* cum Merula intelligas. Heinsius coniecerat, *lædor*, ut esset græcismus.

33. *Nil tamen e scriptis. E scriptis* cum Frag. Lovan. et uno Vaticano, vel *in scriptis* cum Gottorphaniano. H. Nost. habent *in scriptis*.

34. *Quam quod unus sensus.* Quam quod una et eadem sententia tristis et lugubris. — *Pæne inest cunctis.* Quasi inest omnibus meis scriptis:

Verbaque profectu dissimulata carent.

40

Et tamen hæc eadem quum sint, non scribimus îdem:

Unaque per plures vox mea tentat opem.

An, ne bis sensum lector reperiret eundem,

Unus amicorum, Brute, rogandus erat?

Non fuit hoc tanti; confesso ignoscite, docti:

45

Vilior est operis fama salute mea.

Denique materiæ, quam quis sibi finxerit ipse,

Arbitrio variat multa poeta suo.

Musa mea est index nimium quoque vera malorum,

Atque incorruptæ pondera testis habet.

50

Nec liber ut fieret, sed uti sua cuique daretur

Litera, propositum curaque nostra fuit.

Postmodo collectas, utcumque sine ordine, junxi,

Hoc opus electum ne mihi forte putes.

Da veniam scriptis, quorum non gloria nobis

55

Causa, sed utilitas officiumque, fuit.

in his enim tractatur pæne eadem materia tristes et mœsta.

40. *Verba dissimulata.* Verba mea, quæ amici dissimulant: et ostendunt aut non accepisse literas meas, aut verba mea non intellexisse. — *Carent profectu.* Quia nihil mihi proficitur.

42. *Unaque per plures vox meatentat opem.* Malim Unam per plures opem. H. Nil mutant nostri.

43. *Anne bis ut sensum.* An ne bis sensum veteres majori ex parte; et recte. H. — Sensus est, o Brute, de buine tantum unum amicum rogare, ut mihi opitularetur, nec ad cæterorum etiam præsidium confuge-

re? idque hanc ob causam, ne mihi objiceretur, quod idem sensus reperitur in meis carminibus. MICYL.

47. *Denique materia.* Materiam plerique veteres. Forte materiæ suæ; et finxerit ipsi Vossian. H.

49. *Est nimium vera index malorum.* Nimis vere mala mea indicat et exponit.

50. *Incorruptæ testis.* Incorruptæ cum duobus. H. Ita et nostri.

53. *Utcunque.* Ut quæque unus Heinsii, sed male.

56. *Sed utilitas.* Quia scripsi eam ob causam, ut scribendo reditum procurarem. — *Officium.* Et ut in re mea facerem quod debeo.

PUBLII OVIDII NASONIS

EPISTOLARUM

EX PONTO

LIBER QUARTUS.

EPISTOLA PRIMA.

* SEXTO POMPEIO.

ARGUMENTUM.

Excusat has literas, Sexti nomine ornatas, cujus beneficia memori gratæ mente narrat; nec eum in posterum sibi esse defuturum confidit.

ACCIPERE, Pompei, deductum carmen ab illo,

Debitor est vitæ qui tibi, Sexte, suæ.

Qui si non prohibes a me tua nomina poni,

Accedet meritis hæc quoque summa tuis.

Sive trahis vultus, equidem peccasse fatebor :

5

* SEXTO POMPEIO. Hunc Sext. Pompeium originem trahere existimo ab illo Pompeio, qui ad Numantiam male rem gessit, quemque hominem novum Cicero alicubi appellavit. Hoc consule mortuum Cæsarem Augustum, in confesso est. Eidem proconsuli, Asiam obtinenti, comes ac familiaris abiit in provinciam Valerius Maximus, ut ipse

de se testatur in Commentario illustrium exemplorum, libro II, cap. 1. HEINS.

3. *Qui si. Qui seu veteres plerique. H. — A me tua nomina poni.* A me carminibus meis referri nomen tuum.

4. *Accedet tuis meritis.* Addetur reliquis tuis beneficiis.

5. *Sive trahis vultus.* Sive fronte

Delicti tamen est causa probanda mei.
 Non potuit mea mens, quin esset grata, teneri :
 Sit, precor, officio non gravis ira pio.
 O quoties ego sum libris mihi visus in istis
 Impius, in nullo quod legerere loco ! 10
 O quoties, aliud vellem quum scribere, nomen
 Rettulit in ceras inscia dextra tuum !
 Ipse mihi placuit mendis in talibus error ,
 Et vix invita facta litura manu est.
 Viderit ad summum, dixi, licet ipse queratur ; 15
 Hanc pudet offensam non meruisse prius !
 Da mihi, si quid ea est, hebetantem pectora Lethen ;
 Oblitus potero non tamen esse tui.
 Idque sinas oro ; nec fastidita repellas
 Verba ; nec officio crimen inesse putes. 20
 Et levis hæc meritis referatur gratia tantis :
 Sin minus, invito te quoque gratus ero.
 Nunquam pigra fuit nostris tua gratia rebus ,
 Nec mihi munificas arca negavit opes.
 Nunc quoque nil subitis clementia territa fatis 25
 Auxilium vitæ fertque, feretque meæ.
 Unde, roges forsán, fiducia tanta futuri

tem contrahis et irascersis, quod ponam in meis scriptis tua nomina.

8. *Pio*. P. Dan. *meo*.

9. *O quoties. Di quoties* pr. Medic. H. — *In istis libris*. In hoc de Pontopere.

10. *In nullo loco*. In nulla pagina.

12. *Rettulit*. Posuit. — *In ceras*. In tabulas ceratas.

13. *Ipse mihi placuit. Ipse quidem* pr. editio, et duo scripti. Forte, *Ipse sibi placuit*. H. — *Mendis. Vitiis* duo ; *maculis* unus ; *vinclis* Regius ; *magnis* Leid.

15. *Viderit ad summum. Ad summam* in nonnullis.

16. *Ah! pudet offensam. Hanc pudet* pr. Med. et quatuor alii. H.

23. *Nunquam pigra fuit*. Nunquam defuit. — *Nostris rebus*. In nostris necessitatibus.

26. *Fertque refertque*. Ad lib. I, Trist. Eleg. VI, monui videri scribendum, *fertque feretque* ; quod sequentia requirunt. H.

27. *Unde rogas forsán. Roges* Basil. H. — *Futuri*. Futuræ opis tuæ, quia nunquam me fefellit.

Sit mihi? quod fecit, quisque tuetur opus.
 Ut Venus artificis labor est et gloria Coi,
 Æquoreo madidas quæ premit imbre comas : 30
 Arcis ut Actææ vel eburna, vel ænea custos
 Bellica Phidiaca stat Dea facta manu ;
 Vendicat ut Calamis laudem, quos fecit, equorum ;
 Ut similis veræ vacca Myronis opus ;
 Sic ego pars rerum non ultima, Sexte, tuarum, 35
 Tutelæque feror munus opusque tuæ.

28. *Quod finxit quisque tuetur.* Respondet poeta se in eo ideo spem habere, quia est opus ipsius: et unusquisque opus quod fecit, tueri solet. Quæ quidem sententia de Aristotelis Ethica sumitur. — Nostri codices habent *quod fecit quisque.*

29. *Artificis Coi.* Apellis, Coi pictoris celeberrimi.

30. *Quæ premit comas.* Quæ capillos premere videbatur, et aquam exprimere. — *Madidas imbre.* Madefactos capillos aqua æquoris, unde videbatur emergere. Emari enim natam Venerem fabulantur poetæ, et ideo eam Plinius *Anadyomenen* vocatam fuisse scribit.

31. *Arcis ut Actææ.* Phidias præter Jovem, fecit et ex ebone Minervam Athenis, et ex ære tam eximiæ pulchritudinis, ut a forma cognomen acceperit. De quibus hic poeta intelligit. Fuit et in arce Athenarum Minervæ simulacrum, de quo fama increbuit, quod de cælo ceciderit. — *Arcis Actææ.* Arcis Athenarum. — *Custos bellica.* Dea belli Miner-

va, arcium custos et præses. — *Vel ærea custos.* Ænea scripti potiores.

32. *Stat.* Non sedet, sed erecta et stans posita fuit. — *Manu Phidiaca.* Manu Phidiæ Atheniensis, qui floruit olympiade octogesima quarta, circiter tercentesimo Romanæ urbis anno.

33. *Vendicat ut Calamis.* Calamis sui temporis egregius artifex: fecit enim quadrigas maxime celebres; de quo Plinius libro XXXIV, capite 8, ubi legenda sunt humani ingenii miracula, quibus inclaruit Græcia illa, omnium artium parens, cujus infandam sortem nemo satis nunc lugere potest.

34. *Ut similis veræ.* De Myrone ac ejus vacca etiam Plinius scribit. — *Similis veræ.* Similis vaccæ vivæ.

35. *Sic ego sum rerum.* Scribe cum Polit. codice et Fragm. Vatican. *Sic ego pars rerum*; Metam. VII, 522: « Et quota pars illi rerum periire mearum; » nisi mavis cum Arondeliano, « Sic ego sum rerum pars non extrema tuarum. » H.

EPISTOLA II.

* SEVERO.

ARGUMENTUM.

Ad Severum poetam hanc Epistolam scribit Ovidius, se multis rationibus excusans, quod nondum ejus nomen suis scriptis celebrarit, quamvis tamen nunquam cessaverit ad eum epistolas soluta oratione scriptas mittere.

QUOD legis, o vates magnorum maxime regum,
Venit ab intonsis usque, Severe, Getis.

Cujus adhuc nomen nostros tacuisse libellos,
Si modo permittis dicere vera, pudet.

Orba tamen numeris cessavit epistola nunquam
Ire per alternas officiosa vices.

Carmina sola tibi memorem testantia curam

* SEVERO. Duo fuerunt poetæ, nomine Severi; alter Cassius Severus, Parmensis patria, qui in acie Philippica pro Cassio ac Bruto pugnavit: mox Athenas sese contulit, ubi a Varro, consilio atque instinctu Augusti, occisus dicitur: de quo hoc loco intelligi non potest, quando hæc proximo ante Augusti obitum anno scripta sunt. Neque etiam celebraturus poeta videtur eum, quem Augustus odisset. Alter fuit Cornelius Severus, poeta epicus, de quo meminit Quintil. Instit. Orat. lib. X.

1. *Vates magnorum maxime regum.* Multi ex antiquis *maxime regum*; probe: infra Eleg. ult. 9; « Qui-

que dedit Latio carmen regale Severus. » Tragœdiarum scriptorem fuisse designat: sic Trist. lib. II, vs. 553: « Et dedimus tragicis scriptum regale cothurnis. » H.

2. *Ab intonsis Getis.* Ab incultis et impexis illis populis, qui capillum et barbam promittebant, erantque aspectu horridi et formidabiles.

5. *Orba numeris.* Quibus verbis se soluta oratione ad eum scripsisse exprimit.

7. *Curam memorem.* Amorem hominis memoris tui. MER. Vel argumentum memoris animi, quem testantur inter absentes, dona et literæ. P.

Non data sunt : quid enim , quæ facis ipse , darem ?
 Quis mel Aristæo , quis Baccho vina Falerno ,
 Triptolemo fruges , poma det Alcinoο ? 10
 Fertile pectus habes , interque Helicona colentes
 Uberius nulli provenit ista seges.
 Mittere carmen ad hunc , frondes erat addere silvis :
 Hæc mihi cunctandi causa , Severe , fuit.
 Nec tamen ingenium nobis respondet , ut ante : 15
 Sed siccum sterili vomere litus aro.
 Scilicet ut limus venas excæcat in undis ,
 Læsaque sub presso fonte resistit aqua ;
 Pectora sic mea sunt limo vitiata malorum ,
 Et carmen vena pauperiore fluit. 20

8. *Quæ facis ipse darem.* Cur de-
 beo tibi ea adferre , quorum tu es
 optimus artifex.

9. *Quis mel Aristæo , quis Baccho
 vina Falerna. Baccho Falerno multi
 veteres , et recte ; sic Falernus ager
 et similia. Cæterum corripuit τὸ mel,
 raro exemplo , quod ea vox ἀπὸ τοῦ
 μέλι deducatur. Posset alioquin legi,
 Mel quis Aristæo. H. — Quis mel
 Aristæo. De Aristæo Justinus libro
 decimo tertio ; Virgil. quarto Geor-
 gicorum , vs. 317 , sqq.*

10. *Triptolemo fruges.* Ceres fru-
 menti , quod forte inter alias her-
 bas nascebatur ignotum cæteris , pri-
 ma usum adinvenit , docuitque ho-
 mines servandi et serendi modum.
 Triptolemo frumenti dedisse se-
 men , mandasseque , ut cum omni-
 bus id donum participans , modum
 seminandi monstraret. — *Poma det
 Alcinoο.* Alcinoος , rex Phæacum ,
 filius Nausithoi , hortos habuit cul-
 tissimos. Unde Maro Georg. II, 87 :
 « Pomaque et Alcinoi sylvæ. » Ho-
 merus , Odys. II , de Alcinoi hortis ,

vers. 117 : Τάων οὔποτε καρπὸς ἀπέδ-
 λυται , οὐδ' ἐκλείπει ; et deinde , vs.
 120 : Ὅγχυη ἐπ' ὀγχυῆ γηράσκει , μέλιν
 δ' ἐπὶ μέλιν.

11. *Fertile pectus habes.* Est tibi ,
 inquit , abunde doctrinæ. — *Inter
 colentes Helicona.* Inter poetas co-
 lentes Musarum loca , ut est Heli-
 con Bæotia.

12. *Uberius nulli.* Nulli quam tibi
 copiosius. — *Ista seges.* Ista scientia
 artis poeticæ.

14. *Cunctanti.* Alii *cunctandi* ,
 idque magis placet. MICYL. — Nostri
 cum duodecim aliis , *cunctanti*.

16. *Siccum litus.* Materiam et cam-
 pum sine humore. Intelligit autem
 per similitudinem scribendi mate-
 riam mæstam se sumpsisse , unde
 nullus possit fructus et honor ema-
 nare , neque gloria aliqua provenire.

17. *Scilicet ut limus.* Quemad-
 modum limus non permittit aquas
 ex venis procurrere : sic mala oc-
 cludunt et remorantur copiam car-
 minis , et venam poeticæ majestatis.
 — *Excæcat venas.* Venas obturat.

Si quis in hac ipsum terra posuisset Homerum,
 Esset, crede mihi, factus et ille Getes.
 Da veniam fasso; studiis quoque frena remisi;
 Ducitur et digitis litera rara meis.
 Impetus ille sacer, qui vatum pectora nutrit, 25
 Qui prius in nobis esse solebat, abest.
 Vix venit ad partes, vix sumtæ Musa tabellæ
 Imponit pigras pæne coacta manus.
 Parvaque, ne dicam scribendi nulla voluptas
 Est mihi; nec numeris nectere verba juvat. 30
 Sive quod hinc fructus adeo non cepimus ullos,
 Principium nostri res sit ut ista mali:
 Sive quod in tenebris numerosos ponere gressus,
 Quodque legas nulli, scribere carmen, idem est.
 Excitat auditor studium; laudataque virtus 35
 Crescit, et immensum gloria calcar habet.
 Hic mea cui recitem, nisi flavis scripta Corallis,
 Quasque alias gentes barbarus Ister habet?
 Sed quid solus agam? quaque infelicia perdam

21. *In hac terra.* In Tomitana civitate, inter barbaros.

22. *Esset factus Getes.* Redditus fuisset poetices quasi experts, ut sunt Getæ, quorum terras ego incolo.

23. *Studiis quoque frena remisi.* Intermissi etiam studium literarum.

27. *Vix venit ad partes.* Hoc est, vix ad officium suum redit: officium autem Musæ est, poetæ invocanti adesse. Vel vix venit in partem laboris, tergiversatur. — *Ad partes.* Sic Juven. Satir. 4: « est mihi sæpe vocandus Ad partes. »

29. *Voluptas.* Sic nostri; voluntas P. Dan. et multi alii.

32. *Res ista.* Poetica facultas.

33. *Numerosos ponere gestus.* Gres-

sus nonnulli ex antiquis, quod Bersmanno adridebat: frustra. Intelligit gesticulationem manuum quæ inter saltandum fiebat. Versu proximo, pro legas, Scalig. legant; et sic Arond. sed nulla opus mutatione; legere pro recitare dixit. H. — *Numerosos gressus.* Pedes suis numeris et gressibus astrictos. — *Ponere.* Scribendo collocare. *Premere* Burmannus conjiciebat, sed contra sensum et metrum.

34. *Idem est.* Obest Leid. edit. Gryph. Bersm. et alii.

37. *Nisi flavis Corallis.* Coralli populi fuere in ora Pontici maris. *Flavis* vel ad comam, ut *ξανθὸς* intelligat esse, et per hoc, feroces: vel ad reliqui corporis colorem adludere

Otia materia, subripiamque diem? 40
 Nam quia nec vinum, nec me tenet alea fallax,
 Per quæ clam tacitum tempus abire solet;
 Nec me, quod cuperem, si per fera bella liceret,
 Oblectat cultu terra novata suo:
 Quid, nisi Pierides, solatia frigida, restat, 45
 Non bene de nobis quæ meruere Deæ?
 At tu, cui bibitur felicius Aonius fons,
 Utiliter studium quod tibi cedit, ama:
 Sacraque Musarum merito cole; quodque legamus,
 Huc aliquod curæ mitte recentis opus. 50

re putandum. De Corallis autem et Strabo meminit libro septimo.

40. *Subripiamque diem.* Clam rapiam totum diem. Subripimus enim diem, quando vacamus alicui rei jocosæ, ita ut dies elabatur.

41. *Nam neque me vinum. Nam quia nec vinum* meliores. H.

45. *Quid nisi Pierides, solatia fri-*

gida, restant. Restat cum quatuor scriptis. — Solatia frigida. Ita quoque apud Græcos, *ψυχα τέρψις.* Enrip.

46. *Quæ non bene meruere de nobis.* Quæ mihi nocuerunt.

48. *Studium.* Studium poeticæ artis. — *Quod tibi cedit.* Quod tibi succedit utiliter: sive utilius, hoc est, melius, quam mihi.

EPISTOLA III.

~~~~~

### AMICO INSTABILI.

—————

#### ARGUMENTUM.

Invehitur in amicum perfidum, eumque instabilitatis fortunæ humanæ memorem esse jubet.

CONQUERAR, an taceam? ponam sine nomine crimen?  
 An notum, qui sis, omnibus esse velim?

1. *Ponam sine nomine crimen.* An debeo tantum crimen tuum suppresso nomine ostendere?



Nomine non utar, ne commendere querela,  
 Quæratunque tibi carmine fama meo.  
 Dum mea puppis erat valida fundata carina, 5  
 Qui mecum velles currere, primus eras.  
 Nunc, quia contraxit vultum fortuna, recedis,  
 Auxilio postquam scis opus esse tuo.  
 Dissimulas etiam, nec me vis nosse videri,  
 Quique sit, audito nomine, Naso, rogas. 10  
 Ille ego sum, quanquam non vis audire, vetusta  
 Pæne puer puero junctus amicitia :  
 Ille ego, qui primus tua seria nosse solebam,  
 Qui tibi jucundis primus adesse jocis :  
 Ille ego victor, densoque domesticus usu; 15  
 Ille ego judiciis unica Musa tuis.  
 Idem ego sum, qui nunc an vivam, perfide, nescis ;  
 Cura tibi de quo quærere nulla fuit.  
 Sive fui nunquam carus, simulasse fateris :  
 Seu non fingebas, inveniere levis. 20  
 Dic, age, dic aliquam, quæ te mutaverit, iram :

10. *Quisque sit. Quique* Frag. Lovan. et Regius. H.

15. *Denso usu.* Frequenti consuetudine.

16. *Tuis judiciis.* Quia ita de me judicabas. — *Unica musa.* Solus poeticae artis peritus.

17. *Ille ego sum. Idem ego* concinnius legas ex quatuor libris : pro *qui nunc an vivam*, Leidensis *quem nunc*. Forte, *quem nunc an vivat* : versu proximo, pro *cura fuit*, quum *et sui* mox sequatur, a Nasone relictum nobis *cura subit* opinor. H. — *Ille ego sum qui nunc an vivam.* Ordo est : O perfide, qui nunc nescis an vivam, ego sum ille, de quo nulla cura fuit tibi quærere.

19. *Simulasse fateris.* Melius cum sequentibus hæc cohærebunt, *silegas, simulasse fereris* : nam unus ex nostris *videris*. H.

21. *Aut age, dic aliquam. Dic age* nunc Polit. alius *Nunc age dic* ; unus Vatic. *Dic, age, dic* ; at uterque Medonii pro diversa lectione, *Eia age dic* ; quod verum est : sic apud Virg. *Æneid.* IV, vs. 569 : *Eia, age, rumpe moras*. Nemesianus *Cynegetico* : « *Latonæ magnum, Phœbe, decus, eia age, suetos Sume habitus.* » Valerius Flaccus, lib. VIII, 110 : « *Eia, per ipsum Scande age, et adverso gressus, ait, imprime dorso ;* » atque ita passim poetæ. H. — *Ego Dic age, dic*, prætuli, pro-

Nam nisi justa tua est, justa querela mea est.

Quæ te consimilem res nunc vetat esse priori?

An crimen, cæpi quod miser esse, vocas?

Si mihi rebus opem nullam factisque ferebas, 25

Venisset verbis charta notata tribus.

Vix equidem credo, sed et insultare jacenti

Te mihi, nec verbis parcere, fama refert.

Quid facis, ah demens? cur, si fortuna recedat,

Naufragio lacrymas eripis ipse tuo? 30

Hæc Dea non stabili, quam sit levis, orbe fatetur,

Quem summum dubio sub pede semper habet.

Quolibet est folio, quavis incertior aura,

Par illi levitas, improbe, sola tua est.

Omnia sunt hominum tenui pendentia filo, 35

Et subito casu, quæ valuere, ruunt.

Divitis audita est cui non opulencia Cræsi?

bantibus Burmanno et Oberlino, atque nostris codicibus.

22. *Nisi justa tua est.* Nisi querela tua habuerit justam mecum succensent causam. — *Querela mea.* Mea lamentatio de te, quod me deserueris.

23. *Quod te nunc crimen similem.* Polit. plurimique alii ex castigatioribus, « Quæ te consimilem res nunc vetat esse priori; » recte; utuntur ea voce passim Lucretius, Terentius, ac Cicero; Noster, lib. III, Eleg. VII, vs. 3: « Tædia consimili fieri de carmine vobis. » H.

26. *Venisset verbis charta notata.* Saltem verba et literas ad me misisses.

29. *Si fortuna recedat.* Si fortuna tua secunda te quoque deserat, ut me deseruit. — *Naufragio tuo.* Tuo aliquo infortunio, quod tibi potest contingere.

30. *Eripis lacrymas.* Amici enim si viderint quid contra me feceris, et quam fueris in me crudelis in hac mea calamitate, idem quoque mecum in te efficient.

32. *Quæ summum. Quem* repone; neque aliter Fragmentum Boethianum. H.

35. *Omnia sunt hominum. Omnia* plurimi ex scriptis: nil muta. H. — *Tenui filo.* Tenui retinaculo et firmamento. Videtur autem poeta hæc de Dionysii historia traxisse, et ad eam alludere; quam elegantissime Cicero refert in quinto Tusculanarum questionum libro. Ἡρώδης ἐν λεπτοῦν νημάτων, Lucian. Dial. Contemplantis, sive Charon. Lucret. lib. II, sub fin. apud Gellium, XIII, 20. « Aurea de cælo dimisit funis in arva. » Enn. apud Macrobi. I, 9, « Hac noctu filo pendeat Etruria tota. » Vide Colum. pag. 55.

Nempe tamen vitam captus ab hoste tulit.  
 Ille Syracosia modo formidatus in urbe ,  
 Vix humili duram reppulit arte famem. 40  
 Quid fuerat Magno majus? tamen ille rogavit  
 Submissa fugiens voce clientis opem :  
 Cuique viro totus terrarum paruit orbis ,  
 Indigus effectus omnibus ipse magis.  
 Ille Jugurthino clarus, Cimbrique triumpho, 45  
 Quo victrix toties consule Roma fuit,  
 In cœno latuit Marius, cannaque palustri ,  
 Pertulit et tanto multa pudenda viro.  
 Ludit in humanis divina potentia rebus ,  
 Et certam præsens vix habet hora fidem. 50  
 Litus ad Euxinum, si quis mihi diceret, ibis,  
 Et metues arcu ne feriare Getæ;

38. *Tulit vitam.* Vitæ beneficium accepit. — *Ab hoste.* A Cyro, Persarum rege.

39. *Ille Syracosia modo formidatus in urbe.* Dionysium Siciliæ tyrannum dicit, virum omni turpitudine repletum: qui Syracusis pulsus, Corinthi ludum aperuit, ac pueros docuit, sicque imperio carere non potuit. De eo lege Justinum in libro XIX. — *Syracosia urbe.* *Syracosia*, dixi lib. VI, Fast. 277; duo veteres *Syracusa*, etiam bene. H.

41. *Quid fuerat Magno majus.* Pompeii etiam exemplo ostendit, fortunam in rebus omnibus dominari, nec quicquam certi esse in hominum vita. — *Tamen ille rogavit.* Tamen ipse Pompeius, post cladem acceptam in campis Pharsalicis a Cæsare, in Ægyptum fugit, ad opem Ptolæmei regis, cujus patrem in clientelam susceptum, multis beneficiis conciliaverat.

43. *Cuique viro.* Distichon hoc nullius pretii et nugatorium meo periculo ejiciatur. H. Optime.

45. *Ille Jugurthino clarus.* Marium intelligit, qui obscuro genere ortus in vico Arpinati, præclarus fuit imperator, et Jugurtham Numidiæ regem devicit. Sex consulatus, quod nemo alius, gessit. Postea a Sylla pulsus ex urbe, in Minturnensi palude delituit. — *Cimbrique triumpho.* Cimbri populi fuere Germanorum: hi quum Romanorum fines invaderent, ac magna clade primum Romanos adfecissent, a Mario in Italia in campo Caudio deleti sunt; ut Florus ac Plinius docent.

47. *In cœno Marius jacuit.* Latuit Marius quatuor veteres: paulo rectius. H. Marius in Campania delituit in limo, et in paludibus Minturnarum, quum Syllæ rabiem effugeret.

52. *Arcu Getæ.* Lege *Gete*: sic



I, bibe, dixissem, purgantes pectora succos,  
 Quicquid et in tota nascitur Anticyra.  
 Sum tamen hæc passus : nec , si mortalia possem , 35  
 Et summi poteram tela cavere Dei.  
 Tu quoque fac timeas ; et, quæ tibi læta videntur ,  
 Dum loqueris, fieri tristia posse, puta.

*Partha sagitta* apud Nostrum, et  
*Partha manus* in Fastis ; *Scythæ*  
*exercitus* apud Claudianum ; *equus*  
*Astur* apud Martialem ; et similia  
 passim : de quibus hic illic jam egi-  
 mus. H.

53. *I, bibe, dixissem.* Illum reje-  
 cissem tanquam insanum, et di-

gnum purgari elleboro nigro : hæc  
 herba nascebatur plurima in Anti-  
 cyra, quæ est insula pertinens ad  
 regionem Phocaicam : lege Gellium  
 libro XVII, 15.

55. *Sum tamen hæc passus.* Tamen  
 sum relegatus ad oram Ponticam,  
 quod non credideram.

## EPISTOLA IV.

### SEXTO POMPEIO.

#### ARGUMENTUM.

Mediis in calamitatibus suis, lætum se nuntium de Sexto designato consule  
 accepisse, eoque animum suum mire exhilaratum esse testatur.

NULLA dies adeo est australibus humida nimbis,  
 Non intermissis ut fluat imber aquis.  
 Nec sterilis locus ullus ita est, ut non sit in illo  
 Mista fere duris utilis herba rubis.  
 Nil adeo fortuna gravis miserabile fecit, 5

1. *Nimbis. Ventis* duo tantum libri.  
 4. *Utilis herba.* Herba ferens ali-  
 quam utilitatem. — *Duris rubis.* Du-

ris spinis ; ut sunt cardui, etc. De ge-  
 neribus carduorum Plinium legito  
 XVIII, 44 et al. et Palladium IV, 9.

Ut minuant nulla gaudia parte malum.  
 Ecce domo, patriaque carens, oculisque meorum,  
 Naufragus in Getici litoris actus aquas;  
 Qua, tamen inveni, vultum diffundere, causam,  
 Possem, fortunæ nec meminisse meæ. 10  
 Nam mihi, quum fulva tristis spatiarer arena,  
 Visa est a tergo penna dedisse sonum.  
 Respicio: nec corpus erat quod cernere possem:  
 Verba tamen sunt hæc aure recepta mea:  
 En ego lætarum venio tibi nuntia rerum, 15  
 Fama per immensas aere lapsa vias,  
 Consule Pompeio, quo non tibi carior alter,  
 Candidus et felix proximus annus erit.  
 Dixit: et, ut læto Pontum rumore replevit,  
 Ad gentes alias hinc Dea vertit iter. 20  
 At mihi, dilapsis inter nova gaudia curis,  
 Excidit asperitas hujus iniqua loci.  
 Ergo ubi, Jane biceps, longum reseraveris annum,  
 Pulsus et a sacro mense december erit;

6. *Ut minuant nulla gaudia parte malum.* Eleganter Regius codex, « Ut minuant nulla gaudia pace malum. » Ita passim *pacem*, et tutus ut esse possit, rogat et optat in his libris. Attamen vulgatam servare debui, reliquis tuentibus.

7. *Oculisque meorum.* Et præsentia amicorum. Sic Cic. ad Famil. *Oculos saltem effugiamus illorum, si aures non possumus.*

9. *Vultum diffundere.* Gaudium diffundit spiritus, et hinc etiam vultum. Tristitia contra spiritus contrahit cum vultu. P.

11. *Fulva arena.* In litore Tomitano.

16. *Lapsa vias.* *Lassa vices* pr. edit.

18. *Erit.* *Erat* unus; eat Vatic. 19. *Læto.* *Moto* Servii; *clamore* Leid. Putean. et prim. edit.

23. *Longum annum.* *Longum* appellat, ex affectu poetæ, cui præ nimio desiderio tardus et longior videtur incipere. Anni, communi Latiorum sententia, tres tantummodo numero reperiuntur. *Lunaris* quidem primus, omnium brevissimus, qui triginta dierum spatio cursum perfecte peragit. *Solaris*, de quo sæpissime poetæ loquuntur, qui per menses duodecim. Et *magnus*, qui duodecim millia annorum, quingentos et quinquaginta continet.

24. *A sacro mense.* A Januario, qui sacer erat Jano Deo. — *Erit*

Purpura Pompeium summi velabit honoris, 25  
 Ne titulis quicquam debeat ille suis.  
 Cernere jam videor rumpi penetralia turba,  
 Et populum lædi, deficiente loco :  
 Templaque Tarpeïæ primum tibi sedis adiri ;  
 Et fieri faciles in tua vota Deos : 30  
 Colla boves niveos certæ præbere securi ,  
 Quos aluit campis herba Falisca suis.  
 Quumque Deos omnes , tum quos impensius æquos  
 Esse tibi cupias, cum Jove Cæsar erit.  
 Curia te excipiet, patresque e more vocati 35  
 Intendent aures ad tua verba suas.  
 Hos ubi facundo tua vox hilaraverit ore ,  
 Utque solet, tulerit prospera verba dies ;  
 Egeris et meritas Superis cum Cæsare grates,

*pulsus.* Erit exactus , et quasi finitus et expulsus.

25. *Purpura summi.* Vestis purpurea, insigne summorum honorum et magistratuum, qualis erat consularis.

26. *Ne titulis quicquam debeat ille suis.* Sensus est : Purpuram vestem sumet Pompeius, ne quid desit, quod ab eo præstari debeat suis titulis, et virtutibus, et inscriptionibus, seu titulis summi honoris et consularis sui.

27. *Cernere jam video rumpi penetralia turba.* Versus mendosus, et tamen Oberlino servatus : *videor* ple-rique veteres, recte ; nonnulli etiam *penetralia*, quod recepi, probantibus Heinsio et Burmanno ; sed ne sic quidem locus mihi videtur plane in integrum restitutus.

29. *Templa Tarpeïæ sedis adiri.* Templum Capitolinum, ad quod novi consules accedebant sacrificia-

turi calendis Januarii, ut in Fastis.

31. *Colla boves niveos.* Describit sacrificium, quod Cal. Januar. fiebat in Capitolio. Cædebantur autem Jovi Capitolino juveni albi, atque injuges electi ex agro Falisco. Ibi enim, aqua Clitumni amnis epota boves candidos facit. Falisci autem populi fuere in Thuscia haud procul ab urbe.

34. *Cum Jove Cæsar erit.* Malim erunt : et mox *Curiaque excipiet*, pro *Curia te excipiet.* H.

36. *Ad tua verba.* Ad tuam orationem, quam habebis in curia post sacrificium. Capitolinum. Solebant enim novi consules gratias pro sibi delato magistratu populo agere, benigneque illum adloqui.

38. *Utque solet, tulerit.* Et postquam eo die de more prospera tibi omnia a salutantibus nuntiata fuerint. Ovidius, lib. I Fast. vers. 71 : « Prospera lux oritur, linguis ani-



Qui causam, facias cur ita sæpe, dabit : 40  
 Inde domum repetes toto comitante senatu,  
 Officium populi vix capiente domo.  
 Me miserum, turba quod non ego cernor in illa !  
 Nec poterunt istis lumina nostra frui !  
 Quamlibet absentem, qua possum, mente videbo : 45  
 Adspiciet vultus consulis illa sui.  
 Dî faciant, aliquo subeat tibi tempore nostrum  
 Nomen ; et, heu ! dicas, quid miser ille facit ?  
 Hæc tua pertulerit si quis mihi verba, fatebor  
 Protinus exsilium mollius esse meum. 50

misque favete : Nunc dicenda bono  
 sunt bona verba die. »

40. *Qui dabit causam.* Qui Cæsar  
 præbebit materiam. — *Cur ita sæpe*  
*facias.* Cur ita sæpe gratias agas. —  
*Causam dabit.* Dabunt tres scripti ;  
 sed rectius causam gratias Dî agen-  
 di uni Cæsari imputaverit. H.

43. *Cernor.* Sic nost. *Cernar* plurimi.

45. *Quod licet absentem. Qua licet*  
*multi ;* Fragmentum Boxborn. *qua-*  
*libet.* Scribe *Quamlibet absentem.* Vi-  
 de Notas Epist. VI. H.

49. *Hæc tua protulerit.* *Pertulerit*  
 ex scriptis.

50. *Exsilium mollius.* *Mollius* idem  
 ex parte majori : et *esse mihi, pro*  
*meum* Arondel. et Rottendorph.

## EPISTOLA V.

S. POMPEIO JAM CONSULI.

### ARGUMENTUM.

Ad S. Pompeium alegant Epistolam suam, suis verbis ipsi acturam gratias,  
 quod et in fuga præsidio sibi fuerit, et multis se donis cumulaverit.

**I**TE, leves elegi, doctas ad consulis aures,  
 Verbaque honorato ferte legenda viro.  
 Longa via est ; nec vos pedibus proceditis æquis ;

2. *Honorato.* Vide ad I Fast. 52, Vol. VI, pag. 25 Editionis nostræ.

Tectaque brumali sub nive terra latet.  
 Quum gelidam Thracen, et opertum nubibus Hæmon, 5  
 Et maris Ionii transieritis aquas;  
 Luce minus decima dominam venietis in urbem,  
 Ut festinatum non faciatis iter.  
 Protinus inde domus vobis Pompeia petatur;  
 Non est Augusto junctior ulla foro : 10  
 Si quis, ut in populo, qui sitis, et unde, requiret,  
 Nomina decepta quælibet aure ferat.  
 Ut sit enim tutum, sicut reor esse, fateri,  
 Verba minus certe ficta timoris habent.  
 Copia nec vobis ullo prohibente videndi 15  
 Consulis, ut limen contigeritis, erit.  
 Aut reget ille suos dicendo jura Quirites,

4. *Terra.* Per quam ostendit itineris magnam difficultatem: et ideo dixit poeta, *Ite, leves elegi*: hoc est, celeres.

5. *Qua gelidam Thracen.* Thracia regio est secundum Indiam omnium maxima. Et quia septemtrioni proxima est, ideo poeta *gelidam* adpellat. — *Et opertum nubibus Hæmon.* Hæmon Fragmentum Vatic. et Gryphii editio: sic et in Metam. lib. VI, vers. 87; superiori versu, *terra riget* non male Leidensis. HEINS. — *Et opertum nubibus Hæmon.* Hæmus mons est, qui in Pontum vergit: cæteros ejus spatii magnitudine ac sublimitate superans, mediamque Thraciam dividens.

6. *Et maris Ionii.* Et maris illius, quod ab Ionia regione in extremitate minoris Asiæ media, inter Cariam et Æoliam usque ad Siciliam protenditur.

7. *Venietis. Veniatis* unus Heins.

8. *Ut non faciatis iter festinatum.* Quamvis non properetis.

10. *Foro Augusto.* Foro Augusti addito duobus aliis foris.

11. *Ut in populo.* Quemadmodum vulgus, sive populus solet requirere. — *Qui sitis.* Quo nomine adpellemini. — *Et unde.* Et ex qua gente veniatis. — *Requiret.* Multi requirat; nostrum vero potius, tuentibus optimis, et nostris.

12. *Nomina quælibet.* Quæcunque alia nomina, quam vestra. — *Aure decepta.* Aurem enim decipimus, quum id dicimus audienti, quod non est. — *Ferat.* Audiat.

13. *Ut sit tutum fateri.* Quamvis sit securum nomen vestrum, et unde veniatis, profiteri.

15. *Copia nec vobis.* Hic versus monet, non ita eis facilem fore consulis videndi copiam, quandoquidem ille maximis in rebus occupatus erit. — *Nullo prohibente. Ullo Junii* codex et postrema Aldi cum Gryphiana, quod malo. H. — Aliquo qui vobis id prohibeat; sed occupationes publicæ id non sinunt.

Conspicuum signis quum premēt altus ebur :  
Aut, populi reditus positam componet ad hastam ,

Et minui magnæ non sinet urbis opes :

20

Aut, ut erunt patres in Julia templa vocati ,

De tanto dignis consule rebus aget :

Aut feret Augusto solitam natoque salutem ,

Deque parum noto consulet officio.

Tempus ab his vacuum Cæsar Germanicus omne

25

Auferet : a magnis hunc colit ille Deis.

Quum tamen a turba rerum requieverit harum ,

Ad vos mansuetas porriget ille manus ;

Quidque parens ego vester agam , fortasse requireret :

18. *Ebur conspicuum.* Sellam eburneam et curulem.

19. *Aut, populi reditus positam.* Aut, inquit, consul posita in foro hasta præconis, ut, inquit Cicero, publica vectigalia in auctione emenda, conducendave proponet.

20. *Minui.* Minoris vendi quam superioribus annis.

21. *In Julia templa.* In Ædem Veneris genitricis, quam Julius Cæsar erexit.

24. *De officio parum noto.* De rebus pertinentibus ad consulatum minus notis Pompeio, tanquam novo consuli. — *Consulet.* Capiet consilium. Putat Burmannus tam adulandi imperitum non fuisse Nasonem, ut ignorantiam, aut servitutem tam imprudenter objiceret Pompeio. Quare legi maluerit vir doctus, *Deque patrum toto consulet officio.* Consulet Cæsares, quale velint esse officium totius senatus: antequam enim res ad senatum proponerentur, solebant a consulibus ad Augustum referri, qui de illis in concilio suo domestico ante tractabat. Ingeniosa sane lectio: vul-

gata vero fere omnes, et nostros quoque, sibi habet propugnantes.

25. *Tempus ab his vacuum.* Malim *vacuo*: vide Notas Trist. IV, El. III, vs. 77. H. — *Germanicus.* Germanicus junior, filius Drusi, privigni Augusti. MER. — *Tempus ab his vacuum Cæsar.* Hic locus ita intelligendus videtur, ut Germanicum accipiamus, ea hyeme, quæ obitum Augusti proxime antecessit, Romæ fuisse, et sequenti æstate in Germaniam abiisse. Mortuus enim Augustus est, Coss. Sex. Pompeio, ad quem hic scribit poeta, et Sex. Apuleio, XIV Kalend. septembris, ut Suetonius tradit. Quo tempore Germanicus apud Rhenum exercitui præpositus fuit. MICYL.

27. *Quum tamen a turba rerum requieverit harum.* Rectius cura refingas. Infra, El. IX, vs. 71: « Quum tamen a cura rerum propiore vacabit; » proximo versu, *adsuetas manus* Twisdenianus, non *mansuetas*. H. Sed Ep. II, 75, dixit, *de tanta rerum turba.* *Adsuetas* etiam P. Dan.

28. *At vos.* Scilicet versus excipiendo.



Talia vos illi reddere verba velim. 30  
 Vivit adhuc, vitamque tibi debere fatetur,  
 Quam prius a miti Cæsare munus habet.  
 Te sibi, quum fugeret, memori solet ore referre,  
 Barbariæ tutas exhibuisse vias.  
 Sanguine Bistonium quod non tepefecerit ensem, 35  
 Effectum cura pectoris esse tui.  
 Addita præterea vitæ quoque multa tuendæ  
 Munera, ne proprias attenuaret opes.  
 Pro quibus ut meritis referatur gratia, jurat,  
 Se fore mancipium, tempus in omne, tuum. 40  
 Nam prius umbrosa carituros arbore montes,  
 Et freta velivolas non habitura rates,  
 Fluminaque in fontes cursu reditura supino,  
 Gratia quam meriti possit abire tui.  
 Hæc ubi dixeritis, servet sua dona, rogate: 45  
 Sic fuerit vestræ causa peracta viæ.

32. *Quod prius. Quam* recte veteres plerique. HEINS.

34. *Vias tutas barbariæ.* Vias securas a barbarie, per quas Tomon proficiscebatur.

35. *Ensem Bistonium etc.* Ensem Thracum.

36. *Cura pectoris esse sui. Tui* ex scriptis. HEINS.

40. *Mancipium tuum.* Ita olim editi. Heinsius edidit, *mancipii tui*; nec monuit, unde haberet: video et Excerpta Scaligeri hanc lectionem præferre, sed ex nullo codice; Brissotius, libro VI de Form. pag. 517, lubens emendat: « Se fore mancipio tempus in omne tuum. » Quæ

quamvis non displiceant, contra libros tamen scriptos intrudere periculosum credo: *mancipium* ergo pro servo capimus, ut infra El. VIII, 66: « Si quid... Restat in ingenio, serviet omne tibi. »

41. *Nam prius umbrosa etc.* Hæc, quibus posse rem fieri poetice negat, libenter conferam ad Virgil. Eclog. I, 60 sqq; V, 76 sqq; Æn. I, 607 sqq.

45. *Servet sua dona.* Ut servet et reducat in patriam me Ovidium, mancipium suum, vel quam ei vitam acceptam refero, conservare ac tueri pergat, ac suis me officiis complecti ne desistat.

## EPISTOLA VI.

## BRUTO.

## ARGUMENTUM.

Fabii Maximi deprecatoris sui, ipsiusque Augusti morte spem redeundi suam concidisse, questus, Bruti mite ingenium et supplicibus facile laudat, gratamque mentem ei spondet.

QUAM legis, ex illis tibi venit Epistola, Brute,  
Nasonem nolles in quibus esse, locis.

Sed, tu quod nolles, voluit miserabile fatum:

Heu mihi, plus illud, quam tua vota, valet!

In Scythia nobis quinquennis Olympias acta est: 5

Jam tempus lustris transit in alterius.

Perstat enim fortuna tenax, votisque malignum

Opponit nostris insidiosa pedem.

Certus eras pro me, Fabiæ laus, Maxime, gentis,

Numen ad Augustum supplice voce loqui. 10

Occidis ante preces; causamque ego, Maxime, mortis,

5. *Olympias quinquennis.* Tempus illud, quod a Græcis Olympias appellatur, quinquennale.

6. *Jam transit.* Jam Olympias altera incipit.—*In tempus alterius lustris.* In tempus alterius quinquennii.

9. *Laus maxima gentis. Maxime veteres plerique.* HEINS.

11. *Occidis ante preces.* Moreris antequam pro me precareris Augustum.—*Causam tuæ mortis.* Nasonem enim unice amabat Maximus: et quum non posset ferre ejus absentiam et exsilium, præ dolore

eum periisse putat poeta. De morte Maximi meminit Tacitus, Ann. I, his verbis: « Quippe rumor incerserat, paucos ante menses, Augustum electis consociis, et comite uno Fabio Maximo, Planasiam vectum, ad visendum Agrippam: multas illinc utrimque lacrymas, et signa caritatis, spemque ex eo fore, ut juvenis penatibus avi redderetur. Quod Maximum uxori Martiæ aperuisse, illam Livie, C. Nanium id Cæsari. Neque multo post extincto Maximo, dubium an quæsitæ mor-

Nec fueram tanti, me reor esse tuæ.

Jam timeo nostram cuiquam mandare salutem :

Ipsam morte tua concidit auxilium.

Cæperat Augustus deceptæ ignoscere culpæ; 15

Spem nostram terras deseruitque simul.

Quale tamen potui, de cælite, Brute, recenti

Vestra procul positus carmen in ora dedi.

Quæ prosit pietas utinam mihi! sitque malorum

Jam modus, et sacræ mitior ira domus! 20

Te quoque idem, liquido possum jurare, precari,

O mihi non dubia cognite, Brute, nota!

te, auditos in funere ejus Martiæ gemitus, semet incusantis, quod causa exitii marito fuisset, etc. » Hanc igitur causam, quia Ovidius, utpote tam longe remotus, scire non posset, aut etiam, si sciebat, palam edere nollet, fingit se dubitare, utrum ipse causa illius mortis exstiterit. — *Nec fueram tanti.* Ut mea causa morereris.

13. *Jam timeo.* Jam metuo, ne amici dolore mearum calamitatum afficiantur et pereant, ut Fabius Maximus. — *Salutem.* Hoc est, vitam et incolumitatem, ut sit sensus: Quia igitur Maximus, is in quo summam spem positam habebam, decessit, vereor deinceps ulli amplius curam salutis et incolumitatis meæ commendare. MICYL.

15. *Culpæ deceptæ.* Errori meo, qui me, aut fortasse Augustum decepit, credentem me consulto peccasse, quum potius per imprudentiam erraverim. Vel etiam, *deceptæ culpæ*, per deceptionem et errorem perpetratæ atque commissæ.

16. *Simul deseruit.* Simul destituit ipse Fab. Maximus. Vel certe (quod magis placet) Augustum etiam mor-

tuum esse dicit. Periit enim quinto exsilii poetæ anno, ut diximus. — *Spem nostram.* Spem reditus.

17. *De recenti cælite.* Compositum de ipso Augusto qui ad Superos evolavit. MEN. — Augustum intelligit, cui defuncto statim divini honores decreti fuere. MICYL.

18. *In ora.* In conspectum vestrum. — *Positus procul.* Longe a vobis remotus. — *Dedi.* Misi.

19. *Quæ prosit pietas utinam mihi!* Qui amor meus erga Augustum mihi utinam prosit! — *Sitque malorum Jam modus.* Quomodo velit sibi pietatem suam, et carmina in laudem Augusti defuncti composita prodesse, ostendit: hoc est, ut jam sit finis malorum, quæ per quinquennium passus est in Pontica regione.

21. *Te quoque precari idem.* Te Brutum, a Tiberio et Germanico etiam idem petere, quod Fabius petebat. Vel precari idem quod ego; scilicet ut mea pietas mihi prosit, ut sit modus malorum, et ut sit mihi jam benigna Cæsarum domus.

22. *Non dubia cognite, Brute, fide.* Nota Scaligeri codex atque alii complures: bene. HEINS.



Nam, quum præstiteris verum mihi semper amorem;

Hic tamen adverso tempore crevit amor.

Quique tuas pariter lacrymas nostrasque videret, 25

Passuros pœnam crederet esse duos.

Lenem te miseris genuit natura, nec ulli

Mitius ingenium, quam tibi, Brute, dedit:

Ut, qui quid valeas ignoret Marte forensi,

Posse tuo peragi vix putet ore reos. 30

Scilicet ejusdem est, quamvis pugnare videtur,

Supplicibus facilem, sontibus esse truem;

Quum tibi suscepta est legis vindicta severæ,

Verba velut tinctum singula virus habent.

Hostibus eveniat, quam sis violentus in armis 35

Sentire, et linguæ tela subire tuæ;

Quæ tibi tam tenui cura limantur, ut omnes

Istius ingenium corporis esse negent.

At, si quem lædi fortuna cernis iniqua,

Mollior est animo femina nulla tuo. 40

Hoc ego præcipue sensi, quum magna meorum

Notitiam pars est inficiata mei.

Immemor illorum, vestri non immemor unquam,

Qui mala solliciti nostra levastis, ero.

29. *At qui, quid valeas, ignorat. Ut qui quid valeas ignoret ex castigatioribus.* HEINS.

30. *Posse peragi.* Posse damnari. Reus enim dicitur peragi, quum aliqujus eloquentia damnatur. — *Vix putet.* Vix existimet: quia vident te natura mitem et pium miseris. — *Tuo ore.* Tua eloquentia.

31. *Pugnare videtur.* Videntur sex scripti; et tum dele est cum tribus libris. Sed cum nostris codicibus servare prius malui.

34. *Habent velut virus tinctum.* Ex

quo magna est laus Bruti, quod tanta est ejus eloquentia, ut in accusandis reis singula verba sint ita efficacia, ut videantur veneno illita.

37. *Quæ limantur.* Quæ tela acuntur et parantur. — *Tam tenui cura.* Tam subtili diligentia. — *Ut omnes istius ingenium.* Ut omnes, inquit, arbitrentur non id fieri tuo corpore, et humano ingenio, sed viribus et ingenio divino.

44. *Qui mala solliciti nostra levastis.* Solliciti cum Polit. et quinque aliis; levastis Barberin. Præterea,

Et prius, heu nobis nimium conterminus! Ister 45

In caput Euxino de mare vertet iter;

Utque Thyesteæ redeant si tempora mensæ,

Solis ad Eoas currus agetur aquas;

Quam quisquam vestrum, qui me doluistis ademptum,

Arguat, ingratum non meminisse sui. 50

*vestrum*, pro *vestri* scribendum, præcedenti versu. HEINS.

45. *Et prius hic nobis. Hinc nonnulli. Scribe, heu nobis nimium conterminus! Ister* cum Barber. et Rotendorph. HEINS.

47. *Utque Thyesteæ redeant si tempora mensæ. Ante*, Feschii et Hafniensis; multi alii, *Atque*. Opinor castigandum: « Ante, Thyesteæ redeant ceu tempora mensæ, Solis ad Eoas currus agetur aquas. » Pro

*tempora* etiam *fercula* malim reponi: sed obstant libri veteres. Nam Nonius docet, *ferculum* proprie esse *missum carniū*. Hinc apud Juvenalem, Sat. XI: « Fercula nunc audi nullis ornata macellis. » H.

49. *Doluistis ademptum*. Heinsius edidit *adempto*; sed nostrum melius.

50. *Arguat ingratum*. Ostendat: sic Virgil. IX, 281: « me nulla dies tam fortibus ausis... Dissimilem arguerit. »

## EPISTOLA VII.

### \* VESTALI.

#### ARGUMENTUM.

Acerbitatis exsilii sui testem invocat poeta Vestalem, Mæsiæ præsidem, cujus præclara facinora, maxime in expugnanda Ægypto, narrat.

MISSUS es Euxinas quoniam, Vestalis, ad undas,

Ut positis reddas jura sub axe locis;

Adspicis en, præsens, quali jaceamus in arvo:

\* VESTALI. *Vestalis* cognomen est Fabiæ gentis: ita *Fabius Vestalis*, qui de pictura scripsit, sæpe Plinio laudatur; vid. Indicem lib. XXXV et XXXVI; *Vettius Vesta-*

*lis* apud Gruter. MCXLIX, 12, et Reins. I, 48. BURM.

3. *Adspicis en, præsens. Præses* codex Scaligeri, Feschii, optim. Vatic. et Regius; bene: idem Va-

Nec me testis eris falsa solere queri.  
 Accedet voci per te non irrita nostræ, 5  
 Alpinis juvenis regibus orte, fides.  
 Ipse vides certe glacie concreescere Pontum;  
 Ipse vides rigido stantia vina gelu.  
 Ipse vides, onerata ferox ut ducat Iazyx  
 Per medias Istri plaustra bubulcus aquas. 10  
 Adspicis et mitti sub adunco toxica ferro,  
 Et telum causas mortis habere duas.  
 Atque utinam pars hæc tantum spectata fuisset,  
 Non etiam proprio cognita Marte tibi!  
 Tenditis ad primum per densa pericula pilum; 15  
 Contigit ex merito qui tibi nuper honos.  
 Sit licet hic titulus plenis tibi fructibus ingens,  
 Ipsa tamen virtus ordine major erat.  
 Non negat hoc Ister, cujus tua dextera quondam

tic. Epistolam hanc inscribit *Vestali*  
*prop.* hoc est *pro præsidente*. HEINS. —  
*Præsens* præfero, quia hoc melius  
*τῷ* *adspicis*, et mox *testis* convenit:  
 si de parte aliqua administrationis,  
 cui præfectus erat Vestalis, ageret;  
*præsens* posset admitti; sed hic ejus  
 testimonium tantum invocat.

5. *Accedet voci nostræ*. Veniet no-  
 stris verbis, quibus questi sumus de  
 locis Ponticis. — *Non irrita fides*. Fi-  
 des non vana, sed vera. — *Per te*.  
 Tuo testimonio.

6. *Alpinis regibus*. A regibus Cot-  
 tiis. — *Juvenis*. O Vestalis.

7. *Glacie concreescere*. Vide hæc  
 et sequentia illustrantem Pontanum  
 ad Macrob. lib. VII Saturn. 12.

8. *Gelido stantia vina*. Vina con-  
 gelata, et in unam massam redacta  
 nimio gelu.

9. *Ferox Iazyx*. Fuere Iazyges po-  
 puli Scythiæ, qui campos et plana

tenere. — *Iazyx*. Scribe *Iazyx*. ἰάζυξ,  
 ἰάζυγος; ut ἰάπυξ, ἰάπυγος, *Iazygas*  
 alibi vocat non uno loco Noster;  
 certe Rottendorph. *Iazyx*: præce-  
 denti versu, pro *vina*, Petri Servii  
 codex *musta*. HEINS.

12. *Duas causas mortis*. Ferrum  
 scilicet sagittæ, et venenum.

15. *Tenditis*. Vos milites Romani  
 pervenitis, et tu præsertim, Vestalis.  
 — *Ad primum pilum*. Ad primipila-  
 rem dignitatem. — *Per densa peri-  
 cula*. Per multa et crebra discrimina.  
*Pro pericula*, Regius *piacula*.

16. *Contigit*. Ordo est: Qui honor,  
 hoc est, quæ dignitas, primipilaris,  
 nuper contigit tibi ex merito.

17. *Sit plenis fructibus*. Sit hono-  
 rifica et fructuosa.

18. *Major erit*. Mallet cum duo-  
 bus codicibus et pr. edit. erat. H.

19. *Non negat hoc Ister*. Testis est  
 Ister virtutis tuæ, qui te in ejus ri-



Pœniceam Getico sanguine fecit aquam. 20

Non neget Ægyptos, quæ, te subeunte, recepta

Sensit in ingenio nil opis esse loci.

Nam dubium, positu melius defensa manu,

Urbs erat in summo nubibus æqua jugo.

Sithonio regi ferus interceperat illam 25

Hostis, et ereptas victor habebat opes.

Donec flumine devecta Vitellius unda

Intulit, exposito milite, signa Getis.

At tibi, progenies alti fortissima Dauni,

Venit in adversos impetus ire viros. 30

Nec mora; conspicuus longe fulgentibus armis,

Fortia ne possint facta latere, caves:

Ingentique gradu contra ferrumque locumque,

Saxaque brumali grandine plura, subis.

Nec te missa super jaculorum turba moratur, 35

Nec quæ vipereo tela cruore madent.

pis hostem vidit insequentem, et trucidantem.

20. *Pœniceam sanguine Getico.* Rubram hostili et Getico cruore.

21. *Non neget Ægyptos.* Vide notas lib. I, Eleg. VIII, vs. 13. H. — Ægyptos oppidum munitissimum fuit in Scythia, in summo collis ardui. Sensus planus est ex iis quæ sequuntur. Nam a Getis interceptam, ac regi Thraciæ ademptam, recuperatam mox Vitellii opera et auxilio dicit: in qua recuperatione ac pugna, Vestalem quoque præclaram operam navasse innuit. MICYL.

23. *Manuve.* An propugnatoribus; quasi dicat, et natura loci, et validissimo præsidio pariter urbs ea devicta. MICYL.

25. *Sithonio regi.* Regi Thraciæ: est enim Sithonia pars Thraciæ.

26. *Ereptas opes.* Divitias Ægypti

oppidi ademptas oppidanis ejectis. — *Et victor.* Et hostis Geta, qui oppidum illud expugnauerat. MICYL.

27. *Fluminea unda.* Unda Istri fluminis. — *Vitellius.* Forte A. Vitellius, patruus Cæsaris Vitellii, qui consulatum gessit sub Tiberio, an. U. C. DCCXXCIV; nisi ad L. Vitellium patrem referre mavis. — *Intulit.* Bella intulit, et cum vexillis Romanis eo venerat pugnaturus: nam vexilla et armatos, secundo flumine, ex finitimis locis deportavit.

29. *Progenies alti fortissima Donni.* Ignotum hoc nomen. *Donni* Polit. et octo alii; sex *Doni*; tres *Dampni*; totidem *Danni*. Scribe *Dauni* cum uno Vossiano, ut ad Turni patrem Rutulorum regem respiciat. H.

34. *Saxaque.* Et contra saxa, quæ e superiori loco cadebant. — *Plura.* Numerosiora. — *Subis.* Adscendis.

Spicula cum pictis hærent in casside pennis;

Parsque fere scuti vulnere nulla vacat.

Nec corpus cunctos feliciter effugit ictus;

Sed minor est acri laudis amore dolor.

40

Talis apud Trojam Danaïs pro navibus Ajax

Dicitur Hectoreas sustinuisse faces.

Ut propius ventum est, commissaque dextera dextræ,

Resque fero potuit cominus ense geri;

Dicere difficile est, quid Mars tuus egerit illic,

45

Quotque neci dederis, quosque, quibusque modis.

Ense tuo factos calcabas victor acervos;

Impositoque Getes sub pede multus erat.

Pugnat ad exemplum Primi minor ordine Pili;

Multaque fert miles vulnera, multa facit.

50

Sed tantum virtus alios tua præterit omnes,

Ante citos quantum Pegasus ibat equos.

Vincitur Ægyptos : testataque tempus in omne

Sunt tua, Vestalis, carmine facta meo.

37. *Spicula*. Tela, et sagittæ. — *Cum pennis pictis*. Cum pennis sagittarum puniceis. Solent enim pennæ, quæ sagittis annectuntur, aliquo colore infici, ut videantur pulchriores.

38. *Vacat vulnere*. Quemadmodum de Scæva illo Cæsariano legimus.

41. *Talis apud Trojam*. Notum est naves Græcorum defensas fuisse ab Ajace contra Trojanos, qui duce Hectore ignem adtulerant, ut eas cremarent. Qualis ergo fuerat in ea pugna Ajax, talem enim fuisse Vestalem contra Getas profitetur. — *Talis apud Trojam Danaïs pro navibus Ajax*. Iliad. O : « In Danaos Hector fert tela, facesque Deosque ;

Protegit ast Ajax pectore mille rates. » Et in Tragicis ap. Scriv. « Nam facinus fecit maximum, cum Danaïs inclinantibus summam rem perfecit manus : prælium restituit, naves servavit. »

49. *Minor*. Centurio qui erat sub primipilo : id est, sub Vestale minoris dignitatis. — *Pugnat ad exemplum primipili*. Videndo primipilum acriter in prima acie pugnare ; et ipse eum imitabatur, pugnando etiam fortiter.

53. *Vincitur Ægyptos*. Urbs illa tandem tua virtute, o Vestalis, capitur. — *Testata*. Testimonio comprobata.

## EPISTOLA VIII.

\* SUILLIO.

## ARGUMENTUM.

Mortuo Augusto, ut diximus, hanc Epistolam mittit Ovidius ad Suillum uxoris suæ generum, agitque ei gratias pro ejus Epistola ad se scripta: quam, etsi sero perlatam, gratissimam tamen fuisse dicit. Postmodum eum rogat, ut Germanicum juniorem sibi reconciliet: polliceturque se in hujus rei gratiam non erecturum ei templa de marmore, sed carmine complexurum ejus laudes: ostenditque nihil esse posse principibus aptius, quam carmine officiosum se præstare. Tum nactus occasionem poeta, carminis excellentiam extollit: precaturque ut sibi carmina prosint. Et si non possit reditum in patriam obtinere, saltem urbi propinquius exsilium, quo possit Cæsaris gesta intelligere, et carmine celebrare.

LITERA sera quidem, studiis exculte Suilli,

Huc tua pervenit, sed mihi grata tamen:

Qua, pia si possit Superos lenire rogando

Gratia, laturum te mihi dicis opem.

Ut jam nil præstes, animi sum factus amici

5

Debitor; et meritum, velle juvare, voco.

\* SUILLIO. Hic sine dubio est P. Suillius, qui, quæstor primum Cæsaris Germanici, legatus deinde pro quæstore in Asia, deinceps post excessum Germanici, convictus accepisse pretium ob rem judicandam, Italia pulsus atque ejectus, Tiberii mox edicto relegatus in insulam, eoque mortuo reversus, Claudii Cæsaris demum amicitia ac familiaritate diu feliciter est usus. Sub

Nerone tandem, quod pretio conductus accusasse insimularetur, et complures adegisse ad mortem, Senecæ impulsu lege Cincia damnatus, et in Baleares deportatus est. Rem omnem copiose persecutus est Tacitus, lib. IV, XI, et XIII.

1. *Exculte. Exculta* Servii.

2. *Huc tua. Huc quoque* MS. Bers.

3. *Si pia gratia.* Si amor tuus erga me pius.—*Possit lenire Superos.* Pos-



Impetus iste tuus longum modo duret in ævum;

Neve malis pietas sit tua lassa meis.

Jus aliquod faciunt adfinia vincula nobis,

Quæ semper maneant illabefacta, precor.

10

Nam tibi quæ conjux, eadem mihi filia pæne est:

Et quæ te generum, me vocat illa virum.

Heu mihi! si lectis vultum tu versibus istis

Ducis, et adfinem te pudet esse meum!

At nihil hic dignum poteris reperire pudore,

15

Præter fortunam, quæ mihi cæca fuit.

Seu genus excutias; equites, ab origine prima,

Usque per innumeros inveniēmur avos:

Sive velis, qui sint, mores inquirere nostros;

Errorē misero detrahe, labe carent.

20

Tu modo, si quid agi sperabis posse precando,

Quos colis, exora supplice voce Deos.

Dî tibi sunt Cæsar juvenis; tua numina placa:

Hac certe nulla est notior ara tibi.

set mulcere et placare Cæsares. Tiberium scilicet, Germanicum, ac reliquos Cæsares.

7. *Impetus iste tuus.* Iste tuus animi ardor bene merendi de me.

11. *Eadem mihi filia pæne est.* Eadem uxor tua est mihi quasi filia: est enim privigna, hoc est, filia uxoris meæ.

14. *Ducis vultum.* Faciem contrahis, tanquam iratus.

15. *Nihil hic dignum poteris reperire pudore.* Pudoris Patavinus; vide Notas Trist. IV, El. III, vs. 57. H. — *Nihil hoc* MS. Bersm.

16. *Quæ mihi cæca fuit.* Quæ non bene vidit, justene, an inique me adficeret tanta ruina.

17. *Seu genus excutias.* Seu generis mei originem consideres. Si ge-

nus Moreti codex: vide supra ad Eleg. IV.

18. *Usque per innumeros avos.* Usque per avorum innumerabilium seriem. — *Inveniēmur.* *Inveniuntur* P. Dan. et Servii.

19. *Inquirere nostri.* Nostros Combi et optimus Vaticanus. HEINS.

21. *Quid agi posse.* Aliquid posse obtineri. — *Precando.* Orando Cæsares pro me.

23. *Dî tibi sunt Cæsar juvenis.* Hic poeta exprimit, quinam sint Dii, quos a Suillio dixerat exorandos esse, et Germanicum solum innuit. — *Tua numina placa.* Venerare Germanicum, quo ut numine uteris.

24. *Hac certe non est notior ara tibi.* Plenius, quod in antiquis, *Hac certe nulla est.*

Non sinit illa sui vanas antistitis unquam 25  
 Esse preces : nostris hinc pete rebus opem.  
 Quamlibet exigua si nos ea juverit aura,  
 Obruta de mediis cymba resurget aquis.  
 Tunc ego tura feram rapidis solemnia flammis ;  
 Et, valeant quantum numina, testis ero. 30  
 Nec tibi de Pario statuam, Germanice, templum  
 Marmore : carpsit opes illa ruina meas.  
 Templâ domus vobis faciant urbesque beatæ :  
 Naso suis opibus, carmine, gratus erit.  
 Parva quidem fateor pro magnis munera reddi, 35  
 Quum pro concessa verba salute damus.  
 Sed qui, quam potuit, dat maxima, gratus abunde est ;  
 Et finem pietas contigit illa suum.  
 Nec, quæ de parva Dîs pauper libat acerra,  
 Tura minus, grandi quam data lance, valent : 40  
 Agnaque tam lactens, quam gramine pasta Falisco  
 Victima, Tarpeios inficit icta focos.  
 Nec tamen, officio vatum per carmina facto,  
 Principibus res est gratior ulla viris.  
 Carmina vestrarum peragunt præconia laudum : 45  
 Neve sit actorum fama caduca cavent.  
 Carmine fit vivax virtus ; expersque sepulcri,  
 Notitiam seræ posteritatis habet.  
 Tabida consumit ferrum lapidemque vetustas ;  
 Nullaque res majus tempore robur habet. 50  
 Scripta ferunt annos : scriptis Agamemnona nosti ;

25. *Illâ.* Scilicet ara Germanici.—  
*Sui antistitis.* Sui sacerdotis, et ejus  
 qui ad illam confugit.

39. *Nec quæ* etc. *Nec quod de parva*  
*tus pauper* Medon.

41. *Quam graminæ pasta Falisco*

*Victima.* Quantum juvenis nutri-  
 tus herba, quæ in Falisco agro na-  
 scebatur.

42. *Tarpeios focos.* Focos Capito-  
 linos.—*Inficit.* Tingit cruore.

49. *Tabida vetustas.* Longinqua se-

Et quisquis contra, vel simul, arma tulit.  
 Quis Thebas septemque duces sine carmine nosset,  
 Et quicquid post hæc, quicquid et ante fuit?  
 Dì quoque carminibus, si fas est dicere, fiunt, 55  
 Tantaque majestas ore canentis eget.  
 Sic Chaos, ex illa naturæ mole prioris,  
 Digestum partes scimus habere suas:  
 Sic adfectantes cælestia regna Gigantas,  
 Ad Styga nimbifero vindicis igne datos. 60  
 Sic victor laudem superatis Liber ab Indis,  
 Alcides capta traxit ab Oëchalia.  
 Et modo, Cæsar, avum, quem virtus addidit astris,  
 Sacrarunt aliqua carmina parte tuum.  
 Si quid adhuc igitur vivi, Germanice, nostro 65  
 Restat in ingenio, serviet omne tibi.  
 Non potes officium vatis contemnere vates:

ries temporis, qua omnia putrescunt.

52. *Et quisquis contra.* Et cognoscimus etiam scriptis eos omnes qui opem tulerunt Trojanis contra Agamemnonem. — *Vel simul.* Vel etiam eos omnes, qui simul cum Agamemnone venere ad eam expeditionem.

53. *Quis Thebas septemque duces sine.* Quis etiam sciret bellum Thebanum, et septem illos duces, Adrastum, Polynicem, Hippomedonta, Tydeum, Amphiaræum, Parthenopæum, et Capaneum.

59. *Gigantes.* Scribe *Gigantas*, ut passim optimi codices ap. Nostrum: neque aliter ap. Silium, Lucanum, et Statium vetustissima exemplaria; vide Fast. III, vs. 439. HEINS.

60. *Nubifero igne. Nimbifero* Scalliger. prim. Medic. et quinque alii; rectius: Met. III, vs. 300, *nimbos* fulmini quoque conjungit de Jove

Semelen adituro: « vultumque sequentia traxit Nubila quis nimbos, immistaque fulgura ventis, Addidit et tonitrus, et inevitabile fulmen; » Silius, lib. I, vs. 253: « permixtaque nimbis Fulmina. » HEINS.

62. *Ab Oëchalia capta.* Ab expugnata Oëchalia. Fuit autem Oëchalia in Thessalia, Arcadia, et Eubœa. MER.—*Alcides capta.* Hercules, ob Iolen, Euryti filiam sibi pactam, nec datam, universam Oëchaliæ, ipso rege in Eubœam fugiente, debellavit et evertit. PONT.

63. *Et Cæsar.* Germanice. Quia poeta prius cœperat Germanicum adloqui, et digressionem aliquam usus fuerat, nunc ad eundem sermonem dirigit, ostendens se quoque Augusti laudes carmine complexum fuisse, et aliqua parte eo modo illum donasse immortalitate.

67. *Vates.* Tu qui es optimus poe-



Judicio pretium res habet ista tuo.

Quod nisi te numen tantum ad majora vocasset,

Gloria Pieridum summa futurus eras.

70

Sed dare materiam nobis, quam carmina, majus :

Nec tamen ex toto deserere illa potes.

Nam modo bella geris, numeris modo verba coerces,

Quodque aliis opus est, hoc tibi ludus erit.

Utque nec ad citharam, nec ad arcum segnis Apollo est;

Sed venit ad sacras nervus uterque manus;

76

Sic tibi nec docti, nec desunt principis artes :

Mista sed est animo cum Jove Musa tuo.

Quæ quoniam nec nos unda submovit ab illa,

Ungula Gorgonei quam cava fecit equi,

80

Prosit, opemque ferat communia sacra tueri,

ta, quod docet Tranquillus, scribens eum reliquisse comœdias Græcas.

68. *Judicio tuo.* Te ita judicante. — *Habet pretium.* Censetur et habetur in pretio, tuo judicio. — *Res ista.* Facultas poetica.

69. *Nomen tantum.* Tanta fama virtutum tuarum : vel nomen Cæsaris. — *Vocasset te ad.* Elegisset te ad imperium.

70. *Gloria Pieridum summa.* Eras futurus maximus poeta.

71. *Sed dare materiam nobis.* Sed præbere poetis facultatem scribendi de rebus a se gestis. — *Quam carmina.* Est enim majoris honoris, quam scribere carmina.

72. *Ex toto.* Ex omni parte. — *Deserere illa potes.* Potes illa carmina et poetices studium relinquere, quamvis sit major imperatoria dignitas poeta ipso. — *Deserere illa potes.* Desinere Hafniensis. Adi notas Art. Amat. lib. II, sub finem. H.

73. *Numeris modo bella coerces.* Verba coerces plerique veteres ; et

recte. — *Numeris modo bella coerces.* Aliquando bella intermittis, et carmina componis, et numeris illa includis; hoc est, describis illa versibus.

75. *Segnis.* Lentus unus Heinsii.

76. *Sed uterque nervus.* Sed utraque chorda et citharæ et arcus. — *Venit ad sacras.* Tractatur sacris digitis Apollinis.

77. *Artes docti.* Artes liberales, et poeticæ studia, in quibus versantur docti. — *Artes principis.* Artes imperatoriæ : hoc est, rei militaris scientia.

78. *Mista sed est animo tuo.* Sed hæret animo tuo. — *Cum Jove Musa.* Doctrina cum optimo principe, qualis est Jupiter Deorum. Per *Jovem* enim intelligit imperatoriam et principis scientiam : per *Musam* vero poeticæ facultatem.

79. *Nec nos. Nec vos,* Serv. et p. ed.

80. *Ungula Gorgonei equi.* Hippocrene.

81. *Tueri.* Tuenti Servii et quatuor alii, et Bersmanni.

Atque îsdem studiis imposuisse manum.  
 Litora pellitis nimium subjecta Corallis,  
 Ut tandem sævos effugiamque Getas,  
 Clausaque si misero patria est, ut ponar in ullo, 85  
 Qui minus Ausonia distet ab urbe, loco;  
 Unde tuas possim laudes celebrare recentes,  
 Magnaque quam minima facta referre mora.  
 Tangat ut hoc votum cælestia, care Suilli,  
 Numina, pro socero pæne precare tuo. 90

85. *In illo. Ullo* reposuit Heinsius  
 ex codice Moreti, quem sequor.

87. *Recentes. Malim recenter. H.*  
 Sed prius præferendum est.

## EPISTOLA IX.

### GRÆCINO.

#### ARGUMENTUM.

Græcino, consuli designato, et fratri ejus Pomponio Flacco, ipsi successuro, eum honorem gratulatus dolet, quod non coram adesse sibi licet. Suam causam utrique commendat. Huic quoque, qui Mysiæ præses fuerit, atrocitatem exsilii sui notam esse refert: probitatis suæ, Barbaris etiam gratæ, et pietatis in Cæsares Pontum invocat testem.

UNDE licet, non unde juvat, Græcine, salutem  
 Mittit ab Euxinis hanc tibi Naso vadis.  
 Missaque Dî faciant auroram occurrat ad illam,  
 Bis senos fasces quæ tibi prima dabit.

2. *Ab Euxinis. Ab hirsutis...Getis*  
 Combii.

4. *Bis senos fasces.* Designat autem  
 Ovidius Kalendas Januarii,

quibus novi consules magistratum  
 inibant, et in Capitolium adscende-  
 bant cum senatu, sacrificatum Diis  
 immortalibus. Unde subjungit poe-

Ut, quoniam sine me tanges Capitolia consul,  
 Et fiam turbæ pars ego nulla tuæ,  
 In domini subeat partes, et præstet amici  
 Officium jusso litera nostra die.  
 Atque ego si fatis genitus melioribus essem,  
 Et mea sincero curreret axe rota,  
 Quo nunc nostra manus per scriptum fungitur, esset  
 Lingua salutandi munere functa tui.  
 Gratatusque darem cum dulcibus oscula verbis:  
 Nec minus ille meus, quam tuus, esset honor.  
 Illa, confiteor, sic essem luce superbus,  
 Ut caperet fastus vix domus ulla meos.  
 Dumque latus sancti cingit tibi turba senatus,  
 Consul is ante pedes ire viderer eques.  
 Et quanquam cuperem semper tibi proximus esse,  
 Gauderem lateri non habuisse locum.  
 Nec querulus, turba quamvis eliderer, essem:  
 Sed foret a populo tum mihi dulce premi.  
 Prospicerem gaudens, quantus foret agminis ordo,  
 Densaque quam longum turba teneret iter.  
 Quoque magis noris quam me vulgaria tangant,  
 Spectarem, qualis purpura te tegeret.

ta: *Et quoniam sine me tanges Capitolia.* Scribit Livius consules die magistratus initi, solitos fuisse adire templum Jovis, et proficisci in Capitolium ad vota nuncupanda.

5. *Et quoniam: Ut decem scripti:* recte. HEINS.

15 *Illu luce.* Illo die Calendarum Januarii.

16. *Ulla.* Illa Regius et P. Dan. Nostri *ulla*; quod sane melius.

17. *Sancti.* Sic Horat. Od. IV, v, 4, *patrum sanctum concilium* dixit.

18. *Ire juberet eques.* Rectius vide-

rer, cum uno Vaticano: et *cingit* pro *cinget* potiores, præcedenti versu. H. — *Eques.* Ego ex equestri ordine. — *Ante pedes consulis ire.* Præcedere te consulem in ea pompa de more. Solebant enim equites præcedere, senatus vero subsequi.

20. *Gauderem lateris.* Lateri majori ex parte libri. HEINS.

25. *Quoque magis noris.* Distichon suspectum. H. — *Quam me vulgaria tangant.* Quantum me delectent ea, quibus vulgus etiam movetur.

26. *Qualis purpura.* Quam pulchra



Signa quoque in sella nossem formata curuli;

Et totum Numidæ sculptile dentis opus.

At quum Tarpeias esses deductus in arces,

Dum caderet jussu victima sacra tuo; 30

Me quoque secreto grates sibi magnus agentem

Audisset, media qui sedet æde, Deus.

Turaque mente magis plena quam lance, dedissem,

Ter quater imperii lætus honore tui.

Hic ego præsentem inter numerarer amicos; 35

Mitiamus jus urbis si modo fata darent.

Quæque mihi sola capitur nunc mente voluptas,

Tunc oculis etiam percipienda foret.

Non ita Cælitibus visum est, et forsitan æquis:

Nam quid me pœnæ causa negata juvet? 40

Mente tamen, quæ sola loco non exsulat, utar:

Prætextam, fascem adspiciamque tuos.

Hæc modo te populo reddentem jura videbit,

Et se secretis finget adesse locis.

Nunc longi reditus hastæ supponere lustrum 45

Cernet, et exacta cuncta locare fide.

vestis expurpura dibapha, bis tincta, quæ cunctis erat pretiosior.

28. *Et totum opus sculptile.* Id est, totum opus sculptum in ea sella. — *Numidæ dentis.* Dentis elephantis Numidici, et Africani. Pro *dentis opus*, unus Medon. *dentis ebur*; male.

34. *Ter quater.* Hæc verba Merula ad *dedissem tura* refert; Micylus ad *lætus*: Heinsius distinguens post *quater*, videtur Merulæ accedere. Sed quum ternarius numerus in sacris solemnibus esset, nec illum numerum excedere religio juberet, ego cum *lætus* jungo: dictum vero ut in formula, *terque quaterque beatus* apud Virg. *Æn.* I, 94.

36. *Jus urbis.* Est autem sensus: Si fata mihi darent jus urbis: hoc est, ut possem in urbe, sive Romæ esse, præsens inter præsentem amicos tuos numerarer. Nunc quando hoc non licet, absens animo ea contemplantur, quæ coram oculis non possum. PONT.

41. *Mente utar.* Malim *mente* usus.

42. *Prætextam* etc. Vestem consulem.

45. *Reditus lustrum.* Proventus quinquennales: nam vectigalia locabantur ad quinquennium. — *Supponere hastæ.* Locare in publica auctione.

46. *Exacta fide.* Bona fide. — *Cernet.* Cernet cum sex scriptis. H.

Nunc facere in medio facundum verba senatu,  
 Publica quærentem quid petat utilitas.  
 Nunc, pro Cæsaribus, Superis decernere grates,  
 Albave opimorum colla ferire boum. 50  
 Atque utinam, quum jam fueris potiora precatus,  
 Ut mihi placetur numinis ira, roges!  
 Surgat ad hanc vocem plena pius ignis ab ara,  
 Detque bonum voto lucidus omen apex.  
 Interea, qua parte licet, ne cuncta queramur, 55  
 Hic quoque te festum consule tempus agam.  
 Altera lætitiæ, nec cedens causa priori,  
 Successor tanti frater honoris, erit.  
 Nam tibi finitum summo, Græcine, decembri  
 Imperium, Jani suscipit ille die. 60  
 Quæque est in vobis pietas, alterna feretis  
 Gaudia, tu fratris fascibus, ille tuis.  
 Sic tu bis fueris consul, bis consul et ille,  
 Inque domo bimus conspicietur honor.  
 Qui quanquam est ingens, et nullum Martia summo 65  
 Altius imperium consule Roma videt;

49. *Superis decernere grates.* Decernere supplicationes, in quibus gratiæ Diis agebantur ob victoriam aliquam.

52. *Principis ira. Numinis Combii et Moreti liber.* HEINS.

54. *Lucidus apex.* Ipse ignis clarus et purus in apice et cacumine: id enim maxime observabant.

55. *Qua parte licet.* Quo modo possum, hoc est, mente, quia corpore non licet adesse tuæ pompæ. — *Ne cuncta queramur.* Ne singula pompæ hujus spectacula cum querela commemorem. Vel etiam, Ne ad omnia mæsti ac queruli simus.

57. *Altera lætitiæ est. Lætitiæ est*

multi veteres; *lætitiæ* recte tres alii.

59. *Summo decembri.* Summa et extrema parte decembris.

60. *Imperium.* Consulatum. — *Jani die.* Kalendis Januarii. — *Ille.* Scilicet frater tuus.

64. *Bimus conspicietur honor.* Immo *bimus*, si quid video; quod confirmat Rottendorphianus: *sententiam bimam* vocat Cicero, lib. III, Epist. VIII, ad Appium de regendis per eosdem præfectos per biennium provinciis: *nix bima* Nostro Trist. lib. III, Eleg. x, vs. 16; *bimum merum* Horatio, lib. I, Od. XIX, vs. 16; et *bima fronte vitulus* Virgilio, lib. IV, Georg. 299. HEINS.

Multiplicat tamen hunc gravitas auctoris honorem ,

Et majestatem res data dantis habet.

Judiciis igitur liceat Flaccoque tibi que

Talibus Augusti tempus in omne frui.

70

Ut tamen a rerum cura propiore vacabit ,

Vota precor votis addite vestra meis.

Et , si quem dabit aura sinum , laxate rudentes ,

Exeat e Stygiis ut mea navis aquis.

Præfuit his , Græcine , locis modo Flaccus ; et illo

75

Ripa ferox Istri sub duce tuta fuit.

Hic tenuit Mysas gentes in pace fideli ;

68. *Majestatem dantis.* Augusti , qui tibi detulit hunc magistratum.

69. *Flaccoque.* Et fratri tuo Flacco , quem Augustus dignum censuit eo magistratu.

71. *Quum tamen. Ut tamen* sex scripti. HEINS. Nostri *ut tamen*.

73. *Et , si qua dabit aura sinum , jactate rudentes. Laxate rudentes* pro editio ; quod impense adridet ; Virgilius , lib. III , vs. 266 : « tum litore funem Deripere , excussosque jubet laxare rudentes ; » hoc est , quod Æneid. VIII , dixerat , 708 : « Vela dare , et laxos jamjamque immittere funes ; » et lib. X , 229 : « velis immitte rudentes ; » ita *explicationem rudentis* pro laxatione dixit Cicero , lib. I Divinat. Lucanus , lib. V , 426 : « Quum pariter solvere rates , totosque rudentes Laxavere sinus ; » lib. IX , vs. 104 : « Septima nox Zephyro nunquam laxante rudentes , Ostendit Phariis Ægyptia litora flammis. » Præterea scribe ex tribus , *Et si quem dabit aura sinum. H. — Dabit sinum.* Inflabit vela : vel si ostenderit se opportunitas et spes aliquid impetrandi. Hoc est , si videris imperatorem Tiberium te pla-

cide audire loquentem pro me. — *Laxate rudentes.* Eo flectite pedem et vela. Solent enim nautæ quandoque in dextram , quandoque in sinistram vela flectere , in eam partem , unde venti flant.

74. *Ut mea navis aquis.* Nostri sic ; sed *cymba vadis* Puteaneus.

75. *Flaccus.* Frater tuus. Ab hoc Flacco volunt quidam Valachiam fuisse dictam olim *Flacciam* , quod nomen sensim corruptela sermonis transiit in *Valachiam*. Vide Georgii a Reychersdorff Chorographiam Transylvaniæ , pag. 33 , qui addit hinc adhuc Romanum ibi sermonem durare , licet admodum corruptum. Sed hæ fabulæ. *Walachiam* vocarunt exteri ; sed Hungarica lingua *Walachos* vocari *Olah* , vel *Olach* docet Foris Otrókoci in Originum Hungar. cap. XIV , pag. 308 , unde *Valachi* et *Walachi* dicti ab aliis. Non sanior vero reliquis , qui circa origines gentium sæpe ineptiunt , Foris ipse , qui mulierem *Walacham* a Phrygiæ ita urbe , quam *Ὠλοσσόνη* vocat Homerus , Il. II , 739 , deducit. BURM.

77. *Mysas gentes.* Populos Mysiæ.



Hic arcu fisos terruit ense Getas.

Hic captam Trosmin celeri virtute recepit,

Infecitque fero sanguine Danubium.

80

Quære loci faciem, Scythicque incommoda cæli;

Et quam vicino terrear hoste, roga.

Sintne litæ tenues serpentis felle sagittæ,

Fiat an humanum victima dira caput.

Mentiar, an coeat duratus frigore Pontus,

85

Et teneat glacies jugera multa freti.

Hæc ubi narrarit, quæ sit mea fama, require;

Quoque modo peragam tempora dura, roga.

Nec sumus hic odio, nec scilicet esse meremur,

Nec cum fortuna mens quoque versa mea est.

90

Illa quies animo, quam tu laudare solebas,

Ille vetus solito perstat in ore pudor.

Sic ego sum longe, sic hic, ubi barbarus hostis,

Ut fera plus valeant legibus arma, facit;

Rem, queat ut nullam tot jam, Græcine, per annos

95

Femina de nobis, virve, puerve queri.

Hoc facit, ut misero faveant adsintque Tomitæ;

Mysia autem provincia Pannoniæ contermina, ad Pontum usque decurrit.

79. *Hic raptam Træzen celeri virtute recepit.* Lege *captam* ex scriptis: deinde pro *Træzen*, Editio Aldi ultima *Ræsen*; Regius *Trosanem*; Moreti *Trezenam*; Servii *Troisen*; pr. editio *Træson*; Polit. *Træcen*; opt. Vatic. *Tresmen*. Scribe *Trosmin*. *Τροσμις* Ptolemæo est Mysiæ inferioris oppidum: sed legendum, *Τρωσμις*, vel *Τρωσμις*: nam *Τρωσμις* Constantino Porphyrogenetæ, lib. II, Them. I. Antonini etiam Itinerario *Trosmis* est et Notitiæ Imperii: neque variant illic libri veteres.

84. *Fiat an humanum victima dira caput.* Quære etiam an homines sacrificentur a Scythis: quorum consuetudo erat hospites immolare, ut dictum est.

91. *Illa quies animi est.* Multi delectantur; est; optimus Vaticanus *animo*; recte. H. — *Illa quies animo.* Modestia.

93. *Sic ego sum longe.* Versus suspectus. HEINS. — *Ubi barbarus hostis.* Hostem intellige, non Tomitanos, sed Getas, a quibus Tomitani subinde infestabantur. MICYL.

95. *Rem queat ut nullam.* Re nulla meliores. H. Nostri *Rem nullam*.

97. *Hoc facit.* Hæc Leid. et editi

Hæc quoniam tellus testificanda mihi est.

Illi me, quia velle vident, discedere malunt:

Respectu cupiunt hic tamen esse sui.

100

Nec mihi credideris: exstant decreta, quibus nos

Laudat, et immunes publica cera facit.

Conveniens miseris hæc quanquam gloria non est,

Proxima dant nobis oppida munus idem.

Nec pietas ignota mea est: videt hospita tellus

105

In nostra sacrum Cæsaris esse domo.

Stant pariter natusque pius, conjuxque sacerdos,

Numina jam facto non leviora Deo.

Neu desit pars ulla domus, stat uterque nepotum,

Hic aviæ lateri proximus, ille patris.

110

His ego do toties cum ture precantia verba,

nonnulli. Nostri vero *Hoc* tutantur.

99. *Illi me, qui velle vident, discedere malunt. Quia velle vident ex scriptis. Præstet etiam malint, et mox cupiant, pro cupiunt.* HEINS. — *Illi me, quia velle vident.* Illi Tomitæ, qui vident desiderium meum discedendi ab eis in patriam, vellent ut discederem. Sed tamen, etc.

100. *Respectu sui. Respectu suo* Moreti, Servii et prim. edit. Habita ratione ipsorum Tomitarum, et eorum causa.

101. *Nec mihi credideris.* Scribo Neu. H. — *Exstant decreta.* Apparent sanctiones Tomitarum de me. — *Laudat nos.* Laudat mores et virtutes meas.

102. *Et immunes facit.* Facit exemptos omni onere civitatis et tributorum. — *Publica cera.* Decreta publica scripta in tabulis ceratis, vel sigillata sigillo reipublicæ Tomitanæ.

103. *Conveniens miseris et quamquam gloria non est.* Lege, hæc quan-

quam gloria, cum uno Vaticano et Twisdeniano, vel ea gloria. Posset et gratia refingi. Hæc gratia; hic favor. HEINS.

104. *Dant nobis idem munus.* Præstant et offerunt mihi eandem immunitatem, et me liberant omni tributorum onere.

105. *Pietas mea.* Meus erga Cæsares amor. — *Hospita terra.* Terra Tomitana, quæ me hospitem habet. — *Hospita terra. Tellus Polit.* et tres alii, et nostri, omnino rectius.

107. *Conjuxque sacerdos.* Et Livia casta, quæ Deum suum Augustum colit, tanquam sacerdotes sua numina.

109. *Pars ulla domus.* Aliqua pars familiæ Augusti. — *Uterque nepotum.* Uterque Augusti nepos, vel Caius scilicet et Lucius ex Agrippa et Julia: vel (quod magis placet) filius Drusi privigni et Tiberii, Germanicus scilicet et Drusus.

111. *His.* Augusto Liviæ nato, ac nepotibus.

Eoo quoties surgit ab orbe dies.  
 Tota, licet quæras, hoc me non fingere dicet,  
 Officii testis Pontica terra mei.  
 Pontica me tellus, quantis hac possumus ora, 115  
 Natalem ludis scit celebrare Dei.  
 Nec minus hospitibus pietas est cognita talis,  
 Misit in has si quos longa Propontis aquas.  
 Is quoque, quo lævus fuerat sub præside Pontus,  
 Audierit frater forsitan ista tuus. 120  
 Fortuna est impar animo, talique libenter  
 Exiguas carpo munere pauper opes.  
 Nec vestris damus hæc oculis, procul urbe remoti;  
 Contenti tacita sed pietate sumus.  
 Et tamen hæc tangent aliquando Cæsaris aures: 125  
 Nil illum, toto quod fit in orbe, latet.  
 Tu certe scis hoc Superis adscite, videsque,  
 Cæsar, ut est oculis subdita terra tuis!

112. *Eoo surgit ab orbe. Ab axe* liber Servii. H.

116. *Natalem ludis.* Ludos hic Mæ-  
 rula exponit aleam, et similes lusus.  
 Ego vero de athleticis, aut gymni-  
 cis, aut scenicis, etiam intelligo poe-  
 tam dixisse. MICYL.

119. *Is quoque quo lævus fuerat,*  
*etc.* Ut intelligamus eum, qui Mæ-  
 siam tenuerit: neque enim provin-  
 ciam Pontum Flaccus, sed lævum  
 litus Pontici maris, hoc est, confinia  
 Dacorum et Getarum, quæ Mæsia  
 erat, ad ripam Istris sita scilicet, re-  
 xerat. Jam et sciendum, Græcinum  
 hunc, cujus consulatum hac episto-  
 la celebrat poeta, in catalogo Coss.  
 vulgo non haberi; sive fama decep-  
 tus poeta fuit, sive illi humanitus  
 aliquid accidit, antequam magistra-  
 tum iniret, ut quidam opinati sunt.

MICYL. — *Leuius fuerat sub præside*  
*Pontus. Lævus Pontus* ex quinque  
 scriptis, dixi, Trist. IV, Eleg. 1,  
 vers. 60. H.

120. *Audierit. Audierat* Servii, P.  
 Dan. et edit. Gryph. et Bersm.

121. *Fortuna est impar animo.* Non  
 possum tantum assequi, vel impen-  
 dere propter impotentiam, quan-  
 tum cupio, ostendendo pietatem er-  
 ga Augustum. — *Tali.* Tali pietatis  
 officio.

122. *Carpo.* Consumo et expendo.

123. *Nec vestris damus hæc oculis.*  
 Nec hæc celebramus in conspectu  
 vestro, ut videamur a vobis, et eo  
 pacto gratiam vestram ineamus.

127. *Tu certe scis hoc.* Vertit sêr-  
 monem ad Augustum, quem testem  
 citat huiusmodi erga se pietatis.

128. *Et est oculis. Ut est oculis*



Tu nostras audis, inter convexa locatus

Sidera, sollicito quas damus ore, preces.

130

Perveniant istuc et carmina forsitan illa,

Quæ de te misi cælite facta novo.

Auguror his igitur flecti tua numina; nec tu

Immerito nomen mite parentis habes.

editiones priscæ; quod sequor. H.

— *Et est oculis subdita terra tuis. Et*  
*tu e cælo despicias quæ fiunt in terra.*

131. *Pervenient istuc. Perveniant*  
*meliores. H.*

133 *Numina. Pectora* MS. Bersm.

*Nostræ numina.*

134. *Parentis. Patris patriæ; sed*  
*Sueton. cap. 26, recusasse hoc no-*  
*men, scribit.*

## EPISTOLA X.

### \* ALBINOVANO.

#### ARGUMENTUM.

Ulyssis fata, quamvis dura, cum sui acerbitate exsilii, quod in sextum jam annum duret, conferri non posse poeta adfirmat. Thesei, quem carmine laudavit Pædo Albinovanus, fidem imitandam eidem proponit.

HIC mihi Cimmerio bis tertia ducitur ætas

Litore, pellitos inter agenda Getas.

Ecquos tu silices, ecquod, carissime, ferrum

Duritæ confers, Albinovane, meæ?

\* ALBINOVANO. Merula Albinovanum hunc esse tradit, Celsum illum, ad quem et Horatius scripsit. Ego Pedonem Albinovanum, non Celsi prænomen, sed Caii habuisse, apud alios reperio. Et Horatius Celsum illum, non ut poetam, sed ut

comitem ac scribam Neronis celebrat. MICYL.

4. *Duritæ meæ.* Meo robori, et animi magnitudini in ferendis malis. — *Duritæ meæ.* Sic Virgil. *Æn.* IX, vers. 468, *Æneadæ duri*, id est, malis indurati, fatis exerciti.

Gutta cavat lapidem; consumitur annulus usu; 5

Et teritur pressa vomer aduncus humo.

Tempus edax igitur, præter nos, omnia perdet?

Cessat duritia mors quoque victa mea.

Exemplum est animi nimium patientis Ulysses,

Jactatus dubio per duo lustra mari. 10

Tempora solliciti sed non tamen omnia fati

Pertulit, et placidæ sæpe fuere moræ.

An grave sex annis pulchram fovisse Calypso,

Æquoreæque fuit concubuisse Deæ?

Excipit Hippotades, qui dat pro munere ventos, 15

Curvet ut impulsos utilis aura sinus.

Nec bene cantantes labor est audisse puellas;

Nec degustanti lotos amara fuit.

Hos ego, qui patriæ faciant obliviam, succos

6. *Et teritur.* Malim *Adteritur*, vel *Deteritur*; Rottendorph. *Conteritur*, quo verbo usus est Medicamine Faciei: mox *perdet* pro *perdit* meliores.

12. *Moræ.* Intervalla morandi. M. — *Et placidæ sæpe fuere moræ.* Hoc est, tametsi multis ac variis periculis toto decennio jactatus fuit, habuit tamen interdum, quibus mala atque mæstitiam suam levaret, ut quum apud Calypsonem moratus est: item quum ab Æolo hospitio acceptus, et munere ventorum donatus est. Præterea audiendo Sirenes, vescendo loto, et id genus alia. M.

15. *Excipit Hippotades.* Suscipit Ulysses Æolus Hippotæ filius. — *Hippotades dat pro munere ventos.* Δῶκε δὲ μοι δαίρας ἀσπὸν βροῦς ἰννεῶροιο, ἔνθα δὲ βυκτώων ἀνέμων κατίδῃσε κίλευθα. Ulysses ipse apud Hom. Od. K, vers. 19. Illum vero utrem, dum Ulysses dormit, socii solverunt: causam reddit Ovid. Metam. XIV, vs.

229: « Invidia socios, prædæque cupidine victos, Esse ratos aurum, demsisse ligamina ventis. »

16. *Utilis aura.* Sic in Metam. XIII, *utilibus ventis, æstuque secundo*: ἱππύρισθαι ἀνέμοιο ἰσθλὸς ἰταίρος, πλεσιέτιος, Eurip. et Homer.

17. *Bene cantantes puellas.* Sirenes bene canentes, quas tres fuisse legimus, Parthenopen, Leucosiam, et Lygiam, habitasseque Siciliam circa Pelorum. Fuere autem Sirenes filiæ Acheloi et Calliopes, sive Terpsichores. Hæ quidem cantu mortales allectos in mare deturbabant. Ulysses vero, Circes usus consilio, cera aures sociorum obturavit. Ipse vero alligatus malo, ne cogeretur in mare desilire, illarum cantus audivit impune.

18. *Nec degustanti.* Ulysses, tempestate delatus ad Lotophagos, in Africam agitur, socios exploratum mittit: qui gustata loto, nec quic-

Parte meæ vitæ, si modo dentur, emam.

20

Nec tu contuleris urbem Læstrygonis unquam

Gentibus, obliqua quas obit Ister aqua.

Nec vincet sævum Cyclops feritate Phyacen,

Qui quota terroris pars solet esse mei!

Scylla feris trunco quod latrat ab inguine monstribus, 25

Heniochæ nautis plus nocuere rates.

Nec potes infestis conferre Charybdis Achæis,

Ter licet epotum ter vomat illa fretum.

Qui quanquam dextra regione licentius errant,

quam renuntiare, nec redire cupiebant: cibi enim suavitate allecti, suorum vivebant oblit; quos Ulysses invitos ad naves reduxit.

21. *Nec tu contuleris urbem Læstrygonis unquam.* Postquam poeta commemoravit breviter Ulyssis incommoda, nunc illa cum suis comparat, ut ex hujusmodi comparatione majora sua esse probet, quam Ulyssis. Fuere autem *Læstrygones* populi in extremo Italiæ, Siciliam versus, efferis moribus; ad hos igitur pervenit Ulysses, misitque ad Antiphaten Macareum cum duobus sociis: qui vix cum altero fuga vitam servavit. — *Urbes Læstrygones.* *Læstrygonos* Combrianus; et *urbem* meliores plerique; ut Met. XIV, vers. 233. « Inde Lami veterem Læstrygonis, inquit, in urbem Venimus. » Homero quoque non nisi unicum oppidum est Odys. X, quod vocat *Δάμου ἀπὸ πόλιν ἑβρον, Τηλέπυλον Ἀκαστρογούην*. H.

22. *Gentibus.* Populis Scythiam et oram Ponticam tenentibus, quos per Istrum designat. — *Obliqua transit.* Aqua Danubii non recto, sed flexuoso cursu labenti per populos Scythiæ.

23. *Sævum Phyacen.* Immanem illum regem Scytharum.

24. *Quota pars.* Rara, vel nulla pars, ut sit sensus: qui Cyclops solet esse rara, vel nulla pars timoris præ illo, quem infert rex Scythiæ, Phyax. MER. — *Qui quota terroris pars.* Non ad Cyclopem, ut Merula exponit, sed ad eum, de quo modo dictum est, Phyacem referendum, quasi dicat poeta, etiam ab hoc multum terroris sibi objici, propter incursiones videlicet. MICYL.

25. *Quum latret. Quæ latrat* multi codices; nonnulli *quod latret*; recte, nisi *quod latrat* præfers cum uno Vatic. et Arond. Vid. Notas Ep. XVII, vs. 51: versu proximo, *nautis pro nobis* plerique veteres. H.

26. *Heniochæ nautis.* Fuere autem *Heniochi*, populi in ora maris Euxini, in Colchica regione montosa et importuosa, qui latrociniiis maritimis vixere. Per *rates* ergo *Heniochas* designat poeta piratas *Heniochorum* populorum, a quibus se fortunis exutum innuit; aut captum fortasse, sed pecunia redemptum, ut statim dicemus.

28. *Ter licet epotet. Epotum* unus Vaticanus; et placet: *ore* pro *illa* Moreti codex. H. Nostri, *illa*.

29. *Qui quanquam dextra regione.* Qui Achæi, quamvis magis in-



Securum latus hoc non tamen esse sinunt. 36  
 Hic agri infrondes, hic spicula tincta venenis;  
 Hic freta vel pediti pervia reddit hyems:  
 Ut, qua remus iter pulsus modo fecerat undis,  
 Siccus contempta nave viator eat.  
 Qui veniunt istinc, vix vos ea credere dicunt: 35  
 Quam miser est, qui fert asperiora fide!  
 Crede tamen: nec te causas nescire sinemus,  
 Horrida Sarmaticum cur mare duret hyems.  
 Proxima sunt nobis plaustrum præbentia formam,  
 Et quæ præcipuum sidera frigus habent. 40  
 Hinc oritur Boreas, oræque domesticus huic est,  
 Et sumit vires a propiore loco.  
 At Notus, adverso tepidum qui spirat ab axe,  
 Est procul, et rarus languidiorque venit.  
 Adde quod hic clauso miscentur flumina Ponto, 45

festent dextrum litus Pontici maris, non tamen relinquunt intactam oram Tomitanam.

31. *Spicula tecta venenis. Tincta* cum plerisque scriptis prætuli.

35. *Istinc. Istuc* Junian. Putean. et duodecim alii; *istic* sex.

37. *Causas. Causam* sex scripti et editi quidam: sed nostri *causas*.

39. *Sidera præbentia formam plaustrum*. Septemtriones dicit.

41. *Hic oritur Boreas*. In hac regione septentrionali Boreas nascitur, et flare incipit vehementius. Nostri *hinc oritur*. — *Oræque domesticus huic est*. Et est propinquus huic regioni, quam ego incolo.

43. *At Notus, adverso tepidus qui spirat ab axe. Trepidum qui spirat* rectius complures ex scriptis. Avienus in descriptione orbis: « Vel qua lene Notus spirat, quaperstrepit Eurus. » Nihil magis obvium hoc loquendi

modo apud scriptores. Multi potissimum in eo Ausonius et Claudianus. Paulinus carmine Sapphico ad Nicetam episcopum, « Ast ubi paulum via proferetur, Det, precor, mites tibi Christus æstus, Et leve spiret sine nube siccis Aura Calabris. » Ita veterrimus codex Vossianus: mox idem Paulinus, « Lene sic sudo tenuatus aer. » Seneca *Œdipo*: « Lenis et modicum fluens Aura, nec vergens latus Ducat intrepidam ratem. » H.

45. *Adde quod hic clauso*. Scribit Macrobius, aquam marinam nunquam gelu contrahi. Sed in illis regionibus plurimum est fluviorum et paludum in ipsa maria influentium. Superficies maris, cui dulces aquæ innatant, congelascit. — *Ponto clauso*. Mari Euxino circumquaque litoribus septo, nec ullum aliud meatum habenti, nisi Propontidem.

Vimque fretum multo perdit ab amne suam.

Huc Lycus, huc Sagaris, Peniusque, Hypanisque, Cratesque

Influit, et crebro vortice tortus Halys:

Partheniusque rapax, et volvens saxa Cynapes

Labitur; et nullo tardior amne Tyras.

50

Et tu, femineæ Thermodon cognite turmæ;

Et quondam Graiis, Phasi, petite viris.

46. *Perdit vim suam.* Non est amarum, immo dulce, et congelatur contra maris naturam; vide Gellium, lib. XVI, cap. 8.

47. *Huc Lycus influit.* Lycus fluvius labitur in hoc mare Ponticum, et ideo congelatur. Est autem *Lycus* fluvius Armeniæ. Strabo, « Multi, inquit, amnes sunt in Armenia; sed clarissimi Phasis et Lycus, in mare Ponticum exeuntes. » — *Huc Sagaris.* In ora Pontica post Bosphori fauces et Rhæsum amnem, portumque Calpas, est Sagaris fluvius, ortus in Phrygia. — *Hypanisque.* Hypanis, fluvius est Scythiæ ex magna palude profluens, ut docet Herodotus. — *Cratesque.* Cratem fluvium ad oram Ponticam fluere, hic innuit Ovidius. Ego nihil compertum habeo. — *Peniusque, Hypanusque, Oratesque.* *Peniosque* codex Petri Servii; *Hypanisque* etiam scribendum ex libris antiquis; qui notissimus est fluvius: pro *Oratesque* veteres plerique, *Cratesque*; nonnulli *Caresque*, vel *Catesque*: unde recte vir summus Isaacus Vossius, reponendum esse me monuit, *Calesque*. Κάλης enim fluvius est hujus tractus Eustathio Scholiis in Periegeten. Κάλης est Thucydidi, lib. IV, Δάμαχος ἐν τῇ Ἡρακλειώτιδι ὁρίσας ἐς τὸν Κάληκα ποταμόν; ubi describit Lamachi classem impetu fluvii amissam: Valer. Flaccus, lib. IV: « Quas Tanæis,

flavusque Cales, Hypanisque, Melasque Addat opes; » sic puto castigandum; nam *Lycus* nullus est fluvius, nisi malis *Tyras*, cujus et Noster hic meminit. Nam Maserius, Valerii interpres, notat *Tyres* esse in nonnullis codicibus. HEINS.

48. *Halys.* Halys fluvius est decurrens a radicibus Tauri per Cattaoniam Cappadociamque, ut scribit Plinius.

49. *Parthenius.* Parthenius fluvius est Paphlagonum, Carambi promontorio proximis, ut scribit Plinius; caditque in Pontum. — *Rapacem* autem adpellat, propter ejus cursum, qui omnia rapit et aufert.

50. *Et nullo tardior amne Tyras.* Tyras Scythiæ amnis est, in oram Ponti sinistram defluens, qui oppido nomen imposuit; meminit Plinius, lib. IV. — *Et nullo.* Hanc aliquo Leidensis.

51. *Et tu, femineæ Thermodon etc.* Thermodon fluvius est qui a monte Armenio dilabitur, atque inde usque ad Amazones celeri cursu proripitur. Unde hic poeta Thermodonta dicit a turba feminea, hoc est, ab Amazonibus, cognitum fuisse: qua illæ juxta eum fluvium habitabant.

52. *Et quondam Graiis, Phasi, petite viris.* Phasis ingens fluvius est, qui Colchidem illabitur, ortumque ex Armenia ducit. — *Graiis*

Cumque Borysthenio liquidissimus amne Dyraspes,  
Et tacite peragens lene Melanthus iter.

Quique duas terras Asiam Cadmique sororem 55  
Separat, et cursus inter utramque facit.

Innumerique alii, quos inter maximus omnes  
Cedere Danubius se tibi, Nile, neget.

Copia tot laticum, quas auget, adulterat undas,  
Nec patitur vires æquor habere suas. 60

Quin etiam stagno similis, pigræque paludi  
Cæruleus vix est, diluiturque color.

Innatat unda freto dulcis, leviorque marina est,  
Quæ proprium misto de sale pondus habet.

Si roget hæc aliquis, cur sint narrata Pedoni, 65  
Quidve loqui certis juverit ista modis;

Detinui, dicam, tempus, curasque fefelli:  
Hunc fructum præsens adtulit hora mihi.

*viris.* Argonautas intelligit: lege Apollonium.

33. *Cumque Borysthenio.* Borysthenes, fluvius, secundum Istrum omnium maximus, pascua præbens amænissima; idem ad potandum suavissimus. — *Liquidissimus Dyraspes.* Clarissimus, seu limpidissimus ille fluvius, cujus tamen nullam apud auctores mentionem invenio, præterquam hic apud Ovidium.

54. *Melanthus.* Melanthus fluvius est in Pontum labens.

55. *Quique duas terras.* Tanaim designat, qui vasta palude profluens, in aliam vastiorem diffunditur, nomine Mæotim. — *Asiam Cadmique sororem.* Exponit quæ sint hæc duæ terræ, quas Tanais separat.

56. *Inter utramque.* Inter Europam et Asiam, quas ipse Tanais dividit, ut diximus.

57. *Omnes. Amnes* Moreti.

59. *Adulterat undas.* Corruptit et mutat maris naturam.

63. *Unda dulcis.* Aqua fluvialis. — *Leviorque marina est.* Causam assignat, quare aqua dulcis innatet aquæ marinæ, quia illa levior est.

64. *Quæ proprium mixto de sale pondus habent.* Quæ aqua marina habet gravedinem illam propriam ab ipso mari, mixto tamen aquis illis dulcibus.

65. *Cur hæc sint narrata Pedoni.* Cur hæc Albinovano Pedoni.

67. *Detinui, dicam, curas tempusque fefelli.* Detinui, dicam, tempus, curasque fefelli ex libro Feschii et quinque aliis; sic Metam. lib. I, vs. 682, « Detinuit sermone diem; » Auctor Pervigilii Veneris, vs. 46: « Detinenda tota nox et pervigilanda canticis; » quæ ibi vera est scriptura; Manilius, lib. V: « Ille dabit cantus inter convivia dulces,



Abfuimus solito, dum scribimus ista, dolore,

In mediis nec nos sensimus esse Getis.

70

At tu, non dubito, quum carmine Thesea laudes,

Materiae titulos quin tueare tuæ;

Quemque refers, imitere virum : vetat ille profecto

Tranquilli comitem temporis esse fidem.

Qui quanquam est factis ingens, et conditur a te

75

Vir tanto, quanto debuit ore cani;

Est tamen ex illo nobis imitabile quiddam,

Inque fide Theseus quilibet esse potest.

Non tibi sunt hostes ferro clavaque domandi,

Per quos vix ulli pervius Isthmos erat :

80

Sed præstandus amor, res non operosa volenti.

Mulcebitque sono Bacchum, noctesque tenebit, » pro detinebit. Frustra magnus Scaliger *tenebris* reponit; sic *diem extrahere* ap. Cæsarem, lib. I de Bello civili, et Valer. Maximum, lib. II, cap. 2; *eximere dicendo diem* A. Gellio. HEINS.

69. *Dum scripsimus. Scribimus* meliores. HEINS.

71. *At tu, non dubito.* Nunc ad Pedonem vertit sermonem, qui Thesei gesta carmine complectebatur.

72. *Titulos tuæ materiae.* Virtutes et fidem erga amicos tui Thesei, de quo tractat. Is enim Pirithoum dicitur mira benevolentia complexus fuisse. — *Quin tueare tuæ.* Cur non defendis illum imitando, exhibendo te mihi amico fidum.

75. *Et conditus a te Vix tantus quanto debuit ore cani.* Conditur bene Polit. aliique nonnulli, cum primis editionibus: deinde *Vir tantus quantus* multi; nonnulli *Vir tantus quanto*, vel *Vir tanto quantus*. Scribe cum Gottorph. et uno Vaticano: « et conditur a te Vir tanto, quanto debuit

ore cani; » quomodo jam Scaliger ex parte conjecerat: recte *conditur*; non enim videtur absolvisse. H.

77. *Est tamen quiddam imitabile.* Est tamen aliquid in quo Theseum imitari possumus.

78. *Inque fide Theseus quilibet esse potest.* Et unusquisque in amore, et fide amicis præstanda, potest Theseum imitari, et esse idem quod ipse fuit Pirithoo, pro quo Theseus pugnavit contra Centauros.

79. *Non tibi sunt hostes.* Nolo, inquit, pro me pugnare, quemadmodum Theseus pro Pirithoo.

80. *Vix illi pervius.* Rectius ulli in nonnullis. H. — *Vix ulli pervius Isthmos erat.* Vix Isthmon Corinthiacum quisquam adire poterat. Designat autem Scynim (vel Scyronem) latronem sævissimum. Duo autem Isthmi celebres memorantur: unus *Achaicus*, in quo fuit Corinthus, quem hic Ovidius prius minime pervium fuisse dicit: alter vero Isthmus est *Thracicus*.

81. *Operosa. Onerosa* quidam.

Quis labor est puram non temerassè fidem?  
 Hæc tibi, qui perstas indeclinatus amico,  
 Non est quod lingua dicta querente putes.

## EPISTOLA XI.

\* GALLIONI.

## ARGUMENTUM.

Conjuge orbum Gallionem sero quod soletur, excusat.

GALLIO, crimen erit vix excusabile nobis,  
 Carmine te nomen non habuisse meo.  
 Tu quoque enim, memini, cælesti cuspidè facta  
 Fovisti lacrymis vulnera nostra tuis.  
 Atque utinam, rapti jactura læsus amici,  
 Sensisses ultra, quod quererere, nihil!  
 Non ita Dīs placuit, qui te spoliare pudica  
 Conjuge crudeles non habuere nefas.  
 Nuntia nam luctus mihi nuper epistola venit,  
 Lectaque cum lacrymis sunt tua damna meis.  
 Sed neque prudentem solari stultior ausim,

\* GALLIONI. Junius Gallio dictus est: is adoptavit M. Annæum Novatum, Senecæ fratrem, qui ex illo Junius Gallio est dictus. Eusebium Chronicon B. Hieronymi, *Junius Gallio, frater Senecæ, egregius declamator, propria se manu interfecit*, refert ad eundem annum, quo Lucanus occubuit: atqui Gallionem Senecæ superstitem facit

Tacitus. H.—Gallionem familiarem fuisse Nasoni adparet ex Senecæ I Suasor., *hæc autem dicebat Gallio Nasoni suo valde placuisse*; vide Reines. ad Insc. cl. I, 99, p. 137.

3. *Cælesti cuspidè*. Divino ictu. MER. — *Cuspidem* ergo vocat Cæsaris adversus se iram. PONT.

10 *Tua damna*. Uxoris tuæ obitus, qui tibi damnum adtulit.

Verbaque doctorum nota referre tibi :  
 Finitumque tuum, si non ratione, dolorem  
 Ipsa jam pridem suspicor esse mora.  
 Dum tua pervenit, dum litora nostra recurrens 15  
 Tot maria ac terras permeat, annus abit.  
 Temporis officium solatia dicere certi est ;  
 Dum dolor in cursu est, dum petit æger opem.  
 At quum longa dies sedavit vulnera mentis,  
 Intempestive qui fovet illa, novat. 20  
 Adde quod, atque utinam verum tibi venerit omen !  
 Conjugio felix jam potes esse novo.

12. *Verba doctorum.* Dicta scriptorum et philosophorum, ratione ostendentium, homines non debere prosequi mortuos lacrymis.

15. *Dum tua.* Epistola. — *Dum litora nostra recurrens.* Id est, ad litora nostra; sic Virg. V, vs. 235 : « Di, quibus imperium pelagi, quorum æquora curro. »

16. *Annus abit.* Sic dicimus, *it vel abit dies.* Sol abit Plaut. Mercat. V, vers. 2.

18. *Dum petit æger opem.* Et petit plerique veteres. HEINS.

19. *Sedavit.* Sanavit Serv.

20. *Intempestive qui monet illa movet.* Qui movet illa novat libri potiores; quidam etiam *monet illa novat.* Scribe : « Intempestive qui fovet illa, novat; » *fovere vulnera*, ut supra hac ipsa epistola : « Tu quoque

enim (memini) cælesti cuspidē facta Fovisti lacrymis vulnera nostra tuis; » et sic passim alibi. *Novare* etiam *vulnera* usitatum Nostro; Remed. Amor. 729 : « vulnusque novatum Scinditur; » Metam. XII, 287 : « Semicremoque novat repetitum stipite vulnus; » Trist. II, 209 : « Nam tanti non sum, renovem ut tua vulnera, Cæsar. » H. — *Qui movet illa.* Qui vulnera obducta, et dolorem jam pæne oblivioni traditum revocat, et ad animum in memoriam redigit intempestive consolando.

21. *Atque utinam verum tibi venerit omen.* Atque utinam verum tibi augurium adferam, nuntiando hæc quæ subjungit poeta.

22. *Conjugio novo.* Altera ducta uxore.



## EPISTOLA XII.

## \* TUTICANO.

## ARGUMENTUM.

Quod Tuticani nomen legibus metri refragaretur, hactenus nullum ei dicasse se carmen, scribit Naso; utque, veteris amicitiae memor, opem sibi ferre laboret, precatur.

QUO minus in nostris ponaris, amice, libellis,  
Nominis efficitur conditione tui.

Ast ego non alium prius hoc dignarer honore;

Est aliquis nostrum si modo carmen honos.

Lex pedis officio, naturaque nominis obstant,

Quaque meos adeas, est via nulla, modos.

Nam pudet in geminos ita nomen findere versus,

Desinat ut prior hoc, incipiatque minor:

Et pudeat, si te, qua syllaba parte moratur,

\*TUTICANO. *Ad Tuticanum* unus; *Cuticanum* duo; Heinsius olim coniecerat, *Tuditano*, quod Sempriorum cognomen, Valer. Maxim. VII, VIII, 1. Quod vero nominis conditio non patiatur ut exprimat, similis est Archestrati excusatio ap. Athen. VII, 8, qui piscem, in Mæotide et Ponto frequentem, non nominat; quia ἐν μέτρῳ οὐ δέχεται ὀνόματι. BURM.

2. *Conditione tui nominis.* Sorte tui nominis, quod non potest in versu poni syllabis repugnantibus.

5. *Fortunaque nominis obstat.* Na-

turaque præstat cum Scaligeri codice; *obstant* etiam Regius; et mox *findere* pro *scindere* cum uno Vatic. et *incipiatque sequens*, pro *minor* cum Combiano; et *moratur* cum plerisque, pro *moretur*. H.

7. *In geminos versus.* In duos versus: ponendo in calce hexametri partem nominis tui priorem, scilicet *Tuti*; et alteram in principio pentametri, scilicet *Canus*. — *Ita scindere nomen.* Ita nomen tuum diffindere.

9. *Qua syllaba parte moretur.* Ea parte, qua syllaba producat.

Arctius adpellem, Tuticanumque vocem. 10  
 Nec potes in versum Tuticani more venire,  
 Fiat ut e longa syllaba prima brevis.  
 Aut producat, quæ nunc correptius exit,  
 Et sit porrecta longa secunda mora.  
 His ego si vitiis ausim corrumpere nomen, 15  
 Ridear, et merito pectus habere neger.  
 Hæc mihi causa fuit dilati muneris hujus,  
 Quod meus adjecto sænore reddet ager.  
 Teque canam quacumque nota: tibi carmina mittam,  
 Pæne mihi puero cognite pæne puer; 20  
 Perque tot annorum seriem, quot habemus uterque,  
 Non mihi, quam fratri frater, amate minus.  
 Tu bonus hortator, tu duxque comesque fuisti,  
 Quum regerem tenera fræna novella manu.  
 Sæpe ego correxi sub te censore libellos; 25  
 Sæpe tibi admonitu facta litura meo est:  
 Dignam Mæoniis Phæacida condere chartis  
 Quum te Pierides perdocere tuæ.  
 Hic tenor, hæc viridi concordia cæpta juvena  
 Venit ad albentes illabefacta comas. 30  
 Quæ nisi te moveant, duro tibi pectora ferro

10. *Arctius adpellem.* Strictius et brevius nomen, ponendo syllabam brevem, quæ natura produci debet.

13. *Aut ut ducatur. Aut producat.* veteres majori ex parte. HEINS.

18. *Meus ager.* Meum ingenium. — *Reddet ager.* Reddet amor multi veterum: utrumque bene. HEINS.

23. *Tu bonus hortator.* Ad virtutes capessendas.

24. *Tenera manu.* Juvenili moderamine. — *Fræna novella.* Tyrocinium et lubricum ætatis pullulantis.

26. *Sæpe litura est facta tibi.* Sæpe etiam tu expunxisti in tuis scriptis aliqua.

27. *Dignum Mæoniis Phæacida.* Dignum ex scriptis nonnullis; et *Pierides tuæ*, pro *Deæ* ex Moreti libro. HEINS.

28. *Quum Deæ Pierides perdocere.* Delesti, inquit, et tu quædam meo admonitu in Phæacide tua, quæ erat digna propter sublimitatem comparari versibus Homeri, et scribi in iisdem chartis, in quibus scripsit Homerus opus suum; ex quo ma-

Esse, vel invicto clausa adamante putem.  
 Sed prius huic desint et bellum et frigora terræ,  
 Invisus nobis quæ duo Pontus habet;  
 Et tepidus Boreas, et sit præfrigidus Auster; 35  
 Et possit fatum mollius esse meum,  
 Quam tua sint lapso præcordia dura sodali:  
 Hic cumulus nostris absit, abestque, malis.  
 Tu modo per Superos, quorum certissimus ille est,  
 Quo tuus adsidue principe crevit honor; 40  
 Effice, constanti profugum pietate tuendo,  
 Ne sperata meam deserat aura ratem.  
 Quid mandem, quæras: peream, nisi dicere vix est;  
 Si modo, qui periit, ille perire potest.  
 Nec quid agam invenio, nec quid nolimve, velimve; 45  
 Nec satis utilitas est mea nota mihi.  
 Crede mihi, miseros prudentia prima relinquit,  
 Et sensus cum re consiliumque fugit.

gna est Tuticani laus, cujus carmina Homericis carminibus paria fuisse dicit. MICYL.

32. *Invicto clausa adamante putem.* Libri nonnulli veteres, *invito* et *inecto adamante*: unde fuit quum *inducto adamante* censerem esse reponendum, ea significatione, qua lib. XIV Met. 754: « calidusque e corpore sanguis Inducto pallore fugit. » *Inductis nubibus atra dies* in Ibide, vs. 218, et *inducta nube dies premitur*, Trist. I, El. VIII; *inductum æquor arenis* Met. XI, vs. 23; *inductum cornibus aurum* Met. VII, vs. 161, quæ illic vera lectio; et lib. VIII, vs. 608, *inducta condidit præcordia terra*: vide plura in notis ad Met. IV, vs. 408; lib. IX, vs. 391: « Contegat inductus morientia lumina cortex. » Ep. VII Did. Æneæ,

vs. 23: « Uror, ut inducto ceratæ sulfure tædæ. » Nunc tamen vulgata scripturam non esse mutandam opinor, ut adluserit Noster ad Græcam originem adamantis. H. — *Invicto* non est movendum; nam vincuntur omnia, quæ vel vitio quodam, vel temporis diuturnitate diminuuntur et pereunt. BURM.

35. *Præfrigidus. Perfrigidus* quatuordecim et MS Bersm.

38. *Hic cumulus.* Magnus cumulus ad miseras meas accederet, si te amicum perderem. PONT.

43. *Nisi dicere vix est.* Difficile est exponere.

48. *Et sensus cum re consiliumque fugit.* Cum spe scribendum; nam unus Vossii *cum te*, Medonii *unus cum se*. HEINS. — Minime mutandum *cum re*; ita enim Terent. Eu-



Ipse, precor, quæras, qua sim tibi parte juvandus,  
 Quoque viam facias ad mea vota vado.

50

nuch. II, II, 9: « Ut spes nulla reli-  
 qua in te esset tibi, simul consilium  
 cum re amisisti. » Et ita alii sæpe.

Simile illud, Οὗτος δ' ἀνὴρ ἄριστος  
 ὅστις ἐλπίζειν πέποιθεν αἰεὶ, τὸ δ' ἀπο-  
 ρεῖν, ἀνδρὸς κακοῦ; Eurip. Her. fur.

## EPISTOLA XIII.

### CARO.

#### ARGUMENTUM.

Carmina sua proprio colore dignosci posse scribit a Caro, poeta eximio.  
 Getico sermone Augusti laudes sese cecinisse narrat, seque restituendum  
 ab Augusto fuisse vel ipsos Getas judicasse. Sexto tamen anno jam se  
 in exilio morari adjicit, ex quo redire ut liceat, Carus, formandis  
 Germanici filiiis præfectus, ut obtinere nitatur, petit.

O mihi non dubios inter memorande sodales,

Quique, quod es vere, Care, vocaris, ave.

Unde saluteris, color hic tibi protinus index,

Et structura mei carminis esse potest;

Non quia mirifica est, sed quod nec publica certe;

5

1. *Memorande. Venerande* duo cum  
 primis edit. *Numerande* duo alii.

2. *Qui quod es id vere. Quique, quod*  
*es, vere* nonnulli. HEINS.

3. *Unde saluteris.* A quo salus ad  
 te mittitur, de more scribentium, in  
 principio hujus epistolæ.—*Color hic.*  
*Color* chartæ attritæ, et squalentis  
 attractantium manibus, et feren-  
 tium hanc ipsam epistolam e lon-  
 ginq̃uis regionibus. MIC.—Mallem  
 intelligere colorem carminis; qui

sensus firmatur versu 13, *mea Mu-*  
*sa ... proprio deprensa colore.*

5. *Non quia mirifica est.* Non quia  
 hæc structura est laudabilis et mira.  
 —*Sed quod nec publica certe.* Sed  
 quod certe non est talis ut dignam  
 existimem, quæ in publicum pro-  
 dire debeat. MER.—Nugatoria in-  
 terpretatio: idem enim notat, *nec*  
*publica*, quod non plebeïæ et com-  
 munis venæ, et notæ; ut Petron.  
 c. III, *sermo non publici saporis*; et

Qualis enim cunque est, non latet esse meam.  
 Ipse quoque ut chartæ titulum de fronte revellas,  
 Quod sit opus, videor dicere posse, tuum.  
 Quamlibet in multis positus noscere libellis,  
 Perque observatas inveniere notas. 10  
 Produnt auctorem vires, quas Hercule dignas  
 Novimus, atque illi, quem canis, esse pares.  
 Et mea Musa potest, proprio deprensa colore,  
 Insignis vitiis forsitan esse suis.  
 Tam mala Thersiten prohibebat forma latere, 15  
 Quam pulchra Nireus conspiciendus erat.  
 Nec te mirari, si sint vitiosa, decebit  
 Carmina, quæ faciam pæne poeta Getes.  
 Ah pudet! et Getico scripsi sermone libellum,  
 Structaque sunt nostris barbara verba modis. 20  
 Et placui, gratare mihi, cœpique poetæ  
 Inter inhumanos nomen habere Getas.  
 Materiam quæris? laudes de Cæsare dixi:

Juv. VIII, vs. 53: « Sed vatem egregium, cui non sit publica vena. »

8. *Quod sit opus, videor.* Malim *Quid sit opus videar.* H. — *Videor posse dicere.* Videor posse intelligere, qui stylum tuum et carminis structuram cognosco.

11. *Produnt auctorem vires.* Carminis tui sublimitas manifestat facile tuum scribendi genus. — *Quas Hercule dignas Novimus.* Quas cognovimus esse dignas eo viro, cuius laudes et gesta describis.

12. *Ipse pares. Esse pares rectius alii.* HEINS.

13. *Et mea Musa potest.* Sicut tu cognosceris carminis magnitudine; ita et ego possum cognosci propria qualitate carminis, obnoxii multis vitiis; vel mei luctus indicio.

16. *Quam pulchra Nireus.* Nireus Charopis filius fuit et Aglaïes, ex Syme insula ad bellum Trojanum profectus. Quem omnium pulcherrimum fuisse scribit Homerus, lib. II Iliados.

17. *Si sunt vitiosa. Si sint plerique.* HEINS.

18. *Quæ faciam pæne poeta Getes.* Quæ ego quasi poeta barbarus compono: nam lingua Getica nunc cœpi carmina componere.

19. *Getico sermone* etc. Lingua Scythica.

20. *Sunt structa.* Sunt composita. — *Nostris modis.* Numeris quibus utimur in carminibus Latinis. — *Barbara verba.* Verba Getica.

21. *Placui. Placuit et cœpit P. Dan.* sed minus bene.

Adjuta est novitas numine nostra Dei.  
 Nam patris Augusti docui mortale fuisse 25  
 Corpus; in ætherias numen abisse domos:  
 Esse parem virtute patri, qui fræna coactus  
 Sæpe recusati ceperit imperii:  
 Esse pudicarum te Vestam, Livia, matrum;  
 Ambiguum nato dignior, anne viro: 30  
 Esse duos juvenes, firma adjumenta parentis,  
 Qui dederint animi pignora certa sui.  
 Hæc ubi non patria perlegi scripta Camœna,  
 Venit et ad digitos ultima charta meos;  
 Et caput, et plenas omnes movere pharetras, 35  
 Et longum Getico murmur in ore fuit.

24. *Nostra novitas*. Nostrum novum scribendi genus: hoc genere sermonis. — *Numine Dei*. Numine Cæsaris Augusti. MER. — *Adjuta est* etc. In hoc novo labore meo fuit mihi numen Cæsaris pro Apolline et Calliope. PONT.

25. *Patris Augusti*. Augusti Cæsaris, patris patriæ.

26. *Numen*. Animam Augusti Cæsaris defuncti.

27. *Esse parem virtute patri*. Docui etiam, virtute non inferiorem esse Tiberium patri Cæsari Augusto. — *Qui fræna rogatus*. Qui Tiberius diu summam imperii recusavit, ut docet Tranquillus. — *Fræna rogatus*. Coactus præstat cum codice Scaligeri; Suetonius de Tiberio: « Tandem quasi coactus et querens miseram et onerosam imponi sibi servitutem, recepit imperium. » Adeatur etiam Tacitus Annalium I. HEINS.

29. *Esse pudicarum te Vestam, Livia, matrum*. Hoc est, quam matronæ omnes pudicæ instar Vestæ venerentur: sic Junonem Liviam

quoque vocavit, lib. III, Eleg. 1, vs. 117. Nihil ergo hoc loco est mutandum. H. — *Matrum pudicarum*. Quemadmodum virginum Dea est Vesta, sic matronarum Dea est Livia. — *Pro te Vestam, te castam* Leid. *te exemplum* MS Bersm.

31. *Esse duos juvenes*. Germanicum scilicet Juniorem, filium Drusi privigni Augusti naturalem; et per adoptionem Tiberii quoque: et alterum, Drusum Tiberii filium naturalem. — *Firma adjumenta parentis*. Firma præsidia Tiberii patris.

33. *Hæc*. Has laudes supradictas.

34. *Venit ad meos digitos*. Meis manibus tractata est recitando: vel ubi perveni ad extremam paginam et finem.

35. *Et caput*. Quasi laudando opus illud, et adfirmando id fore causam, ut reduceretur in patriam poeta, movere et caput et pharetras: quasi per pharetras et sagittas jurarent et adfirmarent ita fore.

36. *Et longum murmur*. Et longus de hac re sermo.



Atque aliquis; scribas hæc quum de Cæsare, dixit,  
Cæsaris imperio restituendus eras.

Ille quidem dixit; sed me jam, Care, nivali

Sexta relegatum bruma sub axe videt. 40

Carmina nil prosunt: nocuerunt carmina quondam,

Primaque tam miseræ causa fuere fugæ.

At tu per studii communia fœdera sacri,

Per non vile tibi nomen amicitia;

Sic capto Latiis Germanicus hoste catenis, 45

Materiam vestris adferat ingeniis;

Sic valeant pueri, votum commune Deorum,

Quos laus formandos est tibi magna datos;

Quanta potes, præbe nostræ momenta saluti,

Quæ nisi mutato nulla futura loco est. 50

45. *Germanicus.* Germanicus Junior, filius Tiberii per adoptionem. — *Latiis catenis.* Italicis, quibus captivi ligabantur.

46. *Materiam vestris præbeat ingeniis.* Alii nostris; adferat etiam plerique; puto offerat: certe præbe mox sequitur; adferat etiam codex Scaligeri; vide notas ad Epist. XX, vers. 194. HEINS.

47. *Sic valeant pueri.* Sic sint incolumes pueri Germanici: intelligit autem Neronem, Drusum et Caium Cæsarem. — *Votum commune*

*duorum. Deorum multi veteres. Forte suorum; sic apud Virgil. Ecl. v, 34: Tu decus omne tuis.* HEINS.

48. *Quos datos formandos.* Quibus pueris tuæ disciplinæ commissis, magna laus accessit tibi.

49. *Præbe monumenta saluti. Momenta* reponere cum uno Vaticano, et sic ex conjectura Scaligeri. H. — *Momenta.* Hoc est, nostram salutem pro viribus curandam suscipe.

50. *Quæ.* Scilicet salus. — *Nisi mutato loco.* Nisi transferar in exilium mitius, et magis propinquum Italiae.

## EPISTOLA XIV.

## TUTICANO.

## ARGUMENTUM.

Exsilio locum mutare optat, non quod infesti sibi sint Tomitæ, quorum adeo mitem in se animum et beneficia memorat; sed ut saltem ab hoste tutam degere vitam sibi contingat.

**H**ÆC tibi mittuntur, quem sum modo carmine questus  
Non aptum numeris nomen habere meis.

In quibus, excepto quod adhuc utcunque valemus,  
Nil, te præterea quod juvet, invenies.

Ipsa quoque est invisā salus; suntque ultima vota, 5  
Quolibet ex istis scilicet ire locis.

Nulla mihi cura est, terra quam muter ut ista,  
Hac quia, quam video, gratior omnis erit.

In medias Syrtes, mediam mea vela Charybdin  
Mittite, præsentī dum careamus humo. 10

Styx quoque, si quid ea est, bene commutabitur Istro,  
Si quid et inferius, quam Styga, mundus habet.

4. *Nil me præterea.* Repone *Nil te* ex tribus scriptis. HEINS.

5. *Ultima vota.* Supremum desiderium meum.

6. *Scilicet. Si licet* quatuor libri.

7. *Nulla mihi cura est, terra quam mittar ab ista.* Muter editiones quædam cum quinque scriptis; neque aliter doctissimus Gronovius, Obs. lib. III, cap. 1, qui videndus: Patavin. nisi mittar. Scribe nisi muter

ut ista, vel, quam muter ut ista; nam Arondelianus quam mittar ab ista; qua mittar nonnulli, vel quoque. Forte: « Nulla prior cura est, terra quam muter ut ista. » H.

9. *In medias Syrtes. Mediam Syrtin* tres antiqui.

11. *Si quid ea est. Si quidem* Gruter. male; vide supra, P. lib. IV, 1, 17: « Da mihi, si quid ea est, hebetantem pectora Lethen. »

Gramina cultus ager, frigus minus odit hirundo,  
Proxima Marticolis quam loca Naso Getis.

Talia succensent propter mihi verba Tomitæ,  
Iraque carminibus publica mota meis.

Ergo ego cessabo nunquam per carmina lædi;  
Plectar et incauto semper ab ingenio?

Ergo ego, ne scribam, digitos incidere cunctor,  
Telaque adhuc demens, quæ nocuere, sequor?

Ad veteres scopulos iterum devertor, ad illas,  
In quibus offendit naufraga puppis, aquas.

Sed nihil admisi; nulla est mea culpa, Tomitæ,  
Quos ego, quum loca sim vestra perosus, amo.

Quilibet excutiat nostri monumenta laboris,  
Litera de vobis est mea quæsta nihil.

Frigus, et incursus omni de parte timendos,  
Et quod pulsetur murus ab hoste, queror.

In loca, non homines, verissima crimina dixi:  
Culpatis vestrum vos quoque sæpe solum.

Esset perpetuo sua quam vitabilis Ascra,  
Ausa est agricolæ Musa docere senis.

At fuerat terra genitus, qui scripsit, in illa;  
Intumuit vati nec tamen Ascra suo.

13. *Gramina.* Herbas scil. inutiles.

16. *Publica mota.* Parta unus Vatican. H. — *Ira publica.* Omnium Tomitarum indignatio.

20. *Tela quæ nocuere.* Carmina et ingenium.

21. *Divertor.* Devertor ex scriptis.

23. *Mea culpa.* Mihi culpa Vatican.

25. *Excutiat.* Inquirat. — *Nostri monumenta laboris.* Versus nostros.

26. *De vobis.* De hominibus Tomitanis.

27. *Et incursus omni de parte timendos.* Et hostilem impetum, cui

obnoxia est undique Tomitana civitas, quæ Getarum prædæ obnoxia est.

30. *Vestrum solum.* Vestram hanc regionem sterilem, et frigori ac bellis obnoxiam.

31. *Esset perpetuo sua quam vitabilis Ascra.* Versus suspectus. H. — Si quidem Hesiodus Ascræ civitatem et patriam culpavit, non tamen eorum cives succensuere.

32. *Senis agricolæ.* Senis Hesiodi, qui de agricultura scripsit.

33. *In illa terra.* In Ascræ civitate.



Quis patriam sollerte magis dilexit Ulysse? 35

Hoc tamen asperitas indice nota loci est.

Non loca, sed mores dictis vexavit amaris

Scepsius Ausonios, actaque Roma rea est.

Falsa tamen passa est æqua convicia mente,

Obfuit auctori nec fera lingua suo. 40

At malus interpret, populi mihi concitat iram,

Inque novum crimen carmina nostra vocat.

Tam felix utinam, quam pectore candidus, essem!

Exstat adhuc nemo saucius ore meo.

Adde, quod Illyrica si jam pice nigrior essem, 45

Non mordenda mihi turba fidelis erat.

Molliter a vobis mea sors excepta, Tomitæ,

Tam mites Graios indicat esse viros.

35. *Quis patriam.* Qui apud Homerum Ithacam patriam sæpe asperam sterilemque vocat.

36. *Indice dicta loci est.* Nota Excerpta Scaligeri et sex alii; rectius: soli etiam duo, quum loca versu proximo repetatur. HEINS.

37. *Non loca, sed mores dictis.* Docet Ovidius, Scepsium poetam olim taxasse vitia Romanorum, et non loca, quod magis odiosum fuit: non tamen ille ob eam causam damno aliquo adfectus fuit. Alii non poetam, sed philosophum fuisse adserunt; vide Plin. lib. XXXIV, c. 7. — *Scriptis amaris.* Carminis acerbitate, et satyrica reprehensione.

38. *Sextius Ausonios. Septius, Sepsius, Sepicus, Sepius* et similia libri veteres. Scribendum *Scepsius*, ut Scaliger etiam vidit et Bersmannus. Metrodorum Scepsium intelligit, qui *μεισρωμύτης* dictus est. HEINS. — *Actaque Roma rea est.* Et Roma ab eo accusata fuit.

40. *Auctori suo.* Ipsi Scepsio, qui

ea composuit. — *Fera lingua.* Lingua poetæ feri, tam acriter invehendo in Romanos.

41. *At malus interpret.* At ille qui male interpretatur mea carmina damnantia situm et regionem Tomitanam. — *Populi mihi concitat iram.* In odium et indignationem populi Tomitani me adducit.

42. *In novum crimen.* Non enim solitus fui unquam carmine quemquam offendere.

43. *Pice Illyrica.* Pice quæ in Illyria nascebatur; eratque nigerrima et laudatissima.

44. *Non erat mordenda mihi.* Non erat a me reprehendenda. — *Turba fidelis.* Tomitani cives, qui me amant et foveant.

45. *Molliter excepta.* Placide et benigne suscepta. — *Mea sors.* Meum infortunium et relegatio.

46. *Graios.* Hoc est, hos non esse barbaros, sed Græcos, et mores Græcorum servare, unde oriundi sunt. Illi enim Tomon condidere.

Gens mea Peligni, regioque domestica Sulmo,

Non potuit nostris lenior esse malis.

50

Quem vix incolumi cuiquam salvoque daretis,

Is datus a vobis est mihi nuper honor.

Solus adhuc ego sum vestris immunis in oris,

Exceptis, si qui munera legis habent.

Tempora sacrata mea sunt velata corona,

55

Publicus invito quam favor imposuit.

Quam grata est igitur Latonæ Delia tellus,

Erranti tutum quæ dedit una locum,

Tam mihi cara Tomis; patria quæ sede fugatis

Tempus ad hoc nobis hospita fida manet.

60

Dî modo fecissent, placidæ spem posset habere

Pacis, et a gelido longius axe foret!

49. *Gens mea Peligni.* Non potuisset me regio et patria mea lenius accipere, quam accipere Tomitæ.

50. *Potuit.* Pro potuisset positum videtur. CROF.

53. *Vestris. Geticis* unus Heinsii.

54. *Exceptis si qui munera legis habent.* Exceptis illis, qui legibus consecuti sunt immunitatem, quæ dabatur his, qui Olympia vicissent, et qui aliquod egregium facinus pro patria fecissent. Dicit ergo hic Ovidius nullis legibus, aut meritis se a Tomitanis civibus adsecutum fuisse immunitatem: quæ nemini concessa fuerat in ea urbe, nisi his.

55. *Corona sacrata.* Corona ex hedera Baccho sacra, qua poetæ elegi coronabantur.

56. *Quam publicus favor.* Quam coronam favor omnium civium Tomitanorum.

57. *Latonæ* etc. Matri Apollinis et Dianæ.—*Delia tellus.* Delos insula, quæ est in mari Ægeο, Apollinis ac Dianæ nativitate cantatissima, poe-

tarum testimonio: ubi Latona eos peperit, Pythone serpente liberata, ut fabulantur poetæ.

58. *Erranti tutum quæ.* Quum Juno Latonam gravidam cognosceret, immisso contra illam Pythone serpente, per omnem terram prosecuta est. Quæ tandem quum ad litora maris pervenisset, a sorore suscepta fuit, canente Ovidio, lib. VI Metamorph. 334: « Orantem accepit tunc quum levis insula nabat; » hoc est, Delos, quæ alio nomine *Ortygia* dicitur. — *Erranti.* De Latonæ erroribus Hymnos Homeri et Callimachi vide. — *Tutum locum.* Locum tutum ad pariendum.

59. *Tam mihi cara Tomis.* Alii *Tomos*; Combii, Farnesii, Twisdenii, et unus Medicus *Tomis*; recte: monitum notis Trist. III, El. IX, vs. 33. H. — *Tam mihi cara domus.* Tam mihi est grata sedes et domicilium quod est mihi in urbe Tomitana.

61. *Placidæ spem posset.* *Placidæ spem pacis* abunde Posset etc. Leid.

## EPISTOLA XV.

## SEXTO POMPEIO.

## ARGUMENTUM.

Profitetur poeta, se vitam Sexto ante omnes, Cæsare tamen excepto, debere; eumque precatur, ut ab imperatore, quem summâ colit pietate, impetret sibi mitius exsilium.

SI quis adhuc usquam nostri non immemor exstat,

Quidve relegatus Naso, requirit, agam:

Cæsaribus vitam, Sexto debere salutem

Me sciat: a Superis hic mihi primus erit.

Tempora nam miseræ complectar ut omnia vitæ,

A meritis hujus pars mihi nulla vacat;

Quæ numero tot sunt, quot in horto fertilis arvi

Punica sub lento cortice grana rubent;

Africa quot segetes, quot Tmolia terra racemos,

Quot Sicyon baccas, quot parit Hybla favos.

2. *Requirat agas. Requiret alii.* Lege *requirit* ex duobus: superiora id exigunt. HEINS.

3. *Cæsaribus.* Augusto defuncto, et liberis, qui etiam Cæsares dicebantur.—*Sexto debere salutem.* Cæsaribus, inquit, vitam debeo. At Sexto Pompeio salutem debet, quia opibus et favore suo illum sustentavit in Pontica regione: erat enim potentissimus.

4. *A superis.* Post Deos Cæsares.—*Hic.* Iste Sextus Pompeius.

6. *A meritis ejus.* A beneficiis ipsius Pompeii.

9. *Tmolia terra racemos.* *Gnosia* multi veteres; sed frustra: hinc *vineta Timoli* Metam. VI, 15; et XI, 86. H.—*Tmolia terra racemos.* Tmolus mons est, ut Strabo docet, Mæoniæ, quæ postea *Lydia* adpellata fuit; Virgil. Georg. I, vs. 56: « Nonne vides croceos ut Tmolus odores; » Ovid. in Metam. lib. VI, vs. 16: « Deseruere sui nymphæ *vineta* Timoli. » Quibus auctoritatibus patet etiam montem Tmolum vino ac croco abundasse.

10. *Quot Sicyon baccas.* Quot olivas Sicyon civitas fert. Fuit autem



Confiteor; testere licet; signate, Quirites:

Nil opus est legum viribus; ipse loquor.

Inter opes et me, rem parvam, pone paternas:

Pars ego sim census quantulacumque tui.

Quam tua Trinacria est, regnataque terra Philippo, 15

Quam domus Augusto continuata foro;

Quam tua, rus oculis domini, Campania, gratum,

Quæque relictæ tibi, Sexte, vel emta tenes,

Tam tuus en ego sum; cujus te munere tristi

Non potes in Ponto dicere habere nihil. 20

Atque utinam possis, et detur amicius arvum!

Sicyon oppidum Achaïæ; sic Maro, Georg. II, 519: « teritur Sicyonia bacca trapetis. »

11. *Testere licet.* Licet in testimonium adducas hæc quæ scribo. — *Signate, Quirites.* O cives Romani, subscribite vos tanquam testes ejus, quod dicam: vel sigillum vestrum imprimit, quemadmodum si testamentum aliquod signaretis.

12. *Non opus est legum viribus.* Non, inquit, est opus confugere ad legum præsidia, et litem contestari. — *Ipse loquor.* Ipse sponte confiteor hoc quod sequitur.

13. *Inter opes paternas.* Inter tuos census tibi a patre relictos. — *Et me rem parvam, pone.* Etiam me adnumerabis, licet sim res parva et modica.

15. *Regnataque terra.* Tellus regnata Moreti.

16. *Quam domus Augusto continuata foro.* Quantum etiam domus est tua, quam habes conjunctam foro Augusti Cæsaris.

17. *Quam tua, rus oculis.* Ordo est: Quam pro quantum, Campania adpositive, rus gratum oculis domini est tua. Per *Campaniam* autem intel-

ligimus rus aliquod quod habebat Pompeius in Campania: fortasse intellexit per *Trinnacriam*, rus, aut oppidum aliquod Siciliæ ejusdem Pompeii: similiter per *terram Philippi*, rus in Macedonia. — *Oculis domini.* Oculis tuis.

18. *Quæque relictæ.* Et quantum ea sunt tibi a majoribus tuis relictæ.

19. *Tam tuus* etc. Tam ego Ovidius sum numerandus in tuo ære et censu. — *Cujus te.* Cujus tui Sexti Pompeii mæsto dono: nam tuo munere et precibus vivo: quia te agente Augustus me non interfecit, sed tantum in exilium Ponticum misit. Hoc autem beneficium porta triste munus adpellat, propterea quod in re tristi et mæsta beneficium est adsecutus.

20. *Non potes.* Non potes dicere te nihil possidere in Pontica regione, quum aliquid habeas habendo me.

21. *Ut detur amicius arvum.* Et detur meliores. H. — An non præstaret etiam *amænius arvum*? nam de amicitia Getarum gloriatur Elegia præcedenti et alibi: nec inimicum fuisse potest Pompeio arvum: *mitius arvum* tres libri. BURM.

Remque tuam ponas in meliore loco!  
 Quod quoniam in Dīs est, tenta lenire precando  
 Numina, perpetua quæ pietate colis.  
 Erroris nam tu, vix est discernere, nostri 25  
 Sis argumentum majus, an auxilium.  
 Nec dubitans oro: sed flumine sæpe secundo  
 Augetur remis cursus euntis aquæ.  
 Et pudet, et metuo, semperque eademque precari;  
 Ne subeant animo tædia justa tuo. 30  
 Verum quid faciam? res immoderata cupido est:  
 Da veniam vitio, mitis amice, meo.  
 Scribere sæpe aliud cupiens delabor eodem:  
 Ipsa locum per se litera nostra rogat.  
 Seu tamen effectus habitura est gratia; seu me 35  
 Dura jubet gelido Parca sub axe mori;  
 Semper inoblita repetam tua munera mente,  
 Et mea me tellus audiet esse tuum.  
 Audiet et cælo posita est quæcunque sub illo,  
 Transit nostra feros si modo Musa Getas. 40  
 Teque meæ causam servatoremque salutis,

25. *Decernere. Discernere* multi, et recte. HEINS.

26. *Sis argumentum.* Ambiguus hic locus est, eoque difficilior quoque, et obscurior: varie enim exponi potest. Vel, ut accipiamus *argumentum* pro certo indicio ac signo, quo quid probatur et convincitur, ceu sunt quæ *πίστεως* Græcis, et *τεκμήρια* dicuntur; ut sit sententia: Dubium est, utrum majus auxilium mihi rebusque meis sis, an majus indicium, certiorque probatio ac fides erroris mei: hoc est, quod errore, non scelere peccarim. Vel rursum, ut idem nomen pro materia, et quasi quodam subjecto rei accipia-

mus, unde postea aliquid exædificatur, aut efficitur. Sive, ut planius dicam, pro opere informato ac delineato. MTC.

35. *Habitura est gratia effectus.* Favor tuus est apud Cæsarem impetraturus quod volo.

38. *Et mea me tellus.* Præ me feram, et dicam et testabor hic apud barbaros, me tuum esse, obligatum scilicet tibi meritis maximis et innumerabilibus. PONT.

39. *Audiet et cælo* etc. Ovidius hanc grati animi et benevolentiae formam imitatus est ex illis ornatioribus Virgilii locis, *Æneid.* I, 607 sqq. VII, 225 sqq.

Meque tuum libra norit et ære magis.

42. *Meque tuum libra norit et ære magis.* Minus major scriptorum pars, et editiones nonnullæ : quod Salmasio in Epistolis ad Gronovium probabatur, et ipsi Gronovio, Obs. lib. I, cap. 1. Ut sensus sit; Me tui mancipii esse norit, quamvis æs et libra mancipationi non adfuerint. Vide eum omnino de usu τοῦ minus. Twisdenius codex, *et ære datum*. De mancipatione, quæ per æs et libram fiebat, plenijurisconsultorum Commentarii : hinc Horatius, lib. II, Epist. II, vers. 158 : « Si proprium

est, quod quis libra mercatur et ære, Quædam (si credis consultis) mancipat usus. » Fuit, quum scribendum putarem : « Meque tuum libra norit, et ære tuum; » ut neglexerit posterius *tuum* geminare librarius; qui error est frequentissimus. H. — *Et ære magis* Micyllus legit, ut sit dictum ὀλιγοπρεπῶς, pro, Norit me magis tuum esse, quam si per æs ac libram emptus sim. Cæterum de emptione quæ per æs ac libram fiebat, Boethius in Topica Ciceronis meminit.

## EPISTOLA XVI.

### \* AD INVIDUM.

#### ARGUMENTUM.

Admonet in hac ultima Epistola poeta invidum, ne carmen suum laceret ostendens, se exulem esse tanquam mortuum : affirmatque solere livorem pasci tantum in vivis, post cineres vero quiescere : et hac ratione dicit eum debere non ulterius in carmen suum distringere invidiæ stimulos ac dentes; quum sint multi alii celebres poetæ, quos enumerat; docetque eos posse commodius reprehendi.

**I**NVIDE, quid laceras Nasonis carmina rapti?

Non solet ingeniis summa nocere dies.

Famaque post cineres major venit : et mihi nomen

\* Ad INVIDUM. Videtur poeta non tantum respondere voluisse invidio atque obtrectatori, quisquis is fuit, suo; sed et occasionem quæ-

sivisse, ut sui temporis poetas celebraret. Quanquam horum magna ex parte non scripta solum, sed et nomina pleraque interciderunt : adeo



Tunc quoque, quum vivis adnumerarer, erat;  
 Quum foret et Marsus, magnique Rabirius oris,  
 Iliacusque Macer, sidereusque Pedo;  
 Et, qui Junonem læsisset in Hercule, Carus,  
 Junonis si non jam gener ille foret;  
 Quique dedit Latio carmen regale Severus;  
 Et cum subtili Priscus uterque Numa;  
 Quique vel imparibus numeris, Montane, vel æquis  
 Sufficis, et gemino carmine nomen habes;  
 Et qui Penelopæ rescribere jussit Ulyssem,

ut nisi de paucis quibusdam, certi aliquid tradi haudquaquam possit. Quod in universum hic admonitum volo, ne idem infra crebrius ac sæpius repetere nobis sit necesse.

5. *Quum foret et Marsus.* Domitius Marsus, poetaclarus, exstitit Horatii ævo. — *Magnique Rabirius oris.* C. Rabirius nobilis poeta fuit, quem Fabius in eorum poetarum numero ponit, qui Epici adpellantur: et quia in ejus carmine multum animi, ac virium inerat, ideo hic Ovidius illum *magni oris* fuisse scribit.

6. *Iliacusque Macer.* Æmilius Macer Veronensis poeta fuit: scripsit bellum Trojanum, ut hic videtur innuere poeta, adpellando illum *Iliacum* ab Ilii materia, quam tractabat. — *Sidereusque Pedo.* Et divinus ac doctus ille poeta Pedo, qui scripsit epigrammata. *Mer.* — Vel verisimile est, de astris quoque scripsisse, et ideo *sidereum* nominari. Gyrالد. sic adpellatum credit, quia sublimis et altiloquus fuerit, quod mihi non placet. PONT.

7. *Et qui Junonem læsisset* etc. Carus poeta fuit doctissimus, Cæsarium præceptor, Ovidii amicus: hic Herculis gesta carmine complexus est. — *Qui læsisset Junonem in Hercu-*

*le.* Qui describendo Herculis laudes, Junonem novercam offendisset.

8. *Junonis si jam non* etc. Si non tandem Juno posita ira Heben filiam uxorem Herculi dedisset, et sic Juno socrus Herculis facta, nullam haberet causam indignationis et odii in Carum poetam, quod Herculis generi gesta decantasset.

9. *Quique dedit Latio.* Cassius Severus poeta fuit Ovidii amicus: hic scripsit Epigrammata, Elegias, et Tragædias, in quibus quoniam de regibus tractatur, ideo poeta dicit dedisse illum carmen regale Latio.

10. *Et cum subtili* etc. Duo fuerunt Prisci poetæ coætanei Ovidii; et ambo Numæ Pompilii, regis Romanorum secundi, vitam carmine scripsere. MER. — Ego hos duos Priscos ignoro; et Numam poetam, non poema, designari puto. BURM.

11. *Quique vel imparibus.* Julius Montanus poeta gratus fuit Tiberio. — *Imparibus numeris.* Versibus elegis. — *Vel æquis.* Hexametris. — *Sufficis.* Satis es.

12. *Gemino carmine.* Elego et heroico.

13. *Qui Penelopæ.* Sabinum poetam designat, qui sub Augusto floruit, et epistolis Ovidii respondit.

Errantem sævo per duo lustra mari;  
 Quique suam Træzena, imperfectumque dierum 15  
 Deseruit celeri morte Sabinus opus;  
 Ingeniique sui dictus cognomine Largus,  
 Gallica qui Phrygium duxit in arva senem;  
 Quique canit domitam Camerinus ab Hercule Trojam;  
 Quique sua nomen Phyllide Tuscus habet; 20  
 Velivolique maris vates, cui credere possis  
 Carmina cæruleos composuisse Deos;  
 Quique acies Libycas, Romanaque prælia dixit;  
 Et Marius, scripti dexter in omne genus;  
 Trinacriusque suæ Perseidos auctor; et auctor 25

— *Rescribere jussit Ulyssem.* Fecit Sabinus, ut Ulysses uxori Penelopæ rescriberet.

15. *Quique suam Træzena.* *Crozi-men*, vel *Trisam* Combii; *Trocrem*, vel *Troien* Arondel. duo *Troadem*; tres *Trezenem*; alii *Tromen*, *Troi-cem*, *Troizem*, *Timeson*, *Tumesen* etsimilia, an *Tymelen*? opinor certe nomen puellæ a Sabino decantatæ hic latere. HEINS.

27. *Largus.* An Valerius Largus accusator Galli poetæ? de quo Dion. LIII, pag. 512; et an idem sit, qui sub Claudio consul fuit; ut idem Dion. LX, pag. 671? nescio. BURM.

18. *Ducit in arva. Duxit* nonnulli. H.—*In arva Gallica.* In Galliam Cisalpinam: et in eum tractum ubi postea Antenor Patavium condidit. — *Phrygium senem.* Antenorem Trojanum.

19. *Quique canit Camerinus.* Camerinus poeta fuit Ovidii tempore, qui apud Latinos Trojanum excidium cecinit. — *Domito Camerinus ab Hectore Trojam.* Domitam multi; Polit. et tres alii, *domitam ab Hercule*; quod verum puto. HEINS.

20. *Tuscus habet.* Puto *Fuscus*, quod nomen magis Romanum: mox, *credere possis*, pro *posses* quatuor veteres. HEINS.

21. *Velivolique maris vates.* Hic de P. Terentio Varrone Attacino poeta intelligit, qui transtulit in Latinum libros quatuor Apollonii Rhodii in suum opus de Argonautis. — *Cui credere posses* etc. Magna est hujus poetæ laus; quod tam pulchre Argonautica descripsit, ut Dii ipsi marini, non poeta ille P. Terentius Varro, videantur ea carmina composuisse.

23. *Quique acies Lybicas.* Merula hunc locum de Ennio, aut Nævio accipiendum putat: cui temporum ratio repugnat. Neque enim Ovidius eos poetas commemorare voluit, qui se multo antiquiores essent, sed qui suis temporibus, eademque secum ætate vixissent.

24. *Dexter in omne genus.* *Promptus* in multis. HEINS.

25. *Trinacriusque suæ Perseidos auctor et actor.* Scripti *Tinacriusque*, *Tenacriusque*, *Tenariusque* et similia: nomen haud dubie corru-

Tantalidæ reducis Tyndaridosque Lupus;  
 Et qui Mæoniam Phæacida vertit; et una  
 Pindaricæ fidicen tu quoque, Rufe, lyræ;  
 Musaque Turrani, tragicis innixa cothurnis;  
 Et tua cum socco Musa, Melisse, levis:  
 Quum Varus Gracchusque darent fera dicta tyrannis;

30

ptum: deinde scribendum: « Perseidos auctor, et auctor Tantalidæ reducis; » ut recte nonnulli codices: de actore nugæ sunt. Lupus ille, quisquis est, poema conscripserat de reditu Menelai et Helenæ post captam Trojam. HEINS.

27. *Et qui Mæonidæ Phæacida vertit. Mæoniam Phæacida* plerique. Tuticanum autem intelligit, ad quem supra El. XII, 27: « Dignam Mæoniis Phæacida condere chartis Quum te Pierides perdocere Deæ. » H. — *Et qui Mæonidæ Phæacida vertit.* Hic Tuticanus fuit. MRC.

30. *Cum socco Musa, Melisse, levis.* Scribe *cum socco levi*: sic *gravem cothurnum* alibi dixit. Cn. Melissum togatas scripsisse testis est Scholiastes Horatii ad Artem poeticam; *Togatas scripserunt Ælius Lamia, Antonius Rufus, Cn. Melissus, Africanus, Pomponius*; qui Rufus forsitan idem cum eo quem Noster supra vocat *fidicinem Pindaricæ lyræ*. Caium Melissum vocat Suetonius, et inter grammaticos recenset, qui togatas eum edidisse etiam prodit, quas inscripserit *Trabeatas*. Laudat quoque *ineptiarum* ejus, seu *jocorum libellos*, quibus et *mimos diversi operis postea* addiderit: sic enim scribendum, quum libri veteres *animos diversi operis* exhibeant. Videntur autem *jocorum* libelli constitisse ex Apologis Æsopicis; id enim scribendi genus *jocos* vocabant: sic Phædrus

de se passim: hinc et Martialis *improbi jocos Phædri*: nec dubito quin de Melisso intelligenda sint illa apud Phædrum, lib. II, fabula ultima: « Quoniam occuparat alter ne primus forem, Ne solus esset studui, quod superfuit: Nec hæc invidia, verum est æmulatio. » Commentarium ejus de apibus laudant Plinius et Servius: meminit Melissi etiam Virgilii vitæ auctor. Cæterum quum de prænomine Melissi scriptoribus parum conveniat, et Scholiastes Horatii *Cnæum*, Suetonius *Caium* adpellet, opinor verum Melissi nomen fuisse *Caium Cilnium Melissum*: fuit enim Melissus Mæcenatis libertus, cui *Caio* prænomen, quum ex *Cilniorum* gente esset. Libertos autem prænomen ac nomen familiæ a patronis mutatos esse notius est, quam ut multis hoc loco a me adstrui debeat. HEINS.

31. *Quum Varus.* Poeta. — *Gracchusque darent fera dicta tyrannis.* Quintilius Varus fuit Cremonensis, eques Romanus, cujus meminit Horatius in Odis, et Maro, quum ait, Eclog. IX, vs. 35: « Nam neque adhuc Varo videor, nec dicere Cinna Digna. » Gracchus autem fuit poeta ejusdem temporis, qui eam tragædiam Thyestis scribebat, quam etiam Varus. Ideo subjungit, *darent fera dicta tyrannis*: hoc est, scriberent in suis tragædiis verba et jurgia Thyestis in Atreum, et contra.



Callimachi Proculus molle teneret iter ;  
 Tityrus antiquas et erat qui pasceret herbas ;  
 Aptaque venanti Gratius arma daret ;  
 Nāidas a Satyris caneret Fontanus amatas ; 35  
 Clauderet imparibus verba Capella modis.  
 Quumque forent alii , quorum mihi cuncta referre  
 Nomina longa mora est , carmina vulgus habet ;  
 Essent et juvenes , quorum quod inedita cura est ,  
 Appellandorum nil mihi juris adest ; 40  
 Te tamen in turba non ausim , Cotta , silere ,  
 Pieridum lumen , præsidiumque fori ;

32. *Callimachi Proculus*. Proculum poetam etiam celebrem commemorat , qui elegias scripsit : quemadmodum Callimachus , qui Fabii testimonio elegiæ princeps habetur. Cæterum , Proculi cognomine multæ familiæ insignitæ , ita ut , nisi nomen pateat , de eo frustra quæramus. — *Molle iter*. Lascivum scribendi genus , quia de amoribus elegias componebat.

33. *Tityrus antiquas et erat qui pasceret herbas*. Hæc nec Latina sunt , nec satis intelligo quid sibi velint. Hafniensis : « Tityrus æternos caneret qui procreet herbas. » Moreti codex : « Tityron antiquas recubasse referret ad umbras ; » ut et liber Petri Servii , nisi quod in eo *aras* : alii aliter. Moreti librum sequor , dum meliora sese offerunt. H. — *Tityrus antiquas*. Hic per *Tityrum* Maronem designat , adludens ad ejus carmen Bucolicum. — *Qui pasceret antiquas herbas*. Qui permaneret in antiquis suis prædiis cum suis capellis.

34. *Aptaque venanti Gratius arma daret*. Gratius Ovidii temporibus poeta fuit , ut ex hoc loco constat :

de venatione scripsit. Cujus carmina una cum Ovidii Halieutico e Gallia in Italiam attulit Sannazarius. Hunc autem versum ab interprete hic non intellectum , is , qui Ovidii , post Aldum seniore , vitam scripsit , optime declaravit. CIOF.

35. *Nāides Satyris caneret Fontanus amatas* etc. Alii legunt , *Nāides a Satyris* etc. quæ lectio et sensum planiorem reddit , et resolutione , sive diæresi ista , de qua prolixè Merula hic agit , nihil indiget. MICYLL. *Nāidas Satyris* , MSS. Bersm. *Foritanus* P. Dan. Nostri , *Nāidas a Satyris* , quod Burmanno et Oberlino probatum.

39. *Quorum quod inedita causa est. Musa est tres veteres* ; at unus Thuan. *inedita cura est* ; rectius : nam *Musa* mox sequitur. H.

41. *Te tamen in turba. E turba malim*. H. — Quamvis multi sint quos non audeo nominare , te tamen , o Cotta , in tanta turba non præteribo , quin nominem tanquam doctissimum et poetam et oratorem.

42. *Pieridum lumen. Nomen editi aliquot*. Hunc , et Capellam et alios ,

Maternos Cottas cui Messallasque paternos

Maxima nobilitas ingeminata dedit.

Dicere si fas est, claro mea nomine Musa,

45

Atque inter tantos, quæ legeretur, erat.

Ergo submotum patria proscindere, livor,

Desine; neu cineres sparge, cruenta, meos.

Omnia perdidimus: tantummodo vita relictæ est,

Præbeat ut sensum materiamque malis.

50

Quid juvat extinctos ferrum dimittere in artus?

Non habet in nobis jam nova plaga locum.

illacrymabili nocte pressit oblivio. Utinam hi, vel optima certe pars ad nos pervenisset! et alii inepti et inutiles libri æternis tenebris demersi mansissent! — *Præsidiumque fori*. Et tutela reorum, qui in foro versantur; quorum patrocinium suscipis et juvas tua eloquentia.

43. *Maternos Cottas*. Cottas Romanos a quibus per matrem genus

ducis.—*Messallasque paternos*. Messallas vero a patre auctores et progenitores habes.

48. *Nec cineres sparge, cruenta, meos*. Se enim mortuum, ut ab initio profitetur.

51. *Ferrum demittere. Dimittere meliores*; et præcedenti versu *malipro malis*. H. Nostros secuti sumus, qui ferunt *malis*, et *dimittere*.

DE EXSILIO

PUBLII OVIDII NASONIS,

NIC. HEINSIUS

JACOBO AUGUSTO THUANO;

PET. BURMANNUS

THEODORO A VELTHUISEN,

ET

JULIUS CÆSAR SCALIGER.



## LECTORI CANDIDO

SALUTEM.

QUUM mihi in animo esset, omnia quaecumque de Nasone nostro collegerim, tantum ad calcem totius operis expromere, illud tamen haudquaquam intempestivum duxi, Lector humanissime, si tris-  
tibus exsulantis carminibus pauca statim subjicerentur, quibus Musæ recentiores Augustum illum patriæ parentem, morum servatorem sanctissimum, vehementer insectatæ sunt. En ista habes, quæ, licet non in omni parte miranda poetico apparatu, saltem communi indignatione tibi non ingrata forsitan videbuntur.

N. E. L.

# NIC. HEINSIUS

## JACOBO AUGUSTO THUANO,

COMITI MELÆO, SENATUS PARIENSIS PRÆSIDI, REGI CHRISTIANISSIMO  
A CONSILIIS, ET EJUSDEM APUD FŒDERATOS BELGAS ORATORI.

EFFIGIES magno virtusque simillima patri,  
Cui nihil æquandum Gallia laude tulit,  
Accipe, gentis honos et spes super una Thuanæ,  
Quæ tibi Pelignus munera sistit ager;  
Munera, quæ lympha saturavit Hyantide Pæan, 5  
Nectare pavit Amor cum genetrice suo:  
In quibus eloquii pondus roburque Latini  
Certat, et Actæo blandus ab orbe lepor.  
Ingeniis quum Roma suis super æthera tendat,  
Gloria Nasoni debita prima meo est. 10  
Dissimulata quidem, vixque agnoscenda, sed artis  
Maxima vis tacitæ seque tegentis adest.  
Nec minor ingenii præsentia; limpida venæ  
Divitis ubertas, perspicuusque nitor.  
Copia, luxuriam quæ cauta coerceat omnem, 15  
Nilque, supervacuum quod videatur, amet.  
Musa satis felix nativæ munere formæ  
Negligit adscitam plena decoris opem.  
Concitatur affectus, et in altam labitur aurem  
Gratia flexanimi non imitanda soni. 20  
Ambrosiis saturos dapibus, Genioque litantes  
Crediderim Superos hac ego voce loqui.

Haud facilis mihi pugna fuit cum labe pudenda,  
Temporis allevit quam mora longa viro.  
Sic quoque pernoctis superavi tædia curæ; 25  
Successu studium nec vacat omne suo.  
Menda relegata est a tersis plurima chartis :  
Comtior Ausonium jam videt ille diem.  
Exsulis immeriti reduces tere, Roma, libellos,  
Nominis ulla super si tibi cura tui est. 30  
Ecce, Cupidineis quod saucia turba sagittis,  
Non damnaturo Cæsare, volvat opus ;  
Ipse suis posthac fidibus quod mandet Apollo ;  
Quod soror Aonio colle novena canat ;  
Degener, et nulli Cæsar laudande poetæ, 35  
Dardanus Anchisæ tune ferare nepos ?  
Tune Cytheriacæ censendus originis heres ?  
Quid tibi, quid Latio verba, eruente, dabas ?  
Hoc te mendacem scelus arguit : ipsa Dione  
Exsequias vati creditur isse suo. 40  
Ipsa viri comitata fugam pia Diva ratemque,  
Ionias spissis fletibus auxit aquas.  
Unguis in ore sedet, lacer horret in ore capillus,  
Livida rescissa pectora veste rigent.  
Hoc habitu vulnus non consolabile quondam 45  
Prodidit, invisam vix bene passa diem,  
Unica dum raptum sibi gaudia mæret amantem,  
Quem ferus obliquo dente necarat aper.  
Optavit funesta mori, doluitque cupitam  
Ad Styga præcludi triste Deabus iter. 50  
Hæc præstat tibi, Diva, tuus solatia Cæsar;  
Sanguinis auctorem sic fovet ille sui.  
Vela dedit legitque manu lugente carinæ,  
Armaque Nasoni noxia rupit Amor.



Buccina concinuit Tritonia flebile carmen ; 55  
 Nec tenuit gemitus Nereis uda suos.  
 Adnavere tui puppem delphines , Arion ;  
 Hoc quoque laturi , si modo detur , onus.  
 At te , Cæsar atrox , hominum nil vota deumque ,  
 Pectora nil Clario numine fœta movent ; 60  
 Nil quæ Mæonium facundia vincit Ulyssen ,  
 Antiochique patrem , Tyndaridosque virum.  
 Mænadas Orpheæ flexisset cæde nocentes ,  
 Bistonias cautes hoc animasset ebur.  
 Sarmata cantanti ferus assurrexit , et Ister 65  
 Quamlibet adstrictis frigore plausit aquis.  
 Cur soli tibi muta lyra est ? quid , surde , relegas  
 Auditam Boreæ Sauromatisque chelyn ?  
 Ah ! cæso minor illa tui , quam sæcula damnant ,  
 Collegæ rabies in Cicerone fuit ! 70  
 Huic caput exsecuit properata cæde satellites :  
 Vivere Nasoni quid nisi sæpe mori est ?  
 Invidiam pœnæ Rostris , scelerate , negasti ;  
 Ut Scythia jam præ te mitis et æquus eat ?  
 Quum vultus Fortuna fugax avertit amicos , 75  
 Nubila lux aliquid funere pejus habet.  
 Si qua fides veris , Busiride sævior ipso es ,  
 Qui miserum prohibes morte , necique negas.  
 In Geticam fuga jussa plagam est , ne sola ruboris  
 Roma sui testis , conscia sola foret. 80  
 Quid furis , infestum Phœbo caput ? Actia de te  
 Non hanc emeruit Leucados unda notam.  
 Nil tamen egisti : canitur tuus exsul , et ævo  
 Lumen inextinctum ( rumpere , Cæsar , ) adest.  
 Limine pro patrio spatiosum possidet orbem : 85  
 Hospitium tanto par locus ille viro est.

Ingeret hoc populis facinus pia fama notandum :

Sæcla sui causam postera vatis agent.

In te Helicon Pimpleque minax fera bella movemus :

Hinc en dicta tibi, Cæsar inique, fuga est. 90

Sacrilegum flent Musa nefas atrata Charisque :

Ipse Palatina flet miser æde Deus ;

Pectora nam nulli præsentior egit, et hausto

Largius Aoniæ fonte rigavit aquæ.

Nec duce se mystam profugum defraudat, et una 95

Visit Hyperboream non novus hospes humum.

Exsilium Nasone fuit sibi Roma negato,

Orba sui cantus, pectinis orba sui.

Mente tamen forti magnum tolerare dolorem,

Sustinet infandis et superesse malis. 100

Hei mihi ! tam duræ posituris mœnia genti

Fratribus altricem jam liquet esse lupam.

Barbara barbariæ nunc Romula turba vocetur,

Vincit inhumanos quæ feritate Getas.

Cimmerius tenebrasque suas hyememque fugari 105

Pontus inadsueto vatis ab igne stupet.

Pignora quanta sui, quantum committit alumni

Numinis Arctoo Cirrha benigna mari !

Cæsareo sese facundia fulmine major

Erigit in mediis exstimulatque malis. 110

Vim citharæ nervosque novos adversa ministrant ;

Gratiaque argutæ luctibus aucta lyræ est.

Aspera lectorem quamvis et amara querelæ

Copia delectant, et sine fine dolor.

Ingenium lacrymis nec amabile carpitur ipsis, 115

Quæque trahant animos vincula plangor habet.

Sic, instare videns jam fata, Caystrius ales

Ore cavet, tacitum ne sibi funus eat.

Tereos incesti sic crimina luget aëdon :

Tale gemit rapto Delia chorda Lino ,

120

Marte quod Euphrates Crassis exsultat iniquo ,

Bospore ; concedant Partha tropæa tuis.

Cedat et exsultans domito Germania Varo ,

Hesperia multum clade superbus ager.

Romani titulum plectri Latiaëque Thalæ

123

Pro pudor ! Euxinis imputat orbis aquis.

Scilicet incursat strepitu Fortuna protervo

Devia , Castaliis obloquiturque choris.

Nec favet ingeniis , et quicquid ab æthere ductum est ,

Deprimit imposito Diva profana pede.

130

Nilque patrocinio nisi res dignata caducas

Sordibus objectam prona tuetur humum.

Postuma mercedem sed Fama merentibus æquam

Solvit , et hæc serus damna rependit honor.

Jam collapsa solo nusquam Capitolia restant ,

135

Cassaque Tarpeium busta tulere Jovem.

135. *Jam collapsa solo nusquam Capitolia restant* etc. Hæc sententia sæpissime occurrit apud poetas , tum veteres , tum recentiores : nulli vero magnificentiori carmine expressa est , quam nostratibus M. J. CHÉNIER et LEBRUN. Sic prior :

... Tout s'éteint , les conquérans périssent ;  
Sur le front des héros les lauriers se flétrissent ;  
Des antiques cités les débris sont épars ;  
Sur des remparts détruits s'élèvent des remparts :

L'un par l'autre abattus , les empires s'écroulent ;  
Les peuples entraînés , tels que des flots qui roulent ,

Disparaissent du monde ; et les peuples nouveaux

Iront presser les rangs dans l'ombre des tombeaux.

Mais la pensée humaine est l'ame tout entière ;

Le tems ne détruit pas ce qui n'est point matière :

Le pouvoir absolu s'efforceraient en vain  
D'anéantir l'écrit né d'un souffle divin ;  
Du front de Jupiter c'est Minerve élançée.  
Survivant au pouvoir , l'immortelle pensée ,  
Reino de tous les lieux et de tous les instans ,  
Traverse l'avenir sur les ailes du Tems.  
Brisant des potentats la couronne éphémère ,  
Trois mille ans ont passé sur la cendre d'Homère ;

Et depuis trois mille ans Homère respecté ,  
Est jeune encor de gloire et d'immortalité.

ÉPIQUE A VOLTAIRE.

Sic alter de Pyramidum insanis molibus et ingenii fœtibus loquitur :

Qu'atteste leur masse insensée ?

Rien qu'un néant ambitieux :

Mais l'ouvrage de la pensée

Est immortel comme les dieux.

Le Tems a soufflé sur la cendre

Des murs , qu'aux rives du Scamandre

Cherchait l'ami d'Ephestion :



Naso tamen superest Roma latitante videndus ;

Et venit in doctas creber, ut ante, manus.

Contemptorque rogi non læsum tempore nomen ,

Ac domino rerum Cæsare majus habet.

140

Tu quoque dura minus, mea patria, vatibus esses.

Fallor ? an admonita stat tibi fronte rubor ?

Quis color excuset , quæ dedecus eluat unda ?

Sit, precor, hac fastis ne sua parte fides.

Ille tui plausus, certæque, Batavia, laudes

145

Grotius, ille lyra maximus, ille toga ;

Cui nil par meliusque dabis, nihil ante dedisti,

Actus ab austera tene parente reus ?

Nec tenet hoc se fine nefas : indigna jubentur

Tam mihi devotæ vincula ferre manus.

150

Unde novercalis labem tibi, patria, noxæ,

Heu oblita tui ! nunc pia mater ubi est ?

Mater ubi est ? ad te fugitiva revertere mater ;

Pectora si nomen ferrea mite trahit.

Ne sciat hoc infensus Iber : odiosior hoste es :

155

Cæca subis partes illius, ille tuas.

Materno elapsum vix carcere fovit, et ultro

Obtulit hospitium come cruentus Iber.

Mais quand tout meurt, peuples, monar-  
ques ,

Homère triomphe des Parques ,

Qui triomphèrent d'Illion.

Sur les ruïnes de Palmyre

Saturne a promené sa faux ;

Mais l'univers encore admire

Les Pindares et les Saphos.

L'appé de cette gloire immense ,

Le fameux vainqueur de Numance ,

Par tant de palmes ennobli ,

Voulut qu'en sa tombe honorée ,

D'Ennius l'image sacrée

Le protégéât contre l'oubli.

Cet hymne même que j'achève

Ne périra point comme vous ,

Vains palais , que le faste élève ,

Et que détruit le tems jaloux.

Vous tomberez ~~par~~ marbres , portiques ,

Vous dont les sculptures antiques

Décorent nos vastes remparts ;

Et de ces tours au front superbe ,

La Seine un jour verra sous l'herbe

Ramper tous les débris épars.

Mais tant que son onde charmée

Baignera l'empire des lis ,

De ma tardive renommée

Ses fastes seront embellis , etc.

Nobile fers nostri spoliū, gens victa, pudoris :

Maxima de salvo gloria vate tibi est.

160

Sed melius domui mox creditus ille Thuanæ ;

Qua patet adflictis jam vetus ara reis.

Exsulis hæc cepere fugam penetralia magni ;

Totque sacrum meritis detinuere caput.

Plausa, Thuane, choro Clariæ penetralia turbæ,

165

Sancta tui patris nomine, sancta tuo.

Hinc apices sibi Celta legit procuresque senatus ;

Et toga purpureos plurima jactat avos.

Incola posthabitis hæc obsidet atria Delphis ;

Posthabito Pæan has Helicone fores.

170

Huic Honor et Virtus et Fama domestica tecto est.

Mille Dei celebrant limina, mille Deæ.

Hac Themis, hac regnat de vertice nata paterno :

Hac se condiderunt aurea sæcla domo.

Nunc quoque Naso fugam meus hoc si mutet Asylo, 175

Nil fleat Augustum non patuisse larem.

---

---

# PETRUS BURMANNUS

THEODORO A VELTHUISEN,

TOPARCHÆ IN HEEMSTEDE, etc. ORDINUM TRAJECTINORUM PRÆSIDI, etc.

---

GRANDE decus Procerum, sancti pars prima senatus,  
Nec minor Aonii fautor, amorque chori;  
Si nitor eloquii, cultæque potentia linguæ,  
Pura vel ingenii vena placere potest;  
Si Venus et Charites, et Amoris blanda venustas, 5  
Si juvat Ausonio Graius in ore lepor;  
Suscipe Peligni divina poemata Vatis;  
Et subeat faciles nobilis umbra lares,  
Quæ, memor immeritæ violenti Cæsaris iræ,  
Hospitii toto quærit in orbe locum. 10  
Tendit ab Euxinis Naso tibi brachia ripis,  
Et placidos portus confugiumque petit.  
Frigoris impatiens, hirsutus ab axe Boreo,  
Ut foveas Batavo membra tepore rogat.  
Et, quam non Istri potuit glacialibus undis, 15  
Heemstedio sperat fonte levare sitim.  
Si licet has Musis sacras celebrare latebras,  
Exsilium nunquam mitius ille petat;  
Nec gravibus molles incendat questibus auras,  
Aut Latio cupiat rursus, et urbe frui. 20  
Has habitet sedes; rabidæ jam Cæsaris iræ  
Fulminei grates officiosus agat.  
Tristia nec patriæ tot carmina fundat amore,  
Lætus at Heemstedium tollat ad astra nemus.



Nos quoque, Nasoni studiosa caterva, poetæ, 25  
 Ibimus in laudes obsequiosa tuas.  
 Tu modo, quem lacrymis Cæsar precibusque negavit  
 Ferreus, auspicio des meliore locum.  
 Pande, precor, tutos, viridaria culta, recessus,  
 Et recreet longam lætior umbra fugam : 30  
 Te domus, exsulibus semper reserata, Thuani  
 Exemplo moveat, vir generose, suo.  
 Principis hic rabiem, patriæque immane novercæ  
 Dum scelus, et diri carceris antra fugit,  
 Grotius, ille lyræ decus immortale, togæque 35  
 Fama, peregrini sensit amoris opem.  
 Heinsius, ut profugis pia tecta patere poetis  
 Sensit, et hic miseris otia læta dari,  
 Colligit e Scythicis cineres Nasonis arenis,  
 Inque Thuaneos transvehit ossa lares. 40  
 Et Batavo socians Peligni ruris alumnum,  
 Fert bene composito debita justa pari:  
 Doctaque, ne premeret manes per secula crimen,  
 Mite patrocinium vox utriusque subit.  
 Sit licet inferior tanto mea musa poeta, 45  
 Carminaque e vena pauperiore fluant;  
 Tu tamen Heemstedio, quam Mæcenate Thuano,  
 Lætior, e Scythico frigore, Naso, redi.  
 Hujus ut in sacrum fueris penetrabile receptus,  
 Pars exhausta tui magna laboris erit. 50  
 Tu modo squalentes, luctus insignia, vestes  
 Pone, nec hirsutis conspiciare comis.  
 Criminis Heemstedio demet manus auspice nostra  
 Dedecus, in cineres officiosa tuos.  
 Hoc duce, dum tersis maculas mea cura libellis 55  
 Detrahit, immunda labe levatus eas.

Quæ negat ingenium, bonæ carmina causa ministret,

Armaque pro misero det mihi vate dolor.

Cæsar inhumano Busiride sævior, et qui

Innocuos lento torruit igne reos,

60

Tene patrem patriæ, servatoremque Quiritum,

Dixit adulanti Curia serva sono ?

Si pudor, Actiacas de limine dejice lauros,

Civilique truces tinge cruore fores.

Quercea, servatos cives mentita, corona

65

Terribilis dira regis ab arce cadat.

Efferet edictum postes immane tyranni,

Quo fuga Nasoni jussa cruenta fuit.

Hoc legat; et, vatem miserans, clementis adeptus,

Posteritas, famam principis unde, roget.

70

Tunc Cytherea deducis origine stirpem,

Cæsar? et Idalii frater Amoris eras ?

An pius Anchisæ generis tibi filius auctor?

Qui Veneri carum pellis ab urbe caput.

Te lupa, Martigenæ quæ præbuit ubera proli,

75

Caucasea genuit te fera matre tigris:

Romaque, te domino, septem de collibus undas

Per medium vidit sanguinis ire forum.

Cædibus ipsa Deum maduerunt templa; cruentis

Incaluit guttis Cæsaris ara patris.

80

Nec satis hoc tibi, dire, fuit: tot funera mentem

Tristia non poterant exsaturare feram.

Artibus exitium studiisque immane parabas,

Et famula doctas urbe fugare Deas.

Scilicet hæc lex est violentis una tyrannis,

85

Ingenii claros tollere dote viros.

Sic animosa parens, te proscribente, securi

Tullius eloqui colla secanda dedit;

Perque, pias lacrymas rorantia sanguine vidit  
In rostris populus consulis ora sui : 90  
Ne foret, oppressis quæ libertatis amorem  
Redderet, aut odium lingua diserta jugi.  
Secula quid jactant nobis felicia? culto  
Quis honor eloquio, te dominante, fuit?  
Principe te, vocis Facundia perdidit usum, 95  
Linguaque, quam stupuit Curia, muta fuit.  
Nec jugulare caput vocis contente solutæ,  
Aonias Latio pellis ab orbe Deas :  
Quæque Agannippeos mutarant Thybride fontes,  
Barbare, Bistonias cogis adire nives. 100  
Cæsare te, Naso, Romanæ gloria musæ,  
Jam discit scythice sarmaticeque loqui :  
Quæque prius gentem rapiebant culta togatam  
Carmina, naturæ luxuriantis opes,  
Devovet, et, patriæ perdens commercia vocis, 105  
Braccatis recitat semilatina Getis.  
Ferreus ingenium fregisti nobile, quo non  
Cultius in Latio fertiliusve fuit.  
Nec pudet hanc tristi causam prætere pœnæ,  
Carmina quod teneris luserit ante modis? 110  
Cur, tibi qui toties vitam moresque probavit,  
Projicitur, nullo crimine notus eques?  
Curque, nihil juveni quæ carmina læta nocebant,  
Exsilium misero triste dedere seni?  
Cur agis in sanctum, veteris sub imagine culpæ, 115  
Terribili fulmen sævus ab arce caput;  
Nec scelus objicitur, nec lex temerata; sed error,  
Atque oculos probris inseruisse tuis.  
Quod tua, vel stirpis spectarit crimina vestræ,  
Plectitur; o pœnæ causa pudenda feræ! 120



Res caret exemplo : sub diris triste tyrannis  
 Exitium paucis lingua proterva dedit.  
 Huic animi nocuit truculentia ; concidit alter,  
 Qui pia pro raptis legibus arma tulit.  
 Sed nova post homines , oculos habuisse nocentes , 125  
 Principe te , natos culpa reperta fuit.  
 Crimine perpetua damnatus nocte vacasset ,  
 Et patria cæcus non caruisset humo.  
 Tutus adulterium potuisses , luminis expers ,  
 Furtaque lascivæ , Naso , docere Deæ : 130  
 Nec censura tibi casti metuenda fuisset  
 Cæsaris , exemplo qui favet ipse suo ,  
 Et qui legitimos temerare libidine lectos  
 Flagitium nunquam credidit esse viris.  
 Livia testetur , prægnans abducta marito , 135  
 Ederet ut fœtum patris in æde sui.  
 Te Tertulla , gravi lassatum pondere rerum ;  
 Te tenero fovit Salvia mœcha sinu ;  
 Mox Rufilla salax lascivis implicat ulnis ;  
 Forma Terentillæ mox speciosa trahit ; 140  
 Et gremio detracta placet de consulis uxor ,  
 Quæque redux Veneris signa recentis habet.  
 Verum ubi consuetæ faciunt fastidia formæ ,  
 Nec satis hæc mœcho , nec satis illa placent :  
 Corpora mangones conquirere pulchra jubentur , 145  
 Quæ posita spectet veste superbus herus.  
 Ludere furta Deûm dubitat neque falsus Apollo ,  
 Numina dum bis sex Mallia sola videt.  
 Principe sic agitur puro censura : poetis  
 Nil opus est , juvenes , qui male stupra docent. 150  
 Naso , quid obscænas tam castis auribus artes ,  
 Et quereris molles displicuisse modos ?

Cur opus adfectas, quod legum tetricus auctor  
Vindicat, ut populo consulat ipse suo.  
Regis ab exemplo præcepta salubria pubes 155  
Romula, cumque nuru mater honesta petat.  
Exsulet in Scythico Romanus litore vates,  
Cedat adulterii doctor ab urbe pia.  
Non bene ab ignaro discantur stupra poeta,  
Qui, quia non novit, furta docere nequit. 160  
Legis Iuleæ Cæsar sine crimine vindex,  
Aptior ad Veneris gaudia doctor erit.  
Non docet ille rudes custodem fallere matres,  
Aut vigilis curam decipere arte viri.  
Non hic blanditiis, non expugnare puellas 165  
Munere, non doctis sollicitare modis;  
Sed rapere e gremiis nuptas confessus adulter  
Imperat, et coram jungere membra viro.  
Pellicibus replet lasciva palatia Cæsar,  
Turpia quas cogunt regia jussa pati. 170  
Tarquinii proles cur hæc non tempora vidit,  
Romanas licuit quîs temerare nurus?  
Tuta sub Augusto lascivia tanta fuisset,  
Nec patrias natus præcipitasset opes.  
Lentus adulterium, tu Collatine, videres, 175  
Et veniam sceleri, Brute quiete, dares.  
Nulla sub hoc dubium faciet Lucretia regnum,  
Raptaque servares sceptrâ, superbe, manu.  
Moribus his, demens, artes componis amandi,  
Naso, parum secli gnare poeta tui. 180  
Quis stupor hic, nulli non cognita tradere chartis?  
Peccat ad exemplum cerea turba ducis.  
Quis media de plebe puer, quæ virgo, vel uxor,  
Quæ rudis, Augusto regna tenente, fuit?

- Innocuos quid, stulte, jocos; securaque credis 185  
Carmina, nec capiti perniciosa tuo?  
Læta verecundæ quid speras otia vitæ,  
Liberius quamvis Musa jocata foret?  
Falleris, o Naso: turpis sub principe vita  
Tuta; sed ingenium, lingua, stilusque nocent. 190  
Arripit in crimen, quidquid vult, sæpe tyrannus,  
Et speciem justî vindicis inde petit.  
Nec bona jurato sub judice quæritur unquam  
Causa, nec arbitrium mite senatus agit.  
Nutrit adulator commoti principis iras, 195  
Incitat et sæva pectus agitque face.  
Adjicit insano furiosa calumnia vires,  
Pœnaque vix noto crimine certa sedet.  
Invehitur diris mox tristis epistola verbis,  
Quæ patriis miserum cogit abire focis. 200  
Hæc studiis merces, teneri præceptor Amoris,  
Est data, nec potuit Musa vetare, tuis.  
Ferreus, ingenio qui te juveniliter usum,  
In Scythiam censet promeruisse fugam.  
Mitius exsilium sed ne propiusque daretur, 205  
Principe lenito, culpa, poeta, tua est.  
Turpiter abjecta blandiri mente tyranno,  
Et dominum placida flectere voce ferum;  
Errorem, culpamque, et non admissa fateri  
Crimina, nec firmo pectore fata pati; 210  
Dedecorat vatem, patriam qui fortibus esse,  
Sub liquido, docuit, qua patet axe, solum.  
Versus ab ingenuis famulas deformis ad artes,  
Infami maculas facta priora nota.  
Nec tam Pierius Scythico sub sidere fervor, 215  
Carminis aut abiit spiritus ille sacri.



Libera quam, miseris quæ dat nova robora, virtus

Excidit, et mentis facta ruina bonæ!

Tristia, quîs læsum tentasti frangere numen,

Carmina servilis pignora mentis habent.

320

Quæ licet ingenio lætis vix cedere constet,

Nemo tamen turpi labe carere negat.

ed veniam misero facilis concede poetæ

Lector, inhumani Cæsaris usque memor.

Hunc, Getica voluit tellure quod ossa recondi

325

Exsulis, invidiæ pondera justa premant:

Et quoties Latio meminit Nasonis ademti

Posteritas, duras commiserata vices,

Quo patriam et leges Augustus pressit avitas,

Devoveat famuli pondus herile jugi.

230

---

CARMEN  
JULII CÆSARIS SCALIGERI  
DE  
P. OVIDII NASONIS  
EXSILIO.

(Loquitur ipse Ovidius ad Augustum.)

A me utinam inciperes ferus esse, cruento ; nec atras  
Per cædes faceres ad mea fata gradum.

Si mea te movit tetricum lasciva juvenus,

Te juvenem damnas perditus : exsul abi.

Impia flagitiis squalent penetralia diris :

5

Damnati superant nomina fœda rei.

Non te divinum ingenium, non candida tangunt

Pectora, non Clario lingua secunda Deo.

Lactea mollivit veteres mea vena poetas ;

Et rerum docuit pondera certa novos.

10

Quum te laudarem, tunc sum mentitus : ob unum hoc

Exsilii fuerat debita pœna mihi.

---

---

# VOLUMINIS SEPTIMI

## INDEX SPECIALIS.

---

### PUBLII OVIDII NASONIS

#### TRISTIUM LIBER PRIMUS.

|                   | Pag. |
|-------------------|------|
| ELEGIA PRIMA..... | 1    |
| —— SECUNDA.....   | 11   |
| —— TERTIA.....    | 19   |
| —— QUARTA.....    | 26   |
| —— QUINTA.....    | 28   |
| —— SEXTA.....     | 33   |
| —— SEPTIMA.....   | 36   |
| —— OCTAVA.....    | 39   |
| —— NONA.....      | 42   |
| —— DECIMA.....    | 47   |
| —— UNDECIMA.....  | 53   |

#### LIBER SECUNDUS.

|                   |    |
|-------------------|----|
| ELEGIA UNICA..... | 57 |
|-------------------|----|

#### LIBER TERTIUS.

|                   |     |
|-------------------|-----|
| ELEGIA PRIMA..... | 97  |
| —— SECUNDA.....   | 103 |
| —— TERTIA.....    | 105 |
| —— QUARTA.....    | 111 |
| —— QUINTA.....    | 116 |
| —— SEXTA.....     | 120 |
| —— SEPTIMA.....   | 123 |
| —— OCTAVA.....    | 126 |



|                            | Pag. |
|----------------------------|------|
| ELEGIA NONA . . . . .      | 129  |
| —— DECIMA . . . . .        | 132  |
| —— UNDECIMA . . . . .      | 136  |
| —— DUODECIMA . . . . .     | 141  |
| —— DECIMA-TERTIA . . . . . | 146  |
| —— DECIMA-QUARTA . . . . . | 148  |

## LIBER QUARTUS.

|                        |     |
|------------------------|-----|
| ELEGIA PRIMA . . . . . | 151 |
| —— SECUNDA . . . . .   | 159 |
| —— TERTIA . . . . .    | 165 |
| —— QUARTA . . . . .    | 171 |
| —— QUINTA . . . . .    | 177 |
| —— SEXTA . . . . .     | 179 |
| —— SEPTIMA . . . . .   | 183 |
| —— OCTAVA . . . . .    | 185 |
| —— NONA . . . . .      | 188 |
| —— DECIMA . . . . .    | 190 |

## LIBER QUINTUS.

|                            |     |
|----------------------------|-----|
| ELEGIA PRIMA . . . . .     | 199 |
| —— SECUNDA . . . . .       | 205 |
| —— TERTIA . . . . .        | 210 |
| —— QUARTA . . . . .        | 214 |
| —— QUINTA . . . . .        | 217 |
| —— SEXTA . . . . .         | 221 |
| —— SEPTIMA . . . . .       | 224 |
| —— OCTAVA . . . . .        | 229 |
| —— NONA . . . . .          | 231 |
| —— DECIMA . . . . .        | 234 |
| —— UNDECIMA . . . . .      | 237 |
| —— DUODECIMA . . . . .     | 239 |
| —— DECIMA-TERTIA . . . . . | 243 |
| —— DECIMA-QUARTA . . . . . | 245 |

## EPISTOLARUM EX PONTO

## LIBER PRIMUS.

|                                | Pag. |
|--------------------------------|------|
| HEINSII præfatiuncula. . . . . | 250  |
| EPISTOLA PRIMA. . . . .        | 251  |
| —— SECUNDA. . . . .            | 258  |
| —— TERTIA. . . . .             | 269  |
| —— QUARTA. . . . .             | 276  |
| —— QUINTA. . . . .             | 280  |
| —— SEXTA. . . . .              | 286  |
| —— SEPTIMA. . . . .            | 290  |
| —— OCTAVA. . . . .             | 295  |
| —— NONA. . . . .               | 301  |
| —— DECIMA. . . . .             | 305  |

## LIBER SECUNDUS.

|                         |     |
|-------------------------|-----|
| EPISTOLA PRIMA. . . . . | 309 |
| —— SECUNDA. . . . .     | 315 |
| —— TERTIA. . . . .      | 326 |
| —— QUARTA. . . . .      | 333 |
| —— QUINTA. . . . .      | 336 |
| —— SEXTA. . . . .       | 342 |
| —— SEPTIMA. . . . .     | 345 |
| —— OCTAVA. . . . .      | 350 |
| —— NONA. . . . .        | 355 |
| —— DECIMA. . . . .      | 363 |
| —— UNDECIMA. . . . .    | 367 |

## LIBER TERTIUS.

|                         |     |
|-------------------------|-----|
| EPISTOLA PRIMA. . . . . | 369 |
| —— SECUNDA. . . . .     | 381 |
| —— TERTIA. . . . .      | 388 |
| —— QUARTA. . . . .      | 395 |
| —— QUINTA. . . . .      | 402 |

|                          | Pag. |
|--------------------------|------|
| EPISTOLA SEXTA . . . . . | 406  |
| ——— SEPTIMA . . . . .    | 409  |
| ——— OCTAVA . . . . .     | 412  |
| ——— NONA . . . . .       | 413  |

## LIBER QUARTUS.

|                             |     |
|-----------------------------|-----|
| EPISTOLA PRIMA . . . . .    | 417 |
| ——— SECUNDA . . . . .       | 420 |
| ——— TERTIA . . . . .        | 423 |
| ——— QUARTA . . . . .        | 427 |
| ——— QUINTA . . . . .        | 430 |
| ——— SEXTA . . . . .         | 434 |
| ——— SEPTIMA . . . . .       | 437 |
| ——— OCTAVA . . . . .        | 441 |
| ——— NONA . . . . .          | 446 |
| ——— DECIMA . . . . .        | 454 |
| ——— UNDECIMA . . . . .      | 461 |
| ——— DUODECIMA . . . . .     | 463 |
| ——— DECIMA-TERTIA . . . . . | 466 |
| ——— DECIMA-QUARTA . . . . . | 470 |
| ——— DECIMA-QUINTA . . . . . | 474 |
| ——— DECIMA-SEXTA . . . . .  | 477 |

## DE P. OVIDII NASONIS EXSILIO.

|                                                  |     |
|--------------------------------------------------|-----|
| NIC. HEINSIUS Jacobo Augusto Thuano . . . . .    | 485 |
| PETRUS BURMANNUS Theodoro a Velthuisen . . . . . | 492 |
| JULII CÆSARIS SCALIGERI carmen . . . . .         | 500 |













LL

O. 965Am

Ovid

20277

[Quae extant omnia opera]; ex recens.  
Heinsio-Burmanniana; ed. Amar, [Lemaire, et  
Boissonade]. Vol. 7.

UNIVERSITY OF TORONTO  
LIBRARY

Do not  
remove  
the card  
from this  
Pocket.

Acme Library Card Pocket

Under Pat. "Ref. Index File."

Made by LIBRARY BUREAU



